


Deuxu Rybe
Tyyriti



New Testament in Karajá (BR:kpj:Karajá)

Deuxu Rybe Tyyriti

New Testament in Karajá (BR:kpj:Karajá)

copyright © 2011 Wycliffe Bible Translators, Inc.

Language: Karajá

Translation by: Wycliffe Bible Translators, Inc.

Karajá [kpj], Brazil

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Karajá

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 18 Apr 2025 from source files dated 29 Jan 2022
55ce0bcd-101e-52a3-984e-847027efe150

Contents

MATEU	1
MARKU	40
LUKA	61
JOAÕ	98
AÕHEBO ROTÏÏNYRE	126
ROMA-Õ	164
1 ORITXI-Õ	181
2 ORITXI-Õ	196
ALATXIA-Õ	206
EFESU-Õ	211
FILIPÍ-Õ	216
ÕLÕSÕ-Õ	220
1 TESALONIA-Õ	224
2 TESALONIA-Õ	227
1 TXIMÕTXI-Õ	229
2 TXIMÕTXI-Õ	233
TXITU-Õ	236
FILEMO-Õ	238
HEBREU-Õ	239
Txiau	251
1 PEDRO	255
2 PEDRO	259
1 JUAÕ	262
2 JOAÕ	266
3 JUAÕ	267
JUDAS	268
APOCALIPSE	270

Mateu **Deuxu Rybe Wihikỹ Tỹmyra, Mateu Tyyritidỹđu**

¹ Kaheka Jesuisi Kristu labiehekỹ rare. Juhuu tahe Abraõ heka Davi labiehekỹ rare. Iribi tahe Davi heka Jesuisi Kristu labiehekỹ rare.

² Ibutumy ilabiebohonimy arelyykre. Juhuu tybynimy arelyykre idi iriðrenimy: Abraõ, Ijai, Ijaò,

³ Juda, Peresi, (Peresi seriðre tahe Zera inire. Isereny tahe Tamara inire.) Esraõ,

⁴ Araõ, Aminadabe, Nasaõ, Salmaõ,

⁵ Boasi, (Raabe, Boasise rare.) Obede, Rute, Ijese, Kie.

⁶ Davi hãwyy heka Uria hãwyy juhUU raremyhỹ. Iribi Davi-wana roire. Salomaõ iriðre rare. Tii heka Roaboã tyby rare.

⁷ Idi Abia reare.

⁸ Idi Asa, Josafa, Joraõ,

⁹ Uzia, Jõtaõ, Aka, Ezekia,

¹⁰ Ezekia, Manase, Amo,

¹¹ Josia, Jekonia, taseriðre-wana.

¹² Babilonia-ribi rohonyreu tahe tiiboho reare, Jekonia riðre wahe: Salatieli (Tii Babilonia-ki reare.) Zorobabe,

¹³ Abiude, Eliaki, Azo,

¹⁴ Sadõki, Aki, Eliude,

¹⁵ Eliaza, Matỹ, Ijaò,

¹⁶ Ijaò tahe Jyje tyby rare, Jyje tahe Marie hãbu. Jesuisi tahe Kristu Deuxu deòdỹyna rare.

¹⁷ Kia labiehekỹ sõwe tahe 14my rare, Abraõ-ribi Davi-ò wahe. Tule labieboho 14my rasõwerenyre Davi-ribi Babilonia hãwã-ò ridyreny ixideewimy aõkõ rõte-ò. Ixyby 14my rasõwerenyre. Iribi tahe Jesuisi reare.

¹⁸ Kawese heka Jesuisi Kristu reare. Juhuu Marie Jyje-wana roikremy rare. Tii ijadõmaule tahe Deuxu Tyytybytyhy ribòtõnyre.

¹⁹ Jyje hãbu õbiti rare. Tai tahe riixãwididỹnykemy rõhõtinyre. Kia õmo-ò rarybeõlere tuu.

²⁰ Kiau yju tamy rarybere tarasina-ki: –Jyje, Davi riðre riðre. Ahãwyy, Marie, biteõnyõke. Tuu bexihãwyyenyre. Iriðre dori Deuxu Tyytybytyhy riðre rare.

²¹ Jesuisimy raninykre. Kiani tahe irybereny rare: tarasadu. Ibutumy iny dori iðaruna-ribi ritakre.

²² Iwese Deuxu rybe ihetxiu rarybere wese tahe tii wiji riwinyre. Kia wese ihetxiu rybe rare:

²³ –Ijadõma rabòtõnykre. Iriðreni heka Emanueli rarekre.

Kiani tahe irybe-ki kia rare:

Deuxu iny-wana ratxireri.

²⁴ Iribi tahe Jyje dexixade tarasina-ribi. Iwese Inynyrỹreny tuu tamy rarybere wesemy heka tii riwinyre. Tii-wana ratxiðre. Tii aõhe risỹnyõre.

²⁵ Uladu reare xiery tii aõhe rira. Tamy nið riwahinyre, Jesuisi wahe.

2

¹ Belẽ hãwã-ki Jesuisi reare, Judeia bedeki wahe. Iòlò Herodi iòlõmy raremyhỹ. Iu reareu, Hãbu Erytyhy mahãdu taina tỹmyramy robirenyre. Tai tahe iòlò mahãduò doidenyde biura-ribi Jerusalẽ hãwã-ò.

² Tiiboho rỹraxirenyre: –Iule judeu mahãdu iòlò aõbo kaki reare. Jiarỹboho itainamy rabirenyre tahe nadoidenyde riwowdyndyrenykemy. Kaiboho teerytenyte aõbo titxibo ratxireri?

³ Tahe inyõ Herodiko relyyrenyre. Herodi kia roholareu sõwemy riòtiinyre. Tule ibutumy Jerusalẽ hãwã mahãdu riòtiinyrenyre.

⁴ Tahe Herodi ibutumy dinodu mahãdu ributunyre: Xiwena wahidỹđu dinodu, bede ywina tyyriti erydu mahãdu tule. Tahe tamyreny rỹraxire: –Titxibo Kristu reakemy tyyriti-ki ròritidỹmy roire?

⁵ Tiiboho tamy rarybere: –Judeia bedeki, Belẽ hãwã-ki wahe. Kia tahe ihetxiu rybedu riritinyre.

⁶ –Kai Belẽ hãwã mahãdu. Judeia bedeki hãwãõ. Kai hãwã yja iny rõhõtinyre. Tahe inatyhy aõkõ rare. Kai hãwã nihikỹre. Aribi dori dinoduò rõhõnykre. Wamahãdu iòlõmy ronykre. Iðinodumy rarekre, judeu mahãdu dinodu wahe.

⁷ Tahe Herodi heka biura mahādu ributunyre ibutumy iny-ribi wasimy. Tamy rŷŷraxire: —Tiutxubo taina rōhōnyre? Tahe rirawōnyre.

⁸ Tamyreny rarybere: —Kaiboho boibenyke Belē hāwā-ò. Idi tahe uladu-ki mahabenykre. Iu wadee manarybebedenykre. Jiarŷ tule tamy arakre ariwowydynykremy.

⁹ Biura Hābu Erytyhy mahādu roholarenyre. Tahe roirenyre. Ryki ixityre tainamy robirenyre. Uladu tyrehekŷle ritoosōnyre.

¹⁰ Iu tahe sōwemy reysarenyre.

¹¹ Heto-ò rehemynyre. Tahe ralorenyre. Uladu rare Marie-wana. Tahe tatiowotimy reserenyre riwowydynykemy. Isaureny riraynyre tamy riwahinykremy: womati tŷŷrŷhŷkŷ, hee aderōna, aderōnatyhy wana.

¹² Idi tahe Biura Hābu Erytyhy mahādu rarasinyre. Deuxu tamy rarybere: —Kaiboho Herodi-ò bōðsebenyōke. Tai tahe rywixira-di tasubedereny-ò rōðserenyre.

¹³ Biura mahādu tahe rōireny rahudi tahe Inynyrŷ ŷju nade Jyje-ò rybemy, irasina-ki tamy rarybere: —Ariòre, ise-wana bidyke Egito bede-ò. Herodi dori uladu rubudŷŷmy ratxireri. Adee tiu ararybekreule kaò bōððoseke.

¹⁴ Tai Jyjeboho rummy rahenyrenyre Egito bede-ò.

¹⁵ Herodi rubusŷtybymy tahe bōðsedenyde. Tii riwinyre iwese ihetxiu tyyriti rarybere wese, Deuxu rybedu rybe wahe: —Wariòre Egito bede-ribi nadidyde.

¹⁶ Herodi reburere. Biura Hābu Erytyhy mahādu dori tii riitxenanyre. Tai ibutumy uladu rirubunyre Belē hāwā-ki, tule ijò iòhò hāwā-ki. Ibutumy howŷtòdu rirubunyre inataò beòra ijòdikaki tahe rirubunyòre. Tai Jesuisi rirubunykemy risŷnyre, iwese tii rareu Biura Hābu Erytyhy mahādu tamy rarybere.

¹⁷ Kiamy ta rŷire iwese Deuxu rybedu rarybere wese, Jeremia wahe:

¹⁸ —Rama hāwā-ribi ibru-ò iny roholamyhŷre. Rakeli rare. Tii robumyhŷre. Ibutumy iriòre ituere. Tai robumyhŷre. Inyò riteysanyòtyhy iriòre rurureki.

¹⁹ Herodi tahe rurureu, Inynyrŷ ŷju heka Jyje rasina-ki tamy nade.

²⁰ Tamy rarybere: —Bōðsebenyke judeu bede-ò. Uladu ise-wana bidyke. Kia rirubunykemy risŷnymyhŷré tahe, rurure.

²¹ Tahe Jyjeboho rōirenyre judeu bede-ò.

²² Akelau tahe Herodi riòre ronyre iòlòm, tyby deròwmy. Tai kowa-ò Jyje rōirennyòre sŷmy. Rasina-ki rybeò rieryre Kalileia-ò rōirennykemy. Tai tahe rōirenyre kowa-ò.

²³ Nazare hāwā-ki rasŷnyrenyre. Kia tahe riwinyre iwese Inynyrŷ rybedu ihetxiu rarybere wese: —Nazare ludu tii rarekre.

3

¹ Kiau Judeia bederahy-ki Joaò Sebedŷŷdu heka iny-ò rarybemyhŷre:

² —Deuxu iòlòna bededŷŷnana iòhòmny ratxireri. Aòraruna-ribi biixāwibenyke, bexirāhike!

³ Joaòmny heka Isaia ihetxiu riritinyre kawese:

Inyò bederahy-ki rryreri: —Inynyrŷ dee ryòbiti biwinyke. Biywinnye ryò tamy kanakemy.

⁴ Joaò kamelo radetty ity rare. Iròduty iwereysanare. Seihikŷle bidi-wana irŷŷna rare.

⁵ Ibutumy iny tamy rōirennye irybe-ò roholakemy iòhò hāwā-ribi, Jerusalē, Judeia, Jordaò bero-ribi wahe.

⁶ Tamy òrarunamy relynyrenyre rabadewomy tamy relynyrenyre. Tai tahe Joaò heka bero Jordaò-ki tii riratysebenyre.

⁷ Fariseu mahādu, saduseu mahādu doide tamy riratysebenykemy. Kiau Joaò tamyreny rarybere: —Hemylala mahādu! Deuxu aòhòkŷmydŷŷnana-ribi mahenybenyòtyhy. Aòhe inatyhy?

⁸ Juhuu aòwiihikŷ widŷŷna biwinybeny. Tai tahe iny rierykre kaiboho aòraru-ribi inatyhmy texitutenyte.

⁹ Fariseu mahādu, kaiboho tahòtintytenyte: Abraò heka inylabiehekŷreny rare. Rikirāhòtyhy. Deuxu-ò kia aò aòkò rare. Tamy wikeki mana-ribi Deuxu heka Abraò riòkòreò riwinykre.

¹⁰ Woma tahe òwòru-ribi iòhòmny rŷira. Òwòru bederaty wiwihikŷ ihoòkeki, kedesekre. Rasòkre. Woma heka Deuxu aòhòkŷmydŷŷnana wese rare.

¹¹ Jiarŷ bedi araratisebedŷŷnyra aòraruna-ribi texitrahiteki. Jesuisi tahe Deuxu Tyytybytyhy-di rōratisebedŷŷkre heòty-wana riratysebenykre. Tii waratyre awityhmy ratxireri. Jiarŷ riwaixŷrunymy watxireri iwa ariwykeki.

¹² Tii maixòmno risykre. Maixòmno ributunyre tahyna-ò. Irŷnysi heòty-di riworonykre. Heòty itueòna heka rare.

¹³ Idi tahe Kalileia bede-ribi Jesuisi nade bero Jordaò-ò. Tii Joaò-ò nade riratysebenykremy.

¹⁴ Joaò aòkòmny rarybere: —Jiarŷ tahe aò aòkò rare. Kai biwaratysebenyke.

¹⁵ Jesuisi tahe tamy rarybere: —Deuxu deewina heka kia rare. Rikiwinykre. Tahe Joaō riratisebedŷyre.

¹⁶ Ròratisebenymy rahudi tahe Jesuisi ròtuòra. Biuwetyy rarayre Jesuisi tahe bòtòenimy robire, itxi dobehede, Deuxu Tyytybytyhy wahe. Rybeò biu-ribi narybede:

¹⁷ —Kia heka Wariòre rare. Jiary heka sòwemy tukure. Idi wadeysareri.

4

¹ Idi tahe Deuxu Tyytybytyhy heka Jesuisi ridyre bederahy-ò. Tai Satanasi riurihikemy tamy rehemynyre.

² Jesuisi heka 40 txumy, 40 rummy heka aō rirŷsŷòhyy bede idi rŷyre. Sòwemy heka rama risamy tai raremyhŷ.

³ Taile Satanasi tamy nade. Tahe iurihiximy tamy rarybere:

—Kai inatyhy Deuxu Riòre ahâte wana heka mana-di orotxumy biwitziranymy biwinykre ahinamy.

⁴ Tahe Jesuisi dirawyònyde: Deuxu Ritidŷŷna-ki kiamy roire: —Iny heka orotxudile aōkō irumy rŷirakre. Ibutumy Deuxu rybedile iny irumy rŷirakre.

⁵ Idi Satanasi heka Jesuisi ridyre Jerusalē hāwā-ò. Templo heto ratyre tahe ritidire.

⁶ Tahe tamy rarybere:

—Kai inatyhy Deuxu Riòre ahâte wana heka katyre-ribi ixi-di behukre bede-ò. Buruòtyhy heka besekeki. Deuxu taŷju kiditeònykre aramykemy. Bede-ò aōkō beseke.

Ijō tyyriti rarybere:

—Deuxu araywinykre taŷju-di. Tii ŷju kiditeònykre tebò-di ariijekemy. Awa ritòmonyòtyhy manatyre-ki.

⁷ Jesuisi rirawyònyre: —Tyyriti tule rarybere:

—Deuxu uritere biurihiòke.

⁸ Iribi Diabo heka Jesuisi ridyre hāwālòò-ò. Tamy ibutumy bede iòlòna riteòsinyre.

⁹ Tahe tamy Satanasi rarybere: —Beseke atiwotimy tahe biwawowydynykeki, adee kia ibutumy iòlòna wiwihikŷ ariwahinykre.

¹⁰ —Make Satanasi, Jesuisi rarybere: —Tyyriti rarybere:

—Deuxu-ò sohojile deàlàna, wowydyna biwahinyke. Tiile bityhynykre. Deòdu tamy sohojile mabeke.

¹¹ Satanasi tahe Jesuisi-ribi rexitare. ŷju mahādu rehemynyre iyrubudŷŷmy.

¹² Joaō òludu heka ròtenawo-ki ritidira. Kia Jesuisi roholareu, Kalileia bede-ò ròòsere.

¹³ Nazare-ribi rare Kafanaō hāwā-ki rasŷnykremy rare. Tii aho-ki iòhòre, Kalileia aho wahe. Zebulō bede, Natali bede tahe inatxi hāwā ibiòwa rare.

¹⁴ Kia tahe Isaia Tyyriti rarybere wese:

¹⁵ —Zebulō bede, Natali bede, Jordaō bero kowawe-ribi ijā-ò. Ahohokŷry-ki. Kai judeukòdu mahādu bede rare, Kalileia wahe.

¹⁶ Iny kowasŷ mahādu bede luru-ki rasŷnymyhyre. Tahe tiiboho loosònahakŷmy robirenyre. Bede lurusŷ mahādu-ki tahe Deuxu loosòna ritoosònyre.

¹⁷ Iribi tahe Jesuisi ritelenyre Deuxu rybe ritŷnykemy. Tii rarybere: —Aòraruna-ribi bexirāhike. Deuxu iòlòna bededŷŷnana dori iòhòmy ratxireri.

¹⁸ Kalileia aho ijāti-ki Jesuisi rariamy ratximyhy. Tahe inatxi waxidu seriòremy robire, Simaō Pedro, tule Andre ijòre. Rià-di utura rimymyhyreny.

¹⁹ Jesuisi tamyreny rarybere: —Bodoike wahemy. Iny wadee bimykre. Iwese araery-nanykremy bimykre.

²⁰ Aòwesele tahe tarià ririrenyre. Jesuisi-wana roirenyre.

²¹ Roirenyre tahe inatxi ijō seriòre-ki Jesuisi robire. Txiau ijōni rare. Joaō ijòre. Tiiboho Zebedeu riòre roire. Tiiboho talawo-ki ronyrenyre rià riywinyrenymy. Jesuisi tamyreny rarybere: —Wahemy bòdòike.

²² Tai tahe tybyreny ririrenyre. Jesuisi hemy ròirenyre.

²³ Ibutumy Kalileia bedey-ki Jesuisi rariamyhyre. Tii judeu dohodŷŷna heto-ki rarybe-myhyre. Deuxu iòlònamy ritŷnynymyhyre, Rybe Wihiŷ Tŷmyra wahe. Sòwemy webinadu mahādu riteytenyre.

²⁴ Jesuisimy iny relyyre ibutumy hāwā hāwā-ki Siria bede ibutumy. Tai tahe sòwemy webinadu mahādu didydenyde tamy, iny tyytybybina-di, iny iumy imyremyrehekŷ wahe. Jesuisi ibutumy iny riteytenyre.

²⁵ Iny sòwehekŷ riheludunyre, Kalileia bede-ribi, Debòwiò hāwā-ribi, Jerusalē-ribi, Judeia bede-ribi, tule Jordaō bero kowa-ribi.

5

1-2 Jesuisi inymy sōwemy robireu, raðwònyre hāwālò ratya-ò, Ierydŷŷna mahādu tamy doidenyde. Taile rierynadŷŷnymy ronymyhŷre.

3 Deuxuko-ki iny ibinamy rŷimyhŷre. Kia iny tuu rexierymyhŷre, teysatyhy rare. Tii deysana sōwemy tai ratximyhŷre, Deuxu Iòlòna heka ihòròrenymy rarekre.

4 Robumy rŷirakeki teysamy heka rŷirakre. Ibedewona wiòhedŷŷna rybe-di heka tamy kanakre.

5 Kia inytyhy-di widee ratxireri, tii heka teysahymy ratximyhŷre. Ibutumy heka iny ihòròlehekŷle rŷirakre. Bede bede heka ihòròmy rarekre teysamy rarekre.

6 Inyò-ò òbitinamy lobiximy rurukeki tahe teysamy rarekre. Deuxu tamy òbitina ri-wahinykre.

7 Inyò ruxetòena-di ratxireri. Deuxu heka tamy ruxetòena-di rarekre.

8 Inyò irayky òbitimy ratxikeki tii heka teysamy rarekre. Tii dori Deuxumy robikre.

9 Inyò ywina-di wiwana rŷirake teysamy rarekre. Ywinaò-di rarekré, teysamy rarekre. Tii dori rarinkre: Deuxu riòremy.

10 Inyò aòhòkŷmy dŷŷnana reuròkeki, tii dori òbitimy rurukeki, tii tulesŷ teysamy rarekre. Deuxu Iòlòna dori ihòròmy rarekre.

11-12 Inyò umyreny relyykeki uritere hekŷle. Ruirybe-di umyreny relyykeki, aòhòkŷmydŷŷnana adee riwahinykre wana, tai tahe beysakre. Awimy mohòtinkyre. Kai dori biu-ò mahenykre. Tai tahe beysakre kai awimy nohòtykre. Uritere nohòti rosarenyòmy. Kia wese tule Deuxu rybemy rybedu aòhòkŷmy rotŷŷnyre.

13 Kaiboho heka saawesemy atximahātenyde, jyyra wesemy wahe bede mahādu iny-ò, kai dori kiamy bede mahādu tewiòhenanyde. Auri tahe urihimyo biònonykeki tahe auri-hixina heka urihimyoleme releke. Kaa jyyra urile idi adehu rŷikre iny ityre rariakremy. Awiòhedŷŷna biònonykeki tahe aōma aòkò beleke.

14-15 Kai loosòna wesemy atximahāte kabede mahādu iny-ò. Hāwāò hāwālò ratyy-ki roikeki, tiu heka rexiwòðtyhy itŷnyhy roimyhŷke. Loosònaò iny ritoosònykeki, tule heka tiu heka hyna rawoò-ki riòðtyhy roosòmy. Aōma roosònanymyhŷre ibutu heto jurajuramy heka ibutu ritxuxanymyhŷre. Aōma tamana-ki rŷimyhŷreki wahe.

16 Kaiboho tule amahādureny awiwihikŷmy robikeki tahe Deuxu-ò wowydyna ri-wahinykre.

17 Jiarŷ heka anaòde bede ywina tuededŷŷmy. Anade aò Deuxu dee rybedu tuededŷŷmy aòkò heka anade. Anade ibutumy aōmybo rarybere widŷŷmy. Timybo rarybere wese heka ibutumy tuu rotŷŷnymy rarekre.

18 Inathymy adereeny ararybekre bede ywina tyyritiy-ribi tiu ijò iðòtyhy ijò sohoji ritiwedena yreò reseòhykre. Ibutumy roikre aòhebo rotŷŷnymyhŷreò bede konanako-txi.

19 Inyò tòhòti urihimyo bede ywina rosakeki rexidelenymyhŷre iny ribedeernyòkemy iny ritohonyòmyhŷkemy. Hābu tahe iyjamy Deuxuko-ò rarekre, Deuxuko-txi. Inyò rity-hynymyhŷre irybe iny rybedeernymyhŷre. Tii tahe Deuxu Iòlòna-ò nihikŷmy rarekre.

20 Kaiboho aōma fariseu mahādu-ribi awityhymy ix-i-di mohòtinyinbenykeki. Tiu heka Deuxu Iòlòna-ò aròterenyòmy. Kaiboho heka awi toite aōma fariseu mahādu judeu mahādu wedu ratyre heka awi boibeke. Kia aòkòkeki tahe malòbenyòtyhy.

21 Ihetxiu bede ywina Tyyriti kawesemy rare:

—Kai inyò birubunykeki heka iòwynamy iny akanarubunyke. Kia heka bede ywina heka rare.

22 Tahe warybe urihimyo iwitxira bede ywina-ribi. Kai inyò-ò maraykynykeki. Tai tahe brebunahakŷ-ki tate. Abiòwa-ò bininikeki itxŷtemy. Tamy kai marybekeki: —Kai aōki awiòre. Tai tahe akŷnadykre heka aōma ywisidŷŷduko-ò araòwynykre. Inyò-ò kai makyaranykeki kai brebuna-ki texilòròmy tate. Kai inyò deramy mabekeki uriteremy nodu tamy marybekeki, tai brebuna-ki tate. Inyò òsŷny aradykre wisidŷŷdu mahādu-ò. Inydee ratyhymy mabeke wana aòkò raremy marybekeki, heòty kònana bede-ò make lau brebuna-ki tate. Iòhāre kai heòty bede-ò makemy.

23 Kaki aōma nieru xiwena wahidŷŷna-ò wahe tadevenymy atximahāte wana hābuò-ò.

24 Deuxu heka axiwena tewahinyòmyhŷte aōma xiwena bire-ki heka birike. Tahe biijeke aseriòre juhuu. Aōma wana biòbitinyinbenyke widee marybebenyke. Iribi tahe tamy bedehemynyke xiwena wahidŷŷna-ò wahe tadevenymy atximahāte wana hābuò-ò.

25 Aōma tai tahe iòraru-ki aòludumy relera wana. Tamy behemynyke aōma timybo tii-wana widi biywinykemy timybo adeve biòwynykemy tamy heka bitòbiny òrale heka aōma rieryke urenana. Aradyhemy aōma ywisidŷŷna ube-ò, idi ywisidŷŷna mahādu, idi soldado. Tai tahe bitòbinyke bede rierykemy.

²⁶ Inatyhy heka adee ararybekre ròtenawo-ki malòkeki. Tiu heka aòlòkòmy aõma iòwy mahumy adi ròhòtinkyre. Idi mohòtinkyre xiery heka bòhònyke.

²⁷ Juhuu ihetxiu heka kaweselemy Tyyriti-ki rarybere:

—Òtaõmy!

(Bede ywina tyyriti-ki wahe.) Kawesemy heka jiarý rebedeerynywãhãre.

²⁸ Òtamy ròhòtinkyeki hãwyy-ò retehekeki òtamy rexinohòtinkyeki. Tai heka tii òta òraru riwinymyhýre. Iwese iwitxira hãwyy-wana roireri yrubule taheka òta òraru riwinymyhýre.

²⁹ Arueò òraruna-txi araatykeki, bitake. Awityhymy biu-ki malòke kawesekile heka awire, Deuxusý-ò malòke wahe. Arue wiòmy tahe awiòmy biu-txi arue yremy heòty bede-ò make tahe ibinatyhyre.

³⁰ Tule eraò bitake iurelemy era-di make biu-txi. Aumy ibutuhukýlemy heòty bede-ò rakehãrele tahe awiòre.

³¹ Bede ywina heka kawesemy ròhònyre iny-ò juhuu wahe:

—Inyò tahãwyy ixi-ribi riteònyeki rixãwididýýnyra tamy tyyritiò riritinymyhýre.

³² Iwitxira rybe-di jiarý arukile tahe hãbu tahãwyy riartyra. Inyò uritere òta òtana òraru-ki ixi-ribi tahãwyy riteònymyhýre. Tai tahe hãwyy roimyhýre hãbu wixira hãbuò-wana. Tai tahe òta òtadumy kia hãwyy rininire. Adýýwe òraru-ò riteònyre tahãwyy riteònyre uritere òhyynaòle. Tai tahe tii adýýwe òrarunaòle heka riteònyre. Taile heka hãwyy hãbu wixiramy heka roimyhýre ahãbuò tahãwyy uritere hyynaòle riteònymyhýre mahãdu hãbu heka. Tii heka tule òtadumy relemyhýre hãwyy òta òtaduò heka roireki wahe.

³³ Juhuu heka ihetxiu kia wesemy Deuxu tamyreny kia rarybere:

—Taholatenyte kiamy Deuxu heka uritere ruiòmy atximahãbenyke Deuxu-ò biwiny-benykemy marybemy bimykeki biwinybenyke.

³⁴ Tahe jiarý heka kiamy adeereny ararybekre. Aòwidýýmy ixi-di nohòtirenýòmy ryberenyòmy iwidýýmy. Ixinohòtidýýmy ryberenyòmy ariwinykre biwawiohenanyke wana biu-ribi wawiohenanykre wana. Uritere heka tuu ryberenyòmykre kia wesemy biubrò-ki aòkò biu dori Deuxu rynana rare.

³⁵ Kiamy uritere rybeòmy bedebrò-ki aòkò aò biwinykemy aòmy mabekemy. Bede dori Deuxu idi ratximyhýre rare. Deuxu waa elehyna dori bede rare. Jerusalê hãwãbrò-ki tule aòkò, tii dori Iòlòtyhy hãwã rare.

³⁶ Tule arade-di widýýmy uritere dori rybeòmy kai dori awitxiranyòtyhy arade iura-ò ilyby-ò urile araykywydynakile tuu ratxike.

³⁷ Aõma araykywydynakile heka tuu riwitxiranykemy idi tahòtinymyhýte. Kiamy heka tarybemahãte iwidýýnany teuremy tarybemyhýte: —Kohe, kiale ariwinykre myarybeke ada aòkòre, ariwinyòtyhymy aõbo. Kiamy marybekeki iratylemy kohe, aòkòre myý aõbo. Sõwemy marybekeki tahe aõbina binahakýle heka ròhònykre.

³⁸ Ihetxiu bede ywina ròhònyre.

Inyò wixira rueò ribinadýýnyeki, iny wixira tule iwesele riwinyke. Kia widýýdu rue heka ribinadýýnyke. Rue heka wilemy raòwynyke rueòwilemy. Juhu tasý ýjuòlemy raòwynyke. Jiarý tahe rebedeerynyre kawesemy.

³⁹ Inyò aõbinamy adee riwinykeki, aò aòkò tamy biwinyke. Inyò aòsýny rihetenykeki, tule iwýò-di beake rehetenykemy.

⁴⁰ Uritere aòludu-ò ixioðwydýýòmy. Aõma ijò atyy ritakeki heka tule tamy arahana biwahinyke. Inyò sohoji urixinamy adee ixidinymy reake wana. Inatximy heka tii-wana beake.

⁴¹ Inyò ixitòedýýmy aò aribi riwykeki tamy biwahinyke tule inyò aribi aò huòtemy riwyke wana.

⁴² Abròrò itue-di tamy òkeseòmyke iwòde-ki ihuòtemy biwahinyke.

⁴³ Ihetxiu heka taholatenyte kawesemy:

—Kai heka aò hãwã ludu mahãdu luomy heka madònymyhýke.

Aòludumy aki ratxike wana tukumy atxike teramy atximahãke.

⁴⁴⁻⁴⁶ Tahe iwitxiramy ararybekre. Aòludu heka arabedeerynyke. Tukumy mabekemy inyò aòhòkýmýdýýnana rotýýnyreri wana tamy rexitòenyke. Kia wese-ki heka inytyby riòremy mabeke, Deuxu riòremy wahe. Tii dori juu riòlòdýýnymyhýre inybina tyre-ki wahe. Tule iny wiwihiký tule-ki aõma biu heka tule riteònymyhýre. Aõma iny òbitikòdu mahãdu tule-ò. Tule òbiti mahãdu tule riteònymyhýre. Aõma tukumy ahãte sohoji ratximyhýre sohojile kai itukukeki. Kia heka awi aòkò rare ibutumy òraru mahãdu heka tule riwinyremyhýre kia wese. Aõma urile rybedýý azry mahãdu, Aseriòre mahãdu.

⁴⁷ Tulesý kia aõma aòkò rare aõma tule heka judeukòdu mahãdu dori tule riwinyke, tii Deuxu rierykòre.

⁴⁸ Òbitityhymy kailboho boibeke. Aõma jiarÿ heka arabedeerynyrenyreri biu-ki inytybyreny ratximyhÿre dori òbitityhy rare.

6

¹ Wahisidÿÿna wiwihikÿ kai hãburu-ki iwahisidÿÿõmy iny-ò. Kai itxerenaõnamy biwahinymyhÿ. Aõkõkeki tiu inytybyreny-ribi bitaõtyhy aõwy awahisidÿÿna.

²⁻⁴ Kai biwahinykeu iny adee aõmybo rurumyhÿreó. Uritere ibutumy iny itxerenamy iwahidÿÿõmyhÿ. Iny-ò òbiti mahãdumy riwisÿnymyhÿre mahãdu, kia wesemy heka tii riwinymyhÿre heka. Dohodÿÿmy heto-ki tuu riwinymyhÿre kia wesemy tule ibutumy hãwãhãkÿ ruetyawetyamy tuu riwinyrerimy ihÿre. Inatyhy dori adee rarybereri: –Aõma wahisidÿÿnatyhymy heka adee rarybereri: –Wahisidÿÿnaõ ixidee ritamyhÿre. Aõbo Deuxu wahisidÿÿnaõ heka adee riwahinyõtyhy. Tai heka Deuxu wahisidÿÿnatyhy riwahinyõtyhy tamyreny. Iny-ò aõ biwahinykeki, abiõatyhy-ò belyyõke. Wasilemy tamyreny awiõhedÿÿna biwahinyke. Iny tybyreny dori ibutumy aõna aõna ròtena rieryre aõwahisidÿÿna adee kidiwahinykre.

⁵ Iwese budu mahãdu riwinymyhÿre wese uritere iwidÿÿõmyke. Kia wesemy aõkõ heka bexitõenyke. Ibuturu-ò rexitõenymyhÿre dohodÿÿna hetowo-ki heka lamamy rexitõenymyhÿre. Hãwãy-ki dori rexitõenymyhÿre ibutu itxerenakemy. Inatyhymy heka adee rarybere: –Atarasana ibutumy ritare.

⁶ Inatyhy dori ritare.
–Bexitõenykeu malõke aheto jurawo-ò. Ixi-di biijõtòbõnyke. Ierykõnamy boo ratximyhÿreõ heka bexitõenymy myike. Ibutumy heka boo aõbo wasimy iny riwinyriwinymyhÿremy robimyhÿre. Tai-ki tahe bede ywina wihikÿ heka adee kidiwahinykre.

⁷ Tule rexitõenymyhÿreu uritere irehemy idi lamaõmy uritere ixityre ixityremy tamy ixitõedÿÿõmy wiwesewesehyyle. Judeukõdu mahãdu dori kawesemy riwinymyhÿre. Kiamy heka raraykywydynanymyhÿre aõma rexitõenyre ehehekÿkeki heka roholatyhykemy rohõtinyinmyhÿrenyre uritere widÿÿõmy iwese tii riwinymyhÿre wesemy.

⁸ Inytybyreny dori rierymyhÿre aõmybo iny raraykynymyhÿré. Inyboho heka rexitõenymyhÿreu rierymyhÿre aõmybo inyboho rurumyhÿrenyre. Iny sõwemy rarybemyhÿrele aõkõ heka tii roholamyhÿre. Aõmybo iny rurumyhÿrenyre, heka bexitõenymyke. Kia wese: ⁹ Wahareny, biu-ki atximahãte. Anityhy iny ibutumy rityhinykemy idi rierykemy watxireri.

¹⁰ Aiòlõna heka wymy kanake. Iny adeewile riwinykemy iwese biu-ki relemyhÿre wese.

¹¹ Wadeereny txuõ txuõ rÿsÿna bidiwahinyke.

¹² Waõrarunareny õhõtì-ribi bitosadÿÿnyke. Iwese jiarÿ inyõ òraruna wanohõtì iribi aritosadÿÿnymyhÿre wese.

¹³ Isiratyhy urihixina-ribi heka biwayrubunye, òraruna-txi reseke lau. Aõna aõna bina-ò bidiwaijebenyke. Iòlõna, ruru, loosõna heka ahõrõhy rare. Kie.

¹⁴⁻¹⁵ –Inyõ ariixãwidinykeki iaõbina-ribi. Tule inytybyreny riwaiixãwididÿÿnyke. Deuxu iòraruna-ribi riixãwididÿÿnyke. Beinareheke wana.

¹⁶ Uritere aõsÿny bedeõtìidÿÿõmy iwese budu mahãdu rÿira wesemy. Tai heka byreõmy iny-di txuu rÿimyhÿremy widi rethemyhÿre. Wiji õhõtirenre reake. Heka raõwynyria inarehena irareny.

¹⁷ Tai narehereheu tainarehenyeteu. Atarina-di ahãtemy beake aõsÿny bisuhõke.

¹⁸ Inywitzira heka anaeryõtyhy kai tenarehemy atxiteri. Inytybyreny sohojile heka rierymyhÿre. Inyõ tuu robiõtyhy. Tii tahe ibutumy aõna aõnamy robimy wasimy rÿiramy. Iribi tahe tii araõwynyrenyke.

¹⁹ Aõna aõna butudÿÿõmy tyy, nieru, aõna aõna wiwihikÿ butudÿÿõmy kabede-ki. Txudõera dori ibutumy kabede-ki tuu riroxike aõna aõnamy. Aõma rararÿÿnyke iaõmydÿÿna ibutumy rararÿÿnyke rahuke. Iaõmydÿÿna-ò sõweõ wyremy rasinyke iaõmydÿÿna-di.

²⁰ Kaki ibutudÿÿlemy heka biu-ò bibutunye. Tai heka txudõera aõ riròõtyhy tule rararyõtyhy. Tule wasidu aõkõ rare.

²¹ Tixibo aõmydÿÿnana ratxireri iwesele taheka arayky ratximyhÿre. Biu-ki aõbo ada bede-ki aõbo. Aõma bede-ki araykywydyna ratxireri wana heka kakile taraykywydynante. Biu-ki araykywydyna ratxireri wana heka biu-ki heka arayky aõmydÿÿna butuna raykywydyna ratximyhÿre.

²² Arue heka loosõna wesemy rare. Aumy dee itÿnykeki heka aumy ibutumy loosõna-di tÿximy rarekre.

²³ Aumy ibinakeki tahe bede loro-ki matxike. Aumy bede lorohokŷ-ki ratxikeki ibinatyhymy matxike aōma butunale-di iny rōhōtinkyeki heka tiu Deuxu iny riwiōhenyōtyhy. Deōdumy heka releōtyhy.

²⁴ Inatxi wedu-ki dori inyō rityynyōtyhy. Tule heka tii roholamyhŷre ijō-ribi tahe tōhōti rosamyhŷre. Inyō Deuxu deōdumy releōtyhy tii aōna aōna butunadile rōhōtinyinmyhŷreki.

²⁵ Tai heka tiu rarybereri adeereny. Uritere nohōtiyreōmy arŷŷnamy tule atyymy, idi matykynykemy. Aumy dori rŷŷna ratyre aōnityhymy ratximyhŷre. Tule aumy tyky ratyre aōniny ratximyhŷre.

²⁶ Nawii-di inihe betehobenye. Tiiboho heka aōdōworumy aōkō rōbrōmymhŷreny. Aramyre heka aōma tarŷŷna wydymy bederahymy tarŷŷna riyrubunyōhyymyhŷre heto nihikŷ-ō. Deuxu biu-ki ratximyhŷré heka nawii riyrubunymyhŷre irŷŷna tamy riwahinyhŷre. Kaiboho tahe iratyretyhy toite, Deuxu-ki wahe.

²⁷ Sōwetyhymy maraykywydynanykeki aōbohe, arumy aōbo arirarehemy mariake. Aōkōre.

²⁸ Uritere nohōtiyreōmyke atyymy. Betehemyhŷ inihe noijasa-di. Aōma tiiboho heka raāōmsŷdŷŷōhykymyhŷre. Tai tyky wihikŷ-di rexitynyke. Tyy ixidee riwinyōtyhy. Ihāre tahe Deuxu rityynywihikŷre heka tyy wihikŷ tamy riwahinyreri.

²⁹ Salomaō heka ityknihikŷra. Ihāre tahe ityky heka awityhy aōkō rare. Noijasa heka iratyre ityky wityhyre.

³⁰ Deuxu heka noijasa ritykynymyhŷre aōma noijasa heka wijilemy idi ihŷre. Biurasōmy tahe ixāwilemy reamyhŷre, risōra. Tii heka tyky adee kidiwahinykre. Nohōtiyreōmy tahe. Tii dori adee kidiwahinykre tykyō. Aityhyana dori ibutetyhyre heka.

³¹ Tahe raykyōmy nohōtiōmy tixiribibo arŷŷna bidiwykré, atyky amona.

³² Tyhydŷŷdukōdu mahādu heka kiaōle heka ritōhōtidŷŷnymyhŷre. Inytybyreny heka rierymyhŷre aōmybo tarumahāte. Ibutumy heka araerymyhŷre aōmybo taruterimahāte.

³³ Tii Deuxu aōma dŷŷnana sohojidile. Manaykynykeki heka tii ibutumy adee riwahinykre.

³⁴ Uritere nohōtiyreōmy aōbo biurasō kia aōmdŷŷnana-ō. Rŷŷre dori sōwemy wiji biaōmsŷdŷŷnanykremy biwinykré. Iwitxiramy bidiwinykre iwitxira aōmdŷŷnanaō.

7

¹ Iny wixira wixira-di ywisidŷŷōkeki. Aywisidŷŷna wesemy heka Deuxu ruxetōena-di ywisidŷŷmy araywinykre.

² Iny teywinymahāte wesemy heka Deuxu araywinykre.

³ Kai heka ōwōru nihikŷereō arue-ki ijōdikeki, aōherekibo bederarasi sōmo-di inywixira rue-ribi bitakemy atxiteri.

⁴ Tai heka kai bobiōtyhy itarasa-ki wahe. Arue-ki dori ōwōruere ijōdireki heka bobiōtyhy. Ōwōru ere dori aōraruna sōwemy rŷŷre wesemy heka atximahāte.

⁵ Kai texibōnyteri. Aōraruna-ribi juhuu bexiōbitinykre. Idi tahe aseriōre ōraruna-ki biwiōhenanykre. Aōraruny-di rierymy idi ōbitimy betehekre iōraruna-ribi iixitarasadŷŷmy biwiōhenanykemy.

⁶ Inyō heka utura rati mana wiwihikŷ-di rehuōtyhy aōma ixŷni herina-txi. Ixŷni dori ityre rariake tahe riōnonyke adee heka kanakemy wahe. Iwese tule heka ijōrōsa-ō biwahinydŷŷōmyke. Rybewiwihikŷ hābu ōrarudutyhy-ō iwahisidŷŷōmyke.

⁷⁻⁹ Rexitōenykeki tahe bitake kia. Biekeki tahe tai mahake. Bihetenykeki heka iny adee riraynyke ijōtōbōna. Inyō heka Tyby-ō rŷŷnaōmy rexitōenykeki, mana heka tyby tamy riwahinyōtyhy.

¹⁰ Uturaōmy rexitōenykeki tahe hemylala binahakŷ tamy tiu riwahinyōtyhy.

¹¹ Kai aōna aōna wiwihikŷ biwahinyke heka teerymyhŷte auladu-ō wahe, hābu ōrarudu hārele wahe. Aōbo heka tule Deuxu inytybyreny inydeereny riwahinyke aōna aōnaō wihikŷō. Rexitōenykeki tahe tamy ariwahinyke. Inytybyreny heka tamy riwahinyke. Iwese iny wixira teyrubunymahāte wesele heka iny araywinymy ixi-di tahōtinyinmahāte wese.

¹² Tule kai aōwiwi inyō ixidee aōhebo rotŷŷnymyhŷkemy taruteri, kiaweselemy tamy botŷŷnymahāke. Kia heka Moisesi bede ywina tyriti-ki roire. Kiale Deuxumy rybedu mahādu ribedeerynyre.

¹³ Biu bede wiwihikŷ kia ryŷjōhŷtŷdile malokre. Heōty ijō bederyijō heka nihikŷ rare. Iny kia ryhykŷ irumy rakre heka isirare iny ibute kowa ralore.

¹⁴ Irumy nonona ijō tahe ihŷtŷre. Ryy heka ihŷtŷre heka ibutere iny ryhŷtŷ-di rōtedu timy bede erydŷŷkōdu-ō.

¹⁵ Bexiijebenye kia mahādu lau Deuxu rybe rybedu mahādu tyhymy aōkō lau wahe. Budoeni wese ratximyhŷre inytyhy wesemy. Tawo-ki tahe inatyhy rare ahola debore wesemy heka ratximyhŷre.

¹⁶ Teeryte wesemy ibederaty-ò betehekeki. Hede-ò heka uvamy figomy tule tiu iratyõna. Iaõmydÿÿna-ò bierybenyke tibo roiré.

¹⁷⁻¹⁸ Tii heka bierybenyke aõhebo rotÿÿnyre wana teerytenyete. Tii heka riitxenanyõtyhy kia aõma matyty matynimy heka tiu biitxenanyõtyhy. Tule betehekeki, bierybenyke aõwesele heka õwõruõ bierybenyke. Aõma bederatyõ birÿsÿkeki tiu heka bederaty wihikÿõ arÿsÿõna õwõru raty-ò, bederatybinahakÿ tule rierykre.

¹⁹ Õwõruõ bederaty wihikÿmy raratynyõkeki heka hemy raðròròke rokoke.

²⁰⁻²¹ Kia weselemy heka iny teerytenyete. Aõhebo iny rotÿÿnyke wahe. Tai tahe terytenyete heka, tetehetenyerikile wahe. Òbiti mahãdu wesemy rarybemyhÿre. Tahe òbitimy aõkõre ihÿre. Sõwemy heka iny tawedumy riwaninire. Ihãrele tahe biu-ò ralõõtyhy. Deuxu tyhydÿÿdule tahe ralokre. Ywisidÿÿnatxu heka kawesemy wadee rarybekre.

²² Sõwemy iny wahe: –Wanyrÿ, Wanyrÿ, jiarÿ hewa iny iwitxira sõwemy aijyy rarybemy rare wahe. Tule heka tytybybina reteõnymy rarewãhã. Tule deytenu wíwihikÿ heka ani-di rewinyhÿre.

²³ Tai tahe jiarÿ tamy ararybekre heka: –Kõrehe, kaiboho aõ wamahãdumy aõkõ atx-imahãte. Umy reerykõre. Waribi bexitake. Aðraruna dori sõwere.

²⁴ Kawesemy heka iny bede eryna ratximyhÿre. Warybe-ò roholamyhÿreu heka aõwesele riywinymy rityhynymyhÿre. Kia hãbu hetowidÿÿdu wesemy heka rare. Itheto heka manatyre-ki riwinyre. Tii heka ibedeery sõwemy ihÿre.

²⁵ Biu heka beõra heka rariamyhÿre. Iu tahe biu rejuxunymyhÿre, yhy rebonyre. Tahe tiu reseõtyhy manatyre-ki dori riwinyre.

²⁶ Warybe ijohonadu tahe iwitxiramy ihÿre. Hãbu itxÿte tahe warybe-ribi aõwesele tõhõtiren y rosamy reamyhÿre. Kaiboho aõbedeeryhykÿ aõkõre roire. Tii heka iwese hãbu ÿnarakile heto riwinymyhÿ wese rare.

²⁷ Biu risebenykeu, beõra rareareu, yhy rebonyreu tahe itheto reseke, ibutumy iõre, rahura.

²⁸⁻²⁹ Ibutumy heka Jesuisi rybe ersydyÿÿna-ò bede riõtiniyre. Tii heka hãbu ersydyÿÿdu wesemy tii ribedeerymyhÿre. Aõ judeu wedu wesemy aõkõ ribedeerynyre.

8

¹ Tiu hãwãlò-ribi dobehedeu, sõwemy heka iny ihemy doidemide webinadu, tybina heka tamy nade.

² Wowydyna rybe-di heka tamy rarybere: –Adee wikeki heka kai biwateytenyke. Jesuisi ðirawyõnyde:

³ –Wadee awire, arateytenykre. Tahe tamy tebò ritytere tamy reerimy. Itybinana riteytenyke.

⁴ Tahe Jesuisi tamy rarybere: –Boholakre, iny-ò uritere rybeõmy.

Kai tahe makre xiwena wahidÿÿdu-ò xiwenaõ biwahinykre. Idi tahe Moisesi bede ywina raryberewesemy xiwenaõ biwahinykre. Kai tahe iny rierykemy heka yteny ratximyhÿre.

⁵ Jesuisi Kafanaõ hãwã-ò rehemynyreu heka hãbu soldado weduõ tamy rehemynyre. Tii tahe Jesuisi-ò rexitõenyre:

⁶ –Wadeõdu biteytenyke raterenymy ratxireri waheto-ki. Sõwemy aõhõkõmy rotÿÿnyreri. Ibinatyhymy roireri rexisiranymy raratykõhykylemy.

⁷ Tai tahe Jesuisi tamy rarybere: –Rakakre, tai ariteyteytenyke.

⁸ Idi soldado wedu rariwyõnyre: –Aõkõre, Kai hãbu wíwihikÿ tate. Jiarÿ tahe hãbu aõ aõkõmy jiarÿ watxiwãhãre. Waheto-ò manalõõtyhy. Karibile marybekre tamy taile taile tahe wadeõdu reytekre.

⁹ Jiarÿ dori reyyre. Jiarÿ heka tule hãbu weduõmy watxiwãhãre. Soldado heka sõwemy riwatyhynymyhÿre. Iny sohoji-ò aõma rakremy rarybemyhÿré heka, ramymyhÿre. Tule ijõ dee rarybemyhÿre: –Manake, tai tahe namyhÿde. Ijõ dee rarybemyhÿre wana: –Kai biwinyke, idi riwinymyhÿre.

¹⁰⁻¹¹ Tai tahe Jesuisi ribedeõtiidÿÿnyre irybe-ki wahe. Tahe rarybere erydÿÿna mahãdu-ò: –Judeu mahãduy-ki tai rahaõre ijõ-ki kahãbu wesemy inatyhynana sõwereki. Sõwemy heka judeukõdu mahãdu ritynykre kia weselemy. Ijõ txu aõ wiji aõkõ heka riroxirenyke: Abraõ, Ijai, Ijaõ-wana biu-ki heka riroxirenyke bede ludu iny mahãdu-wana.

¹² Judeu mahãduõ ròirenyõkre tamy. Tule kaibohoõ tahe aõhetykrebo. Ijõ mahãdu dori bede lorohokÿ-txi resekre. Taiki tahe irynamy rurykre aõkõmydÿÿnana-ò.

¹³ Taita Jesuisi soldado dinodu-ò rarybere: –Makre, timybo wiji tahõtiniymy tetyhynyte wesemy heka rarekre. Iurele teõdu reytere.

¹⁴ Iribi tahe Jesuisi Pedro heto-ò ralõre. Iriõre lahi heka aõma rubuna nihikÿ roimyhÿ.

¹⁵ Tahe Jesuisi rimyre tebò-di tamy rerire. Idi tahe irubuna iribi ròhònyre. Tai tahe tii ronyre. Ronymy tahe rÿsÿna riwinymyhÿ tamyreny.

¹⁶ Txiorotyhy my inyò didyde aõma tyytybybina nihikÿ-di ratximyhyò. Iu Jesuisi sohoji rybeõmy rarybereu tahe aõwesele iribi ròhònyre. Kia webinadu didyde, tule reytere.

¹⁷ Iwese ihetxiu Isaia ryberiti rarybere wesemy heka tule riwinyre:

Jesuisi riwinyre. Kiamy wahe. Wabinanareny waribireny riwyre. Inatyhyre.

¹⁸ Iny sòwemy ributunyre. Tai tahe taerydÿÿna mahàdu-ò tii rarybere: —Rokoirenyhe kanawe-ribi ijà-ò.

¹⁹ Tai judeu mahàdu, bede ywina bederydÿÿduò tamy rarybere: —Awana arakre titxibo makre heka ahekile anakre.

²⁰ Tahe Jesuisi dirawyònyde tamy heka rarybereri: —Ijòrò heka ihàloo dire, ibÿtÿ dire, nawii bÿtÿ isÿ dire. Tahe jiarÿ, Deuxu Riòre Hàbutyhykyÿ wahe, wahetoõre, waherinaõre.

²¹ Ka ijò iheludu mahàduò tamy rarybere: —Wanyrÿ, waha heka rurura. Tai heka juhUU arituunykre.

²² Tamy rarybere: —Manake, wijile biwaheludunyke. Rubuõmy rÿira, rubu mahàdu heka rituunykeny idi ratxireri.

²³ Jesuisi hãworo-ki ronyre tahe reurore. Ieryredÿÿna mahàdu riheludunyrenyre kia lawokile.

²⁴ Ahobetya-ki tahe yhy debore nihikÿ tamyreny rehemynyre. Tahe òbò nihikÿmy resemyhÿre. Uritereribile yhyhykyÿ bee riòbònyra hãwò rilÿmynyke iòhòtyhyre. Jesuisi tahe ròròmy ròimyhÿ iu.

²⁵ Tai tahe ierydÿÿna mahàdu heka riixixadÿÿnyre. Tamy raryberenyre: —Biwayrubunyke, Wanyrÿ. Aòkòkeki, rukururenykre.

²⁶ Jesuisi tamyreny rarybere: —Aòherekibo kaiboho taberutenyteri? Aityhyna sòwe aòkò atxitenyteri. Jesuisi tahe rÿimy reare. Yhy debure-ò, òbò-ò rarybere: —Biyrkyke, bede binahakÿ. Tahe aõwesele ibutumy riyyra.

²⁷ Ierydÿÿna mahàdu urile ribedeòtiinyre. Tiiboho raryberenyre: —Aòhãbubo tii ihÿre. Òbò, tahe yhy-wana tamy roholare. Iwese tii rarybere wese rityhynyre. Irybemynale riwinyre.

²⁸ Kalileia aho ijò weribi ijana-ò ritehemynyre. Kowa bede heka Kadara inire. Tule hàbu inatxi heka tyytybybina-di tai rasÿnyrenyre wabedewo-ki. Kiary-ki tahe ibutumy iny ruberure. Iribi tahe ròhònymy reare.

²⁹ Aõwesele heka ryrymy roirenyre Jesuisi-ò rarybekremy: —Aõwe wadireny tate, Deuxu Riòre? Kai aòbina binahakÿmy wahòròdÿÿòmykre.

³⁰ Tahe kowa-ki ixÿni juramy riroximy rÿimyhÿ.

³¹ Tyytybybina tahe Jesuisi-ò rexitòenyre: —Biwatòenybenykeki, ixÿni jurawomy aralorenkyemy biwateònyke.

³² Tahe Jesuisi rarybere: —Bòibenyke hàbuwo-ribi. Tahe ròirenyre ixÿniwo-ò. Ixÿni jura tahe ibutumy rejuxunyre ijòtira-ribi. Berawo-txi tahe rabòròre.

³³ Ixÿni-di itxeredu mahàdu tahe hãwà-ò roirenyre ijuymy.

³⁴ Kia hãwà ludu mahàdu tahe roirenyre Jesuisi-ò itxeremy. Tai tahe tamy rarybere ibede-ribi ròhònykemy.

9

¹ Ribereenyre aõma hãwò nihikÿro-ò reuròrenykeny kanawe-ribi ijà-ò. Tai tahe Jesuisi tahãwà-ò rehemynyre.

² Tai tahe didydenyde weryrybòò byre-di idi betyky-di ramyremyreny roimyhÿre. Tahe hàbu mahàdu inatyhyna Jesuisi rieryre heka hàbu dee rarybere: —Waexi, beysake, aòraruna dori reixãwididÿÿnyra.

³ Tai tahe ritidÿÿna bederydÿÿdu mahàdu retehereri. Ixideele heka rarybemahã: —Kia heka ibinamy Deuxumy rarybereri.

⁴ Iyky Jesuisi rieryre tahe tamyreny rarybere: —Kai aòbo ibinamy waki tahateri arayky-ki.

⁵ Timybo heka kaiboho tahòtinyteri. Aõma iòraruna ariixãwidinyke aòbo ada iumy ariteytenyke aòbo? Aòbohe isiratyhyre wadee tahòtinyte wahe.

⁶ Deuxu-ribi waruru dire. Kabede-ki heka òraruna ariixãwididÿÿnyke jiarÿ heka Deuxu Riòre Hàbu tyhyhykyÿ rareki wahe. Tamy rarybekre: —Myike, abyre bimykre ta mariakre asÿ-ò.

⁷ Tai tahe hàbu aõwesele rÿimy reare. Tahe taheto-ò rare.

⁸ Tahe bede inysòwetyhy heka ribedeòtiidÿÿnyre. Deuxu heka wowydyna riwahinyre. Tii iny-ò ruru riwahinyreki wahe.

⁹ Jesuisi iribi rariamy rare. Tai tahe tii Mateu-wana heka witxi reare ryki: —Jiarÿ heka nieru butudÿÿna heto-ki ranymahâ. Jiarÿ rebutunymahâ aõma inyõwydÿÿna heka rebutunymyhÿre. Iu Jesuisi wadee rarybere: —Manake waerydÿÿnaõmy heka beleke. Tai tahe jiarÿ tii-wana heka rare aõwesele heka ihemy rare.

¹⁰ Tai jiarÿ retobinyre kanakemy waheto-ò. Waheto-ki riroxikemy taerydÿÿna mahâdu-wana. Tai tahe sõwemy heka iny waery mahâdu dõidenyde, òrarudu nihikÿ mahâdu wahe.

¹¹ Tule heka fariseu mahâduò tai ratximyhÿ. Tahe Jesuisi erydÿÿna mahâduò kiaò-ò heka rarybere: —Aõherekibo Jesuisi òrarudu nihikÿ mahâdu-wana riroxireri?

¹²⁻¹³ Tai Jesuisi roholarehe tamy rarybere: —Aõma òhotibedu heka, webinadu mahâdulemy aõnityhymy rarumahâre. Òhotibedu-ò kanakemy. Binadu mahâdu-ò tahe tiu ararariõwyõtyhy aõma òbiti widÿÿdu mahâduõle heka anade. Warurumy rurumyhÿle mahâdu ariwiõhenanykemy anade. Aõ awihikÿmy ixi-di rõhõtinyreriò aõkõ wahe. Deuxu Ryberiti-ki tahe kaweselemy roire:

Ixiwe heka wadee awiõre aruxetõena wadee awire.

Kaiboho bierybenyke aõbo katyyriti rare.

¹⁴ Tahe Jesuisi-ò rarybere Joaõ eryna mahâdu: —Aõherekibo Joaõ Sebedeÿÿdu kia erydÿÿna mahâdu renarehemyhÿre rexitõenykreu. Fariseu mahâdu erydÿÿna heka tule heka renarehemyhÿre. Ihârele taheka aõherekibo abedeerydÿÿna mahâdu heka tiu iwesemy riwinyemyhÿre. Aõherekibo ka.

¹⁵ Taita Jesuisi dirawyõnyde: —Iu iny inyhâwyymy roimyhÿreu heka iny reysamyhÿre. Aõma kia weryrybò hâwyymy kialina heka teysamy ratxirerimy ihÿre. Tiu rirubunyõhymyhÿre teti-ò. Tahe aõutxumy tahe weryrybò hâwyymy heridu heka inyõ ritakremy ratximyhÿre. Iu tahe renarehekre heka.

¹⁶ Uritere inyõ deratyby ritòbõnyõtyhy tyytÿmyra-di. Inyõ itòbõna tÿmyra-di ritòbõnykeki, raykake heka iura ranihikÿke. Aõma iwesele rare aõma vÿi tÿmyra iròdutyy tÿmyrahakÿle ritidikreu. Aõma itÿmyra-ò heka iròdutyy itÿmyrahakÿle raykake.

¹⁷ Aõhe tiu vÿi tÿmyra iròdutyy tyby-ò rihynyõtyhy. Inyõ kia wesemy riwinykeki taheka raykake heka rejuxunykre irube. Ihyna heka rabinake. Vÿi wihikÿ taheka aõma iròdutyy tÿmyra hyynawo-ki ka awimy rÿike.

¹⁸ Iu dohodÿÿdu hetoò bede erydÿÿduò heka Jesuisi-ò nade tariõre rurureki wahe. Tai ta Jesuisimy reâlâre tamy heka rarybere: —Aõma wariõre rarurura wahirari wahe. Kai waheto-ò manake wariõre ruru-ribi biixixanykremy.

¹⁹ Tahe Jesuisi taerydÿÿna mahâdu-wana roirenyre tii wana wahe.

²⁰⁻²¹ Tahe hâwyymy rõhõtinyre heka: —Jikarÿ heka ityky reroti-kò karirikrekule karekytekre. Tii dori ihâlubu rihyõhy raremyhÿre waò inatxi reurò beòramy. Iòhõmy iribi reare. Ireroti wereysanakile rimymy resere.

²² Taita Jesuisi rõõsemy reare. Tuu robire tamy rÿraxire: —Lerÿ, awi heka rare. Aityhyna heka arateyteynyre. Inatyhymy teyteta. Tai tahe hâwyymy aõwesele reytemy reare.

²³ Idi tahe aõwesele rehemynymy reare. Judeu wiuna bederydÿÿdu heto-ò rehemynyre. Tai heka hâwyymy sõwemy robumy rÿimyhÿ rubura-ki rawiunymy rÿimyhÿ.

²⁴ Tai tahe Jesuisi tamyreny rarybereri: —Bõibenyke hewahe. Hirarihikÿ heka ruruõhyky roireri. Urile heka rõrõmy roireri. Tahe iny rutxuenyre.

²⁵ Tai iny sõwemy rõhõnyre iribi. Tahe Jesuisi ralõre titxibo hirarihikÿ roireriò. Debò-ki rimyre tahe riteytenyre. Rexitare ixiby.

²⁶ Ibutu bede bedemyhe inina-ò roholare. Kia deytana riwinyraò.

²⁷ Tahe hâbu ruetâ inatxi Jesuisi riheludunyre heka. Kia hetoy-ribi wahe. Tamy heka raryberenyre: —Kai heka iòlò Davi riokore tate. Tai tahe ruxetõena-di biwawotõenyke.

²⁸ Idi tahe Jesuisi taheto-ò ralore tai rasÿnymy ratximyhÿò. Iny mahâdu ihewomy rare tahe ralõre. Tamy rarybere: —Inatyhymy aõbo tetyhynytenyte, ixiby arâitxeredÿÿnykeò. Tiiboho raryberenyre: —Kohe Wanyrÿ, retyhynyre.

²⁹ Jesuisi rarybere: —Ainytyhynadireki arue tabita. Aõwesele robirenyre.

³⁰⁻³¹ Jesuisi heka rarybere tarurumy tamyreny uritere ijyõomykremy. Tai tahe aõma rõirenyre ibutuko relyyrenyre.

³² Idita tako-ò rexidunymy reareki tasÿ kia hâbuò-txi reare tyytybybina-di ratximyhÿò.

³³ Tahe Jesuisi-ò didydenyde hâbu irybeõna kia tyytybybina òraru-ki wahe. Jesuisi tuu òlòdÿÿnyre iribi. Iule tahe hâbu aõwesele heka rarybere iroo-ki. Kia iny ibutumy ribedeòtiidÿÿnyre. Timy heka rarybeõhyre iko-ki juhuu raremyhÿu. Tuu rabiõhe iwesedÿÿnadumy.

³⁴ Idi tahe fariseu mahādu rarybere: —Tyytybybina-di ratximyhÿre. Tai heka tyytybybinahakÿ reteònymyhÿre iny-ribi. Ihārele heka Satanasi-di ihÿre. Tyytybybinatyhy wedu heka ratximyhÿre.

³⁵⁻³⁶ Idi tahe ibutumy hāwā hāwā-di Jesuisi rariamy rare ròbedeerydÿÿmy. Judeu mahādu dohodÿÿna heto-ki relyymyhÿre, Rybewihikÿmy. Tai Iòlona kia ritÿnynymy tuu relyymy. Ibutumy iny bina bina heka riteytenyre. Iny nade ihewo-ribi. Sòwemy heka iny aõna aõna bina binahakÿ riwinymyhÿre idi rÿimyhÿ. Titxibo rakre heka rieryòhkykymyhÿre ta aõna aõna òraru-ki idinoduòreki wahe. Tai tahe Jesuisi riwotòdenymyhÿre ibutumy tiiboho dori budoeni wese ratximyhÿre, itxeredu ihoòreki.

³⁷ Tai tahe taerydÿÿnana mahādu-ò Jesuisi rarybereri: —Iny heka maixòmo sòwehekÿ rÿira wese heka iny ratximyhÿre. Aõma ibutelemy heka arixidu rÿira.

³⁸ Bexitòenye Deuxu-ò. Tii heka bederomy maixòmo rÿira wedu rare. Bexitòenye tamy aõbo maixòmo arixidu-ò kiditeònykemy. Irybe-di heka raaòmysÿdÿÿkre ibedero-ki. Ibutu bedero-ki heka idi raaòmysÿdÿÿkre.

10

¹ Ributumy Jesuisi aõma tawa-ò inatxi reurò kia bede erydÿÿna mahādu. Tamy heka ruru riwahinyre. Aõma tyytybybina riteònykemy. Tule tamy riwahinyre ibutu binana deytana heka riwahinyre tamy.

² Kia heka tadeòdÿÿmahādurenynimy ararybekre. Juhuu heka Simaõ Pedro. Juhuu heka Simaõ inire, ihewomy tahe Pedromy naninide. Andre ijò. Tii heka Pedro seriòre rare. Txiau, Joaò-wana heka Zebedeu riòre rare:

³ Filipi tasÿ ijò rare. Idi tahe Bartolomeu ijòre. Tome ijòre. Mateu ijòre, jiarÿ wahe. Jiarÿ nieru tarasaduò rare, imposto tarasadu wahe. Ijò Txiau tasÿ Afeu riòre rare. Tadeu ijòre.

⁴ Simaõ ijòre. Tii Kana bede luduò rare. Judasi Isariò ijòre. Tii heka Jesuisi tyhedÿÿdu rare.

⁵ Jesuisi taerydÿÿna mahādu waòinatxi reruòmy riteònyre. Tamyreny rarybere: — Judeukòdu mahādu-ò aòkòkre reteònyre. Aõma Samaria mahādu hāwā heka ralòðhyymyhÿre.

⁶ Kaiboho heka bòibenye judeu mahādu-ò sohojile. Tiiboho Israeli riokore mahāduò ihÿre. Aõma budoeni reòsamyhÿre mahadu wesemy tiiboho ratximyhÿrenyre.

⁷ Aõma tamy marybebenye: —Deuxu Iòlona biu-ki heka aòwesele kedehemynykemy ihÿre.

⁸ Webinadu mahādu heka biteytenye. Aõma iny rubu-wana witxi beakeki, biixix-adÿÿnyke rubu-ribi. Tykybina yjy jyhykÿ-ribi iny biteytenye. Tyytybybina inywò-ribi biteònyke. Iwese aò tetate wese iòwykò heka ijò-ò biwahinymahāke, iòwykò wahe.

⁹ Uritere nieru wydyòmy, womati tÿrÿrÿhÿkÿ nieru aòkò, prata womati nieru aòkò, cobre womati nieru aòkò wahe.

¹⁰ Aõma anieru hyna nihikÿ wydyòmy, awa ijò wydyòmy, ijò dera wydyòmy. Aõma òwòru arirana wiòhedÿÿna wydyòmy. Aòmysÿdÿÿdu taòwy riwykre. Kia òbitire.

¹¹ Hetoò malòke. Kia heka arayrubunykre. Adee riwahinykre ibutumy aòmybo rarumyhÿkre. Iu hāwā-ò malokreu, hābu ityhydÿÿdu mahāduò biijekre. Taihy bonykre-hy tahe iwitzira hāwā-ò iribihyymy makre.

¹² Iu hetoò-ò malòkeu Deuxu ywina tamy marybekre, Deuxu deysanamy wahe.

¹³ Kai awimy ityhydÿÿdu hetomy rÿike wana, biwahinyke aalana tamyreny. Kai òbitimy aòkò atxiteri wana tahe uritere tamy Deuxu deysanamy tamy wahidÿÿmy.

¹⁴ Aõma tii arybe-ò roholaoòkeki, kai hāwā-ribi bexitake taheto-ribi wahe. Tahe iribi bòhònyke tahe awabrybyxi biubÿtÿnymy bòhònyke. Tii tahe tamyreny rioimyhÿre. Aõma tamyreny ibinatyhykre.

¹⁵ Inatyhymy heka adee ararybekre. Sodoma hāwā mahādu, Komora hāwā mahādu inatyhymy heka ibinare tamyreny tahe isiraòkre aòhòkÿmy dÿÿnana wahe. Aõma kia hāwā arybe-ò raholara heka kia ratyre heka tamy isiraòkre. Kia hāwā tahe aònityhymy aòhòkÿmy rotÿÿnykre. Ywisidÿÿna txu heka rÿekreu wahe.

¹⁶ Iwese budoeni ijòrò aholay-ki rÿikre wese heka kaiboho boibekre. Hemylala erydÿÿna wesemy heka maraykynykre. Idi tahe sòwemy aõma ywina-di maraykynybenykre bòtòwesena-di.

¹⁷⁻¹⁸ Uritere inatyhy heka aramykre araròtenykre dohodÿÿna hetowo-ò adi ralokre. Waòraru-ki heka bede dinodu mahādu heka araywisidÿÿnynakre. Judeukòdu mahāduko Rybewihikÿ Tÿmyra rarybekre. Tiiboho arahātenykre.

¹⁹ Aò heka belyyke ikoreny ibutumy roholakemy. Aramykeu heka uritere nohòtiòmyke aòmybo marybekremy ywisidÿÿna-ki wahe. Bede heka ariwahinykre rybe ibededÿÿnanau. Rybeòmyke, urile rybeòmyke.

²⁰ Kai iziwanale aòkò marabyeke. Aõma Deuxu Tyytybytyhy arāwiòhenanymyhÿrenyre.

²¹ Inyõ heka taseriõre rityhenykre. Tybyõ tule tariõre rityhenykre. Aõma iriõre tasỹ tyby-õ iky reakre idi rirubunykre.

²² Ihyy ibyrymy heka aluu aõkõkre waõraru-ki. Ibutumy iny deramy rarehyyke waõraru-ki: Inyõ tule õbitimy rarekreki, ikonanatxu-u, Deuxu Iõlõna-õ ralokre.

²³ Tahe anatakre. Aõma hãwãhãkỹ-õ ki atxikeki mahenykre ijõ hãwã-õ. Ihewoludu ikonana hãwã hãwãhãkỹ-ribi behemynyke-ribi tahe adõõsekre. Judeu hãwãhãkỹ-õ behemynykreõule tahe adõõsekre, jiarỹ Hãbutyhyhykỹ wahe.

²⁴⁻²⁵ Aõma bedeerydỹydu mahãdu tahe aõma ierydỹyõna mahãdu ratyre rare. Tule iwedu deõdu ratyre heka ihỹre. Iweseremy tahe boibebenykre. Tahe awedu tate. Inyõ tahe riwarinimyhỹre Satanasi, Belisibu wahe raremy. Tahe iwesele heka iny araninikre waweselemy, ibinatyhyre wahe.

²⁶⁻²⁸ Jiarỹ adee wiji relyyri. Biurasõmy heka tuu bedelyykre ibutu ijohonanamy adeeremy relyyri. Wasimy wijirumy adeeremy relyyri. Biurasõmy tahe ibutu ijohonanamy tuu belyybenykre. Uritere ilau brebuõmy. Aõbo wasimy rỹire heka ibutumy ratỹnykre. Uritere ilau brebuõmyke. Adeelekre rirubunykre atytyby ta rirubunyõtyhy. Iruruõre dori atytyby rirubunyke. Deuxule tahe bityhynyke. Tii dorihe iruru-di heka rare. Tii bede luru-txi heka atytyby bede luru heõty-txi heka adi rehuke. Bityhynyke idile maraykynyke. Hãbu lau brebuõmy hãbu aõbina bina riwinymyhỹre lau brebuõmy.

²⁹ Nawiiõ iny riwymyhỹre womati nieru iyja-di, iõwy riõre iny heka riwymyhỹre. Ibutumy heka Deuxu nawii rieryre sohoji sohojimy. Tiu heka Deuxu rieryõhyymyhỹre nawii sõmo rurumyhỹreu heka tiu rieryrykõmy idi reteheõtyhy. Kiawese aõbo tahõtinmahãte. Aõkõre, inatyhymy idi retehemyhỹre. Ijõ rurumyhỹreu heka tuu robimyhỹre. Aõma Deuxu heka anaerymyhỹre nawii sõmo ratyre heka aumy rierymyhỹ.

³⁰ Ara erymy heka aõma arati-ki tiwesebo radeti rỹimyhỹre heka rierymyhỹre.

³¹ Breburenkõmykre, kaiboho dori nawii ratyre Deuxu-õ toite.

³²⁻³³ Kai marybeke: –Jiarỹ retyhynyre dori tahe umy arelyyke. Jiarỹ heka umy ararybeke inynyrỹ dee biu-ki wahe. Iny sõwehekỹy-ki riwatxiõnykeki tule aratxiõnyke jiarỹ Wahako-õ. Jiarỹ heka suõ anade.

³⁴ Aõ ywina wydumy aõkõre heka anade. Jiarỹ heka ywina aõkõre diwyde. Bedejeijeidỹyõmy anade iribi wadee wou rỹikremy. Hãbu heka tybe õludumy rarekre.

³⁵ Tule hãwy tadi õludumy arisynykre. Tule iriokorese tariõrelahi õludumy arisynykre. Aõma inyõ õludu heka tasỹ mahãdu õludumy rarekre.

³⁶ Boluu adireny boreny heka boibekre. Kia lumy heka boibekre. Tai tahe iratyremy boibekre aõkõkeki tahe waluuõkeki tahe wahõrõ mahãdumy aõkõ boibeke.

³⁷⁻³⁹ Kaweselemy boibeõkeki. Tai tahe kai wahõrõ mahãdumy aõkõhe mabekre. Aõma biyrurubunytyhykeki tahe kai ihãrele aõkre. Aõma kai waõraru-ki aõhõkỹmy botỹnykeki wadee waaõmysdỹyõ õraru-ki inyõ anarubunykeki aõhe adee rutỹnykeki. Tai tahe aumy rõhõnykre inyõ tasỹ-õ aradykeki iwese tii tasỹ-õ riwadyra wesele heka aradykre.

⁴⁰ Tii riwadyra wana Deuxu heka ridymyhỹre riwateõnyreki wahe.

⁴¹ Deuxu rybeduõ bidybenykeki. Tii Deuxu-õ arãwahynykre. Deuxu adee uriiõno kadiwahynykre. Adeeremy kidiwahynykre. Wahisidỹyõna ritakre wese heka tule kai bitakre. Adeeremy ararybekre. Deuxu hõrõ mahãdu heka bimymahãbenyke. Aheto-õ bidybenyke hãbuwi ihỹrenyke. Tiibohe dori wese uriiõno ritarenynykre wesele kaiboho bitabenyke.

⁴² Kai uladu-õ bemonã biwahynykeki bedi imonamy. Tai tahe kanakre inatyhymy adee aõ kidiwahynykre. Kai waõraru-ki ityhydỹyõdu-õ bee biwahynykeki, inatyhymy heka aõwy adee kanakre.

11

¹ Jesuisi heka rexihure aõma taerydỹyõna mahãdu waõinatxi bedeerydỹyõna-ribi. Kia bede ywina tamyreny riwahynyre. Rexihureu tahe rare rõhõnyre iribi hãwã-di. Aõma rybe ritỹnydỹyõmy rakremy hãwã hãwã-õ.

² Idi tahe rõtenywole heka iu Joaõ roimyhỹ. Aõbo Jesuisi tahe iu aõna aõna wiwihikỹ ritxienymyhỹreu heka Joaõ tamy roholare. Rõtenywo-ki roimyhỹ-ribi. Idi tahe Joaõ taerydỹyõna mahãdu riteõnyre Jesuisi-õ dỹyõraximy:

³ –Kohe, anaraõdenyde tate. Aõma Deuxu deõdỹyõna wahe kanakre aõbo ihewo-ribi. Ariraõrenyke aõbo urihimyo.

⁴ Tai Jesuisi rirawõnyre: –Aõma bõõsebenyke icybyle Joaõ-õ. Belyybenyke ikõ aõna aõna wiwihikỹ rewinyre arureny-ki tule tabite wamyreny.

⁵ Aõma iruetãhãkỹ heka. Reruedỹyõnomy rare wahe. Itiere tasỹ retinywãhãre dinoduhukỹ ityy reytemyhỹre. Aõma ijõ Rybewihikỹ Tỹmyra roholaõhyymyhỹre tasỹ tule reijohonadỹyõnyre. Aõma rubu tule rubu-ribi reixiadỹyõnyre. Rybewihikỹ Tỹmyramy heka

ret̄nydȳnyre ibutu iny-ò wahe, iny aõkõ mahãdu-ò wahe. Tule Joaõ-ò marybebenyke kaweselemy wahe.

⁶ Maratyhybenykeki, beysabenyke.

⁷ Iribi rõhõnyreu tahe Jesuisi heka rarybere Joaõ bededȳnanamy. Aõmybo wahe Joaõ-di rõhõtinyrenyre aõmy tuu bedi nohõtinyrenyre tamy itxereny bederahy rõirenkyreki wahe. Otxirarade wese yhy-ki tahõtinyteri.

⁸⁻⁹ Ada aõma hãbu urimynodutyhymy aõbo idi rõhõtinyrenyre. Aõma butõre wesemy idi rõhõtinyrenyre. Ada iwitxiramy aõbo idi tahõtinytenyete hãbu tyywihik̄ydiremy idi rahõtinytenyete. Iolò taheto wihik̄y-ki ratximyh̄re. Aõkõre, kia iny heka aõ Deuxu rybeduõmybo tahõtinytenyete. Inatyhy tii kia rare.

¹⁰ Iratyre heka tii rare. Aõma dori Tyyriti-ki rarybemyh̄re:

–Tii heka wako-ki kadehemynykremy ratximyh̄re, wamy relyykemy, wary riywinymyh̄re.

¹¹⁻¹⁴ Inatyhy heka rare. Tii heka ibutu hãbu ratyre ratximyh̄re. Ihãrele tahe heka Deuxu Iolõna-ki heka ijõ iny iratyre ratximyh̄re. Hãbu binahak̄y heka Deuxu Iolõna-ò raaõbinanymyh̄re. Joaõ rexidelenyry rybe it̄nydȳmy rexidelenyrehyule heka ritelemy ralore. Tule wiji nalõmyh̄de sõwemy. Iu Joaõ rehemynykõle heka tuu rarybemyh̄re ibutu Deuxu rybedu mahãdu heka tuu rarybemy raremyh̄. Tule Moisesi bede ywina kia rarybere. Tii Eliasi wesele ih̄re. Tetihynytenyete aõbo. Iwese Deuxu rarybereri wesemy heka tii nade.

¹⁵ Inyõ ierysmy rurukeki, roholake wiji. Aõmybo ararybekre kainymy tiwesebo r̄imyh̄remy.

¹⁶ Tiiboho heka iwese weryry uladu risinymyh̄re wesemy ih̄renyry. Kiamy heka tinamahãdu-ò rarybemyh̄re:

¹⁷ –Jiar̄yboho heka aõma wiunawihik̄y-di rawinymyh̄renyry. Idi tahe teysatenyõhyymãhãtenyete. Tahe wiuna bederarysyna-di heka rawiunymyh̄renyry. Ta bedewoõhyymãhãtenyeteri.

¹⁸ Joaõ Sebedȳydu heka riroxiõre. V̄imy riõõre. Inywesereny tai tarybetenyete: –Tii raix̄ytemy ih̄re. Tyytybybina-di ih̄re.

¹⁹ –Jiar̄y Deuxu Riõre heka rehemynyry Hãbutyhyhyk̄y wahe. Jiar̄y roroximyh̄re. Reõmyh̄re tahe kiaboho heka waluu aõkõ heka toite. Urile heka wamy tarybemyh̄tenyete wabyre nihik̄yremy wabemomohõk̄yremy. Aõma õrarudu kia liinatyhy heka jiar̄y rare. Aõ ikõkõlemy heka taraykynymyh̄tenyete ihãrele taheka õbitilemy ixi-di tanohõtimyh̄tenyete.

²⁰ Jesuisi heka sõwemy aõwihik̄ymy riwinymy raremy. Ihãrele heka imahãdu rityhynyõhyymyh̄re heka. Kia Jesuisi heka rarybere kia hãwã mahãdumy.

²¹⁻²² Orasi hãwã aõ heka adee binatyhymy kanakre amahãdu-ò wahe. Besaida hãwã mahãdu, kaiboho aõna aõna wihik̄ymy tabitenyete ahãwãreny-ki. Tiu heka ixi-txi õhõtirenny reahõhyk̄ymyh̄re. Jiar̄y aõma Tiro hãwã-ki Sidõ hãwã-ki aõna aõna wihik̄y ariwinnyre wana inihe heka ixi-txi tõhõtirenny reare iniheka saumy tyky rexitynyryre tule brybysi ixityrenny heka rexihumy. Sidõ hãwã Tiro hãwã heka urihimyo adeereny isirakre.

²³⁻²⁴ Kafanaõ hãwã mahãdu! Kaiboho heka tule ixitxirenny õhõtirenny reahõhykyre. Aõma kaiboho heka awireny ixidireny tahoõtinmahãtenyete, awityhyremy. Kaiboho heka õhõtenamy bekoabenkyre bedebina heotyhyk̄y-ò dori besebenkyre. Sõwemy dori aõwihik̄ymy kaiboho tabitenyete. Deysana wihik̄y-di wahe. Tiu heka ixi-txi õhõtirenny reahõhykymy aõrarurenny-txi. Aõ wihik̄y Sodoma hãwã-ki rewinyre wana wahe. Tiu heka rabi-naõhyre inihe heka wiji-ò. Aõkõ bot̄ȳbenkyre aõma Sodoma hãwã ratyre heka aõhõk̄ymy bot̄ȳnybenkyre, Deuxu ywisidȳnatxu.

²⁵ Tahe Jesuisi rexitõenyry Deuxu-ò: –Waha, biu bede-wana iwedu atximahãte. Kai uladu-ò aõna aõna tet̄nytenyete. Tewõmahãte heka kia ibedeeryhyk̄y lau heka tewõmahãte. Kai ixi-di bedeeryhyk̄ymy rõhõtinymyh̄re lau wahe.

²⁶ Tii heka adeewinare.

²⁷ Ibutumy heka Waha wadee riwahinyre tii heka riwaeryre. Jiar̄y tule tii reeryre. Aõma ixidee wik̄eki inydee ariteõsinyke. Timybo Waha rare.

²⁸ Elehyd̄ȳmy buruke aõbo? Manake wadee. Jiar̄y heka araelehinykre.

²⁹ Walõtityreherina ixidee bitidibenkyre. Tai tahe wawana maaõmys̄dȳbenkyre. Arabederynykre heka ywina-di. Aritidiõtityhy heka aõ utxiehek̄y atyrenny. Elehyna adeereny ariwahinykre awo araykyrenny-ò.

³⁰ Aaõmys̄dȳna adeereny rewahinymyh̄re isiraõre heka. Iutxinyre aõkõ rare.

12

¹ Sabado txuu, judeu elehynatxu Jesuisi rariamy ròirenyre maixõmoni oworu-ki. Tahe rekoarennyre aõma maixõmoni oworuro-di heka irenyre. Kia heka tahe Jesuisi taerydÿÿna mahãdu heka riarimyhÿre aõma riyrenykremy rama rahuraki.

² Iu-ki tahe fariseu mahãduõ rethemy ratximyhÿre. Tiiboho tahe rarybere kia Jesuisi-ò rarybere: —Kia hewa brebuna rare aõma sabadotxu riwinyrnyhÿre: —Aõherekibo aerydÿÿna mahãdu iu riwinyrereri.

³ Tahe Jesuisi tamy rÿÿraxire aõma ijyymy ikoreny relyyre iwese Davi riwinyre wesemy heka riwinyrereri ramy rahureu.

⁴ Davi riki heka raløre Deuxu dohodÿÿna hetowo-ò heka raløre. Tai tahe rirÿsÿmyhÿ kia aõma xiwena-ki heka riyry. Kia orotxu heka aõma xiwena-ò hidÿÿna mahãduõle rÿmy. Tahe ihãrele heka riyrennyre heka. Taijoi mahãdu-ò riwahinyre.

⁵ Kia wesemy aõma tariakõte bede ywina tyyriti-ki wahe. Aõma xiwena wahidÿÿdu heka rityynyõhyymyhÿre. Aõma sabadotxu kia wahisidÿÿna. Xiwena bede ywina wahe. Iu dohodÿÿna hetowo-ki ratximyhÿre. Tii heka sabadotxu bede ywina rityhynyõhyymyhÿre. Tahe heka aõbina bina riwinyrennyõhyymyhÿre. Kia tahe heka tule heka bede ywina tyyriti heka ritidÿÿna roire. Idi tariatenyõte.

⁶ Inatyhmy heka adee ararybekre. Inyõ kaki ratxikeki jiarÿ heka kaki heka inyõ ratximyhÿre aõma dohodÿÿnahakÿ heto-ki wahe. Dohodÿÿdu mahãdu ratyre heka watzimahãre jiarÿ wahe.

⁷ Kiamy heka ritidÿÿna rÿimyhÿre. Jiarÿ heka xiwena luure ihãre tahe sõwemy heka iratyre ruxetõena luure. Jiarÿ aõma xiwena luure ihãre tahe iratyre heka aõma ruxetõena luure sÿ. Kaiboho terytenyete wana. Aõma heka ibinamy tarybehynnyhÿte inyõ teõsamy ratxikeõ. Aõma aõ riwinyrennyõhyyre. Kiamy wahe.

⁸ Jiarÿ dori Deuxu Rière Hãbu watzximyhÿre. Jiarÿ tule aõma sabadotxu wedu wãhãre.

⁹ Tai tahe Jesuisi nade heka icyby aõma tohodÿÿnarenny heto-ò. Raløre heka sabadotxu.

¹⁰ Hãbuõ ratximyhÿre debõ binare. Debõ rayjayja ihÿmyhÿre. Tahe fariseu mahãdu heka Jesuisi-di mynamy ratximyhÿre. Aõ rybebinamy rarybekte õraru-ki rymykemy. Tai tahe rÿÿraxire Jesuisi-ò: —Timyrebohe brebuna aõbo sabadotxu deytedyÿ ada aõkõre aõbo.

¹¹ Tai ta Jesuisi rirariwõnyre: —Kaweselemy røkõhõtynyrennyke. Kai heka aõmy abudoeni sohojilere. Sabadotxu heka reseke hãlooro-txi aribi. Timybo mohõtynyre aõma bitake hãlooro-ribi. Inatyhyre aõbo. Sabadotxu hãrele bitake. Kohe, inatyhyra.

¹² Hãbu heka budoeni ratyre heka iõwy rare. Aõma sabadotxu aõwaxinyre heka reyteke.

¹³ Tai hãbu-ò rarybere Jesuisi: —Ebõ biditytyke. Debõ ritytyra ta wiwesele debõ relere awimy.

¹⁴ Fariseu mahãdu heka wii ributunyyre, iribi røhõrennyre wahe. Widee raryberenyre: —Aõma timybo rikisÿnyrennyke rikimynyrennyke rikirubunynyrennyke.

¹⁵ Tahe Jesuisi rierymyhÿ kiamy rarybermyhÿrenny heka roholamyhÿ. Tahe Jesuisi rierymy heka. Iribi irehemy ratximyhÿrenny hãrele, rierymy heka. Iribi tahe rexitare heka hãwã-ribi wahe. Idi heka ihemy heka rare riheludunyyre. Sõwemy heka webinadu ihemy rare. Ibutumy riteytenyyre.

¹⁶ Teyteydyÿna mahãdu-ò rarybere: —Uritere itÿnydyÿõmykremy tuu ijyõõmykremy inky-ò.

¹⁷ Ihexiu Isaia tyyriti-ki heka kawesemy rÿimyhÿre. Tii heka Deuxu rybeduõ rare.

¹⁸ —Kaheka Wadeõdu rare. Tuure heka jiarÿ, tii heka retare. Rehixinyre. Tii heka deysana wadee riwahinyrnyhÿre Tatytybytyhy tamy ariwahinyre. Ywisidÿÿna txuu heka ibutuko-ò relyyke.

¹⁹ Tii heka rryyõtyhy rebureõtyhy heka inyõ-wana widee. Tiu heka inyõ roholaõtyhy irybe dee. Ryki heka inyõ irybe-ò roholaõtyhy.

²⁰ Aõma bõtõreõ irybõhõmy roikeki. Tii raõrõõtyhy. Txuheõtyjurã loosõna urihimyoõkeki heka tiu ruriõtyhy eleti-di. Tii ritakre iaõbinana, inatyhãnaõ binana wahe.

²¹ Ibutumy heka irarõsõna iribi ritakre.

²² Hãbu rybeõ ruetãõ heka iny didydenyde Jesuisi-ò wahe ralõmyhÿreki wahe. Tii tyytybybina iwo-ò ralõmyhÿreki wahe. Jesuisi tyytybybina riteõnyre. Tai irue heka awimy relere rarybere.

²³ Ibutu iny sõwe heka heka ribedeõtiidÿÿnyre. Widee tahe raryberenyre: —Ka heka Davi riore riore õsana rare, Deuxu deõdÿÿna wahe.

²⁴ Tahe fariseu mahãdu-ò roholare. Tahe rarybere Jesuisimy: —Tii inatyhmy tyytybybina riteõnymyhÿre inywo-ribi. Aõma tyytybybina wedu ruru-di heka riteõnymyhÿre. Belisibu ruru-di wahe.

²⁵ Jesuisi heka rieryre iraykyreny. Tai tahe tamy rarybere: —Ijyomy heka tamy rarybere. Iòlona mahādu wiribi ibutumy rexihitxinykeki tahe rexihukre ibutumy wiribireny. Tahe hāwā mahādu taijioy-ribi rexihitxinykeki, awi aōkō rare tai wahe.

²⁶ Wiribi rexihitxinyke wana. Tule awi aōkō rare tai wahe. Aōma Satanasi rexideōnykeki tahe tayreny-ribi rexitake.

²⁷ Belisibu ruru-di tyytybybina ariteōnyke wana aōdibohe aheludu mahādu riteōnykemy ratximyhýre. Tiiboho heka aywisidýýdurenymy ratximyhýre.

²⁸ Jiarý Tyytybytyhy ruru-di ariteōnykeki heka kaiboho arurunareny Deuxu-ribi nade. Iòlona adeereny rehemynreri.

²⁹ Inyō heka hābu rurutere hetowo-txi ralòōtyhy wasimy wahe. Tai rawasinymy ratximyhýkeki tahe urile juhū hābu ritaataake. Idi tahe iheto-ribi aōdibo rawasinnye.

³⁰ Inyō wabiōwamy aōkō ihýre wana heka, waōludu rare. Inyō wawana ibutumy ratxiōmyhýre wana tahe raybātāmýhýre.

³¹ Inatyhymy jiarý adee anarybekre. Ibutu òraruna kanaixāwididýýke. Hābu aōtxile aōbina bina rarybemyhýre. Sohojile taruxāwidýýōtyhy. Aōtxile inyō aōbina binamy Deuxu Tyytybytyhy rarybekeki. Tii aōraru rataōtyhy. Kia heka òraruna tiiehymy rarekemy ihýre.

³² Hābutyhyhý heka Deuxu riōremy aōbina binamy iny rarybekeki, wamy wahe, tii tahe ixāwidina dire. Deuxu Tyytybytyhyhymy rarybekeki, tii tahe iixāwidinyōhyre. Tiehyy kia òraruna-di rareke.

³³ Jesuisi rawesenanyre iny òwòru wese rare. Òwòru awimy rýike wana, tai heka iratywihikýō-ki iny rahake. Ruru rasunymyhýre raruburerimy ihýre. Kia tasý iratywimy aōkō rýike ibinamy. Aōma òwòru iny rierymyhýre aōbo iribi iraty dejuxunymyhýde òraru-ki iny rierymyhýre, awire.

³⁴⁻³⁵ Kaiboho heka hemylala mahādu wesemy atximyhýtenyete. Kaiboho heka abinatyhymy ahātenyete. Timybo heka kaiboho aōwihikýmy marybebenyke. Arayky aōbina bina hakýlemy tōhōtintyteri wana. Tai taheka ary tuu rōhōnyke ary tuu rarybeke. Aōma hābu wihikýō ratxiremyhýre wana aōnana wiwihikýle tarayky-ki riyrubunymyhýre. Tii heka rarybemyhýre. Hābu bina tahe tarayky-ribi ibinalemy rarybemyhýre.

³⁶ Ibutumy aōmybo iny rarybemyhýre heka ywisidýýna txu tuu rarybemyhýre rierymy timykibo tuu rarybere wahe.

³⁷ Órarukibo rarybere: —Arybe òraru-ki heka ywisidýýna-ki atxiteri. Bitakemy aōbo ada aōkōre aōbo.

³⁸ Bedeerydýýdu mahādumy heka fariseu mahāduō tamy rarybereri: —Erydýýdu, wadeereny biteōsinyke awiwihikýō.

³⁹ Jesuisi dirawyōnyde: —Iny kamahādu heka ibinatyhy rare aō awiwihiký rexitōenymyhýre. Abina binale wahe. Aō wihikýle bobiōtyhy. Tahe sohoji aōwihikýōmy heka mohōtinyke. Jonasi widýýna wahe.

⁴⁰ Jonasi Deuxu rybeduō widýýna wahe. Tii inataō txu inataō rummy uturahaký wona-ki ihýmyhýwesemy. Iwese Deuxu Riōre Hābutyhyhý bede-ki rarekremyhý wesemy inataō txumy inataō rummy.

⁴¹ Ninive hāwā mahādu heka roholarenxti tōhōtirenny reare. Iu Jonasi rybe ritýnydýýreu wahe. Tahe inyō kaiboho tamy taholatenyete. Sōwemy heka iny Jonasi ratyremy ihýre. Ihýrele kaiboho ixitxireny òhōtirenny reaōre. Ninive tamahādu tahe ibinany adeereny rarybekre. Ywisidýýnatxu wahe.

⁴² Iòlò Hāwyyō heka ibòò irehe-ribi nade. Aōma Salomaō bede erydýýna-ò roholakemy. Kaiboho heka inyō-ò taholatenyete. Salomaō ratyre heka sōwe inihiký ihýre. Ihārele ta ixitxi nohōtirenny reaōre. Ywisidýýnatxu heka Iòlò hāwyy ibinanamy kýnarybekre umyrenny wahe. Ywisidýýnatxu.

⁴³ Aōma tyytybybina hābu-ribi rōhōnykreu tahe elehydydýýna riijekre. Aōma bedebinana tōteheký tahe tuu reake. Ihýre tahe tai rahaōhykre elehyana-ki wahe.

⁴⁴ Tai tahe ixidee rybekre: —Aròðsekre kýhe. Iribi ranywýhýreò anakre. Tai tahe kia hābu-ki rahara. Tyurahakýmy iwo-ki iruxeramý.

⁴⁵ Tai tahe ijō-txi reare. Debō inatxi reurō tyytybybina-txi iratyre tyhy wahe ibinane. Tai tahe ridyke tahābu-ki rasýnyrenyemý. Kia hābu heka iwese juhu raremýhýre ratyre ibinamy ratximyhýre. Kaiboho heka kia tyytybybina wese atximyhýtenyete.

⁴⁶ Jesuisi tahe ijō-ò rarybere ijō ijoi-ò, tai tahe ise rehemynnyre, iseriòreboho-wana. Sōwemy iny mahādu-ò heka rarybere.

⁴⁷ Inyō tamy rarybere: —Inyō heka arājereri adi ahelýýna. Kie heka rehemynreri adee rarybekemy adi ratxireri.

⁴⁸ Jesuisi dirawyōnyde: —Mota heka nadireri, mota heka waseriòrereri?

⁴⁹ Tai tahe tebòhe riteòsiriteòsinyre taerydÿÿna mahãduò-ò. Ka heka nadi rare. Ka heka waseriòre. Ka ijò heka waseriòre.

⁵⁰ Wahadeewi riwinymhÿreki tahe, tii heka nadi rare. Waseriòre rare. Waha dori biu-ki ratximhÿre.

13

¹ Itxu taheka Jesuisi rare heto-ribi Kalileia aho ijà-ò. Tahe tai ronyre. Tahe rexiterenyre Jesuisi iny ribedeerynymy.

² Tai ibututyhymy heka iny wirotyre. Tai tahe Jesuisi rexitareny urihimyo hãworo-ò ronony rexitarynyre. Iny sòwehekÿ mahãdu tahe aho ijàkile heka roholamy rÿimyhÿre.

³ Tii heka relyymhÿre aõma ijyyò relyyre: —Aõna aõna wese ijyy rawesenanyre. Hãbu alòbòromy rara. Tii heka alòbòrona dehuu rare.

⁴ Ijò heka idi rehumhÿu heka ijò ryro-txi resere. Nawii heka riròrmhÿre riore heka.

⁵⁻⁶ Ijò tahe rejuxunyre aõma manarutysu-txi. Tii tahe raumynyre aõwesele. Iraruxiòlemy heka rÿimyhÿ suu ibutureki. Idi bedetòtee rimoedÿÿnyre. Idi tahe rurure.

⁷ Òwòrudÿÿ resere edey-txi. Idi ta ruhunyre edewanale. Idi tahe ede riòdesedÿÿnymhÿre. Tai heka raratnyòlemyhÿre.

⁸ Ijò tahe resere suwtxirawihikÿ-txi. Tai tahe sòwemy raratnyre. Sohoji òwòrutu-ribi tahe 30my raratnyre iraty wahe. Ijò 60my raratnyre iribi. Ijò ta 100my raratnyre.

⁹ Tahe Jesuisi heka rarybere: —Kia bohohatyhymy bonyke. Òhòtirenidyeki bohohabenyke.

¹⁰ Tai tahe ierydÿÿna mahãdu Jesuisi ritÿÿraxinyre: —Aòherekibo kai ijyy-di bierynanykemy atxiteri, rawesenanyreri wahe.

¹¹ Tai tahe dirawònyde: —Kaiboho aõmybo Deuxu reerynanyre kaiboho bierybenyke. Ijò mahãdu tiu ijyy rieryòtyhy. Kaiboho dori Deuxu Òlòna teerytenyde.

¹² Hãbuò iaòdikeki ijò heka iratyre tamy ariwahinyke. Tai tahe sòwemy tamy rauhenyke. Tahe hãbu ihoòkeki ibutelemy ijòdikeki heka kiale iribi ibutumy aritakre.

¹³ Reteheymy ihãre tahe robiòhymhÿrenyre tahe ririòhymhÿre. Tai heka ijyy-di reerynanymy watxireri.

¹⁴ Iwese Isaia tyriti-ki roire wese heka tiiboho ihÿrenyre: —Roholamhÿre, roholamhÿre ihãre tahe rieryòhymhÿre. Reteheymy ihãre tahe tiu robiòhymhÿre.

¹⁵ —Irayki tererenyeki wahe rieryòre heka. Òhòtirenye heka ritòbònymhÿre ta ijohonana-ribi. Tarue ribrenymhÿre robike lau. Tahe wadee ròðseòtyhy. Aòkòre heka ariteytenykemy idi watximhÿre. Tibo heka terareny aòkòre.

¹⁶ Jesuisi ijò relyymhÿre tamynre: —Kaiboho heka eysamy atxitenyeri. Kaiboho heka bobibenyke tahe bierybenyke. Aõmybo kaiboho tabitenyeri heka, taholatenyeri wahe.

¹⁷ Ihetxiu mahãdu, hÿÿna mahãdu wahe, tuu lobiximy riwisÿnymhÿre. Aõma aõwobo kaiboho taholamhÿtenydeò heka roholakemy riwisÿnymhÿre tahe roholaòhymhÿre.

¹⁸ Tahe bohohake heka adee aritÿÿnynye aõbo ijyy rare.

¹⁹ Òwòrutu ryro-txi resemhÿre heka iny ijoiireny wesemy ihÿre. Ijohona tuuwesemy wahe. Tibo roholamynre ihÿre tahe rieryòhymynre. Aõma Satanasi heka nade tai tahe warybe heka iribireny ritamhÿre.

²⁰ Ijò manarutysu-txi resemhÿ mahãdu tahe ijò ijohonadu wesemy heka roire. Tiiboho heka deysana-di roholamhÿrenyre.

²¹⁻²² Tai tahe urihimyo rityhynymhÿrenyre aòhòkÿmy dÿÿnana kanakeu tahe aõwesele riatyke ririmy reake. Kia edey-txi resera tasÿ aõma ijò ijohonadu mahãdu wesemy heka rare. Tiiboho heka aõma 1000 nierule aõnityhymy idi ròhòtinymhÿrenyre nierudile. Tai tahe rexibedewonymhÿrenyre. Tiu heka Deuxu aõmydÿÿna riwinòhymhÿre, Deuxu Rybe riwiòhenanyrenyre.

²³ Kia suwtxira wihikÿ-txi resera wana tahe iwtxira ijohonadu mahãdu wesemy heka rare. Tiiboho heka roholamhÿrenyre rityhynymhÿre sòwemy Deuxu dee roholamhÿrenyre heka. Ijò 100my wesemy raratnyre. Ijò 60my raratnyre ijò 30my raratnyre. Iny sohoji sohojiò heka Deuxu-ò aò riwinyerimy ihÿre.

²⁴ Idi tahe iwtxira ijyymy relyyre Jesuisi tamynre: —Deuxu Iòlòna heka kia wesemy ihÿre. Oworudu heka aõma alòbòrona wihikÿò ritòbrònymhÿre taoworuro-ò.

²⁵⁻²⁸ Tahe iòluduò rummy heka tamy nade. Tahe iu ibutumy iny ròròrmhÿre, asibinaty-di tamy rehure. Tai tahe alòbòrona asibina-wana ruhunyre kia aõma ede wana wimy urilemy. Taiki tahe kia aõma oworudu kia aõmysÿdÿÿdu mahãdu. Tuu heka ijyy-di nade tuu ijyy. Idinodu rarybere: —Aõma waòludu heka kia riwinyre wadee. Idi oworudu narybede: —Aòhebohe arotÿÿnyrenyke? Ta idile aòbohe arisiherenyke araxirenre. Tai tahe rirawònyre:

²⁹⁻³⁰—Aðkõre wahe, kia ibutумы alòbòròna rirarutxinykre. Ixinamy heka ratybienykre tii-wana wiurilemy kia maixòmo arixina bededýýnamy bede relerekeu tahe iribi raarike. Ararybekre heka tamy kia aõma oworu-di raaõmysýdýýkreò. Juhu delemy asi arisykre. Tahe ritoonykre. Idi tahe maixòmo heka riarikre kia maixòmo hetowo-ò riyrubunykre.

³¹ Tahe Jesuisi ijõ ijyy wixtiramy relymyhýre: —Aõma Deuxu Iòlòna heka aõma alòbòròna sòmo sòmo wesemy ratximyhýre.

³² Aõma raumynreri heka aõma òwòru iyjatyhymy ibutумы òwòruty-ribi rariwesele relemyhýre.

Taiki tahe kia nawiile tuu rýtýnymyhýre kia òwòru-ò.

³³ Uri paò uri ixiòlòdýýna heka Deuxu Iòlòna wesemy heka kia ihýre. Hāwyy heka paò riwinymyhýreu, riurinymyhýreu tahe ibutумы raubýtýmyhýre kia ibemy.

³⁴ Tai tahe rexìòlònymyhýre Jesuisi heka sòwemy tuu relymy raremyhý. Iu iny ribedeernymy raremyhýu. Tiiemy heka Jesuisi relyyhy raremyhý iu ròbedeerydýýmy raremyhýu.

³⁵ Deuxu rybedu dori ihetxiu rarybere:

—Jiarý ijyy-di rebedeernymyhýre. Aõma tuu relymyhýre heka ierykòna rare. Tiuhe rieryðhyymyhýre. Iu bede rexideelenyrahuyyle.

³⁶ Idi tahe Jesuisi rexitare iny sòwey-ribi rexitare. Hetoò-ò heka ralore. Tai tahe aõmybohe wakoreny inihe bedelyyke. Aðludu inybo arasýnyremy. Kia ijyy heka aõma hābu ede-di rehure ioworu-ò, taòludu oworu-ò. Kia inihe wadee bitýnynyke aõbo rare wahe. Kia ijyy telytý.

³⁷ Tai tahe Jesuisi tii dirawyònyde: —Kia hābu alòbòròna wihiký ribòrònyre heka Deuxu Riòre Hābutyhyhyký, rare wahe.

³⁸⁻³⁹ Ioworu heka ibutu bede heka roimyhý wesemy roimyhýre. Aõma alòbòròna wihikýre heka ityhydýýdu iwese rýirawesemy rýira. Asi tahe kia ityhydýýdukòdu mahādu wesemy heka ihýre. Aõma kia iòludumy rarybereri tahe kia Satanasile heka ihýre. Kia iyresynamy rarybereri aõbo bedekonana heka tuu rininimy heka tuu rarybereri. Kia ýju heka iyresydumyhý tuu rarybereri. Kia rymykre ede riorokremy rarybereri heka aõma ityhydýýdukòdu mahādu heka tuu rininimy rarybereri.

⁴⁰ Ritakre heka rihitxinykre. Heòty bedehéký heka idi rehukre risòkre iu wahe. Iwesele taheka bedekonana heka rarakre.

⁴¹ Deuxu Riòre, Hābutyhyhyký heka aõma ýju riteònyke ibutu iny ributunykre. Ityhydýýdukòdu mahādu ijõ iny òraruna-txi rityhedýýdu mahādu heka ibutумы ributunykre widee. Ibutумы aõbina bina widýýdu wahe.

⁴² Idi tii rihukre. Tai tahe rryykre aòkýmy rotýýnykre tai. Robumyhýre tajú.

⁴³ Kiau aõma

Deuxu hõrò mahādu tahe Waha Iòlòny ronymyhýre kie ronykre. Tiiboho loosòny wesemy heka ritoosònanykre txuu loosòna wesemy.

Òhòtirenidyeki ibutумы heka boholabenyke.

⁴⁴ Deuxu Iòlòna tahe nieru wesemy ratximyhýre. Aõma nieru heka hynaò-ki rahara nieru-di týximy aõma surawo-ki idi hābu ixyby riwore. Tai tahe tii reysatyhymy ròsere. Kia ibutумы taaòmydýýna-di heka rohonyre. Kia bedero riwykre.

⁴⁵⁻⁴⁶ Ijõ tahe tule Deuxu Iòlòna wesemy ka ratximyhýre. Iwese xiuura wydydu ihýre wesemy heka Deuxu Iòlòna ihýre. Iwydydu heka ijese ijesemy riwymyhýre. Aõwi riererimy riererimy heka tai rahamyhýre iruxera-ki tii tahe riwymyhýre. Kiau tahe tai rahare aò òwyhykýò-ki heka rahare. Tii idi tahe rohonyre ibutумы taaòmydýýna-di idi tahe kia iwydymy idi ratxireriò riwyre.

⁴⁷ Riàò wese heka tule Deuxu òlòna ihýre. Aõma rià-di iny rehumyhýre wana heka ibutумы utura rimymyhýre.

⁴⁸ Kia aõma idi tahe idi raixýnymyhýre riarimyhýre icy-ribi. Aõma awi-di awihe riarirerimy icy-ribi. Ibinare rihitxinyry iribi.

⁴⁹ Kia bedekonana tahe iweselemy heka rarekre. Kia aõma ýju heka riarikre awi heka ibinau-ribi riarikre.

⁵⁰ Rehukre heòty bedebinaký-ò wahe. Tai ki tahe rirajuamyhýkre ta aòhòkýmy rotýýnymyhýkre. Txuu rikyinyymyhýkre

⁵¹ Tahe Jesuisi tamy rýýraxire: —Kiamy ibutумы teerymyhýtenyte? Tiiboho riraòwònyrenyre: —Kohe, reerymyhýrenyre.

⁵² Idi Jesuisi rarybere: —Inyò bede wyina bedeerydýýna heka rityhynyreu, waheludu rarekreu wahe. Tii tahe iwese hābu butudýýdumy ratximyhýre wese heka ronymyhýre. Tii heka ibutudýýna heto-ribi ritamyhýre, tasý mahādu-ò riwahinykemy. Að tyby aò týmyra. Ibutумы heka ritamyhýre.

⁵³ Tahe iribi Jesuisi rexitareu,

⁵⁴ tahe tahāwā-ò ròðsere. Judeu dohodŷŷna heto-ki ribedeerynyre. Tahe ibutumy ribedeotiidyŷnyre. Tiribibo heka tii bedeeryna rierymyhyre; –Timyrekibohe aōwiihikŷ rierymyhyre. Tii kŷny heka aōma òwòru besedŷŷwidŷŷdu riòre heka rare.

⁵⁵ Jyje riòre wahe. Marie heka tule rare ise wahe. Txiau, Simaō, Jyje, Judasi-wana iseriòre ihŷre tule wahe inatyhy?

⁵⁶ –Iseriòre hāwyy heka tule kaki rasŷnymyhyre inatyhy. Timyrakibohe aōna aōna ikòkò rierymyhyre.

⁵⁷ Tahe rityhynyòhyymyhyre heka tai wahe. Jesuisi tamyreny rarybere: –Deuxu Riòre Hābutyhyky heka tiu tauludu wijirana hāwā-ki inyò rityhynyòtyhy rybeduò ihetomy ijirana-ki.

⁵⁸ Tai tahe aōna aōna wiwihikŷ heka tai riwinyòhyyre, rityhynyòmyhyreki.

14

¹ Kia bedeu tahe Herodi, Kalileia iòlò, Jesuisini-ò roholare. Aōikòkò heka riwinymyhyre.

² My heka rarybere teòdu mahādu-ò: –Kia Joaō Sebedŷŷdule aōbohe rubu-ribi riixix-ađŷnyre. Tai tahe tii aōikòkò riwinymyhyre.

³ Herodi tahe juhū Joaō ròtenawo-ki riteònyre. Tii taseriòre hāwyy òraru-ki kia wesemy riwinyre, Herodia òraru-ki wahe. Herodia heka Filipi hāwyy rare.

⁴ Juhū Joaō Herodi-ò rarybere: –Awi aōkò rare. Kai dori aseriòre hāwyy-wana atxiteri. Uritere heriòmyke.

⁵ Tai tahe Herodi heka Joaō rubudŷŷmy riwisŷnyre. Urile ruberumy judeu mahādu lau. Tamyreny Deuxu rybeduòmy rŷiramy Joaō Sebedŷŷdu rare.

⁶ Herodi kai beòramy bede reareu tahe worana bedehesi ritxienyreny. Herodia riòre ijadòma heka iko-ò resemyhyre. Iixe-ki tahe awimy Herodi rahare, Ijadòma luure wahe.

⁷ Tii tahe tamy rarybere kanakemy. Aōmybo wadee bexitòenykre. Inatyhymy adee ibutumy ariwahinykre.

⁸ Tai ise ijadòma-ò rarybere: –Aōma bexitòenykre: Sebedŷŷdu ratilemy tamy bexitòenykre. Tai tahe ijadòma tamy rexitòenyre: –Wadeke bidiwyke Joaō Sebedŷŷdu rati, pratoro-ki.

⁹ Tai tahe iòlòhe rabadewore. Ibutu ijohonaru-ò dori tuu rarybere ijadòma-ò. Tahe ibutumy riwinyke rŷire.

¹⁰ Tahe ihārele iòlò heka soldadoò riteònyre ròtenawo-ò kia Joaō rati resymy.

¹¹ Inyò diwyde pratoro-ki. Ijadòma-ò heka riwahinyre. Tahe tii tadi-ò idi rare. Ri-wahinyre.

¹² Idi tahe Joaō erydŷŷna mahādu dioryde iumy, riwykremy, rituunykre. Iribi tahe roirennyre Jesuisiko relyre.

¹³ Kia roholareu tahe Jesuisi ròhònyre ixisohojilemy bederahu-txi. Hāwò-di rexitaranyre rare. Iny sòwemy bede-di ròirennyre ihemy titxibo iru-ki rakemy.

¹⁴ Rehemynyreu tahe iny sòwehekŷmy Jesuisi robire. Tai tahe Jesuisi riwotòenyre. Ibutumy riteytenyre webinadu mahādu.

¹⁵ Tahe ratxioronyra. Bederahy-ki dori atxiteri. Iny tahe biteònykre hāwā-ò tai rŷŷna ixidee riwykemy.

¹⁶ Tahe Jesuisi rirawònyre: –Aōkòre, ariteònyòtyhy jiarŷ. Kaibohole tahe aō tamy bidiwahinybedenyke.

¹⁷ Jiarŷboho kŷny diwatxiònyreri iruyre orotxu-di, utura inatxire.

¹⁸ Tai tahe Jesuisi narybede: –Bidiwahiny wadee.

¹⁹ Jesuisi tahe ibutumy iny asityre-ki ronykemy risŷnyre. Orotxu inaubiòwa, utura inatxi rŷire, utura-wana rimyre tahe ritehere biu-txi àlana Deuxu-ò riwahinyre. Idi tahe paò riyreyrenymyhyre teòdu mahādu-ò riwahinyre. Idi rare iny sòwehekŷ-ò.

²⁰ Ibutumy iny riroxirennyre ihāre rihydyre. Kia iuhe-di ierydŷŷna mahādu 12 weriri ritŷxinyre.

²¹ Hābumy 5000 òsana rŷimyhyre. Ihāre tahe uladu-di rariaòhyyre hāwyyboho-di.

²² Tahe Jesuisi taerydŷŷna mahādu riteònyre aho kanawe-ribi ijā-ò reuròrenykeny hāwò-di. Jesuisi tahe rarire iny sòwehekŷ mahādu rirybedŷŷmy.

²³ Jesuisi heka iny tahetoreny-ò riteònyremy rahudi tahe tii raòwònyre hāwā-ò ratyy-ò ixitòedŷŷmy. Taihyyle idi bede roronyre ixi sohojihyyle.

²⁴ Kiaule hāwò ahotyā-ki rare. Obò nihikŷy-txi ixinalemy ratximyhyre. Tiò tiò òbò riwelòrò riwelòròmny idi rehumyhy. Yhy deade txura-ribi.

²⁵ Rudile tahe Jesuisi biura-di heka rare taerydŷŷna mahādu-ò, beratyredile heka rare.

²⁶ Iu Jesuisile betyredile tamy rarau tahe, tiiboho heka ruberurennyre. Rirajuarennyre: –Worŷŷ òsana inydee rareri.

²⁷ Tai tahe Jesuisi rarybere: —Aworeny bitamadÿÿnybenyke. Jiarÿle watzireri.

²⁸ Tahe Pedro rarybere: —Wanÿrÿ, inatyhymy kai atxiteriwana heka wadee manyary-beke betyre-ki arariakemy.

²⁹ Tahe Jesuisi tamy rarybere: —Manake wahe. Aõwesele tahe Pedro hãwò-ribi ròhònymy reare, Jesuisi-ò rakemy. Betyre-ki rariare.

³⁰ Yhylemy tahe robure. Tii urile ruberure. Tai ijirahakÿlemy riwisÿnyra berahatxi-ò. Tai tahe Pedro rarybere: —Biwatakewa Wanÿrÿ.

³¹ Tahe Jesuisi rimyre: —Ainatyhynakÿny ibutelemy atxiteri. Aõherekibo heka tiwaty-hynyõteri.

³² Idi hãworo-ò wiwana rorukurenre. Yhy ruhure.

³³ Ierydÿÿna mahãdu Jesuisimy reàlãre. Inatyhymy heka kai Deuxu Riòretyhy tate.

³⁴ Tai tahe reuròrenre Kenesare bede-ò.

³⁵ Ibutumy iny kowa Jesuisi rieryrenre. Ti ibutumy webinadu mahãdu-ò relyyrenre Jesuisimy. Tahe hãwã ikòkò-ribi ritelenymy didydenyde.

³⁶ Tahe Jesuisi-ò rarybere. Ixinamy watyky-ò reri, awimy relerenkemy. Ibutumy tamy rerire heka reytere.

15

¹ Jerusalê hãwã-ribi bede ywina bede erydÿÿna mahãduò dehemynyde Jesuisi-wana rarybekemy. Tiiboho-wana tule fariseu mahãduò dehemynyde. Tiiboho heka Jesuisi-ò rÿÿraxirenre:

² —Aõherekibo aerydÿÿna mahãduò tebòreny risuhòkòreri roxiko-ki. Inydeereny kia bede ywina rare. Aõherekibo rityhynyõreri ihetxiu lahi rybe.

³ Jesuisi rirawyònyre ÿÿraxina-dí: —Aõherekibo kaiboho Deuxu rybe tetyhynyõteri kaiboho lahirybele tetyhynytenyde.

⁴ Deuxu bede ywina kawesemy rarybere:

—Boo adi-wana ibutumy heka bityhynybenyke. Inyò rybebina tadi-ò tyby-ò rarybekeki. Tii tahe ruruke, tuu bede ywina rybe wahe.

⁵ Kaiboho tahe kawesemy tebedeerynytemy tewitziranente: Inyò tadimy tybimy rary-bekeki Wanieru Deuxu-ò wahisidÿÿnamy.

⁶ Tai tahe inieru-ei tyby tadi-wana riwiòhenanyõre kia bede ywina witxira tewinmahãte. Deuxu bede ywina rityhynyõreki.

⁷ Kaiboho itxerenadu mahãdu atxitenyteri. Isaia inatyhymy umy rarybereu:

⁸ —Kia mahãdu wadee rybe-dí riwadeàlananyrenre. Wowydyna wadee riwahinymyhÿrenre. Inatyhymy aõkò heka kai tarybemahãte. Arayky dori Deuxu-ribi irehemy ratximyhÿre. Teerytyhyòlemy heka atximahãte.

⁹ Iwowydyna heka wadee aõ aõkò rare. Wabede ywina ribedeerynyõtyhy. Tex-ibedeerynymahãtenyde abede ywinarenydile.

¹⁰ Jesuísí rexidelenymy ribedeerynyre: —Boholabeny warybe-ò.

¹¹ Brebuna roxina-dí biroxibenykeki, aõ adeereny ibinaõtyhy aõ aryrenymy ralòmyhÿre aõkò heka ibinare. Ryribi ròhòmyhÿre heka ibinare, arybe wahe.

¹² Tai tahe Jesuisi erydÿÿna mahãdu Jesuisiko rarybere: —Fariseu mahãdu kÿny tamy awiõre kia wiji tuu tarybeta wahe.

¹³ Tahe Jesuisi rarybere: —Aõhere aõkò rare. Timyre aõkò rare. Ixinamy tuu raryberenyre. Iorutere-dí nohòtirennyõmy. Kia fariseu bedeeryna lòbòrona wese rare. Waha ribòronnyõre. Ibutumy waha ribòronnyõre suribi mahãdu ritakre.

¹⁴ Inatxi hãbu ruetã widee ryò ritÿÿnynymyhÿre wese. Hãwãry-ribi wiwanale hãloo-txi resekre. Tiiboho ixinamy biribenyke.

¹⁵ Tahe Pedro Jesuisi-ò rÿÿraxire: —Wakoreny inihe biditynnyke, roxina brebuna ijy wahe.

¹⁶ Kaiboho ibutu wese atxitenyteri. Teeryõtenyde.

¹⁷ Ibutumy iny aõ rirÿsÿmyhÿre weryri-dí ramyhÿre tahe ròhònymyhÿre.

¹⁸ Tahe inyò rybebinamy rarybemyhÿre. Tii iwo ibinare, irayky ibutumy ibinare tai wahe.

¹⁹ Raykywydyna binahakÿ-ribi heka òtaòtana, rubuna, wasina, ruina ujòmo inry-ribi ròhònymyhÿre.

²⁰ Kia aõmydÿÿnana iny risurisumyhÿre, inydee ibinare. Tahe roxinako-ki iny tebò risuhòmyhÿre, kia tahe aõ aõkò rare, ibina aõkò rare.

²¹ Iribi tahe kia-ribi ròhònyre tahe Jesuisi rare irehetytymy Tiro hãwã-ò Sidò hãwã-ò.

²² Kana bede hãwyò tamy nade. Tahe tamy rexitòenyre: —Wahí, Davi riòkòre, biwarux-etoenyke hewa. Waritòre heka tykytyby bina-dí iwoku-ki ratximyhÿre. Anohòkÿmy heka idi rotÿkÿnymyhÿre.

²³ Tahe Jesuisi aõmy rarybeõhyyre tamy. Taerydÿÿna mahãdu tahe rarybere: –Biteõnyke hewa. Inyboho dori riixiranyrenyeri.

²⁴ Jesuisi tahe rarybere: –Jiarÿ Deuxu riwateõnyre judeu mahãduòle, tabudoeni mahãdu iõre mahãdu wese wahe.

²⁵ Hãwyy ixityre nade. Tatiowotimy resere. TAhe ixityre tamy rarybere: –Biwawikõhenanyke hewa, Wahì.

²⁶ Jesuisi rirawyõnyre: –Awiõhedÿÿna kia wese rare aõma hãbuõ tariõre-ribi rÿsÿna riwyrta tahe idi rehura ijõrsaõle. Kiawese rarekre, jiarÿ arawiohenanykeki.

²⁷ Hãwyy rarybere: –Inatyhy rare. Kuladu-ribi ano rÿsÿna resemyhÿre bede-txi, tiki tahe itxõrsa ritxõre idi riwymy reakamy rirõmyhÿre.

²⁸ Inatyhymy Jesuisi rirawyõnyre: –Kai ainatyhyna sõwere. Adee ariwinykre aõmybo textitõenyteri. Iule iriõre reytemy rare.

²⁹ Tahe Jesuisi ròõsere ixityre Kalileia ahohokÿ-ò. Raõwõnymy rare hãwãlõ-ò. Iratytyre ronyre.

³⁰ Sõwemy heka iny webinadu didyde: itiere mahãdu, iruetã mahãdu, irybeõ mahãdu, aõ ikõkõ heka bina bina wixira wixira idi rare. Jesusiko-ò heka ritidirenyreki ibutumy riteytenyre.

³¹ Iny ruetã rÿira mahãdu itxeretyhymy riwinyre. Rarybekõmy rÿira mahãdu, rarybemy rÿimyhÿ teysamy. Itiere rÿira mahãdu, rariamy rÿimyhÿ. Tai ibutumy iny ribedeõtiidÿÿnyre heka tahe judeu mahãdu Deuxu-ò wowydyna riwahinyre.

³² Jesuisi rarybere taerydÿÿna mahãdu-ò kanakemy. Tahe tamyreny rarybere: –Jiarÿ kÿny rewotõenyteri kainy mahãdu rÿireridi. Inataõ txumy bede riera waki. Aõ heka ihokõre rirÿsÿnyrenkemy. Iõwedÿÿkõlemy ariteõnykeki heka ijõ reseke ryrowetyakile. Rama riatyke.

³³ Tai tahe ierydÿÿna mahãdu rarybere: –Inyboho bederahy-ki, titxibo heka rÿsÿna arimykre iny sõwehekÿ-ò ariwahinyrenykremy?

³⁴ Tahe Jesuisi tamyreny ritÿÿraxyre: –Tiwesebo roxina-di atxitenyteri. Tahe ri-rawyõnyre: –Debò inatxi reurò orotxu sõmo sõmomy idi watxireri utura deyre ijõ rare.

³⁵ Jesuisi rarybere ibutumy iny ronykemy.

³⁶ Tahe tí rexitõenyre Deuxumy reãlãre. Orotxu, utura-wana riereerenyre tahe taerydÿÿna mahãdu-ò riwahinyre idi rakremy.

³⁷ Ibutumy riroxire heka kia iny sõwehekÿ ta rihydyre. Tabyre rahudi tahe riarire ierydÿÿna mahãdu. Tai tahe rahure tÿxihikÿlemy. Debò inatxi reurò weririmy heka ritÿÿxinyrenyre.

³⁸ Tahe 4000 hãbumy riõwenyre, kia txuu wahe. Uladu, hãwyy-di rariaõhyyre.

³⁹ TAhe Jesuisi iny-ò rarybere tasÿ-ò ròõsekemy ixiby. Iribi tahe Jesuisi hãwõ-di reurõmy rare Magadã hãwã-ò.

16

¹ Fariseu mahãdu saduseu mahãdu nade Jesuisi-ò iurihixidÿÿmy riitxenanyrenykemy: –Aõbederydÿÿnabo heka biu-ki iribi rexitõenyre. Biwateõsinyke heka aõwiihikÿ-di biu-ò jiarÿboho arieyrenykre, kai inatyhy tate wahe.

² Idi tahe Jesuisi rarybere: –Kaiboho heka awirenyre biuwetyky erysy-ki. Jesuisi rarybere: –Kia rybe tarybemahãte. Txiorotxumy heka biuwetyky isõhokÿra-ki, biurasõmy tahe awimy txu kedeakre.

³ Biurasou ibede lyby lybymy txu-di kedeakeki tahe biu ròahyyhy bede txu rariakre. Myhe tarybemahãte. Kaiboho heka iwixira aõhebo rotÿÿnykre heka teerytenyngõlemahãtenyte.

⁴ Iny kamahãdu heka ibutumy ibina binare. Tiu heka rityhynyõhyymyhÿnyre. Rexitõenyymyhÿnyre heka biu-ò rityhynykemy. Tahe riwahinyõtyhy heka aõma bedeerynaõ. Kia Jonasi-ò bedeeryna rareõle tahe tamy rakre heka. Tahe Jesuisi rexitamy rare iribireny.

⁵ Idi tahe aho weribijã-ò reurõnyre tahe, tõhõtireny rosare tarÿsÿnareny-ribi.

⁶ Jesuisi tamy rarybere: –Fariseu mahãdu, saduseu mahãdu iurina-ò bexiebenyke.

⁷ Ierydÿÿna mahãdu tahe widee rarybere: –Tii kia rarybere iny orotxu diwÿõdeki.

⁸ Jesuisi roholare aõmybo raryberenyre tahe tamyreny rarybere: –Aityhynareny urihimÿõre. Aõherekibo orotxumy jiarÿ rarybererimy tahõtintytenyte?

⁹ Tiu kaiboho bierybenyõtyhy. Iruyre orotxumy remyre. Idi 5000 hãbumy reõwenyre. Ihãre tahe weriri txÿxi tÿxihikÿlemy rÿimyhÿre rauhenyre. Itxi aõbo õhõtireny reakõmyhÿre.

¹⁰ Ixityre tasÿ 4000my reõwenyre, debò inatxi reurò orotxu-di. Ixiyrubule rauhenyre.

¹¹ Jiarÿ orotxumy rarybeõre. Fariseu mahãdu, saduseu mahãdu urina-ribi bexiebenyke.

¹² Tai ierydÿÿna mahãdu rieryrenyre aõmybo rarybemyhÿmy Jesuisi heka fariseu saduseu bedeerydÿÿnamy rarybereri.

¹³ Idi tahe Sesaria Filipi hāwā iòhòmy rehemynyre. Jesuisi rÿÿraxire taerydÿÿna mahādu-ò: –Iny wamy rarybereri. Mobo heka jiarÿ raremy heka wadi rÿireri. Jiarÿ Hābutyhyhykÿ rare, Deuxu Riòre wahe.

¹⁴ Ijò kÿny rarybemy rÿireri: –Kai riki heka Joaò Sebedÿÿdu atxiteri. Ijò riki Elia atxiterimy adi rÿireri. Ijò tahe Jeremiamy adi rÿireri. Ijò heka Deuxu rybeduò riki heka atxiterimy adi rÿireri.

¹⁵ Tai tahe Jesuisi rÿÿraxire taerydÿÿna mahādu-ò: –Mowexe watxirerimy wexe wadi tahòtinytenyteri.

¹⁶ Simaò Pedro heka rarybere: –Kai Kristu atxiteri Deuxu deòdÿÿna heka tate. Kai heka Deuxu Riòre tate.

¹⁷⁻¹⁸ Tahe Jesuisi rirawÿnyre Pedro-ò: –Inatyhymy Pedro tate, Waha, biu-ki Mana ani rare. Boholake, ratximyhÿrele kia adee riteòsinyre. Iny aòkò kia adee riteòsinyre. Wadohodÿÿna mahādu kia mana tyre-ò ariwinykre. Rubu dori heka tiu ituedeòna.

¹⁹ Waiòlòna rayna heka adee ariwahinykre. Kabede-ki aòwidÿÿ adee binakeki tule biu-ki ariijònykre. Aòtxiletixibo aòwidÿÿmy burukre tasÿ biu-ki tule adee ariwinykre.

²⁰ Jiarÿ inatyhymy Deuxu deòdÿÿna rare. Tuu ijyrenyòmyke.

²¹ Iribi tahe Jesuisi itÿny relyymy taerydÿÿna mahādu-ò. Rurukremy heka relyyre: –Arakre heka Jerusalè-ò. Tai heka matuari mahādu, ònosòna bedeeryna mahādu, xiwena wahidÿÿdu mahādu-wana riwarubunykre. Inataò txu-di tahe ixiby rubu-ribi adexixakre.

²² Idi tahe Pedro heka Jesuisi ridyre ijò erydÿÿna-ribi tahe tamy rarybere: –Aòkòre, Wanyrÿ, tiu heka tiiboho ararubunyrenyòtyhy.

²³ Tahe Jesuisi rarybere Pedro-ò: –Waribi bexihitxinyke. Kai heka Satanasi weselemy atximahāte. Iwese kai taraykynmahāte heka aò Deuxu deewinamy aòkò tuu tahòtynmahāte hābudeewile rare.

²⁴ Idi tahe Jesuisi rarybere taerydÿÿna mahādu-ò: –Inyò wawananomy rurukeki, ixi-ribi heka tòhòti rosake. Nomy rurukeki heka taitxeò rimyke idi tahe wahemy kanake.

²⁵ Inyò wahemy rariakemy ixi-di ròhòtinyhyke wana heka irumy inonana irehemy ixi-di ratxikeki heka tii ihārele ruruke. Inyò taumy riònonykeki waòraru-ki tai tahe tii ròtake.

²⁶ Inyò heka ibutumy aòna aòna bede-ki ributunykeki. Tahe ihārele heka tii ruruke. Tule umyuedeòna riònonyre. Aò tarasana tamy aò aòkò rare. Iny iruna riòwynyòhyymyhÿre, ixiyby tamy kanake wahe.

²⁷ Jiarÿ, Deuxu Riòre, Hābutyhyhykÿ dori kanakre wana aòwesele. Taÿju loosòna-ki tii kanake.

Iny ibutumy ariòwynykre bibutunymy aòbo iny riwinyymyhÿré heka aòwiiwhikÿ aòbina bina.

²⁸ Iu jiarÿ, Deuxu Riòre, Hābutyhyhykÿ, kanakeu tahe inyò kaibohoò tuu robikre, Iòlòmy kanakreu.

17

¹ Reare heka debò sohoji reurò txumy. Tahe Jesuisi ridyre Pedro, Txiau, Joaò-wana. Joaò tahe Txiau seriòre rare. Tahe raòwònyre tiiboho-wana hāwālò ratòòhòkÿ raty-ò. Inyò heka tii wana raòhyre.

² Ikoreny-ki tahe Jesuisi rexiwixiranyre. Iòsana heka roosòre. Txuwesehekÿle relere iòsana heka ratÿrÿrÿnyre. Ityky tasÿ rauranyhÿkÿre. Tahe roosòna itoosònadihikÿre.

³ Iu tahe tuu robire Moisesi rubu, Elia rubu, Jesuisi-wana wídee raryberemyhÿnyre.

⁴ Tahe Pedro tamy rarybere: –Awire, Wanyrÿ, kawese watxirerimy kaki. Adee wikeki hetomy ariwinyrenykre ijò adeekre, ijò ta Moisesiòkre, ijò Eliaòkre.

⁵ Iu Pedro rarybereriule tahe biuwetyky urahakÿ relere. Iyribile rybeò narybede: –Kia heka Wariòre waluu heka rare. Boholabeny irybe-ò.

⁶ Idi tahe ierydÿÿna tamy roholareu, tahe ruberure. Tahe reserenyre iòsanareny bede-ò.

⁷ Jesuisi tamaryeny nade: –Breburenyòmyke hewa bodorukubedenyke heka.

⁸ Reteherenyre tahe Jesuisi sohojile tai rÿire.

⁹ Iribi tahe diberenydenyde hāwālò raty-ribi, Jesuisi narybede: –Uritere waijyòmyke inyko wiji tuu tabitimy. Iu jiarÿ, Deuxu Riòre Hābutyhyhykÿ, rubu-ribi riixixanykre tahe tuu belyykre.

¹⁰ Tahe ierydÿÿna mahādu Jesuisi-ò rÿÿraxire: –Aòherekibo tarybetenyteri –Elia juhuu kanakemy ako-ò juhuu kanakemy.

¹¹ Jesuisi rirawÿnyre: –Inatyhy rare tii juhuu kanakre. Ibutumy heka bede riywinykre.

¹² Tule ararybekre kiamy: –Elia nade tahe ihārele heka iny rieryòhyre. Aòhòkÿmy risÿnyre. Iwese Elia aòhòkÿmy risÿnyre wesele tahe Deuxu Riòre Hābu heka aòhòkÿmy risyntykre, jiarÿ wahe.

¹³ Tai tahe Jesuisi erydÿÿna mahādu rieryrenykre aòmybo Eliamy tii raryberemy Joaò Sebedÿÿdule tahe Jesuisi rarybere.

¹⁴ Iribi tahe dòòsedenyde iny sòwemy riraõmy rÿimyhÿre. Hãbu-ò nade Jesusiko-ò tatiowomy resere:

¹⁵ –Wanyrÿ, ruxetòena wariòre-di biwahinyke. Irayky awimy aõkõ ratximyhÿre. Bera-txi resemyhÿre. Heòtyru-txi resemyhÿre. Ibutumy aõna aõna riwinyrerimy ihÿre.

¹⁶ Aerydÿÿna mahãdu-ò heka adidyde tahe tiu riteytenÿòtyhy.

¹⁷ Jesusi rirawyõnyre tamyreny: –Kaiboho isira mahãdu atxitenyteri. Aõ heka inatyhyna heka akireny ijòkõre. Tiwese bedede dÿÿnana bohe araòludunyenkyre. Bedese inihe bididy uladu wadee.

¹⁸ Tahe Jesusi rarybere kia uladuwo-ki ratximyhÿò: –Iribi wa bohonyke! Tahe uladu reytemy reare.

¹⁹ Idi ierydÿÿna mahãdu Jesusiòle rarybere: –Aõhereki bohe jiarÿboho tyytybybina iribi reteònykòrerì?

²⁰ Aõmareki kiehe ainatyhyna ibutetyhyreki òwòrutu sòmowesele ainatyhyna dikeki heka kai aõwiihikÿ biwinyke. Kai hãwãlò-ò marybeke: –Iribi bexitake! Tai tahe hãwãlò rexitake iwitxira suò. Aõ aõkõ adee isirake, ainatyhyna dìreki wahe.

²¹ Kia tyytyby bina iwitxira rare. Isiratyhyre heka. Kaiboho bexitòenybenykeki, binare-hebenykeki, ixiery tyytybybina biteònybenyke.

²²⁻²³ Kalileia bedede-ki Jesusi taerydÿÿna mahãdu-wana ributunyre. Tai Jesusi rarybere tamy: –Jiarÿ, Deuxu Riòre Hãbu, rare. Tai inyò riwahinykre hãbubinaò-ò warubudÿÿmy. Inatã txu-di tahe rubu-ribi adexixakre. Tai tahe ierydÿÿna mahãdu rabadewo nihikÿre.

²⁴ Iu tiiboho heka Kafanaò hãwã-ò ritehemynyre, inyò Pedro-ò nade. Tii dohodÿÿna òwy butudÿÿdu rare. Tahe rarybere: –Awedu aõbohe tii rexìòwinykèkò.

²⁵ Pedro rirawyõnyre: –Tii riòwynymyhÿre. Tai tahe Pedro rakemy reare. Iu Pedro tuu Jesusi-ò rarybekemy hetowo-ò raloreu, Jesusi juhuu rarybere: –Moribibo iòlò rexìòenyimyhÿre òwydÿÿnamy. Mynydu mahãdu-ribi aõbo ada ta taijoiribile aõbohe rotamyhÿre.

²⁶ Pedro tahe rirawyõnyre: –Mynydu mahãduòle rexìòenyimyhÿre. –Inatyhy rare, Jesusi rarybere. Ijoi mahãdu òsana riòwynyòhykymyhÿre. Jesusi rarybere: –Ìhãre tahe ròkòòwydÿÿkyre.

²⁷ Òbitimy rakaòwònyrenkyre. Kia Templo heto òwmy. Ibinamy kia iny-ò ariwinyòtyhy. Kai heka makre ahohokÿ-ò awaxi-di behukre. Juhu utura kanakrele heka bidimykre. Idi iry biraynykre. Tai nieruò-ki mahake. Iribi biditamy tahe makre iny òwydÿÿmy.

18

¹ Iule tahe Jesusi erydÿÿna mahãdu tamy rehemynyre rÿÿraxire: –Mobohe Deuxu Iòlòna-ki nihikÿmy rarekre.

² Jesusi heka ratximyhÿ uladuò ibire-ki.

³ Idi tamy rarybere: –Kai uladu weselèõmy mabeòkeki, Deuxu Iòlòna-ò malòbenyòtyhy

⁴ Uladu wese marakybenykeki heka, tii tahe Deuxu Iòlòna-ki inatyhymy rÿirakre.

⁵ Kai waòraru-ki uladu kawesemy biwiòhenanykeki tiwawiòhenanymahãte

⁶ Kai uladuò òraruna-txi resekeny risÿnykeki, kai abinatyhymy atximahãte. Inyò òy ritakamy reroti-di aratakemy heka inyò adi rehuke bera-txi. Tii tahe awityhyre adee.

⁷ Sòwemy heka aõna aõna rÿira wary-ribi iny riatykeny. Tii adee ibinatyhyre. Tiiemy heka tuhyy rarekre. Inydee heka ibinakre heka. Wary-ribi riòlòdÿÿnymyhÿre heka tamy ibinakre.

⁸ Ebò òraru-ki tahe wainatyhyry-ribi bexitakeki, ebò biòròmny idi behuke. Awityhyre heka adee Deuxu Iòlòna-ò malòkre sohoji ebòdile. Inatxi ebò-di heòty bedebina-ò malòkeki, awiòre heka.

⁹ Tule arue sohoji òraru-ki kia òraranamy beseke lau, urile bitake idi behuke. Arue wiò-di heòty bedebina-ò malòheny arue-di wiòle. Biu bedewihikÿ-ò malòke tahe awire heka arueyremy.

¹⁰ Iny nihikÿ ityhy iny yja mahãdu heka tuuòre. Uritere heka iweserenyòmny atxibenyke kaiboho bexiijebenyke tamy. Iny aõkõ mahãdu dori tii iÿju dire heka. Iÿjurenny heka Deuxuko tii ibutumy relynymyhÿre turenny. Idi òhòtirenny-ribi bosabenyòke.

¹¹ Jiarÿ Hãbutyhyhykÿ rare, Deuxu Riòre wahe. Ityhydÿÿdukòdu mahãdu ibutumy aritakemy anade.

¹² Rakawesenanykre heka kaijyy wesemy. Rakarybekre heka kahãbu 100 budoeni ijòdìre wesemy. Sohoji heka iòre iy-ribi. Kia hãbu idi itxeredu tahe iy-ribi iòre rakre ijesemy. Iuhe tahe hãwãlò-ki riroximy ririre.

¹³ Tai rahakre wana heka teysamy ratxikre. Kia sohoji òrarukile reysakre.

¹⁴ Iwesetyhylemy taheka inyò iòòtyhy Waha-ribi. Tamy dori kia ibinare.

¹⁵ Inyò adee rexìòarunykèki tahe tamy makre rybemy. Uritere inywitxirako-txi rybeòmny tuu. Tahe tamhyhylyemy marybeke. Aityhydÿÿdu seriòre heka arybe-ò roholakèki, tahe

ixi-txi tōhōti reake wana, ixi dee ibinamy rōhōtinyra wana, tai tahe kai ixiby tii-wana ityhydŷydu seriōre biōwamy beleke.

¹⁶ Aōhe wana tahe arybe-ò roholaōhyykre, tahe ixityre make inyō wana rexibiōwanymy. Iny inatximy ixihe-ki bidyke. Tii tahe arybe-ò ijohonaduke inatyhy raremy arybera-txi resekemy wahe. Iu dohodŷy-na-ki rarybekreu, tai tasŷ tii rarybeke teōsamy aōkō ratximyhŷrelemy rarybeke.

¹⁷ Tii irybereny-ò roholaōkeki, tai tahe dohodŷy-na mahādu-ò belyyke. Tii irybereny-ò roholaōkeki, tai tahe biteōnyke. Tii iwese òrarudu mahādu heka adee rarekre, bede dinodu-ò nieru wydydu wese wahe.

¹⁸ Iwese kaiboho waityhydŷydu mahādu kabede-ki rōhōtinyre wesele, tule araykywesetyhyle Deuxu biu-ki rōhōtinykre. Aōbo adee kabede-ki aōwidŷy ibinare ada awire heka tule biu-ki ibinamy rarekre, awimy rarekre. Arybe riwitxiranyōtyhy kowa biu bede-ki.

¹⁹ Iwitxiraōmy adeereny ararybekre: —Ijō titxibo inatxi ada inataō ityhydŷydu seriōre wiweselemy rarakyntykre. Waha-ò rexitōenymyhŷreki iwese rexitōenyre wesele heka tamy riwinykre biu-ki.

²⁰ Titxibo waniōraru-ki inatxi, inataō wii ributunykre heka, jiarŷ taile watxireri.

²¹ Tahe Pedro rŷŷraxire Jesuisi-ò: —Bede erydŷydu! Waityhydŷydu seriōre heka wadee rexiiōrarunyekeki, tiwesebo sōwe ariixāwididŷyntykre ixi-ribi debō inatxi reurō, my aōbo?

²² Jesuisi rirawyōnyre: —Aōkōre, debōinatximy aōkōre, 490 wesemy wahe. Ixityre ixityre biixāwidŷyntykre.

²³ Deuxu Iōlōna kawesemy rare: —Iōlōō heka teōdu mahādu kia contamy robikemy idi ratxireri. Tiwesebo inieru-di rasiranyre wesemy wahe.

²⁴ Sohoji teōdu juhuu dehemynde. Sōwemy heka tevedŷy-na ratximyhŷre, 1000,000 womati tŷŷrŷhŷkŷ nieru wahe.

²⁵ Inieruōre heka iōwydŷy-na wahe. Idi rohonykemy heka iwedu riteōnyre deōdu mahādu wesemy. Tariōre-wana tahāwyy-wana ibutumy deōdumy roirekemy. Aōbo tai rŷimyhŷ heka ibutumy idi rohonre.

²⁶ Tai kia deōdu heka tatiowotimy resere kia iōlōko-txi: —Waiōlōreny, txiōinihe biwaraōkre ariōwynykre ibutumy.

²⁷ Tai tahe iōlō riwotōenyre aōma ixinahykylemy ritusanyre.

²⁸ Tai tahe kia hābu he rare kia urihimyō tamy radevenymyhŷō heka rexinohōtidŷyntyre. Tai tahe hābu Iōtikile rimyre. Rierenymy resere ribōtōrarytxynyre: —Bidiwaōwynykre kŷnyhe wijityhyle.

²⁹ Tai tahe tatiowomy resere, rarybere: —Txiokre inihe ariōwynykre ibutulemy.

³⁰ Tai tahe rirutyre rōtenawo-ò idi riōtenyre. Riwotōenyreōhyre.

³¹ Itxeredu mahādu heka rabadewore tai tahe ibutumy relyyre iōlōko.

³² Tai tahe ixityre tamy rarariōwyre tamy rarybere: —Aōherewe, deōdu binahakŷ, jiarŷ araixāwididŷyntyre ibutumy inatyhy? Kai dori ixitōedŷy-na wadee tewinyta.

³³ Aōherekibohe aleina kia adee nadevenymyhŷde kia teixāwidinyōta, iwese jiarŷ araixāwidinyre wese.

³⁴ Tai tahe tii rimyre reburere itere iōlō, tai imynymy riteōnyre rotenawo-ò riōwynykre xiery riōlōdŷyntykremy. Tai aōhōkŷmy rotŷŷnymyhŷre.

³⁵ Jesuisi rexihura narybede: —Kiawesele heka adeereny rarekre. Ityhydŷydu seriōre taseriōre riixāwidinyōkeki heka iwesele heka waha adi riwisŷnykre.

19

¹ Jesuisi ibedeerydŷy-na-ribi rexihureu, Kalileia bede-ribi rōhōnyre. Bero Jordaō weribi-ijā-ò reurore, Judeia hāwā bede kanawe-ribi ijā-ò rehemyntyre.

² Tai tahe sōwemy iny webinadu mahādu rŷire. Idi tahe ihemy rare. Ibutumy riteytenyre.

³ Fariseu mahādu imynymy idi riwisŷnymyhŷre aōbinamy rarybekeki rimykyre. Tai tahe tamy dŷŷŷraximy namyhŷde aōsirahakŷmybo: —Iny bede ywinareny tahāwyy riteōnymyhŷre urirybelemy, wiribi resekemy.

⁴ Jesuisi dirawyōnyde: —Ritidŷy-namy aōbo tariaōmyhŷte idi?

—Deuxu ibutu widŷydu heka juhuu hābu hāwyy-wana riwinyre.

⁵ Idi tahe rarybere:

—Hābu heka tybyboho-wana tadiboho-wana wiribi rexihitxinyymyhŷre tai tahe tahāwyywanale wii ributunymy rŷira.

⁶ Inatxi heka sohoji weselemy rarekre, hābu tahāwyy-wana. Deuxu heka hābu tahāwyy-wana ributunyre, inyō heka tiu rihitxinyōtyhy.

⁷ Tahe ijōmy fariseu mahādu ritŷŷŷraxinyre: —Aōherekibo Moisesi kawesemy juhuu rarybere: —Hābu tahāwyy riteōnykeki juhuu urile tyriti tamy riwahinyke riteōnykekeki.

⁸ Tahe Jesuisi kawesemy rarybere: —Kaiboho heka ieryna urihimyòlereki aõ isirareki heka kia riwinyre. Juhuu tahe kawese aõkõ r̄yire.

⁹ Aõmale tahe ixinamy riteònyke ixi-ribi òta òtadule heka aõwaxiny tuu riteònyre ixi-ribi.

¹⁰ Tai tahe ieryd̄ȳna mahādu rarybere Jesuisi-ò: —Tahe kiawesekeki heka uritere heriõmy hāwyyõmy, hābuõmy.

¹¹ Jesuisi tahe dirawyònyde: —Kaa bede eryna heka aõ ibutuhuk̄y-ò aõkõ tureri aõma Deuxu bede eryna tamy riwahinyh̄ȳreòle heka tureri.

¹² Aõtxi-ki tahe tuu hābuõ r̄yira hāwyyomy heridumy aõkõ r̄yira. Ijõ hābuõ tahe tiemy tunodumy r̄yirerimy ih̄ȳre. Iwitxira hābu-ò rexiwahinyomy r̄yireriki heka tuu r̄yirerimy ih̄ȳre. Ijõ tahe tuu r̄yirerimy ih̄ȳre aõma Deuxu aõmys̄d̄ȳna òraru-ki wahe. Kaa rybe tahe inyõ tahe rityhynykeki tii inatyhymy rityhynyke.

¹³ Inyõ didyde uladuõ Jesuisi-ò tamy rexitòenykemy tebõ iraty tyre-ki roirerilemy. Ieryd̄ȳna mahādu tahe uritere iixirad̄ȳomyke.

¹⁴ Tahe Jesuisi rarybere: —Ixinamy kanamyh̄ȳke uladu wadee. Uritere itinys̄ȳrenyõmy. Uladu wesemy dori Deuxu Iòlõna ròtedu mahādu ratximyh̄ȳre.

¹⁵ Jesuisi tahe iratytyre tebõ ritidire tamy rexitòenyre. Idi tahe Jesuisi rare.

¹⁶ Aõu tahe hābuõ Jesuisi-ò nade: —Eryd̄ȳdu, aõhebo arot̄ȳnykre. Aõma, timykibo umyuedeõna aritakemy wahe. Aõwid̄ȳȳ wiwihik̄ȳbo ariwinykemy.

¹⁷ Jesuisi rarybere: —Aõherekibo wadee aõwiwihik̄ȳmy wid̄ȳȳ t̄ȳȳraxiteri? Iny sohojile awi rare, Deuxule wahe. Kai bede ywina ibutumy bityhynyke, umyuedeõna hak̄y-ò molokre.

¹⁸ Aõbedeywinabo arityhynykre? Tahe Jesuisi rirawyònyre:

—Rubud̄ȳȳomy, Òta òta wid̄ȳȳomy, wasiõmy, ruiõmy,

¹⁹ Adi boo-wana bityhynyke, iwese ixiluure wese heka abireludu mahādu luuke.

²⁰ Hābu rarybere: —Kia heka aõu aõu jiar̄ȳ retyhynyre. Aõijõmybo arot̄ȳnykre?

²¹ Jesuisi rirawyònyre: —Kai òbitimy mabekekile aõmyd̄ȳna-di ibutumy. Kia idi bohonyke òy tahe biwahinyke urimynodu mahādu-ò. Tai sõwemy aõna aõna biu-ki ahõrõmykre. Iribi tahe biwaheludunyke.

²² Iu hābu kia roholareu tahe rabadewonihik̄ȳre inieru sõwereki heka rabadewore.

²³ Tai tahe Jesuisi taeryd̄ȳna mahādu ribedeerynyre: —Isiratyhyre heka biu bede-ò ralõke aõma ityhy nihik̄ȳkeki.

²⁴ Isirare heka aõma kamelo tyy rurena òtumy ralõke heka isirare, inatyhy? Tai tahe aõma ityhy mahādu ralõke tarasanamy reake heka isirare.

²⁵ Jesuisi eryd̄ȳna mahādu ribedeòtiinyre kai-ò roholareu. Tai tahe rõhõtinyre: —Aõkõre isiratyhyre tuu ròte. Inyõ tarasanamy reaõtyhy.

²⁶ Jesuisi tamyreny retehere tahe rarybere: —Inatyhy rare hābu-ò isirare. Deuxu dee tahe isiraõle rare.

²⁷ Tai tahe Pedro rarybere: —Jiar̄ȳboho ibutumy aõmyd̄ȳnareny adiridenyde. Araheludunymy watxiwāhāre. Aõma ritarenykre?

²⁸ Jesuisi tahe dirawyònyde: —Kiamy heka adee ararybekre. Jiar̄ȳ Deuxu Riõre Hābu tyhyhyk̄ȳ wahe. Kaiboho heka tule borukubenyke aiòlõnaryna-ki iu ibutumy rat̄ȳmyrakre. Kaiboho iny sohoji sohojimy judeu ijioiõ biywisid̄ȳnanybenykre, wajoi waõinatxi reurõ mahāduõ wahe.

²⁹ Inyõ kia ibutumy aõbo waòraru-ki ririmyh̄ȳre iwese taheto ririmyh̄ȳre waòraru-ki, taseriõre, tadi, tyby, uladu, taoworu, ririmyh̄ȳre. Kia sohoji sohoji-ribi heka aõ sohoji sohoji òwomy 100 ritakre. Tule umyuedeõna ijõmy ritakre.

³⁰ Inyõ nihik̄ȳmy ityhymy ratxirerimy ih̄ȳre, tii iyjalemy relekre, aõma aõkõ tai relekre. Tule iyja nihik̄ȳmy relekre. Sõwemy urimynodu kaki r̄yirerimy ih̄ȳre tahe biu-ki inihik̄ȳmy rarekre.

20

¹ Jesuisi tas̄ȳ riteòsinyreri ijyyõ timyrebo Deuxu Iòlõna. Hābu aõmys̄d̄ȳdu heka oworu wid̄ȳmy heka riteranymy tamy rarybemyh̄ȳre:

² —Aõmamy araõwynykre, sohoji prata womati nieru, iwese ibutumy raõwynymyh̄ȳre wese, sohoji txuõwy wahe. Tai tahe tii raaõmys̄d̄ȳre uva oworu-di raaõmys̄d̄ȳmyh̄ȳ.

³⁻⁴ Idi tahe tii reare 9 horau tule, txutyeyu tule, titxibo iaõmys̄d̄ȳna r̄yireri titxibo hābu teaõmys̄d̄ȳmyh̄ȳ. Tahe tuu robire urile ratximyh̄ȳmyhe idi retehemyh̄ȳ. Tai tahe tamy rarybere: —Maaõmys̄d̄ȳke hewa, waoworu-ki. Ikonana txu heka òbitihyky araõwynykemy adi watxireri.

⁵ Tii boho raaõmys̄d̄ȳre tule. Txutyey tas̄ȳ ixiyrubule ijõ riteranyre aõma iwese kia juhuu ijõ-ò rarybera wesele.

⁶ Txuinyõbira-ò ijõ rimyre, tule ijõ txiorotxure.

⁷ Iruyre hora-ò ijõ tas̄ȳ riteònyre.

⁸ Tahe txiorotxumy rõhònyra tahe kia iòwydÿÿdu tamy rryryre.

⁹ Tahe 1 womati nieru tamy riwahinyre, sohoji hora raaòmÿsÿdÿÿre mahàdu wahe.

¹⁰ Tahe txusohojimy raaòmÿsÿdÿÿre tahe iratyre ròtakremy ixi-di rõhòtinyre. Tahe tule riòwynyra iwese ijò riòwynyra weselemy, 1 womati nieru, sohoji sohoji wahe.

¹¹ Tai tahe rimyre nieru urile tamy rexibinanymy rarybere:

¹² —Kowa heka sohoji horale raaòmÿsÿdÿÿhàrele heka 1 teòwynyta. Jiarÿ boho tahe txuhyy raaòmÿsÿdÿÿra, bede tòtee-ki wahe.

¹³ Tahe iwedu rarybere: —Wabiòwa, adeereny rarybera. Wiji 1 womati nieru ariwahinykremy heka inatyhy? Tuheka adeereny rewahinyre. Aribi rawasinyora.

¹⁴ Boibenykre heka ibutumy araòwynyri. Wiwesetyhylemy heka araòwynyrenyri, iwese rarybere wese.

¹⁵ Hora sohojilemy raaòmÿsÿdÿÿraò sohojimy wanieru ariòwynykre inatyhy. Tamy wanieru ariwahinykemy ixideewimy, aòhe inatyhy? Aòherekibo tebureteri? Jiarÿ urihimyo raaòmÿsÿdÿÿraò wawirem yarybetenyteri wahe.

¹⁶ Jesuisi tahe rexihure kia rybe-di, kiamykre bede: —Ikoludu heka ihewoludu-ò resekre. Ihewoludu tasÿ iko-ò resekre.

¹⁷ Tai tahe Jesuisi rõwònyre Jerusalē hāwā-ò. Iny-ribi tawaò inatxi reurò mahàdu rihitxinyre. Tamy relyyre timybo aòhebo rotÿÿnykremy Jerusalē hāwā-ki:

¹⁸ —Jiarÿ, Hābutyhyky adee ararybekre: —Inyò riwawahinykre aòma-ò Xiwena wahidÿÿdu wedu mahàdu-ò. Tule diwatyhenykre judeu wedu mahàdu-ò. Tahe riwarubunykemy heka tiiboho wamy rarybekre ijò iny-ò.

¹⁹ Tii heka riwamykre tahe riwawahinykre Roma iòlò-ò, judeukòdu mahàdu iòlò wahe. Ibinatyhmy aòhebo riwasÿnymy riwahatenyre. Itxeò nihikÿ-ò riwatamadÿÿnykre. Tahe txu inataò-di rubu-ribi areixixanykre.

²⁰ Zebedeu riòrese Jesuisi-ò nade. Tatiwotimy resere tahe rexitòenyre aòmybo Jesuisi-ò tariòre-wana nade.

²¹ Jesuisi tamy rarybere: —Aòbo rare hāwy rarybere: —Waritxòre inatxi hābu rare. Tikiboho kÿnyhe, aikòlònkuna rynana-ki ronykre awana. Ijò aruruna-txi, ijò ahywe-txi wahe, kai aikòlònkuna-kò malokreku wahe.

²² Jesuisi heka iriòre-ò rarybere: —Kaiboho aòmybo textitòenyteri teerykòleter. Kai Txiau, kai Joaò, teerytenyde aòbo aòhebo wadi rotÿÿnykre arurukre dori jiarÿ kaiboho tulekre? Tiiboho dirawyònyde: —Tulekre.

²³ Tahe Jesuisi rarybere: —Inatyhy rare kaiboho tule aòhòkÿmy botÿÿnybenykre. Tahe mobo warora-txi ada waruruna weribi rynana-txi ronykre. Jiarÿ reerykòre. Wahale heka rieryre. Tiile tamy riywinyre.

²⁴ Idi tahe debòwiò ierydÿÿna mahàdu kia rieryre aòmybo Txiauku Joaòboho rexitòenyrenyrá. Tai tahe tiiboho rakyarananyrenyre.

²⁵ Tahe Jesuisi ibutumy taerydÿÿna mahàdu tamy kanakemy rarybere: —Iny iòlò iruru dire. Ibutumy dinodu tahe kia weselere —tajoi mahàdu riteònymyhÿre. Teòdu mahàdu riteònymyhÿre.

²⁶ Tahe aò tuukre aòkò heka rare ayreny-ki. Inyò dinodumy ixidikre heka deòdumy rarekre.

²⁷ Kia iny nihikÿmy ixi-di rexinohòtinyri tasÿ aò aòkò tii rarekre.

²⁸ Iwese jiarÿ riwinyre wesemy heka rarekre. Hābutyhyky aò dinodumy aòkò anade. Iwese deòdu rÿira wesemy heka nade waumy riwahinykremy rubu-ò kabede-ki. Tai sòwemy iny ritakre.

²⁹ Iu Ijeriò hāwā-ribi ròirenyreu, tahe sòwemy iny riheludunyre.

³⁰ Inatxi iruetàmy heka rononymhÿ iu Jesuisi ibire-di rareu. Tiiboho roholarenyre kia Jesuisi raremy. Rexitòenyre rryryre Jesuisi-ò: —Davi riokore, wadee hewa ruxetòena biwahinyke.

³¹ Tai tahe iòhòmy iny iribi rÿimyhÿ rarybere: —Txiokre inihe, biyryke! Ixityre rryryre tarurutyhy: —Inynyrÿ Davi riokore, Biwawotòenyke hewa.

³² Jesuisi tamy rarybere: —Aòwexe adeereny ariwinykre.

³³ —Wanyrÿ, Kai wa bidiwaruenykre warue biraynykremy.

³⁴ Tahe Jesuisi riwotòenyre iruebmy reare tebò-di. Aòwesele tahe ruòmy reare. Tai tahe Jesuisihe riheludunyre.

21

¹ Jesuisiboho tahe rehemynyrenyre Jerusalē hāwā iòhòmy. Betabaji hāwā-ò heka rehemynyre. Kia Oliveira hāwālò-ribi irehemy aòkò ihÿre. Tahe Jesuisi inatxi iny riteònyre hāwā-ò, taerydÿÿna mahàdu wahe. Tamy rarybere:

² –Juhu hāwā dele-ò malokreule aōma bobikre, jumenta tariòre-wana. Tahe bitaanalawekre ta bididykre kaò.

³ Inyò aratỹraxyinykre wana, tai tahe kiamy bisỹnykre aōma: –Wawedu hewa idi ratxikemy rōhōtinyreri. Tai ki tahe ahemy kiditeònykre.

⁴ Kia ihetxiu ritidỹna tuheka relemy roimyhỹre. Kamy rarybere:

⁵ –Marybeke heka Jerusalē hāwā-ò:

–Deuxu Iòlòna heka kanakre adeereny wahe. Tii inihikỹ wesemy aōkò kedehemynymy, jumenta tyre-ki heka kedehemynykre.

⁶ Tahe ierydỹna mahādu riwinyre iwese Jesuisi rarybere weselemy.

⁷ Didyde tahe jumenta tariòre-wana. Ihetyreny jumenta tyre ritidire. Jesuisi ityre ronyre tahe idi rare.

⁸ Tahe inyò sōwemy-ribi tahetyreny-di rehumyhỹre iryko-txi idi rariakemy ityre-di. Ijò tasỹ hereru-di iryko-txi rehure iryube hetymy ityre-di rariakemy.

⁹ Sōwemy tai iny rirajuamy rỹimyhỹ iko-ò, ihewo-ò:

–Iòlò Davi riokore heka sōwemy iny wowydyna tamy iny riwahinyreri. Tii Deuxu Riòre Hābu rare. Deuxu deysana heka tamy biwahinyke!

¹⁰ Jesuisi hāwā-ki rehemynyre, ibutumy iny ribedeòtiidỹnyre: –Mohābuwe kia ralòreri Jerusalē hāwā-ki wahe?

¹¹ Tai tahe iny mahādu rarybere: –Aōkòre, kia Deuxu rybeduò rare. Jesuisi inire Kalileia bederibi Nazare hāwā-ribi dehemynde.

¹² Tahe ralore Deuxu dohodỹna heto-ò. Tai kia aōna aōna-di rohonyreri heka riteònyre. Kia aōma nieru wiuròna iòwòruwebese tahe riatyre. Kia aōma bòtòe dohodỹdu ryna ibutumy ritxiwire riatyre.

¹³ Tahe Jesuisi rarybere: –Deuxu Tyyriti rarybere:

–Dohodỹna heto heka waha heto rare, ixitòedỹna heto rare.

–Kaiboho heka inywasidu mahādu-di tetỹxinytenyta.

¹⁴ Sōwemy iny itiere, iruetà, nade Jesuisi-ò dohodỹna heto-ò. Jesuisi taile riteytenyre.

¹⁵ Tahe xiwena wahidỹdu wedu tuu robire. Tule judeu bede ywina bede eryna mahādu robireu tahe, aōma uladu templo-ki rryrmy rỹimyhỹò aōma: –Davi riokore heka Deuxu-deewina rare. Tai tahe kia rybe-ò reburerenyre.

¹⁶ Tiiboho tahe raryberenyre Jesuisi-ò: –Kai aōbo taholate aōbo rarybereri. Jesuisi rirawyònyre: –Kohe, raholare. Kaiboho teeryòtenyte:

–Uladu dori wowydyna tamy riwahinykre. Tiu aōbo tariatenyòhyymahāte kia Tyyriti-ki.

¹⁷ Tahe Jesuisi iribi rōhònyre Betỹnia hāwā-ò. Taile tahe ruu idi rỹire.

¹⁸ Biurasò txumy tahe tii dòòsede Jerusalē-ò. Tahe rama risare iu.

¹⁹ Òwòruò tai rỹire. Tai tahe diaride figoraty-ò. Tahe iratyòre, txirule rỹire. Tai Jesuisi rarybere òwòru-ò: –Tiu heka kai maratynyòtyhy aōwesele tahe irade rairuxỹrure.

²⁰ Tai tahe ierydỹna mahādu heka ribedeòtiidỹnyre: –Timykibo heka aōwesele rairumyromy reareri.

²¹ Tahe Jesuisi tamy rarybere: –Kai ainatyhyna ijòdikeki heka iwesele biwinyke. Iratyre biwinyke. Kaiboho heka bitxiònyòkeki kaa hāwālò-ò dori marybekre kiamy: –Iribi bexitake tahe aho-ò boikre. Tai hāwālò-ò aōwesele heka ahoro-ò roikre.

²² Aòtxile kai bexitòenykre heka adee ijò rỹikre. Bityhynytyhykeki, tahe ibutumy bitake.

²³ Tai Jesuisi dehemynde Deuxu dohodỹna heto-ò. Tai tahe ròbedeerydỹmy ratximyhỹ. Tahe xiwena wahidỹdu mahādu, tule judeu bede ywina erydỹna mahādu tule tamy dỹraxyimy nade. Tai tahe Jesuisi-ò rỹraxyire: –Morurudibo heka kai aòmydỹnana tewinymahāte? Mobo heka arateranyre kia biwinykemy.

²⁴ Tai tahe Jesuisi tamy rarybere: –Kai aōbo myỹraxyikeki wadee tai ako tuu arelyykre. Kai dỹraxyinaòmy bidiwatỹnynykeki tahe, adee tuu arelyykre.

²⁵ –Joaò Sebedỹdu heka morurudibo nade morybekibo tuu tadiwinyimahāte wesemy. Morybekibo Joaò iny risebenymyhỹre. Deuxu Rybe-ki aōbo ada iny rybe-ki aōbo. Tai tahe widee rarybe raryberenyre: –Aōma Deuxu Rybe-ki tuu ròsebedỹmyhỹre. Mykeki rakarybenykre taheka: –Aòherekibo tetyhynytenyòte myle tii risỹnykre.

²⁶ Aòmamy rikisỹnyrenykeki: –Iny rybekile tii tahe nade. Myỹ rikisỹnyrenykeki tasỹ kia ijoi inydeereny rakyarananyke. Joaò Sebedỹdu dori ibutumy iny rityhynyrenyre moma tii Deuxu deòduò ratximyhỹre heka. Rakarybenyòkre tahe.

²⁷ Tai tahe Jesuisi-ò raryberenyre: –Aòkòre, reeryenyòre heka irawyòdỹ titxiribibo iruru nade. Tahe Jesuisi rirawyònyre: –Tule jiarỹ yỹraxyina adeereny aritỹnynyrenyòtyhy.

²⁸ Ijò Jesuisi relyyre: –Timybo maraykynybenykre ka ijyymy arelyykre. Hābuò heka inatximy iriòre raremyhỹ. Tariòre dela-ò rarybere: –Dàà, maaòmỹsỹdỹkyre waoworu-ki, wiji wahe.

²⁹ Tahe tamy dirawyònyde: —Waha, araòkre hewa. Ihârele tahe tawo rirahòrere rakremy. Tahe rare.

³⁰ Idi tahe tyby rarybere helÿÿna-ò: —Kai tule makre waaòmysÿdÿÿna biwinykremy: —Dei wahe, arakre araaòmysÿdÿÿkre. Ihârele tahe tii raòhÿyre.

³¹ Adeereny inihe araÿraxikre. —Tibohe weryrybò aòma tybyrybe rityhynyre? Tai tahe dirawyònyde: —Juduludule irybe rityhynyre. Tai tahe Jesuisi tamy rarybere: —Iny òrarudu tyhy heka wydena-wana ralòkre biu bede ròtena-ò. Ihârele tahe kaiboho birònybenyòtyhy.

³² Joaò Sebedÿÿdu dori adeereny rarybere. Ihârele tahe kaiboho ixitxireny aòrarureny-txi òhòtirenny reakemy Deuxu bityhynykemy. Kaiboho heka teramy tekoamahâte tahe sòwemy òrarudu mahâdu wydena mahâdu rityhynyrennyre. Kaiboho tuu tabitenyete ihârele teerytenyòte.

³³ Ijò ijyymy arelyykre:

—Hâbuò heka uva oworuhukÿle ritòbrònyre. Tahe òtityna riwinyre. Tai tahe utà riwinyre yrubudÿÿdu mahâdu itxerenamy.

Tai tahe rihuòtere oworu wahe hâbu mahâduò-ò. Tii tahe rabetetÿinymy rare taheto-ribi.

³⁴ Iu uva bederaty kia siredenamy bede reareu, riherehe txuramy ixidee ritxuakemy wahe.

³⁵ Tai tahe huòtedu mahâdumy heka teòdu mahâdulemy raòhòtere. Ijò tahe rirubunyre ijò manadile tamy rehunanymy rÿimyhÿ.

³⁶ Iribi tasÿ teòdu mahâduò didyde sòwetyhymy juhuna ludu ratyre. Tahe ixbyle tuu raòhòtere juhuru iwese tuu rotÿÿnyra wesele.

³⁷ Tahe iwedutyhy ròhòtynnyre: —Aòma wariòrele kòri ariteònykre. Tai tahe wariòre rityhynykre heka. Tahe tariòre diteònyde.

³⁸ Tahe huòtedu mahâdu weryrybòmy robireu, tahe wideereny rarybere: —Kaa heka iwedu riòrele rare. Aòma iwedu rurukreu iaòna aòna, ioworu heka ixideereny rikimynyrennyre.

³⁹ Tahe rirubunyrennyre iumy-di rehurennyre oworuro-ribi.

⁴⁰ Tahe Jesuisi rarybere: —Adeereny araÿraxikre aòbo iwedu tamyrenny riwinykre huòtedu mahâdu-ò iu tii rehemyntykre wahe. Timybohe tii riwinykre?

⁴¹ Tiiboho dirawyònydenyde: —Kia rirubunykre ibutumy hâbu bina. Inywitxira-ò huòtenamy ele elemy wijuramy riatykre-ò riwahinykre.

⁴² Tahe Jesuisi tamy rÿÿraxire: —Kaiboho aòbo Ryberiti-di tariaòletenyteri:

—Mana-di heka heto widÿÿdu rehummyhÿre kia manale heto hàtxi-ki ritidimy roimyhÿre. Jiarÿ heka mana wese rare. Inynryÿ Deuxu kia riwahinyre. Tai awi heka rare. Ijò riwiòhenanyre, mana wahe.

⁴³ Tahe Jesuisi tamyrenny rarybere: —Tule jiarÿ adeereny ararybekre: —Deuxu Iòlòna heka aribi ritakre. Tahe inywitxira-ò aribi riwahinykre. Inyò txura wylemy riwahinykremy Deuxu-ò.

⁴⁴ Kia iny mana tyre resemyhÿkre heka tii heka wiòròmy ixòdumy rare. Mana inytyre resekeki tasÿ iny risurusurunya.

⁴⁵ Inyò roholakeki kia aòbo aòma xiwena wahidÿÿdu mahâdu roholamy rÿimyhÿ tule fariseu mahâdu. Tule rexierymyhÿrennyre tiiboho Jesuisi turennyle rarybereri heka rierymyhÿrennyre.

⁴⁶ Tai heka tii mahâdu rimykemy idi riwisÿnymyhÿ tahe iny sòwehekÿ lau ruberumyhÿrennyre. Iny mahâdu dori idi ròhòtiny tii Deuxu rybeduò ratximyhÿrennyre.

22

¹ Jesuisi heka rexidelenyde ijyymy relyykre:

² —Timybo Deuxu Iòlòna rare ijyymy heka relyykre. —Iòlòò heka tariòre herinamy worana bedehesi riwinyre.

³ Iaòmydÿÿnana ròrarukòmy rÿidi tahe teòdu mahâdu iòrysny roire. Rexihumy rÿireriki iaòmydÿÿnana, kanakremy wahe. Tahe òrysny noderamy reare.

⁴ Ijò riteònyre teòduò iny ritobinykremy. Aòhere tahaka, wabroreni kÿnyhe rerubunyre heka. Ibutumy heka waaòmydÿÿna rehumy rÿireri. Tahe kedeke kedeake heka kòdòidenyke heka.

⁵ Tahe timy heka irybe rityhynyrennyòhÿyre. Iny sohoji sohoji tatyresi-di ijohona-ò, ijò taòmysÿdÿÿna-ò rea reare, ijò taoworu-ò reare.

⁶ Ijò lobidÿÿna reburere teòdu mahâdu dee. Tii teòdu dee heka rawobinare. Ijò aòbina bina heka ritxienyde ijò rirubunyre dori.

⁷ Tai tahe iòlò reburere lobidÿÿna mahâdumy bina bina raòhòtedÿÿnyre, rirubunyre. Ihâwâ ritoonyre.

⁸ Tai iòlò rarybere teòduboho-ò: —Waworana bedehesi rexihumy rÿireri ibutumy. Kia iny mahâdu ijoi juhuru retobinyra heka aò ibina heka roire. Urile riòmysanymyhÿrennyre.

⁹ Tai tahe ibutumy boibenykre hāwā-ò ibutumy iny-txi bekoabenybekre heka bitobiny-benybekre ibutumy waworana bedehesina-ò kedeā kedekremy.

¹⁰ Tai tahe didyde iny wiwihikŷ, iny ityhy iny bina mahādu. Hetowo tahe ritŷxire tŷmyra mahādu-di.

¹¹ Tahe iòlò ralore hetowo-ò kia iny mahādu dee rybemy. Tahe tii robire hābuòmy kia worana bedehesi kia tykyòmy ratxirerimy.

¹² Tai tahe tamy iòlò rarybere: —Waliiny, aõherekiwe worana bedehesi kia tyky-di aõkõ atxiteri? Kia tahe hābu rybeòmy riijere.

¹³ Tai tahe iòlò aõma rarybere teòdu mahādu-ò: —Bimybenyke kaa hābu. Waa bitaataabenyke imy behubenyke tahe idi diòlòdŷŷmy idi rehukre luruhukŷ-ò. Tai Aõhòkŷmy dŷŷnana-ki tai txuraruti rikyikyiny. Tai rahinykre.

¹⁴ Tai tahe Jesuisi rarybere: —Sòwemy iny heka kidirahukre tahe ibutemy kanaarikre.

¹⁵ Tai tahe fariseu mahādu ròhònyre wii rotyre. Aõbinamy Jesuisi rarybekeule heka rimykyemy idi rŷimyhŷ.

¹⁶ Kia aõma fariseu ijoio heka riteònyre Jesuisi-ò. Tule Herodi ijoio mahādu riteònyre. Rŷŷraxire Jesuisi-ò: —Erydŷŷdu, kai heka hābuwi tate, hābu òbiti. Kai heka tòbedeerydŷŷmahāte Deuxu deewinamy. Awire aõbo ariòwinyrenykre Roma hāwā mahādu dinodu-ò.

¹⁷ Kai heka ixinamy aõma adee iny rarybererimy ihŷre. Timybo iny raraykynyrenimy ihŷre. Iny bede ywinareny aõbohe ixinamy nieru aõna aõna òwydŷŷnamy ròhònyke aõbohe awire?

¹⁸ Tai Jesuisi heka rierymyhŷ aõma awimy aõkõ tai rahareri heka rexierymyhŷre: —Kaiboho òbitimy aõkõ toite. Aõherekibo heka kai biwaitxenanybenykemy wamynymy wadi atxitenyteri?

¹⁹ Timybohe nieru-ki rakaharenkykre aõna aõna òwydŷŷnamy. Biditeòsinyke kia-ò ari-erykremy. Tai tahe tamy riteòsinyre womati nieruò.

²⁰ Tahe Jesuisi ritŷŷraxinyre: —Motyytybybo koa rŷire. Monibo ityre-ki koa roire?

²¹ Tai tahe rirawònyre: —Roma hāwā iòlònye tai roire. Tai tahe Jesuisi rarybere: —Tibo Roma hāwā iòlò nierubo heka tamy biwahinykre. Tibo Deuxu nierule tasŷ tamy biwahinykre.

²² Tai tahe urile ribedeòtiidŷŷnyre. Tai ririrenyre ròirenyre.

²³ Tahe kia txule saduseu mahāduò heka dòidenyde Jesuisi-ò. Rityhynyòhyymyhŷre kia aõma rubu-bibi ixixana heka rityhynyòhyymyhŷre, saduseu mahādu wahe.

²⁴ Tamy rarybere: —Erydŷŷdu, Moisesi tyryiti heka kawesemy ribedeerynyre: —Aõma hābumy hāwyy heridumy roikeki aõbohe timykibo hāwyy uladu-di ratxikeki. Hābuò iriòrekò-di rurukeki tai tahe iseriòre heka iriòrese tyby-wana roike. Tai heka kia hābu rubuweleu, kia deròwmy heka uladu ritybinyke.

²⁵ Aõu heka debò inatxi seriòremy kaki rasŷnymy raremyhŷ. Telareny heka roire hāwyyimy tahe iriòrekòlemy rurure. Tahe ihāwyytybyhe kia iseriòrewanale roire.

²⁶ Ihelŷŷna sŷ tule rurure. Kia heka ibutumy debò inatxi reurò tii-wana roihyyre iriòrekòule.

²⁷ Tahe hāwyy heka tule rurure.

²⁸ Tai tahe kia ruru-ribi rexixakreu tahe, tiwexe ihābukre? Ibutumy dorihe tii-wana heka roilehekŷlera.

²⁹ Tai tahe Jesuisi rirawònyre: —Kaiboho teerytenykòlemahāteny te timybo Tyryiti-ki roimyhŷre. Deuxu ruru tule teeryòte.

³⁰ Tiu iny rubu-ribi rexixakreu iwitxiramy rexixakre. ŷŷu wesemy ronykre. Timy heka hābumy hāwyyimy roiòtyhy.

³¹ Kaiboho heka tetyhynytenyòhyymahāteny rubu-ribi ixixana. Idi heka tariatenyòhyymahāteny te timybo Deuxu rarybere?

³² Kiamy heka rarybere: —Jiarŷ heka Abraò Deuxu rare. Ijai Deuxu rare. Ijaò Deuxu jiarŷ rare. Tii heka iru mahādu Deuxu heka tii ihŷre rubu mahādu Deuxu aõkõ wahe.

³³ Iu iny sòwe ribedeerynyre, tahe urile iny ribedeòtiidŷŷnyre.

³⁴ Fariseu mahādu doidenyde Jesuisi-ò wii rotyreny. Roholareki wahe aõma saduceu mahādu ribedeòtiidŷŷnyrenykeki.

³⁵ Bede ywina erydŷŷna mahāduò rŷŷraxire heka aõmybo Jesuisi-ò. Tii rimykyemy heka idi riwisŷnymy kia rybebinaòmy rirawònykeki rimykyemy.

³⁶ Tahe rŷŷraxire: —Erydŷŷdu, tibohe aõbo bede ywina kia-ribi aõnityhymyhewe bedeòtiidŷŷnamy ratximyhŷre. Wakoreny inihe tuu bedelyyke. Tibo kidiòtiidŷŷnamy ihŷre.

³⁷ Tahe Jesuisi dirawònyde: —Iny Deuxureny iny iòlòreny luuke heka. Ibutumy awo-ribi heka iluuke, ibutumy aruruna-ribi, ibutumy arayky-ribi luuke heka.

³⁸ Tii heka inatthy bedeòtiidŷŷna tyhymy ratximyhŷre ibutu bede ywina-ribi.

³⁹ Ijõ ihelÿÿna tahe iwesele heka rare: Iwese ixiluure wese heka ibutu luuke.

⁴⁰ Ibutumy Moisesi bede ywina heka juhoo rare. Tule Deuxu rybedu mahâdu erydÿÿna heka iribile rare. Kia bede ywina inatxi-ribi heka ibutumy iny bede eryna rôhònyre. Kia inatxi bityhynymy bohonykeki iuhe heka tetyhynmahâte.

⁴¹ Iu fariseu mahâdu iweroramy rÿimyhÿõ tahe rÿÿraxire Jesuisi tamy:

⁴² –Mobo Deuxu deodÿÿnamy ihÿre, Kristu wahe? Moriõrebo tii ihÿre. Tai tahe tiiboho rirawÿõnyrenyre: –Moma Davi riokore õsana. Tahe ijõ Jesuisi rÿÿraxire:

⁴³ –Tai tahe aõherekibo Davi heka Wanyrÿmy rininire Deuxu Tytybytyhy irybe riwõhenanyreu wahe. Davi dori kawesemy rarybere:

⁴⁴ Deuxu wawedu-õ rarybere.

–Bodonyke warurunawe-ribi, jiarÿ heka aõludu mahâdu-di arawo-txi.

⁴⁵ Davi tawedumy Kristu rininirehãre, timykibo Kristu iriokore riokorekre.

⁴⁶ Tahe inyõ heka Jesuisi rirawÿõnyõhyre. Tai tahe ruberumyhÿre tamy rÿÿraxike lau.

23

¹ Jesuisi heka iny sõwe nihikÿ ribedeerynymyhÿ taerydÿÿna mahâdu-wana. Tii rarybere:

² –Judeu bedeerydÿÿdu mahâdu heka Moisesi bede ywina bede erydÿÿna mahâduõ rare. fariseu mahâdu tule bede ywina riwinymyhÿrenyre.

³ Iwese ribedeerynyre wese tahe bityhynkyre. Uritere iwese tii riwinymyhÿre wese uritere iwidÿÿõmy. Aõwidÿÿmy rarybemyhÿrenyrehãre tahe aõwitxira heka riwinymyhÿrenyre.

⁴ Tiiboho heka atyreneny riõdõnyihikÿmyhÿre bede ywina. Ihãre tahe rityhynrenyõhyymahãrenyre.

⁵ Aõma õbitimy ratxike sÿny heka iny tamy roholamyhÿre ixi-di ratxirerimy ihÿre. Aõma walabu riõreõ heka rÿimyhÿre axiõ-ki bede ywina heka ritidimy roimyhÿre ityky ijeti retydyna bede ywina-txi tõhõti reakemy tuu riwinyrenyre. Sõwemy heka iretydyna riwinyrenyre.

⁶ Ronymyhÿreu heka ikoõhòkÿle ronymyhÿre, worana bedehesina rÿi-wana wahe. Dohodÿÿna heto-ki heka tule ronymyhÿre, iko-õ tuu rexisÿnymyhÿ.

⁷ Hãwã-ki iny tamy rryrymyhÿre: –Waerydÿÿdu, Habimy, kia tahe irybe-ki bede erydÿÿdu rare. Tii tahe tamyreny awire.

⁸ Tai tahe Jesuisi tamyreny rarybere: –Kaiboho heka uritere Habimy inyõ adeereny irykõmy ihÿke. Deuxu sohojile bede erydÿÿdu heka rare. Ibutumy kaiboho seriõre wesemy atximahãtenyte.

⁹ Kasu-ki taheka inyõ heka tiu wahamy inyõ widee rarybeõtyhy Deuxu biu-ki ratximyhÿrele tuu bininibenyke heka.

¹⁰ Uritere Wawedu myÿ inyõ kia nidÿÿõmy. Deuxu deodÿÿnale heka awedu ratximyhÿre Mesia wahe.

¹¹ Anihikÿmy ixi-di mohõtinkyeki tahe, kia iny biwiõhenanyke.

¹² Kia ityhy rare ixi-di rôhõtinyemyhÿre, tii heka ihewo-ribi rabadewokre. Ihewo-ribi tahe aõma aõkõ relekre. Kia iaõkõmy ixi-di rôhõtinkyre tahe nihikÿmy heka relekre.

¹³ Belãhãxe! Kaiboho itxenadÿÿluku. Ibina adeereny kanakre, kai bede erydÿÿna mahâdu, fariseu mahâdu. Kaiboho uritere iny rôtedÿÿrenyõmy Deuxu Iõlõna-õ. Kaiboho birõnybenyõtyhy tule iny rôtedÿÿ-õ biebenyke. Kaiboho bexisÿnybenyke õbitinamy.

¹⁴ Aixitõedÿÿna rehereheki wahe hãwã ube-ki. Kaiboho urile iny teitxenanymahãtenyte. Aõma wytese urimynodu heka iheto-ribi teteõnymahãtenyte kaiboho heka abinarenyre. Tai heka kaiboho yla aõkõ aõhòkÿmy botÿÿnybenyke.

¹⁵ Belãhãxe! Kaiboho ibutumy iny aratyhynrenyemy ixi-di tahõtinyamahãtenyte. Tai heka iny tesÿnymahãtenyte õrurudutyhymy wahe ixiratyre heka tejjiradÿÿnymahãtenyte. Aõraru-ki heka aõhòkÿmy botÿÿnybenyke. Iny-di atxikemy heka tahõtinyamahãte.

¹⁶ Kaiboho ruetã mahâdu wesemy kai ahãte. Kaiboho heka kia wesemy tebedeerynytenyte. Inyõ heka Deuxu bede eryna heto riwawiohenanykeki heka aõna aõna ariwinykre. Myÿ marybebenykeki, heka aõ aõkõ heka rare. Deuxu dohodÿÿna heto womati tÿrÿrÿhÿkÿ-di marybekeki heka, tii heka rityhynhyy. Ibutumy heka kia bede ywina õta õta tewinymahãtenyte.

¹⁷ Kaiboho heka bede erydÿÿdu bede erytyhykõ mahâdu atxitenyteri dohodÿÿna heto kia-õ ralõkeki. Aõbo bedeõtiidÿÿna tyhyre womati tÿrÿrÿhÿkÿ aõbo ada dohodÿÿna hetole aõbo teeryõte, Deuxu Dohodÿÿna heto wahe.

¹⁸ Kaiboho tule tebedeerynyte kawesemy. Inyõ tarybe inatyhy-di rarybekeki, tai heka kia xiwena wahidÿÿna-di rarybekeki, tai tahe tii rityhynyõkeki, awira. Tahe tii xiwena wahidÿÿna tyre-ki rarybekeki tahe, tii õbitimy heka rarybere.

¹⁹ Kaiboho ruetà mahādu wese, kaiboho heka erydŷŷnakōdu mahādumy toite. Aōbo awityhyre? Xiwena wahidŷŷna aōbo ada ityre-ki wahidŷŷna roimyhŷre aōbo?

²⁰ Wahisidŷŷna heka wiwesele rare. Aōma xiwena tyre-ki roire wana tule wiwesele rare. Aōma xiwena tyre-ki roiroe wana wahe heka aō aōkō rare. Xiwena utālè heka rierymyhŷre inatyhy rare. Myheka kai mararybekeki heka tai tahe kai heka xiwena utālemy tarybeteri. Ibutumy iny ityre-ki rŷire bohomy tule heka tai tuu tarybeteri.

²¹ Deuxu dohodŷŷna heto òraru-ki kai koityhyxemy marybekeki heka tai heka kai dohodŷŷna hetomy tarybeteri hāre tahe Deuxu iwo-ki ratxirerilemy tuu tarybeteri.

²² Biu òraru-ki ka koityhyxenyteri marybekeki, Deuxusŷmy tarybeteri. Tii dori tarynana-ki ronryeri.

²³ —Belàhàxe! fariseu mahādu! Kaiboho heka itxenadŷŷdu mahāduō toite. Tule bede ywina bede erydŷŷdu mahādu. Adeereny heka ibinamy ratxikre. Arŷŷna uri juraō heka kai Deuxu-ò tewahinyte, hortelā, erva-doce, cominho wahe. Kaiboho heka aōninihikŷ tetyhynytenyōhymahātenyete. Iwese òbitina, ruxetōena, inatyhyna kia-ribi heka òhōti losamyhŷre ibutumy. Aōmydŷŷna jura wahisidŷŷna heka awi rare. Tahe tule uritere òhōti losaōmyke aōwitzira-ribi wahe. Aōbo bedeōtiidŷŷnare bede ywina-ki. Kaiboho heka bede erydŷŷdu toite hāre tahe teertyenyōte.

²⁴ Belàhàxe! Kai hābuō wese rare. Tiiboho imona berareny-ribi ohoruxōmo riarimahāre. Ihārele tahe tiiboho irōdu nihikŷ rirŷŷmyhŷre. Iwesele kaiboho tule terŷŷmyhŷtenyete.

²⁵ —Belàhàxe fariseu mahādu, bede ywina bede erydŷŷna mahādu. Amona deoreny tesuhōmahātenyete iwe. Iwo tahe ka isuhukŷlemy rŷimyhŷre. Itxenadŷŷna rŷire. Aōma aumy weselemy heka kia ratximyhŷre. Aōma aumy heka webòrosity tyrare heka. Araykywo-ki tahe ibutu itxenadŷŷ heka tai rŷimyhŷre.

²⁶ Belàhàxe fariseu mahādu! Kaiboho taruetà mahādu. Kai mona hynawo bisuhōke heka biōtinyke. Aōma bisuhōke ihŷre tahe arayky bityranykre. Tahe ibutumy heka aumy ryranykre.

²⁷⁻²⁸ —Belàhàxe fariseu mahādu! Kaiboho heka koityhyxenyteri. Rubu heto wiwihikŷ ixideereny tewinymahātenyete. Kaiboho heka iwesetyhylemy toite. Aōma webòrositylydu heka iruxeramy idi toite. Aōma aworeny-ki tahe aōma iny rubu idi rōhōkŷdileka atxitenyteri mahātenyete. Ibutumy aōbina bina awo-ki arayky-ki idi atxiteri mahātenyete. Aumyreny-ki heka tykywihikŷ texitikyky mahātenyete. Aōma hābu wihikŷwesemy. Hābu òbitimy matxibenyke myheka iny adi rōhōtirenkyemy heka tuu texitikyknymahātenyete. Araykywo-ki tahe arimyrenywo-ki tahe ibutu itxenadŷŷna-di heka toite, òraru du mahādu toite.

²⁹ Belàhàxe! Tai heka kaiboho Deuxu rybedu mahāduō rirubunrye. Kaa nohōti ijaranamy tuu tewinymahātenyete. Awabederenywo-ki heka noijasa ruxerahakŷle tetidite.

³⁰ Kaiboho heka tarybemaahātenyete. —Tiu wahareny riwinyre wese heka ariwinyrenyōtyhy.

³¹ Kiamy tarybeteu heka hābu bina riōremy texininite. Bowesele toite. Iriōre toite.

³² Iwese juhuu ibinamy riwinyre wese heka iwesetyhyle aōhebo tatŷŷnymahātenyete.

³³ Iwese hemylala deborehekŷ wesemy heka kaiboho atximahātenyete. Boreny tule iweselere. Timybo heka kaiboho heōty bede-ribi mahenybenyke? Kaiboho heōty bede-ò boibenyke.

³⁴ Adeereny ariteōnykre aōma Deuxu rybeduō hābu erydu, tyyriti erydu wahe. Kaiboho bidirubunbedenykre. Ohodŷŷna heto-ki ijō bidihetenybedenykre awaru hetenaō-di. Itxeōtyre-ki ijō bidirubunbedenykre. Ijō heka biheludumykre hāwā hāwā-ò tamy ibinamy riwinykre. Aōhōkŷmy dŷŷnana heka tamy biwahinybenykre ijō hāwā-ò rakreu.

³⁵⁻³⁶ Kia heka hābu ibutumy rurure tyby òraru-ki wahe. Dohodŷŷna hetowokile rirubunryenrye. Kaiboho Abeli juhuu tewunytenyete ikonana tahe Zacaria, Barakia riōre wahe. Òbitityhy juratya-ki heka tuu tewunytenyete. Wijinabòdu mahādu tai aōhōkŷmy rotŷŷnykre. Ibutumy ibinamy kai atyre-ò kedeseke.

³⁷ Jesuisi ikonana tahe rarybere: —Jerusalē hāwā mahādu, kaiboho heka terubunytenyete Deuxu rybemy rybedu mahādu. Jiarŷ heka aramykemy adi rewisŷnyreri wariōre wesemy tahe waderarenrye kaiboho. Iwese hānieō iriōre ridyre wese idewo-ki.

³⁸ Aheto heka ixisohojilemy rŷimyhŷre.

³⁹ Kaheka ararybekre adeereny: —Wamy heka bobiōtyhy ixityre. Kai heka Deuxu deōdŷŷna bidykreule wamy bobikre. Iu rarybereu, Deuxu deysanamy, wamy bobikre.

24

¹ Iu Jesuisi rōhōnyreu dohodŷŷna-ribi, ierydŷŷna mahādu tamy rarybere dohodŷŷna heto itxeremy rōikemy, eleri-ò wahe. Tai tahe Jesuisi dirawyōnyde:

² —Inatyhy rare, awi heka rare. Urile tahe kidiixāwididŷŷnykre heka. Timy heka manaō wityre-ki roiōhykyre. Ibutumy bede-ò idi rehukre.

³ Iribi tahe Jesuisi rehemynyre Oliveira hāwālō-ò heka ronyre. Tai tahe erydŷŷna mahādu tii ritŷŷraxinyre iny sōwe-ribi: –Tiubohe ibutumy kedeixixāwididŷŷnykre. Tiuboho ibutumy bede konanadŷŷnamy reakre. Timybohe rikierenykre kai bedehemynyke aōma bede ibutumy rexihukre.

⁴ Tahe Jesuisi tamy rarybere: –Uritere inyō aitenadŷŷōmykre.

⁵ Sōwemyhe iny itxenadŷŷnamy rŷirakre. Jiarŷ Kristu rare, Deuxu deōdŷŷna heka jiarŷ rare, myheka adee kanarybekre.

⁶ Kaiboho heka bohohamy mabekre iny aōbina rōhōnymyhŷkre: bohohamahākre. Ihāre tahe iny rarybekre aōma: –Karibi heka aōbina urihimyo rōhōnykre. Myhe rarybemaahākre. Ihāre tahe kōdōōseōkre aōma ikonana urihimyo. Ibutumy heka kia wesemy relekre.

⁷ Aōma kia wesemy heka bede roimyhŷ rarekre aōbo iny wixira wixira heka ibutumy iōlōna heka riteranymyhŷkre. Aōbinamy. Tai heka raaōbinanamy rŷirakre. Aōma rama ijara reakre. Bede ibutumy ramytatakre hāwāō-ki.

⁸ Kia heka iwese hāwyy uladu dese wesemy robumyhŷre wese tukre.

⁹ Adeereny heka aōhōkŷmydŷŷnana tiuboho riwahinykre aōma wani ōraru-ki wahe. Ijō kaibohoō heka ararubunynykre.

¹⁰ Sōwemy heka iny riatymyhŷkre wary-ribi heka riatymy ririmyhŷkre. Wii rityhenymyhŷkre. Widee rakyarananymyhŷkre.

¹¹ Rybebina rybeduō heka sōwemy kedehemynykre tahe kia heka sōwemy iny riitxenanyymyhŷkre.

¹² Iu heka ōraru nihikŷ iu rōhōnykremy roimyhŷre. Sōwemy heka luuna-di rŷiramyhŷ kathahe wiji ixāwikre heka ihomy aōkō relekre.

¹³ Kia idi hyy rŷirakre ikonana-ō. Tii mahādu tahe tarasanamy reakremy rŷira.

¹⁴ Ibutumyhe kia iny-ō rybe tŷnydŷŷnamy reakremy rŷira, Deuxu Rybewihikŷ Tŷmyra wahe. Ibutu iny wixira wixira heka roholakre rybe wihikŷ-ō. Kia rahudi hikŷle heka taheka kedehemynykre heka ikonana.

¹⁵ Aōbinahakŷ tyhybohe ibinatyhy rŷikre. Tii heka rŷikre heka aōma Deuxu ubetyre-ki, Deuxu isŷ-ki, kiaweselemy heka rŷikre. Bieryke aōbo kia rare. Bieryke aōbo kia rare Danieli heka Deuxu rybeduō ihetxiu kiamy heka rarybere:

¹⁶ –Judeia mahādu bede-ribi tahe kia bihenybenyke. Ibutumy heka bōibenykre hāwālō bede-ō biōturōnykre.

¹⁷ –Kia bededŷŷnanau heka tii aō bimyoŷtyhy aheto-ribi. Tiiemyheka rōhōnyhykyle rakre aōwesele wahe.

¹⁸ Iu bedero raaōmsŷdŷŷkrey heka tii kōdōōseōtyhy tatyky itxemy.

¹⁹ Tule aōma hāwyy bōtōmy rŷira kia bede aōhōkŷmy rotŷŷnykremy rŷira. Kia tohouā-di ratzineri tahe tamy isirakre heka itybiedŷŷ idi rakeō heka isirakre.

²⁰ Bedejutytykōkemy heka bexitōenyke ahena mahenykeu. Tule sabado txu aōkōkemy bexitōenyke.

²¹ Tii heka aōhōkŷmy dŷŷnanamy iny rotŷŷnyōhyyymyhŷre kaa aōhōkŷmy dŷŷnana nihikŷmy. Tule tii tuu robiōhyyymyhŷre.

²² Kia Deuxu irokorehemynykre wana heka ibutumy iny ituekre. Kaa urihimyoekre wana tahe kai Deuxu hōrō mahādule tuokre.

²³ –Aōma Mesia heka kowa-ō rehemynyra, Deuxu deōdŷŷna wahe. Ihāre tahe kai heka inyō adee rarybekeki tahe tetyhynyōhyte heka.

²⁴ Kia iu kedehemynykrey tahe aō Kristu tyhy aōkō heka rarekre. Aōma rybedu itxenadŷŷdu heka tule aōna aōna wiwihikŷ riwinykre. Aōma ityhydŷŷdu dori riitxenanykemy idi riwisŷnykre:

²⁵ Boholake, juhuu dori adee rilyreri ibutumy aōhebo rotŷŷnykre.

²⁶ –Aōma arateōwarinyre dori tuu. Kia Mesia, Deuxu Deōdŷŷna heka rōdsereri. Beteheke bederahy-ki, tule hetowo-ki. Iu tahe timy heka tamy itxeremy raōtyhy inatyhy aōkōreki.

²⁷ Iu jiarŷ Deuxu Riōre Hābutyhyhykŷ arehemynykrey ibutumy heka rierykre loosōna delaana wesele heka wadehemynyna heka rarekre biu ibutumy ritŷxinykre.

²⁸ Iwese aō rubu roimyhŷre, rara heka tamy rabutumyhŷre. Kaiboho rierykre iu rehemynykrey.

²⁹ Iu kia bede dŷŷnanamy reakrey tahe txulyby heka kōdōhōnykre. Ahādu tule rybynykre. Taina tule ixewesehekŷle kanakre. Ibutumy ramytatakre biu-ki.

³⁰ Iule tahe kia wadehemynynamy iny robikre. Sōwemy heka hinana ibrunana bede bedemy rŷirakre. Ibutumy heka iny robikre wadehemynynamy biuwetyky-ki, jiarŷ dori, Deuxu Riōre, Hābutyhyhykŷ rare. Loosōna ruruna sōwekre, tahe arehemynykre.

³¹ Tule wajurōna-dī, ŷju aditeōnykre iu, ajurōna wodŷŷhŷkŷ-dī. Tahe ibutumy wahōrō mahādu he ixidee aributunykrey bede bede-ribi, ibutu rehetyhy-ribi wahe.

32 Jesuisi tule relyyre: —Ijyðomy heka ako arelyykre. Kai heka ibede erynamy bimyykre. Iu kia figueira òwòru hàbu wiji tybieheký. Kia aõma iruru týmyra rurunymyhýré. Tule aõma txirubò týmyra ròhònykre. Tiu tahe bierykre. Kai iòhòra bohe wyra. Myhe tamy besekre.

33 Iwesetyhyle taheka kai heka bierykre. Aõma wadehemynyna ròhòny relekre wahe aòbitikre wadehemynyna iu, aòhòkýmydýñnana wahe.

34 Tiu kia bededýñnanaule heka bedekònyna rexihukre.

35 Biu heka bede-wana ituekre warybe tahe aõu aõu heka rýihyymy rarekre.

36 Inyò heka rieryðhyymyhýre. Tiubo txuu ruu kai konany rýimyhýre wahe Ýju dori tiu rieryðhyymyhýre. Aõma, jiarý Deuxu Riòre dori rieryðre. Aõma Waha Deuxule tahe rierymyhýre.

37 Noe bededýñnana wesemy heka rýimyhýkre iny risinykre kia bedeu.

38 Ibutumy heka worana bedehesi rýikre kiau. Lisisò tahe rýikre. Herina lisina aõma hàwyymy herina.

39 Tahe Noe bededýñnana wesemy heka reakre. Iu heka beòra rariare. Tahe rity-hynyðhyre tiiboho. Tahe heka raòwònyre rariare ibutumy ituere. Iwesele tii heka rarekre heka, wadehemynyna Deuxu Riòre Hàbutyhyhyký wahe.

40 Inatxi hàbu heka oworu-ki raaòmysýdýñkre. Ijò heka rakre dynamy reakre. Ijò tahe rarikre.

41 Tule inatxi hàwy heka raaòmysýdýñkre heto-ki ratzikre mai risyrenykre. Ijò heka dynamy reakre ijò heka rarikre.

42 Tai heka iny rexiywinymy rýimyhýkemy rybe roimyhýre awedureny kanakreki. Tiubo rehemynykre, teeryðte.

43 Aõma hàbuò kanakeki heka tiu aõma hàbuò itxeredumy ronykeki heka, tiu hàbuò iribi rawasinyòtyhy.

44 Bexiywinymy heka wadehemynyna biijemy bonyke, jiarý Deuxu Riòre Hàbutyhyhyký wahe.

45 Ijò Jesuisi relyyre: —Inyò tadinodu deòdutyhymy ratzikeki, tii aòmysýdýñna riwinyhy ronymyhýke tamy. Itheto riywinyhyyke. Teòdu mahàdu txuò txuòlemy riywinymahàke.

46 Kia riwinykeki, deysamy rarekre teòdu rehemynykre.

47 Inatyhymy ararybekre: —Kia deòdu tadinodu aòmydýñnana ibutumy idi riywinykre, riyrubunykre. Tii ibutu wedu rarekre.

48-49 Ibinamy tahe tii ròhòtinykeki, kiawesemy riwinykre: Deòdumy raòhòtemyhý, lisilemy ronymyhý, riroximyhý momodu mahàdu-wana riòmyhý. Tii ixidee rarybekre: —Wawedu kedehemynyòtyhy, aòtxile ariwinykre.

50 Iu rehemynyòkremy ròhòtinyreu, iwedu kiau le rehemynykre.

51 Tai tahe raòhòtebinakre. Heòty bede-ò riteònykre, Iwese itxena mahàdu tii riteònykre wese. Kia-ò rahinykre, robukre, txuraruti rikyikyiny my aòhòkýmy dýñnana òraru-ki.

25

¹ Jesuisi ijò relyyre: —Kia txu heka Deuxu Iòlòna ka ijy wesemy rarekre. Debòwiò ijadòma heka hàbumy herina riraòmyhýreny. Iny sohoji sohoji heka toosòna riwyre iximynamy.

²⁻⁴ Iruyrele tahe tòhòti reare aõma adýñ-di ritýxinykemy. Ihony tahe tòhòti rosare iruyre wasý, ijò tule ihyna-ki riwykemy.

⁵ Weryrybò rehemynyðre, tai tahe ijadòma mahàdu ele rihynymy rýimyhý tehemynyna riiraòmyhýreny. Iny sohoji sohoji heka toosòna riwyre iximynamy.

⁶ Tai tahe rarybera: —Týmyra mahàdu-ò wahe rehemynyri. Birybenybeny ruwetya.

⁷ Tai tahe ijadòma mahàdu he rituranymy rýimyhýre. Toosò itýnytyhymy rookemy.

⁸ Kia ijò tahe tòhòti rosare mahàdu tahe uritere riijere. Itoodýñmy idi riwisýnymyhý. Aõma widee he rexitònyre: —Urihimykò inihe wahòr-ò kò biditxiwike karihukòtekre.

⁹ Tai tahe kialemy risýnyre: —Anokòre wadehunale dokuri rýire. Bikòryke tahe ijò itxe tahe. Maa.

¹⁰ Idi tahe ròireny iòbradýñmy. Tai titxi tai rohonymyhýreò. Iòrysmy iòbradýñmy ròirenyra rookile tahe dehemynyde kia týmyra mahàdu wahe. Tahe rironyrenyre ibutumy rirox-ikemy. Riratòbònyreny.

¹¹ Tai tahe kia iruyre ijadòma iòbradýñmy rare tahe dehemynyde: —Wahì, itxòtòbòna wadeke bidiraknybedenyke!

¹² Tai tahe kialemy rirawònyre: —Jiarý umyreny reeryðre. Kie riki ijy.

¹³ Tahe Jesuisi rarybere: —Tai kaiboho bexiywinymy ahàbenyke wadehemynyna bi-ijebeny. Teerytenykòte dori tiubo adòðsekre.

¹⁴ Tii ijõ rarybere: —Ijõ ijyymy adeeremy arabedeerynykre timybo Deuxu Iòlõna raremy. Inyõ heka rakemy ratximyhÿre ijõ bede-ò ratÿinykemy. Tii tahe taaõmysÿdÿÿnana ririre teòdu mahãdu-ki.

¹⁵ Tanieru tahe tamy riwahinyre timykibo isiraõmy nieru ritamyhÿre myheka tamy riwahinyre. Ijõ-ò 5000 riwahinyre. Ijõ-ò 2000 riwahinyre. Ijõ-ò 1000 riwahinyre. Idi tahe tii rare tabede tÿinamy.

¹⁶ Kia iruyre ritara heka aõna aõna riõbranymyhÿre. Diwymyhÿre tasÿ idi rohonyrerimy ihÿre. Tai wylemy heka inieru rabuture. Ijõ ixityre iruyremy ritxienyire iratyretyhy.

¹⁷ Kia ijõ inatximy tamy riwahinyre tasÿ tulere aõwelese raaõmysÿdÿÿre ta ròtare tule ijõ inatximy ixityre.

¹⁸ Kia sohojimy tamy riwahinyre tahe urile riyrubunyre inieru hãloole riare tamy tahe riyrubunykyre heka riare.

¹⁹ Sõwemy rabeledÿÿnana-ribi tahe iwedureny dehemynde. Tahe tamyreny rarariòwyre takòtareny riòbitinykemy.

²⁰ Iruyre riwryre heka debòwiò diwyde: —Beteheiny wawedu ijõ iruyre anieru tyre rebutunyre.

²¹ Tahe tawedu sõwemy riwowodynyre iaõmysÿdÿÿna wiwihikÿmy ròhònyraki wahe. Kiamy heka tamy rarybere: —Òbitimy idi taaõmysÿdÿÿteki heka. Sõwemy heka adee ariwahinykre riywinykemy. Aõwaxinyhe bitelenykre aõmysÿdÿÿna. Kai heka wawana beysanihikÿkre.

²² Idi tahe kia inatximy ròtaré sÿ dehemynde: —Beteheke, inatxi tasÿ inaubiòwa ixityre adee rewinyra.

²³ Tahe iwedu rarybere: —Awityhymyhe taaõmysÿdÿÿta! Kai heka deòdu wihikÿ tate. Kai ibutedile sõwemy tewinyte tahe sõwemy ixityre adee ariwahinykre riwahinykemy. Kai heka wawana beysanihikÿkre.

²⁴ Kia sohojimy tamy riwahinyre tahe rarybemyhe retximyhÿ: —Kai heka hãbu nieru tarasaery heka tate. Aõ taaõmysÿdÿÿteri-ribi aõkõ heka nieru tetamahãte.

²⁵ Tai heka jiarÿ raberumahã alau watzireri. Tai heka rewore iny lau. Tahe tii sohojidile ratzireri.

²⁶ Iwedu rarybere: —Kai heka eoruxerere, awi aõkõ heka tate! Inyõ tehuòtekòta heka idi urihimò ityre ròtakelemy wahe. Kai tiwaeryte wahe.

²⁷ Aõherekibo banco-ki aõkõ tetidite. Kia huòteòwy wanieru-ribi ritarerimy ihÿre.

²⁸ Bitabohe kia nieru-di atxitere, tahe kia debòwiò ritaraò wahe biwahinykre.

²⁹ Kia òbitimy raaõmysÿdÿÿra heka sòwetyhymy ròtakre. Kia òbitimy raaõmysÿdÿÿõmyhÿre kia heka ròdnodÿÿkre.

³⁰ Kia deòdu bimybemyke. Tii dorihe ibinatyhyre inihe bede luruhukÿ-ò idi behubenykre. Tai heka tii aõhòkÿmy rotÿÿnykre rahinykre.

³¹ Jesuisi tahe ikonana rarybere: —Iu jiarÿ, Deuxu Riòre Hãbutyhyhykÿ, arehemynykreu heka Waiòlònary-ò aronykre. Arehemynykre waÿju mahãdu-wana.

³² Ibutumy heka bede iny mahãdu wako-ki ributunykre. Iwese budoeni itxeredu heka tabudoeni, budòe-wana wiribi rihitxinymyhÿre wese heka bede iny mahãdu wiribi arihitxinykre.

³³ Wabudoeni heka warurunawe-ribi arisÿnykre. Budòe tahe wahywe-ribi arihitxinykre.

³⁴ Idi tahe waruruna ludu-ò ararybere: —Manake hewa, beysabemyke. Waha Iòlõna-ò rokonykre. Myheka tamy ararybekre. Juhuu bedeu ihetxiu heka ywimy adireny kia rÿimyhÿre.

³⁵ Rama tahe riwasanyreu rÿsÿna wadee tewahinytenyete. Iu bemy rarureu, wadee tewahinytenyete. Jiarÿ heka tori rare asÿ-ò tiwadytenyete.

³⁶ Jiarÿ heka watykyhoho aõkõu, kaibohole wadee tewahinytenyete. Binamy rÿimy rarewãhã, waroramy tadòitenyete ròtenawo-ò.

³⁷ Tai tahe òbiti mahãdu rarybekre: —Wanyrÿ, tiu taheka ramamy heka wadeeremy teate —Adee rewahinyrenyere? Tiubo heka bemy tarumy tatemahã adee rewahinyrenyere?

³⁸ Tiubo heka kai torimy tatemahã idi wahetoreny-ò aradyrenyere. Tiubo atykyòmy tatemahã-di, tyky adee rewahinyrenyere.

³⁹ Tiubo ròtena-ki tÿimy tatemahã-ò ada webinadumy tatemahã-ò, aroramy ròirenyre. Wanohòti atxi reaõhyymyhÿre.

⁴⁰ Tai Jesuisi rarybere: —Jiarÿ, Iòlò, tamy ararybekre: —Iu kaiboho waityhydÿÿdu seriòre mahãdureny-ò waòraru-ki tewinymy toitemahãu, wadee tuu tewinytenyete.

⁴¹ Idi tahe kia wahywenawe-ribi ludu tamy ararybekre: —Boibenyke karibi kaiboho heka abinarenyere heòty bede-ò ihyymy boibenykre ixi-di ariteònykre. Diabo tatytybybinasÿ-ò idi boibenykre. Deuxu isÿ tamy riwinyre.

⁴² Tiu rama riwasareu rÿsÿna kaiboho wadee tewahinytenyôhyyta. Iu bemy rarureu heka ijô wadee tewahinytenyôhyyte.

⁴³ Torimy rarewahâu, tiu tiwatobinytenyôhyyte. Tykyô wadee tewahinytenyôhyyte. Binamy râimy rarewâhâ rôtenawo-ki wororana webinadumy tahe tòiôhyyte.

⁴⁴ Tai tahe kiamy rarybekre: –Wanyrÿ, tiubohe tuu rewinyrenyôkôre. Wanohôti heka reaôhymyhyre aramamy rubuna-txi, abemy rubuna-txi, torimy tatemahâu, attykômy tatemahâu, rôtenawo-ki webinadumy tatemahâu wahe.

⁴⁵ Tahe jiarÿ Iòlò tamy ararybekre: –Kaiboho heka waityhydÿÿdu seriôreô tewiôhenanyômahâtenyete tai heka tiwawîôhenanytenyôte.

⁴⁶ Tahe Jesuisi ikonanamy rarybere: –Tai tahe tii tiuhyymy rakre heôty bede-ô, aôhökÿmydÿÿnana-ô. Ôbiti mahâdu heka umytuedeôna-ô rakre.

26

¹ Kia tajiyy rahudi tahe Jesuisi taerymahâdu-ô rarybere:

² –Ixityre inatxi txu-di tasÿ aôma Pascoa worana bedehesimy rÿikre. Kaiboho tahe kia teerytenyete. Iu iny riwatyhenykre Deuxu Riôre Hâbu wahe. Irahu-di tahe itxeônihikÿ-ô riwatamadÿÿnykre.

³ Tahe aôwesele heka xiwena wahidÿÿdu wedu mahâdu ributunyre heka judeu wedu mahâdu-wana wahe. Kaifa heto wii rotyre. Xiwena wahidÿÿdu mahâdu wedu wahe.

⁴ Wiwana heka raryberenyre: –Timybohe Jesuisi aôhebo rikisÿnyrenykre aôma teburemy ijiranakônahakÿle. Timybo rikisiraônyrenykre, rikimynyrenykre, rikirubunynyrenykre. Urile iny tuu rierykôre.

⁵ Pascoa worana bedehesi rÿireu tahe aôkôlemy idi rÿire. Kia worana bedehesiko-ki iny raaôbinanykeki dori ibutuhukÿlemy heka raaôbinanyke.

⁶ Jesuisi heka rare Betÿnia hâwâ-ô hâbu tykybinaô-wana heka isÿ-ô rare, Simaô heto-ô wahe.

⁷ Iu iheto-ki riroximyhyre tahe hâwyyô tamy rare aderôna lÿnyrehekÿô-di manau-rahyna-ki. Tai tahe Jesuisi tyre ritxiwire, iratityre.

⁸ Ierydÿÿna mahâdu heka urihimyo heka rebure riôre iôraru-ki.

⁹ Iôwy nihikÿtyhyre dorihe. Tai heka taniëru uriterehekÿle rahuraki heka tai rawobinamy. Idi rohonykewile heka rare aôma iôwy tahe iny aôkô mahâdu-ô riwahinykewihikÿle tii rôhôtinyre.

¹⁰ Tahe Jesuisi rierytyhymy aômybo tuu raryberenyrerimy: –Aôherekibo kaiboho ibinamy tarybetenyteri hâwyy-ô. Aôwidÿÿnana wihikÿ wadee riwinyreri.

¹¹ Aôma kaiboho heka urimynodu mahâdu-wana ihyymy boibekre. Ibutulemy awanareny jiarÿ watxiwâhâde.

¹² Tii heka wahâloodÿÿna riwaywinyra aderôna watyre ritxiwireu. Kia tahe wadee riwinyre.

¹³ Boholake, iny itxi tôhôtî reahyy rÿirakre iôraru-ki. Rybewihikÿ Tÿmyramy ritÿnydÿÿmyhÿkre heka rierymyhÿkre bede bedemy wahe.

¹⁴ Iribi tahe Judasi Isariô, tii waô inatxi reurôô rare, tii heka rôhônnyre ierydÿÿna mahâduy-ribi. Tahe rare xiwena wahidÿÿdu mahâdu wedu-ô. Tahe tamy rarybere:

¹⁵ –Adeereny Jesuisi ariwahikre wana heka tiwesebo biwaôwynybenykre? Kiamy tahe 30 prata womati nieru myhe tamy riwahinyre.

¹⁶ Judasi kia ribile rarunymy raremyhÿ dohodÿÿnaômy Jesuisi tamy riwahinykremy.

¹⁷ Pascoa worana bedehesi rÿireule rexidelenyre, Paô iuridÿÿkô, kia txu rÿimyhÿ wahe. Jesuisi erydÿÿna mahâdu tai ritÿÿraxinyre: –Titxiwexe rikirÿsÿkre Pascoa worana bedehesi jiarÿboho dori ariwinyrenykeny?

¹⁸ Tahe Jesuisi rirawyonnyre: –Hâbuô hâwâhâkÿ-ki ratximyhyre tii riwaeryre. Tahe tamy marybekre: –Wawedu kÿny rarybereri aôma aheto-ki heka Pascoa worana bedehesina rirÿsÿkremy taerydÿÿna mahâdu-wana. Ibededÿÿna dori iôhôre riki.

¹⁹ Tai tahe taerydÿÿna mahâdu kia riwinyre idi kowa worana bedehesi rÿsÿna riywinyre.

²⁰ Bedesômy tahe tai riroximy rorukumyhyreny, taerydÿÿna waô inatxi reurô mahâdu-wana wahe.

²¹ Aôma inyô heka riwatyhenykre ratximyhyre. Jesuisi heka tuu rarybere:

²² –Mowexe tii rarekre. Tiiboho rabadewomy roire, tai tahe widee rarybere: –Jiarÿ kôaôboka.

²³ Tahe Jesuisi rarybere: –Kia wawana pratoro tebô rearerile taheka tiikre.

²⁴ Iwese Deuxu Tyyriti-ki Rybe roire wese heka arurukremy jiarÿ Deuxu Riôre Hâbutyhyhykÿ watxiwâhâre. Kia hâbu riwatyhenykre tahe tamy heka ibinatyhykre. Raty-bienyôkôre wana inihe awityhyre.

²⁵ Tai tahe Judasi ityhedÿÿdu rarybere: —Erydÿÿdu, jiarÿ aõbohe rare? Tahe Jesuisi tamy rarybere: —Kaityhy wahe tate. Kaile tarybeta.

²⁶ Tai tahe Jesuisi orotxu sohojiõ rimyre ibutumy riroxireu, tahe riyreyrenymyhyÿre tahe inysohoji sohoji-õ riwahinyre. Tai tahe tamy Jesuisi rarybere: —Kia biybenyke heka. Waumy wese heka kia ratxireri.

²⁷⁻²⁸ Idi vÿ monahyaõ rimymy rexitõenyre Deuxu-õ. Idi tahe tamy riwahinyre iribi sohoji sohoji riõrenykemy. —Biõrenyke kaa dori wahãlubu wesemy ratxireri. Tai sõwemy iny biu-õ rahenykre Deuxu dee. Ibutumy õraru na ixãwididÿÿmy heka tuu rõhõnyra. Wahãlubu heka Deuxu, iny-wana wii riwoãxinykre rare.

²⁹ Tahe bohola warybe-õ. Awanareny heka ixityre vÿ monamy ariõõtyhy. Kia Waha Iõlõna-õ dehemynahykyle tahe awanareny ixyby tuu ariõkre.

³⁰ Idi tahe wiuõ rawiunyrenyre idi tahe Oliveira hãwãlõ-õ rõrenyre.

³¹ Jesuisi tamyreny rarybere: —Wijiru heka ibutumy kaiboho biwaribenykre. Tyyriti-ki heka roire kiawesemy:

Budoeni-di itxeredu rirubunykre. Ibutumy budoeni raubÿtÿkre bede bedemy.

³² —Waixixana kÿnyikreu tahe Kalileia bede-ki awanareny aratxikre.

³³ Pedro tahe rarybere: —Ibutumy ararirenykre wana tahe jiarÿ aõkõre. Ararirenyõtyhy.

³⁴ Tai Jesuisi heka Pedro-õ rarybere: —Kai heka hãnie dele robukõdile biwatxiõ-ribi bexihukre, inataõmy wahe. Tuu wijiru rarekre.

³⁵ Pedro dirawyõnyde: —Aõkõre wa, arurukre heka tahe urile aratxiõnyõtyhy. Tule ibutumy ijõ ierydÿÿna tule Pedro wesele rarybere.

³⁶ Tahe Jesuisi ridyrenyre bederaty oworuõ-õ, aõma Kesemani ninadu-õ ridyre: —Kakile bonykre arakre dori ixitõedÿÿmy kowa-õ.

³⁷ Tahe Jesuisi heka Pedro ridyre ixi-wana. Tule Zebedeu riõre wiwana ridyrenyre. Tahe Jesuisi rabedeõtiidÿÿre aõhõkÿmy rotÿÿnyre bedeõtiidÿÿ õrarakile.

³⁸ Tii tahe tamy rarybere: —Kaki wawanale atxibekre. Watytyby heka tÿxihikÿlemy bedeõtiidÿÿ-di ratxireri. Waki bexiebekre.

³⁹ Urile tahe tako-õ rariareu tahe resere bede-õ. Jesuisi tahe tyby-õ rarybere: —Waha, rubu mona waribi bitake adeewikeki. Aõkõkeki tahe ariõkre, arurukre adeewilemy aõhebo arotÿÿnykre.

⁴⁰ Idi tahe dõõsede kia ierydÿÿna inataõ tai rõõrmyhyõ heka ixyby dõõsemy nade. Jesuisi rarybere: —Pedro! Kai heka timy sohoji horamy adi bede rÿiõtyhy wawana.

⁴¹ Bexixaruhyy atxibeke bexitõenymy. Aõkõkeki tahe õraru na kanamykre. Kai heka õbitimy matxikemy tahõtiny mahãte. Aumy tahe ibinare heka arurukõre wahe.

⁴² Ixityre rare rexitõenykemy. Tahe Jesuisi rarybere: —Waha, adeewinale ariwinykre. Aõhõkÿmydÿÿnana monamy heka ariõkre. Kia mona waribi bitaõkeki ihãrele heka arurukre.

⁴³ Tai dõõsede tai rõõrmyhyÿrenyõle heka nade. Tiiboho ixixamy rÿiõhyre.

⁴⁴ Tahe rõõsere ixybyle ikonanamy. Iweselemy rexitõenyre tyby-õ.

⁴⁵⁻⁴⁶ Idi tahe dõõsede taerydÿÿna mahãdu-õ rarybere: —Bexielehynybeny. Watyhedÿÿdu naderi. Rexihumyhe rare. Hãubina mahãdu rehemynyre. Jiarÿ Deuxu Riõre Hãbutyhyhykÿ, wahe. Bexixabeny, rakakre watyhedÿÿdu dori rehemynyneri.

⁴⁷ Tahe Judasi dehemynyde waõinatxi reurõõ wahe. Jesuisi rarybere, tii nade sõwemy hãbu-di mayrehe-di, õhõte-di tõnori-di widotyde. Judeu mahãdu wedu tahe iteõdÿÿdure xiwena wahidÿÿdu wedu wana wahe.

⁴⁸ Juhuu Judasi tamyreny bede riywinyre. Kamy rexirybenymy: —Iõsÿny-õ aruwokrele heka tiikre. Tiile bimybennykre.

⁴⁹ Tahe Judasi rarybere: —Rareri, Wawedu. Iõsÿny-õ ruwore.

⁵⁰ Tahe Jesuisi rarybere Judasi-õ: —Iõ, aõwaxiny aõbo biwinykre iwidÿÿmy tateri. Tahe Jesuisi imahãdu rimyre. Ritaataare.

⁵¹ Tahe Jesuisi mahãduõ mayrehe-di rimymy resere. Tai hãbuõ-õ reare. Tai tahe tõhõtile rikõrõmy idi reare, xiwena wahidÿÿdu wedu deõduõ wahe.

⁵² Tahe Jesuisi tamy rarybere. Aõkõre amayrehe birutyke irasirahanawomy. Kia dori inyõ maydese rimymy resekre heka tule rurukre maydeselemy.

⁵³ Karibi ixtarasamy arurukeki dori wahaõle ararybekre. Tai tahe waha sõwemy ÿju kiditõenyke, 12 aõbinadu ijoi mahãdu wahe. Kia teeryõtenyte.

⁵⁴ Ihãrele tahe ibutumy tuu bededÿÿnana relekre iwese ritidÿÿna-ki roimyhÿre wese.

⁵⁵ Tahe Jesuisi rÿÿraxire tamyreny: —Aõbo jiarÿ raremy wadi tahõtinytenyteri. Wasidu aõbo. Kai dori waõrysmy tehemynte maydese-di, tõnori-di. Aõherekibo wahe. Jiarÿ heka arabedeerynyrenyre txuõ txuõlemy wahe Deuxu dohodÿÿna heto-ki. Aõherekibo taile tiwamytenykõte kowa watziwãhãure.

⁵⁶ Kia ibutumy Deuxu Ritidÿÿna-ki roimyhÿre. Tai tahe tuu bededÿÿnana relekre iwese Deuxu rybedu mahâdu rarybere. Ibutumy aõna aõnamy rotÿÿnyny raremyhÿ. Tai tahe taryberahu-di. Ibutumy iery mahâdu iribi tahe robÿÿtÿre.

⁵⁷ Tiiboho heka Jesusi ridyrenyre Kaifa heto-ò, xiwena wahidÿÿdu wedu wahe. Tai ibutumy judeu mahâdu wedu ributumyre bede ywina erydu mahâdu tule wahe.

⁵⁸ Pedro irehety-ribi riheludunyre. Iheto ube-ki tahe ronyre yrubu dÿÿdu-wana. Tahe rehere aõhebo rotÿÿnykremy.

⁵⁹ Xiwena dinodu mahâdu tahe ributumyre Jesusimy raruikremy heka rijemy. Aõma rirubunykre òbirele heka tuu rarybemyhÿ.

⁶⁰ Tahe inyò-ki heka rahaõhyre turybedu wahe. Iny sówemy tahe relyyre. Ihärele rirubunyõhyre. Iroona-ribi tahe inatxi häbu dehemynde.

⁶¹ Tai tahe kiamyhe tuu relyyre: —Aõma Jesusi rarybere: —Aõwesele heka Deuxu dohodÿÿna heto ariatmy idi areake. Inataõ txudi tasÿ ixityre aditamadÿÿke, ibutumy adiwiynke.

⁶² Tai tahe xiwena dinodu heka Jesusi-ò ryraxire: —Aõbo marybekre kia umy ijy rohonyeriki?

⁶³ Jesusi tahe rybeõlemy ronyre roholare. Ixityre tamy rÿÿraxire: —Kai heka inatyhy tyhymy Deuxu Riõremy kai atximahâte. Mesia aõbohe kai tate? Deuxu riwaeryre inatyhymy rarybereri.

⁶⁴ Jesusi dirawõnyde tamy: —Kaile kia tarybete. Ibutumy iny-ò ararybekre: —Kaiboho ibutumy bobibenykre

Deuxu Riõre Häbutyhykÿmy, jiarÿle wahe. Tii heka Deuxu rurunawe-ribi heka ronykre. Iribi tahe kanakre biuwetyky-ki. Jiarÿle wahe tiire.

⁶⁵ Tai tahe xiwena dinodu tatyky riykare. Reburere kie: —Aõhere tahaka. Deuxumy heka ibinatyhylemy tarybemahâte. Ijò iny-ò aroholaõkre, rexihura!

⁶⁶ Ibutumy kaiboho irybe-ò taholatenyteri, inatyhy? Aõbo rikiwinykre tii ibinatyhyre dori, rikirubunyrenykre tahe.

⁶⁷ Tahe iòsÿny-ò rarybexinyre. Rihetenyre.

⁶⁸ Tamy ihetedÿÿdu rarybere: —Marybeke Kristu, mobo arahetenyra inihe.

⁶⁹ Pedro tahe ube-ki ronymyhy. Tahe ijadõma heka deõduõ tamy rehemynye: —Kai anõbo Jesusi Kalileia ludu-wana atximahâ. Kumymy rabire.

⁷⁰ Iny ibutuko Pedro rarybere: —Aõkõre, aõmybo arybe reeryõhykryeri.

⁷¹ Tai tahe rare ijò-ò. Ijò ijadõma deõduõ rarybere kamahâduko: —Inatyhymy heka tiki Jesusi Nazareludu mahâduno tiki rare.

⁷² Ixityrele Pedro ritxiõnyre: —Reerykõre wahe häbu. Tiu heka rabiõwähäre. Inatyhy rare.

⁷³ Idi häbuõ heka narybede tamy: —Inatyhy rare. Kakÿny irybe weselemy tarybeteri, Kalileia rybe wahe.

⁷⁴ Tahe Pedro rarybere: —Jiarÿ reerykõreri, tuu heka rabiõwähäre. Deuxu riwaeryre inatyhymy rarybereri. Iule taheka hãnie häbu robumy reare.

⁷⁵ Tahe Pedro tõhõti itxi reare. Jesusi rarybere weselemy heka tii riwinyra. Ritxiõnyre. Tai tahe Pedro rõhõnymy reare heka rahinyhyre.

27

¹ Ijò biurasò ruidile tahe rÿire. Xiwena wahidÿÿdu wedu ributumy judeu mahâdu wedu-wana. Timywexe aõhe rikisÿnyrenykre. Rikirubunyrenykemy heka idi watxiwähäre.

² Roma dinodu-ò õsana rikidyrenykre. Tahe tiiboho Jesusi ritaataare idi ridyrenyre tamy, Pilato-ò.

³ Judasi heka rieryre. Tai tahe tii rabadewonihikÿre rityhenyreki wahe. Tai tahe raraykynyre tawo-ò raõhõrere. Tahe nieru õkesedÿÿmy idi rõhõtinyre. Tahe nieru diwyde, 30 prata womati nieru tahe riõkesedÿÿnykremy judeu wedu mahâdu-ò, Xiwena wahidÿÿdu mahâdu-ò.

⁴ Tahe Judasi rarybere: —Ixãwirahe, jiarÿ raõrarunyra häbu õbitityhymy ratximyhÿrele rityhenyre heka. Tahe judeu mahâdu dinodu rarybere: —Jiarÿboho, kia aõ aõkõ rare.

⁵ Tahe Judasi nieru-di bedetyrele rihure. Tahe rõhõnyre iribi. Tahe rare. Rerotihiikÿ-di rexibõtõtaare. Rexirubunyre.

⁶ Tai tahe xiwena wahidÿÿdu wedu riwyre nieru bede-ribi: —Aõwexe kanieru rikiwinyrenykre? Dohodÿÿna hetowo-ò rikirutyrenyke heka aõkõre. Aõma dori rare rubuõwymy iwahidÿÿ heka rare.

⁷ Urile suõle rikiwinyrenykre idi. Tai tamy wabede rikiwinyrenykre. Aõma tori kaki rurukreu tahe rikitoonyrenykre tamyle wahe. Tai tahe tiiboho riwyrenyre aõma butxi widÿÿna subede heka riwinyrenyre. Kia heka inire suni wahe.

⁸ Kia bedero tahe rininire aõma Hälubu Bederomy heka rininire. Wiji tule ini rare.

⁹⁻¹⁰ Iwese Jeremia tyyrity-ki roire wesele heka tii riwinyre:

Thahe 30 –Womati nieruõ-di heka bedero riwyre butxiwidÿÿdu-ribi. Iwese kai riwateõnyre wese. Kia iõwy rare judeu mahãdu-õ tamy riwahinyre wahe. Txioðÿÿna õwy wahe.

¹¹ Jesuisi heka Pilato, bede dinodusÿ-ki ratximyhÿ. Pilato thahe tamy rÿÿraxire: –Kai aõbo judeu mahãdu iõlõ atxiteri? Jesuisi dirawyõnyde: –Kai tuu tarybeta.

¹² Xiwena wahidÿÿdu wedu heka tamy rarybere: –Jesuisi rirawyõnyõhyre. Judeu mahãdu wedu-õ tule rirawyõnyõre.

¹³ Pilato thahe tamy rarybere: –Kai aõbohe rybe-õ taholate.

¹⁴ Tule tamy Jesuisi dirawyõnyõhyde. Byy! Urile Pilato ribedeõtiidÿÿnyre.

¹⁵ Pascoa worana bedehesi bededÿÿnana tikiemy tuure. Rõtenawo-ribi heka sohoji beõra beõrahyyle ixinamy inyõ rexideõnymyhÿ, inysõwe rybe õraru-ki wahe.

¹⁶ Kia beõra thahe hãbu ibinatytyre rõtenawo-ki rÿire. Baraba inire. Ibutumy iny tuu riereyre.

¹⁷ Aõma Pascoa worana bedehesi rÿireu ibutumy iny ributumy. Thahe Pilato ritÿÿraxinyre: –Tiibohe ixinamy ariteõnykre Jesuisi Kristu aõbo ada Baraba aõbo?

¹⁸ Thahe iny heka ibutumy urile Jesuisi Kristu luure heka. Tai thahe judeu dohodÿÿdu wedu mahãdu thahe aõkõ tamy waritimy rityhenyrenyre. Pilato kia riereyre.

¹⁹ Iu tabede ywina dohodÿÿna-ki Pilato rÿireu, ihãwy tamy tyyrity riwahinyre. Kawese heka rarybere aõma: –Ixinamy Jesuisi biteõnykre. Anobinatytymybo dokuri rarasino txu wadi reakareri. Jikarÿ anohõkÿmy dÿkÿnana sõwemy ratÿkÿnyre Jesuisi kõraru-ki wahe.

²⁰ Iny sõwehekÿ-õ heka xiwena wahidÿÿdu mahãdu wedu rarybere: –Kaiboho marary-bebenyke: –Baraba ixinamy biteõnykre. Tiiboho dirawyõnyde: –Jesuisi birubunykre.

²¹ Iribi Pilato rarybere: –Tiwexe ixinamy ariteõnykre? Tiiboho dirawyõnyde: –Baraba biteõnykre.

²² Pilato thahe rÿÿraxire: –Aõhebo thahe arotÿÿnykre Jesuisi-di, Kristu-di? –Itxeõ nihikÿ-ki bitamadÿÿnykre. Birubunykre.

²³ Pilato tamy rÿÿraxire: –Aõbinahakÿ aõbo riwinyraki? Tai thahe ibutumy iny rirajuamy rÿimyhÿ: –Birubunyke kia bitamadÿÿnykre.

²⁴ Pilato iny sõwe-di aõ riwinyõhyre aõbinatyhy õsana rõhõnykremy idi rõhõtinyre, tai thahe inyõ rarybere: –Bee kidiwykremy baciario-ki. Thahe tebõ risuhore iny sõwehekÿko-ki. Tamy rarybere: –Jiarÿ kÿny waõraru-ki aõkõ heka rurukre. Kaiboho heka irubudÿÿ erydumyhe boibekre.

²⁵ Thahe ibutumy iny rarybere: –Awire, inyboho heka irubudÿÿdu erydumy rokoirekre, tule wariõreny õraru-ki wahe ihãlubu rejuxunykre. Soldado ridyre itxeõ nihikÿ-õ ritamadÿÿnykremy rirubunykremy.

²⁶ Tai thahe Pilato heka Baraba riteõnyre ixinalemy. Iribi thahe Jesuisimy raõhõtere.

²⁷ Pilato soldado mahãdu urile idi juhu risinyre, soldado tyamy ritidire. Pilato heto-õ ridyre.

²⁸ Ityky iribi ritare thahe aõma tyksõ-di ritidire heka juhu rihetynyre.

²⁹ Iõdÿÿmy thahe idi ede lõrilõrihikÿ irati-õ ridekremy. Õwõruõ tebõ-õ ritidire. Tai iko-õ resere tatiowotimy. Raryberenyre: –Awire, kai judeu Iõlõtyhy.

³⁰ Ityre rarybexinyre. Õwõru rimyre thahe iratimy tuu raõhõtere.

³¹ Iribi ritarenyrenyre ihõrõ itykyle ixityre rirutyre ityre-ki. Idi thahe ryõ rõirenyre.

³² Iu rõhõnyre, hãbuõ Sireni bede luduõ-wana witxi reare. Tamyhe rarybere Jesuisi itxeõ riwykemy.

³³ Thahe Kõkõta hãwãlõ-õ rehemynyre. Aõma, rubu ratityby wesemy heka rare. Tai thahe Kõkõtamy heka rininimyhÿrenyre.

³⁴ Tii vÿi riurinyre bee ihyra-wana, idi thahe Jesuisi-õ kia riwahinyre. Iurihi-di teramy reare.

³⁵ Thahe itxeõ nihikÿ-ki ritamadÿÿnyre. Irahu-di thahe ity heka ritxuatxuarenyre wimy rarudeõsanyre tibo iwydydukemy.

³⁶ Idi thahe retehemy rorukumyhÿrenyre.

³⁷ Irati tyre-ki thahe ritidÿÿnaõ roire:

–Kia Heka Jesuisi Rare, judeu Iõlõ Mahãdu.

³⁸ Tule wasidu brebunahakÿ tii-wana ritamadÿÿnyrenyre itxeõ hòkÿ-ki, ijõ iruru-ribi, ijõ ihywe-ribi.

³⁹ Iny ibire-di reamyhÿ idi risinymyhÿ kamy rexirybenymy:

⁴⁰ –Kai inihe bexitake, kai Deuxu Riõre tateki. Bodobeheke itxeõ nihikÿ-ribi.

⁴¹ Kai heka arurudiremy iximy tarybemahãte. Dohodÿÿna biatykemy heka iximy tarybeta thahe inataõtxu-di heka biwinykemy tarybeta. Tule xiwena wahidÿÿdu wedu mahãdu idi risinyre. Tii thahe rarybere:

42 —Tii heka iny iwitxira witxira aõbina bina-ribi ritamyhÿre ihãre tahe taaõbina bina-ribi rexitaõtyhy. Tii heka aõ judeu mahãdu iolò aõkõ rare. Myheka tuu rarybemyhÿ. Kia itxeõhõkÿ-ribi kedexiberesedÿÿnykekile tahe rikityhynyrenykre inatyhymy.

43 Tii heka iximy rarybemyhÿre Deuxu Riõre raremy, Deuxu rityhynymyhÿremy. Reketeherenykre inie aõbo Deuxu riwiõhenanykremy wahe.

44 Wasidu mahãdu kia itxeõ nihikÿ rÿire iwesele heka tamy rarybere.

45 Txutyeyu tahe bede luruhukÿ bede reare, txioro tirehehekÿule bede kamy reare.

46 Kiaule tahe bede ratÿnyre Jesuisi iu rryryre:

—Eli Eli Lema Sabatani.

Kiamyhe rarybere:

—WaDeuxu, WaDeuxu, aõherekibo waribi õhõti rosare?

47 Tai tahe iny sõwe mahãdu irybe-õ doholade. Ijõ kiamy narybede: —Eliasi-õ hõwa rryryreri.

48 Kia ele elemy riwinyre noseõ. Idi tahe vüõ riryry tamy idi riteõnyre. Teõrehemy riwinyre bemy rimonykremy.

49 Ijõhe raryberenyre: —Txiokre inihe inatyhymy aõbo reketeherenykre inatyhymy aõbo Eliasi iwiõhenadÿÿmy kanakremy aõbo inihe.

50 Jesuisi ixityre rirajuare. Rurure.

51 Kia dohodÿÿna heto-ki heka ixiwõtenaõ rÿimyhÿre ierykõna. Tahe urile idi ixivanale ruamy reare iratyre-ribi bede-õ. Suuhe ramytatate. Mana rabõhõbõhõnyre.

52 Wabede hãlooõ heka riraynyre. Deuxu hõrõ mahãdu sõwemy rubu-ribi riixixanyre.

53 Wabede-ribi rõhõnyrenyre. Iu Jesuisi rubu-ribi riixixareu tahe Jerusalẽ-õ rõirenyre. Tai tahe sõwemyhe iny tuu robire.

54 Tai heka soldado dinoduõ ratximyhÿ idi retehemy. Tule soldado mahãduõ tii-wana ratximyhÿre. Ibutumy tuu robirenyre. Tai tahe tabrebu-ribi narybedenyde: —Tii inatyhymy Deuxu Riõre heka rare.

55 Hãwyyõ tule retehemy ratximyhÿre irehe-ribi idi. Aõma hãwyy Jesuisi riwiõhenanymy raremyhÿ heka idi retehemyhÿre. Tiiboho Kalileia bede-ribi doide.

56 Marie Madalena, Marie Txiause Jyjese, Zebedeu riõrese tule tai ratximyhÿ.

57 Bedesõmy Jyje rehemynyre. Tii ityhy heka rare Arimatea hãwã luduõ ratximyhÿre. Tii Jesuisi tyhydÿÿduõ ratximyhÿ.

58 Tai Jesuisi umy rexitõenyre Pilato-ribi. Tai tahe Pilato rarybere: —Tamy biwahinykre.

59-60 Tahe Jyje linho tyky rirahananymy. Tai tahe aõma wabede tÿmyrahakÿ riamy roireriõ heka rituunykremy idi rara. Idi mana nihikÿ ritidire txiõ. Idi rõirenyre.

61 Marie Madalena ijõ Marie-wana taile retehemy ronyre wabede-ki.

62 Ijõ txu tahe fariseu mahãdu wedu tule xiwena wahidÿÿdu wedu heka Pilato-õ sexta feira rahudi tahe, judeu mahãdu elehyna txu wahe ituere.

63 —Jesuisi irumy raremyhÿu tii rarybere:

—Rubu-ribi heka ariixixanykre inataõ txu-di.

64 Ruimy rare tahe ihãrele tahe biyrubunyke iwabede. Aõkõkre-wana tahe ierydÿÿna mahãdu heka iumy riwykre. Tai tahe rarybere: —Tii rexixixanyre. Tai tahe ibutu rityhynykre iruina. Kia ibinatyhymy rarekre.

65 Tai tahe Pilato riteõnyre soldado mahãduõ txiõ-ki. Tamy rarybere: —Awimy biyrubunyke!

66 Kia bede erynaõ heka tamy ritidire. Txiõ-ribi resekreule heka rierenykre. Tahe soldado mahãdu riyrubunymyhÿre.

28

¹ Ijõ txu rudile tahe Marie Madalena, Marieõ-wana rare ihãloona-õ itxeremy, domingo, nobiutxu wahe.

² Aõwesele tahe iu suu ramytatate. Wanyrÿ ÿju heka dobehede biu-ribi iu. Tahe hãloo ijõ-ribi mana ritamy ityre ronyre.

³ Iõsÿny heka urile ritoosõnyhÿkÿre. Ityky tasÿ iurahakÿre.

⁴ Idi itxeredu mahãdu heka aõma ruberunihikÿrenyre. Urile rõhõtiberemy reserenyre.

⁵ ÿju rarybere hãwyy-õ: —Uritere berebuõmyrenyke. Kai aõbo Jesuisi teijeteri, inatyhy? Aõma itxeõ ritamadÿÿnyrenyre wahe. Reeryre kia.

⁶ Aõkõre kaki aõkõ heka ratxireri. Tii dori rubu-ribi rexixixanyre iwese tii iximy rarybere wese wahe. Beteheke inihe iherina tyby-õ tai juhu roimyhÿõ.

⁷ Make karibi ele elemy ierydÿÿnako belyykre tii rubu-ribi rexixixanyrakì. Tii heka rara Kalileia-õ tamy wirotyreriõ. Matahe, relyyra dorihe adeereny.

⁸ Tai tahe rakõrunyrenyre, hãwyyboho. Ruberumy rõirenyre tasÿ reysamy rõirenyre. Ierydÿÿna mahãdu-õ heka riijemyhÿre aõma ÿju rybemy ikoreny relyykemy.

⁹ Iu rakòrunyrenyraule tahe wii reòbnyra. Jesuisiwanale heka itxi rekoare. Idi tamy rehemynyre iòhòmy. Iwa rimyrenyre tahe riwowydnyre. Jesuisi tamy rarybere: –Toiteri aõbo!

¹⁰ Uritere breburenyõmyke. Boibeny tahe ijyymy waityhydÿÿdu mahãdu seriòre-ò heka Kalileia-ò arðirenykemy. Tai tiiboho-wana wii areòbnyrenykemy.

¹¹ Tai tahe tiiboho ròirenyre. Kiaule tahe wabede soldado itxeredu rehemynyre xiwena wahidÿÿdu wedu-ò wahe. Tahe ibutumy relyyre iko.

¹² Tai tahe nieruò riwahinyre ruiõmy relyykemy.

¹³ Tamyreny raryberenyre: –Ierydÿÿna mahãdu heka ridyra watÿireny reòbylemy.

¹⁴ Tai tahe bedede dinodu rierykreu heka aõ adee beleòtyhy aõbinahakÿõ.

¹⁵ Tai tahe nieru sòwemy riwyrenymy tahe tuu ròirenyre ruimy. Wiji dori tuu ijy rÿira. Ibutumy judeu mahãdu kia rybe-ò rityhynymhÿre.

¹⁶ Idi tahe ierydÿÿna mahãdu ròirenyre Kalileia-ò. Tiobo Jesuisi riteònyrenyremy juhutyhy.

¹⁷ Jesuisimy robirenyreu tahe tiiboho bedede-ò reserenyre tahe riwowydnyrenyre. Ijõ mahãduõ riseõnylemy idi ròhòtinymhÿre.

¹⁸ Tai tahe Jesuisi iòhòtyhymy tamyreny relere kiamy tamy rarybere: –Waruruna heka ibutu ratyrene ratximyhÿre kabede-ki tule, biu-ki tule.

¹⁹ Tai kaiboho waha deòdumy boibenyke ibutumy iny bedede mahãdu-ò, bedede bedede konananahakÿ mahãdu-ò ihyy behemynybenyke. Waityhydÿÿdumy heka bitxienybenyke. Wahanimy, tule Deuxu Riòrenimy, tule Deuxu Tytybytyhynimy, tahe bòratisebedÿÿnybenyke wadeòdurenymy, Waha, Itytybytyhy, Iriòre kaboho deròwymy wahe.

²⁰ Ibutumy aõbo wabede ywina adee rewahinyredi bibedeerykre. Uritere nohòti losarenyõmy awanarenhyhy dori ararekre bededÿÿnanahyy rekehemynykre.

Marku Deuxu Rybe Wihikỹ Tỹmyra, Marku Tyyritidỹđu

¹ Kaki heka Rybe Wihikỹ juhu kaki roire. Ka Rybe Wihikỹ Jesuisi Kristumy heka rarybereri. [Tii heka Deuxu Riõre rare.]

² Myheka Isaia tyyriti-ki kia rybe rỹre:

Deuxu rarybere: –Boholake, waõwàdàdu ariteõnykre akomy. Tii ary riwinykre.

³ Tii ryrumyhy bederahy-ki: –Kai biwinykre rywihikỹ Wanyrỹ dee. Òbiti tamy biwinyke.

⁴ Joaõ Sebedỹđu bederahy-txi taile ihỹmyhy rybe tyyriti ritỹnynymyhy. Tii sebenaõmy riõbitinymyhy. Kia riwinykemy ixixi-txi tõhõti reakemy taõraru-txi kia Deuxu ritakemy.

⁵ Ibutumy Judeia bede ludu mahàdu Jerusalẽ hãwã mahàdu-wana rare bederahy-ò. Taõrarumy relyymy rahudi tahe, Joaõ risebenyrene bero Jordaõ-ò.

⁶ Joaõ rexytynyrene kamelo rade tyy-di, tule irõdutyy wereysana iwetya-ki roimyhỹre. Irỹsỹna raremyhy, seihikỹle bidi-wana.

⁷ Joaõ rybe tyyriti ritỹnynydỹmy rarybemyhy: –Jiarỹ aõ aõkõ rare, waruru-di aõkõ. Inyõ wahewomy kanakre tahe iruru waruru ratyredỹđnadu rare. Waratyre awityhyke. Jiarỹ riwaixỹrunymy watxireri iwataana ese-ki.

⁸ Jiarỹ bedi arãsebenyrene. Tii heka Deuxu Tyytybytyhy-di arãsebenykre.

⁹ Kiatxu Jesuisi nade Nazare Kalileia bede ludu-ribi. Joaõ tii risebenyrene Jordaõ bero-ò.

¹⁰ Tii bera-ribi dotuodeu biuwetyky rarayre. Deuxu Tyytybytyhy heka bõtõe wese tamy dobehede.

¹¹ Deuxu rybe-ò roholare biu-ribi: –Kai heka Wariõre waluu tate. Adi wadeysawihikỹreri.

¹² Aõwesele Deuxu Tyytybytyhy heka Jesuisi riteõnyrene bederahy-ò.

¹³ Tii bederahy-ki 40 txumy bede idi rỹre. Satanasi aõhõkỹmy risỹnymy Jesuisi raremyhy. Irõdu deborehekỹ tai rỹramyhy. Ỳjurenymy iyrbudỹđymy rehemynyrene.

¹⁴ Joaõ rare rõtenuw-ò, idita Jesuisi Rybe Wihikỹ ritỹnynykemy dehemynde Kalileia-ò. Jesuisi heka Rybe Wihikỹ ritỹnynydỹmyre: –Deuxu Iõlõna bede-ò wahe.

¹⁵ Jesuisi rarybera: –Bedeđỹnanahe bede reara. Deuxu Iõlõna bedehede iõhõra. Kaiboho ixixi-txi õhõtirenymy reake aõrarurenymy-txi bityhynybenyke Deuxu Rybe Wihikỹ.

¹⁶ Jesuisi aho ijàti-ki rariamymy ihỹmyhy. Tii robira tuurenymy taseriõre-wana ihỹmyhy-ò, Simaõ Pedro, Andre-wana. Tiiboho rehumy ihỹmyhyrenymy rià-di. Tiiboho heka waxidu roire.

¹⁷ Jesuisi rarybera tamyrenymy: –Kaiboho bodoibedenyke wahemy. Tai tahe araerynanyrenykre inymyrimykemy utura temyta wese.

¹⁸ Tahe aõwesele rià ririrenymy. Roire Jesuisi-wana.

¹⁹ Iko roire Joaõ, Txiau, taseriõre-wana. Tiiboho heka Zebedeu riõre roire. Tiiboho hãworõ-ki ratximyhỹrenymy rià riywinymyhỹrenymy.

²⁰ Jesuisi tamyrenymy rarybera: –Wahemy bõddike. Tahe aõwesele tybyrenymy ririrenymy teõdu-wana. Tahe tiiboho roire Jesuisi-wana ierydỹđnamy roirekemy.

²¹ Tiiboho rirõnyrenymy Kafanaõ hãwã-ò. Judeu mahàdu aõmysỹđỹđna txu aõkõ. Jesuisi ralore judeu mahàdu dohodỹđna heto-ò erydỹđmy.

²² Kowa mahàdu urile bede riõtĩnyrene irybe-ki. Tii heka irurutyhy-di rierynanyrene, ierydỹđydu mahàdu wese aõkõ rohodỹđnanymyhỹre.

²³ Kia bedeu heka hãbu tyytybybina-di ratximyhỹre dohodỹđna heto-ki. Tyytybybina hãbuwo-ribi rarybere:

²⁴ –Aõhebo wadi botỹnykre Jesuisi Nazare ludu. Biwahubenykre aõbo? Jiarỹ araeryneny mobo kai tatehe, kai heka hãbuõtyhy inatyhy Deuxu-ribi kai tate.

²⁵ Jesuisi tarurumy rarybere: –Kai rybeõmyke. Iribi bõhõnykre tyytybybina.

²⁶ Tyytybybina hãbu riatyrene riworỹsỹworỹsỹnylemy. Tyytybybina ryrere rybe iteremy, idi rõhõnyrene.

²⁷ Ibutumy inymyribedeõtĩnyrene. Ritỹđỹraxinyrene ijõ: –Aõwexe ratxireri, aõerydỹđnatỹmyrabo ratxireri. Tii riteõnyrene tyytybybina. Tyytybybina Jesuisi rityhynyrene.

²⁸ Ithyhynina Kalileia bede bedemy reare.

²⁹ Tahe dohodỹđna heto-ribi rõhõnyrenymy. Jesuisi, Txiau, Joaõ-wana roirenymy Simaõ, Andreboho heto-ò.

³⁰ Simaõ riõre lahi roimyhỹ rubunamymy. Tahe aõwesele tuu relyyrene Jesuisiko.

³¹ Jesuisi rimyrene tebõ-kĩ, tahe, aõwesele irubuna ixãwira. Idi tahe hãwy tamyrenymy bede redere.

³² Txu ralòmý rahudi, ibutumý tamy didydenyde inybina bina. Tule iny tyytybybina tamy didydenyde.

³³ Ibutumý iny hãwã ludu iheto ijò wirotyre.

³⁴ Tii ibutumý binana òta òta riywinyre. Sòwemy tyytybybina riòlòdÿÿnyre. Tyytybybina Jesusi rierymyhÿre. Tai tahe Jesusi riijònyre tyytybybina rarybekeò.

³⁵ Rudile Jesusi rare bederahy-txi rexitòenykremy.

³⁶ Simaò, ijò mahãdu-wana Jesusi ijesityhymy roire.

³⁷ Tiiboho Jesusi raharenyre. Tamy rarybere: –Ibutumý iny arãijereri.

³⁸ Jesusi tamyreny rarybere: –Rokoikehe rekexinoranyrenyke hãwã wixira-ò. Jiarÿ tamyreny rybe tyyriti aritÿnynykremy. Iurenana tahe jiarÿ anade.

³⁹ Jesusi rare ibutumý Kalileia bedè-ò. Tyytybybina iny-ribi riteònyre. Tule dohodÿÿna heto-ki tii rybe tyyriti ritÿnynyre.

⁴⁰ Hãbu tyybina mahãduò Jesusi-ò nade. Tii tatiowotimý resere Jesusi-ò. Tahe Jesusi-ò hãbu rarybere: –Adee awikeki tahe, biwateytenyke.

⁴¹ Jesusi juhu urile riwotòenyre. Tii hãbu ritorunyre. Tahe rarybere: –Wadee awire, aty awimý relekre.

⁴² Tahe aòwesele itybybina reytera.

⁴³ Jesusi hãbu riteònyre. Rarybere: –Kai tahe inyòdee rybeòmykre.

⁴⁴ Kai bexiteòsinykre Deuxu aòmÿsÿdÿÿdu-ò. Iwese Moisesi ròerynadÿÿnyre wese, kai bexiteòsinykre. Kia heka inydee deòsinamy riteòsinyre. Kia iny rieryke timybo teytemy atximahãtemy.

⁴⁵ Tahe hãbu rare ibutumý inyko relyyra. Kia heka Jesusi tahe uritere hãwãhãÿyò-ò ralòòhyre. Tahe bederahykile rarire. Ibutumý iny tamy rare ibutumý bedè bedè-ribi.

2

¹ Tiutxuòmybo Jesusi dòòsede Kafanaò-ò. Idi tahe rybe reare rehemynymý ratximyhyÿ heto-ki.

² Tahe iny, aòriòre aòkò, tamy wirotyre heto ijò-ò. Tahe Jesusi relymyhyÿ Deuxu rybemy.

³ Hãbu inaubiòwa heka hãbubina-di tamy detyydenyde. Kia hãbu rawòronyry taumy-ki.

⁴ Jesusi-ò rehemynyòhykylere iny sòwerekì. Tahe raòwònyrenyre idi heto ratytyre-ò. Hetotyry riraynyrenyry tahe reru-dì diberesedÿÿnydenyde byretyre-ki Jesusi-ò.

⁵ Jesusi rieryre hãbu rityhnyrenyry, tai rarybere hãbubina-ò: –Waexi aòraru-ribi araxitarasadÿÿnyre.

⁶ Bedè ywina erydÿÿ mahãdu rorukurenryeri, ixideele rarybemy rÿimyhÿre:

⁷ –Aòherekibo hãbu kiawese rarybereri. Tii iòwe òwelemy rarybereri. Deuxu dee aòbina binalemy rarybereri. Mobo tahe òraru-ribi iny ritake. Deuxule òraru-ribi iny ritake.

⁸ Jesusiile roholaòlere ihãrele rieryre aòmÿbo raryberenyre. Tai tahe Jesusi tamyreny rarybere: –Aòherekibo kiawese rarybetenyteri.

⁹ Tibohe isiraòtyhyre, tuu ararybeke: –Aòraru-ribi anaixitarasadÿÿnyre ada myike, abyre bimyke, mariake.

¹⁰ Kaiboho bierykemy Deuxu Riòre Hãbutyhyhykÿ irurudire iny òraru-ribi iny ritakemy.

¹¹ Tahe hãbubina-ò rarybere: –Boholake, myike, abyre bimyke tahe makre aheto-ò.

¹² Tahe hãbu rÿire, tabyre rimymý tahe rare ibutumý inyru-ò. Ibutumý bedè riòtiinyre tahe reàlære Deuxumý. Ibutumý rarybere: –Tiu heka aòmÿ kawese rabiòhyymyhÿre.

¹³ Jesusi rare ahohokÿ ijà-ò. Ibutumý tamy doide. Tii iny ribedeerynyre.

¹⁴ Levi, Afeu riòre, ronymyhÿ nierumynydu hetowo-ki. Jesusi ibire-di rareò, tii robira. Jesusi heka Levi-ò rarybere: –Waijoimý mynake. Tahe rÿimý reare Jesusi ijoi-ò ralore.

¹⁵ Jesusi taerydÿÿna-wana rorukure Levi hetowo-ki. Tule nierumynydu mahãduò ronymyhÿre òrarudu-wana. Ibutumý riroximyhÿrenyry. Sòwemy heka kia iny mahãdu Jesusi riheludunyrenyry.

¹⁶ Bedè ywina erydÿÿ mahãdu, lahi rybe-di erydÿÿna mahãdu tuu robirenyra. Idi raryberenyre Jesusi erydÿÿna mahãdu-ò –Aòherekibo tii riroxireri òrarudu-wana, nierumynydu-wana.

¹⁷ Jesusi roholareu, tamyreny rarybere: –Iny ibinaòkeki tahe luahidu tamy kanaòtyhy. Tahe iny ibinakeki, tamy kanake bina-ò. Òbiti mahãdu itxemy aòkò anade. Tahe òrarudu mahãdu itxemy anade.

¹⁸ Joaò erydÿÿna mahãdu, lahi rybe-di erydÿÿdu mahãdu-wana byreòhyky txu tuutyhyle rÿimyhÿrenyry. Tahe roire Jesusi dÿÿraxidÿÿmy. Inyò Jesusi ritÿÿraxyre: –Aòherekibo Joaò erydÿÿna mahãdu byreòmy rÿiòmyhÿre.

¹⁹ Jesusi rirawònyre: –Heriduò, itxeredu-wana ratxireriu, byreòmy rÿiòtyhy tutyhylemy.

²⁰ Tiutxulemybo tahe heridu iribi kanatakre, tai tahe byreòmy kÿnyikre tutyhylemy.

²¹ Moheka tyytÿmyra dòbòna ritidikre tyytyby-ò. Idi inatyhymy dòbòna rayjakre tahe tyytyby sòwemy raykake.

²² Moheka òteti bederatyruube tÿmyra rihynymyhÿre iròdutyy walabuutybywo-ò. Idi tahe raberyrònymyhÿreu, urile iròdutyy walabuu raykake tahe irube rejujuke. Tule iròdutyy walabuu ribinadÿÿnymyhÿre. Irubetÿmyra awire heka iròdutyy walabuu tÿmyrarokile.

²³ Judeu elehydÿÿnareny txu Jesuisiboho ririranymyhÿrenyre maixòmo wesena oworумы, tai ierydÿÿna riòòomyhÿrenyre riroxirenkemy.

²⁴ Tahe lahi rybe-di erydÿÿdu mahàdu rarybere Jesuisi-ò: —Aòherekibo aerydÿÿna mahàdu riwinyreri aòwidÿÿna aòkò karare sabado txu.

²⁵ Tahe Jesuisi tamy rarybere: —Kaiboho aòbo teriranyòletenyta tyyriti-di. Iwese Davi-boho-wana aòhebo rotÿÿnyreri aòmy rekoarenymahàu, rama rahumyhÿrenyu.

²⁶ Tii ralore hetotyhy-ò. Tai tahe orotxu sira ybina riyre, tule tamahàdu-ò riwahinyre. Kia tahe Deuxu deòdule rirÿsÿmyhÿre. Kia Davi aòhebo rotÿÿnyre Abiata heka Deuxu deòdu wedurau.

²⁷ Jesuisi tamyreny rarybere: —Sabado txu heka rawidÿÿre inydee, iny tahe rawidÿÿòre sabado txu dee.

²⁸ Deuxu Riòre Hābutyhyhykÿ tahe sabado txu wedu rare.

3

¹ Ixityre Jesuisi ralore dohodÿÿna hetowo-ò. Hābu debò binahakÿò tai ratximyhÿ.

² Lahi rybe-di erydÿÿdu mahàdu Jesuisi retehemyhÿrenyre. Jesuisi sabado txuule riteytenykeki, tiiboho rarybekemy aòbinabinakibo raharenkemy Jesuisi.

³ Jesuisi heka hābubina-ò rarybere: —Manake.

⁴ Tahe Jesuisi ijò mahàdu-ò rarybere: —Aòwihikÿwidÿÿ awire ada aòbinalemy widÿÿ awire. Tibohe awire, itarasa-ki aòbo ada rubu-ki aòbo. Hābu mahàdu urile riyryre.

⁵ Jesuisi tamyreny retehere raòbinamy. Tii heka iaòna aòna riwotòenryrenymyhÿ. Jesuisi hābu debò bina-ò rarybera: —Ebò biterenyke. Tai tebò riterenyreu, aòwesele awimy relere.

⁶ Lahi rybe-di erydÿÿdu mahàdu rara Iòlò Herodì mahàdu-ò. Tiiboho raryberenyre timybo tahe Jesuisi rirubunyrenyke.

⁷ Jesuisi rexitare taerydÿÿna mahàdu wana aho-ò. Tahe sòwemy iny Judeia mahàdu, Kalileia mahàdu riheludunyre.

⁸ Ibutumy aòna aòna roholare Jesuisi riwinyreò. Tahe sòwemy tamy nade: Jerusalē hāwā mahàdu, Idumeia hāwā mahàdu. Iny Jordaò bero ijà-ribi tate nade. Tule iny Tiro hāwā, Sidò beà hāwā-ribi iòhòmy tamy nade.

⁹ Tahe Jesuisi taery mahàdu-ò rarybere: —Walawò bidiwykre. Iny sòwemy dori rehe-mynyreri. Kidiwawotòmonykre òsana.

¹⁰ Ibutumy bina mahàdu ibymy tebò reareri ixideytedÿÿmy. Urile iny sòwemy riywinyre dori.

¹¹ Tyytybybina Jesuisi reteherenyreu, urile iko-txi resere ryrereri: —Kai Deuxu Riòre tate.

¹² Tai tahe Jesuisi rarybere tyytybybina-ò, uritere iteòsidÿÿòmykemy.

¹³ Tii raòwonyre bederatòomy. Tahe taerydÿÿna-ò ryrre tibo tamy reòbykemy. Tahe tamy nade.

¹⁴ Tahe ierydÿÿna waòinatxi reuròmy rarunyre tii-wana rarekemy, rybe ritÿnynydyÿÿkemy.

¹⁵ Tule iruru-di rarekemy inybina riteytenykeny. Tule irurudikemy tyytybybina riteònykemy.

¹⁶ Kie ierydÿÿnanirenre: Simaò, (tii tahe Jesuisi ijòni riwahinyre, Pedromy)

¹⁷ Txiau ijò, tii Zebedeu riòre rare. Kia seriòre Jesuisi rininirenre, Boanejimy, inirenre. Kia heka irybereny rare, Biumytxy riòrereny.

¹⁸ Ijò heka Andre, Filipi, Bartolomeu, Mateu, Tome, Tadeu, Txiau. (Kia Txiau heka Afeu riòre rare.) Ijò Simaò iwitxira, (tii brebuòmy rybe-ki, tasubedeluudu wahe.)

¹⁹ Judasi Isariò ijòre, kia heka Jesuisi riwahinyre iòludu-ò.

²⁰ Tahe Jesuisi nalode taheto-ò. Ixityre iny sòwemy tamy nade. Tai tahe Jesuisi taerydÿÿna-wana riroxiòhyre.

²¹ Idi tahe Jesuisi leinareny itxÿtesana roholarenre, riòryrenyre. Tiiboho raryberenyre: —Jesuisi itxÿte iòhòlere.

²² Bede ywina erydÿÿ mahàdu doide Jerusalē-ribi rarybemyhÿrenyre: —Belisibu idi ratximyhÿre. Tyytyby wedu ruru-di tyytybybina iny-ribi riteònyreri.

²³ Jesuisi inyko ijyymy relyyre: —Tìmy taheka Satanasi rexiteònykre Satanasi.

²⁴ Iòlòna wiribi rexihitxinykeki tahe, rexihukre ibutumy wiludu.

²⁵ Tahe sÿro luduò wiribi rahitxikeki, rÿiòtyhy.

²⁶ Satanasi rÿikeki reburemy, tii ixìòbitile rexirubunyke.

²⁷ Inyõ heka hãbu rurutere hetowo-txi ralõõtyhy. Tai rawasinykeki, urile iny ritaataake. Urile hãbu rataataakeki, irõõbymy iny rawasinyke.

²⁸ Inatyhy jiarỹ adee ararybereri, ibutumy õraru heka kanaixãwidinykre hãbu dee aõtxile aõbina binamy rarybemyhỹre.

²⁹ Kia inyõ aõtxile aõbina binamy Deuxu Tyytybytyhymy rarybekeki, tiu heka iõraru rataõtyhy. Kia õraru riwinyre tiiehymy rarekemy.

³⁰ Jesusisimy kiamy narybedenyde: —Tii heka tyytybybina dire.

³¹ Tadi tahelỹyna-wana nade. Tahe ahanakile ritamanyre. Tamy riteõnyrenyre iõrysmy.

³² Iny sõwemy iwerora-di ronyre. Tahe Jesusise-õ rarybere: —Adi aseriõre-wana ahanakile nyide, araijereri.

³³ Jesusi rarybere: —Mowe nadi rare, waseriõreboho rare.

³⁴ Juhu urile idi retehereri iwerora-ki. Tahe rarybere: —Betehekre, kaiboho ibutumy kaki nadiwesere, waseriõre wese toite.

³⁵ Inyõ aõna aõna riwinymyhỹkeki, Deuxu dee awira. Kia heka nadi, waseriõre roire.

4

¹ Jesusi rõõsera ahobero ijã-õ iny dohodỹỹmy. Sõwemy iny wirotyre. Tai Jesusi ronyre hãworo-õ tahe rexitaranyre aho-ro-õ. Aho ijã-õ iny wirotyre ijohonamy.

² Tii aõna aõna sõwemy roerydỹỹnanyre ijyytyhydile. Kaa ijyymy tii relyyre:

³ —Boholake, alõbõrõna-di dehudu rara alõbõrõnany.

⁴ Alõbõrõna-di rehumyhỹu, ijõ ryro-txi resere. Tahe nawiixõmo rirore.

⁵ Ijõ rejujure manarutãsu-txi. Tahe aõwesele raumynyre iraxuxiõlemy su dori ibutere.

⁶ Irauxiõreki, bede tõtee alõbõrõna rimoenyre idi rurura.

⁷ Ijõ oworuty resere edehu-txi idi ruhunyre edewanale. Tai tahe ede-õ riõdesenyre tai raratynyõlere.

⁸ Ijõ resere su wixira wihikỹ-txi. Kia tahe raumynyre. Tahe sohoji oworutyõ 30my iraty raratynyre. Ijõ oworuty 60my raratynyre. Ijõ tahe 100my raratynyre.

⁹ Tii rarybera: —Kaiboho aõbo õhõtidiyrenyre, inatyhymy warybe-õ boholake. Adee awikeki, bierybenyke.

¹⁰ Iny robýtỹreu, ijõ rarilere ierydỹỹna mahãdu-wana. Tiiboho rỹỹraxire Jesusi-õ: —Aõhekemybo telyyta ijyymy.

¹¹ Jesusi tamyreny rarybera: —Deuxu Iõlõna rybemy Deuxu araerynanykre. Kia heka tuu teeryõmahãte. Kowaboho-õ jiarỹ urile ijyymy relyyra.

¹² Tai tahe kia wesele relyyra.

Iny retehemyhỹkemy tahe robiõhymyhỹre. Roholamyhỹre ta, rieryõhymyhỹre. Tai tahe ralõkemy aõkõ, taõraru riixãwididỹỹnakemy aõkõ.

¹³ Tii tamy rarybere: —Kaiboho aõbo teeryõhyletenyteri ijyy. Ihãre tahe timykibo bierybenyke ijyy ibutumy.

¹⁴ Aloborodu rehumyhỹ alõbõrõna-di. Kia oworuty heka rybe wese rare.

¹⁵ Oworuty ryijãti ludu heka iwese urijohonadu wese heka rare. Rybe-õ roholarenyre, Satanasi nade rybe iwo-ribi ritakremy.

¹⁶ Manarutãsu ludu iwese iny reysamy roholareri.

¹⁷ Iny urihimỹõle rarorehenymyhỹre iraruxi sõweõreki. Idihe rasirara irybe. Tule iny ralahatxinamyreki, ihyye tahe riixãwidinyra.

¹⁸ Ede rawo ludu iwese iny wixira roholareri.

¹⁹ Tiiboho taaõmydỹỹnadile rõhõtinyinmyhỹre. Sõwemy nieru-di ratxikemy rexinohõtinyinmyhỹre ta nieru riitxenanymyhỹre. Ijõ aõna aõnadile rexinohõtinyinmyhỹre. Kia aõna aõna rybe rirarutxinymyhỹre. Tai tahe rybe raratynyõmyhỹre.

²⁰ Suwihikỹ ludu iwese iny wixira roholareri. Kia inatyhymy rỹireri heka raratynyre alõbõrõna raratynyre wese. Ijõ raratynyre 30my, ijõ tahe 60my raratynyre. Ijõ tahe 100my raratynyre.

²¹ Tii rarybera tamyreny-õ: —Uritere loosõna ideõmyke butxi worawo-txi ada herina raworawoõ-txi aõbo. Loosõna bidekre bedewiõ-õ.

²² Inyõ iwõteõmy aõna aõna tiiehymy. Tiutzulemybo ratỹnykemy ihỹre. Iwõteõmy atximahãbenyke aõu bodobikemy atximahãtenyte.

²³ Kaiboho aõbo õhõtidiyrenyre, inatyhymy boholake.

²⁴ Tahe Jesusi tamyreny rarybera: —Kaiboho inatyhymy boholabeny tamo-lamahãtenyteõ. Urihixina iwese teõteri wesele, kai biwykre. Ihãre tahe biwykre ijõ teõta-ribi ritamy.

²⁵ Hãbuõ ijõdikiki tamyle rawahidỹỹke, tahe hãbuõ ijõõkeki iribi ratatyhyke.

²⁶ Jesusi relyyra kia ijyymy: —Deuxu Iõlõna kia ijyy wese rare. Hãbu rehumyhỹre alõbõrõna-di suõ.

²⁷ Hābu rummy rōrōmyh̄yre txulemy rexixamyh̄yre. Tii rieryōlemyh̄yre timybo alòbòròna ratybiennyh̄yre.

²⁸ Suu ixi dee sohojile raratomyra. Juhuu iòle ramyh̄yre. Idi tahe raratynnyh̄yre, ihewonau, tahe, iraty rasònyh̄yre.

²⁹ Bederaty rasònyh̄yre, iyresydu riteònyh̄yre. Mayrabu-di riòròkemy bederatsò butudỹna dori rexihumyh̄yre.

³⁰ Tii rarybera, Deuxu Iòlòna wexe aōwesere. Aō-ò wexe rikioirenykre. Tiwexe ijyy kawesere.

³¹ Kia heka mostardaty wesere. Tii heka iylatyhymy ratximyh̄yre kabede-ki.

³² Tahe tii raumynnyh̄yre wana, ireitòbòròdỹy ratyre rarururunnyh̄yre. Tahe nawii tamyle rasỹnyh̄yre. Iubòròrò rawolemy taheto riwinyre.

³³ Tahe Jesuisi Deuxu rybemy rierynnyh̄yre. Kia ijyy wese sōwemy ijyy rierynnyh̄yre. Kialemy iny-ò Jesuisi relyymyh̄y ibutummy tamy reny ritynnyh̄yreki.

³⁴ Kia-ò riòbitinyòlere ijyyò. Tahe iny-ribi irehemy taerydỹna-ò riòbitinyre.

³⁵ Iu txu txiorolemy Jesuisi rarybere taerydỹna-ò: —Rikiòhòrekye kowa weribi ijà-ò.

³⁶ Sōwemy iny rarire aho ijà-ki. Tahe taerydỹna tamy ralore. Roire hāwò-di. Tahe ijò hāwò idi ratximyh̄yre.

³⁷ Tahe bede binahakỹ rexidelenyire yhymy. Tahe òbò hāwò rihātennyh̄y tai ritỹmnykemy ritelenyire.

³⁸ Tai tahe Jesuisi rōrōmy roimyh̄y tòro-ki irati tarahnyatyre-ki. Tai tahe riixixanyre. Ijò rarybere: —Waerydỹdu, adeehe awimy aōbo iny ituerekyre.

³⁹ Rexixamy Jesuisi. Tii yhy riixāwididỹnyre. Tii ahohokỹ-ò rarybere: —Biyryke! Tai bede ruhuwihikỹre.

⁴⁰ Tamyreny rarybere: —Aōherekibo kaiboho taberutenyteri? Deuxu aōbo tetyhnyōmahātenyete?

⁴¹ Tai tahe tiiboho bede riòtiinyrenyira. Tahe widee raryberenyre: —Mowexe tuu yhy ahohokỹ-wana irybe riwinyre.

5

¹ Ritehemnyrenyire ijò berohokỹ weribi ijàna-ò. Kowa heka ibutummy hāwāhākỹ Kadarena inirenyre.

² Jesuisi hāworo-ribi resereu, hābu tyytybybina-di robire rōhònyreri wabede-ribi.

³ Kia heka tiemy rasỹnny raremyh̄y wabede-ki. Kataha wiji moheka womati reroti-di rataataaōtyhy.

⁴ Aōdorihe òhòðre tebò iwa rataataare womati reroti-di. Tiiemy heka rimoennyh̄y. Teòrutu ludu tawararu ludu tule ritòtynnyh̄yre iyresymy. Moheka iruruòre iny erydỹmy.

⁵ Txuu ruu-wana heka tii rasỹnyre wabedewo-ki. Tii rariamyh̄yre bederatòomy. Tule rirajuamy tai rexihātenyire mana-di.

⁶ Tai tahe Jesuisimy robireu, tii raijaranyre Jesuisi-ò. Resere tatiowotimy Jesuisiko-ò.

⁷⁻⁸ Jesuisi tyytybybina-ò rarybere: —Iribi bòhònyke. Tahe tyytybybina rarybera: —Aōwe wadi tate. Kai, Jesuisi, ibutummy inyò dee inyatyre tate. Kai Deuxu Riòre tate. Lāhāmy lāhā, uritere aōbina binahakỹmy wahòròdỹnykre.

⁹ Jesuisi ritỹraxyre: —Mobohe anire. Tyytybybina rirawyònyre: —Wanireny sōwetyhryre wasòwrenyeki.

¹⁰ Urile karibi wateòdỹnyrekyre.

¹¹ Tahe kowa-ki ix̄ni juramy riroximy rỹimyh̄y bederatò-ki.

¹² Ibutummy tyytybybina rexitònyrenyire: —Biwateònybenyke ix̄ni jurawomy aralòrenykyre.

¹³ Tahe Jesuisi rexitònyre. Tyytybybina aōwesele rōhònyre tahe ix̄niwomy ralore. Ix̄ni jura tahe raòrunyre rejuxunyre ijòtira-ribi. Berawo-txi tahe rabòròròre ahohokỹ-ki. Inatxi mil ix̄ni rabòròròre.

¹⁴ Ix̄ni-di itxeredu reare ijyymy ibutummy hāwā hāwāmy relyrenyire. Tahe iny dirahude tamy itxeremy.

¹⁵ Tiiboho Jesuisi-ò doideu, tuu robirenyra hābu tyytybybina-di raremyh̄y. Tii rexi-tyynny ronymyh̄yre. Tii heka òbitimy rōhòtynnyh̄yre. Tai iny mahādu rabedeòtiidỹnyre.

¹⁶ Tiiboho tuu robirenyre, ijò-ò relyrenyire ix̄ni ijyymy, timybo aōhebo rotỹnyremy hābu tyytybybina-di ratximyh̄yre. Tule relyrenyire timybo rotỹnyre ix̄ni jura.

¹⁷ Iny rexitònyre Jesuisi-ò rexitakremy isureny-ribi.

¹⁸ Jesuisi hāworo-ò ralore. Tahe hābu tyytybybina-di ratximyh̄yre, rexitònyre Jesuisi-wana rakemy.

¹⁹ Tahe Jesuisi idy derare. Tamy rarybera: —Mahe as̄y-ò, aijoi-ò belyyke aōna aōna Deuxu adee riwinyre, iwese tii araruxetònyh̄yre wese.

²⁰ Tahe hābu rare Debòwiò hāwāreny-ò. Ibutumy Jesuisi aōna aōnamy ixidee riwinyremy rellyre. Ibutumy iny ribedeòtiidỹnymyhỹre.

²¹ Ixityre Jesuisi rare ahohokỹ weribi ijà-ò. Ixidee iny sōwemy ributunyre. Tii heka ihỹmyhỹ ahohokỹ ijà-ki.

²² Tahe dehemynde tamy dohodỹỹna heto weduò. Ijairu inire. Tii Jesuisi robireu, resere tatiowotimy iko-txi.

²³ Ijairu rarybere Jesuisi-ò: —Wariòre irubu iòhòtyhylemy roireri. Kai manakre tamy ebò bitidikremy. Tai awimy relekre, ruruòtyhy.

²⁴ Tahe Jesuisi tii-wana rare. Iny sōwemy tule rare iòhòkile tamy rỹire.

²⁵ Kia heka hāwyyò binamy ramyhỹre. Ihālubu rejuxunymy raremyhỹ. Beòra waòinatxi reuròmy rejuxunymyhỹre, rihuòhyy raremyhỹ.

²⁶ Tii aòhòkỹmy rotỹỹnymyhỹre sōwemy òhotibedu mahādu-di. Tahe awimy rotỹỹòlemyhỹre. Urile tanieru ibutumy rahure òhotibedu mahādu-ki. Awimy releòlemy, ire bede-ò resere.

²⁷ Tahe roholare Jesuisi nina-ò tahe iòhò-ki nade inyy-ki. Idi ihewo-ribi rimyra ityynora-ki.

²⁸ Hāwyy ixidee rarybemyhỹre: —Krile itykynora-ki karimyekeki, karekyteke.

²⁹ Tahe aōwesele ihālubu ijera ixāwire. Ixidee awimy ròhòtynyre.

³⁰ Jesuisi rierye iruru iribi ròhònyremy, tai rarybere: —Mobo watyynora rimyra.

³¹ Tahe ierydỹỹna raryberenyra aòherekibo tuu tarybeta ibutumy taheka iny abirelemy rỹireri.

³² Jesuisi retehemyhỹre urile mobo rarekemy.

³³ Hāwyy rierymyhỹ aòhebo rotỹỹnyre. Tii ruberumy Jesusiko-ò resere relyykemy iko.

³⁴ Jesuisi rarybera: —Lerỹ, atyhydỹỹna kỹnyhe aratara. Mahe, kai dori textywinyta.

³⁵ Tii rarybemyhỹò, dohodỹỹna wedu deòdu rehemyrenyrenyri. Tiibohe raryberenyra: —Wawedu, Ijairu, ariòre rurumy roireri. Aōmybo tahe Erydỹỹdu-di atxiteri.

³⁶ Jesuisi kia-ò roholara tahe rarybera dohodỹỹna wedu-ò: —Brebuòmy, urile bityhynkre.

³⁷ Jesuisi-wana roire, Pedro, ijò Txiau, ijò Joaò. Joaò heka Txiau seriòre rare. Kaòle heka reòbyre tii-wana rakemy.

³⁸ Dohodỹỹna wedu heto-ò dehemynde, ixijjadỹỹ-ò roholara, robureriò, rirajuareriò.

³⁹ Jesuisi ralore tahe rarybera: —Aòherekibo tabutenyteri. Hirarihikỹ rurumy aòkò roireri. Tii urile ròròreri.

⁴⁰ Juhu urile tai rutzunenenyra Jesuisi-ki. Tahe Jesuisi ibutumy iny riòlòdỹỹnyra hetowo-ribi. Tahe isele, tybyle, ixidee rimyrenyra ratxirenkyemy. Tahe tamy rirònyrenyre tai hirarihikỹ roimyhỹò.

⁴¹ Jesuisi hirarihikỹ debò rimyre tahe rarybera: —Talita kumi. (Katahe iwitxira rybemy rarybera. Kiamyreri heka, mynyikemy.)

⁴² Aòwesele hirarihikỹ rỹimyre. Tahe rariara aōmyreki iwyrwa waòinatxi reuròmy iwyrwamy. Tahe urile bede riòtiinyrenyre.

⁴³ Jesuisi riteranyre moò rierydỹỹkemy aòkò. Jesuisi tule rarybere: —Rỹsỹna tamy biwahynkre.

6

¹ Jesuisi dexitade kowa bede-ribi. Tahe tauladu tybiena hāwā-ò dehemynde. Taerydỹỹna mahādu riheludunyre.

² Sabado txumy rierynanyre dohodỹỹna heto-ki. Sōwemy iny roholamy rỹimyhỹ bede riòtiinyemy. Tahe rarybere: —Tiribibo kia hābu aōna aōna bede rieryre. Aòbedeeryhykỹbo ratximyhỹre. Timyta heka bedeòby riwinyre.

³ Kia aòbohe aòwidỹỹdule ratxireri, Marie riòrele. Tiibohe aòbohe Txiau, Jyje, Judasi, Simaò, seriòrebohole ratxirenryri. Terỹbohe aòbohe tule kakile ratxireri. Ibutumy iny heka Jesuisi derarenyre. Irybe rityhynyòre.

⁴ Jesuisi rarybere tamyreny: —Deuxu rybedỹỹdu heka tyhydỹỹna ritaòlekre tahāwāreny-ribi, tajoi-ribi, tasỹ-ribi.

⁵ Tahe Jesuisi kowa-ki bedeòby riwinyòlere. Urile tebò ritidire inybina bina tyre, taile riteytenyre.

⁶ Jesuisi urile bede idireny riòtiinyre rityhynyòlemyhỹrenyrekere. Tahe Jesuisi reurore hāwā hāwā-di erydỹỹmy.

⁷ Tii ixidee ributunyre tawaòinatxi erydỹỹna mahādu. Tii riteònyre inatxi inatxi iubỹtỹnyre. Tamyreny taruru-ribi riwahinyre tyytybybina deòdỹỹki.

⁸ Jesuisi tuu rarybere: —Urile biwykre adebòna. Uritere orotxu aòkò, nieruhyna aòkò, nieru wereysanawo-ki aòkò, iwidyrenyòmykre.

⁹ Uritere waubehetyòmy noòmykre. Uritere inatximy wirawomy tyy-di ixitydỹỹòmykre.

- ¹⁰ Hāwā-txi malòkeki, tiiemy taile bonykre tiubedemybo iribihyyle bòhònykre.
- ¹¹ Tixi behemynybenykeki, uritere iny erarenymy reakeki, roholaòkeki, txiòrare, urileta awareny bitòtynykre bede erynamy.
- ¹² Tahe tiiboho roire. Rybe ritýnydyñmyhýre iny ixidee rexirahýreny.
- ¹³ Tyytybybina irehemy iny-ribi ririradyñnykemy. Sòwemy inybina tyre òlýre ritxiwire. Tai tahe riteytenyre.
- ¹⁴ Kia heka iòlò Herodi roholara. Jesusini dori erynatyhymy raremyhý. Tahe ijòboho rarybemyhýreny: —Joaò Sebedýýdu rexixara rubu-ribi. Ijò rarybemyhýreny: —Eliale ratxireri.
- ¹⁵ Ijò rarybera: —Deuxu rybedýýdu ratxireri. Deuxu rybedýýduò wese heka ratxireri.
- ¹⁶ Herodi roholareu aòbo Jesusi riwinyreu, rarybera: —Kia hābu Joaò ratxireri. Kia heka irati reorore heka rare.
- ¹⁷ Kia heka iòlò Herodi riteònyre imynamy. Idi tahe ritisanyre ròtenawo-ò. Taseriòre hāwyy òraru-ki kia riwinyre. Filipi iseriòreni rare. Iseriòre hāwyyini Herodia rare. Herodi, Herodia-wana roire iseriòre riòrese-wana.
- ¹⁸ Juhuule Joaò rarybere Herodi-ò: —Kai aòkòre aseriòre hāwyy-di mabeòtyhy.
- ¹⁹ Herodia tamy iky reamyhý rirubunykemy ratximyhý tahe aòkòhyllere.
- ²⁰ Herodi tahe Joaò rityhynyre. Tii rierymyhýre Joaò hābu wihikýò ratximyhý. Tai riyrubunyre ròtenawo-ki. Herodi Joaò roholareu, urile bede riòtiinyre urile roholawihikýre.
- ²¹ Kia txuu ibeòra reare Herodi lisina berenamy riwinyre. Tahe ibutumy hāwā dinodu, soldado wedu mahādu, tule ibutumy hābu ninihiký Kalileia mahādu-ribi rihuòtere.
- ²² Ijadòma ralore resere, Herodia riòre. Herodi, iny huòtere mahādu-wana tamyreny awire. Iòlò ijadòma-ò rarybera: —Aòtxile aòma wadee bexitòenyke, adee ariwahinykre.
- ²³ Inatyhymy adee ararybekre. Waaòna aòna iweeremy bexitòenykeki, adee ariwahinykre.
- ²⁴ Ijadòma tadi ritýraxyre aòmybo tahe tamy rexitòenykre. Ise rarybera: —Joaò Sebedýýdu rati kai bexitòenykre.
- ²⁵ Tahe ijadòma ròsere iòlò-ò. Tahe ijadòma rarybera: —Joaò Sebedýýdu rati kai biwahinykre hyna tyre-ki.
- ²⁶ Iòlò sòwemy rabadewore irybe-ki. Rexitxiònyòlere iny dori sòwemy ibire-ki.
- ²⁷ Iòlò soldado rariare Joaò rati òrysmy. Tahe irati riorore ròtena-ki.
- ²⁸ Tahe irati diwyde besetyre-ki. Ijadòma-ò riwahinyre, tahe ijadòma tadi-ò riwahinyre.
- ²⁹ Joaò erydýýna rieryre tahe, nade iumy òrysmy. Tahe iumy riwyre wabede-ò.
- ³⁰ Jesusi erydýýna mahādu ròserenyre Jesusi-ò. Tahe relyyrenyra ibutumy aòmydýýnana tule ibutumy rierynanymyhýre.
- ³¹ Jesusi tamy rarybere: —Inyboho sohojile rokoireny bederahy-txi ixielehydýýmy. Tii dori rarybera tamy heka byrena iòhòtyhyòlere tamy roxina raòhòlere. Iny sòwemy tamy wii reutydynyreni.
- ³² Tahe tiiboho sohojile hāwò-di roire bederahy-txi inyò-ò.
- ³³ Iny sòwemy tuu ròbira ròhònyrerimy. Tahe iny ibutumy hāwā hāwā ludu rajjaranyre tòròsòna-ò. Tiibohole juhu rehemynyre iko-ki.
- ³⁴ Jesusi rororeu, tahe inymy sòwemy robire, riraòrerìò. Jesusi tamy ratòenymyhýre. Tiiboho dori iwese budoeni idi itxereduòmy rýireri wesemy.
- ³⁵ Txuu raloreu, ierydýýna mahādu Jesusi-ò roire. Tiiboho rarybere: —Ka kñnyhe bederahy roire txuuke rexihura.
- ³⁶ Kai tahe iny biteònykre hāwā hāwā mahādu-ò rýsýna ixideereny òbradyñmy.
- ³⁷ Jesusi tamyreny rarybera: —Kaiboho tamy rýsýna biwahinykre. Tahe raryberenyre: —Tymybo tahe inyboho 200 prata womati nieru-di orotxu rikiòbranyrenykre. Tymy wexe tamyreny rýsýna rikiwahinyrenykre. Jesusi tamyreny rarybera:
- ³⁸ —Tiwese orotxu bohe rýire. Maa tamy itxeremy. Idi tahe rierenyreu, rarybera: —orotxu iruyre, utura inatxi.
- ³⁹ Idi tahe Jesusi iny rabòròhòký asityre rorukukremy.
- ⁴⁰ Idi tahe iny rabòròhòký wii rirareare, ijò síwétamy, ijò 100my.
- ⁴¹ Jesusi orotxu utura-wana rimyre tahe retehere biu-ò Deuxu-ò rexitòenyre. Idi tahe orotxu reòròròre. Riwahinyre taerydýýna mahādu-ò riwykremy iny-ò. Tule utura inatxi wirarea riwahinyre iny mahādu dee.
- ⁴² Ibutumy iny riroxire. Rihydymy rýimyhý.
- ⁴³ Idi tahe ritýxinyre waòinatxi reurò weririmy orotxu yre yre utura-wana rauhenyredi.
- ⁴⁴ Kia heka rerýsýre 5000 inymy rýsýna-di.
- ⁴⁵ Juhu Jesusi riteònyre taerydýýna mahādu ixiko-ò kanaijòwe-ribi ijà-ò, Besaida hāwā-ò. Tii tahe ririre iny riteònykremy.
- ⁴⁶ Tahe riteònyreu, tii rare ixitòedýýmy bede ratòhòký-ò.

⁴⁷ Txioro bedesou hãwò ahotya-ki ratximyhÿre. Jesuisi suki ratximyhÿre ixisohojile.

⁴⁸ Tahe yhy rebònymyhÿ iutedereny-ribi. Hãwò rariaòlemyhÿ. Tahe Jesuisi tuu robire txu ijera iòhò-di. Tahe betyredile tamyreny rariare. Jesuisi iratyreny wese rariakre.

⁴⁹ Tahe tuu robireu, betyre-di rariareriò, tiiboho unisÿna ròhòtinnyreny, rirajuarenny.

⁵⁰ Tahe ibutummy tuu robira ibutummy ruberurenny. Jesuisi aòwesele rarybere: —Urile beysabeny, breburennyòmy. Jiarÿle watzireri.

⁵¹ Tii ralore tamyreny hãworo-ò. Yhy urile ixãwire. Ierydÿÿnaboho bede riòtinnyrenny.

⁵² Tiiboho ruberurenny, orotxu bededòbyna dori rierykòrenny.

⁵³ Tiiboho riòhòrenny, ritehemynny Kenesare-ò. Kia-ki hãwò ritisarenny.

⁵⁴ Tahe hãworo-ribi ròtuòrieru, ibutummy iny Jesuisi rieryra.

⁵⁵ Juhu raòrunnyrenny bina bina mahãdu òrysymy. Idi tahe didydenyde roholarenny titxibo tai Jesuisi ratximyhÿò.

⁵⁶ Tii raloreu iny hãwà-ò aòbo ada hãwãhãkÿ-ò aòbo ada bedero-ò aòbo, tiemy iny bina bina mahãdu iryko-txi ritidire. Tai tamy rexitòbenihikÿre tamy debò reakemy itynora-ò. Ibutummy tamy debò reareu, tahe riteytenny.

7

¹ Jesuisi-ò ributunnyre fariseu mahãdu lahi rybe-di erydÿÿdu mahãdu wahe. Tule bede ywina erydÿÿ mahãduributunnyre. Jerusalè-ribi ritehemynnyreri.

²⁻⁵ Jesuisi erydÿÿna mahãdu tebò risuhòòmy riroxireri. Fariseu mahãdu, Bede ywina erydÿÿ mahãdu-wana Jesuisi-ò ritÿÿraxinyrenny: —Aòherekibo aerydÿÿna tebò risuhòòmy riroximyhÿrenny. Aòherekibo ihetxiu bede ywidÿÿnana rityhynyòreri. Lahi rybe-di erydÿÿdu mahãdu judeu mahãdu-wana ihetxiu iwidÿÿnana riwinymyhÿrenny. Tii heka tebò tiu suròduòmy riroxiòmyhÿre. Tiiboho aòna aòna wydyna heto-ribi dòòsemahãdeu, tiu heka ròhòòdile riroxiòmyhÿre. Sòwemy iwidÿÿnarenny rityhynymyhÿre. Bemona butxi, womati bese-wana risuhòrenny.

⁶ Jesuisi tamy dirawònyde: —Isaia juhuule rarybere tiwesebo kaiboho toite. Kaiboho itxenadÿÿdu toite. Riritinny rÿre:

—Kaiboho riwawowodynnyhÿre tary-di. Tahe awo-ribi waluuòlemyhÿre.

⁷ Kaiboho riwawowodynnyre tahe watxi nohòti ijeraòlerennny. Kai teernanyteri erydÿÿna-di iny nohòti-ribi namyhÿdeòle.

⁸ Kai Deuxu erydÿÿna tyhydÿÿòmy. Iny erydÿÿnale tetyhynnytenny.

⁹ Tii tamyrenny rarybera: —Kaiboho aòbo ijò bihòrònybenyleke, biaòmysÿnybenyke. Deuxu rybe bede ywina kaiboho tetyhynyòlemyhÿtenny. Arybe bede ywinale tetyhynyòlemyhÿtenny.

¹⁰ Moisesi rarybera:

—Kaiboho biytyhynybenyke adirybe-ò, tybyrybe-ò. Inyò tadimny tybymny iehehemy rarybekeki, aòtaxiny ruruke.

¹¹ Kaiboho teernanyteri hãbuò-ò tadi tybywana-ò rarybekemy: —Wanieru waribi bitaòke. Ariwahiny dori Deuxu-ò. Wanieru heka korbÿ rare. (Korbÿ heka uri wahidÿÿna rare, iwitxira rybe wahe.)

¹² Jesuisi rarybehymny rare: —Kiawese riernannny raremyhÿ, kaiboho uritere hãbuò tadiboho-ò aòmydÿÿòmy rarekemy.

¹³ Kawese ityhydÿÿrennyòmy Deuxu rybe, aerydÿÿna òraru-ki. Sòwemy aòna aòna kawese tatÿÿnytenny.

¹⁴ Tahe Jesuisi ixityre rarybera inysòwe-ò: —Bodoholabenyke, ibutummy bierybenykeny.

¹⁵ Aòbo iny-ò ralòmyhÿre, kia tahe iny risunyòlemyhÿre, inywo-ribi tahe namyhÿde kia tahe iny risunymyhÿre.

¹⁶ Inyò bierybenykeki, boholawibenyke.

¹⁷ Tahe iny-ribi ròhònyreu, heto-ò raloreu, ierydÿÿna mahãdu tahe tamy rÿÿraxire ijymny.

¹⁸ Tii tamyrenny rarybere: —Kaiboho tule aòbo teeryòmahàtenny. Aòbo iny-ò ralòmyhÿre, kia iny risÿnyòlemyhÿre.

¹⁹ Tawotyhy-ò dori ralòòlemyhÿre. Urile weryri-ò ralòmyhÿre idi umy-ribi ròhònymyhÿre. (Ibutummy rÿsÿna tahe awire riki.)

²⁰ Tule rarybere: —Aòbo iny-ribi namyhÿde, kia risurisunymyhÿre.

²¹ Inywo-ribi tahe ròhònymyhÿre ibutummy nohòtinana binahakÿ. Kia heka rare nohòtinana binahakÿ: òta òtalemny, wasilemny, rubudÿÿlemny, ijò hãbu riòrese ridymny,

²² ibutummy aòna aòna wedu iny ratyrekemy, binamny ròhòtinymyhÿre, ruilemny, aòbina binaòle, itxeredu, aòbina binalemny rybedu, tule itxÿtelemny.

²³ Kia heka ibutummy bina bina inywo-ribi namyhÿde. Kia heka iny rexisunymyhÿre.

²⁴ Jesuisi rexitare. Tahe r re Tiro hãwàrenny-ò, Sidò beà hãwà hãwà-ò. Tahe tii ralore hetowo-txi tahe moò rierykòdi ixidire hetowo-txi. Ralòrau tahe, rexiwòke aòkò.

²⁵ Jesuisi tyhynina-ò hāwyy roholare, tahe tamiy nade, tatiowotimy resere. Iriòre-riki tytybybina dire.

²⁶ Kia heka hāwyy Grego mahādu rare. Ilahinanire heka Siru Senisia. Tii Jesuisi-ò rŷŷraxire tytybybina iriòre-ribi deòdŷŷmy.

²⁷ Tahe Jesuisi tamiy rarybere: —Txioiny, juhu inihe uladu mahādu riroxikre. Wade awiòre uladu-ribi rŷŷna ritake ijòrsa-ò.

²⁸ Hāwyy rirawŷŷnyra: —Inatyhy rare, Wāhī. Kurile rŷŷna kyre kyre rejumlahāre. Kōwōruku bese-ribi, kuladu-ribi. Kiamy heka itxoòrsa rirakuximyhŷre.

²⁹ Tahe Jesuisi tamiy rarybera: —Kia rybe òraru-ki heka kaa tarybeta tytybybina ariòre-ribi rohonyra. Kia bòòsekre aheto-ò.

³⁰ Hāwyy taheto-ki rehemyreyu, iriòre-ki rahara byretyre-ki roire. Hāwyy rierey tytybybina iribi ròhònyre.

³¹ Tai tahe Jesuisi ixityre rexitare Tiro hāwāreny-ribi, Sidò bea hāwā reny-ò rara Kalileia aho-ò. Tii raremyhŷu, Debòwiò hāwā hāwā reny ririre.

³² Tahe tamiy didydenyde hābuò nohòtityò. Tii roholaòlemyhŷre. Tule awimy rarybeòhyylemyhŷre. Tahe rexitòenyrenya Jesuisi-ò, tebò ityre ritidikemy.

³³ Jesuisi tii ritare inysòwehekŷ-ribi tahe tebò ritidire tòhòti-ò. Tahe rarybexinyre tahe idi tòròtòbymy reare.

³⁴ Tahe Jesuisi tarue ruwyre biu-txi, ele-di reare. Tahe rarybere: —Ebata. (Kia heka rybe riwiuròsòdŷŷmy rare, —Biraynyke.)

³⁵ Aòwesele tòhòti riraynyre. Tòròtò riykooykonyre. Tii aòwesele awimy rarybere.

³⁶ Jesuisi rarybere: —Uritere iny-ò ijyyòmykremy. Ihārele tahe ibutumy kiamy iny-ò relyymyhŷre.

³⁷ Idi bede riòtiinyreny. Tahe raryberenyre: —Ibutumy tii riteytenymyhŷre. Tii nohòtity aòwesele roholamyhŷre. Hābu rybeò aòwesele rirybedŷŷnymyhŷre.

8

¹ Kia txuu ixityre iny sòwemy ributunyre. Kiau tule aòrŷŷnami ijòdhylyere. Jesuisi taerydŷŷna mahādu ixidee ributunyre. Tahe tamiyreny rarybere:

² —Jiarŷ inysòwe rewotòenyre. Tiiboho txuu inataò waki rŷŷreri byreòlemy.

³ Jiarŷ byreòlemy ariteònyrenykeki, ryrowetyakile reserenykre iòderawyrinymy. Tule, iny sòwemy irehe-ribi nade.

⁴ Ierydŷŷna tamiy dirawŷŷnyde: —Timytaka inyboho tamiyreny orotxu rikiwahinyrenykre kabederahy-ki.

⁵ Tii ritŷŷraxinyre: —Tiwesebo orotxu kai ijòdire. Tiiboho rarybere: —Debò inatxi reuròmy.

⁶ Jesuisi iny sòwemy risŷdŷŷnykremy sutyre-ò. Tii orotxu debòinatxi reuròmy rimyra. Tii rexitòenyreu tahe riorore. Tahe riwahinyre taerydŷŷna mahādu-ò riwykemy iny sòwe-ò.

⁷ Tule utura ibutemy rŷŷimyhŷ. Tahe rexitòenymy rahudi tahe taerydŷŷna-ò rarybere: —Kaa tule biwybenyke iny sòwe-ò.

⁸ Tiiboho riroxirenyre tahe rihydmy ratximyhŷ. Iyre yre rauhenyre riwyrenyre weriri debò inatxi reuròmy riwyrenyre rŷŷximy.

⁹ Inaubiòwa mil iny iòhòmy rŷŷimyhŷ. Tahe Jesuisi rexideòwarinyre iny sòwe-ò.

¹⁰ Tii ralore hāworo-ò taerydŷŷna-wana. Tiiboho roire Damanuta hāwāreny-ò.

¹¹ Lahi rybe-di erydŷŷdu mahādu nade fariseu mahādu wahe. Tiiboho tamiy nade rybe òbitidŷŷmy. Tiiboho rŷŷraxirenyra bede erydŷŷnaò kiditeòsinykremy. Lahi rybe mahādu rierykemy tii inatyhy rare urenana.

¹² Tii raelewesenanyre tawo-ki rarybere: —Aòherekibo kaa iny mahādu rŷŷraximyhŷre bede erydŷŷnami. Inatyhymy jiarŷ ararybekre: —Bede erydŷŷna heka tamiy rawahidŷŷòtyhy.

¹³ Tahe idi Jesuisi rexitare. Hāworo-ò ralore. Idi rohorere kanawe-ribi ijà-ò.

¹⁴ Ierydŷŷnaboho tahe tòhòti rosare orotxu wydysy-ribi. Sohojityhyle heka orotxu roimyhŷ hāworo-ki.

¹⁵ Jesuisi tamiy ribedeerynyre: —Beteheiny, biyrubuny, lahi rybe mahādu, Herodi mahādu-wana wirŷŷna uri-ribi.

¹⁶ Jesuisi erydŷŷna mahādu ixideele rarybere: —Aòherekibo Jesuisi kia rarybereri. Inyboho iorotxurenyòreriki òsana.

¹⁷ Jesuisi heka rieryra tahe rarybera: —Aòherekibo raryberemy orotxu ijòòremy. Kaiboho aòbo teerytenyòte. Kaiboho aòbo arawoxierynyrenyòre.

¹⁸ Kaiboho aòbo arueòreny. Tabiòletenyteri. Kaiboho aòbo itxi òhòtirenny reaòlereri.

¹⁹ Jiarŷ 5000my iny-ò orotxu reareareu, tiwesebo weririmy orotxu yre yre-di ritŷŷxinyre. Tahe tiiboho rirawŷŷnyre: —Waòinatxi reurò weririmy.

²⁰ Tahe debòinatxi reurò orotxumy reòròra 4000 inymy, tiwesebo weriri orotxu yre yre-di ritýxinyre. Tiiboho rirawýònyre: —Debòinatxi reuròmy.

²¹ Tahe tamyreny rarybere: —Timyrekibo tahe teertyenyòte.

²² Dehemynyde Besaida hāwā-ò. Tahe hābu rueta-di tamy didydenyde. Rexitòenyrenyre tamy debò reakemy.

²³ Jesuisi tebòmy rimyre tahe ridyre hāwā-ribi bederahy-ò. Iruetyre rarybexinyre. Tebòmy tamy reare. Tahe ritýxaxinyre: —Aòmybo aòbo tabiteri.

²⁴ Hābu tahe biu-txi tarue riukora, tahe rarybera: —Hābumy rabira, òwòru wese rýireriò, rariareri.

²⁵ Ixityrele Jesuisi tebò reare irue-ò. Hābu heka irue reyteramy òbitilemy retehereri. Robire irehetyhy-ò itýnyhýkýlemy.

²⁶ Tahe Jesuisi riteònyre isý-ò urile ihāwā-ribi ròseòmykre.

²⁷ Jesuisi taerydýyna mahādu-wana ròhònyrenyre Sesaria Filipi hāwāreny-ò. Ryki taerydýynareny-ò ritýxaxinyre: —Mowe hābureny wamy raryberenyra jiarý raremy.

²⁸ Tiiboho rirawýònyra: —Joað Sebedýýdu riki, ijò Eliasi riki, ijò riki Deuxu rybedýýduò.

²⁹ Tahe Jesuisi tamyreny ritýxaxinyra: —Kaiboho, mobo tarybetenye jiarý raremy. Tahe Pedro rirawýònyre: —Kai Kristu atximahāte.

³⁰ Tii raraybinihikýmy ixi-ki rarybera: —Inyko wamy ijyòomykre.

³¹ Jesuisi rexiranyre erydýymy: —Deuxu Riòre Hābutyhyhyký heka aòna aònamy aòhòkýmy rotýyninikýkre. Matuari mahādu heka ixideramy ryanakre. Tule Deuxu aòmýsýdýýdu wedu, Bede ywina erydýý mahādu ixideramy ryanakre. Jesuisi kudurukre idi tahe txu inataò rýidi kedexiakre rubu-ribi.

³² Idi tahe iòrurehekýlemy tamy rarybere. Pedro iny-ribi Jesuisi ritare, tahe tamy rarybere: —Kawese rybeòmyreke.

³³ Jesuisi ròsemy reare, retehemyhý taerydýyna-ò tahe Pedro-ò rarybere: —Bexitake wako-ribi Satanasi. Kai dori Deuxu ijoi aòkò atximahāte. Kai hābu ijoi tate.

³⁴ Jesuisi ributunyre iny sòweheký, taerydýyna-wana tahe rarybere: —Inyò wahemy kanakeki, ixideele rexirahýke, tahe taitxeò rimyke riwaheludunykemy.

³⁵ Mobo taumy tarasamy rurukeki, riononykre. Tahe aòtxile iny waluukeki, Rybewihiký luukeki, taumy wadee riononykeki, kia heka taumy ritakre.

³⁶ Aòbo tahe awire, ibutumy aòna aòna bitake tai aumy biononyke.

³⁷ Aòbo tahe iny riwahinykre taumy wydyna òkesena aòbo.

³⁸ Kai wijinabòdu òrarudu mahādu rare, òta òtadu rare. Aòtxile iny walau warybe lau raixýrukeki, tule Deuxu Riòre Hābutyhyhyký ilau kanaixýrukre tii nadeu jýuwihiký-di boo wowydyna-ò.

9

¹ Tii tamyreny rarybere: —Inatyhymy adeereny ararybekre. Ijòò kaki ratximyhýre ruruòtyhy Deuxu Iòlònau taruru-di kedehemynykreu.

² Tahe debò sohoji txuu rýidi, Pedro, Txiau, Joað-wana Jesuisi ridyre. Tiiboho sohojile bederatòò-ò roire. Jesuisi tamyreny rexixaxinyre.

³ Ityy heka urile rabòòranyre. Iurahakýmy relere suròna ratyre heka rauranymy ri-toosònyre.

⁴ Tahe tamyreny dexitýnynde Eliasi, Moisesi-wana tahe rarybemyhýre Jesuisi-wana.

⁵ Pedro rarybere Jesuisi-ò: —Wawedu, awityhymy inihe kaki ratxirenryeri tahe riki-winyrenykre inataò hetomy, ijò adee, ijò Moisesi-ò, ijò Eliasi-ò.

⁶ Pedro rieryòlemyhýre aòmybo rarybekemy ruberumyhýremy.

⁷ Nonoe dobehede iubòròna bede ritòbònyre. Tahe rarybere reare rybeuni iy-ribi: —Kia heka wariòre waluu rare. Kaiboho tamy boholabenyke.

⁸ Tiiboho reteherenyre tahe inyò robiòlerenyre. Jesusilemy robirenyre.

⁹ Dohedeu tahe inydee Jesuisi rarybere: —Uritere inyò-ò tuu ijyòomykre aòmybo to-bitemy. Uritere Deuxu Riòre Hābutyhyhyký rubu-ribi rexixareu, tai tahe tuu belyybenykre.

¹⁰ Kia rybe wasimy riworennyre. Ixideerenyle wii ritýxaxinyrennyre: —Aòmybo rarybereri, rubu-ribi rexixamy nade.

¹¹ Tiiboho tamy rýxaxinyre: —Aòherekibo bede ywina erydýý mahādu rarybere Eliasi juhu kanakremy.

¹² Tii rirawýònyre: —Inatyhymy, Eliasi juhu nade. Ibutumy aòna aòna riywinykremy. Tewesebo raritananymy rýireri: —Deuxu Riòre Hābutyhyhyký aòna aònamy aòhòkýmy rotýyninikýre. Tahe tii inydee awiòhyhykre.

¹³ Adeereny ararybekre: —Eliasi nade. Tule iny ixideewilemy tamy riwinyrennyre. Kaheka iaòmydýýnana riritinanymy rýire.

¹⁴⁻¹⁵ Jesuisi dehemynde taerydŷŷna mahādu-ò, tahe robire iny sōwehekŷmy tahe bede ywina erydŷŷ mahādu taerydŷŷna-wana ritxiōnymyhŷre. Tahe Jesuisimy robireu, tahe tiiboho riumysaōnyrenyre. Raòrunyrenyre irybedŷŷmy.

¹⁶ Tamy rŷŷraxire: —Aōmybo tamyreny tatŷŷraxinyteri.

¹⁷ Inyò rirawyōnyre: —Erydŷŷdu, wariòre adee redyreri. Tii tytybybina rybeòhòkŷ-di ratxireri.

¹⁸ Tytybybina rimyreu tahe riatorye bede-ò. Idi tahe urile txuu riyiyinyre. Tahe tii rubureriwesele roire. Aerydŷŷna-ò jiarŷ rarybera tytybybina riteranykremy, tahe tiiboho iruruòhymyhŷ.

¹⁹ Jesuisi tamyreny rarybere: —Tiwesebededŷŷnanabo wjinabòdu ityhyōlemy rŷira. Tiwesebededŷŷnanabo awanareny ariijekemy. Wadee uladu bididyke.

²⁰ Tahe didydenyde Jesuisi-ò. Jesuisimy robireu tahe tytybybina urile raitxŷteitxŷteny resere. Idi tahe urile bede-ki rara òhòremy raratymhŷ rybexi irywomy ròhònymhŷ.

²¹ Jesuisi rŷŷraxire uladutyby-ò tiubedemybo taheka kaa binana tamy dehemynde. Tii rarybere: —Uladuylalee idi ròraronyre.

²² Tiwese wese aòkò idi rehure bera-ò, heòty-ò rahukemy. Aò biwinykeki, jiarŷboho biwawiòhenanyke wijile. Kai biwaruxetòenybenyke.

²³ Jesuisi rarybere: —Kai bityhynykeki, ibutumy aōna aōna rŷimyhŷre.

²⁴ Aòwesele uladutyby ryrere idi tahe rarybere: —Jiarŷ retyhynyre, biwiòhenanykre aòbo rauhenyre.

²⁵ Jesuisi iny sōwemy robire wii rotyrerimy, tahe riteranyre tytybybina-ò: —Kai tytyby rybeò tule roholaò iribi bòhònykre, tiu ixityre malòòtyhy.

²⁶ Tytybybina ryrere. Uladu ritxŷtenyre idi tahe ròhònyre. Uladu rubuwesele roire herimy. Tahe iny sōwemy rarybere: —Tii rurura.

²⁷ Jesuisi rimyre tebò ritamadŷŷnyremy tahe uladu rŷire lamamy.

²⁸ Heto ralorenreu ierydŷŷna mahādu tamy rŷŷraxirenyre: —Aòherekibo jiarŷboho tytybybina riteònyōrenyra.

²⁹ Tamyreny rarybere: —Kaiboho bexitòenybenykeki byreòna-di bonybenykeki, kiawesele heka ròhònyke.

³⁰ Iribi ròhònyre, Kalileia lowysy-di roirenre. Jesuisi heka inyerydŷŷderamyhŷ tai ratximyhŷki.

³¹ Taerydŷŷna mahādu Jesuisi rierynanyrehŷre. Jesuisi tamyreny rarybere: —Deuxu Rìòre Hābutyhyky heka rawahidŷŷkre hāburenyò-ò. Tii hābureny rirubunykre. Idi tahe txu inataò txuu rŷidi tahe kedexiakre rubu-ribi.

³² Tiiboho rierykòlere tahe ruberurenre tŷŷraxidŷŷki.

³³ Idi tahe rehemynre Kafanaò-ò. Ralore heto-ò. Jesuisi tamyreny rŷŷraxire: —Aōmywe widee tarybetenyteri ryro-ki.

³⁴ Tiiboho urile roholarenre rybeòlemy. Ryro-ki dori rarybemyhŷ mowexe wiribi aōniny ròhònykre.

³⁵ Tahe Jesuisi ronyrenyredi, Jesuisi taerydŷŷna mahādu ributunyre erydŷŷmy: —Inyò juhuludumy rarekemy ratxiheki, tai heka tii ihewoludukre. Tule tii reakre ibutumy deòdumy.

³⁶ Tahe Jesuisi uladuò rimyre risŷnyre iubetya-txi tahe taerydŷŷna-ò rarybere:

³⁷ —Moò uladu kawese wadee riwiòhenanykeki, riwawiòhenanyre. Moò riwawiòhenanykeki, tule wateòdŷŷdule riwiòhenanyre.

³⁸ Joaò tamy rarybere: —Erydŷŷdu, jiarŷboho tuu rabirenra inyò tytybybina-di ani-ò rehureriò. Tahe iny mahādureny aòkò rare. Tahe jiarŷboho tamy reijōnyrenyre iny mahādureny dori aòkò rare.

³⁹ Tahe Jesuisi rarybere: —Biijōnybenyòkre. Inyò wani-di bedeòby riwinykeki, wanimy heka ibinamy rarybeòtyhy.

⁴⁰ Iny òluduòkeki, tii heka iny ijoi rare.

⁴¹ Inyò beò adeereny waninamy riwahinykre-wana, kai waerydŷŷna dori tate, inatyhymy adee ararybekre. Tii tawahidŷŷna ritakre.

⁴² Inyò kaa uladu ityhydŷŷdu riatorye òraruna-txi, kia heka tamy awire tòti-ki myna ritaamy idi bera-txi rehure.

⁴³ Ebòle araatykeki òraruna-txi, juhuule adee awire ebò biòròke. Kia heka awityhykre iny welytyle ralokre biu-ò, tahe awiòtyhykre heòtytòteehekŷ-ò ralòkeki debò inatxi-di.

⁴⁴ [Tai mohò ruruòtyhy. Heòty ruruòtyhy.]

⁴⁵ Awa araatykeki òraruna-txi, juhuule adee awire awa biòròke kia awire iny rariake awa sohojilemy, awiòre heka heòtytòteehekŷ-ò ralokre awa inatxi-di.

⁴⁶ [Tai mohò ruruòtyhy. Heòty ruruòtyhy.]

⁴⁷ Arue araatykeki òraruna-txi, bitake idi behuke juhuule adee awire arue sohoji-di Deuxu Iòlò-biu-ò ralokre, tahe awiòre heòtyòteeheký-ò ralokre arue inatxi-di.

⁴⁸ Tai mohò ruruòtyhy. Heòty ruruòtyhy.

⁴⁹ Ibutumy iny heka heòty-di rijjyranýkre.

⁵⁰ Jyyra heka awire, saa wahe. Urile taruru riononykeki, tiwesebo tarýsýna uri ixýbyle tawo-ki bitidikre. Kaiboho ibutumy widee eysarenýlere.

10

¹ Jesuisi iribi rexitare. Tahe rare Judeia bede bede-ò, tule Jordaò kanawe-ribi ijà-ò. Iny sòwemy tamy ributunýre, tahe tiiboho Jesuisi riernanyre. Tii reòarimý tuu ratximyhýre.

² Tamy lahi rybe-di erydýýdu mahádu dehemynýdenýde irutaadýýrenýmy. Tahe tamy rýýraxinýre: —Hábu aòbo taháwyy ririleke, awire aòbo ibinare aòbo.

³ Tahe Jesuisi tamýrený rirawýònyre: —Aòrybe bede ywina-di Moisesi riernanyre.

⁴ Tahe tiiboho Jesuisi-ò dirawýònydenýde: —Tii riernanyre iny taháwyy ririkemy. Urile juhuu háwyy bede erydýýna rybe tyyríti riwinykemy, idi tahe taháwyy ririkemy.

⁵ Jesuisi tamýrený rarybere: —Òhòtitxyre dori Moisesi kia rybe bede ywina adee riwahinýre.

⁶ Juhu bedeu Deuxu

riwinyre hábu, háwyy-wana.

⁷ Iurenana tahe hábu tadibohosý-ribi ròhònymyhýre tai roimyhýre háwyy-wana.

⁸ Hábu inatyhy háwyy-wana roimyhýreu, sohoji tyhylemy radenymyhýre.

Iny inatxi inýmy aòkò rýimyhýre, sohoji tyhylemy rýimyhýre.

⁹ Hábu háwyy-wana Deuxu ributunýre, iny iwitxira wiribi ritòhòrarienyòtyhy.

¹⁰ Hetowo-ki tahe ierydýýna ritýýraxinýre kia rybe-ki.

¹¹ Jesuisi tamýrený rarybere: —Aòtxile hábuò taháwyy ririkeki tahe ijò-wana roiikeki, kia heka ótadu rare.

¹² Háwyy tahábu ririkeki tahe ijò hábu-wana roiikeki, kia heka wedena rare.

¹³ Tiiboho tamý didýdenýde uladu tamý debò reakemy. Tahe ierydýýna riononýmy rarybere tamý idýrenýòmykre.

¹⁴ Jesuisi kiamý ròbireu, rikyaranyre rarybere: —Txiò, kididyke uladu wadee. Uladu wese dori Deuxu Iòlòna rare.

¹⁵ Inatyhýmý ararybekre: —Moò heka uladuwesemy Deuxu Iòlòna ralòòkeki, kia heka Deuxu Iòlòna-ò ralòòtyhy.

¹⁶ Tahe Jesuisi rexiranyre uladu manamý taaxiò-ò rimýre. Tahe tebò iratytyre ritidimý tamýrený rarybewihikýre.

¹⁷ Tahe Jesuisi rydi raloreu, hábuò tamý reare. Tahe hábu iko-txi resere tatiowotimý. Rarybere: —Erydýýdu wihiký, aòwexe ariwinykre biu-ò hena aritakremý tiehyýmý umý-wihiký-di ararekremý.

¹⁸ Jesuisi tamý rarybere: —Aòherekibo wihikýmý wadee tarybeta. Hábu awiòre. Deuxu sohojile tahe awire.

¹⁹ Bede ywina kai teeryte: rubudýýòmykemy, tule óta ótaòmykemy, wasiòmykemy, tule ruiòmykemy, iny wii itxenadýýòmykemy, adi bityhynýkemy, boo tule.

²⁰ Hábu tamý rarybere: —Erydýýdu, kia bede ywina rewinyhyýlere, uladuule wiji-ò.

²¹ Jesuisi tamý reterehe tuu reòarire tahe rarybere: —Kai sohoji aòmydýýnale aki nasiranýde. Kai makre, ibutumý aòna aòna-di bòhònykre, idi tahe idi biwahinykre iny aòkò mahádu-ò. Kia tahe aòmydýýnadikre biu-txi. Tahe manakre biwaheludunýkre.

²² Kia rybe-ki heka hábu rabedewore. Rexitare ibedewomy urile iaòna aòna sòwetyhyreki.

²³ Jesuisi retehemy iwerura-di tahe rarybera taerydýýna-ò: —Kia iny iaòna aòna sòwemy rýreri, tamý Deuxu Iòlòna-ò ralòke isirare.

²⁴ Ierydýýna mahádu bede ribedeòtiinýrenýre irýbe-ki. Jesuisi ixityre rarybere: —Waexiboho, isiratyhy rare Deuxu Iòlòna-ò ralòkemy.

²⁵ Kamelo tyyrorenawo-di ralòkemy isirakeki, kia-ribi isiratyhyre iny iaòna aònadikeli ralòke Deuxu Iòlòna-ò.

²⁶ Tiiboho bede ratiinýre sòwemy. Widee rarybere: —Mobo tahe iòraru-ribi iny ritakre.

²⁷ Jesuisi iwerora-di reterehe tahe rarybera: —Inatyhýmý kòaòboka hábu-ò isiratyhyre. Deuxu-ò tahe ibutumý aòna aòna isiraòre.

²⁸ Pedro rexiranyre rarybere: —Boholake, jiarýboho ibutumý rerirenýra araheludunýkremý.

²⁹ Jesuisi rarybere tamý: —Inatyhýmý adeerený ararybekre. Moò waluukeki, rybewihiký luukeki, kia heka ririkre: heto, taseriòre, tyby tadi-wana, tariòre, tabede, ibutumý ririkre.

³⁰ Wijile itarasamy rarekre: 100 s̄my, 100 seriòre, 100 tybyboho, 100 tadiboho, 100 tariòreboho, 100 tabede. Iny tamy rarybebinanykre tule. Ijō bede kanakre tahe taumy t̄myra-di tiemy rarekre.

³¹ Tahe s̄owere juhu ludu ihewomy ròhònykre. Ihewo ludu ijō iko-ò ròhònykre.

³² Tiiboho rydi raòwònyrenyre Jerusalē hāwā-ò. Jesuisi heka rare ikorenymy. Ieryd̄ȳna mahādu bede ribedeòtiinyre. Tiiboho Jesuisi riheludunymy ihewo-ribi. Tahe Jesuisi reraòmyh̄y idi rare waòinatxi reurò taeryd̄ȳna mahādu-wana. Tii relyyre ixityre aòbo ixidee k̄nyikremy.

³³ Boholabenyke inyboho roirenyreri Jerusalē-ò. Kowa, jiar̄ȳ Deuxu Riòre Hābutyhyhyk̄y, inyò riwawahinykre Deuxu aòm̄ys̄d̄ȳdu mahādu wedu-ò, bede ywina eryd̄ȳ mahādu-ò. Kia warubud̄ȳmy riwawahinykre tori-ò.

³⁴ Tiiboho kidiwalahikre. Watyre kanarybexinykre. Òhòte-di kidiwahātenykre. Idi tahe kidiwarubunykre inataò txu-di. Tahe rubu-ribi adexixakre.

³⁵ Joaō, ijō Txiau, wii Zebedeu riòre, tamy nade. Tahe rarybere: —Eryd̄ȳdu, kai aòma aò wadeereny biwahinykre.

³⁶ Jesuisi rarybere: —Aòbohe jiar̄ȳ adeereny ariwahinykre.

³⁷ Tahe tamy rarybere: —Kai, aiòlònas̄-ò kedehemynykreu, aruruwe-ribi aronykre, waseriòre ahywewe-ribi ronykre.

³⁸ Tahe Jesuisi rarybere: —Kaiboho teeryòlemahāte aòm̄ybo textitòenyteri. Kaiboho aòbohe wabemona-di biòbenyke idi Jerusalē-ò adiòkremy wahāredi. Kaiboho aòbohe wasebena-di mohòlebenyke idi jiar̄ȳ anohòkremy wāhāredi.

³⁹ Tiiboho dirawyònyde: —Kohe tulekre. Jesuisi tamyreny rarybere: —Bemona-di ariòkre kaiboho tule idi biòbenykre. Sebena-di jiar̄ȳ adohòkremy, kaiboho tule idi mohòbenykre.

⁴⁰ Tahe moba wabire ronykre ruruwe-ribi hywewe-ribi kia heka jiar̄ȳle ariwahinyòkre. Kia tahe iyrubud̄ȳmy r̄ȳreri Deuxule kidiwahinykremy.

⁴¹ Tai debòwiò eryd̄ȳna mahādu heka Joaō-ò, Txiau-ò tamyreny icy reare.

⁴² Jesuisi tamyreny ryryre tamy kanakemy, tahe rarybere: —Kaiboho teerytenyete tori-wedu irurusòwe dire. Iny nihik̄y heka inymy deòdu luure.

⁴³ Jesuisi kiamy rarybere: —Kia wese tahe aworeny-ki aòkòkre. Kaiboho aòtxile moba bòityhnyhykyre, ijō iny deòdumy rarekre.

⁴⁴ Moba juhutyhy rarelekre, deòdumy rarekre.

⁴⁵ Deuxu Riòre Hābutyhyhyk̄y nade teòdu s̄owekemy aòkò tahe ixilemy reòdunykemy. Nade taumy wahid̄ȳmy s̄owemy iny tarasamy.

⁴⁶ Idi tahe roire Ijeriò hāwā-ò. Jesuisi taeryd̄ȳna-wana iny s̄owehék̄y-wana ròhònyrenyra. Tahe rahare Bartimeu ruetahāk̄y-ki. Bartimeu tahe Timeu riòre rare. Tii ronyre rywe-ribi aòna aònamy rexitòenyteri.

⁴⁷ Tii roholare Jesuisi Nazare ludu kia rare tahe tamy ryryra: —Jesuisi, Davi riòre, wadee maruxetòekre.

⁴⁸ S̄owemy tamy rarybere: —Rybeòmyke. Tahe aòhe-wana tii rarybemyh̄yre: —Davi riòre wadi mawotòeke.

⁴⁹ Jesuisi riyyre tahe rarybere: —Tamy byryke wadee kodoikemy.

⁵⁰ Tahe rexitareu r̄ȳre, wylemy nade Jesuisi-ò.

⁵¹ Jesuisi tamy rarybere: —Aòm̄ybo kai taruteri adee ariwahinykremy. Tahe hābu ruetahāk̄y tamy rarybere: —Wawedu, ixityre arobikremy.

⁵² Jesuisi tamy rarybere: —Makre, atyhyd̄ȳna kai arateytenyra. Kialehe rare. Aòwesele ixityre tii robire. Tahe Jesuisihemy rare, ryki.

11

¹ Jerusalē iòhòmy ritehemynyrenyreu, tahe inatxi taeryd̄ȳna riteònyra hāwā-ò. Inatxi hāwā-ò iòhòmy, Betabaji, Bet̄ȳnia-wana. Kia-ò Oliveira hāwālo roire.

² Jesuisi rarybere: —Kaiboho boikre kowa hāwā-ò. Kowa-ò birònykreu jumentinho mahabenykre. Moheka ityre rariaòlemy ratximyh̄yre. Bieseke, wadee bididyke.

³ Inyò adeereny rarybekeki: —Aòhekremybo idi atxitenyteri. Tahe tamy marybebenykre: —Wanyr̄ȳ tuu rurureri. Ixityre kaò kidiòkesed̄ȳnykre.

⁴ Tahe hābu roire. Jumentinho ryro hetojò-ki ritisanymy r̄ȳimyh̄y. Tai riesere.

⁵ Kia hāwā mahādu rarybere: —Aòherekibo jumentinho kaiboho tetatenya.

⁶ Tai tiiboho Jesuisi rybe tamy riwahinyra. Tai hāwā mahādu jumentinho riwahinyre.

⁷ Tahe ridyrenyre jumentinho Jesuisi-ò. Tiiboho tatyreny ritidirenyre jumentinho tyremy. Tiiboho ris̄nyrenyre Jesuisi ityre-ò.

⁸ Ijòboho tahe horerule ritidire ryromy, ijō tahe tauwòhi ryromy ritidire ityre rariakemy.

⁹⁻¹⁰ Ihewo ludu, iko ludu rawyhyrarònyreri, tule ryrereri: –Tii heka wowydyna rare. Tii heka Wanyrÿ niwesekeya naderi. Wowydyna rare iny labie Davi Iòlòna. Kai Iòlòna kanakre. Wyhyrarò biu-txi kodoholakre.

¹¹ Kia wese Jesuisi ralore Jerusalè-ò. Dohodÿÿna heto-ò ralore, ibutumy retehere, idi tahe ròhònyre txiorotyhyreki. Tahe Betÿnia-ò roirennyre.

¹² Ijò txu biòwamy tahe Betÿnia-ribi rexitarennyre tahe tii rama rahure.

¹³ Òwòru figueira rademy robirennyre irehe-ribi. Tahe tamy ritehemynnyre iraty-ki raharennyòlere, aòmnyreki figueira raty bededÿÿnanamy aòkò bede rÿimnyhÿre urenana.

¹⁴ Òwòru figueira-ò Jesuisi rarybere: –Tiu heka moò araty ritòòtyhy. Tahe ierydÿÿna roholare.

¹⁵ Tahe ritehemynnyrennyre Jerusalè hāwā-ò. Tahe Jesuisi dohodÿÿna hetowo-ò ralore. Tahe kia-ribi aòna aòna-di rohonnyhÿre mahādu, òbradu mahādu diteònyde. Tahe nieru wibydyÿdu mahādu, òwòrubesedyÿ-di Jesuisi rehure. Bòtòe dinodu mahādu rynana-di Jesuisi rehure.

¹⁶ Inyò heka ritxydyÿnyòlere dohodÿÿna hetowo-ki.

¹⁷ Riernannnyhÿre tahe tamy rarybere: –Raridÿÿòlemy aòbo rÿireri: Waheto kòaòboka inatnyhmy ibutumy iny wixira wixira dee ixitòedÿÿna hetomy rÿirakre.

Waheto tewinytenyete wasidu hetowesele.

¹⁸ Bede ywina erydyÿ mahādu, Deuxu aòmnydyÿdu wedu mahādu roholarennyre, ròhòtynnyre: –Timybo inyboho Jesuisi rubudyÿmy rokiwisÿnykre. Tiiboho ruberumnyhÿrennyre iny sòwemy dori bede riòtiinnyhÿ ibedeerydyÿnarenny-ki.

¹⁹ Txioromy dehennnydeu, tiiboho rexitarennyhÿre hāwāhākÿ-ribi.

²⁰ Txu ròhòny-di, rehemynnyre òwòru figueira-ò. Tiiboho robirennyre rarubumy rÿireriò, taru-wana, tararoti-wana.

²¹ Pedro ixi-txi tòhòti reare tahe rarybere: –Erydyÿdu, betehe inihe aòma òwòru figueira rarubumy rÿire arybebina-di tamy tarybetaki.

²² Jesuisi dirawyònyde: –Kaiboho Deuxu bityhynnyhÿbeny.

²³ Inyò rarybekeki kaa bede ratòòhòkÿ-ki: –Kai myike, adi adehu rÿikre berohokÿ-ki. Tahe irybe heka kedelekre. Tai inyò rityhnykeki, tumy heka kedelekre. Tahe uritere iseòdyÿòmykre urile bityhnykre, irybe heka kedelekre.

²⁴ Iurenana adee ararybekre: –Aòtxile aò bexitòenykre, kia heka bitakre. Bityhnykeki, inatnyhmy bitake.

²⁵ Kaiboho textòenytenyteri wana aòbo inydee aky reamnyhÿre kia biixāwididÿÿnyhÿke ratximnyhÿre, Deuxu dori riixāwididÿÿnyke aòrarenny-ribi.

²⁶ Kai iny wixira òraru biixāwididÿÿnyòkeki, boò biu-ki ratximnyhÿre aòraru riixāwididÿÿnyòkre.

²⁷ Tiiboho ixityre doide Jerusalè hāwā-ò. Ririrannnyhÿrennyre dohodÿÿna hetowo-ki, bede ywina erydyÿ mahādu, Deuxu aòmnydyÿdu wedu mahādu, matuari mahādu tamy doide.

²⁸ Tiiboho tamy ritÿÿraxirennyre: –Mowe ateòdyÿdu kia aòna aònamy tatÿÿnyhÿte.

²⁹ Jesuisi dirawyònyde: –Adeereny tule arāÿraxikre. Kaiboho bidiwawònykeki, tahe jiarÿ akoreny ÿraxina arelyykre, aòrurudibo aòna aòna rewinnnyhÿre.

³⁰ Tahe Jesuisi ritÿÿraxinnyre: –Ratysebedÿÿna, Joaò hòrò, kia heka tiribibo nade, biu-ribi ada hābu mahādu-ribi. Kia manarybeke.

³¹ Tiiboho widee rarybera: –Biu-ribi inyboho raryberenykeki, tai tii rarybekre: –Aòherekibo tahe tii tetyhynnytenyòte.

³² Hābu-ribi inyboho raryberenykeki, iny aruberumnyhÿrennyre. Ibutumy iny rityhnyre Joaò heka Deuxu rybedu raremnyhÿ.

³³ Tai tahe tiiboho raryberenyre: –Inyboho reeryòrennyre. Tai tahe Jesuisi rarybera: –Hebo, jiarÿ adee arelyyòtyhy modeòdyÿdubo jiarÿ watzireri.

12

¹ Iribi tahe Jesuisi tamyrenny ijyy-di riernannnyhÿre: –Hābu uva oworuò wese ròbròre. Tahe riòtitynnyre. Tahe hāloo riare oworuubetya-ki, ruÿdyÿnny. Tahe utò riwinnyre. Idi tahe rihuòtere hābu mahādu-ò. Tahe rexitare tasÿ-ribi ijò bede-ò.

² Tahe bederatsiredemy bededÿÿnana rehemynnyre, iwedu teòdu riteònyre bederaty ritakemy.

³ Huòtedu mahādu teòdu rimyrennyre, rihetennyre tahe riteònyre ixihyky.

⁴ Ixityre oworuwedu teòduò riteònyre. Kia heka irati rihetennyre ta tamy rawobinarybeny.

⁵ Ijò riteònyre. Kia heka rirubunnyrennyre.

⁶ Tahe oworuwedu iriõre sohojilere, tahe iluumy raremyhÿ ihewomy tii riteõnyre. tahe wedu rarybere: –Wariõrele heka tiiboho rityhnyrenykre.

⁷ Kia huõtedu mahãdu widee raryberenyre: –Kia heka wedu aõna aõna tarasadu rare. Rikirubunykre tahe iaõna aõna inydeerenykre.

⁸ Tahe rimyrenyre idi rirubunyre tahe idi rehurenre oworu-ribi.

⁹ Jesuisi ritÿÿraxinyre: –Aõhebo tahe oworuwedu rotÿÿnykre. Tii kodoikre huõtedu mahãdu hudumy, tai tahe oworu riwahinykre inywitzira-õ.

¹⁰⁻¹¹ Ritina-di aõbo tariaõletenyte kia ryberiti:
–Mana-di hetowidÿÿdu rehura. Kia mana heka hetohãtxi-ki ritidimy doide. Kia heka Wanyrÿ riwinyre kia iny ruereny dee aõna aõna nihikÿ rare.

¹² Tai ijohonadu mahãdu Jesuisi mynomy ratximyhÿ tii dori rieryre ixidee lau Jesuisi ijyymy relyymyhÿre. Tiiboho ruberurenre iny sõwehekÿ lau. Tahe rexitarenre, rex-ixãwidinyre.

¹³ Idi riteõnyrenyre Lahi rybe-di erydÿÿdu mahãdu, Herodi mahãdu-wana tamy imynamy irybe-ki.

¹⁴ Tiiboho rarybere Jesuisi-õ: –Erydÿÿdu, jiarÿboho araerymy adi watxiwãhãrenyre kai inatyhy hãbu tate. Iny ibutumy adee wiwese wiweselere. Inatyhymy iny-õ Deuxurymy teerynanyamahãte. Tahe tiiboho ritÿÿraxinyrenyre: –Awire aõbo ada ibinare aõbo nieru rawahinymyhÿre bede dinodu-õ.

¹⁵ Timybo tahe, rikiõwyny aõbo ada aõkõre aõbo. Jesuisi rierymyhÿre tõhõtinanareny, tahe ritÿÿraxinyra: –Aõherekibo kaiboho tiwaurihitenyteri. Wadee womati nieruõ bidiwy waitxerenamy.

¹⁶ Tahe tamy diwydenyde. Tahe tii ixityre ritÿÿraxinyra: –Kawe moõ tyytarasana rare, katahe moõ tyyritina rare. Tiiboho dirawyõnyde: –Kiahe bede dinoduhõrõ rare.

¹⁷ Jesuisi rarybere: –Hÿdebo, bede dinoduhõrõ tahe tamy biwahinybeny tule tahe Deuxu aõna aõnahõrõ tamy biwahinybeny. Tiiboho bede riõtiinyrenyre.

¹⁸ Saduseu mahãdu tamy nade. Kia heka iny rubu-ribi rexixamy aõkõre-riki rierynanymyhÿre. Tiiboho ritÿÿraxinyre Jesuisi:

¹⁹ –Erydÿÿdu, Moisesi raritinyra bede ywina-di: –Hãbuõ rurukeki, tahãwyy iriõre ijõdiõkeki, tahe kia hãwyy tahãbu seriõre-wana roike. Iriõredikre taseriõre rubuõwymy roikre.

²⁰ Seriõre debõinatxi reurõmy raremyhÿ. Juhuu ijõ roire hãwyy-wana. Tahe tii rurure iriõreõlemy.

²¹ Tahe ihewo ludu iseriõre wytese-wana roire. Tii rurure iriõreõlemy.

²² Ihewoludutyhy tule ibutumy roire wytese-wana, tahe ituerenyre iriõreõlemy. Irõbõymy tahe hãwyy tule rurure.

²³ Ixixanau tahe mohãbubo tuu rarekre. Ibutumy dori wytese-wana roire.

²⁴ Tai tahe Jesuisi tamyreny rarybere: –Kaki kaiboho teõsamy toite aõma ritina teeryõtenyteki. Tule Deuxururu teeryõtenyke.

²⁵ Ixixanau heka moõ roiõtyhy. Ibutumy iny ÿju wese rarekre biu bede-txi.

²⁶ Kaiboho aõbo tatyyritinytenyõta iny rubu-ribi kedexixakremy. Kia heka raritinyryrÿre Moisesi tyyriti-ki, õwõrusõmo ijy-ki rÿimyhÿ. Iwese Deuxu rarybere Moisesi-õ: –Jiarÿ heka Abraõ Deuxu rare. Ijai Deuxu rare. Ijaõ Deuxu jiarÿ rare.

²⁷ Jiarÿ heka rubu mahãdu Deuxu aõkõ rare, tahe iru mahãdu Deuxu jiarÿ rare. Kaiboho teõsamy toite.

²⁸ Bede ywina erydÿÿ mahãduõ nade ijohonamy. Tahe tiiboho widee raryberenyroholareu, Jesuisi tamyreny rirawyõnywihikÿreu, tahe tii Jesuisi-õ ritÿÿraxinyre: –Tibo rybe bede ywina juhuure.

²⁹ Jesuisi rirawyõnyre: –Ka heka juhu ludu rare: –Boholake Israeli mahãdu, judeu ijoi mahãdu wahe. Wanyrÿ, iny Deuxu sohojile rare.

³⁰ Kia aDeuxu luuke ibutumy awo-ribi, aumtytytyby-ribi, ibutumy aruru-ribi.

³¹ Ka heka ihewo ludu rare: –Kai abireluduluuke iwese ixiluuke wese. Ijõ bede ywina heka ka ratyreõre.

³² Tahe Bede ywina erydÿÿ mahãduõ rarybere: –Inatyhymy kai tarybeta. Deuxu heka sohojile ratximyhÿre.

³³ Ibutumy awo-ribi iluukemy. Ibutumy aruru-wana iluukemy. Tule ibutumy aeryna-wana iluukemy. Iwese kai ixiluure wese, abire ludu mahãdu luukemy. Kia heka ibutumy irõdunixiweloo ratyre rare. Ibutumy wahidÿÿnaloodÿÿna ratyre rare.

³⁴ Jesuisi rieryre kia hãbu rirawyõnywihikÿre tai tamy rarybere: –Kai heka Deuxu Iõlõna-ribi irehemy aõkõ. Tai tahe ibutumy ilau ruberure tÿÿraxidÿÿki.

³⁵ Jesuisi dohodÿÿna heto-ki rierynanymyhÿreu, rarybere: –Timybo Bede ywina erydÿÿ mahãdu rarybemyhÿre Kristu Davi riõre raremy.

³⁶ Davi rarybere aõmybo Deuxu Tyytybytyhy tamy narybedemy: —Wanyrỹ rarybere Wanyrỹ-ò: —Bodony warurunawe-ribi. Txiòhe rare, aòludu awarawo-txi aritidikre.

³⁷ Tahe Davile Wanyrỹ rininire. Tímybo tahe Davi iriòremykre. Tahe iny sówemy deysana-di roholarenyre.

³⁸ Tii riernamyhỹreu, rarybera: —Bexiemyhỹbeny bede ywina erydỹỹ mahādu lau. Tiiboho heka tyyrehe-di riraluurenyre. Tiiboho heka rybedỹỹluurenyre hāwāhākỹ riranaki.

³⁹ Dohodỹỹna heto-ki juhuryana luurenyre. Tule ta anarỹỹ rỹiwana, juhu ryanadile tamyreny awire.

⁴⁰ Tiiboho tule wytese urimynydu aõna aõna ritarenyre. Ixitòedỹỹna rehehekỹ rex-itòenymyhỹrenyre. Tiiboho heka aõnihikỹmy aõhòkỹmy dỹỹnana riòwynyrenyre.

⁴¹ Jesuisi retehemy rỹimyhỹ dohodỹỹna heto nieruhyna ratya-txi. Tii retehere timybo iny sówemy tanieru-di tamy rehummyhỹ. Tahe ityhynihikỹ tamy sówemy nieru-di rehure.

⁴² Tahe nade wytese iaòkòdu mahāduò tii rare. Tii inatxi nieru sómo-di rehure. Tanieru tahe nierukonana rare.

⁴³ Jesuisi ryryre taerydỹỹna-ò: —Inatyhymy adee araybekre. Kowa heka wytese nieru-di rehure ibutumy iny wixira ratyre.

⁴⁴ Kaa mahādu ibutumy nieru-di rehure rauhenyredile. Tahe wytese idi rehure ibutumy tanieru-di rexihumy taumy-ribi idi rehure.

13

¹ Dohodỹỹna heto-ribi ròhònyreu, ierydỹỹna tamy rarybere: —Erydỹỹdu, beteheke inihe mana nihikỹ-ò, hetohokỹ-ò.

² Jesuisi rirawyònyre rarybere: —Kaiboho betehebennykre heto nihikỹ-ò. Kia heka mana ijò wityre-ki rỹiòtyhy, ibutumy heka kedejuxunykre.

³ Oliveira bederatòhòkỹ-ki tii ronyreu dohodỹỹna hetoko-txi, tahe Pedro, Txiau, Joaò, ibutumy tamy doide rỹỹraximy iny-ribi irehemy.

⁴ Wakoreny bedelyyke, tiubo kia kỹnyikre. Ibutumy aõna aõna kỹnyikre wana tibo iny bedeerynyrenykre.

⁵ Jesuisi rexiranyre tamyreny rarybere: —Kaiboho anaitxenanydenyheny lau bex-iebennykre.

⁶ Sówemy dori roikre wanimy rarybemy rarekre: —Jiarỹ dori Kristu rare. Tahe iny sówemy anaitxenanykre.

⁷ Kaiboho wounarybe-ò, aõbinarybe-ò, boholakreu, breburenyòmykre. Kia heka kanakremy ratximyhỹre. Urile bededỹỹnana ikonanamy aòkòhyylemyhỹre.

⁸ Uritere inylahinareny, ijòlahinareny-wana wii kidiaõbinanykre. Tule iòlòna mahādu ijò iòlòna mahādu-wana wii kidiaõbinanykre. Bede bedesu ijò hāwā-ki kanamytatakre. Tahe aòkòre rama kedeakre. Kia heka juhu aõhòkỹmydỹỹnana rarekre.

⁹ Kai bexiekre anamydenyheny lau. Tiiboho anawahinydenykre aòludu wedu-ò, iòlò-ò. Tiiboho anahatenydenykre dohodỹỹna hetowo-ki. Kiabohoko-txi wadee kaiboho kedelyykre inatyhymy aõna aõna rỹiremy.

¹⁰ Rybewihikỹ juhuu ibutumy bede hāwā hāwā-ò kiditynydỹỹnykre.

¹¹ Tiubo aradyrenykeu, urile nohòtiòmy aõbo kaiboho marybebennykre. Kiautyhyle aõmybo rarybekremy bierykre. Kia tahe marybekre. Kai dori aòkò tarybemahāte, Deuxu Tyytybytyhy tahe rarybemyhỹre.

¹² Seriore seriòrele wii kidirubunykre. Tyby heka tariòre kidirubunykre. Uladule tadi, tyby kidirubunykre.

¹³ Ibutumy heka iny iy kedeakre wani òraru-ki. Kia heka ikonana-ò riijekreu, taumy tarasanakre.

¹⁴ Aõna aõna binahakỹ kanakreu, ibutumy rahukemy. Tiiboho kanakeu itxinonana-txi aòkò rarekemy, kaiboho mahenybennykre bederatòhòkỹ-ò, Judeia hāwā hāwā-ki ratxikeki, mahenybennykre.

¹⁵ Inyò hetotytre-ki ratxikeki, urile ròteòmy aõna aõna wydysymy.

¹⁶ Inyò bedero-ki ratxirekeki, uritere òkeseòmy tyy òrysymy.

¹⁷ Kobexe heny hāwyw bòtòmy rỹira, tule hāwyw tariòre ritònymy rỹira.

¹⁸ Bexitòenykre kìa kanaheny bededỹỹnana sirau.

¹⁹ Aõhòkỹmydỹỹnana kanakre tii heka tuòre. Juhule Deuxu bede riwinyreule wiji tuu yrubule bede roimyhỹre. Tiu heka kiamy bede roiòtyhy aõhòkỹmydỹỹnanamy.

²⁰ Deuxu bede iòhòmy rirawetyyòròkeki, moheka irumy ròhònyòtyhy.

²¹ Inyò adee rarybekeki: —Kaki heka Kristu ratxireri. Kowa-ki ratxireri. Uritere ityhydỹỹòmy.

²² Sōwemy Kristu kanakre, urile Kristu inatyhy aōkō rarekre. Tule Deuxu rybedŷŷdu kanakre. Kia Deuxu rybedŷŷdu inatyhy aōkō rarekre. Tiiboho heka bedeōby riwinykre tule bede eryna. Deuxu hōrō riitxenanykemy inatyhymy kōaōboka.

²³ Kaiboho warybe biyrubunykre. Adeē ibutumy juhuule reōbitinyre.

²⁴ Idi webōhōna rŷira txuu, aōhōkŷmydŷŷnana itue-di, txuu heka rurunykre. Ahādu tule rurunykre.

²⁵ Taina heka kedejuxunykre biu-ribi. Biururu raōweōwenykre.

²⁶ Iny retehekre Deuxu Riōre dehemynyna-di. Biurawetyky-ribi kodobehekre. Kia heka lobixina kanabōtōranykre.

²⁷ Tahe taŷju kiditeōnykre tawedu ijoihōrō butudŷŷmy.

Kidibutunykre ibutu bede bede konana-ribi, tule ibutu biukonana-ribi.

²⁸ Tahe figueira òwōru-ribi erydŷŷna bierybenykre. Tahe iruru raixinykreu tahe, txiru rōhōnykre, tai tahe bierybenykre wyra iōhōreri.

²⁹ Tule kia aōna aōnamy bobibenykreu, tii iōhōlereri. Ijōkile wese nyide.

³⁰ Inatyhymy adeē ararybekre, kia wijinabōdu itueōtyhy aōna aōna rŷikre hārele.

³¹ Biu, bede-wana ituekre, tahe warybe itueōtyhy.

³² Moō heka rieryōtyhy tiubededŷŷnanamybo tii kōdōōsekre. Tule ŷju biutxile rieryōre. Tule iriōre rieryōre. Tule tyby sohojile rieryre.

³³ Kaiboho bexieke, beteheke. Kai dori teeryōtenyte tiubededŷŷnanamybo kōdōōsekre.

³⁴ Kedehemynykremy dori iwese hābu tŷimy rarewese tii rexitareu, ririre tadeōdu. Tadeōdulemy tule ridyre itxeredu retehemyhŷkemy.

³⁵ Tahe betehe inihe teeryōteri dori tiubo kanakre heto wedu, txioromy ada ruwetya aōbo, ada hānie hābu rryry-di aōbo, ada txumy aōbo.

³⁶ Betehe inihe iny araraōdulemy tii rehemynyreri aki rahakre atŷi-ò.

³⁷ Aōna aōnamy jiarŷ rarybemyhŷre, rarybera ibutu-ò: –Biijebyeny.

14

¹ Kia-ribi inatxi txumy riuhenymy ratxireri anarŷŷ kodohōnykremy. Kia anarŷŷ wesityhynamy heka iny ratya-di reare. Tule orotxu anarŷŷ kia rōhōnyre. Tule Deuxu aōmysŷdŷŷdu wedu mahādu tule bede erydŷŷdu mahādu Jesuisi rimykyemy ratxireri idi rirubunykemy.

² Tiiboho rarybemyhŷrenyre: –Kiahe aōkōre anarŷŷ rŷireriu, iny sōwemy inydeereny kana aōbinanyheny.

³ Jesuisi Betŷnia hāwā-ki ratximyhŷu, Simaō tyybina heto-ki ratximyhŷre. Jesuisi òwōru besedŷŷbire-ki roimyhŷ. Tahe hāwyy aderōna òwynihikŷ-di lŷnyrena wihikŷ-di nade. Tai ihyna riwebōhōnyra tahe Jesuisi ratityre-ò ritxiwira.

⁴ Inyōreny rexykaranyke. Tahe widee rarybera: –Aōherekibo aderōna rahura.

⁵ Inywitxira tahe iōwynykewi sōwemy nierumy kia-ò. Kia nieru-di tahe iny aōkōdu-ò rawahidŷŷnykre. Tahe tiiboho rexibynyreri hāwyy dee.

⁶ Tahe Jesuisi rarybere: –Txiōhe rare, uritere ixiydyŷŷōmyke. Tii heka aōwihikŷbo wadee riwinyra.

⁷ Kiamy aōu aōu iny aōkōdu rŷikremy. Aōule heka tamy aōwihikŷ biwinybenyke. Jiarŷ tahe, aki aōu aōu aōkōlekre.

⁸ Tii heka rexikonananymy rōwidŷŷre. Aderōna-di watyre ritxiwire wabede-ò jiarŷ raōule.

⁹ Inatyhymy adeereny ararybekre. Aōtxile Deuxu Rybewihikŷ iny relyykre. Kia-ò kahāwyy ijyymy relyykre, ibutumy iny idi rōhōtynykremy aōbo riwinyredi.

¹⁰ Tahe Judasi Isariō Deuxu aōmysŷdŷŷdu-ò rara Jesuisi tamy rawahidŷŷkemy.

¹¹ Tiiboho tamy roholarenyreu, reysare. Tahe tamy nieru riwahinykemy riurenanyre. Tahe Judasi riijemyhŷre aōu aōu bedewihikŷ tamyreny riwahidŷŷnykemy.

¹² Juhu orotxu anarŷŷtxure budoeni xiweloo rirubuny rahudi tahe Jesuisi erydŷŷna mahādu tamy rarybere: –Titxibo anarŷŷ rŷŷnamy biroxikemy atxiteri. Jiarŷboho kowa-ò aroikre.

¹³ Tahe Jesuisi tamy rarybere: –Kaiboho boikre hāwāhākŷ-ò. Tahe hābu-wana wii biōbynykre butxi-di riwyreriō. Tahe tii biheludunyenye.

¹⁴ Aōtxile hetoō-txi ralōke, kaiboho marybebenyke hetowedu-ò: –Waerydŷŷdu rarybera: –Titxiwexe anarŷŷ rŷŷna arirŷŷykre waerydŷŷna-wana.

¹⁵ Tii heka adeē kiditeōsinykre hetowowitxiraō biu-txi. Ibutumy rexihumy rŷire inydeereny. Kowa rŷŷna inydeereny biywinykre.

¹⁶ Tahe ierydŷŷna rexitare. Roire hāwāhākŷ-ò. Tahe rōhōnyre iwese Jesuisi relyyre wese. Tahe ibutumy rexihurenre anarŷŷ-ò.

¹⁷ Txiorouy Jesuisi nade taerydŷŷna waōinatxi reurō-wana.

¹⁸ Tiiboho òworubesedÿÿ riroximahãu, Jesuisi rarybere: —Kaiboho wawana teroxiteny-teri sohojiò biwahahinykre.

¹⁹ Tahe urihimyo rexiranyre rabadewomy. Tahe widee raryberenyre: —Jiarÿle heka ariwahahinykre.

²⁰ Tii rirawoyònyre: —Kaiboho, waòinatxi reurò mahãdu sohojiò. Kia mahãduò orotxu-di wawana rebenymyhy besero-ki.

²¹ Inatyhymy Deuxu Riòre Hãbutyhyhykÿ rakre iwese iritina rÿirewesele. Kobexeheny kowa hãbu heka kidiwahahinykre. Tamy iny awire kedeaðlede.

²² Tiiboho riroxireriu, Jesuisi orotxu rimyre, raorore, rexitòenyre, tahe tamyreny riwahahinyre. Rarybere: —Ahãxe, kia heka waumy wese rare.

²³ Tahe viihynamona rimyre, rexitòenyre, tahe tamyreny riwahahinyre. Ibutumy ibute bute iribi tuu riòreny.

²⁴ Tamyreny rarybere: —Kia wãhãlubu wese rare. Kia hãlubu heka rybe tÿmyra ywidÿÿna hãlubu rare. Kia inyboho kidinohòtijuadenykre. Wahãlubu heka kedejuxunykre iny rabòrònihikÿ dee.

²⁵ Inatyhymy ararybekre: —Ariòòtyhy heka òtetibederatyrube tÿmyra ihyy tahe tiutxumybo Deuxu Iòlòna-ki ariòkre.

²⁶ Deuxuwimy rawinyrenyreu, tahe rexitarenyre Oliveira bederatòòhòkÿ-ò.

²⁷ Jesuisi tamyreny rarybere: —Kaiboho ibutumy wijirumy biwaribenykre. Kia heka iritina rÿire.

Itxeredu tahe riròrenykeki, budoeni rahenykre.

²⁸ Tahe rubu-ribi adexixakreu, arakre akomy Kalileia-ò.

²⁹ Pedro rarybera Jesuisi-ò: —Ibutumy ararikeki, arariòtyhy.

³⁰ Jesuisi tamy rarybera: —Inatyhymy ararybekre. Wijirumy hãniehãbu inatxi ky-dyrykreule, kai iny wixira-ò biwatxiònykre inataò bedemy.

³¹ Tahe Pedro rarybera tarurutyhymy: —Aòkòre, aratxiònyòtyhy, ihãrele tahe awanale arurukre. Ijò mahãdu tule kia wese rarybera.

³² Tahe roire Kesemani hãwãmy ninadu-ò. Taerydÿÿna-ò rarybera: —Biwaraòmy bonykre kakile. Kowa-ò arexitòenykre.

³³ Tii ridyrenyre Pedro, Txiau, Joaò-wana. Jesuisi rexiranyre rabadewomy ihyy rexitòenyre.

³⁴ Tahe tamy rarybera: —Watytyby heka rabadewomy ratxireri rubuhyy-ò. Kaki bonykre biijemy.

³⁵ Tahe iko-txi urihimyo rareu, resere. Rexitòenyre: —Waha, adee arexitòenykre. Adee awikeki, kia òraule tiu waròteòna.

³⁶ Tii rarybere: —Waha, adee ibutumy isiraòre. Kia bemona inye waròbi bitake inihe. Tahe wadeewi wadeewi-ki aòkò watxireri, tahe adeewi-ki.

³⁷ Tii rehemyre tai rahare ròròrenymy roireriò. Rarybere Pedro-ò: —Simaò, Taròteri aòbo. Biijeòtyhy sohoji òramy bededÿÿnana.

³⁸ Biijebenykre, bexitòenykre, uritere rutaanamy ròteòmykre inatyhymy atytyby iru-rudire tahe ade iruruòre.

³⁹ Tahe Jesuisi ixityre rare rexitòenyre ixiwesele.

⁴⁰ Ròsereu, ijò-ki rahare ròròmy ixiwesele, irurureny rautxienymyhy dori. Tiiboho rierykòre idi rirawoyònyreny.

⁴¹ Tahe ixbyle ròsere tahe rarybere: —Moròbeny bexielehnybeny. Òra iòhòreri. Kia heka Deuxu Riòre Hãbutyhyhykÿ kanawahidÿÿkre òrarudu mahãdu-ò.

⁴² Bitÿmnybenyke, rokoireny, walòsedÿÿdu iòhòmy rareri.

⁴³ Tii rarybereriu, aòwesele Judasi nade. Kia heka waòinatxi reurò mahãduò rare. Tii-wana doide hãbu mahãdu mayrehe-di, òhòtemy debòna. Kia heka hãbu mahãdu doide matuari mahãdu-ribi, Bede ywina erydÿÿ mahãdu-ribi, Deuxu aòmÿsÿdÿÿdu wedu-ribi.

⁴⁴ Lòsedu tamyreny juhuu bede eryna riwahahinyre. Kawese heka rarybere: —Kowa heka inyò-ò aruwokre, tii heka hãbu rare. Bimybenykre, birarenybenywhikÿkre.

⁴⁵ Judasi rehemyrenyreu, tahe rarybere: —Wedu, wedu. Tahe tamy ruwore.

⁴⁶ Juda ijoi Jesuisi rimyra.

⁴⁷ Kia ijoiò mayrehe ritare tahe Deuxu aòmÿsÿdÿÿdu wedu deòdu nohòti riorore.

⁴⁸ Tahe Jesuisi dirawoyònyde: —Kaiboho mayrehe-di tiwaòrynteri wasidu-wesemy aòmÿ, òhòte-di.

⁴⁹ Jiarÿ tahe dohodÿÿna heto-ki watximyhy txuò txuòlemy adeeremy araery-nanywãhãdenyde. Kowa-ki heka tiwamyòlemyhÿtenyde. Tahe aòbo iritina-ki rÿireri, kia heka kÿnyikremy.

⁵⁰ Ibutumy ierydÿÿna mahãdu ririrenyre, rihenyreny.

- ⁵¹ Kia heka hābuō riheludunymhỹ tyy tayredile rexitynymy tiiboho ridyrenyre.
- ⁵² Tii tahe tyy ririre tahe rahenyre tadelemy.
- ⁵³ Deuxu aōmysỹdỹđđu wedu-ō tiiboho Jesuisi ridyre. Bede ywina erydỹđ mahādu, matuari mahādu-wana ributunyre.
- ⁵⁴ Pedro riheludunyre irehetyhytyhymy. Rehemynyre Deuxu aōmysỹdỹđđu wedu heto-ō. Tai tahe ixitōteenymy heōtywera-ō rorukumyhỹ heto itxeredu mahādu-wana.
- ⁵⁵ Deuxu aōmysỹdỹđđu mahādu wedu, tule dohodỹđđu mahādu alobixidu riijemyhỹre aōlemy Jesuisi ōludu relyymyhỹre, Kia ōraru-ki rirubunynyrenkemy. Rahaōre.
- ⁵⁶ Sōwemy iny ruimy relyymy rỹimyhỹ. Iruinareny wiribi hitxi hitxilera.
- ⁵⁷ Ijō mahādu rỹimyhỹre relyyrehāre ruimy rarybere:
- ⁵⁸ —Inyboho irybe-ō roholarenymy: Jiarỹ heka dohodỹđđu na heto ariixāwididỹđđnykre kia heka hābu iwidyđđu na rare. Txu inataō-di ijō ariwinykre iwidyđđu naweseōre.
- ⁵⁹ Kia heka aōmybo tuu relyyrenyremy irybe wiribi hitxi hitxire.
- ⁶⁰ Deuxu aōmysỹdỹđđu mahādu rỹire inysōwetya-txi. Tii Jesuisi ritỹđđraxinyre: —Kai aōbo biwarawyōnykre aōmybo relyyrenyrenri adee ōludumy.
- ⁶¹ Tii rerawyōnyōlere ixyby tahe Deuxu aōmysỹdỹđđu mahādu ritỹđđraxinyre: —Kai aōbo Kristu tate, Deuxu wityhy riōre.
- ⁶² Jesuisi rarybera: —Jiarỹ heka. Kaiboho betehabenykre Deuxu Riōre Hābutyhyhykỹ Deuxu rurunaweribi-ō ronyrenri. Kaiboho tii betehabenykre Deuxu Riōre Hābutyhyhykỹ biuwetyky-ribi naderi.
- ⁶³ Deuxu aōmysỹdỹđđu wedu ityy riykara idi rarybera: —Aōherekibo ijō alobixidumy iny rururenryeri.
- ⁶⁴ Kaiboho taholatenyta aōbina binalemy rarybereriō aōmybohe kaiboho tahōtinymyhỹtenyete. Ibutumy heka tawo riraōhōrenyrenra rubudukremy.
- ⁶⁵ Tahe ijō ityre rybeximy rarutaara rexiruehetynyre tahe tule rihetenyre. Tahe rarybere: —Mota lāhā arahātenyera. Idi tahe heto itxeredu tule rihetenyre.
- ⁶⁶ Pedro heka ratximyhỹ bedeube-ki tahe ijadōma dehemynyde, Deuxu aōmysỹdỹđđu deōdu.
- ⁶⁷ Pedro rexitōteenymyhỹ heōtywera-ō tahe ijadōma tamy retehere. Tahe rarybera: —Kai tule Jesuisi Nazare ludu-wana atximahāte.
- ⁶⁸ Tahe tii rexitxiōnyre: —Jiarỹ reeryōre aōmybo kai tarybeteri. Tahe Pedro hetowo-ribi rōhōnyre.
- ⁶⁹ Ijadōma ixyby ixyby itxeremy rarybere kowa ijoi-ō: —Kowa heka tii mahāduō rare.
- ⁷⁰ Tahe tii ixityre rexitxiōnyre. Ixybyle kowa ijoiō Pedro-ō rarybera: —Inatyhymy kai ijō mahāduōle tate. Kai dori Kalileia mahādu tate.
- ⁷¹ Tii inatyhytyhyrybemy rarybera: —Jiarỹ reerykōre hābumy tarybetenyteri.
- ⁷² Tahe hānie hābu ryrara, inatxi hewoludumy. Ta Jesuisi rybe-txi Pedro tōhōti reare. Iwese Jesuisi rarybere: —Inatxi hānie ryrakredi, ihewoludukomy ryrakre, wadee bedex-itxiōnykre inataōmy. Pedro tahe iribi rexitareu, rahinyre.

15

- ¹ Txuu reareu, Deuxu aōmysỹdỹđđu wedu, matuari mahādu, Bede ywina erydỹđ mahādu ibutumy ributunyre. Tahe Jesuisi ritaataare tahe ridyrenyre Pilato-ō.
- ² Pilato Jesuisi-ō ritỹđđraxinyre: —Kai aōbo judeu iōlō tate. Tii rirawyōnyre: —Kai ka tuu tarybeta.
- ³ Deuxu aōmysỹdỹđđu mahādu wedu rarybere Jesuisi aōna aōna awimy aōkō riwinyre. Tahe Jesuisi riwawyōnyōhyllere.
- ⁴ Pilato ixybyle rỹđđraxire: —Kai birawyōnyōtyhy aōbo. Kai aōbo taholaleteri aōmybo tiiboho autedē-ō raryberenyrenri.
- ⁵ Tahe Jesuisi rarybeōhyllere tahe Pilato urile bede riōtiinymyhỹre.
- ⁶ Kia heka juhuu iny deōwarixina rare hābu rōteduō ritakemy anarỹđtxuu. Aōtxile iny tamy rexitōenyke.
- ⁷ Rōtenawo-ki raremyhỹ inyō Barabamy ninadu-ki. Tii tahe inywitxira aōbinadu mahādu-wana ratximyhỹ. Kiamy inydinodu ōraru-ki aōbina rỹireki, tii iny rirubunyre.
- ⁸ Iny sōwehekỹky-ki doide, tahe rexiranyre ixitōedỹđđmy: iny deōwarixina kōdōhōnykre.
- ⁹ Pilato dirawyōnyde: —Adeereny ariōlōdỹđđnykekō aōbo ka judeu iōlō.
- ¹⁰ Tii riyere dori Deuxu aōmysỹdỹđđu mahādu wedu tamy Jesuisi ridyrenyre iwobinanareny lau.
- ¹¹ Deuxu aōmysỹdỹđđu wedu inysōwe riixitōedỹđđnyre Baraba riōlōdỹđđnykemy.
- ¹² Pilato ritỹđđraxinyre ixybyle: —Aōhebo tahe idi arotỹđđnykre. Kaiboho tuu teninimyhỹtenyete judeu iōlōmy.
- ¹³ Tiiboho rirajuarenyre: —Bitamadỹđđnyke itxeō nihikỹ-ō.

¹⁴ Ta Pilato tamyreny ritÿÿraxinyre: —Aõbina taka riwinyre. Aõhe-wana ixityre rira-juamyhÿrenyre: —Bitamadÿÿnyke itxeõnihikÿ-ò.

¹⁵ Pilato inydee aõ riwahinykemy rõhõtinyra, tai ta Baraba riòlòdÿÿnyre. Idi tahe Jesuisi riyhytanymy rahudi, riteònyre itxeõnihikÿ-ò riukòrenykemy.

¹⁶ Soldado ridyrenyre heto woube-ò. Tai tahe ibutumy soldado ributunyre.

¹⁷ Tahe tÿysòborehekÿ-di rityynnyrenyre. Tahe ede rataana ritidire ira-ò.

¹⁸ Tahe rirybenyrenyre: —Adee nihikÿre judeu iòlò.

¹⁹ Tahe rihetenyre bòtòre-di irati-ò, tahe ityre rarybexinyre tahe rÿire tatiowotimy rityhnykemy.

²⁰ Tahe tÿysòbore iribi ritara, tahe ityyle tamy ritidira. Inatyhymy ridyrenyre itxeõnihikÿ-ò riukòrenykemy.

²¹ Kowa-di rekoarenyre hàbuõ. Simaõ Sireni inire. Kia heka Alexÿdre, Rufu-wana tyby rare. Tii nade bedero-ribi. Tiiboho tahe riitxydÿÿnyre itxeò-di retyykemy.

²² Riwyrenyre bederahy-ò Kòkòta ninadu-ò. Kia heka iwitxira rybe rare. Kia heka rubu ratitybyho wese rare.

²³ Tiiboho vÿi riurinyre òwòruburu-wana. Tahe tii tuu riòòlera.

²⁴ Itxeõnihikÿ-ò raukòrenymy rahudi tahe ityy wirarea riatyre, tahe ityy-di rarudeòsanyre tibo iny sohoji sohoji ityy riwykemy.

²⁵ Biurasò txu Jesuisi itxeò-ki raukore.

²⁶ Iratya-ki tahe ritina rÿire: JUDEU IÒLÒ. Kia heka iny tuu rarybemyhÿrenyre.

²⁷ Tahe tii-wana inatxi wasidu itxeõnihikÿ-ò riherinanyre, ijò ruruweribi-ò, ijò hyweweribi-ò.

²⁸ Tahe rotÿÿnyre aõbo Deuxu ritina-ki rÿire wese: Tii ratximyhÿ òrarudu mahàdu-wana.

²⁹ Iny reareare tara riohowimy rarybere aõbina binamy: —Kobe, kai korihe dohodÿÿna heto biatykemy inataò txudile tahe ixityre bidiwinykre.

³⁰ Kailè inyhe bexitakre itxeò-ribi.

³¹ Iwesehyyle Deuxu aõmysÿdÿÿdu wedu, bede ywina erydÿÿ mahàdu-wana widee raryberenyre. Jesuisinimy raujòmorenyreri: —Tii iny witxira ritare, tiile tahe rexitaòtyhy.

³² Kristu, judeu iòlò, bodobeheke itxeò-ribi jiarÿboho arobirenykemy, tai tahe aratyhynnyrenykemy. Tule wasidu tii-wana raukòrenyre itxeò-ki Jesuisimy raujòmorenyre.

³³ Txutyeyu ibutumy bede rurunyre. Tahe roire txu kaò resemy.

³⁴ Kiaule tahe Jesuisi rarybeterenyre: —Elòì, Elòì, lema sabatani. Kia heka iwitxira tybe rare. Kia rare: —WaDeuxu waDeuxu, aõherekibo kai tiwarite.

³⁵ Ijoiò heka tamy roholareu, rarybere: —Tii heka Eliasi-ò ryrereri.

³⁶ Hàbuõ reare bexi ritÿÿxinyre vÿi juberere-di idi tahe ritidire tabòtòrejura-ò. Riwahinyre Jesuisi ritòkemy. Tahe rarybere: —Deinyhe tamy inyhe reketehereny Eliasi kanakremy aõbo inyhe itarasamy.

³⁷ Jesuisi rryyre irariemy idi rurure.

³⁸ Dohodÿÿna hetowetyy raykare inatxi weryna tÿy, biu-ribi, bede-ò.

³⁹ Soldado dinodu Jesuisiko-txi ratximyhÿre. Tahe rurureu, irubumy robire. Tahe rarybere: —Ka heka inatyhymy Deuxu riòre rare.

⁴⁰ Tule hàwyy mahàduò retehemy rÿimyhÿ irehe-ribi, tòwysyreny-ki, Marie Madalena, Marie (Txiause, Jyrese tii rare. Txiau heka Jyje hewoludumy rare.) Salome tule ihÿre ijò-wana.

⁴¹ Kia heka Jesuisi Kalileia raremyhÿu, tiiboho tahe sòwemy iny-wana doide Jerusalè-ò.

⁴² Txioromyhe dehemynyde. Wirareasanatxu rare. Kia heka sabadotxukokile rare.

⁴³ Jyje Arimatea hàwà ludu dohodÿÿdu nihikÿò rare. Tule heka tii riraòmy ratximyhÿ Deuxu iòlòna. Tii ruberuòlemy rare Pilato-ò Jesuisiumymy ixitòdÿÿmy.

⁴⁴ Pilato rabedeòtiidÿÿnanyre Jesuisi rurumy roimyhÿdi tai rryyre soldado dinodu-ò. Tai Pilato ritÿÿraxyre, Jesuisi rurumy roimyhÿdi.

⁴⁵ Soldado rarybereu Jesuisi rurumy roiremy tahe Pilato riteònyre Jesuisiumy Jyje-ò iwahidÿÿmy,

⁴⁶ Jyje ritare itxeõnihikÿ-ribi tahe ritÿÿtenyre tyurahãkÿ-di. Idi tahe ritidirenyre mana hàloo wabedewo-ò. Tahe mananidikÿ-di riijòtòbònyra.

⁴⁷ Marie Madalena, ijò Marie Jyrese reteherenyre titxibo tii ritidirenyreò.

16

¹ Tahe nobiutxu, Marie Madalena, ijò Marie-wana ihewoludu Marie, Txiause, Salomese-wana rare. Tiiboho lÿnyrena riòbranyrenyre. Tahe roire Jesuisibymy idi rekoakremy lÿnyrena-di.

² Juhutxu semana bededÿÿnanau txuu deadeule roire wabede-ò.

³ Widee raryberenyre: —Mowexe mana ritakre ijò-ribi.

⁴ Tahe tuu robirenyre. Mana nihikŷ ritamy rŷire.

⁵ Wabede-ò rirònyreny, robirenyre weryrybòweselemy rononymhŷ ruruweribi-ò. Ityy urahakŷmy rononymhŷ. Tahe tiiboho bede riòtiinyreny ruberurenymy.

⁶ Tii tamyreny rarybera: —Uritere breburenyòmy. Kaiboho aòbo teòrytenyta Jesuisi Nazare ludu. Kia itxeò-ki rurure. Tii aòkò kaki ratxireri. Rexixara rubu-ribi. Betehebeny inihe tai ritidiraò.

⁷ Makre. Marybekre ierydŷŷna-ò tule Pedro-ò. Tii rakre akorenymy Kalileia-ò kaiboho tuu lobiximy boikre tuu adeereny raryberemy.

⁸ Tahe tiiboho rihenyreny wylemy wabede-ribi ruberumy. Tiiboho moò heka rarybeòhylyreny ruberumyhyreny.

⁹ Juhutxu semana bededŷŷnau Jesuisi rubu-ribi rexixare. Idi tahe juhuu àsitereribile rexitŷnyreny Marie Madalena dee. Kia-ribi heka juhuule ritare debò inatxi reurò tyytybybinamy.

¹⁰ Tii rare Jesuisi-wana raremyhŷ mahàdu-ò. Tiiboho rabadewomy ratximyhŷreny, rahinymyhŷreny.

¹¹ Tamyreny relyyreu iwese Jesuisi tamy rexitŷnyreny wese Jesuisi irulemy ratximyhŷreny tuu robireke, rityhynyòlerenyre.

¹² Jesuisi rexixamy rahudì tahe, iwitxiramy rexisŷnyreny inatxi erydŷŷna-ò. Tiiboho heka roimyhŷreny bedero-ò.

¹³ Tahe dòðsede relyyreny taijoi-ò, tahe tule rityhynyòlerenyre.

¹⁴ Tahe waòsohoji reurò erydŷŷna-ò Jesuisi àsitereribile rexitŷnyreny. Tiiboho riroximyhŷrenyò rexitŷnyreny. Tahe Jesuisi tamyreny rarybera: —Aòherekibo kaiboho iny wamy robira mahàdu tetyhynyòteri.

¹⁵ Kaiboho boibenyke ibutumy bede bede-ò Rybewihikŷ bitŷnyreny.

¹⁶ Inyò Rybewihikŷ rityhynykeki, idi kidisebenykeki, tii Deuxu ritake. Inyò rityhynyòkeki, Deuxu ixi-ribi riteònykre iòraru-ki.

¹⁷ Kia bede eryna ityhydŷŷdu kidiheludunykre. Tiiboho tyytybybina kiditeònykre wani-ki. Tule heka tiiboho itŷmyra rybe kanarybedenykre.

¹⁸ Hemylala rimyrenyreu, aòhe rotŷŷnyòlere tule rubuna monamy riòkeki, rotŷŷnyòlere. Tiiboho tebò ritidirenykre bina mahàdu-ò tahe riteytenykre.

¹⁹ Idi tahe Jesuisi tarybe rahuredi, Deuxu ridyre biu-ò. Tahe ronyre Deuxu ruruweribi-ò.

²⁰ Tahe tiiboho roire ibutumy bede bedemy tai bede ritŷnyreny. Wanyrŷ riwiòhenanyreny tahe bede eryna-di irybe ixidee rimyreny ihelududŷŷdu mahàdu-ò.

Luka Deuxu Rybe Wihikŷ Tŷmyra, Luka Tyyritidŷŷdu

¹⁻³ Wyla, Teòfilo. Adee heka watyyriti ariwahinykre timybo Kristu rotŷŷnyre. Tuu lobixidu mahādu tuu relymyhŷre-ribi, jiarŷ ire ariòbitinytyhykre. Kia heka jiarŷ adee reritinytyhŷre, waiòlò, iwese ibutumy reeryrenyrehu bededŷŷna-ribi. Aōma inatyhymy kia rotŷŷnymy rare wahe.

⁴ Kia wese wahe. Iwese iny adee relyyre wese, jiarŷ adee arelyyre inatyhymy aōbo rotŷŷnyre.

⁵ Zacaria heka Deuxu xiwe wahidŷŷdu rare, Abia ijoiò wahe. Iriòrese Isabeli tahe tule xiwe wahidŷŷdu riokore mahāduò rare. Kiau heka Herodi judeu bedesŷ iòlòmy raremyhŷ, Araò riokore mahāduò wahe.

⁶ Wiwanale heka awirenyre Deuxuru-ò. Òbitihyy heka ratximyhŷrenyrehu ibutumy Deuxu bededŷŷnanako-ò.

⁷ Tiiboho iriòreòhyyre. Ihāwyy Isabeli heka rasenadunyre, uladu herina dori awiòre. Ihābu tule ramatuarinyre.

⁸ Aòutxumy tahe Zacaria raaòmŷŷdŷŷnymyhŷre aōma templo-ki. Kiatxu heka iròtenatxumy bede rŷimyhŷre templo-ò. Tahe iwo-ki ratximyhŷre.

⁹ Hewydysi lŷnywi ritoonymyhŷ Deuxu kia dealànamy, iwese riwinymyhŷrewesehyyle.

¹⁰ Iu ahana-ki tahe sōwemy iny rexitòenymyhŷ.

¹¹ Iu Zacaria xiwena ruruwe-ribi loosòna-ò rŷireu, hewydysi lŷnywi ritoonymyhŷre. Tahe aòwesele ŷjuò rexitŷŷnyre Zacariako-ò.

¹² Tii tuu robireu heka rexiraòmŷ ruberumy reare.

¹³ ŷju rarybere: —Brebuòmŷykre, Zacaria. Deuxu roholare aixitòedŷŷna-ò. Tai heka adee ijyymy rareri. Ahāwyy Isabeli rariòrenykre. Kai heka Joaòmŷ bininikre.

¹⁴ Tai kaiboho heka iura heka beysabenyke sōwemy; ijò iny tule reysakre iòraru-ki.

¹⁵ Tii heka hābutyhyhykŷmy rarekre Deuxu dee tiu heka wŷ riòòtyhy mona hārihikŷ riòòtyhy. Deuxu Tyytybytyhy. Juaòtykymy ralokre tii reareu.

¹⁶ Sōwemy heka aōma Israeli mahādu Deuxu rityhinykre iòraru-ki wahe.

¹⁷ Tii heka hābutyhyhykŷmy rarekre Deuxu rybedumy Elia wesemy. Tii heka aōma Deuxu deòdŷŷna juhuu rehemynymy reake ikòlemy iny ywisidŷŷnake rehemynykre juhuu, aōma Deuxu Tyytybytyhy dehemyryna riijemy tuu rehemynymy rare. Tii bede ywina riòbitinykre iny-ki. Tyby tariòre-wana wii riwoxinykremy. Tii heka iny ribedeerynykre aōma òbitimy rŷirakremy. Deuxu luumy rŷirake aōma ilahireny rŷira wesemy juhuu.

¹⁸ Zacaria rarybere ŷju-ò: —Jiarŷ ramatuarinyre timykre heka? Hāwyy tule rasenadunyre ihārele òsana tukre.

¹⁹ ŷju rarybere: —Jiarŷ Gabrieli watzireri, Deuxu deòdutyhy wahe. Tii heka diwateònyde kaò adee rybemy wahe.

²⁰ Kai tetyhynyòhytyeri tai kai marybeòkre uladu reake xiery tahe marybekre. Kaa adee rarybereri dori òbitimy rarybereri warybemynamy ibutumy rŷikre.

²¹ Iny riraòmŷ rŷimyhŷ Zacaria òlòna, tahe raroorehenymyhŷ. Iroorehena rieryòhyymyhŷreny. Dòhònydeu ta, rybe-ki rexisiranymy rarybeòhyyre.

²² Tii rehemynyreu tamy rarybeòhykyre rahòra. Idi tebò-di raramynyre urile rybe riwisŷnymy rarybeòhykymyhŷre aōma timybo aòhebo rotŷŷnyrà heka riòbitinykemy heka rarybeòhyymyhe timyrafo.

²³ Tahe taaòmŷŷdŷŷna rihudi, taheto-ò ròòsere ixyby.

²⁴ Idi tahe Isabeli rabòtònyre iruwyy ahādumy bede riijere rexiwòmŷ.

²⁵ Isabeli rarybere: —Deuxu awi heka rare, riwatate waixŷruna-ribi. Kuladu wadeke riwahinyreri.

²⁶ Ijò ahādu tahe Deuxu Gabrieli riteònyre Nazare hāwā-ò Kalileia bede-ò.

²⁷ ŷjuò heka rybe-di ijadòma-ò. Kia ijadòma heka wii ritobinymy rŷireri tybyboho iseboho Jyje-wana roikremy. Jyje heka iòlò Davi kia mahāduò rare. Ijadòma tahe Marie inire.

²⁸ ŷju heka kiamy rarybere: —Beysakre Marie! Inynyrŷ heka awana ratzireri. Bedeòbyhykŷ adee kidiwahinykre. Tii arāwowydinyreri.

²⁹ Kia rybe-di tahe Marie rexiraykynyre. Tii rieryòmŷ aòmŷbo rare.

³⁰ Tahe ŷju tamy rarybere: —Marie, Brebuòmŷ! Deuxu teteysanyte. Kai awi heka rare. Tii aòwihikŷbo adee kidiwahinykre.

³¹ Kai heka mariòrekre, uladu heka Jesusimy raninikre.

³² Tii heka hābu nihikŷ rarekre. Tii Deuxu riòremy raninikre. Deuxu heka tii iòlòmy risŷnykre, iwese Davi alabiehekŷreny ronyre wese, tii ronykre.

³³ Tii heka ibutu Ijaò mahādu iòlòmy rarekre. Iòlòna heka tiu itueòtyhy.

³⁴ Tai tahe Marie ŷju-ò rarybere: —Jikarŷ heka ijadòkòmatyhy watxireri. Timykohe krabòtònykre.

³⁵ Tahe ŷju rirawònyre: —Tyytybytyhy adee kanalokre. Deuxu ruru heka adee kanakre. Tai heka kia uladu Deuxu òbiti riòremy raninikre.

³⁶ Nohòti lusaòmy anymy-ribi Isabeli riki bòtòkòmy rareke-ribi tahe bòtòmy ratxireri. Debò sohoji reurò ahādumy iahādu.

³⁷ Deuxu dee heka tiu aò isiraòre.

³⁸ Marie rarybera: —Jikarŷ Wahī dekòdu rare. Anomybo tarybeteri ka ibutumy rekyrubunyeri. Wadeke awire. Anowaxina tuukre irybemynamy karotŷkŷnykre. Idi ŷju rikòmy reare.

³⁹ Idi ta tii heka Isabeli roramy rare. Zacaria sŷmy Judeia bede hāwālò hāwā bede-ki.

⁴⁰ Iu Marie rehemynyre tahe wii rirybenyrenyre:

⁴¹ Tii kia aòbo uladu Isabeli kia-ki iule rexiwatxinymyhy Marie-ò. Isabeli heka tŷxiykŷle Deuxu Tyytybytyhy-di ratximyhy.

⁴² Riajuamy rare deysana-di sòwere: —Kai hāwyy ibutu-ribi deysana rarekre. Auladu tule deysana rarekre.

⁴³ Anoherekibo Wahīse waroramy naderi. Jikarŷ ano anokò rare.

⁴⁴ Adeke rahokujareku, kuladu wawoku-ki rexilòrelòrenymyhy tabedesa-di. Tai tahe Isabeli rŷŷraximy ratximyhyre Deuxu Tyytybytyhy-di.

⁴⁵ Kai bekysabenyke kia tetyhynyteki. Deuxu rybe dokuri adeke nade. Iwese tiki rarybereweesele ibutumy rāikre.

⁴⁶ Marie rarybere: —Jikarŷ wawoku-ribi Wahī rewokuwydynyre.

⁴⁷ Wawokuribityhy wadekysareri Wahī watarasadu dokuri rare.

⁴⁸ Thyky tahe tiki tekòdu-ribi walanokonakona-ribi tòhòti rosakre. Tahe iny ibutumy hāwyy deksanamy riwaninikre.

⁴⁹ Deuxu dokuri anomŷkŷnana wiwihikŷ wadeke riwahinyre. Tii tahe ityhy rare.

⁵⁰ Tikiemy inydeke ruxetòena riwahinymyhyre iny tamy wowydyna riwahinyreki.

⁵¹ Ixityhy nohòtidu mahādu tiki rehure.

⁵² Bede ikòlò sòwemy tiki rehure. Tule iny ianokò mahādu Deuxu riwikòhenanymyhyre.

⁵³ Rama risamahādu deke rŷsŷna tiki riwahinyre.

⁵⁴ Irybe tahe tiki rityhinyre anobo tiki inytybyreny deke tiki raryberemy. Tikiboho tahe Deuxu riwikòhenanyre.

⁵⁵ Ruxetòena tahe Abraò deke riwahinyre tule tikiemy iriokore deke riwahinymyhyre.

⁵⁶ Marie tahe inataò ahādu Isabeli-wana riwyyra. Idi tahe tasŷ-ò ròòsera.

⁵⁷ Bededŷnana Isabeli-ò rehemynyre. Iriòre reakremy ratxireriu, Iriòre reare.

⁵⁸ Isŷ mahādu heka teysana-ò roholarenyre, iery mahādu tule rabedesarenyre tamy Inynyrŷ raruxetòenyredi, Inynyrŷreny ruxetòena tamy riwahinyreki.

⁵⁹ Tahe debò inataò txu-di, uladu notyky resynamy bede rŷire. Zacaria raninykemyre.

⁶⁰ Tai tahe ise rarybere: —Anokòre, Joaòmy rarekre.

⁶¹ Isŷ mahādu rarybere: —Joaòmy ninadu taheka ijòkòhykre insyŷreny-ki. Anoherekibo tuukre? tai tuu raninike wahe.

⁶² Tuu Zacaria-ò rŷŷraxireny: —Momybo raninykre?

⁶³ Tahe Zacaria tababese riòreò rimyre. Riritinyra kia: —Joaò heka inikre. Tahe ijò mahādu ibutumy ribedeòtiidŷnyre.

⁶⁴ Iu tahe Zacaria rarybere Deuxu riwowydynyre. Tahe ibutumy isŷ mahādu heka ruberure.

⁶⁵ Ibutumy heka tii relymy raremyhy Judeia mahādu hāwālò nihikŷmy.

⁶⁶ Ibutumy tamy roholaré heka raryberenyre: —Timybo uladu rarekre? Inynyrŷ idi tarukimy iweribikre.

⁶⁷ Tahe Deuxu Tyytybytyhy heka Zacariatykmy ralore. Tahe Deuxu aòmydŷŷnanamyhe relyre timybo rabededŷŷnananykremy. Tii rarybere:

⁶⁸ —Judeu mahādu Deuxu awi rare. Tii dori taijoi roramy nade.

⁶⁹ Iwiòhedŷŷmy tulemy tarasadu tyhy Tii heka Iòlò Davi mahādu rare.

⁷⁰ Deuxu Rybedŷŷdu mahādu kia wesemy tuu raryberenyre.

⁷¹ Inydireny òludu mahādureny-ribi riki iny ritarenkre. Iny-di heka raruxetòerenyra.

⁷² Tahe iny-ribi tòhòtirenny rosaòhykra. Tahe rarybekre timybo raryberemy inytybyreny.

⁷³⁻⁷⁵ Tii heka iny ritarenkemy inydireny ratxireri inyòludureny-ribi. Kia-ò heka rarybere inylabiereny Abraò-ò. Tai heka rikiwiòhenanyrenyke brebuòlemy. Òbitimy iko-ò rakatxirenhyhykre.

76 Kai wariõre Deuxu rybedumy mabekre. Kai heka mabekre Deuxuhukÿ rybemy rybedumy. Kai heka bõhõnykre
Inynyrÿ-kò iry biywinykremy.

77 Asÿ mahãdu-ò marybekre biu-ò hena kanakremy ihÿre. Deuxu heka tõhõti rosakre iõrarunareny-ribi.

78 Iny Deuxureny dori inydeereny ruxetõedu rare. Tii heka biu-ò hena ibutu-ò kidiõkre, tarasana wahe.

79 Kia bede lurumy rÿira mahãdu biuloosõnamy robikre.

Zacaria rybe tahe rikonananyre. Loosõna ywinary-ò tahe ritÿnynykre.

80 Ihewo-ribi tahe uladu ratybienyre taumy-di Deuxu tyhydÿÿna-ki tule. Tii heka bederahy-ki raremyhÿ. Tiutxumy rexitÿnynykremy judeu mahãdu-ò.

2

¹ Kia mahãdu iòlò Augusto inire. Kia heka ibutumy bede-ki inyni rityyritinykemy bede riywinyre.

² Kurina heka Siria bede dinodu rare.

³⁻⁴ Jyje heka Nazare hãwã-ki rasÿnymy raremyhÿ. Tai tahe Kalileia bede-ribi tiiboho roirenkemy Judeia bede-ò. Iòlò Davi dori tai reare, Belê hãwã-ki.

⁵ Jyje tahe rare, tii dori Davi ijoimy rareki. Marie bõtõmy tii ridyre tai ihãwyy.

⁶ Tahe Belê hãwã-ò rehemynyre. Tahe herina roxina heto ihoõre herina tamyreny. Taihe awaru roxina heto-ò roire.

⁷ Tai hãwyy rathouãsenyre. Idi rihetyntyre awaru roxina hynaro-ò ritidikemy.

⁸ Iu tahe budoeni-di itxeredu mahãdu bedero-ki ratximyhÿreny.

⁹ Idi tahe ÿjuõ tamy nade Deuxu-ribi. Deuxu loosõna tamy rityntyre. Ruberurenyre.

¹⁰ ÿju tamy rarybere: —Brebudõmyrenyke. Rybe wihikÿ-di adee rehemynyreri. Ibutumy iny reysakre ka rybe-di.

¹¹ Atarasadu heka rathouãnyra Davi hãwã-ki, abiu-ò hedu wahe. Tii heka Kristu rare, Inynyrÿreny wahe.

¹² Kaiboho heka awaru roxina-ò inihe bõike itxeremy. Tai heka tohouã roireri tyy-di rarahanany.

¹³ Iule tahe sõwemy ÿju widotyde Deuxu dee rawiunykre, kiawese rawiunyrenyre riwowydynyrenymy:

¹⁴ —Biu-ki Deuxu loosõna ratxihyymyhÿre.

¹⁵ Tahe ÿju ròðerenyre biu-ò. Budoeni-di itxeredu mahãdu widee raryberenyre. Wylemy Belê-ò ròkõirenykre itxeremy kia aõmydÿÿnanamy Deuxu inydee riteòsinyreri-ò.

¹⁶ Tahe roirenyre idi tahe Marie, Jyje-txi rekoarenyre. Tuu robirenyre. Tahe broreni dõrõtòhõhyna-ki uladu roire.

¹⁷ Tai tahe budoeni-di itxeredu mahãdu timybo ÿju tamy raryberamy, rarybere.

¹⁸ Tai tahe ibutumy kia tamy roholaré ribedeòtiinymy rÿire.

¹⁹ Marie heka tõhõti itxi reare. Tahe sõwemy raraykywydynanymy ronyre.

²⁰ Budoeni-di itxeredu mahãdu ròðerenyre rawiunyrenymy Deuxu-ò Deuxumy realàre ibutu òraru-ki. Iwese ÿju raryberewesetyhyle heka ibutumy rÿire.

²¹ Iribi tahe txu rÿireu tahe rare Jesuisi notyky orokré. Debò inatã reurotxu rÿireu Jesuisi notyky raorokremy raywire. Tahe rininirenyre Jesuisimy iwese ÿju rarybere myna.

²² Xiwena rÿikemy bede rÿire Moisesi bede ywidÿÿnamy. Aõutxumy tahe dehemynde Marie Jyje-wana kia idi riwinyrenykemy. Tahe Jyje ridykemy Jerusalê-ò idi ratxireri. Tai uladu-di roirenyre Deuxu-ò riteòsinykemy.

²³ Kiamy heka Inynyrÿ Ritidÿÿna-ki roire.

Weryrykeki, Deuxu dee rawahidÿÿkre. Tii uladudelaa weryrykreki.

²⁴ Iwese tule bõtõe inatximy rawahidÿÿkre ada bõtõerurã inatxi heka xiwenamy reakre Moisesi bede ywidÿÿna myna.

²⁵ Hãbuõ tai ratximyhÿre Simeã inire. Jerusalê hãwãdu wahe. Deuxu rityhynymyhÿre hãbuwi rare. Tii Kristu riraõmyhÿre Deuxu deòdÿÿna wahe. Iiioi aõbina bina-ribi tarasadumy Deuxu Tytybytyhy heka tai ratximyhÿre.

²⁶ Deuxu Tytybytyhy ihetxiu tamy rarybere: —Kai buruõtyhy Deuxu deòdÿÿnamy bobiõdi.

²⁷ Iu Jesuisise tyby-wana rehemynyreu Deuxu Tytybytyhy heka Simeã riteõnyre kowa-ò.

²⁸ Simeã uladu taãxi-ò-ki rimyre. Tahe Deuxu riwowydynyre:

²⁹⁻³¹ —Kiamy heka Wanyrÿ Iòlò arybe retyhynyre timybo tarybete wahe. Ibutumy dorihe tewinyta. Tahe aõwaxinyhe arurukre. Abiuõhenamy heka rabira. Tii ibutu iny tarasadumy rarekre biu-ò hena wahidÿÿdu wahe.

³² Kia heka ibutumy iny-ò loosõna tewahinyta judeukõdu mahãdu-ò. Tai judeu mahãdu tahe wowydynamy tii rarekre.

³³ Tai tahe Jyje Marie-wana bede riòtiinyre aõmybo rarybereki.

³⁴ Simeað tahe Deuxu deysanamy tamyreny rarybere: —Deuxu biu-ò henamy heka kia uladu rare. Sõwemy judeu mahãdu tarasadumy rarekre, tule sõwemy tasÿ ituekre. Kia heka Deuxu deòsina rare. Sõwemy heka Jesusisimy rakyararybenynykre.

³⁵ Ibutumy iny rayky-ribi heka ibutumy ritÿnynykre. Bederyry sõwemy bieryke tai aõhõkÿmy botÿÿnykre.

³⁶ Tule Deuxu rybe erydÿÿnaõ rehemyntyre. Ana inire. Hãwyy rare. Tii heka Fanueli riòre rare. Asere mahãdusÿõ rare. Tii heka rasenadunymy raremyhÿ. Ijadòmamy raremyhÿu heka roire hãbu-wana. Debò inatxi reurò beòralemy heka tii-wana raremyhÿ tahe tii rawytesyre.

³⁷ Tii 84 beòramy heka bede idi rÿire wytesyre. Tii Deuxu dohodÿÿna heto-ribi rõhònyõhyymyhÿre. Tii heka rexitòdenymy hÿre rummy txumy tabyreò-di.

³⁸ Tahe tii rehemyntyre Deuxu dohodÿÿna heto-ò. Deuxumy reàlàre. Idi Jesusisimy imahãdu-ò rarybere tii tarasadumy rarekremy.

³⁹ Iu Marie, Jyje-wana ibutumy bede ywidÿÿnamy ituereu, riòòserenyre tahãwã-ò Nazare-ò.

⁴⁰ Jesusi raumynymy hÿre beòra beòramy. Iruru, ibede eryna sõwemy ijòdire Deuxu dori idi tarukimyhÿre.

⁴¹ Pascoa worana bedehesi riòlòdÿÿnyre Jerusalè hãwã-ki. Jesusi tyby heka iseboho roihyymyhÿreny tamy.

⁴² Tule Jesusi waòinatxi reurò beòra-di ridyreny tamy.

⁴³ Worana bedehesi rexihureu kidiòkesedenykre doide. Tahe Jesusi naride Jerusalèkihikÿle. Tiiboho rieryrenyõhyre naridemy.

⁴⁴⁻⁴⁶ Taijoirenywanale ratxirerilemy idi rõhòtinyreny. Txusohojimy heka bede idi rÿidi, riereny. Tai rahaõhyrenyra iijesemy diòkesedenyde Jerusalè-ò ixyby. Inataò txu-di tahe tai nahadenyde, Deuxu dohodÿÿna hetowo-ki wahe. Tii heka bede erydÿÿdu mahãdu-wana ronyre. Roholamyhÿreny istrybe-ò rononymy hÿreny. Tule rÿÿraximyhÿreny.

⁴⁷ Tii heka ibutumy rirawyònymy hÿre. Tii dori bede ery nihikÿ rare.

⁴⁸ Iseboho tahe bede riòtiinyreny tai ronyreki wahe. Ise tamy rarybere: —Waritxòre, anoherékibo kai ikykyreny-ki tanyte. Anoherekibo tuu wadekereny tewinyteri aijesereny-di watzireri.

⁴⁹ Tahe Jesusi rirawyònyre: —Waijeserenykõmyke. Waha heto-ki watzireri, Waha aõmysÿdÿÿnamy reywinyy watzireri. Kia aõbo teeryõhytyente.

⁵⁰ Tiiboho rieryrenyõhyre aõmybo Jesusi rarybereri.

⁵¹ Idi tahe dòòsedenyde Nazare-ò. Tahe Jesusi tyby rybe rityhynyhyymy raremyhÿ. Tahe Jesusise kia ibutumy riyrubunyhyymy raremyhÿ tarayky-ki.

⁵² Jesusi tahe raumynyre. Bede erytyhymy relere. Ibutumy he iny iluure. Deuxu wowydyna-di ihÿre.

3

¹ Tiberiò heka waiyre beòramy iòlòmÿ raremyhÿ. Ponceo Pilato heka Judeia bede dinodu. Ijò heka Herodi inire. Inataò inymy heka bede dinodumy raremy. Herodi heka Kalileia bede dinodu. Iseriòre, Filipi tahe Itureia bede, Traconite bede-wana dinodu rare. Ijò iny tahe Lisÿnia inire. Tii Abileni bede dinodu rare.

² Anasi, Kaifa-wana heka inatxi hãbu roire. Tiiboho wiwana xiwena wahidÿÿdu wedu raremyhÿ. Kia bedeu heka Joaõ rehemyntyre bedero-txi. Tii iny-ò Deuxu rybe tÿnydÿÿdu rare. Zacaria riòre rare.

³ Tii kia bede ibutumy rybe ritÿnynyre, Jordaõ beroweramy ibutumy wahe. Kia wesemy rarybere: —Aòraru-ribi bòhònyke. Maratisebenyke. Tahe Deuxu aòraru riixãwididÿÿnykre.

⁴ Iwese Isaia ròritidÿÿre wesemy heka wiji rÿire.

Inyò heka ryrymyhÿ bedero-ki.

Kia:

—Inynyrÿry bexiywinybenyke. Ryòbitihikÿ biwinybenyke. Hãloo bitÿxinybenyke wimyny biijaranybenyke. Iry iòweòwena ramyhÿre heka, biòbitinybenyke.

⁵ Iratòratòkeki, wimyna biijaranybenyke.

⁶ Ibutumy iny heka Deuxu biu-ò henamy robirenykre.

⁷ Sõwemy iny nade riratisebenykre Joaõ-ò. Tahe tii tamyreny rarybere:

—Kaiboho hemylalaweselemy toite. Deuxu ykarana-ribi bexitabenyke, aõwiwihikÿ.

⁸ Uritere kawese ryberenyõmykre: —Abraõ dori iny labiereny rare. Tai tahe ibutumy awityhy rare inydeereny.

Jiarÿ dori adeereny ararybekre: —Deuxudeewikeki, Tii kia manadile iny riwinyke. Abraõ dee ijò riòreõmy kia manadile riwinyke.

⁹ Woma heka òwòruraruti riòròmhyhÿre. Kia raratynyòkeki heka, raòròkre. Heòty-di wòmoy ririradÿÿnymyhyke.

¹⁰ Tai tahe iny rÿÿraxire Joaò-ò: –Tímybohe rakatxirenykre.

¹¹ Tai tahe rarybere: –Inyò tòre inatximy ijòdikeki, sohoji iny ijò-ò riwahinykre. Irÿsÿnadikeki, tule ritxuatzuake ijòkò mahàdu-ò.

¹² Iny wixiraò Joaò-ò rehemynykre. Tiiboho nieru tarasadu mahàdu rare bede dinodu-ò. Tai rÿÿraxirenykre: –Tímybo aòhebo rokotÿÿnyrenykre.

¹³ Joaò rirawyoñnyre: –Uritere aònihikÿmy itarasarenyòmykre. Bede ywidÿÿna tyriti myna ta tuukre.

¹⁴ Tai tahe soldado tamy rÿÿraxire: –Inyboho tahe aòhebo rokotÿÿnyrenykre. Joaò rirawyoñnyre: –Inyò biteranyòtyhy adee nieru kanakemy. Inieru dori ahòrò aòkò rare. Beysake, adinodu-ribi tiwesebo nieru tetamahàte-di.

¹⁵ Tahe kia iny mahàdu raraykynyre Joaò-di. Kowa aòbo hàbu Kristu ihÿre.

¹⁶ Tai heka Joaò rarybere: –Jiarÿ heka bedi araratisebenyneri. Ijò wahewo-ribi kanakre tahe woratyre inihikÿ rarekre. Tii heka awityhy rare. Jiarÿ heka raixÿruwähàre iwataana aritake lau. Tii heka akanaratisebenykre Deuxu Tytybytyhy-di. Heòty-di tule wahe.

¹⁷ Iti tebò-ki ratxireri. Maixòmo ruxity hitxina-di wahe. Tii heka ritakre. Maixòmo riyrubunykre ihyna-ò. Iruixity tahe ritoonykre. Kia heòty heka tiu ruriòtyhy.

¹⁸ Aò heka Joaò rarybere. Sòwemy aòna aònamy iwesele rarekemy. Dohodÿÿna wihikÿ-di tamyreny rarybera.

¹⁹ Bede dinodu Herodi heka taseriòre riòrese-wana roire. Aòbina binahakÿle riwinyre kia. Tai tahe Joaò tamy rarybere: –Kia awi aòkò rare. Ibina heka rare. Sòwemy aòna aòna bina tule tii riwinyre.

²⁰ Tai Herodi heka Joaò mynmy riteranyre ròtenawo-ki roikemy.

²¹ Joaò ixiwesehyule rexitÿmyranymy iny riratisebenykre. Tahe tule iny wixirahe-ki Jesuisi riratisebenykre, Jesuisi rexitòenyre, biuwetyhy rarayre.

²² Biuwetyky-ribi tahe Deuxu Tytybytyhytle dobehemy nade bòtòerurà wesemy. Biu-ribi rybeò-ò iny roholare: –Kai heka Wariòre tate. Aluure heka jiarÿ wadeysatthyre.

²³ Jesuisi 30 beòramy raremy taaòmysÿdÿÿna tyhy ritelenyreu, iny heka Jyje riòrelemy ròhòtinymyhyre.

²⁴ Jyje heka Eli riòre rare. Matate, Levi, Maki, Janai, Jyje, ibutummy labiehekÿ Jyje rare.

²⁵ Ijò tahe Matatias, Amos, Naum, Eslí, Nagai,

²⁶ Maate, Matatias, Semei, Jyje, Joda,

²⁷ Joana, Resa, Zorobabe, Salatieli, Neri,

²⁸ Meki, Adi, Cosã, Elmadaò, Er,

²⁹ Josue, Eliézer, Jorim, Matate, Levi,

³⁰ Simeað, Juda, Jyje, Jona, Eliaki,

³¹ Melea, Mena, Matata, Natã, Davi,

³² Ijese, Obede, Boasi, Sala, Nasaò.

³³ Aminadabe, Adimim, Arini, Esraò, Peresi, Juda.

³⁴ Ijaò, Ijai, Abraò, Tera, Nakò,

³⁵ Serui, Raau, Faleki, Eber, Sala,

³⁶ Aina, Arfaxade, Sem, Noe, Lamei,

³⁷ Metusalé, Enoi, Jarete, Maleleel, Aina,

³⁸ Enosi, Sete, Adaò. Tii tahe Deuxu juhuhu riwinyre iriòre wese.

4

¹ Bero Jordaò-ribi Deuxu Tytybytyhy heka Jesuisi diòsedyÿnyde Tai heka tule bederò-ò rexiykynyra.

² Tahe Satanasi Jesuisi riurihire, 40 txu-di wahe. Aò heka rirÿsÿòhyyre Jesuisi kia itxummy txu rÿireu wahe. Idi tahe sòwemy rama risare.

³ Satanasi tamy rarybere: –Kai Deuxu Riòretyhy tate-wana heka, mana bitxienykre hinamy.

⁴ Tai Jesuisi dirawyoñnyde: –Deuxu Rybe tule kiamy rarybere.

–Hàbu hewa byre sohojiribile aòkò irummy rÿimhyhÿre.

⁵ Tai Satanasi heka Jesuisi ridyre heto ratyti tyre. Ibutummy hãwähäkÿ riteòsinyre bede bede rÿirá.

⁶ Tahe Jesuisi-ò rarybere: –Kai biwalàhànanykeki, ibutummy aòna aòna adee ariwahinykre, ibutummy hãwähäkÿ dinodummy tule wahe.

⁷ Wahòrò heka rare. Inyò-ò aòtxile ariwahinykre.

⁸ Idi tahe Jesuisi dirawyoñnyde: –Deuxu-ò sohojile walàhàna biwahinykre. Kiamy Deuxu Rybe rarybere.

⁹ Idi Satanasi Jesuisi ridyre Jerusalē hāwā-ò. Biu-txi tahe rÿire, Deuxu dohodÿÿna heto tyre-ki wahe. Tii narybede, kai Deuxu Riðre tyhy tate wana heka bexiwatxixinyke inihe karibi hetoratyti-ribi.

¹⁰ Ýju riki arayrubunykre wa. Deuxu taÿjuò bede riywinyre aramykemy.

¹¹ Tule kia rarybemyhÿre Deuxu Rybe.

Awa riki manað riwotðmonyðtyhy.

¹² Tahe Jesuisi dirawyònyde: —Tule Deuxu Rybe rarybere: —Inyð heka Deuxu uri hixiðtyhy.

¹³ Rexihure tahe Jesuisi urihixina. Tahe Satanasi heka Jesuisi ririre.

¹⁴ Idi tahe Jesuisi ròsere Kalileia bede-ò. Deuxu Tyytybytyhy ruru tahe tii-wana ratx-imyhÿre. Ibutumy heka kia hāwā-ki ibededÿÿnana rierymy hÿreny.

¹⁵ Jesuisi heka dohodÿÿna heto-ki ròbedeeryðÿÿmyhÿre. Ibutumy tuu rarybere. Tuu reàlāmy rarybemy rÿimyhÿ.

¹⁶ Iribi tahe Jesuisi ròsere tai raumynyrèò, Nazare hāwā-ò. Sabado txuu tahe dohodÿÿna heto-ò reamy raremy iwesehyyle. Tii tahe lamamy rÿire tyyriti-di rariakemy.

¹⁷ Tahe tamy Isaiia tyyriti riwahinyreò. Tahe Jesuisi rÿijemyhÿre rybeð idi rariakemy. Tai idi rariare:

¹⁸ —Wanyrÿ Tyytybytyhy waki ratxireri. Rybe Tÿmyra wihikÿ inyko arotohodÿÿkremy. Iny aðkò mahādu-ò rybe wihikÿ ararybekemy riwatare. Tule iny ròtena-ki rÿira mahādu, jiarÿ ariòlòdÿÿnykemy. Kiamy heka tamyreny ararybekre. Tule ruetÿmyra ariwahinykre ruetā mahādu-ò. Iny idi rarÿÿnymyhÿre mahādu-ribi, aritakre idi risinymyhÿreki. (Aðna aðnamy risÿnyrenymyhÿreki wahe.)

¹⁹ Tibedeubo Inynyrÿreny tajoi ritakremy ararybekre.

²⁰ Idi taşÿ ixby riwasenyre. Tahe riwahinyre ixby kia hābu riyrubunymyhÿreò. Tii ronyre. Ibutumy kia dohodÿÿna mahādu idi rethemy rÿimyhÿre.

²¹ Tahe Jesuisi ritelenymy rarybera: —Wiji idi rariarā heka aðbo tamy ibededÿÿnanamy roire. Kia aðbo ritidÿÿna-ki roireri ihetxiu. Kaimy tahe wiji rarybereri, jiarÿ heka tii rare. Tii adeereny tyyriti rariarā wahe.

²² Tai tahe bede riòtiinyrenyre. Kia tahe aðmybo raryberakì. Tahe widee raryberenyre. Kaa heka Jyje riðrele ratxireri.

²³ Tahe Jesuisi ixityre tamyreny rarybere: —Aðu kaiboho wamy tarybetenyteri rybeðmy, myÿ manarybeka: Kai bexideytenyke, hàri, òhotibedu. Kiamy aðbohe wadee manary-bebenykemy atxitenyteri:

Iwese Kafanað bede-ki tewinyte wese ariwinyrenykemy wadi atxitenyteri, ahāwā-ki.

²⁴ Adeereny inihe tuu ararybekre. Rybe tÿnydÿÿdu heka òmo rityhynyðtyhy ihāwāreny-ki.

²⁵⁻²⁶ Tahe iwixiramy ararybekre. Ibedeu kia raremyhÿu, sòwemy heka rama reamy raremyhÿ judeu sÿ mahādu. Sòwemy wytese mahādu heka ramamy rurumyhÿre. Biu heka roaòhykyre tai inatā beðra weeremyhÿ wahe Sareta hāwā heka Sidò bede-ki tii rasÿnymyhÿre. Tahe Deuxu bede riywinyre Eliasi rakemy iny sohoji wytese-ò, rÿşÿna riwahinykelemy wahe.

²⁷ Eliseu bedeu heka sòwemy tyybinadu rÿimyhÿ. Sohoji inyle riteytenyre. Naamy heka inire. Tii heka Siria bede luduò rare.

²⁸ Kia dohodÿÿna mahādu heka ibutumy iu tamy rakyarananyre.

²⁹ Rimyrenyre heka Jesuisi. Idi retÿhirenyre hāwālò ratya-ò ridyrenyre. Idi rehurenkyemy riwisÿnyrenyre.

³⁰ Tahe Jesuisi inysòwehekÿy-txi ralore. Idi rahenyre.

³¹ Iribi tahe Jesuisi rare Kafanað-ò, Kalileia bede-ò. Sabado txuð txuðlemy heka Jesuisi iny ribedeerynymyhÿre.

³² Sòwemy heka iny ribedeerynymyhÿre mahādu tamy awimy rÿira, irybe dori awireki wahe.

³³ Hābuð raremyhÿ dohodÿÿna hetowo-ki tyytybybinahakÿ-di tahe taumywo-ki ratximyhÿ. Tai tahe tii ryyre:

³⁴ —Jesuisi, Nazareludu, aðhebohe ijoi bisÿnykremy atxiteri? Biwahubenykre aðbo? Jiarÿ heka araeryre moba taté. Kai heka Deuxu deòdu atxiteri.

³⁵ Tai tahe Jesuisi tamy rarybere tyytybybina iumywo-ki rirykemy. Iribi riòlòdÿÿnyre. Tahe idi rehure iutyde-ò idi iribi ròhònyre. Hābu aðhe risÿnyðhyre.

³⁶ Ibutumy heka iny ribedeòtiidÿÿnyre. Iny sohoji sohoji widee rarybere: —Aðrybemy aðwe tii rarybereri? Timybo iny-ribi tyytybybina riteònyke.

³⁷ Ibutumy timybo Jesuisi riwinyre, ijyynamy reare.

³⁸ Tahe Jesuisi ròhònyre Simað heto-ò idi rare. Simað riðrelahi webinadumy roire rubuna-di. Tai Jesuisi-ko tuu relyyrenyre.

³⁹ Tai Jesuisi ibireweribi-ò rare. Tahe irubuna iribi riòlòdǝnyre. Tahe tii ritamadǝnyre. Rǝsǝnǝ tamy riwahinyre.

⁴⁰ Ibutumy iny tawebinadu mahǝdu didydenyde. Ibutumy Jesuisi riteytenyre tibò iratityre rilidimyhǝre. Sòwemy iny tyytybybina-di rǝireri mahǝdu riòlòdǝnyre.

⁴¹ Iu tahe ryrmy reamy rǝimyhǝ: —Kai Deuxu Riòretyhy tate. Tii Jesuisi rierymyhǝ tii Deuxu deòdu raremy, tyytybybina wahe. Tai Jesuisi tamy rarybere rybeòkemy.

⁴² Txu ijiramy Jesuisi rare bedero-txi ixisohojile. Iny sòwemy riijemyhǝ. Itxi rearennyre, iatsy deramy rekoamyhǝreny.

⁴³ Tai Jesuisi rarybere tamyreny: —Jiarǝ heka Rybewihikǝ Tǝmyra arelyykre iwitxira hǝwǝ Deuxu Òlòna Tǝmyramy arelyykre. Tuu Deuxu diwateònyde.

⁴⁴ Jesuisi ibutumy Judeia mahǝdu bede bedemy dohodǝnyra rǝiraki rotohodǝnymyhǝre.

5

¹ Jesuisi tahe aho ijǝ-ki rǝire Kenesare aho ijǝ-ki. Iny heka sòwemy Deuxu rybe-ò roholakemy iu rǝimyhǝ.

² Tii robire hǝwòò inatximy roinyimyhǝre. Waxidumy mahǝdu heka rirahure riǝ-di risuhòreri.

³ Idi tahe rimyre hǝwòò. Simaò hǝwò heka rare. Tii tahe ixì-di ritaranyre beroro-ò. Tai tahe tii rexidelenymy relyyre. Kia iny rǝimyhǝ mahǝdu heka ribedeerynymy relyymyhǝre.

⁴ Rexihure rybe-ribi. Idi tahe Simaò-ò rarybere: —Make wa bera-txi. Riǝ bitidike. Bimykemy utura.

⁵ Tahe Simaò rirawònyre: —Wanyrǝ, ruu wa wadireny aòkòhykylemy bedewadireny rareri, uturamy ho aòkò. Tarybete urenana anakre. Aritidikre heka riǝ.

⁶ Tahe ritidireu tahe, riǝ utura sòwemy rimyre, kia rautkieny. Tule riykamyhǝ riǝ.

⁷ Talawò biòwa mahǝdu-ò ryrre: —Bòdòibedenyke bidiwawìohenanybenykemy. Inatxi hǝwò heka rǝxire. Ritǝxinyre utura-di. Ihyy berahatxi-ò ijiramy riwisǝnymyhǝ ilawòreny.

⁸ Simaò tuu robire. Tii Jesuisi ratximyhǝre tahe tatiowomy resere Jesusiko-txi. Simaò Pedro rarybere: —Wanyrǝ, aribi kǝny iòhòmy arǝiòtyhy. Jiarǝ heka waòrarudimy rare.

⁹ Simaòboho bede riòtinymy rabadewore aòma utura sòwemy tamyreny riwahinyraki wahe. Tii tuu iximy rarybere.

¹⁰ Ibutumy tiòboho mahǝdu ribedeòtiidǝnyreny Zebedeu riòre kia Txiau, Joaò-wana. Jesuisi rarybere Simaò-ò: —Brebuòmyke heka ikonana-ò heka utura bimyòkre. Wade dori maaòmysǝdǝnyre hǝbu wadee bimykemy. Tamyreny biwatǝnyre. Iwese utura temymyhǝte wese, wadee hǝbu wiji bimykemy waerydǝnyra mahǝdumy rarekemy.

¹¹ Tahe waxidumy mahǝdu ibutumy kaa tawaxi tariǝ iu ririra Jesuisi riheludunykemy.

¹² Ròirenyre rirònyrenyre ibutumy hǝwǝ-ò. Idi tahe hǝbuò rare ityjjyjjhykyle. Hǝbu Jesuisi robireu tahe resere iko-txi, rexitòenyre: —Wanyrǝ, adeewikeki biwateytenyke.

¹³ Jesuisi tamy tebò ritetemy rarybere: —Kohe, arateytenyke. Tii rehtemy reare.

¹⁴ Tai Jesuisi rarybere tamy: —Iny-ò tahe ijyyòmyke. Xiwena wahidǝydu mahǝdu-ò make. Tai maxiwekre tuu Moisesi bede riywinnyre myna. Xiwenaò heka biwinymy biwahinykre. Moisesi rarybere wese wahe. Iny mahǝdu-ò heka biteòsinykre. Kia riteòsinykre teytetamy.

¹⁵ Tahe ihǝrele Jesuisi ibutumy rieryre. Sòwemy iny heka wirottyre raholakemy. Ijò nade aòma iwebinaduna ibina-ribi riteyteuykemy.

¹⁶ Tahe Jesuisi iribireny aòma rexitòenykemy rexitare.

¹⁷ Ijò txuu ròbedeerydǝnymyhǝ, fariseu mahǝdu, bede ywina rybe bede erydǝyduò-wana ronymyhǝreny. Ibutu hǝwǝ hǝwǝ-ribi dotydenyde wese tahe sòwerenyre, Kalileia bede-ribi Judeia bede-ribi, Jerusalè hǝwǝ-ribi. Deuxu deytana Jesuisi-ki ratximyhǝ. Jesuisi hǝwǝlò-ribi dobehede tii-wana, taerydǝnyra mahǝdu-wana wahe. Tahe sòwemy iny iube-ki ributumy ronymyhǝre.

¹⁸ Iny mahǝduò heka hǝbu iumymy manadu kididydenykemy ratxireri Jesusiko-ò ritidirenykemy. Idi tahe hǝbu webinadu wahe Jesuisi-ò rakemy bede riywinnyre. Inatyhyle riathyhyre.

¹⁹ Inysòwerekere tahe tamy rehemynyrenyòtyhy. Tai tahe hetoratyti-ò raòwònyre hǝbu webinadu-di. Iribi tahe diberesedǝnyde reroti-di.

²⁰ Jesuisi robire, rieryre aòma rityhynymy ratxirennyre. Hǝbu-ò Jesuisi rarybere: —Wy, aòraru heka raixǝwidǝnyra.

²¹ Tahe fariseu mahǝdu he widee raryberenyre: —Mobo kia hǝbu ratxireri, timyhe tuu kia irybeòna rybe-di. Deuxu-ò kia rybe ibinatyhy rare. Deuxu sohojile òraru-ribi iny riixǝwididǝnymyhǝre.

²² Tahe Jesuisi rierymyhǝ timybo rexinohòtinymyhǝreny. Tai rarybere: —Aòherekibo kia wesemy texiraykynnytenyteri.

²³ Tibohe irutaõre webinadu-ò rybe: —Aðraruna reixāwididỹnyra ada myimy mariake aõbo.

²⁴ Deuxu Riõre Hābutyhyhykỹ jiarỹ rare. Tai waruruna wadee Deuxu Riõre òraruna ixāwididỹnyamy. Katahe bierybenykre inatyhymy aõbo rarybereri: —Myike, abyre biwymy asỹ-ò ta mahe.

²⁵ Hābu tabyre rimymy tahe aõwesele tasỹ-ò rare. Deuxu riwowydynymy rare.

²⁶ Sõwemy iny ribedeòtiidỹnyrenyrene. Riwowydynymy rỹimyhỹ. Tiiboho raryberenyre: —Aõwixiramy wiji inyboho robirenryra. Tiu juhū tukõre-ribi wahe robirenryra.

²⁷ Iribi tahe nieru bede dinodu nieru mynydumy robire, Levi heka inire. Tii heka raaõmysỹdỹnymyhỹ tixibo nieru tarasana-ki. Jesuisi tamy rarybere: —Manakehe wawana.

²⁸ Tahe taaõna ibutumy ririre, idi ihemy rare.

²⁹ Levi tahe taheto-ki roxinaõ riõlõdỹnyre Jesuisi dee. Tamy rehemyrenyre nieru arisidu mahādu, tule fariseu mahādu. Ibutumy iny iarixina mahādu.

³⁰ Kia fariseu mahādu kia bederydỹdumy mahādu tyyritirybedỹdu mahādu kie heka aõbina binahylemy rarybereri Jesuisimy. Jesuisi terydỹna mahādu-wana kiamy rarybereny: —Aõherekibo kaiboho teroxitenyteri, nieru arixidu-wana, iõrarudu sõwe mahādu-wana.

³¹ Jesuisi rirawyõnyre: —Iny awimy ratxireri-wana, õhotibedumy reaõmyhỹre. Webinadu mahādule ta tuu reamyhỹre.

³² Òbiti mahādu-ò aõkõ heka jiarỹ anade rybemy. Tiibohole heka ixi-txi tõhõti reakemy idi watxireri.

³³ Tahe tiiboho Jesuisi-ò rarybere: —Joaõ heludu mahādu roxiõmy txumy rỹire. Tule tiiboho rexitõenyrenyrene. Sõwemy rexitõenymyhỹre fariseu mahādu erydỹna tule. Tahe aijoi tahe riroximyhỹrenyrene riõmyhỹrenyrene.

³⁴⁻³⁵ Tahe Jesuisi tamy rarybere: —Hāwymy heridu tỹmyra ijoi ratxikeki heka tiu ito-bidỹnana mahādu wahe. Kia heka riroximyhỹke. Kia tahe tỹmyra iribireny ratakreu, iijoi mahādu renarehekre.

³⁶ Tyky tỹmyraõ tiu tykytyby dõbõnamy iny ritidiõtyhy. Timyki dori wii wiõbydỹõna.

³⁷ Vĩ tỹmyra heka tiu aõirõdu tyky watxiwe yla tyby-ò rarareõmyhỹre, tukeki ta kia raykacre idi vĩ urile rejujukre.

³⁸ Vĩ tỹmyra heka hyna tỹmyra-ò rararemyhỹke.

³⁹ Inyõ vĩ tybyhykỹ riõkeki, itỹmyra rexitõenyõtyhy. Kiamyki rybe. Vĩ tyby dori itỹmyra-ribi awi rare.

6

¹ Judeu elehydỹnymyhỹreny txu kia idi rekoarenryre maixõmoho-di. Ierydỹna mahādu rimyra maixõmo, maixõmo, debõ-di riroxitytxiwimyhỹ riymy idi rare.

² Fariseu mahādu tuu robire. Tamy rỹraxire: —Aõherekibo kia wese tewinyteri. Kiamy heka iwidyõmyke bede ywina rybe rarybemyhỹre judeu elehydỹnymyhỹrenytxumy.

³⁻⁴ Jesuisi tamyreny rarybere: —Ihetxiu Davi tamahādu-wany rama risareu, Deuxu dohodỹna hetowo-ò rirõnyre. Tai Davi xiwena rỹsỹnale taijoi-wana rirỹsỹre. Xiwena wahidỹndule heka irỹsỹdure, inywitxira ta aõkõ.

⁵ Jesuisi ritỹnyreny tamy: —Hābutyhyhykỹ jiarỹ rare, Deuxu Riõre wahe. Kiata sabado wedu jiarỹ rare, elehydỹnymyhỹrenytxu wedu wahe.

⁶ Ixityre ralore dohodỹna mahādu heto-ò rõbedeerydỹkemy. Hābuõ tai rare tebõ rabinamy.

⁷ Tahe fariseu mahādu Jesuisi-ò retehere. Riteyteynykemy kia hābu webinadu judeu elehydỹnymyhỹrenytxu. Rexiwodohonanyre. Kiatxuu tii riwinyrekeki tahe ribinanyke judeu elehydỹnymyhỹrenytxu, riwinykeki wahe.

⁸ Jesuisi rierymyhỹre aõmybo tiiboho raraykynyrenyteri. Jesuisi tamy rryre, —Aõma hābu debõbina-ò: —Mynyke ini, ityarenry-txi.

⁹ Tahe fariseu mahādu-ò Jesuisi rarybere: —Arỹraxikre inihe adeereny, awire adee ka hābu debõ ariteytenyke sabado txuu. Aõbo adeereny awire sabadotxu widỹỹ. Aõwihikỹwidỹmy aõbo ada aõbina widỹỹmy. Rubu-ò wahidỹỹ aõbo ada rubu-ribi itarasa aõbo.

¹⁰ Retehere! Ibutu-ò idi hābu-ò rarybere: —Ebõ inihe biditeõsinyke. Tiu hābu tebõ riteõsinyre tahe, reytere.

¹¹ Reburerenyrene heka. Timybo Jesuisi risỹnyrenykemy rexinohõtinyrenyrene.

¹² Idi tahe Jesuisi heka hāwālõraty-ò rare ixitõedỹmy Deuxu-ò. Rureherehemy heka tamy rexitõenymy bede idi rỹire.

¹³ Txujaramy tahe ludu mahādu-ribi waḍinatxi reurò taheludutyhy mahādu ritare. Tarybemy rybedumy rininirenyre.

¹⁴ Sohoji ijō heka, Simaō inire, Pedromy idi ranire, ijō tahe Andre rare, iseriōre. Idi Txiau, Joaō, Filipi, Bartolomeu.

¹⁵ Mateu, Tome, Tadeu Txiau, (Kia Txiau heka Afeu riōre rare.) Ijō Simaō Kana bedeluduō rare, tasubedeluudure.

¹⁶ Juda Txiau riōre, ijō Juda Isariō tahe Jesuisi tyhedjydu rare.

¹⁷⁻¹⁸ Jesuisi dobehede bedero-ò hāwālō-ribi. Tahe sōwemy iny iheludu mahādu tii-wana rjymyhj. Judeia bede mahādu Jerusalē hāwā mahādu. Tule Kalileia bede, Tiro hāwā, Sidō hāwā mahādu. Tiiboho wii ributunymy hāwā mahādu Jesuisi-ò roholakemy idi reytekemy. Kia tai ròteytedjymyhj.

¹⁹ Ibutumy Jesuisi tyky-ò tamy adereximy risjnymyhjre adeytena iribi ròhònymyhj.

²⁰ Tamyreny retehere tai ibutumy rierynanyreny: —Kaiboho aòkòreny-ki, bey-sebenyke. Deuxu Òlona dori ahòòreny rare.

²¹ Rama arasareri-wana beysabenyke. Bihydymy dori mabekre. Tule tahinyteri wana beysakre ihewo-ribi.

²²⁻²³ Beysamy butxuenykre, inyō umy radònykeki tule. Kaiboho dori Deuxu Riōre tetyhnytenyete jiarj tiire, Hābutyhyhykj Riōre wahe. Kia mahādu eramy ijira Riōre rjykeki beysake. Beysa tyhyki tai. Biu-ki dori aòwiihikj bitakre. Deuxu rybemy rybedu mahādu tule rotjnyrenyre iòraru-ki.

²⁴ Kobe lāhāxe kaiboho ityhy mahādu abedesanareny dorihe rexihura.

²⁵ Kobe lāhāxe ahādnyreny mahādu, aramasanareny dori rehemynyre. Kobe lāhāxe abedesanareny, ahinanareny dori abrunareny rehemynyre.

²⁶ Kobe lāhāxe atyhydjy sōwereny tule dori. Ilabiereny rybemy rybedutyhy aòkò rity-hynyreny.

²⁷ Warybe-ò taholatenyteriki inihe ararybekre. Aòludu luomy atxibenyke amykaradureny-di, awimy idi mabekre.

²⁸ Ibinamy aōma umy rarybekeki aòbinahakj riwinykeki, tamy bexitòenykre Deuxu-ò.

²⁹ Aòsjny-ribi anahatenykeki iyre-ribi iwyòdjymy tamy bexirahòreke. Inyō atyky ri-wykeki tule tamy arahana biwahinyke.

³⁰ Iwese aòtxiu aōna inyō adee rexitòenykeki, tamy biwahinyke ixiby iribi iwydykòkemy.

³¹ Aòbina inyō adee riwinykòkemy atximahāte. Iwese tiu kia aòhòkjmy inyō isjdyjyōmykre.

³² Kai aluu mahādu sohojile iluuoomyke; òrarudu mahādu dori tuu rjymyhjre.

³³ Kai aery mahāduòle tawotòemahāte, timyki Deuxu-ribi aò atarasaōna. Iny itxjte iehēhe mahādu dori widee rawotòemyhjre.

³⁴⁻³⁵ Òrarudu mahādu heka widee rihuòtemyhjre. Iribi tahe iwesele ixiby kidiwykemy idi riwisjnymyhj. Kai ta buhuòtemyhjre idi tehuòtete ixiby iraròsòkòmyke. Tukòkeki ta Deuxu-ribi aò atarasaōna. Aòludu luomy atximahābenyke. Tai Deuxu-ribi aòwiihikj bitakre. Tai Deuxu wihikj riòremy mabekre. Tii dori inywi-ò inybina-ò awire.

³⁶ Awimy kaiboho boibeke, iwese boreny awimy biu-ki ratximyhjre wese.

³⁷ Inyòdee kyarakòmyke tai Deuxu adee rakyarananyheny. Inyō taòraruna biixāwididjnyòkeki, Deuxu tahe aòraruna riixāwididjnyòkre.

³⁸ Ainytyhyke inyòdee imyna Deuxu adee rainytyhynanyhyykre. Deuxu ibutumy aòwi adee riwahinykre. Tiwesebo tòwahite wesemyna idi Deuxu adee ròwahikre.

³⁹ Aòmybo ribedeerynyre ijyyōmy relyyre: —Inyō ruetā heka riwiòhenanyòtyhy iwitxira iny ruetā. Tukeki heka hāloo-txi wiwana resekre.

⁴⁰ Ierysydjy iòrasydjydu, kia ratyre aòkò ratximyhj. Kia uladu ratyritinyre nihikjmy tahe ersydu tiu taerysydjydu ratyre ratxiòmyhjre.

⁴¹⁻⁴² Òwòrukre nihikj aruety-ki roire. Aòherekibo aseriōre ruety-ribi òwòru rjnysiò tarasamy tewisjnyteri. Kia heka itxenadjydu tate. Juhuu òwòrukre aruewo-ribi bitakre. Idi tahe betehemy iruewo-ribi aòsòmo bitakre.

⁴³⁻⁴⁴ Òwòru wihikj tiu bederaty binaò riwahinyòhyymyhjre. Tule òwòru binahakj bederatywiny raratynòmyhjre. Òwòru raerymyhjre iraty-ò itxere rjymyhjreu, beraty-ò retehemy awire ada ibinare aòbo beraty-ò retehemy awire ada ibinare aòbo. Figoraty uvaraty tiu iwitxira òwòru-ribi raheòmyhjre.

⁴⁵ Hābuwi heka aòwimy rotjnynymyhjre iwo-ki tuu rjymyhjremyna. Tule hābu bina aòbinamy rotjnynymyhj iwomy tuu rjymyhjremyna aòbina bina. Inyō dori aòmy raraykymyhjremyna rarybemyhjre.

⁴⁶ Kai rarybere boholaòkeki aòbo biwinykeki. Uritere wanidjyōmy. Wanyrjmy tiwanin-imyhjenyete tahe warybemynamy atxòhylyemyhjenyete.

⁴⁷ Iwese hābu warybe riwinyre wese adee ararybekre. Tiu heka ariteòsinykre.

⁴⁸⁻⁴⁹ Hābuōmy akoreny arelyykre. Tii warybe-ò roholare idi imynany rotÿÿnyre. Tii kiata taheto riwinyre manadelemy ria-di. Beōra iheto reseōhyyre manatyre-ki relereki wahe. Ikōmyta warybe-ò roholakōre, kawese rotÿÿnyre. Taheto uritere sukile riwinyre. Beōrau ta, urile resere. Ikyhynakōreki wahe. Kiamyta rotÿÿnyre warybe tyhydÿÿdu-ò idi ityhydÿÿdukō-ò.

7

- ¹ Jesuisi tarybe rahu-di tahe Kafanaō hāwā-ò rare.
- ² Tai Roma soldado dinoduō tai ihÿmyhÿ. Teōduō tahe binamy irubu iōhōmy roimyhÿ.
- ³ Soldado dinodu Jesuisini-ò roholareu tahe, iōrysmy rarybere. Taita judeu mahādu kia matuariō rexitōenyre aōma kididykremy riteytenykremy kia webinadumy roireri.
- ⁴ Tahe Jesuisi nade juhu be kiamy Jesuisi rarybere: —Ka hābu heka awi biwiōhenanykre heka.
- ⁵ Ka hābu heka waijoi luu nihikÿ rare ihyymy ta dohodÿÿna hetoō riwinyre waijoi-ò.
- ⁶⁻⁷ Tai tahe Jesuisi rare tiiboho-wana. Tehemyny sÿ iōhōmy rare. Idi tahe ryrowetyakile Jesuisi-wana wii riōbnyre. Aōma soldado dinodu kia biōwa-ò wahe. Rarybere he aōma soldado dinodu kiamy rarybereri: —Noōmy heka. Ihārele teka awimy rareōle heka bedehe mynyke. Awi tate tūmy heka anaixiranyōtyhy dori raixÿruwÿhÿre alau adee ixitōedÿÿ-ò aōma dori adee rybe rÿikekile aōweseleke wadeōdu kia reytemy reake.
- ⁸ Jiarÿ dori inydee radÿÿdu jiarÿ rare. Aōbo riwinykemy. Kia riwinyre warybemynale kia heka jiarÿ rare. Wadeōdu-ò rarybewāhāraki heka: —Kia biwinybenyke. Riwinymyhÿreny. Kai tule marybeke, beyteke. Tahe aōwese reytemy reake. Robedeōtiidÿÿnyre, kia tuu rarybereki wahe.
- ⁹ Jesuisi rōkesereri kia rarybemyhÿō wahe: —Jiarÿ ka tiu judeu mahāduy-ki. Hābuōmy rabiō watyhydÿÿnamy. Rabireri riwatyhynereri rabireri.
- ¹⁰ Soldado dinodu deōdu rōkesereri. Ixyby reytereri idi ronyre.
- ¹¹ Jesuisi rare terydÿÿna mahādu-di ijō hāwā-ò. Naī hāwā-ò heka rare. Kiemy rahyymy heka rahyire. Sōwemy iny iheki rare.
- ¹² Hāwā ijō-ki rehemynyreu tahe kia ibutumyle rehemynyre. Sōwemy iny rubudu rareō wabede-ō. Weryrybōo rurure. Ise, wytese, heka iriōre sohojihyylere. Iny sōwemy heka riheludynyre tahi-di taībru-di.
- ¹³ Tai Jesuisi tuu robireu, idi rexiwōtenymy kamy rarybere: —Ibrukōmyke!
- ¹⁴ Jesuisi debō ritidire caixaō-ò. Iu idi itxyydu ruhurenyre. Idi tahe rarybere: —Weryrybō, bexixake wahe.
- ¹⁵ Weryrybō rexixamy reamy ronyre. Idi rarybere. Tai tahe Jesuisi ise-ò riwahinyre.
- ¹⁶ Ibutumy tasÿ mahādu ribedeōtiidÿÿdunyre. Tai tahe Deuxu riwowydynymyhÿreny: —Ebe, aōherewe, Rybedu nihikÿ kÿnyhe witxijumy inydeereny rehemynyre.
- ¹⁷ Kia taheka bede bede hāwāmy Jesuisini reare.
- ¹⁸ Joaō heludu mahādu ibutumy tuu relyyre iko.
- ¹⁹ Inatxinareny Joaō riteōnyre Jesuisi dÿÿraximy kamy wahe: —Kaiwe nodu aōbo tate, ada txiō aōbo ini nodutyhy ariraōrenykre?
- ²⁰ Idi Jesuisi-ò rōirenyre tuu itÿÿraxidÿÿmy; —Kai we nodutyhy tate? Ta txiō aōbo ini ijō ariraōrenykre?
- ²¹ (Iu ta Jesuisi yla aōkō webinadu, binanamy binana mahādu riteytenyra, tyytybybinamy ykdu mahādu, iruetā mahādu sōwemy tule.)
- ²² Irahu-di ta Jesuisi rarybere Joaō ijoi-ò: —Bōōsebenyke. Ibutumy kamy tabitenyta taholatenyta Joaōko-ò tuu belyybenyke: —Iny ruetā bina mahādu retehererimy, Iny ru-tiāre mahādu rariarerimy, tybinamy binana mahādu reytererimy, iny nohōtity mahādu roholarerimy. Iny rubu mahādu heka rubu-ribi rexixarerimy, urimynodu mahādu heka Rybewihikÿ Tÿmyra-ò roholarerimy.
- ²³ Iny bedesa heka rare, warybe tyhydÿÿdu mahādu.
- ²⁴ Joaō heludu mahādu iribi rōhōnyreu tahe Jesuisi rarybere Joaō bededÿÿnanamy: —Aōmybo wahe Joaō-di tōhōtitytenyete aōmy tubedi nohōtitynyre tamy itxerena bederahy tōitenyteki wahe. Otxirade wese yhy-ki idi tahōtitytenyete.
- ²⁵ Aōma hābu urimynodutyhy aōbo tahōtitynytereri. Hābu tyywihikÿdīremy tahe tahōtitynyente. Iwese iōlō taheto wihikÿ-ki ratximyhÿre wesemy aōbo tahōtitynytereri.
- ²⁶ Wadee manarybeke aōbo betehékemy tahōtitynytereri. Deuxu rybeduōmy aōbo tahōtitynyente. Inatyhy tii rare. Kia ratyre heka tii rare.
- ²⁷ Aōma dori tyriti-ki rarybemyhÿre: —Tii heka wakoki kadehemynykemy ratximyhÿre, tamy relyykemy, ryō riywinymyhÿre.
- ²⁸ Inatyhy kaa rare. Tie heka ibutu hābu ratyre ratximyhÿre. Ihārele tahe inyō Deuxu iōlōna-ki ratxikeki heka iratyre ratximyhÿre.

²⁹ Tahe nieru butudÿÿdu mahädu kia-ò roholare. Tule sówemy iny kia-ò roholare. Tiiboho Deuxu bede ywina tyhydÿÿdu mahädu roire. Tule Joaõ Sebedÿÿna mahädu roire.

³⁰ Fariseu mahädu tahe, bede ywina erydÿÿdu mahädu tahe Deuxudeewina dera rare. Tai Joaõ-ò ratisebemy roiötyhy.

³¹ —Mowesebo heka wijinabödu mahädu wesemy ratxireri.

³² Uladu mahädu wesemy tiiboho ratxireri. Tiiboho ijö uladu mahädu-ò rryrymyhÿre: —Inyboho rawiunyre, tahe kaiboho teseötyhy. Wobina wiu rawiunyre tahe kaiboho tahinyötyhy.

³³ Joaõ Sebedÿÿdu renareherenyömy rÿire, vïi riöðre. Ihäre tahe kaiboho tarybete: —Tii tytybybina-di ihÿre.

³⁴ Häbutyhykyÿ jiarÿ rare, Deuxu Riöre wahe. Jiarÿ reroximyhÿre tule reömyhÿre. Tai tahe tarybemahäte jiarÿ wabyre nihikÿlemy wamomohökÿremy. Jiarÿ riki òrarudu liinatyhy heka jiarÿ rare, nieru tarasadu liina wahe.

³⁵ Ihäre tahe aökökölemy heka taraykynymyhÿtenyte ihäre taheka öbitilemy ixi-di tahötinymahätenyte.

³⁶ Fariseu mahäduö heka Jesuisi ritobinyre taheto-ò roximy. Jesuisi tahe rare idi ronyre roximy.

³⁷ Kia häwä-ki tahe häwyyö rasÿnyre, wydena wahe. Tii heka Fariseu heto-ki riroxirerimy roholareu, tii tule rare. Tahe hyna öwyhykyÿ rimyre. Alabastro aderönahynani rare.

³⁸ Häwyy tahe Jesuisi hewomy ronyre, iöhömy. Tahe aderöna ritxiwire iwatyre. Tule iwa-ki ruworuwömy ratximyhÿ irube-di iwa risuhöra idi irade-di rabunyre.

³⁹ Fariseu kiamy robireu, ixideele rarybera: —Kia häbu Deuxu rybeduö aökö rare. Tuukeki tii häwyy rieryke aöhäwyybo tii ratxireri.

⁴⁰ Jesuisi tahe fariseu-ö rarybere: —Simaö, adee ararybekemy watzireri. Simaö tahe rarybere: —Manarybeke Waerydÿÿdu!

⁴¹ Tahe Jesuisi rarybere: —Nieru huöteduö heka inatxi häbu-ò nieru riwahinyre. Ijö 500 rihuötera, ijö tahe 50my rihuötera.

⁴² Idi tahe häbu inatxi nieruöhyymy rÿire öösemý tanieru tamy. Tai tahe nieru huötedu riwotöhenyrenyre tahe ritusanyre, wiwana iöwy riixäwididÿÿnyre. Tibo huötedu ilähänadÿÿdu tyhyre.

⁴³ Simaö dirawyyönde: —Kia ösana 500my rihuötere. Tahe Jesuisi rarybere: —Inatyhy rare.

⁴⁴ Jesuisi tahe häwyy, riijemy, tahe Simaö-ö rarybere: —Kahäwyy ini bidiijeke. Jiarÿ nadehemynydeu, tii tarube-di wawa risuhöra. Kai beeö tadiwyöte. Tii tarube-di riwawasuhöra. Iu tarade-di riwawarabunyra.

⁴⁵ Kai tiwawehityhynanyöte rehemyyrau, tii tahe riwaatyöhyymy ratxireri.

⁴⁶ Kai warade-ki ölyre tetxiwiöta tii tahe aderöna wawatyre-ki ritxiwire.

⁴⁷ Tai tahe adee ararybekre. Tii inatyhymy waluure. Taðraruna ixäwidÿÿna-ki. Inyö òraruna ibutemy raixäwidÿÿnymyhÿreki, tii inatyhymy aökö taðraruna ixäwidÿÿdu luure. Ijö tahe inatyhykyÿlemy taðraruna ixäwididÿÿdumy reamyhÿre.

⁴⁸ Tai Jesuisi häwyy-ö rarybere: —Aðraruna reixäwididÿÿnyre.

⁴⁹ Tai roxidu mahädu widee raryberenyre: —Mohäbubo kia rare? Tii òraruna ri-ixäwididÿÿnyrerimy.

⁵⁰ Tahe Jesuisi häwyy-ò rarybere: —Atyhydÿÿnamy textitarasadÿÿnyte aðraruna söwe-ribi biu-ö hena tetateri. Mata hÿny.

8

¹ Rexideleny raremyhÿ ralöralömy häwä häwä ikökömy reamy rare kia aöma Deuxu Rybewihikÿ Tÿmyra relymy rare. Tai ierdÿÿna mahädu waöinatxi reurömy idi röirenyre.

² Tule häwyyö tiiboho wana röirenyre Ijöta Marie Madalena heka rare. Juhuu tahe tytybybinahakÿ-di raremyhÿ. Idi debö inatxi reurömy tytybybina iribi riölödÿÿnyre.

³ Ijöta Joana Kusa häwyy rare. Tii iölo Herodi heka aömÿsÿdÿÿdu heka rare. Tule ijö häwyyö Susana inire. Idi tule ihona hona Jesuisi taijoi-wana ibutemy tanierureny-di riwiöhennyrenymyhÿre.

⁴ Idi iny söwemy titxiribibo dirahude kia-ò. Kia mahädu-ò heka Jesuisi ribedeerynyre ijyyömy.

⁵ Alöböröna-di dehudu heka rõhönyre taoworu-ò. Alöböröna-di imahädu ijö ryro-txi resere. Tai heka iny rariamyhÿre alöböröna tyre-ki. Nawii tule tuu riroximyhÿ.

⁶ Mana rotysu-txi ijö rejuxunyreri mana rotysu-txi suu dori ibututere tai tahe iraruxiölemy raumynyre.

⁷ Ijö tahe edey-txi resere. Raumynyre tahe edemy riöhÿtÿnyre.

⁸ Ijö resere suwi-txi. Tai ta raumynyre idi sohoji alöbörönaty-ribi 100my raratyne. Jesuisi tamy rarybere: —Kaiboho öhötirenidykeki heka inatyhymy warybe-ö bohölabenyke.

⁹ Tai tahe Jesuisi-ò rÿÿraxinyrenyre: —Aõwe kaa tekewesenanyteri?

¹⁰ Jesuisi rirawýõnyre: —Kaiboho heka teerytenyte aõbohe wasimy ijyy rare Deuxu dori adeeremy ritÿnyynyre. Kia tahe rare, Deuxu Iòlõna aõmydÿÿnana wahe. Ijõ iny-ò tahe rarybere ijyy-di relyyre.

Tai robikre tahe, rieryõtyhyke. Roholarenkre tahe rieryõtyhyke, timybo juhuu Deuxu rybemy rybedu mahãdu rarybere wese.

¹¹ Aõmybo kia aõijyybo kia rare wahe. Alòbòrõna heka Deuxu Rybewihikÿ wese rare.

¹² Ryro-txi resere heka ijohonadu wesemy rare. Deuxu ijyy heka resera ede sõwey-ki. Tii heka Deuxu Rybe-ò roholamyhÿre mahãdu wese rare. Idi tahe Satanasi heka ritamyhÿre iworeny-ribi. Tai rityhynrenykrõmy idi biu-ò rahenyõkremy.

¹³ Ijõ tahe manasuõ-txi resere heka, kia Deuxu Rybe-ò roholamyhÿre mahãdu wese rare. Rybe-ò juhuu roholamyhÿre deysana-di rityhynmyhÿre. Kia manatyre resera heka irarutiõhykre. Iny mahãdu wese heka rare. Idi ikyhynakõreki, iwodelòlõtõmoreki urile tatyhydÿÿna riatymyhyre.

¹⁴ Ijõ tahe edesuky-txi resere heka, kia Deuxu rybe-ò roholamyhÿre, idi iworekena sõwemy, iaðdelòlõtõmomy, idi ityhyna wahe urile riòhõtÿnymyhyre. Tai ròwiðhenadÿÿðhyymyhyre Deuxu tyhydÿÿna-ki. (Kia tahe alòbòrõnaõ ede yky-txi resera tahe iny umy witxira wesemy heka rare. Iny umy tyhyna idi ratxireri heka kia wesemy kia ede-txi iny reseremy. Aõma kia inytyhyna ratxireri. Tiu heka ityhydÿÿna riòlòdÿÿõtyhy. Kia alòbòrõna tahe tai heka rokuõtyhy.)

¹⁵ Kia ijõ alòbòrõna suu witxi-txi reserã tasÿ iwitxira inywesemy rare. Kia ijohonadu aõma rierymyhyre. Irayky-ò ralõmyhÿre. Kia iwotyhywo-ò õbitimy ratxireri tahe, õbitilemy aõ riwinymyhyre. Iwese kia alòbòrõna sõwemy raty rawahinyre wese tahe tii rare.

¹⁶ Ijõ ijyy tahe kiamy roire. Uritere inyõ loosõnaõ rideõmykre butxi rawo-txi ada herina rawoõ-txi aõbo. Loosõna bidekre bedewiõ-ò. Tai tahe ibutumy bede ritoosõnanykre.

¹⁷ Aõ heka tai wasimy ratxiõhyymyhyre. Aõutxumy dori ibutumy erynamy rarekre.

¹⁸ Tahe hexijebenkre ijohõna-ò. Kia sõwemy idi rÿirerimy ihÿre heka sõwemy rimykre. Kia urihimyo iwo-ki rÿireri heka iribi ritakre. Idi ibutumy rÿireri heka iribi ritakre. Urihimyo iribi iny ritakre. Urihimyo iwo-ki rÿireri heka hulemy iribi ratakre.

¹⁹ Jesuisise, tariõreboho tamy doide. Tii ròbedeerydÿÿmyhyki isirare tamy dehemysÿ iny sõwe òraru-ki.

²⁰ Tai inyõ Jesuisi-ò rarybere: —Adihe wa aseriõre boho hewa ahanakile ratxireri umy robikemy ratxirenryeri. Adeẽ rarybekemy.

²¹ Tai Jesuisi rarybere: —Waseriõre wa kia Deuxu rybe erydÿÿnaõ rare. Kia tamy roholamnyrele heka rityhynmyhÿrele heka nadi wesele rare. Tii-wana iwese waseriõre wesele rare.

²² Iribi tahe hãworo rorukurenryeu Jesuisi rarybere: —Ròkõireny kanawe-ribi ijã-ò. Idi tahe roirenrye.

²³ Jesuisi rõrõmy tòru-ki. Idi tahe yhynihikÿ òbõnihikÿ-wana tamyreny reare. Ruberurenrye tiiboho rÿmyrenyke lau.

²⁴ Tai tahe wylemy riixixanyrenyre: —Erydÿÿdu, Erydÿÿdu rekekoarenkre berahatxi-ò. Idi Jesuisi donymy deademy tahe yhy dee rarybere: —Biyryke, Biyrykewa. Yhy ruhumy resere. Òbò tule ruhumy ibutumy riyyre, iny rurukre.

²⁵ —Kaiboho tiwexe ainatyhynareny? Tiiboho rabedeõtidiÿÿmy ruberumy wídee raryberenrye: —Aõhãbuwe kaa rare. Yhyhykÿ dori òbò dori irybemy reõbyreri.

²⁶ Kanawe-ribi ijã-ò rehemnyrenyre Kerase bede-ò kalileia aho weribi-ò.

²⁷ Hãbuõ heka tamyreny dobehede hãwãhãkÿ-ribi tamyreny dobehede. Tiiboho riõtÿrõny hãwãro-ribi iu ta tytybybina-di ratximyhyre hãbu tiu rexitynyõhyymyhyre taty-di hyymyhyre. Kiamy wabedekihyyle ratximyhyre.

²⁸ Jesuisimy robireu tahe bedetxile resere tairy-di ryryre: —Aõhebo biwasÿnykre Jesuisi. Kai Deuxutyhy Riõre atxiteri. Uritere aõhõkÿmy wasÿdÿÿõmykre.

²⁹ Tahe Jesuisi heka tytybybina iribi riòlòdÿÿnyre. Sõwemy dori riuwinyre hãbu rimymya. Riuwinyre idi rihure. Tai heka tii uritiere womati reroti-di ritaataamy riijemyhyre. Ihãre tahe ixi-ribi riòrõmyhyre. Tai bedero-txi reamyhyre tytybybinamy rawonymy.

³⁰ Idi tahe Jesuisi rÿÿraxire tamy: —Mobo anire? —Sõwemy wanire. Tytybybina sõwemy dori tuu rexikykyreki.

³¹ Tiiboho raryberenrye: —Uritere bedebinahakÿ-ò wateòdÿÿrenyõmykre. Uritere sÿu-ò noõma rarekremy hãlootxi-ò.

³² Iu tahe ix̄ñi juramy riroximyh̄ hāwālò-ki. Tai tyytybybina mahādu Jesuisi-ò rarybere: –Biwateònyòke. Kowa ix̄ñijura-ò biwateònybenyke aralorenkykremy. Tai Jesuisi riròtenyrenyre.

³³ Iu kia hābu-ribi tyytybybina ròhònyrenyreu tahe ix̄ñiwo-ò ralòreki wahe. Raòlònyra ijò-di rejuxunyre taraò wahe. Ibutumy ahoro-txi rejuxunyre. Ibutumy rururenyre berahatzimy.

³⁴ Ix̄ñi-di itxeredu mahādu ibutumy rajiranyra hāwā-ò tule relyyrenyre tuu iny ras̄nymyh̄re mahādu-ò.

³⁵ Tai iny dirahude tamy itxeremy. Idi tahe rare Jesuisi-ò. Hābu robimyh̄renyre tatyky-di ronmyh̄ ibutumy rexiywinymy Jesuisi-ribi iòhòmy ronyre. Kia iny mahādu heka sòwemy ruberure rabedeòtid̄ȳnymyh̄re.

³⁶ Ibutumy relyyre. Kia tyytybybina timybo aòhebo rot̄ȳnyremy.

³⁷ Kia Kadara bede ludu kia mahādu tahe rexitòenyre Jesuisi-ò iribi ròhònykremy, ilau ruberurenreki wahe. Idi tahe Jesuisi ròkòsere ix̄ybyle reare hāworo-ò.

³⁸ Hābu tahe rexitòenyre Jesuisi-wana rakremy, kia tyytybybina-di iwo-ki ratximyh̄ wahe. Tamy rarybere:

³⁹ –Aòkòre bòkese aheto-ò. Ibutumy belyyke aòbo adee Deuxu riwinyremy. Tai ta ibutumy hāwā hāwā-ò relyyre aòhebo Jesuisi ris̄nyremy.

⁴⁰ Kia iny sòwehek̄y mahādu heka teysa-di rimyre ridyremyh̄re riraòhyymy ratximyh̄reny.

⁴¹ Kia hābu dohod̄ȳdu hetowo eryd̄ȳdu tahe nade Jesuisi-ò. Tii heka dohod̄ȳnana dinoduò rare. Ijairu inire Jesuisi-ò sutxi resere: –Mynake was̄ȳ Jesuisi

⁴² Jiar̄y wa wariòre sohojile rare waòinatxi reuròmy iwyrā. Tii ka rurukremy roireri. Idi ta Jesuisi rare is̄y-ò. Sòwemy iny Jesuisi riheludunyre.

⁴³ Hāwyyò raremyh̄ heka hāwyy webinadu rare iòhò Jesuisi rexis̄ny waòinatxi beòramy heka idi ròhònyre hykyky hālubu ratxireri. Tiu heka inyò reteytenyòh̄nymyh̄re luahid̄ȳdu, òhotibedu mahādu he risiranre.

⁴⁴ Tai tahe Jesuisi tykysi-ò reare. Tai ta aòwesele reytemy reare.

⁴⁵ Jesuisi rarybere: –Mowe watxi reare? Ijò rarybereri: –Eryd̄ȳ mahādu aòkòre, jiar̄yboho aòkòre. Pedro rarybere: –Aòheta sòwe iny kaki r̄yireri. Timykibo tuu t̄ȳrayiteri.

⁴⁶ –Jiar̄y dori reeryre. Mobo watxi rearaule reytera.

⁴⁷ Tiihe hāwyy ratxiremyh̄ ramytatamy. Tamy ramytatamy heka tamy rehemynyre. Iòraò rexibedenyre. Ibutumy iko tuu relyyre. Aòherékibo itxi reriramy.

⁴⁸ Tai tahe Jesuisi tamy rarybere: –Ler̄y, atyhyd̄ȳna myna teyteta. Ta bexiywinymy-tah̄ny maa!

⁴⁹ Kie raryberemyh̄wanale tas̄y iny witxiraòle dehemynyde. Kia aòma dohod̄ȳna wedu heto-ribi dehemynyde. Ijairu-ò rarybere: –Ariòre wa rurura. Uritere ta òhotibedu-ò ijiraòma ixinamy tii rakre.

⁵⁰ Jesuisi kia-ò roholareu tahe Ijairu-ò rarybere: –Urile bityhybenykre. Breburenyòma tii reytekre.

⁵¹ Tii rehemynyre heto-ò. Jesuisi ralòre iny deramy reare. Tii wana rake lau. Kia uladuse, uladutyby, Pedro, Txiau, Joaò wana kiale ralòre tamy tiiboho wana.

⁵² Ibutumy ras̄ybinamyh̄ Jesuisi rarybere: –Ibryrenyòmyke hewa rurumy aòbo roire, urile ròròmy roireri.

⁵³ Ibutumy rieryrenyireri tiiboho urile tai idi risinyrenyre rurumy roimyh̄ki.

⁵⁴ Jesuisi ihāre ta hirari debò-ki rimyre. Tai tahe idi rarybere: –Hirari, bexixamy, bodonyke.

⁵⁵ Itytyby aòwesele ixityre tamy ralore. Dexixade, donyde. R̄ys̄na hirari-ò ri-wahinykemy Jesuisi rarybere.

⁵⁶ Tai tahe tybyboho sòwemy rabedeòtid̄ȳrenyre rabedesarenyre. Jesuisi rarybereri: –Urile wamy ijyrenyòmykre. Aòbo adeereny rewinyramy.

9

¹ Jesuisi tahe tawaòinatxi reurò taeryd̄ȳna mahādu ributumy. Taruru tamy riwahinyre tyytybybina iny-ribi ritakremy. Tule iny webinadu mahādu riteytenykre.

² Tule rarybere tamyreny: –Kaiboho belyybenykre Deuxu kia Iòlònamy tule webinadu bitytenybenykre.

³ Aò awanareny wyd̄yrenyòmykre debòna aòkò, aòna hyna tule aòkòre. Tule rys̄nake aòkò, nieruke aòkò. Ainatxityyke aòkòre.

⁴ Hāwā-ki hetoò-txi malòkeki taile bonykre. Hāwāribihyyle bòhònykreu, kia heto-ribi bexitakre.

⁵ Ibinamy aramyrenykreki, urile bixitakre. Idi òlòna-ki, awa bitòtynykre ibinamy tai tahatenyaki.

⁶ Tiiboho ròrenyrene hāwā sōmo sōmo-di Rybewihikŷ Tŷmyramy relyyrenykeny ròrenyrene. Tule iny webinadu ibutumy iteyteynyrenyrene hāwā hāwā-di.

⁷ Idi tahe iòlò Herodī ibutumy heka aōna aōna rierymy ratximyhŷ. Tai tii bede ryy rieryōhymy ratximyhŷ aōbo riwinykre. Roholamyhŷre heka iny rybe rybe-ò. Joaō heka rexixamy ratxireri.

⁸ Ijō tahe kiamy rarybereri: —Eliasile ratxireri. Ijō rarybere Deuxu rybemy rybeduō ratxireri.

⁹ Tai tahe Herodī kiamy rarybereri: —Jiarŷ heka Joaōra resymy rewahinyrene. Mobo ratxireri iwese Joaō raremy wese he ratxireri. Moobo ta kiamy raholamy watzireri. Tai Herodī tuu robikemy riwisŷnymyhŷ.

¹⁰ Jesuisi eryna iko relyymyhŷreny ibutumy aōbo aōhebo rotŷŷnyrenyreny tabededŷŷnana. Jesuisi riòlònyrenyrene ijō hāwā witzira-ò, Besaida hāwā-ò wahe.

¹¹ Tai iny sōwemy hekŷ rieryōlemy idi ta rieryreu tahe sōwemy ihemy rare roirehe. Jesuisi he ributumy ikole relyyre. Deuxu iòlòmy relyymyhŷre. Tai ròteytedŷŷmyhŷ webinadu mahādu.

¹² Aōtxu tahe katxioromy Jesuisi eryna mahādu, waòinatxi reurò mahādu tamy raryberenyrene: —Bede biywinyke ibutumy iny rŷireri hāwā-ò-ta tarŷŷna òbradŷŷmy. Inyboho dori bedero-ki ratxirenryeri.

¹³ Tahe Jesuisi rarybere: —Kaibohole rŷŷna biwahinybenyke. Rirasŷnyrenykeny ierydu mahādu diwyònydenyde: —Aōheretahaka, iruyre orotxu idi inatxi uturale heka roireri. Aroikemy aōbo wadireny atxiteri rŷŷna òbradŷŷmy inysōwe-ò.

¹⁴ Txibo 5000 hābu sōwemy heka rŷimyhŷ. Jesuisi rarybere: —Bihitxinybenyke 50 iny heka iny bisŷnybisŷnybenyke.

¹⁵ Tii myna ieryna mahādu rotŷtŷnyrenyrene.

¹⁶ Idi tahe Jesuisi utura inatxi, orotxu iruyre rimyre. Biu-txi reteheremy rexitòenyrene. Deuxu reàlāre tamy rexitòenyry rieryrenyry riwahiny taerydŷŷna mahādu-ò. Riwyrenyrene tahe riwahiriwahinyrenyry idi roire.

¹⁷ Ibutumy riroxirenyrene idi rihiydyrenyrene. Ihāre ta waòinatxi reuròmy hyna ixyby rŷximy rauhenyrene. Idi ierydŷŷna mahādu ixyby ributunyre.

¹⁸ Jesuisi heka ixisohojile rare ixitòedŷŷmy. Ierydŷŷna mahādu heka irarò-ki rŷimyhŷ riijemy rŷimyhŷ. Idi tahe tamy nade tŷŷraximy: —Mobohe jiarŷ raremy wamy raryberenyrenyri?

¹⁹ Tai narybedenyde: —Ijō Joaō Sebedŷŷnamy adireri. Ijō ta Eliasimy adireri. Ijō ta juhuu Deuxu rybedu mahāduōmy adireri.

²⁰ Jesuisi tamy rarybere: —Adeereny tahe. Mobo jiarŷ watzireri. Idi Pedro rirawyònyrene: —Kai Kristu tate, Deuxu deòdŷŷna wahe.

²¹ Tahe Jesuisi tamy rarybereri: —Uritere tuu iny-ò ijyykōkremy.

²² Jiarŷ Hābutyhyhykŷ, Deuxu Riòremy, aōhōkŷmy arotŷŷnykre. Judeu wedu mahādu, xiwena wahidŷŷdu wedu mahādu, bede ywina erydŷŷdu mahādu waderamy reakre. Jiarŷ arurukre. Inataōna txu-di arexixakre.

²³ Idi ibutu-ò rarybere: —Wahemy kanake mahādu urile ixi dee rexiiōnykre. Txuō txuōlemy taitxeò rimymy kidiwaheludunykre.

²⁴ Waòrary-ki rubudu heka biu-ò hedukre. Tukōkeki urile ixinany inatyhymy rurukre.

²⁵ Aōmydŷŷnanamy iny ritakeki, tahe taumy riònonykeki, kia heka aōmy aōkōkre.

²⁶ Inyō raixŷrukeki warybe lau tule jiarŷ Hābutyhyhykŷ, Deuxu Riòre wahe, tai ilau araxŷrukre. Deuxuko-ò ŷjuko-ò iu adehemynysŷu Deuxu Iòlòna-ki wahe.

²⁷ Inatyhymy heka adeereny ararybekre. Ijō kaki rare. Deuxu Iòlònamy robikre tarubukōtyre

²⁸ Tahe debò inataō txuu rŷidi, Pedro, Txiau, Joaō-wana Jesuisi ridyre. Tiiboho sohojile bederatò-ò roire Deuxu-ò rexitòenykeny.

²⁹ Jesuisi rexitòenyrenyry tii tamyreny rexiwitxiranyrene iu rexitòenyreu ity heka urile rabòtòranyrene. Iurahakŷmy relere.

³⁰⁻³¹ Tahe tamyreny dexitŷnynynde Eliasi, Moisesi-wana tahe rarybemyhŷre Jesuisi-wana. Jesuisi rubunamy Jerusalē hāwā-ki widee rarybemyhŷrenyrene, kia Deuxu bedeywidŷŷnana myna.

³² Pedrobobo rōrōenyrenyri. Idi tahe rexixarenyreu, tiiboho Jesuisi loosònamy robirenyrene. Eliasi, Moisesi-wana tiiboho tuu robirenyrene.

³³ Ròireri, Pedro rarybere Jesuisi-ò: —Wawedu, awityhymy inyhe inyboho kaki ratxirenryeri tahe rikiwinyrenykre inataō hetomy, ijō adee, ijō Moisesi-ò, ijō Eliasi-ò. Pedro rieryōlemyhŷre aōmybo rarybemyhŷ.

³⁴ Tai rarybereu Nonoe dobehede iubòròna bede ritòbònyre. Pedro, Txiau, Joaò-wana ruberumyhÿrenyremy.

³⁵ Tahe ròhònyre reare rybeuni iuribi: —Kia heka Wariòre waluu rare. Kaiboho tamy bohohabenyke.

³⁶ Tiiboho reteherenyre tahe inyòmy robiòlerenyre Jesusilemy ta robirenyre. Tahe rybeòmy rÿrenyre. Iu inyò-ò aòmy raryberenyòre tuu.

³⁷ Tai tahe ijò txu ratò-ribi dehemynydeu iny sòwehekÿmy Jesuisi-ò ròirenyre.

³⁸ Inyò rarybere: —Erydÿÿdu, wariòre adee redyteri. Beteheke wariòre sohoji-ò.

³⁹ Tyytybybina rimymyhÿreu tahe riatyre bede-ò. Idi tahe urile txuu riyiyidÿÿnymyhÿre.

⁴⁰ Aerydÿÿna-ò jiarÿ rarybera tyytybybina riteònykremy, tahe tiiboho riixãwidÿÿnyòhyenyre.

⁴¹ Jesuisi tamyreny rarybere: —Tiwesebededÿÿnanabo wjinabòdu ityhyòlemy rÿira. Tiwesebededÿÿnanabo akyreny-ki ariijekemy. Wadee uladu bididyke.

⁴² Tahe didydenyde Jesuisi-ò. Tahe tyytybybina urile riitxÿteitxÿtenemy resere. Idi tahe urile bede-ki rexiraòhòhòremy sutxi resere. Idi rarybexinymy. Rybexi irywomy ròhònymyhÿ. Jesuisi tahe tyytybybina iribi riòlòdÿÿnyre uladu riteyteyre. Idi uladu tyby-ò riwahinyre.

⁴³ Ibutumy iny Deuxu aòwidÿÿna-di bede riòtiinyre.

Jesuisi taerydÿÿ mahãdu-ò rarybere:

⁴⁴ —Boholatyhyki warybe-ò, Deuxu Riòre Hãbutyhyhykÿ heka rawahidÿÿkre hàbu mahãdubinaò-ò.

⁴⁵ Tiiboho rierykòlere. Kiamy dori ilaureny riwore. Tahe ruberurenyre tÿÿraxidÿÿki.

⁴⁶ Ryro-ki ierydÿÿna mahãdu widee rarybemyhÿre: —Mowexe wiratyre ityhykremy.

⁴⁷ Jesuisireny rexiraykynymyhÿreny rieryre. Idi tahe uladuò rimymy rarybere. Jesuisi uladuò wana ronyrenyra.

⁴⁸ Tahe taerydÿÿna-ò rarybere: —Moò uladu ka wese wadee riwiòhenanykeki, riwawiòhenanyre. Moò riwawiòhenanykeki, tule waha riwiòhenanyre. Mobo deòdumy reakre, tii ibutu ratyrekre.

⁴⁹ Joaò tamy rarybere: —Erydÿÿdu, jiarÿboho riòlòdÿÿnyrerimy tuu rabirenyra inyò tyytybybina-di animy rehureriò. Tahe iny mahãdureny aòkò rare. Tahe jiarÿboho tamy reiònyrenyre iny inyijoiirenyre aòkòki.

⁵⁰ Tahe Jesuisi rarybere: —Bijjònybenyòkre. Inyò inymyrenyòdukòkeki, inyweribireny-ki tii rare.

⁵¹ Tahe Jesuisi bededÿÿnana iixihidu iòhòmy idi biu-ò rakreu, tii Jerusalê hãwã-ò rakremy rexiywinyra.

⁵² Tahe takomy inybutu bede riywinyre. Tai itÿhinamy rutòmy Samaria hãwã-ò.

⁵³ Tai tahe Jesuisi deramy rekoarennyre Jerusalê-ò ramyhÿreki.

⁵⁴ Txiau Joaò-wana kia rierymy tahe narybedenyde: —Wanyrÿhÿkÿ, adee wikeki heòty biu-ribi ityreneny kedesekeye aritxuhorenykre risòrenykre.

⁵⁵ Tahe Jesuisi irybereny-ki ibinamy rahare tahe reburemy taò riòòsere iribireny.

⁵⁶ Idi ta iwitxira hãwã-ò roire.

⁵⁷ Tahe Jesuisi taerydÿÿna mahãdu-wana roirenyreu, hàbuò tamy rarybere: —Ihymy awana arakre titxibo makreu, ahekile arakre.

⁵⁸ Tahe Jesuisi tamy rarybere: —Ijòrò heka ihãloo dire. Nawii tÿtÿ dire. Tahe jiarÿ, Deuxu Riòre wahetoòre, Hãbutyhyhykÿ rare hàrele.

⁵⁹ Tahe ijò hàbu-ò rarybere: —Biwaheludunyke. Tahe tii dirawyònyde: —Wanyrÿ, Waha heka rurura. Tai tahe juhoo arituunyke.

⁶⁰ Jesuisi rarybere: —Txioinihe, rubu mahãdu wii rituunyke. Kai tahe makre Deuxu Iòlònamy belyyke.

⁶¹ Ijò rarybere: —Wanyrÿ, araheludunyke. Urile juhoo wasÿ mahãdu arawehityhy-nanykre.

⁶² Tai Jesuisi dirawyònyde: —Inyò ritelenykeki, tahe ixiby òòsemy rexinoòtynykeki, tii waheludu mahãduòmy rareòtyhy.

10

¹ Jesuisi 72 hàbu heka ritare inatxi inatximy tako-ò tihãwãhãwãtxibo rakreò bede riywinyre. Kiamy tamyreny rarybere: —Waijyymy rybemy boibenyke.

² Kiamy heka tamyreny rarybere: —Waaòmysÿdÿÿna heka inihikÿ-di isirare. Iwese maixòmo iny riòròmyhÿre wese heka waaòmysÿdÿÿna rare. Maixòmo oworu heka inihikÿre, idi aòmysÿdÿÿdu heka ibutere. Tai oworuwedu-ò aòmysÿdÿÿdumy bexitòbenybenyke, Deuxu-ò wahe.

³ Kiaboho heka budoeni wesemy iyreny-ki boibeke. Kia-ribi nohòti losaòmykre.

⁴⁻⁵Tai heka bexiijebenykre anierureny wydyōmy. Aōna aōna renyhynykeō aōkō awareny wydyōmy iny-ò ryberenyōmy iny iny-ò ryberenyōmy, rywetyatyamy abededyyna nodyymy. Inyheto-ò malokreu Deuxu deysanamy birybenybenyke.

⁶Tii adee awirenykre wana heka teysakre kahetoludu. Tai tahe ixibyle adee Deuxu deysana ròsekre adee awiōhyykeki wahe.

⁷⁻⁹Aōma hāwā-ò malò-wana uritere deuròsò deòròsòomy matximahāke. Tai tehemynmy atxiterikile bexiijemahā tetxilemy. Uritere rysyna òta òtaō aubeò ritidi wana uritere rybeòlòomy. Birysymy rybeòlemy. Awìheddyymy ruruke wana bimymyhý aōbo adee riwahinymyhýre. Iny raaōmysydyymyhýre heka ròtamyhýre. Kia wese heka biwinymyhýke. Birysmahāke aōbo adee riwahinymyhýke. Binaō roiwana biteytenmahābenyke. Kia wesemy tamy marybeke: —Deuxu Iòlòna heka iòhòmy ihýre.

¹⁰⁻¹¹Hāwā-ò birònykeki, inyò aradyrenyōkeki, boibenyke hāwāky-di. Myý marybebenyke tamyreny: —Aōbo wawa-ki hāwā-ki rýreri. Wawa aritòtynykre bryby iribi ròhònykremy. Adeereny ariteòsinykre nohòti ijaranamý tamyreny. Nohòti losarenyōmy Deuxu Iòlòna adeereny iòhòmy dehemynde. Tahe kaiboho teramy tekoatenyte.

¹²Aōma ywisidyynatxu heka tiiboho aòhòkymy rotýnyrenykre. Jesuisi rarybere: —Tiro hāwā Sidò hāwā heka awimy aribireny ròhònykre.

¹³Kobe lāhāxe kai Korasī hāwā, tule Besaida hāwā. Òhotibe ayreny-ki rýre, kia heka Txiru hāwā, Sidò hāwā tule kire-wana taò òta òtareny-ribi rexiatyreny. Tiiboho tykysausuhukýtyre rexisyny bryby-di rexiereny.

¹⁴⁻¹⁵Òhotibetxumy heka Deuxu raruxetòenykre Txiru hāwā mahādu, Sidò hāwā mahādu! Kaiboho tahe aōkore. Deuxu araruxetòenyōkre. Kai Kafanaò hāwā yludu mahādu aōbo adeereny rotýnykre. Biu-ò aōbo bòibenykre. Aōkò heka heòtybina bede-txi heka boibenyke.

¹⁶Tahe Jesuisi taerydyyna mahādu-ò ixiby rarybere: —Inyò aradyrenykre wana tasý-ò. Iwese riwadymyhýre wesele, aradyrenykre. Moo adeereny roholamyhýre iyubu wadee roholamyhýre. Wana tahe waderalemý reamyhýre. Waderamy reamyhýre tahe tule Waha deramy reamyhýre. Deuxu wateòdydu wahe.

¹⁷Tanonanareny-ribi iribi tahe kia erydyyna mahādu ibutumy dòòsedenyde. Tiiboho heka teysa nihikymy dòidenyde. Tybybinanahaký heka irybe-ki ròhònyhýre irybereny-ki. Riòlòdyynymyhýreny wana Jesuisini-di heka ròhònymyhýre kiamy Jesuisiko-ò tuu rlyreny.

¹⁸Tii rarybere tamyreny: —Bexiijebenyke jiarý dori Satanasy biu-ribi rabire, biudelaa wesemy reseremy tuu rabire.

¹⁹Inatyhy rare waruruke nyderi rewahinyre. Tai hemylala tyre-ki mariabenykeki. Tiu inyò ruruòtyhy itytibòrò nihiký arawerenykeki, tiu buruòtyhy. Tule kai aòludu rururatyre arurureny-di boibekre.

²⁰Ihārele tahe uritere deysarenkòmy atxibenyke ka ruru òraru-ki tyytybybina deòdyyna, ruru wahe. Kaiboho dori anireny raritiny roimyhýre biu-ki kia ta ateysanarenykre.

²¹Iule tahe Jesuisi reysare heka Deuxu Tyytybytyhy iwomy reareu. Kiamy rexitòenyre: —Waha, kai wa biuwedu tate ibutu bede wedu tate. Umy reàlamy watzireri tamy retòenyre. Wadeysamy watzireri ka aōma dyynana bederaremy nihiký iribi tewòmy atxiteriki wahe. Tamy hete iwese iny uladu wesemy rityhynymyhýre heka. Tai tahe tamy ritýnynymyhýre. Kia adeewimy tuu rare.

²²Jiarý heka ibutumy Waha wadee riwahinyre. Inyò rieryòhyymyhýre Waha wahe. Waòrarukile tahe iny rierymyhýre. Mobo Waha rare wahe. Waòrarukile dori rierymyhýre. Ijò aritýnykemy watzireri. Tai tahe tiki tule riery iruru. Taile rierykre.

²³Rexitòenymy rahudi tahe wasimy iwòtemy heka rarybere taerydyyna mahādu-ò: —Kaiboho heka sòwemy aòwiwihikymy tabimyhýtenyde. Tai kaiboho beysabenyke.

²⁴Ihetxiu heka Deuxu rybeddydu wana kia aòmýsýnanamy iòlò mahādu wana. Kaireny aòmýdyynanamy robikemy risýnyre, tahe aòkòhyre. Wijile heka tuu robireri aòrarureny-ki. Tule tabitenyteri kaiboho ratximyhý inatyhymy aōbo òbitimy Jesuisi ijyy-ò roholarenykeky tahe aòkòhyre.

²⁵Moisesi bede ywina rybe-di ràire Jesuisi lýraxidyymy. Iwese kai ixiluure wese, iny witxira luuke! Tii tahe Jesuisi rihixidyymy rarybere: —Aòhebo arotýnyke biu-ò arahenykemy.

²⁶Jesuisi dirawyònyde: —Timybo kýnyhe Moisesi bede ywina tyyriti-ki roimyhýre? Timybo tuu manarybekre.

²⁷Tii tahe diwyònyde timybo tyyriti-ki roimyhýre myna:

—Deuxu adinodureny, ibutumy awo-ribi iluuke, ibutumy arayky-ribi aruruna-ribi, ayky-ribi heka iluuke. Tule ibutumy iny ixiwesemy idi atximahāke.

²⁸Tai tahe Jesuisi tamy rarybere:

—Kai inatyhymy tarybeteri tai inatyhymy mahenykre biu-ò.

²⁹ Kia häbu heka rexiòbitinykemy idi ratxireri. Taita rarybere Jesuisi-ò: —Mobota waerye?

³⁰ Tahe Jesuisi ikò relyyre ijyymy. —Judeu mahädu häbu heka ratÿinamyhÿ Jerusalé häwä-ribi, Ijeriò häwä-ò. Iribi tahe kia wasidu mahädu rimyrenyre. Inieru ibutumy iribi ritarenyre. Ity hÿre raòhötere irubudÿÿle rasiranyre ririre. Tahe ruruòki rÿimyhÿ.

³¹ Aõma judeu xiwenawahidÿÿduò heka idi rare. Tahe häbumy robire. Idi häbu-ribi irehemy rexiemy reare. Tahe tÿtxi rerikòle rare raty resere.

³² Häbuò rehemynyre tiie-ki dohodÿÿna wiòhedÿÿduò rare, Levita wahe. Tule ratyresemy ririre.

³³ Tahe ijò nade Samaria bede häwä luduò heka rare. Judeu mahädu heka Samaria mahädu luukòre. Idi tahe kia judeu mahädu roimyhÿ. Tahe Samaria mahädu häbu sòwemy riruxetòenyre.

³⁴ Idi tahe tamy rexitÿmynymy tahe iwotòmona rituahinymy ritaataamy iwotòmona. Idi tahe ka häbu relymy idi rare. Aõma ijumenta tyre-ò ritidimy. Idi rare rirarehu tahe heto-ò ritidikremy ririkremy ridymy heka idi rare. Rummy heka ritòenyre hykyky idi bede nade awimy risÿnykemy.

³⁵⁻³⁷ Rudile heka heto òwy-di iwedu-ò heka nieru riwahinyre riòwynyre inatxi womati nieru. Tamy rarybere: —Biwiòhenanyre idi mabekre adòòsekre riròkre. Moma arÿnaderenykre Arÿnadebenykre heka adiòwynykre adòòsekreu wahe. Ka häbuhe rarybere: —Häbu bireludu ratxireri. Kia taruxetòenyre riòsinyre waha tieka idi häbubireludu ratxireri. Wimy raòludumyhÿre härele taheka riwiòhenanyre. Jesuisi tamy rarybereri. —Iwesele biwinykre iweseka häbu riwinrya weselemy biwinykre. Kai aõhebo botÿÿtyhy mahake. Iwesele wahe. Jesuisi rÿÿraxire: —Mobo häbu aõtino biòwa rare? Mobo ibireludu wahe? Bede ywina erydu tai rirawyònyre: —Iwiòhedÿÿdu wahe.

³⁸ Jesuisi, ijò mahädu-wana ròrenyre. Häwä-ò rirònyrenyre. Häwyyò rare Marta inire. Tahe ridyre tasÿ-ò tai ratxirenykemy.

³⁹ Tahe Marta heka iseriòre ðire. Marie inire. Marie urile ibire-txi ronyra aõbo tarybeke roholakelemy.

⁴⁰ Marta heka raelelemy ratxireri. Aõna aõnale rotÿÿnymyhÿle riwinymy taile rare ratximyhÿ. Tai tahe nade Jesuisi-ò rarybere: —Jikarÿ sohojile wa watxireri waser-itxòre riwawikòhenanykòhykyreri. Kai anobohe kòbitimy tai tahateri. Tamy marybeke riwawikòhenykeny.

⁴¹ Tai tahe Jesuisi he tamy rarybereri: —Marta, Marta, aõherekibo kai taelelemy teamy atxiteri?

⁴² Sohoji aõmydÿÿnale heka awire. Marie awityhy aõmydÿÿnana ixidee rimyre. Kia moo iribi ritaòtyhy. Riwinymyhÿ awityhyreki wahe. Tamy rarybeòtyhyò wadee roholareri iribi ariòlòdÿÿnyke wahe.

11

¹ Tiutxubo Jesuisi rexitòenymyhÿre, iny rieryòlemyhÿre. Jesuisi rexihudi, ijoi rarybera: —Biwaerynanybenykre iwese textitòenyteri wese, Joaò tahe taijoi rierynanyre.

² Tai rierynanyre. Kai bexitòenykeki, kawese marybekre:

—Waha, ani ibutumy tamywimy. Wylemy mynake iny olòdÿÿmy.

³ Rÿsÿna txuò txuòlemy biwahinybenykre.

⁴ Inyòraruna biixāwidinykre, iny iwitxira-dori taòraruna ariixāwidinykre. Waatsyrenyòmy òraruna-txi.

⁵ Jesuisi heka taerydÿÿna mahädu rierynanyre ijy-di: —Kai arÿsÿnaòmy bonykeki, abiòwa-ò make ruetya rexitòedÿÿmy rÿsÿnaò huòtemy bidiwykemy: —Wy, ahina inataò wadee bidihuòteke.

⁶ Wabiòwa rehemynyreri bedetÿi-ribi. Aõ heka wawahisidÿÿkònare.

⁷ Tii ósana myÿ adee rarybekre: —Wadee ixitòedÿÿòmyke ruetyahakÿmy. Arÿiòtyhy waherina-ribi rexiyrubunymy heka räireri. Ibutumy iny heka ròròmy rÿireri. Uladu, tule imy ròròmy rÿireri. Wadee ixitòedÿÿòmyke.

⁸ Rexitòenyyhyhy tai hyyhy rÿikeki tai ihārele rÿike. Abiòwatòenamy aòkò kÿnyhe rÿike. Textitòenyterikile rÿike.

⁹ Tai heka adeeremy rarybereri. Bexitòenykeki, biwyke. Biijeke aõbo teijeteri, tai tahe mahake. Ijòtòbòna bihetenyke tahe adee riraynymy tahe malòke. Tai tahe adeeremy rarybera. Ibutumy rexitòenymahāke, tamy riwahinymahāke. Ibutumy iny riijemahāke, tai rahake. Iny rihetnymahāke riraynyke.

¹⁰ Tai adeeremy rarybere: —Ixitòedÿÿki iny aò rimymyhÿre. Aòitxe-ki aòtxi ijara rÿimyhÿ. Ijò-di ròtemy ijara-ki iny ralòmyhÿre. Ijò-di ròtemy ijara-ki, iny ralòmyhÿre.

¹¹ Uladuõ tyby-ò uturamy rexitòenykeki aõbo, hemylalaõ tyby tamy riwahinyke irÿsÿnamy? Timyki tuukõna! Kaiboho kiamy aõbo botÿÿnybenykre? Timyki tuukõna!

¹² Uladuõ tyby-ò hãniesimy rexitòenykeki aõbo, itytibõrõ tamy riõkre. Timyki tuukõna!

¹³ Kaiboho aõbina binahakÿdile tahõtinyinmahãtenyté, aõwihikÿ aõbohe ariõrereny-ò biwahinyke. Boreny aratyre heka bede rieryke, Deuxu wahe. Tamy bexitòenybenykeki, tii Deuxu Tytybytyhy adeeremy riwahinyke.

¹⁴ Ixityre tasÿ hãbuõ raremyhÿ irybeõmy. Jesuisi taile ratximyhÿ tahe tytybybina riòlòdÿÿnyre iribi. Iu tytybybina iribi rohonyreu tahe, hãbu rarybere kia rybeõmy ratximyhÿré wahe. Tahe iny sòwehekÿ mahãdu sòwemy idi rabedeõtiumy rÿire.

¹⁵ Inyõ tahe, inysòwehekÿ yluduõ tahe kiamy rarybere: —Kia diabo ruru-di, Belisibu ruru-di heka iribi riòlòdÿÿnyre. Tii tytybybina mahãdu wedu rare.

¹⁶ Ijõ tamy rarybere: —Jesuisi, araeryrenykre inihe aõ biditeòsinykre wadeeremy. Inatyhy aruru biuludu ratximyhÿre. Widÿÿnaõ inihe wadeeremy bitÿÿnynye kialemy heka rarybemyhÿre urile riurihimy tamy aõ itxerenamy riwinykelemy.

¹⁷ Jesuisi tahe rierymyhÿ aõmybo raraykynymyhÿreny. Tai heka tamy tuu rarybere: —Kia iny mahãdu wiribi hitximy raraykywydynykeki, tii tahe rexihuke itueke, sÿ mahãdu tule wahe.

¹⁸ Timybo Satanasiboho bede widee ribinanymyhÿrenykeki, awityhymy roirekre. Jiarÿ araeryrenyneri timybo taraykynytenyteri. Aõma Satanasu ruru-di tytybybina ariòlòdÿÿnykemy tarybetenyteri heka reeryeri.

¹⁹ Kia riki ariwinykeki, kaiboho tule wawesele tewinytenyte. Timybo? Mobo awiòhedÿÿdureny rare? Satanasu aõbo? Kaiboho boibenyeke ixitòedÿÿmy awiòhedÿÿdureny-ò.

²⁰ Jiarÿ Deuxu ruru-di ariòlòdÿÿnykeki, kaiboho hexiijebenyeke, Deuxu Iòlõna tahe adeeremy iòhõra.

²¹ Hãbu deburehekÿ tadebõna-di taheto riyrubunykeki, rexityhynymy ronyke. Iaõmydÿÿna ibutumy iyrubudÿÿnamy rÿike.

²² Tahe ijõ kedehemynye iratyre teburetyhy, tahe iaõmydÿÿna ibutumy iribi riwyke.

²³ Iny wawana aõkõ ratxirerimy ihÿre, tii heka waribi hitximy ratixmyhÿre. Iny wawana aõkõ ratxireri, tii tahe aõtxile ramyhÿre ixideõna.

²⁴ Jesuisi ijõ ijyy relyyre: —Iny-ribi tytybybina ròhònymyhÿreu, tii heka rake ixitawo-di rake titxibo. Rubumy rarunymy rake. Bedeõ-ki rahakeki tahe, ròhòtinyke. Aròòsekre, tikibo rarawãhãõle.

²⁵ Ixyby kòdòòseku tahe, isÿ ibutumy, tytymy roike iruxeraõ.

²⁶ Idi ixityre ijõ rimyke debò inatxi reurò tytybybinaõ. Idi tahe tamy rasÿnyrenyke. Iratyre tyhy wahe ibina. Iu kia ixisohojimy tytybybina-di aõmysÿdÿÿmy raremyhÿu tahe, ihewo-ribi rimyra tahe iroona-ribi tahe aõnityhymy releke. Ibinatyhymy tamy rare.

²⁷ Iribi tahe hãwyyò rryre ibutu ijohonamy: —Hãwyky heka aratxurananyre, aratabienyre heka iny bedekòby rare.

²⁸ Tahe Jesuisi rarybere: —Deuxu Rybe tyhydÿÿdumy iratyre wadee awire. Deuxu deysanamy tamy kanakemy idi watzireri.

²⁹ Idi tahe inysòwetyhymy dehemynde Jesuisi-ò. Jesuisi kiamy rarybere: —Iny heka kia mahãdu ibinatyhymy rÿire aõwihikÿle heka riijemy rÿire. Itxerenaõmy robikre ratxireri tahe itxerena Jonasi-ribi nadelemy tahe robikre.

³⁰ Jonasi heka Ninive hãwã mahãdu-ò itxerenaõ heka tii rare. Tule jiarÿ heka Deuxu Riòre Hãbutyhyhykÿ rare wijinabòdu mahãdu dee itxerenaõ jiarÿ rare.

³¹ Ibòò mahãdu bede konana-ribi iòlò hãwyy Salomaõ bede eryhykÿ-ò ijòhonamy irehe-ribi nade. Wijinabòdu mahãdu taheka naõhyymahãde wadee ijohonamy. Salomaõ ratyre heka jiarÿ watzireri. Ikonana txu tahe ibòò iòlòhãwyy rÿikre rarybekremy. Tii rarybekre: —Anoherekibo Jesuisi deramy teakamahãtenyte wahe. Timykibohe irybe bedekeryna-kò ijohokuna rÿikòmyhÿreki wahe.

³² Ninive hãwã mahãdu tule rÿikre rarybekremy iwesele. Jonasi rybe tÿnydÿÿna-ki rexirãhÿreny. Kaki heka Jonasi ratyre hãbuõ ratximyhÿre, jiarÿ wahe. Wadee ijohonadu aõkõ heka toite.

³³ Moheka loosõnaõ rideòhyymyhÿre herinarawo-txi toosò iwasihihikÿmy roosòmyhÿkemy. Tiemy heka biuòhy rademyhÿre ibutumy bede ratÿnymyhÿkemy.

³⁴ Arue umy dori itÿnymy roimyhÿre. Arue awikeki heka ibutumy aumy awikre. Arue ibinakeki tasÿ aumy heka bedelorokile rÿimyhÿkre.

³⁵ Awo toosòm ratximyhÿre wana, hexiijemahãke. Aumy biemahãke bedeloro-ki rurun-yheny.

³⁶ Bedelorohekÿ aumy-ki rÿiòmyhÿre wana, tai tahe boosokre ibutumy titxibo bede-txi mamahãkre wana.

³⁷ Jesuisi kiamy rarybereu tahe, fariseu mahāduō tamy rarybere: —Manake wasy-ki rikiroxikremy. Tai tahe Jesuisi rare, ralore, ronyre roximy.

³⁸⁻³⁹ Jesuisi ronyreu, tebò risuhōōre. Tai tahe idi bede riōtiinyre. Jesuisi rarybere: —Kaiboho fariseu mahādu, ibutumy heka tESISUHOSUHOMAHĀTENYTE. Ebò tesuhōmahāte, aumy ibutumy tesuhōmahātenyte. Webōrōsityyludu wahe. Kaiboho heka isuhukyālemy toimyhŷte ibutu aōikōkō-di isumy roimyhŷre aworeny-ki.

⁴⁰ Iu heka ōbitimy taraykynytenyōhyymahātenyte. Deuxu heka iwebrò ludu riwinyre, inatyhy? Tule aworeny, araykyreny wana riwinyre.

⁴¹ Iny aōkō mahādu-ō maruxetōemyhŷbenyke. Tai tahe byranybenykre heka. Ibutumy awo-ki, ahana-ribi tule ryranykre.

⁴² Kobe lāhāxe kaiboho fariseu mahādu. Kaiboho Deuxu dee tewahinymahātenyke uriōno. Debōwiō aō tetatenywana heka, sohoji tewahinymahātenyte. Tule aōmydŷnareny aoworoludurenyō tewytyeny wana, tule tewahinymahātenyte. Kia awire, biwahinymahābenyke. Urile tahe teertyenyōhyymahātenyte Deuxu luuna, Deuxu ōbitina. Biwahinymahābenyke heka Deuxu dee aōmydŷnāō. Tii tahe awire. Tule nohōti losarenyōmyke, luuna, ōbitina.

⁴³ Kobe lāhāxe kaiboho fariseu mahādu. Dohodŷŷna heto luureny ikoōhōkŷle heka torokomahātenyte. Kaiboho arybedŷŷnareny-ki awimy tahamyhŷtenyte.

⁴⁴ Kaiboho kobe lāhāxe. Wobrona wesemy toite. Iwese iny rubuhāloo tyremy iny rariamyhŷre wese ierykōnamy, kiawesele toite.

⁴⁵ Bede ywina bede erydŷŷduō heka tai ratximyhŷ. Tii tahe Jesuisi-ō rarybere: —Erydŷŷdu, kai heka aōbinahakŷlemy wamyreny tarybeteri, kia wese rybe-ki.

⁴⁶ Inatyhy rare. My tahe Jesuisi risŷnyre: —Inatyhy dori tule bironybenyke aōhōkŷmydŷŷnana. Iny dori adeeremy rarybemyhŷre iny rybe bityhynymyhŷbenykemy tahe ihārele tetyhynyōhyymahātenyte. Bede ywina ritidŷŷna tewinymahātenyte, ihārele tahe tii heka tetyhynyōhyymahātenyte.

⁴⁷ Kobe lāhāxe kaiboho, alahireny, alabiereny wese toite. Iwese tiiboho Deuxu rybedu rirubunyre wese kaiboho toite.

⁴⁸ Kaiboho rubudŷŷdumy toite. Ōbitile tewinymahātenytelemy ixidee tahōtinymahātenyte.

⁴⁹ Deuxu tahe rarybere umyrenymy wahe: —Tahe jiarŷ aditeōnykre heka Deuxu rybedŷŷduō tule Deuxu deōdŷŷnāō heka aditeōnykre. Imahāduō birubunyenkykre ihona tahe biteōnybenykre.

⁵⁰ Kaiboho heka bede ōrarumy boibekre kia rubudŷŷ ōraru erydumy wahe.

⁵¹ Abeli hālubu txiwina tahe xiwena hure rubuna. Idi tule Zacaria hālubu txiwina wahidŷŷna bire-ki heka Deuxu hetobire-ki. Kohe, ihure rubureny ōraru-ki aōhōkŷhŷkŷmy biōwynybenykre.

⁵² Kobe lāhāxe, kaiboho bede ywina erydŷŷdu mahādu, bedeeryna ijō rayna dinoduboho wahe. Kaiboho tahe terōnyōmy bede eryny heto-ō. Tule inywitxirāō tetōenytenyte irōte lau.

⁵³ Jesuisi rōhōnyreu, teburemy tiiboho ritŷŷraxinymyhŷre aōna aōnamy.

⁵⁴ Tuu rōtŷŷraxidŷŷmyhŷre timykībo rirutaōnyrenykemy.

12

¹ Sōwemy iny tahe ributunyre. Ube tahe rŷximy ratxireri. Tahe juhū Jesuisi taerydŷŷdu mahādu-ō rarybere: —Fariseu mahādu, saduceu mahādu urina biebenyke. Tiiboho dori ruidu mahādu roire.

² Wasimy wiji adeeremy relyyre. Tiu ta ibutumy ijyynamy rŷikre

³ Aōbo wasimy wiji taholate heka ibutumy biurasōmy ratŷnykre.

⁴ Uritere iny lau brebuōmyke. Aumyle tii rirubunykre. Ijō ibinamy adee aōkō tii rotŷŷnykre.

⁵ Iny lau sohojile breburenyōmykre. Deuxu lau ta buberukre. Tii dori atytyby bede bina-ō rahuke ixideewikeki.

⁶ Nawiiō kaiboho bidymyhŷbenyke iōwy riōre iny heka riwymyhŷrekre. Ibutumy heka Deuxu nawii rieryre sohoji sohojimy.

⁷ Deuxu ara erymy heka aōma arati-ki tiwesebo aradeti rŷimyhŷre rierymyhŷre. Brebuōmyke, aōma Deuxu heka anaerymyhŷre nawii sōmo ratyre heka rierymyhŷ.

⁸ Kai marybeke: —Jiarŷ Deuxu retyhynyre dori tahe umy arelyyke Deuxu ŷjukomy rarybeke biu-ki wahe, jiarŷ Deuxu Riōre Hābutyhyhykŷ wahe.

⁹ Iny sōwehekŷy-ki riwatxiōnykeki tule aritxiōnykre jiarŷ Deuxu ŷjuko-ō.

¹⁰ Inyō Deuxu Riōremy aōbina binamy rarybekeki, irybe-ribi nohōtilosa rŷikre. Deuxu Tyytybytyhmy tahe inyō ibinabinamy rarybekreki tahe, aōhōkŷmy rotŷŷnykre irybe ōraru-ki.

¹¹ Aramykeu heka uritere nohōtiōmyke aōmobo marybekremy ywisidŷŷna-ki. Bede heka ariwahinykre rybedŷŷnanau. Rybeōmyke ikotyre.

¹² Kai ixiwanale aōkōre marybeke. Deuxu Tyytybytyhy arāwiōhenanymyh̄reny.

¹³ Hābuō inysōwey-ki tahe Jesuisi-ō rarybere: —Wanyr̄y, Waha rurura. Waseriōre tahe ibutumy waha aōna aōna riwyrā ixidee sohojile. Tamy marybeke wadee ritxuranykemy.

¹⁴ Jesuisi tamy rarybere: —Hābu, kia waaōmyd̄ȳna aōkō rare. Timybo ayreny-ki aray-wisid̄ȳnyke?

¹⁵ Tahe Jesuisi ibutumy iny-ō rarybere: —Warybe-ō bodoholabedenyke. Ixityhyōmy! Arutyhy heka aāōna aōna-ki aōkō rare aōna aōna sōwrehāre.

¹⁶ Tahe Jesuisi ijyymy rōkewesenad̄ȳre: —Hābutyhy riki ioworu nihik̄ȳre. Tahe sōwemy r̄ys̄na ributunyre.

¹⁷⁻¹⁸ Itheto tahe iyjare ibutumy ributunykemy. Tahe ixidee rarybere: —Aōhebo arot̄ȳnyke? Waaōnaheto butumy aritxiwikre. Ijō iribi inihik̄ȳmy ariwinykre. Tai ibutumy waaōwiwi. tamy aridekre.

¹⁹ Tai tahe ibutumy waaōwiwi-di areysakre. Arexielehynykre, airoxikre, ariōkre. Waruhyy areysakre.

²⁰ Deuxu tahe kia hābu-ō rarybekre:

—Hābu itx̄ytere. Kai wijirulemy burukre. Tai tahe mobo aōna rimykre.

²¹ Jesuisi taijyy rihure rexirybenymy. Kia heka aōhebo rot̄ȳnyre iny ityhy mahādu. Tiiboho dori Deuxuōle ityhy my aōkō ih̄yreny.

²² Kia heka Jesuisi taeryd̄ȳna mahādu-ō rarybereri. Uritere nohōtiōlemy ar̄ys̄na tule atyymy, idi matykynykemy.

²³ Aumy heka r̄ys̄na ratyre aōnityhy ratximyh̄re. Aumy heka atyky ratyre aōnimy ratximyh̄re.

²⁴ Nawii-di betehemyne. Tiiboho heka ioworuōreny. Tar̄ys̄na riyrubunyōhyymyh̄reny. Deuxu heka nawii riyrubunymyh̄re, ir̄ys̄na tamy riwahinyymyh̄re. Kaiboho tahe nawii ratyretyhy toite Deuxu dee.

²⁵ Sōwetyhmy maraykywydynanykeki aōbo arumy arirarehemy mariake? Aōkōre!

²⁶ Kia aō iyjare tahe Deuxu-ō. Kia biwinybenyōkeki, aōherekibo ijō aōna aōna nihik̄ȳ-di tahōtinymyh̄te?

²⁷ Betehemy inihe noijasa-di. Aōma tiiboho raaōms̄ȳd̄ȳōhyymyh̄reny. Ihāre tahe iruxerarenyre ityy wiwihik̄ȳreny wese. Tyy ixidee riwinyōtyhy Deuxu rityyny wihik̄ȳ heka tyy wihik̄ȳ tamy riwahinyreri. Salomaō heka itynihik̄ȳ rare. Ihāre tahe ityy heka awityhmy aōkō noirōsō wese.

²⁸ Deuxu heka noijasa rityynymyh̄re kia wijilemy idi ih̄yre. Biurasōmy tahe ixāwimy reamyh̄re. Tii heka tyy adee kidiwahinykre. Tai tii atyyreny. Tai ta ixinohōtyred̄ȳrenyōmy. Aōherekibo ainatyhyna ibutere?

²⁹ Tahe raykyōmy nohōtiōmy titxiribibo ar̄ys̄na adee kanakredi.

³⁰ Tyhyd̄ȳdukōdu mahādu heka tuure. Inytybyreny heka rierymyh̄re aōmybo tarumahāte. Ibutumy heka arerymyh̄re aōmybo teamyh̄te.

³¹ Tii Deuxu aōmy d̄ȳnana sohojidile maraykynykeki heka tii ibutumy adee riwahinykre.

³² Brebuōmy ahābenyke wariōrebobo. Deuxu Iōlōna adee kanakemy, Deuxudeewina wahe.

³³ Aaōna aōna-di bohonybenyke. Iōwy tahe iaōkōdu mahādu-ō biwahinyke. Anieruhyna wiwihik̄ȳdile boibeke. Kaki ibutud̄ȳlemy heka biu-ō bibutunyke. Tai heka jud̄dera aō rirōd̄tyhy tule rararyōtyhy. Tule tai wasidu ralōd̄tyhy.

³⁴ Tikibo aōwireny r̄yikeki, tai heka araykyreny ratximyh̄re.

³⁵ Ijō tahe Jesuisi rarybere: —Kaiboho bexiwinybenyke, ibutumy aōhebo rot̄ȳnykemy bexiwinyke. Awereysanareny-di atyky beximyke. Aloosōna bitoonyke.

³⁶ Deōdu mahādu wesemy boibenyke. Bexiwinybenyke awedu dehemyynna-ō, tii worana bedehesi-ribo rehemynyremy wahe. Iu rehemynyreu, teōdu mahādu heka ijō riraynyke.

³⁷ Tiiboho riraōrenykeki, deysamy r̄yikre. Iwedu dori reximykre ityky wereysana-di tahe r̄ys̄na teōdu mahādu-ō riwahinykre.

³⁸ Tii ruwetyakile rehemynykeki, deōdu mahādu reysakre. Tiiboho dori rexiraōmy r̄yimyh̄reny.

³⁹ Tai heka iny rexiwiny my r̄yimyh̄kemy rybe roimyh̄re awedureny kanakreki. Aōma hābuō kanakeki heka tiu aōma hābuō itxeredumy ronykeki heka, tiu hābuō iribi rawasinyōtyhy.

⁴⁰ Kaiboho tule bexiwinybenyke wadehemynna txu heka biijemy bonymyh̄benyke.

⁴¹ Tahe Pedro rarybere: —Wanyr̄y, kai wadeerenyle ijyymy telyyte ada ibutumy iny-ō aōbo telyyte?

⁴²⁻⁴⁴ Tahe Jesuisi riwinyōnyre: —Aōtxile inyōdee, tibo deōdu taaōms̄ȳd̄ȳna riywinyymyh̄re, kia idinodu tai awimy rahamyh̄re tii dori r̄ys̄na ōbitimy riōriōmyh̄re. Idi tamy aōwiwi riwahinykre taaōna aōna-di itxeredumy tule ris̄nykre.

⁴⁵ Tii iwitxiramy rexiraykynykeki tahe, ijõ teødumy raðhõtemy urile idi risinymy kamy rexirybenymy: –Wawedu dori wiji aõkõ rarerikre.

⁴⁶ Tai ierykõna-di iwedu kedehemynykre. Tuu rierymy iaõmÿsÿdÿÿna-ribi ritamy aõhõkÿmy risÿnykre ityhydÿÿdukõdu mahãdu wese.

⁴⁷ Deõdu tawedudeewi rierymyhyre. Tai heka tuu rotÿÿnyõkeki, tii tahe sõwemy aõhõkÿmy rotÿÿnykre, ðhõtemy wahe, tamy riywinyõreki.

⁴⁸ Ijõ deõdu tahe tii iwedudeewimy rieriyõkeki, tii tahe aõbinamy riwinykeki, tamy tahe urihimÿõ ðhõtete tai rÿikre. Inyõ sõwemy ityhykeki, sõwemy ijõ iny tamy rexitõenykre.

⁴⁹ Jesuisi ijõ rarybere: –Heõtÿ-di bede ariworonykemy heka jiarÿ anade. Tii õte raworonykremy idi watxireri.

⁵⁰ Jiarÿ ratisebenaõwesemy aralokre. Arurukre dori. Ele elemy rÿikemy ixi-di watxireri.

⁵¹ Kaiboho tahõtinty wadehemynyna-di. Ywina adiwydemy wadi tahõtinty. Aõkõrehe, bede jei jeidÿÿmy anade iribi widee rahitxihitximy rÿikremy.

⁵² Iruyre inÿsÿ mahãdu heka widee rahitxihitximy rÿikre. Inataõ iny iuhe õludumy rÿikre.

⁵³ Hãbu mahãdu heka tyby õludumy rarekre. Hãwÿy tule tadi õludumy rarekre. Iriokorese heka tariõrelahi õludumy rarekre.

⁵⁴ Ijõmy Jesuisi rarybere: –Iu biuwetyky biura-ribi røhõnyreu, Kaiboho kia rybemy tarybemahtenyte biu kòðakre. Inatyhymy biu ròamÿhyre.

⁵⁵ Tule tarybemahtete. Yhy ibõð-ribi rebonyreu, bede ratõteekre. Inatyhymy tuu ratõteemyhyre.

⁵⁶ Itxenadÿÿdu mahãdu! Kaiboho kia terymahãtenyte bede, biu aõmydÿÿna tule iwitxira aõmydÿÿnana teerytenykõlemahãtenyte, bededÿÿnana konana eryna wahe.

⁵⁷ Ijõ Jesuisi rarybere: –Kaibohole teywinyõmyhytenyte, aõõbitinamy wahe.

⁵⁸ Aõðrarumy heka aõludu umy rarybekeki, idi ywisidÿÿna ube-ò aradykemy ratxireri, tii-wana widee marybeke idi widi bede biõbitinykemy. Aõkõkeki, tii aradykre ywisidÿÿdu-ò idi røtenawo-ò soldado mahãdu ararõtenykre.

⁵⁹ Tiu heka aõlõkõmy heka mabekre. Ibutumy iõwy biõwinyke xiery bõhõnyke.

13

¹ Tahe inyõ Jesuisi-ò relyyre: –Pilato rybemynamey Kalileia mahãdu rururenyre Deuxu-ò raxiwerenyteri.

² Kia ta Jesuisi narybede: –Kaiboho timybo irubureny-di texinohõtintytenyteri. Ijõ wiratyre raðrarunanyrenykeki aõbo?

³ Ture aõkõ, kaiboho bexirãhĩõbenykeki tule burubenykre irubureny wese.

⁴ Iasÿse ijõ. Iu Silõe hãwã mahãdu tyre heka heto rarie resere 18 iny sõwe rirubunrenyrene. Arãÿÿraxikre Jerusalẽ hãwã mahãdu ratyre raðrarunanyrenykeki aõbo? Aõbo tahõtintytenyteri?

⁵ Kaiboho bexirãhĩõbenykeki tule burubenykre irubureny wese.

⁶ Tahe Jesuisi kaa ijyy-wana rikewesenanyre, Figoratyõ wese heka. Tahe Jesuisi kaa ijyyiny delyyde: –Hãbu oworu-ki figoõð rÿimÿhyre. Tii iraty dilawijunyde tiubo. Tahe iraty-txi reakõre.

⁷ Tahe hãbu taoworu-di itxeredu-ò narybede: –Inataõ wyramy relawijunyre tahe aõkõhyra. Urile ta biõrõkre. Iraty ihoõreki, awi aõkõ rare.

⁸ Tahe oworu-di itxeredu dirawyõnyde: –Wawedu, txiõini kawyramy idi warukikre, isu ariywinykre.

⁹ Aõkõhykreki tahe urile raorokre ijõ wyrau.

¹⁰ Judeu mahãdu elehyta txuu Jesuisi rotohodÿÿmyhy judeu mahãdu dohodÿÿna heto-ki.

¹¹ Tai ta hãwÿyõ ratximÿhy. Tii 18 beõra webinadumy ratximÿhy tyytybybina õraru-ki. Tii iumy rarabunymy rariamÿhyre. Ixitaradÿÿ risiranymÿhyre.

¹² Jesuisi tuu robireu, tamy narybede: –Hãwÿy, kai heka teytemy tate.

¹³ Tahe Jesuisi tebõmy rimyre iuleta reytere. Tai tahe hãwÿy heka Deuxu riwowydnyre.

¹⁴ Dohodÿÿna heto wedu tahe ibinamy Jesuisi-ki rahare, judeu mahãdu elehynatxureki wahe. Takamy inyreny-ò narybede: –Debõ sohoji reurõ txumy aõmÿsÿdÿÿnamy rÿimÿhyre iu heka adeytemy ixi-di bõðõimÿhyke, judeu mahãdu elehynatxu ta aõkõre.

¹⁵ Tahe Jesuisi dirawyõnyde: –Kai, itxenadÿÿdu tate uriteremy iximy rybedu. Kaiboho judeu mahãdu elehynatxu dori abrõreni, aawaru heto-ò toimahãte tuu teesenmahãtenyte, tedymahãtemy idi ibemomodÿÿmy bidybenykremy.

¹⁶ Kaa heka Abraõ riore riõreõ heka Satanasi 18 beõramy rimyre. Aõherekibo ta iribi retarakri sabadotxu ibinamy tahateri.

¹⁷ Tahe Jesuisi õludu mahãdu raixÿrurennyre Jesuisi rybe õraru-ki. Tahe ixÿ mahãdu awityhymy tai rahamÿhy iõraru-ki. Ibutumy reysarennyre.

¹⁸⁻¹⁹ Tii rarybera: —Deuxu Iòlòna wexe aõwesere. Aõ-ò wexe rikiwese-nanyrenykre. Tiwexe ijyy kawesere? Deuxu Iòlòna heka alòbòròna sòmo sòmo wesemy ratximyhÿre. Raumnyre heka òwòru rariwesele relemyhÿre. Nawiile tuu rÿtÿnymyhÿre kia òwòru-ò.

²⁰ Ixityre tamy rarybere: —Aõ ijyy wese heka Deuxu Iòlòna rare. Aõwexe rikiwese-nanyrenykre.

²¹ Paõ ixìlòdÿÿna wese rare, iuri rare. Hãwyy paõ riwiny-myhÿre, inataõ urihixina-ki iuribemy riuriny-myhÿre. Tai tahe raubÿtÿmyhÿre, rexiòlònymyhÿre.

²² Jesuisi tahe Jerusalè hãwã-ò rareu, hãwã hãwãmy rotohodÿÿmy.

²³ Iu inyò ritÿÿraxinyre: —Wanyrÿ, Hedu mahãdu we sòwekre aõbo?

²⁴ Jesuisi tamyreny narybede: —Bexityhynybenyke ijòjya-di birònybenykemy. Sòwemy iny tahe ròtemy reakre tahe ralòòhyykre.

²⁵ Hãbuò kie taheto ijòtòbòna ritòbònyre. Iu kaiboho uritere bydyrydenykre: —Wanyrÿ, aralòrenyke ini. Kiata tii anawyònydenykre: —Tiludubo toite, araeryrenyòre.

²⁶ Kamy ta kolidiwyònydenykre: —Inybohole riroximy roiremyhÿ. Wahãwãreny-ki tòbedeerydÿÿmyhÿ.

²⁷ Ixityre anawyònydenykre: —Boibenyke aõbina bina widÿÿdu. Tiludubo toite dori reerykòre.

²⁸ Deuxu iòlò-ki Abraòmy, Ijaimy, Ijaòmy, tule ibutumy Deuxumy rybedu mahãdumy bobibenykreu, kaiboho malòbonyòtyhy. Tai hii, ibru, jumytata rÿykre.

²⁹ Iny ibutu bede bede-ribi, Ibòò-ribi, Iraru-ribi, Biura-ribi, Beà-ribi Deuxu iòlò-ò hãwãmy.

³⁰ Kiaremy ta, koludu mahãdu heka ibutuhewomy kedeakre. Ikòmyta, hewoludu mahãdu, koludumy kedeakre.

³¹ Iu ta fariseu mahãdu Jesuisi-ò narybedenyde: —Mahenyke, Herodi dori arubudÿÿmy araijereri.

³² Jesuisi dirawyònyde: —Bòòsebenyke kamy ijòrò-ò marybenykre: —Jiarÿ tytybybina iny-ribi retareri, tule ròteytedÿÿreri wiji biurasòmy. Ijò txumy ta waaòmsÿdÿÿna arihukre.

³³ Kiaremy ta kia rewinyreri arihukre. Deuxumy rybedu dori Jerusalè hãwã-ki sohojile rurukre, iwitxira hãwã-ki ta aòkòre.

³⁴ Jerusalè, Jerusalè hãwã, amahãdu heka rirubunyrenyre Deuxu rybedu mahãdu wahe. Iwese hãnie tariòre ributunymyhÿre wese terawo-ò, kia wesele arayrubunykeny rexi-nohòtynyre tahe kaiboho terarenyre.

³⁵ Aheto-ribi heka Deuxu rexitakre. Kaheka ararybekre adeereny: —Wamy heka bohòtyhy ixityre. Tiutxumy kamy bexirybenyke bede-ò, myÿ: —Deuxunimy nodu awityhy heka rare. Kiaule wamy bobikre.

14

¹ Sabadoõu Jesuisi heka fariseu mahãdu wedu mahãduò heto-ò ralore roximy. Tahe iny idi retehemyhÿreny.

² Iu inyò taruti, tadera-di taritari-di tamy dehemynde.

³ Tahe Jesuisi narybede bede ywina erydÿÿdu-ò, fariseu mahãdu-ò: —Sabado txuu deytedyÿwe awire aõbo, aòkòre aõbo.

⁴ Tiiboho rirawyònyòhyre. Tahe Jesuisi hãbu riteytenymy bede riywinyre iribi tahe riòlòdÿÿnyre.

⁵ Ixyby narybede Jesuisi: —Txibo kaiboho ariòreõ ada abroneniò hãloo-txi resekeki, bitabenyke Sabadotxu hàrele. Aõhe inatyhy.

⁶ Tiiboho rirawyònyòhyre.

⁷ Tahe Jesuisi roxidu mahãdu-di retehemyhÿre. Tiiboho dori ryanana wihikÿ-txi ronnymyhÿreny. Tai kamy tamyreny rarybere:

⁸ —Txibo inyò bedesanaõ araarikeki. Uritere ryananawi-ò rÿòmykre. Txibo dori inyò aratyre ityhy kanake lau.

⁹ Tukeki bedesa dinodu inyò aratyre-ò aryanana-txi ronykemy adee kanarybekre. Tai tahe maixÿrumy ryanana bina-ò bonykre.

¹⁰ Kialemyta inyò araarikeki, ryanana bina-txi bonykre. Tahe bedesa dinodu adee kanarybekre: —Wy, katxi bodonyke ryananawihikÿ-ò. Tai tahe kai mabedesakre ibutuko-ò.

¹¹ Tahe ixityhydÿÿdu mahãdu uritere reakre. Kòmyta uriixi dinodu mahãdu rawowydykre.

¹² Tahe Jesuisi bedesa dinodu-ò rarybere: —Txibo roxina biwahinykeki, uritere asÿ mahãdu, aery mahãdu, ityhy mahãdu aarixiòmykre. Urikò-ribi iwese teariteri wese araari-heny.

¹³ Tukòmyta roxi biwahinykeki, uriteremy rÿira mahãdu, iny tiere mahãdu, iny rueta mahãdu biarikre.

¹⁴ Tai adeysatyhymy mabekre. Tiiboho dori tiu ixiwesemy araariõtyhy. Deuxu tahe aõwydÿdyukre iu bede awikre.

¹⁵ Ijõ roholare Jesuisi rybe tai tamy rarybere: —Deuxu Iòlõna-ki, òwòrubese rÿdu mahãdu reysamy rarekre.

¹⁶ Tahe Jesuisi rarybere: —Inyõ roxina nihikÿõ riwinykemy ratxireri. Sõwemy iny ritobinyre.

¹⁷ Rexihumy rÿireu, teòdu mahãdu bede riywinyre iny kididykremy.

¹⁸ Sohoji sohoji tahe tarybe tamy riwahinyre. Ijõ taoworu tÿmyra-ò reteheke. Ijõ kanaõtyhy heka.

¹⁹ Ijõ tahe broreni debòitue riõbranyre tai riurihikreki kanaõke.

²⁰ Ijõ tahe hãwyy herinamy rexihumy rÿire tai kanaõke.

²¹ Teòdu tahe ròõsera tawedu-ò tamy relyyre. Tii reburere tahe rarybere: —Wylemy makre ibutury-di hãwã-ki. Ibutumy iny wixira wixira bididyke, iaõkõ mahãdu, itiere mahãdu, ruetã mahãdu wahe.

²² Iribi tahe teòdu ròõsera rarybere: —Ibutumy rewinyre wawedu, tahe heto rÿxiõmy rÿire.

²³ Tahe iwedu ixbybmy bede riywinyre hãwã-ribi ibryrary-ò iny kididykemy: —Aruru-di bididyke, waheto dori rÿximy rÿirakremy idi watzireri.

²⁴ Juhuu watobidÿÿna mahãdu warÿsÿna riurihiõtyhy.

²⁵ Iu sõwemy iny Jesuisi heludumy roire. Tai Jesuisi tamyreny rarybere:

²⁶ —Kaiboho aõbo inatyhymy waluu mahãdumy toite. Tuu tarybeta. Tahe boluu, diluu, ahãwyyllu, ariòreluu, aseriòreluu, ixilluu ratyre waluuõkeki, wamahãdumy aõkõ boibeke.

²⁷ Inyõ riwaheludunykemy ratxireri, tii juhuu taitxeò riwykre. Kialemy tahe riwahe-ludunykemy inatyhymy.

²⁸ Inyõ heto rarie riwinykemy ratxikeki, juhuu iòwy-di rõhõtinkyre. Inieru rimykeki tahe riwinyke, aõkõkeki tahe riwinyõtyhy.

²⁹ Tii tuu rõhõtinyõkeki, tii ibutelemy riwinykre tahe inieru ituereu, ibutumy iny idi risinykre:

³⁰ —Tii taheto rarei ritelenyre tahe rexihuõtyhy.

³¹ Iòlõ wou riwinykeki, juhuu taaõbinadu mahãdu-di rariamyhÿre. Idi rõhõtinyre. Ijõ iòlõ wawio mil soldadomy ijõdikeki, tahe tii debòwiò mil ijõdikeki, tahe wou riwinyõtyhy.

³² Juhuu tahe teòdu riteõnyre ijõ iòlõ-ò ireheribile tii-wana wou ixãwidÿÿmy rarybekemy.

³³ Akireny tule iweselere. Ibutumy aaõna aõna biriõbenykeki, waheludu mahãduõmy boibeõtyhy.

³⁴ Saa heka aõni awi rare. Tatxuberere rexihukeki tahe turibi ixãwike.

³⁵ Tai tahe suurina-ki ahirana silÿna binakõki awiõhõtidiirenykeki boholabenyke warybe-ò. Suò awiõre, tule ahirana bitòbõnykemy awiõre. Urile idi behuke. Kaiboho õhõtidiirenykeki, boholabenyke!

15

¹ Idi nieru tarasadu mahãdu sõwemy tamy roholamy doide. Tule ijõ iny òrarudu mahãdu rehemynyre.

² Fariseu mahãdu, tule bede ywina erydu mahãdu kawesemy rarybere: —Kahãbu ibinare. Tii òrarudu mahãdu-wana riroximyhÿre, iny iehhe-wana.

³ Idi Jesuisi rierynanyre ijyy-di rawesenanyre.

⁴ Kaibohoõ òsana 100 budoeni ijõdire. Sohoji heka iy-ribi iõre. Kai aõbo makre ijesemy? Kohe, iuhe, 99, birike bedero-ki tahe biòryhyyke. Aõhe inatyhy?

⁵ Mahakre wana tahe eysamy atxikre. Tahe bidyke iuhe-ò.

⁶ Taheto-ò rehemynyreu, tasÿ mahãdu-ò tahe ritobinyre: —Wawana ini kÿny bedeysabedenyke. Wabudoeni-ki rahara, iõreõ wahe.

⁷ Iwesetyhylemy taheka adee reerymahãre iny òrarudu mahãdumy. Iu sohoji iny rexi-rahikreki, biu-ki deysana sõwemy rÿikre. Iny õbiti 99my tahe urihimÿò biu-ki deysana rÿikre.

⁸ Ijõ Jesuisi relyyre: —Hãwyyõ õsÿny womati ura nieru debòwiò dire. Sohoji iõre-wana, tii riijeke inatyhy? Loosõna ritoonyre, iube riwysynyre, sõwemy riijeke ihyymy tahe tai rahara.

⁹ Tii itxi reakre, reysamy rÿira. Iu tasÿ mahãdu ritobinyre: —Wawana inihe bedeysabedenyke. Wanieru-txi dokuri rahara.

¹⁰ Jesuisi tahe ritÿnynyre: —Iwesetyhyle biu-ki rare. Deuxu ÿju mahãdu reysamy roirenyre, sohoji òrarudu rexirahireu.

¹¹ Ixyby tahe Jesuisi narybede: —Hãbuõ iriõre inatxire.

¹² Tiutxumyta ihelÿÿna tyby-ò rarybere: —Waha, ibutumy aõna aõna burukreu wadee rawahikre, wijile bidiwahinykre. Tyby tahe iaõna aõna jura tamy riwahinyre.

¹³ Iriòre helÿÿna tahe ibutumy taaõna aõna-di rare irehe-ò, iwitxira bedehãwã-ò. Tai aõbina binale riwinyumyhyre. Ibutumy tanieru tai rahure.

¹⁴ Taaõwiwi rahu-di ta, tai rama ibede mahãdu rahumyhyre. Tii uritere reamyhÿ wahe.

¹⁵ Tahe aõmysÿdÿÿnamy rarunyre. Hãwãduõ tahe taixÿniõwedÿÿdumy bede riwinyure taoworu-ò.

¹⁶ Tai rama risamy ta ixÿni rÿsÿna rÿsÿmy rexinohõtinyre. Tahe aõkõre.

¹⁷ Kia tahe tõhõti deade. Kamy dextrinohõtinyde: —Yla aõkõ waha aõmysÿdÿÿdu mahãdu irÿsÿnadireri iwana jiarÿ kaki rama warubudÿÿmyreri.

¹⁸ Ixyby aròðekre. Kamy Waha-ò arexirybenymy: —Waha, Deuxuko-ò ako-ò rexi-itxÿtenyre jiarÿ raðrarunyre wahe.

¹⁹ Ariòre wese aõkõmy wadi mabeke, waitxÿte òraru-ki. Aaõmysÿdÿÿdu mahãdu wese ta ararekre myÿ tii rõhõtiny.

²⁰ Tii tahe tyby heto-ò rare. Irehemy nadeò, tyby tuu dobidre. Idi rexiwobrunymy tamy rajjaranyre iwehityhydÿÿmy.

²¹ Tahe tii narybede: —Waha, Deuxuko-ò, ako-ò rexiitxÿtenyre jiarÿ, raðrarunyre wahe. Ariòre wese aõkõmy wadi mabeke, waitxÿte òraru-ki.

²² Iule ta tyby teòdu mahãdu-ò rarybere: —Wylemy tywihikÿ tymyra-di bityynybenyke. Debòð tebò-ò roikre. Wað-di rawanykre.

²³ Tasÿse broreni riòre dedi birubunybenyke. Idi rikiroxirenykemy rekeysarenkyre dori.

²⁴ Wariòre dori rubu-ribi wese rexixara. Ikò-ribi itxi ijara rÿira. Tahe rawobedesarenyre.

²⁵ Iwana ta iumydela tahetoreny-ò dehemynymy nade taaõmysÿdÿÿna-ribi. Tahe wobe-desana-ò roholamy.

²⁶ Tahe deòdu-ò narybede: —Aõhereriwe.

²⁷ Dirawyònyde: —Ahelÿÿna kie ròðsereri aõhe rotÿÿnyõhyylemy. Tai boo broreni rirubun-yra.

²⁸ Jumydela tai reburere ròte deramy reare. Idi tyby tamy nade riròtenkyemy.

²⁹ Tahe iriòre dirawyònyde: —Aõhe òhòkõ adee raaõmysÿdÿÿnymyhyre. Ibutumy arybe retyhynymy watximahãre. Ihãreta budoeni wadee tewahinyõhymyhyte, wajioi mahãdu-wana idi arexideysanykemy.

³⁰ Katahe ariòre urile aõnawiiwi rahura wedena mahãdu-wana. Ròðemyta kai broreni riòrede tamy terubunya.

³¹ Tai tyby dirawyònyde: —Wariòre iny ratximyhyre kiaremyta ibutumy waaõwiwi heka ahòròle rare.

³² Iny bedesarenymy heka kawese rewinyre, wadee awireki. Ahelÿÿna dori ru-ruwese-ribi rexixara. Ikò-ribi itxi ijara rÿira. Tahe rawobedesarenyre.

16

¹ Jesuisi taerydÿÿna mahãdu-ò relyyre iyyò: —Hãbuõ inieru sòwere. Tamy deòduõ ibutumy inieru-di raaõmysÿdÿÿre ijò nieru ributunykemy. Ijòtxu tahe inyò rarybere: —Eòdu riki heka anieru-di òbitimy aõkõ raaõmysÿdÿÿmyhyre. Anieru sòwemy rexihumyhyre.

² Tahe didyde ixidee taconta retehekemy. Tamy rarybere: —Inatyhymy aõbo umy iny rarybemhyre? Wanierumy tyuriti aretehekemy watxireri. Òbitimy aõkòkeki, waribi arateònyke. Wanieru-di tiu maaõmysÿdÿÿnyòkre.

³ Tahe teòdu iximy rexiraykynyre: —Wadinodu riwateònyke. Aõhebo arotÿÿnyke? Waru-rukòre dori tahe aõmysÿdÿÿsira ariwinyòtyhy. Tule ijò iny-ribi iixitòedÿÿna riwaixÿrure.

⁴ Reeryre tahe, aõhebo arotÿÿnykremy. Aõwihikÿ wabiòwa dee ariwinykre. Riwa-teònykeki tahe wabiòwasÿ-ò arakre.

⁵ Ibutumy nieru huòtedu mahãdu-wana rarybere, tawedu-ribi huòtedu wahe. Tamyreny rarybere: —Tiwesebo tewyta wawedu-ribi?

⁶ Tahe diwyònyde: —Adÿÿ rehuòtera, 100 hynamy wahe. Tai tahe rarybere ijò: —Iwekre tahe wylemy biritinyke, 50 wahe.

⁷ Ijò-ò tahe rarybere: —Tiwesebo adeve? Diwyònyde: —Trigo rehuòtera, 1000 prato wahe. Tai tamy rarybere: —Kai 800my biritinyke.

⁸ Iribi tahe hãbu ityhy heka teòdumy rarybere: —Tii inatyhy nieru erydu ratxireri. Tahe Jesuisi rarybere: —Kabede wijinabòdu mahãdu heka aõmydÿÿnana erydutyhy rare, ityhydÿÿdu mahãdu ratyre wahe.

⁹ Tai tahe adee ararybekre. Kabede mahãdu biòwamy boibeke, anieru-di. Tahe anieru ituekeki, Deuxu taheto wiwihikÿ-ò aradykre, biu-ò heto wiwihikÿ wahe.

¹⁰ Aõmydÿÿnana aõ aõkõmy kai òbitimy masÿnykeki, tule aõ nihikÿmy kai iweselemy mabeke. Inyò heka ibutemy wasikeki, tii tule aõ nihikÿmy rawasinykre.

¹¹ Kaiboho heka kabede nieru-di òbitimy aõkõ atxibenykeki, tule biu-ki araròðona bitaòtyhy, aõ wiwihikÿ inatyhy wahe.

¹² Iny wixira nieru-di heka òbitimy boibeবেনyðekeki, timybo anieru tyhy-di òbitimy boibeke.

¹³ Inyð iny inatxi deòdumy aðkð rarekre. Inatxinað dori iluukre, ijð ta iluukðkre. Deuxu dee maaðmysðdÿðtyhy. Tiu nierurahi inatyhymy teamyhÿteki.

¹⁴ Fariseu mahädu tamy roholareu, urile idi nierurahi risinyrenyreny, tiiboho ire nieru ributunymyhÿrenyreny bødÿÿluurennyreny.

¹⁵ Tahe Jesuisi tamyreny rarybere: —Kaiboho heka òbitimy inyko-ò ixi-di atximahätenyete. Ihäre tahe Deuxu timybo toimahäte rierymyhÿre aöna aönarenny bina. Aömy häbu rexi-nohötinynehÿre, aðtxi-ki Deuxu-ò awiðhyhye.

¹⁶ Moisesi bede ywina rybe tahe tule Deuxu Rybedu mahädu awi rare, Joað Sebedÿÿdu rehemynyreny tahe ixäwire. Iu tahe Deuxu Iòlòna Rybe wihikÿ tamyra ròhònyreny. Kia tahe iny ritohodÿÿnyreny. Ibutumy iny kia-ò ralokremy idi ratxireri.

¹⁷ Biu, bede rexihuke tahe isiraðre. Deuxu rybe tahe rexihuðtyhy. Kia isiratyhy rare. Ityriti rybe wedenað riðononyðtyhy.

¹⁸ Häbuð tahäwyy-ribi ixäwikeki, idi iwixira-wana roikeki, tii òtadu rare. Häwyy ixedu-wana tii roikeki, òtadu rare.

¹⁹ Ityhy mahäduð riki tyy òwyhykÿwiwi-di rexitynymyhÿre. Tii idi rexirabedesirananynehÿre. Awimyhÿre tuu ratximyhÿre.

²⁰ Tahe urimynodu tyymy binadumy ijð-ki ixbyby ratximyhÿre. Lazaru inire.

²¹ Tii ityhy rÿsÿnauhe rirÿsÿkemy raòbirenymyhÿre. Ijòròsa dori itybinatòmý di-rahumyhÿde.

²² Lazaru rurureu, ÿju mahädu ridyrenyreny biu-ò ilabiereny rora-ò, Abrað wahe. Tule ityhy rurure idi rituunynyrenyreny.

²³ Tahe rubu-ki rubu mahädu bedebina-ribi aòhòkÿmy ðÿÿnana ityhy Abraðmy robire irehe-ò Lazaru tule irora-ki.

²⁴ Tahe ityhy dyryde: —Abrað, walabie, wadi inihe bedexiwoboronyke. Lazaru ini wadee tebò-ki beruty-di kanake wadòròtò elehynamy. Jiarÿ dori raòhÿtÿhÿtÿreri kaheòtywo-ki.

²⁵ Tukòleta, Abrað narybede: —Dàa aòwiihikÿ-di tatemyhÿ-di bexinohötinyke. Tukòlemyta Lazaru aòbina binahakÿle rimyreny. Tahe kaki aòwimy Lazaru ratxireri. Tukòmyta kai ibymy atxiteri.

²⁶ Ihäre ta häloohukÿ inyko-ki rÿire. Timyki kaludu kia-ò iòhòreseòna. Tule kia ludu kaò iòhòreseòna.

²⁷ Hebose, Abrað walabie, kamy ityhy narybede, Urile Lazaru wasÿ-ò biteònykekò aòbo. Waseriðreboho deòwarisidÿÿmy.

²⁸ Waseriðereny dori iruyrenyreny urikð-ribi kabedebina-ò kòdòiheny.

²⁹ Tahe Abrað diwyònyde: —Tiiboho dori Moisesi tyriti, Deuxu rybedu mahädu tyriti dire. Tii tahe tamy roholarenymy rityhynyrenyke.

³⁰ Ityhy narybede: —Aòkøre Abrað walabie. Kia inyð tarubu-ribi rexixamy ròðsekeki xiery ta, taòrarunarenny-ribi rexirahÿrenyke.

³¹ Tahe Abrað dirawyònyde ixbyby. —Moisesi tyriti rybe-ò, Deuxumy rybedu mahädu rybe-ò roholaðekeki, tii mobo rexixake tule ityhydÿÿðna.

17

¹ Tahe Jesuisi taerydÿÿna mahädu-ò rarybere: —Kiemy inyð wodohonadÿÿmy aradykre òraruna-ò besekemy. Kobe lähaxe tii kiawesemy rotÿÿnykreki.

² Tii dori ibinatyhy rare. Wadee heka kabera-txi mana-di rataataamy sÿy-ò reakenawi rare. Tukòmý uri-ribi watyhydÿÿdu tÿmyrað riòrarudÿÿnyheny.

³ Bexijebeny ta. Aityhydÿÿdu seriðre rexiòrarunanykeki, tamy marähike. Tii rexirähikeki, iaðna aöna bina-ribi bexinohòtilosanyke.

⁴ Txu sohojiòmý adee rexibinanykeki, kai tule ibinamy tai mahamy. Tii ixi-di rexi-wotòenymy adee nakeki, tule idi bexiwobrunymy bexinohòtilosanyke iaðna aöna-di.

⁵ Jesuisi erydÿÿna mahädu dexitòenydenyde: —Wanyrÿreny, wainatyhynarenny ini bisòwedÿÿnyke.

⁶ Jesuisi dirawyònyde: —Ainatyhynarenny heka sunysisòmò wesekeki, kamy bederarade-ò marybebenyke: —Bexitake inihe idi bera-txi myike. Tahe tii aratyhynyke.

⁷ Titxibo kaibohoð eòdudirenykeki aoworu-di itxeredu ada budoeni-di itxeredu wahe. Tii taaðmysðdÿÿna-ribi kanalokreu, kawesemy aòbo tamy manarybekre? Wy, wylemy rikiroxikre dori.

⁸ Timyki kawese tamy arybeòna. Tukòmýta tamy marybeke: —Warÿsÿna biywinyke idi wadee, idi manakre. Ariroxikre dori. Wabyre arihu-di ta bexiðenyke.

⁹ Teòdu deòdumy rearahu-di aòbo, txiòtòetuukemy tamy rarybere aòbo. Timyki tukòna. Kiemy dori taaðmysðdÿÿnale riwinyre.

¹⁰ Iu aōmysŷdŷŷnarenen bihudi, iwese heka atximahābenyke kamy bexirybenymyhŷbenyke: Inyboho deōdule roire, aōtyhy aōkō mynodu, iny aōmysŷdŷŷnarenenle heka inyboho riwinyrenyere.

¹¹ Jesuisi Jerusalē hāwā-ō ramyhŷreu, Samaria bedē, Kalileia bedē wotyā-di rare.

¹² Iu hāwāō-txi raloreu, debo ituemy sōwereny tyymy binamy mahādu iry-ō doide, tahe irehemxyerexyrenyere.

¹³ Iribi tamy dyrydenyde: —Jesuisi, Erydŷŷdu, wadireny ini bexiwobrunyke.

¹⁴ Tureny robireu, narybede Jesuisi-ō: —Xiwenā wahidŷŷnā mahādu-ō ixi-di itxerenamy bōike. Kia-ō rariamy roirenyreu, tahe reyterenyere.

¹⁵⁻¹⁶ Ijōreny Samaria ludu mahāduō reytemy iximy robireu, Deuxu riwowydydŷŷnyny tamy dōōsede, rawitunymy. Tatiowomy Jesuisiko-ō resere. Tahe rarybere: —Txiōtōetuuke.

¹⁷ Tahe Jesuisi ritŷŷraxinyre: —Debō itue wese, asōwerenyre? Titxibo ta debō inaudiōwabohō roire?

¹⁸ Aōherekiwe kaa iny wixira sohojile Deuxu wowydydŷŷmy dōōsede, Samaria luduō wahe?

¹⁹ Tahe Jesuisi tamy rarybere: —Mynyke, idi makre. Atyhydŷŷnā ōraru-ki dori teyteta.

²⁰ Idi fariseu mahādu Jesuisi-ō rŷŷraxirenyre: —Tiubo Deuxu Iōlōna kanakre? Tii diwyōnyde: —Timyki Deuxu Iōlōna dehemynsŷnamy inyō robiōtyhy.

²¹ Tule inyō kiau rarybeōtyhy: —Betehebeny inihe ka-ō: —Tukōmy aōbo: —Kowaki heka rare? Deuxu Iōlōna dori aworeny-ki rare.

²² Tahe taerydŷŷnā mahādu-ō rarybere: —Tiutxumy heka Deuxu Riōre Hābutyhyhykŷ txumy bobibenykemxy tahe bobibenyōtyhy.

²³ Tahe ijō adeereny kanarybekre: —Bedetehebeny inihe kaō ada kowa-ō. Tahe iitxerenyōmykre.

²⁴ Iwese tiribi tiō biu relaanymyhŷre wese heka Deuxu Riōre Hābutyhyhykŷ txu kŷnykre.

²⁵ Delemxy tahe tii aōhōkŷmy rotŷŷnykre. Wijinabōdu mahādu teramy reakre.

²⁶ Noe bededŷŷnāna wesemy heka rŷimyhŷkre. Iu beōra rariareu. Tahe Deuxu Riōre Hābutyhyhykŷ kedehemynykre iu.

²⁷ Ibutumy heka worana bedehesi rŷire. Lisisō tahe rŷire. Hāwyy herina lisina rŷire iu. Iu tahe beōra rariare. Ibutumy ituere.

²⁸ Lōō bededŷŷnāna tule iwesere. Tiibohō worana bedehesidile rŷire. Tiibohō rityhynyōtyhy. Urile hetomy riwinymyhŷre, oworomy riwinymyhŷre, aōna-di rohonymyhŷre.

²⁹ Iu tahe Lōō ihāwā-ribi rōhōnyreu, Deuxu heōty ityre riteōnyre. Biu-ribi heōty ityre resere enxofre-wana.

³⁰ Iwesele txu tii heka rarekre heka, Wadehemyny Deuxu Riōre Hābutyhyhykŷ wahe.

³¹ Kiau tahe inyō ihetotyre heka rŷire. Malōkekō heka ahetowo-ō aōnamynamy. Inyō tule oworu-ki rŷire, taheto-ō aōkō rōōseke.

³² Lōō hāwyy-di mohōtynyke.

³³ Inyō taumy riyrubunykēki, tii ruruke. Ijō tahe wadeewimy rurukēki, tii taumy rayrubukre.

³⁴ Adeē rarybere: —Bede rurureu heka inatxi hābu rōrōrerī. Ijō heka rakre dynamy reakre. Ijō tahe rarikre.

³⁵ Inatxi hāwyy heka rŷsŷnā-di raaōmysŷdŷŷnyny heto-ki ratzikre. Ijō heka dynamy reakre, ijō heka rarikre.

³⁶ Inatxi hābu heka oworu-ki raaōmysŷdŷŷkre. Ijō heka rakre dynamy reakre, Ijō tahe ririkre.

³⁷ Ierydŷŷnā mahādu rŷŷraxire. Titxibo rŷikre, Wanyrŷ? Tii rirawonyre: —Titxibo iumy rubu roire-wana, rara tai wii ributunyre.

18

¹ Jesuisi heka rōkewesenanyre ribedeerynyreu. Kia wese heka tii ijyymy relyyre. Rex-itōenyhykemy tii ribedeerynyre tule ixitōedŷŷ-ō ixirarennyōmy.

² Hāwāō-ki tahe hābu matuariō rare, tii tahe ibinare. Juizimy heka ratximyhŷre ywisidŷŷdu wahe. Tii iny rityhynyōtyhy, Deuxu lau ruberuōmyhŷre.

³ Tule heka hāwyy wytesēō tai rasŷnymyhŷre. Kia tamy ramyhŷre sōwemy. Tamy rarybera: —Biawwikōhenakre wahe. Wakōludu tahe riwahureri. Kywisidŷŷkŷdu kai atxiteri. Anoherekibo tiwawokutōenykōteri.

⁴⁻⁵ Aōōhōkōmy hābu iaōna aōna ōbitidŷŷ deramy reamyhŷre. Tahe Hābu ixideē rarybēhyra. Inatyhymy jiarŷ inyō retyhynyōtyhy. Tahe hāwyy wytesē sōwemy wadeē raryberēki, jiarŷ ariōbitinykre iaōna aōna ibutumy iōludu-wana. Aōkōkēki tiemy kidiwarulōōbenyke.

⁶ Tahe Jesuisi ritŷŷnyre: —Juizi bina rybe-ō kaibohō bohōlabenyke. My wahe.

⁷ Deuxu heka taijoi mahādu-ò roholake. Òbitimy iòludu-di riywisinykre. Taijoi mahādu dori tamy rexitòenyre. Tii wymy riwiòhenanyke.

⁸ Tii inatyhymy taijoi mahādu riwiòhenanykre. Jiarý, Deuxu Riòre Hābutyhyhyký wymy adehemynykre, watyhydýýdu-txi aòbo areakre.

⁹ Tule Jesuisi kia ijyy relyyre, iny ixityhymy ixi-di ratxityhymy kia ijò inymy kiale radònymyhýre. Kia tahe rikewesenanyre.

¹⁰ —Iny inatxi hābumy heka templo-ò ròrenyre rexitòenykemy. Ijò fariseu rare, ijò tahe nieru arisidu rare.

¹¹ Fariseu tahe rýimy rexitòenykemy ixidee. My wahe: —Deuxu, jiarý aòhābubina aòkò rare. Tai tahe umy reálàmy wahāre. Jiarý aòwasidu aòkò, aòòrarudu aòkò, aòòtadu aòkò. Iwese kowa nieru arisidu wese aòkò jiarý rare. Txiòòetuuke tai.

¹² Semana sohoji heka wabyreò-di inatxixumy rewymyhýre. Tule waaòna aòna ibutumy ijura adee rewahinyre. Debòwiòna-ribi sohoji rewahinymyhýre wahe.

¹³ Nieru arisidu tahe irehemy rýire. Biu-ò aòkò retehere, tahe rexihetenyre rexitòenyrimy Deuxu-ò. My wahe: —Deuxu, biwawotòenyke. Jiarý òrarudu rare.

¹⁴ Jesuisi ijyy ritýnynyre: —Adee ararybekre. Mobo teysamy taheto-ò nade? Ixityhydýýdu aòbo ada ijò aòbo. Kohe ijò tuure, ixityhydýýdukò wahe.

¹⁵ Tiiboho heka uladu tamy didydenyde. Iu Jesuisi tebò iratityre ritidimy ritxuhore awimy roirekemy. Tahe ierydýýna mahādu tamy idyrenyòkremy raryberenyre.

¹⁶ Jesuisi rarybere: —Txiò, kididyke uladu wadee. Uladu wese dori Deuxu Iòlòna rare.

¹⁷ Inatyhymy ararybekre: —Moò heka uladu wesemy Deuxu Iòlòna rityhynyòkeki kia heka Deuxu Iòlòna-ò ralòòtyh.

¹⁸ Idi tahe iweduò rarybere: —Erydýýdu wihiký, aòwexe ariwinykre idi biu-ò arahenykemy.

¹⁹ Jesuisi tamy rarybere: —Aòbo wa wihikýmy wadee tarybeta. Hābuò tiu awiòre. Deuxu sohojile tahe awira.

²⁰ Bede ywina tyriti kai teeryte:

—Rubudýýòmykemy, tule òta òtaòmykemy, wasiòmykemy, tule ruiòmykemy, iny wii itxenadýýòmykemy, adi biywinykemy, boo tule.

²¹ Hābu tamy rarybere. —Kia bede ywina rybe retyhynyhyllere, uladudihyyle wahe.

²² Jesuisi rarybere: —Kai sohoji aòmydýýnale aki nasiranyde. Kai makre, ibutumy aòna aòna-di bohonykre, idi tahe kia nieru biwahinykre iny aòkòdu mahādu-ò. Kia tahe aòmydýýnadikre biu-ki. Tahe manakre biwaheludunykre.

²³ Kia rybe-ki heka hābu rabadewore. Rexitare ibedewomy iaòna aòna sòwetyhyreki.

²⁴ Jesuisi retehemy ibedyry-di tahe rarybera taerydýýna-ò: —Kia iny iaòna aòna sòwemy rýireri, Deuxu Iòlòna-ò ralòke isirare.

²⁵ Kamelo tyyrorenawo-di ralòkemy isirakeki, kia-ribi isiratyhyre iny iaòna aònadikeki ralòke Deuxu Iòlòna-ò.

²⁶ Ijohonadu tahe widee rarybere: —Mobo tai biu-ò hedukre.

²⁷ Jesuisi rarybera: —Inatyhymy kòaòboka hābu-ò isiratyhyre. Deuxu-ò tahe ibutumy aòna aòna isiraòre.

²⁸ Pedro rarybere: —Boholake, jiarýboho ibutumy rerirenyra araheludunykre.

²⁹ Jesuisi rarybere tamy: —Inatyhymy adeereny ararybekre. Moò waluukeki, rybewihiký luukeki, kia heka ririkre: heto, taseriòre, tyby tadi-wana, tariòre, tabede, ibutumy waòraru-ki, Deuxu Iòlòna òraru-ki, ririkre.

³⁰ Ka bedekile ritakre sòwetyhymy ibutumy aòna aòna. Ihāreta biu-ò rahenykre Deuxu-wana rasýnykemy.

³¹ Jesuisi taerydýýna mahādu ridyre inysòwe-ribi tamyreny rarybekemy: —Boholabenyke wajoi! Jerusalè-ò rokoirenykre. Tai iny riwarubunykre jiarý Hābutyhy rarehāre, Deuxu Riòre rarehāre wahe. Iwese Deuxu Rybemy rybedu mahādu rarybere wese.

³² Tiiboho riwawahinykre judeukòdu mahādu-ò. Tiiboho riwabinabinadýýnykre, riwalahikre, watyre rarybexinykre.

³³ Riwahetenykre òhòte-di, idi riwarubunykre. Ihāre tahe inataò txu-di tahe adexixakre rubu-ribi.

³⁴ Jesuisi erydýýna mahādu urile bede riòtiinyrenyre. Aòmybo tii rarybere rierytyhyòrenyre. Irybe tamyreny dori ierynatyhykòreri.

³⁵ Iu Ijeriò hāwā-ribi iòhòmy roirenyreu, inatxi iny ruetàmy heka ronymyhý Jesuisi ibire-di rareu. Tiiboho nierumy rexitòenymyhýrenyre.

³⁶ Inysòwe-ò roholarenyre tahe, tii rýýraxirenyre: —Aòhereriwe.

³⁷ Tahe tamy rarybere: —Jesuisi wa rareri Nazare hāwā ludu wahe.

³⁸ Tahe ruetað ryrre: —Jesuisi, Davi riokore! Biwatòenyke hewa! Wadi làhà inihe bexiruxetòenyke.

³⁹ Iny sòwemy tamy rarybere: —Iryòmyke! Ihãre ta tii ryrwymhÿre: —Davi riokore, wadi mawotòeke!

⁴⁰ Jesuisi riyryre tahe rarybere: —Tamy byryke wadee kanakemy.

⁴¹ Jesuisi tamy rarybere: —Aòmybo kai taruteri adee arutÿnykremy. Tahe hàbu ruetahàkÿ tamy rarybere: —Wawedu, ixityre arobikremy.

⁴² Jesuisi tahe tamy rarybere: —Makre, atyhydÿna kai arateytenyra. Kialehe rare.

⁴³ Aòwesele ixityrele tii robire. Tahe Jesuisihemy rare ryy-di. Taihe ibutumy iny heka Deuxu riwowdydynymhÿ.

19

¹ Ijeriò hãwã-ki Jesuisi rehemynyre. Idi rariareri.

² Tahe hàbuò tahe Jesuisi riere. Zaquieu inire. Inieru sòwere. Tii nieru tarasadu weduò rare. Inieru sòwere. Tii heka iyjare tahe Jesuisimy robiòtyhy. Raòwònyre tahe òwòru-txi.

³ Tii Jesuisimy robikemy risÿnymyhÿ, tiu tuu robiòhymyhÿreki. Iyjare-ki tahe rexisir-anyre. Kiemy dori iny rarie rarie iko-ki rÿimyhÿ.

⁴ Tahe ijoiko-ò rexiraðre tai òwòruò-ò raòwònyre Jesuisimy robikemy iribi idi kanakreò.

⁵ Iu Jesuisi tamy rehemynyre, biu-txi retehemy Zaquieu-ò. Narybede: —Wylemy bedeseke Zaquieu. Wiji dori aheto-ki bede wadi rÿike.

⁶ Tahe rabedesamy wymy resere. Awimy Jesuisi rybe-ki rahare.

⁷ Tahe inyò mahãdu iòaru-ki kamy rexirybenyrenyre: —Aòhewe Jesuisi iheto-ò rara? Tii iny òbikòmy nodu hàrele wahe.

⁸ Zaquieu tahe Jesuisi rarybere: —Bodoholake ini, Wanyrÿ. Tahe waaòna aòna iwekre iaòkòdu mahãdu-ò ariwahinyry ararekre. Tule txibo inyò-ribi rowasire inaubiòwa wawasi ratyre tamy ariwahinykre.

⁹ Tai Jesuisi narybede: —Wijityhyle kahãbu sÿmahãdu-ò henana rehemynyra. Kahãbu tule Abraò riore riòrele rare.

¹⁰ Deuxu Riòre Hãbutyhyky dori iny òrarunamy resere mahãdu òrysomy itarasamy nade. Jiarÿ tiire.

¹¹ Jesuisi tamyreny rawesenanyre timybo Deuxu Iòlòna raremy. Jerusalè hãwã-ò iòhòmy ratximyhÿre. Tai tahe Deuxu Iòlòna iòhòmy ratximyhÿremy roholare.

¹² Tahe Jesuisi rarybere iny ityhyò heka: —Inyò nihikÿ heka rakemy ratximyhÿre ijò bede-ò ratÿinykemy. Tai iòlòmy ronykremy rare. Iribi tahe ròsere.

¹³ Tii tahe taaòmydÿnana ririre teòdu mahãdu-ki. Teòdu mahãdu debòwiòmy heka womati tÿrÿrÿhÿky nieruò sohoji sohoji tamyreny riwahinyre. Tamyreny rarybere: —Nieru bitakre, idi bibutunyenykremy adireny watxireri adooskreu.

¹⁴ Tahe kia bede ludu mahãdu iòlò deramy ratximyhÿre tai tahe tamy rybemy iny mahãduò riteònyre: —Kahãbu aòkò iny iòlòreny ronykre.

¹⁵ Ihãre tahe iòlòmy ronyre. Idi tahe tanieru wedu mahãdu-ò rarariòwyre. Tiwesebo teòdu mahãdu nieru ritare rierykemy.

¹⁶ Juhuludu tahe rehemynyre: —Wawedu, betehe inihe ijò debòwiò anieru ratyre rebutnyre.

¹⁷ Tahe iòlò sòwemy riwowdydynyre: —Awityhymye taaòmysÿdÿÿta. Kai heka deòdu wihikÿ tate. Kai ibutedile sòwemy tewinyte tahe debòwiò hãwã adee ariwahinykre.

¹⁸ Ijò tahe rehemynyre: —Wawedu, betehe iny iruyre anieru tyre rebutnyre.

¹⁹ Tahe iòlò tamy rarybere: —Kai sÿ iruyre hãwãmy dinodu mabekre.

²⁰ Ijò deòdu rehemynyre: —Wawedu, ahãxe anieru. Jiarÿ tyky-di reraserasenymy rerarenyre.

²¹ Jiarÿ alau raberure. Kai dori hàbu nieru tarasaery heka tate. Aò taaòmysÿdÿÿteri-ribi aòkò heka nieru tetamahãte.

²² —Kai heka deòdu awi aòkò heka tate. Arybe xiery waribi arateònykre. Kai tiwaeryte jiarÿ nieru tarasaery heka watxireri. Aò raaòmysÿdÿÿre-ribi aòkò nieru retamahãre.

²³ Aòherekibo. Kia nieru yrubuna heto-ki terikòte. Tai iximyna ratyre ini iribi ratare.

²⁴ Iòlò teòdu inatxi-ò rarybere: —Wanieru iribi bitabenyeke. Ijò hàbu sòwemy ròtareò rawahikre.

²⁵ Ijò raryberenyre: —Tii heka debòwiò nieru ijòdire.

²⁶ Adee ararybekre: —Inyò òbitimy raaòmysÿdÿÿkeki, tii sòwetyhymy ritakre. Tule inyò òbitimy raaòmysÿdÿÿòkeki, tii ibutumy ròònodÿÿkre.

²⁷ Iwedu rarybekre: —Wadoludu mahãdu tahe wadee bididybedenyke. Wadera mahãdu wahe. Wako-ki birubunyenyeke.

²⁸ Tarybe rahudi tahe Jesuisi rare Jerusalè hãwã-ò.

²⁹ Jerusalē iòhòmy ritehemynyrenyreu, tahe inatxi taerydÿÿna bede riywinyra hāwā-ò roikemy. Inatxi hāwā iòhòmy roire, Betabaji, Betÿnia-wana. Kia-ò Oliveira hāwālò roire.

³⁰ Jesuisi rarybere: —Kaiboho boikre kowa hāwā-ò. Kowa-ò birònykreu jumenta riòre mahabenykre. Moheka ityre rariaòlemy ratximyhyre. Biesemy, wadee bididybedenyke.

³¹ Inyò adeereny rarybekeki: —Aòhekremybo idi atxitenyteri. Tahe tamy marybebenykre: —Wanyrÿ tuu rurureri. Ixityre kaò kidiòkesedÿÿnykre.

³² Tahe hābu roire. Iwese Jesuisi rarybere wese ibutumy rÿire. Jumenta riòre ryro hetoiò-ki ritisanymy rÿimyhÿ.

³³ Tai riesereu, iwedu rarybere: —Aòherekibo teeseteri.

³⁴ Tai tiiboho Jesuisi rybe myna tamy raryberenyre: —Inyenyÿ tuu rurureri.

³⁵ Tahe ridyrenyreu jumenta riòre Jesuisi-ò. Tiiboho tatyreny ritidirenyre jumenta riòre tyremy. Tiiboho risÿnyrenyreu Jesuisi ityre-ò.

³⁶ Jesuisi rehemynyreu, ijòboho tahe tauwòhi ryromy ritidire ityre rariakemy.

³⁷ Jerusalē iòhòmy rehemynyreu, Oliveira hāwālò-ribi, ierydÿÿna mahādu rawyhyrarònyreru, tule ryrureri.

³⁸ Tii heka wowydyna rare. Tii heka Wanyrÿ niwesekemy naderi. Wowydyna rare Deuxu Iòlòna. Kai Iòlòna kanakre. Wyhyrarò biu-txi kodoholakre.

³⁹ Ijò fariseu mahādu rarybere Jesuisi-ò: —Marybeke aerydÿÿna mahādu-ò tiiboho riyrykemy.

⁴⁰ Jesuisi tamy rirawyònyre: —Tiiboho riyrykeki, manale wowydynamy ryryke.

⁴¹ Jesuisi Jerusalē hāwā-ò iòhòmy rehemynyreu, rahinyre.

⁴² Tii rarybere: —Kaiboho ywinatyhy teeryòte. Inatyhymy teeryte wana wadee awire, tahe aòkòre.

⁴³ Ijò txu kanakre. Ahāwā ibutumy rirurawonykre aòbina mahādu, aòludu.

⁴⁴ Ibutumy hāwā ituekre. Iny iwo-ki tule rurukre. Mana ibutumy kedesekre. Rierykòre dori tiubo jiarÿ aheadÿÿrenyreny manade.

⁴⁵ Tahe Jesuisi dohodÿÿna hetowo-ò ralore. Tahe kia-ribi aòna aòna-di rohonymyhyre mahādu, òbradu mahādu diteònyde.

⁴⁶ Rierynanymyhyre tahe tamy rarybere:

—Raritiðÿòlemy aòbo rÿireri: —Waheto kòaòboka inatyhymy ixitòedÿÿna hetomy rÿirakre. Idi kaiboho tewinytenyete wasidu hetowesele.

⁴⁷ Txu ibutumy Jesuisi dohodÿÿna heto-ki ròbedeerydÿÿmyhÿ. Xiwe wedu mahādu, Deuxu aòmÿsÿdÿÿdu wedu mahādu roholarenyreu, ròhòtynyrenyre: —Timo bo inyboho Jesuisi rubudÿÿmy rikiwisÿnyrenykre.

⁴⁸ Tiiboho tahe aòkòhykyre iny sòwemy dori bede riòtiinyhÿ ibedeerynadÿÿna-ki.

20

¹ Ijò txu tahe Jesuisi ròbedeerydÿÿmy, Ijyy Tÿmyra Wihikÿ wahe. Ririranymyhÿrenyreu dohodÿÿna hetowo-ki, bede ywina erydÿÿna mahādu, Deuxu xiwena wahidÿÿdu mahādu wedu, tule matuari mahādu tamy doide.

² Tiiboho tamy rÿÿraxirenyre: —Mowe atèdòdÿÿdure kia aòna aònamy tatÿÿnyhÿtemy.

³ Jesuisi dirawyònyde: —Adeereny tule araxikre. Kaiboho bidiwawoyònykeki, tahe jiarÿ akoreny ÿraxina ariwyòkre aòrurudibo aòna aòna rewinyhÿre.

⁴ Tahe Jesuisi ritÿÿraxinyre: —Mobo Joaò ratisebedÿÿmy riteranyre? Deuxu aòbo ada iny aòbo?

⁵ Tiiboho widee rarybera: —Deuxu riteranyremy inyboho rakaryberenykeki, tai tii rarybekre: —Aòherekibo tahe tii tetyhynytenyòte.

⁶ Inyò riteranyremy rakaryberenykeki, iny aruberuwÿhÿrenykre. Ibutumy iny dori Joaò rityhinyre tii Deuxu rybe-di rybedumy. Ijò ijoi mahādu urile inyreny kidihetenykre.

⁷ Tai tahe tiiboho raryberenyre: —Jiarÿboho reeryòrenyre. Tai tahe Jesuisi rarybere:

⁸ —Hebo, jiarÿ adeereny iximy ararybeòtyhy modeòdÿÿnamy jiarÿ tuu watxirerimy.

⁹ Iribi tahe Jesuisi tamyreny ijyy-di rierynanymyhÿre: —Hābu uva oworuò wese ròbròre. Tahe riòtynyre. Tahe hāloo riare oworu ubetya-ki, ruÿdÿÿnymy. Tahe utò riwinyre. Idi tahe rityhere hābu mahādu-ò. Tahe rexitare tasÿ-ribi ijò bede-ò.

¹⁰ Tahe bederaty siredey bededÿÿnana rehemynyreu, iwedu teòdu riteònyre bederaty ritakemy. Tahe oworu-di itxeredu oworu wedu deòdu rimyrenyre, rihetenyrenyre idi riteònyrenyre ixihylyemy.

¹¹ Ixityre oworu wedu teòduò riteònyre. Kia heka irati rihetenyre ta tamy rawobinarybenyrene.

¹² Ijò riteònyre. Kia heka rirubunyrenyre.

¹³ Iwedu ixi dee rarybere: —Aòhebo arotÿÿnykre. Tahe oworu wedu iriòre sohojilere, wariòre kie kie sohojile ariteònykre. Tai tiiboho rityhynyrenykre.

¹⁴ Kia oworu-di itxeredu mahādu widee raryberenyre: —Kia heka wedu aōna aōna tarasadu rare. Rurukre, idi tahe iaōna aōna inydeerenykre.

¹⁵ Tahe rimyrenyire idi rirubunynenyre tahe idi rehurennyre oworu-ribi. Jesuisi ritŷŷraxinyre: —Aōhebo tahe oworu wedu rotŷŷnykre. Tai Jesuisi ixityre narybede:

¹⁶ —Tii kanakre oworu-di itxeredu mahādu hudumy, tai tahe oworu rityhekre iny wixiraō-ō. Kia-ō tiiboho roholareu, tahe raryberenyre. Timyki tukōna.

¹⁷ Jesuisi idi reny rethehemy tahe rarybere: —Ritina-di aōbo tariaōletenyte kia ryberiti: —Mana-di hetowidŷŷdu rehura. Kia mana heka hetohātxi-ki heridu rare.

¹⁸ Inyō kia manatyre resekeki, kia urile raoroorokre. Mana tahe inytyre resekeki, kia urile risyrisynykre.

¹⁹ Bede ywina erydŷŷna mahādu, tule xiwena wahidŷŷna mahādu wedu rimykemy riwisŷnyre kiaule. Brebumy ta turennykōre.

²⁰ Tiiboho hābubinaō riōwynyire tamy imynamy irybe-ki. Tai tahe Dinodu-ō riwahinykremy aōsirakōmy timykibo irutaōmy rirybewitxiranyrenykeny.

²¹ Tiiboho rarybere Jesuisi-ō: —Erydŷŷdu, jiarŷboho araeremy adi wtximahārenyire kai inatyhy hābu tate. Iny ibutumy adee wiwese wiweselere. Inatyhymy iny-ō Deuxurymy teernanymahāte. Tahe tiiboho ritŷŷraxinyre:

²² —Awire aōbo ada ibinare aōbo nieru rawahinymyhŷre bede dinodu-ō. Timybo tahe, imposto raōwymy aōbo ada aōkōre aōbo.

²³ Jesuisi riernymhŷre tōhōtinanarenny, tahe ritŷŷraxinyre: —Aōherekibo kaiboho tiwauri-hitenyteri.

²⁴ Wādee womati nieruō bidiwy waitxerenamy. —Kawe moō tyttarasana rare, katahe moō tyritina rare. Tiiboho dirawyōnyde: —Kiahe bede dinodu hōrō rare.

²⁵ Jesuisi rarybere: —Hŷdebo, bede dinodu hōrō tahe tamy biwahinybeny, tule tahe Deuxu aōna aōnahōrō Deuxu-ō biwahinybeny.

²⁶ Tiiboho aōkōre. Irybe-ki rimynamy aōkō. Urile ribedeōtiinyre.

²⁷ Saduseu mahādu tamy nade. Kia heka iny rubu-ribi rexixamy aōkōre-riki riernanymhŷre. Tiiboho ritŷŷraxinyre Jesuisi:

²⁸ —Erydŷŷdu, Moisesi raritinyre bede ywina-ō, kaimy: —Hābuō rurukeki, tahāwyy iriōre ijōdiōkeki, tahe kia hāwyy tahābu seriōre-wana roike. Iriōredikre taseriōre rubuōwymy roikre.

²⁹ Seriōre debōinatxi reurōmy raremyhŷ. Juhuu ijō roire hāwyy-wana. Tahe tii rurure iriōreōlemy.

³⁰ Tahe ihewoludu iseriōre wytese-wana roire. Tii rurure iriōreōlemy.

³¹ Ihewoludutyhy tule ibutumy roire wytese-wana, tahe ituerenyre iriōreōlemy.

³² Irōōbymy tahe hāwyy tule rurure.

³³ Ixixanau tahe mohābubo tii-wana rarekre. Ibutumy dori wytese-wana roire.

³⁴ Jesuisi rirawyōnyre: —Kabede-ki hāwymy iny roimyhŷre.

³⁵ Ixixanabedeu heka moō roiōtyhy, inyō dori bede kia riōbnykreu.

³⁶ Ibutumy iny ŷju wese rarekre biu bede-txi.

³⁷ Moisesi tatyriti itŷnyhŷkŷlemy rarybere: —Iny rubu-ribi kedexixakremy. Tai ta heōty ōwōru sōmo riworonymhŷki ixbylesŷ rarybera:

—Deuxu heka Abraō, Ijai, Ijaō kia Deuxu rare.

³⁸ Tai Deuxu inyru mahādu Deuxu dori rare. Iny rubu mahādu ta aōkōre.

³⁹ Inyō rarybere: —Arawyōnakyhna, Wanyrŷ tate. Bede ywina tabohe teertyhyte!

⁴⁰ Tai tahe ixby rŷŷraxiōhyrenyire.

⁴¹ Jesuisi rarybere: —Timybo bede ywina erydŷŷdu mahādu rarybemyhŷre Kristu Davi riōre raremy.

⁴² Davi rarybere aōmybo Deuxu Tytybytyhy tamy narybedemy iwiuna-ki:

—Wanyrŷ rarybere Wanyrŷ-ō:

—Bodony warurunawe-ribi.

⁴³ Txiohe inihe, aōludu awarawo-txi aritidikre.

⁴⁴ Tahe Davile tanyrŷmy rininire. Timyki tahe Davi itybmykre.

⁴⁵ Tii taerydŷŷna mahādu riernanymhŷre.

⁴⁶ Tii rarybera: —Bexiemyhŷbeny bede ywina erydŷŷdu mahādu lau. Tiiboho heka tyrehetywidihikŷle rexitynymhŷrenyire. Tiiboho heka ixi rybedŷŷluurennyre hāwā riraki. Dohodŷŷna heto-ki ryananawi luurennyre. Tule ta anarŷŷ rŷi-wana, tyhytyrekile ryanana tamyrenny awire.

⁴⁷ Tiiboho tule wytese aō aōkō mahādu aōna aōna ritamymhŷrenyire. Ixitōedŷŷna rehehekŷ rexitōenymhŷrenyire. Tiiboho heka aōnihikŷmy aōhōkŷmy dŷŷnanamy rotŷŷnyrenykre.

21

¹ Jesuisi retehemy r̄yimyh̄y dohod̄ȳna heto nieruhyna-txi. Tii retehere tibo iny tanieru-di rehemyh̄ydi. Tai inieru s̄owe mah̄adu nieru s̄owemy ritidimyh̄y.

² Tule tahe nade wytese āo āok̄o mah̄adūo. Tii inatxi nieru s̄omo-di rehure.

³ Tai Jesuisi rarybere: —Kowa heka wytese nieru-di rehure ibutumy iny wixira ratyre.

⁴ Ij̄o mah̄adu tanieru uhedile rehemyh̄y. Tahe wytese idi rehure ibutumy tanieru-di rexihumy taumy-ribi idi rehure.

⁵ Dohod̄ȳna hetomy ieryd̄ȳna tamy rarybere: —Eryd̄ȳdu, beteheke mana wihik̄y ruxera ruxera-di eryna heto riruxeranyreridi.

⁶ Jesuisi rirawȳnyre: —Kaiboho betehebennykre hetonihik̄y-ò. Kia heka mana ij̄o wityre-ki r̄yīotyhy, ibutumy heka kedejuxunykre.

⁷ Tiiboho rit̄ȳraxyre. Tiubohe ibutumy kidiixix̄awidid̄ȳnykre. Tiiboho ibutumy bede konanad̄ȳnamy reakre. Timybohe arieryrenykre, āoma bede ibutumy rexihukre.

⁸ Jesuisi tamyreny rarybere: —Kaiboho anaitxenanydenyheny lau bexiebenyke. S̄owemy dori r̄yikre wanimy rarybemy rarekre: —Jiar̄y dori Kristu rare. Tahe iny s̄owemy itxenad̄ȳmy reakre.

⁹ Kaiboho wounarybe-ò, āobina rybe-ò, boholakreu, breburenȳomykre. Kia heka kanakremy ratximyh̄y. Urile beded̄ȳnana ikonanatyhy āok̄o rare.

¹⁰ Tii tamyreny rarybere: —Uritere iny lahinareny, ij̄o lahinareny widee kanaāobinanykre. Tule iòlona mah̄adu, ij̄o iòlona mah̄adu-wana widee kanaāobinanykre.

¹¹ Bede bedesu ij̄o h̄aw̄a-ki kanamytatakre. Tahe āok̄ore rama kedeakre. Kia heka juhu āoh̄ok̄ymyd̄ȳnana rarekre. Āobrebuna brebuna k̄ȳnykre. Idi biu-ki āowixira k̄ȳnykre.

¹² Tiiboho arawahinyrenykre āoludu wedu-ò, iòlò-ò. Kaiboho heka āoh̄ok̄ymy iu bot̄ȳnybenykre, watyhyd̄ȳ òraru-ki. Tiiboho arahatenyrenykre dohod̄ȳna hetowo-ki. Kiabohoko-txi wadee kaiboho kedelyykre inatyhymy āona āona r̄yiremy.

¹³ Rybewihik̄ymy ibutumy bede bede h̄aw̄a-ò belyybenykre.

¹⁴ Tiubo aradyrenykeu, urile noh̄otīomy āomybo kaiboho marybebennykre.

¹⁵ Kiautyhyle āomybo marybebennykremy bierykre. Kia tahe marybekre. Kai āok̄o dori marybekre, Deuxu Tytybytyhy tahe rybedukre.

¹⁶ As̄yreny dori r̄ytenawo-ò araròtenyrenykre. Seriore seriorele wii kidirubunykre. Tyby heka tariore kidirubunykre. Uladule tadi, tyby kidirubunykre.

¹⁷ Ibutumy heka iny iy kedeakre wani òraru-ki adeereny.

¹⁸ Ibedeu araderenytīo resēotyhy.

¹⁹ Bexityhymy ta tai ixiery dori biu-ò mahenybenykre.

²⁰ Ij̄o tahe Jesuisi rarybere: —Woudu mah̄adu Jerusalē rirurawonykreu heka bierybenykre āoh̄uluhudunamy bede r̄yirerimy.

²¹ Judeia h̄aw̄a h̄aw̄a-ki ratxikeki, mahenybenykre bederatòh̄ok̄y-ò. Inyò Judeia h̄aw̄akikeki, iribi òlò r̄yikre. Idi inyò bederokeki ixyby Jerusalē-ò r̄tēomykre.

²² Kia txuu heka òwynatxumy rare. Ibutumy rybe tyryiti myna heka bede r̄yikre.

²³ Kobexe heny h̄aw̄y b̄ot̄omy r̄yira, tule h̄aw̄y tariore rit̄onymy r̄yira. Āoh̄ok̄ymyd̄ȳnana kanakre tiu heka tuūore. Debure nihik̄y heka kanake kia iny tyre-ki. Tiu heka kiamy bede roīotyhy āoh̄ok̄ymyd̄ȳnanamy.

²⁴ S̄owemy iny rurukre mayrehe-di. Iny s̄owemy radykre ij̄o bede-ò āoh̄ok̄ymy tai rot̄ȳnykremy. Ityhyd̄ȳduk̄odu mah̄adu ras̄ȳnykre Jerusalē h̄aw̄a-ki iu.

²⁵ Ixityre tahe Jesuisi rarybere: —Idi webòhona r̄yira txuu, āoh̄ok̄ymyd̄ȳnana itue-di, txuu heka rurunykre. Ah̄adu tule rurunykre, tule taina. Beòbò lau iwod̄ȳ lau ibutumy iny ruberukre inihik̄y òraru-ki.

²⁶ Iu bede bede iny mah̄adu āhebo rot̄ȳnymy, tatòh̄otibre-di tiiboho reserenykre sutyre-ki tai.

²⁷ Iny retehekre

Deuxu Riore, H̄abutyhyhyk̄y dehemyynya-di. Biurawetyky-ribi kodobehekre tatyhy-di.

²⁸ Tahe kia āomyd̄ȳnana r̄yikre, ywinamy b̄oibenykeu, iòh̄olereri.

²⁹⁻³⁰ Tai tahe Jesuisi figueiraò-wana tahe bede ròkewesenanyre: —Figueiraò-di ini bexinoh̄otinybenyke. Tii heka tairu-txi, tanoiròsò rit̄ymyranymyh̄yreu, tai tahe bierybenykre wya iòh̄oreri.

³¹ Tule kia āona āonamy bobibenykreu, tii iòh̄olereri. Ij̄o-ki iòh̄owesele r̄yire.

³² Inatyhymy adee ararybekre, kia wijinabòdu itueotyhy āona āona r̄yikre h̄arele.

³³ Biu, bede-wana ituekre, tahe warybe itueotyhy.

³⁴ Tahe Jesuisi tarybe rihumy rarybere: —Kaiboho bexiebenyke, betehebennykre ixinoh̄otid̄ȳrenythyk̄omy. Roxina worana bedehesi-di timybo kaiboho atximyh̄ytenytedi. Mona juberere bīobenykemy moh̄otinyòke. Kaiboho dori teerȳtenyete tiubedemybo addòsekre.

³⁵ Kiatxu kanakre tahe iwese nawii mynyna wese aõwesele rimykre ibutumy bede iny mahädu rimykre.

³⁶ Biebenyke tahe, Deuxu-ò bexitòenybenyke. Kia tahe aõhebo rotÿÿnykre-ribi mahenyke. Bityhynyke Deuxu Riõre, Hãbutyhyhykÿ, jiarÿ wahe.

³⁷ Txuõ txuõlemy tii Dohodÿÿna heto-ki ribedeerynyre ihãre tahe rummy Oliveira hãwãlò-ò rara.

³⁸ Rudile tahe sõwemy iny dohodÿÿna heto-ò rehemynymyhyre Jesuisi rybe-ò ijohomy.

22

¹ Iòhòm ratxireri Pascoa worana bedehesi kodohònykremy. Kia anarÿÿ wehityhynamy heka iny ratya-di reare. Tule orotxu anarÿÿ kia rõhònyre.

² Deuxu aõmysÿdÿÿdu wedu mahädu, tule bede erydÿÿdu mahädu Jesuisi rimykeny ratxireri idi rirubunykemy.

³ Satanasi heka Judasi Isariòwo-ki ralore, tii Jesuisi erydÿÿnaò ihÿre.

⁴ Juda Isariò heka Deuxu aõmysÿdÿÿdu-ò rara Jesuisi riwahinykemy.

⁵ Tiiboho tamy roholarenyre, reysare. Tahe tamy nieru riwahinykemy riurenanyre.

⁶ Tahe Juda riijemyhyre aõu aõu bedewihikÿ tamyreny riwahinykemy. Wasimy riwahinykemy tii roholare.

⁷ Juhu orotxu anarÿÿtxure budoeni xiwelloo rirubuny rahudi tahe Jesuisi erydÿÿna mahädu tamy rarybere: –Titxibo anarÿÿ rÿsÿnamy biroxikey atxiteri.

⁸ Tahe Jesuisi heka Pedro, Joaõ-wana riteònyre: –Kaiboho boike iny rÿsÿnareny ywidÿÿmy.

⁹ Tiiboho rÿÿraxire. Titxibo ariwinyrenykre?

¹⁰ Jesuisi tamy rarybere: –Kaiboho boikre hãwãhãkÿ-ò. Tahe hãbu-wana wii biòbonykre butxi-di retyreriò. Tahe tii biheludunibeny. Titxibo heto-txi ralokreò, kaiboho tule bironybeny bitÿÿraxinybenykre heto wedu:

¹¹ –Wawedureny rarybera: –Titxiwexe anarÿÿ rÿsÿna arirÿsÿkre waerydÿÿna mahädu-wana.

¹² Tii heka adee kiditeòsinykre hetowoò-txi biu-ki. Ibutumy rexihumy rÿire inydeereny. Tai rÿsÿna inydeereny biywinybenykre.

¹³ Tahe ierydÿÿna rexitare. Roire hãwãhãkÿ-ò. Tahe rotÿÿnyrenyre Jesuisi rybe myna. Tahe ibutumy rexihurenyre anarÿÿ-ò.

¹⁴ Kia txu rimyreu tahe Jesuisi nade taerydÿÿna waòinatxi reurò-wana byremy ronryrenykremy.

¹⁵ Tii tamyreny rarybere: –Jiarÿ awanareny ariroxikemy watxiwãhãre. Karibi dori warubuna-ò arakre.

¹⁶ Inatyhymy ararybekre: –Jiarÿ konanamy ayreny-ki ariroxikre. Ixyby ta Deuxu Iòlònakile tahe rikiroxirenykre.

¹⁷ Tahe vÿi mona hyna rimyre, rexitòenyre, tahe tamyreny riwahinyre. Ibutumy ibute bute iribi tuu riòrenyre.

¹⁸ Inatyhymy ararybekre: –Tii ixyby tuu ariòòtyhy Deuxu Iòlòna-ki kotyre.

¹⁹ Tiiboho riroxireriu, Jesuisi orotxu rimyreu, raorore, rexitòenyre, tahe tamyreny riwahinyre. Rarybere: –Ahãxe, kia heka waumy wese rare. Iu biroxikey, warubuna-dí mohòtinyinbenykemy.

²⁰ Biòbenyke! Kaa dori wahãlubu wesemy ratxireri. Tahe tamy riwahinyre riòrenykemy. Tai sõwemy iny rõhònyke biu-ò hena-ò ibutumy òruna ixãwididÿÿmy. Tuu rõhònyra. Kia heka wadeewimy iny Deuxu-wana ratxiinyhyre, wahãlubu òranu-ki.

²¹ Boholabeny inihe watyhedÿÿdu inkyrenykykile ronryre.

²² Iwese tyyriti-ki roire wese heka arurukremy, Deuxu Riõre, Hãbutyhyhykÿ, jiarÿ wahe. Kobe làhãxe watyhedÿÿdu.

²³ Tiiboho tahe widee rarybere: –Mobo tahe rare? Mobo Jesuisi riwahinykre.

²⁴ Iribi tahe widee raryberenyre, mobo wiratyreremy?

²⁵ Tahe Jesuisi tamyreny rarybere: –Kabede iòlò mahäduy-ki iruru dire. Bede dinodu tahe iny rininire: Iny biòwa.

²⁶ Tahe ayreny-ki kawese aõkò ihÿre. Inihikÿtyhy inyò ratxikeki, tii inyuhe deòdumy ratxikre.

²⁷ Tibo inytyhy rare? Roxidu mahädu ada deòdu mahädu? Roxidu mahädu, aõhe inatyhy? Jiarÿ tahe ayreny-ki deòdu wesemy jiarÿ rare.

²⁸ Kaiboho heka wawanahy atxitenyete aõhòkÿmy ratÿÿnymyhyre.

²⁹ Tai tahe adee ruruna ariwahinykre. Iwese Waha wadee riwahinyre wese, adee ariwahinykre.

³⁰ Waiòlòna-ki kaiboho wawana biroxibenykre, biòbenykre. Tule rynana wiwihikÿ tyre-ki rÿdu mahādumy bonybenyke. Israeli iny mahādu heka kaiboho biòbitinybenykre, ibutumy judeu mahādu wahe.

³¹ Jesuisi ijō rarybere: –Simaō, Simaō, wadee bohohatyhyke. Satanasi araurihirenykemy wadee rexitōenyre. Tahe adeereny kanake araurihidÿÿmy.

³² Dori rexitōenymyhÿre, Simaō, kai bityhynyhykemy. Wadee bòdòòsekeu, abiòwa mahādu biwiòhenanyke.

³³ Tahe Pedro diwÿònyde: –Awanahyy arakre, wanyrÿ, arurukre hāre, ròtenawo-ò arakre hāre.

³⁴ Jesuisi tamy rarybere: –Pedro, kai biwatxiōnyke, hānie hābu ryrykōule biwatxiōnyke inataōmy.

³⁵ Jesuisi tamyreny rÿÿraxire: –Juhu arateōnyrenyreu anieruhynakōmy, asaurenkōmy, awarenyōmy, adeereny aōbo aō rasiranyre? Tiiboho dirawÿōmy: –Aōkō, aō rasiranyōhyre.

³⁶ Tahe Jesuisi narybere: –Wiji tahe txibo inyō inieruhynadikeki, saudikeki, biwkyre. Txibo inyō imayrehedikōkeki tayhiytxena-di rohonykre iōwy-di tahe tii riòbranykemy.

³⁷ Kamy dori Deuxu rybe tyriti-ki roire:

–Òbitikōmy nodu mahādu-wana tii rÿire.

Ibutumy tÿmybo tyriti wamy rarybere heka rÿikre.

³⁸ Tamy ierydÿÿna mahādu rarybere: –Wanyrÿ, kaa inatxi mayrehe rÿire. Tahe Jesuisi rÿire rarybere: –Awire kia.

³⁹ Tahe Oliveira hāwālò-ò roirenyre, taerydÿÿna mahādu-wana.

⁴⁰ Tiiboho kowa-ò rehemynyreu, Jesuisi rarybere: Bexitōenyke! Tai tahe òraruna-txi beseōke.

⁴¹ Tahe iko-txi urihimÿò rareu, taowotimy resemy. Rexitōenyre:

⁴² –Waha, adee arexitōenykre. Adee awikeki, aōhōkÿmy dÿÿnana waribi biixāwidÿÿnyke. Tahe adeewikomykre, wadeewi ta aōkōre.

⁴³ Ŷjuō tamy nade biu-ribi tamy ruru riwahinyre.

⁴⁴ Sōwemy tahe rexitōenyre, iōsana-ribi resere bee wahe. Hālubu wese heka ihÿre resereri bede-ò.

⁴⁵ Tii rehemynyre tai rahare rōrōrenymy roireriò. Tiiboho ele risarennyre sōwemy rabede-worenyreki.

⁴⁶ Tamyreny rarybere: –Aōherekibo tarōtenyteri? Biijebenykre, bexitōenykre.

⁴⁷ Tii rarybereri, aōwesele Judasi nade. Tii-wana doide hābu mahādu.

⁴⁸ Jesuisi rarybere Judasi-ò: –Judasi, Deuxu Riøre bityhenykre aōbo, jiarÿ hābutyhyhykÿ wahe? Waòbuò-di aōbo biwatyhenykre?

⁴⁹ Jesuisi erydÿÿna mahādu tuu robireu, tamy rarybere: –Iny mayrehe-di araaòbinanyrenykre, Wanyrÿ.

⁵⁰ Kia ijoìò mayrehe ritare tahe Deuxu aōmysÿdÿÿdu wedu deòdu nohōti riorore.

⁵¹ Tahe Jesuisi rarybere: –Ixāwike. Tahe hābu nohōti riteytenyrene.

⁵² Tahe Jesuisi dirawÿònyde tamyreny, Xiwe wahidÿÿdu mahādu-ò, dohodÿÿna heto itxedu wedu-ò, matuari mahādu-ò: –Kaiboho mayrehe-di, òhòte-di tiwadrytenyteri jiarÿ wasiduòrysy wese.

⁵³ Jiarÿ tahe dohodÿÿna heto-ki watximyhÿ txuò txuòlemy adeereny anaery-nanymahādenyde. Kowa-ki heka tiwamyòlemyhÿtenyete. Kia heka bededÿÿnana rexihure. Bede luru ruru roirerimy. Tahe aōbo iritina-ki rÿireri, kia heka kÿnykemy.

⁵⁴ Xiwena wahidÿÿdu mahādu dinodutyhy-ò wedu-ò tiiboho Jesuisi ridyrennyre. Pedro riheludunyyre ireheriòremy.

⁵⁵ Rehemynyreu tai Pedro ixitòeenymy heòtywera-ò ronyre heto itxeredu mahādu-wana.

⁵⁶ Pedro ratximyhÿ-ò tahe deòduò rehemynyre, ijadōma wahe. Pedro-di ijadōma rethemy ta rarybere: –Tii tule Jesuisi Nazarelu-du-wana ratximyhÿre.

⁵⁷ Tahe tii rexitxiōnyre: –Jiarÿ reeryòre aōmyboho kai tarybeteri.

⁵⁸ Ixybyle kowa ijoìò Pedro-ò rarybera: –Inatyhymy kai ijō mahāduleò tate. Tii inatyhytyhyrybemy rarybera: –Jiarÿ reerykōre hābumy tarybetenyteri.

⁵⁹ Ijō òrau tahe ijō rarybere: –Inatyhy rare kai Jesuisi-wana ahāte, Kalileia mahāduòreki.

⁶⁰ Tahe Pedro rarybere: –Hābu, reeryòre aōmybo tarybeteri! Tahe hānie hābu robura.

⁶¹ Jesuisi heka Pedro-ò reterehe. Tahe Jesuisi rybe-txi Pedro tōhōti reare. Iwese Jesuisi rarybere: –Hānie inataōmy robukre myna, kai waheludumy bedexitxiōnykre.

⁶² Pedro tahe iribi rexitareu, ixidee iky reamy rahinyre.

⁶³ Tahe hābu mahādu Jesuisi rihetenymy, rilahirenymyhÿre.

⁶⁴⁻⁶⁵ Tiiboho rihuhetynymy rihetenymy idi ritÿÿraxinymyhÿre: –Mowe arahātenyra. Idi tahe sōwemy idi risinymyhÿreny.

⁶⁶ Rudile tahe judeu wedu mahādu ributunyre xiwena wahidīyina mahādu-wana. Jesuisi ridyrenykemy raryberenyre dohodīyina mahādu-ò.

⁶⁷ Tamy ritīyīraxinyre: —Kai aōbo Kristu tate, Deuxu Riòretyhy. Jesuisi rarybera: —Jiarīy heka kohemy ararybekeki, kaiboho biwatyhyntytyhy.

⁶⁸ Adeereny arīyīraxikeki, kaiboho biwawyònybenyòtyhy.

⁶⁹ Kaiboho bierybenykre

Deuxu Riòre heka jiarīy rare. Idi Waha rurunaweribi-ò aronykremy.

⁷⁰ Ibutumy tahe tamy rarybere: —Kai aōbo Deuxu Riòre tate? Tii rirawyònyre: —Iwese kaiboho tarybetenyteri wese jiarīy inatyhy rare.

⁷¹ Tahe tiiboho raryberenyre: —Inyò irybe-ò ijohoke heka aōkōre, inybohole dori tuu roholarenyre.

23

¹ Kia iny ka ibutumy Jesuisi ridyrenyre Pilato-ò, bede dinodu-ò wahe.

² Idi tahe aōbina binahakīmy tuu raryberenyre: —Kahābu heka bede rijeijeinyreri iòlòmy ijoi radònykemy. Iribi iòlò-ò ówydīyī rīòmyhīkemy rarybere. Ihāreta Deuxu Deòdīyīnamy raremy idi iòlòmy rexininimyhīre.

³ Tahe Pilato rīyīraxire Jesuisi-ò: —Inatyhywe kai Deuxu mahādu iòlòtyhy tate? Tai tahe Jesuisi riwyònyre: —Kai tuu tarybeteri, Wanyrīy.

⁴ Tai tahe Pilato rarybere xiwe wahidīyīdu mahādu dinodu-ò, tule inysòwe mahādu-ò: —Timyki kahābu aōhòkīmy wasīdīyīona, aōò bina dori riwinyòlere.

⁵ Tai ixyby idi risīnyrenyre: —Kahābu heka Kalileia bede-ribi bede rijeijeinyreri, idi Judeia bede-di tule katahe kakile tuu rotīyīnyre.

⁶ Taita Pilato rīyīraxire: —Tii aōbohe Kalileia mahāduò ratxireri?

⁷ —Tii Kalileia mahādu rare. Kia Pilato rieryreu, Herodi-ò riteònykemy rexinohtinyre. Tii kia dinodureki. Ihāreta Herodi Jerusalē hāwā-ki iu ratximyhīy.

⁸ Herodi Jesuisi robireu heka reysare. Jesusimy robikemy riwisīnymyhīre sòwemy. Idi tahe tuu robireke, reòsare. Tai tahe reysare. Ini-ò roholahyymyhīre. Tule aōwihikī wixira riwinykemy idi riwisīnymyhīre.

⁹ Idi tahe Herodi sòwemy rīyīraximyhīre. Jesuisi tahe rirawyònyòhyre.

¹⁰ Aōbo xiwena wahidīyīdu mahādu wedu, tule bede ywina erīdīyīdu mahādu sòwemy aōna aōna binamy tuu raryberenyre.

¹¹ Herodi tasoldado-wana tuu raòhòtemy idi risinymyhīreny. Tyywihikī-di rirahananyrenyre. Iribi riòkesedīyīnyre Pilato-ò.

¹² Juhuu heka Herodi Pilato òludumy widi raremyhīy. Kia txule tahe widee rowoixirenyre.

¹³ Idi tahe Pilato tahe ibutumy xiwena wahidīyīdu wedu, tule matuari mahādu tule ijò iny mahādu ributunyrenyre.

¹⁴ Tamyreny rarybere: —Kaiboho heka wadee tedytenyteri bede jei jeiwidīyīdumy tuu tarybetenyte tebutenyteri heka. Jiarīy akoreny-ò retīyīraxinyre idi aōhe tai ibinamy rahaòhyre.

¹⁵ Tule iòlò Herodi tai ibinamy rahaòhyre. Tai diòkesedīyīnyde. Tai iurenana ta aòhereki timyki irubuòna.

¹⁶ Urile raòhòtedīyīkemy bede reywinyre idi ta ixinamy rakre.

¹⁷ Kiemy dori worana bedehesiu, ròtena-ribi inyò heka ròhònymyhīke.

¹⁸⁻¹⁹ Sòwemy iny heka rirajuare: —Aòkōre uritere ta Baraba biteònyke. Kia hābu urile ruruke. (Baraba inyrubudīyīdure. Bede jei jeidīyī-ki heka ròtena-ò ralore.)

²⁰ Tai Pilato Jesuisi òlòdīyīmy riwisīnymyhīy tai ixyby rarybere: —Aòkōre Jesusile ariteònykre.

²¹ Sòwemy iny ixyby rryre: —Aòkōre, itxeò-ki bitamadīyīnyke!

²² Tahe Pilato tainatāònamy narybede: —Aòherewe, aòwe tii ibinamy riwinyre. Aòheka tai ibinaòhyreri rubu-ò rawahikemy. Òhòteòle ta arawahinykre idi ariteònykre.

²³ Ihāre ta iny sòwe mahādu ire rirajuamyhīrenyre itxeò nihikī-ò rurukemy. Ixieryta iryreny-ò roholare idi tukremy.

²⁴ Iu Pilato heka Jesuisi riwahinyre rubu-ò tumyna rexitòenyhīrenymy.

²⁵ Ijò hābuò ta ròtenawo-ribi riòlòdīyīnyre, iixitòedīyīreny myna wahe. Tii hābu aleerydu rare, tahe bede jei jeidīyīdu tule. Iwana ta Jesuisi rawahire irybemyrenymy aòhebo rotīyīnykremy.

²⁶ Tahe Jesuisi ridyrenyre. Ryki tahe hābuò iutedereny-ò nade, Simaò inire, Sireni hāwā ludu wahe. Nohòtiòlemy ta ityre itxeò nihikī ritidirenyre, iherenymy idi kanakremy.

²⁷ Sòwemy ihemy nodu sòwe. Iy-ki hāwy mahādu Jesuisi-di robumyhīreny.

²⁸ Tii tahe tamyreny rexiòkesemy narybede: —Jerusalē hāwā ludu hāwy mahādu! Ixirahi bobubenyke ariòre rahi tule warahi ta aòkōre.

²⁹ Tiutxumybo bexirybenybenykre: —Hāwyky bedekòby heka raritxòrenykòre mahādu rare, tohokuā ritònykòre mahādu tiku kuladu-di tarukikòre mahādu.

³⁰ Tiutxumybo

bexirybenybenykre hāwālò-ò: —Watyreney bedeseke

tule hāwālò riòre-ò bexirybenybenykre: —Biwawòbenykre.

³¹ Wiji kawesemyh̄yre hee itukure hāre. Timykrebo tahe hee irubukreu.

³² Ihāre tas̄yse iny inatxi hābu òbitimy nodu aōkō ridyrenyre Jesuisi-wana rururenkyre.

³³ Tahe hāwālò riòre-ò ratitybimy ninadu-ò ritehemynyrenyre. Tahe tii-wana inatxi wasidu itxeò nihik̄y-ò rilamad̄ȳnyrenyre. Ijō ruruweribi-ò ijō hyweweribi-ò.

³⁴ —Waha, idireny bexiruxetòenye rieryòhyrenyri dori aōmybo rotod̄ȳnyri.

Tai tahe ityy wimy ritxuatxukremy dado-di rehumyh̄yreny tibo iwidydukremy.

³⁵ Iny retehemy r̄ymyh̄y taile wahe. Judeu wedu mahādu tule Jesuisimy rarybere: —Tii iny sōwemy rihed̄ȳnyre, kia aōherekibo tii rexitaōreri rubu-ribi, tii Deuxu deòd̄ȳna rarehāre.

³⁶ Tule soldado mahādu rarybere aōbina binahak̄ylemy. Diwyde tii aōna ta iny kremy rirahòreny tamy idi reare rijeny:

³⁷ —Kai inatyhymy judeu mahādu iòlòmy atxiteri wana heka kaa bexitakre iribi.

³⁸ Itxeò ratya-ki tahe aōma timy roire tyyritid̄ȳna.

—Kaa Heka judeu Mahādu Iòlò Rare.

³⁹ Ijō heka rarybereri Jesuisibire-ki roireriòle tamy rarybereri: —Deuxu deòd̄ȳna tateki, bexitake tule biwatabenykre.

⁴⁰ —Wy, Deuxu lau taberuòlemahāte aōbo tule dori iny aōhōk̄ȳmy rokot̄ȳnykrelemy iny roireri.

⁴¹ Lòwudu tamy rarybereri: —Iny heka rurureri, aōbina binahak̄ȳ iny riwinyre òraru-ki. Iny rurureri. Kaa hābu r̄yire tiu aōbina riwinyòhykyre.

⁴² Jesuisi-ò rarybere: —Jesuisi, watxi òhōti beakre Iòlòmy bonykreu.

⁴³ Jesuisi tamy rarybere: —Wijile heka biu-ò heka rakakre.

⁴⁴⁻⁴⁵ Txutyemy bedede roronyre idi txioro txu rehehek̄ȳ-ò bedede tuu r̄yire. Inataō òramy bedede rybinyre, r̄yire. Heto-ki rahanaheridu urile raykare templowo-ki wahe.

⁴⁶ Tahe Jesuisi rirajuare: —Waha, watytyby adee rawahinyri. Iu irybe rexihureu rurure.

⁴⁷ Soldado mahādu wedu tuu robire kia aōhebo rot̄ȳnara tuu rarybere: —Kia inatyhymy hābu òbitityhy rare.

⁴⁸ Ibutumy iny kia robire Jesuisi rubu-ò rahinymy ròsere rexihetenyrenymy tabreti-ò.

⁴⁹ Ibutumy tii mahādumy ratximyh̄yre iribi ireheriòremy rexijemyh̄y.

⁵⁰⁻⁵¹ Tii judeu bedede mahāduò rare. Jyjemy inire. Tahe Kristu rubuna-ki awimy rahāòh̄ȳre tajjoi mahādu-ribi. Tii dori Deuxu Iòlòna riraòmyh̄yre. Ihāwā Arimatea inire.

⁵² Tai ta rare ixitòed̄ȳmy Pilato-ò, Jesuisi umy kidiwahinykre.

⁵³⁻⁵⁴ Tai tahe ritare itxeò-ribi tyy ura nihik̄ȳ-di tyy-di rit̄ȳtet̄ȳnyre. Manawabedewo-ò ritidire. Tai tiu iny rahāloonaòmyh̄yre. Aōma judeu mahādu elehyna txu wahe ixiywid̄ȳnatxumy txu r̄yireu heka aōma worana bedehesi txu.

⁵⁵ Hāwy mahādu Kalileia-ribi Jesuisi-wana. Tiiboho doide Jyje-wana Jesuisi hāloo-ò itxeremy.

⁵⁶ Tahe timybo roimyh̄y riòtudunyrenyre. Dòòsedenye iribi aderòna l̄nyre ywid̄ȳmy iumy t̄nyrenamy.

Kia rexielehynyrenyre sabado txu bedede ywid̄ȳna myna-di.

24

¹ Juhu txu semana beded̄ȳnanau txuu deadeu hāwy roire wabede-ò. Tiiboho riwyre l̄nyrena.

²⁻³ Rehemyrenyre, mana nihik̄ȳ tahe ijò-ribi ratamy r̄yire. Tahe ralòrenyre, Jesuisi-umy ihoòhyre.

⁴ Wabede-ò rirònyrenyre, robirenyre inatxi hābu. Ityy urahak̄ȳmy ronymyh̄yre tai.

⁵ Tahe tiiboho bedede riòtiinyrenyre idi tabrebu-di suò reserenyre. Ȳjyò tamyreny rarybere: ⁶ —Iny irumy kaiboho tejjeteri kaki wabede-ki aōbo? Tii kaki ratxireri. Tii rexixara rubu-ribi adeereny rarybere wese Kalileia bedede-ki:

⁷ —Inyò riwawahinykre inybina-ò Deuxu Riòre Hābutyhyhyk̄ȳ. Itxeòtyre-ki ar̄yikre tai arurukre. Inataō txu-di tahe rubu-ribi arexixakre.

⁸ Tahe hāwy irybe-di rōhōtinyrenyre.

⁹ Wabede-ribi rajjaranyrenyre Jesuisi eryd̄ȳna mahādu-ò ijyymy.

¹⁰ Kia tiibohore: —Marie Madalena, Joana, Marie Txiause. Ijō hāwy tule tii-wana roirenyre.

¹¹ Iu tamy relyyreu, rityhynyòlerenyre.

¹² Pedro tahe r̄ĩmy reare idi rajaranyre wabede-ò. Urile tykylemy robire tahe dòòsede, rexiòtiinyre.

¹³ Itxuleu ta iny inatxi hābu Jesuisi tyhyd̄ȳdu mahādu tahe roirenyre Emau hāwā-ò. Jerusalē hāwā-ribi txibo 10 km wese irehere.

¹⁴ Ibutumy aōhebo rot̄ȳnyramy wiko relyymy ròimyh̄yre.

¹⁵ Iuleta Jesuisi tamyreny dehemynyde idi tiiboho-wana roire.

¹⁶ Tiiboho tuu robirehāre timykibo rierykōhykyreny.

¹⁷ Tahe Jesuisi ròt̄ȳraxire: —Aōmywe widee tarybetenyteri.

¹⁸ Iijōreny Klopamy nidu narybede: —Kai sohojilewe Jerusalē-ki aōhebo bede r̄ĩra teerykōte.

¹⁹ Tii dot̄ȳraxide: —Aōherabo ta. Tiiboho tuu relyyre: —Jesuisi Nazare ludu kie. Tii Deuxumy rybedu nihik̄y heka rare, Deuxu-ò dori ibutu iny-ò heka rybe-ki aōni heka aōmywid̄ȳ-ki heka ih̄ȳna rare.

²⁰ Waxiwenareny wahid̄ȳdu wedu tahe wadinodureny itxeò nihik̄y-ò rurukremy ri-wahinyreny.

²¹ Tule judeu mahādu tarasadukres̄ȳna raholarenyre. Ihāreta tukōlemyta inataō txumy rubu-ki bede idi r̄ĩra.

²² Bederarasò-dī wajoiireny hāwyyō ihāloo-ò roire.

²³ Tai itxi rekoaōhyre. Dòòsedenydeki tahe Ȳjumy riki robirenyremy delyydenyde. Tii Jesuisi rubu-ribi rexixamy tamyreny rarybere riki.

²⁴ Wajoiirenyō tule ihāloo-ò roirenyre. Inatyhy rikihe rare. Urileta riki Jesuisimy robiōreny.

²⁵ Tahe Jesuisi tyhy Klopaboho-ò narybede: —Aōherewexe Deuxu Rybedu mahādu rybe awo-ki teximyenyeri tetyhynkōtenyeriki wahe.

²⁶ Kialemy dori Kristu dori aōna aōnamy rot̄ȳnykremy tai Deuxu riwowydynkremy.

²⁷ Tahe Jesuisi rexidelenyre aōbo rybe rit̄ina roiremy. Moisesi ryberiti juhuumy rit̄ynyny. Timybo Deuxu rybe ritid̄ȳdu raremy. Tiiemy heka iximyh̄yyle rarybere.

²⁸ Ibutumy tamy relyhyyre ramyh̄yrehyy tahe ritehemyny Emau hāwā-ò, tai inatxi hābu rarikreò wahe. Tahe Jesuisi rarybere: —Aōkō arexinoranykre.

²⁹ Tai ta tamy ihārele rarybemyh̄yre: —Txioinihe bodonyke kakile. Aōma bede ratxinyra ratxioronytyhyra. Taile tiiboho-wana rare ihetoreny-ò.

³⁰ Rorukurenyre riroxirenykremy. Tahe Jesuisi orotxu rimyre rexitòenyre Deuxu-ò. Tahe orotxu riororiorore imynareny.

³¹ Iu tahe aōwesele rierymy reare Jesuisi. Tai iruerey raraymy rieryreny. Tahe aōwesele iōmy iribi reny reare.

³² Tai widee raryberenyre kiamy. Iu tii Ryberitimy inydeereny rydi relyyreu, urile wawo ratooteemy. Kai tahe. Ijō diwyònyde: —Kohe jiar̄y tulere.

³³ Iribi tahe ritamanyreny. Diòòsedenyde icyby Jerusalē hāwā-ò. Tiu waòsohoji reurò eryd̄ȳna itxi rekoarenyre. Tai tiiboho narybedenyde:

³⁴ Inynryrenyhe rexixara. Pedro heka tuu robira:

³⁵ —Jiar̄yboho tulerenyra wawanale ròirenrya rydi. Tule wadeereny orotxu riyreyreny. Taile reeryreny.

³⁶ Iu kiamy relyymyh̄yre, Jesuisi dehemynymy deade ityareny-txi. Riryberenyre ibutumy: —Ywina heka akirenyke!

³⁷ Ibutumy ruberurennyre ilau. Urile rares̄ȳny tamy raholarenyre.

³⁸ Jesuisi rarybere: —Aōhebo taberutenyeri. Breburenyōmyke hewa biwatyhynybenyke.

³⁹ Jiar̄yle ratxireri. Wadebò-dī bedetehebedenyke, wawa-ò tule. Jiar̄y karare wadee inihe bideribedeny. Jiar̄y uni aōkō watzireri. Uni dori idedire aōkō wawese aōkōre bedetehebedeny inihe.

⁴⁰ Tai tahe tebò wotò mona, tawa wotòmona, riteòsinyre tamyreny.

⁴¹ Ihārele tahe rityhynyrenyōre, ibedesamy bede riòtiinyh̄yreny. Jesuisi tahe rexitòenyre tamyreny aō rir̄ys̄kemy.

⁴² Tamy riwahinyreny utura wòsi deyreō.

⁴³ Riras̄yre ikorenyòle.

⁴⁴ Idi tamyreny rarybere: —Aōma wawanale ratximahāre, òhòtirenny itxi reara. Aōma wawana atximahāteny juhuu. Ibutumy heka adeereny ret̄ynynymy rarybere aōmybo wamy rybe roimyh̄yremy. Ibutumy heka Moisesi rybedu ritid̄ȳnaki iritina-ki roimyh̄yre. Wiuna tule wamy riritinyre.

⁴⁵ Tai tahe rit̄ynynnyre òbitimy irakyrenny riraynyre.

⁴⁶ Ihetxiu rybe wāhā aōma Deuxu Deòd̄ȳna rurukre heka aōhòk̄ymy rot̄ȳnykremy. Ruru-ribi inataō txu-di rexixakremy bede roire.

⁴⁷ Kaa rybe wihikỹ ritidỹỹna heka kaa Jerusalē bede-ki robỹtỹkre ihāreta ibutumy iny iny kōkōmy bede bedemy robỹtỹkre. Kiamy heka ibutumy inydee marybebenykre. Iny riwatyhynymy rỹirakre heka ibutumy iōraru-ribi ariixāwididỹỹnyke.

⁴⁸ Tule terytenyteri ibutumy aōhebo rotỹỹnykremy.

⁴⁹ Tahe adee ariwahinykre iwese Deuxu rarybere wesemy heka adee ariwahinykre. Kaki hewa matxibenykre hāwā-ki. Tahe kanakre heka adee ruuō biu-ribi. Iribi tahe bōhōnykre karibi.

⁵⁰ Iribi tahe Jesuisi ridyrenyire Betỹniary-ō. Tai tahe rilāhānanyrenyire tuu tamy rexitōnyrenyire ibutumy tamyreny. Tamy rexitōnyreū heka ilāhānamy tamy rexitōnyre biutxile ire rexidymy ramyhỹre rynanamy ramyhỹre.

⁵¹ Iu rilāhānanymyhỹrenyū, biu-ō rare.

⁵² Tamy rexitōnyra aōma lāhānamy, wowodynamy rexitōnymyhỹre Deuxu-ō. Tai riwowodynamy hỹreny. Teysa-di diōkesedenyde Jerusalē-ō ixyby.

⁵³ Tai tahe Deuxu dohodỹỹna heto-ki ixyby ixyby rowowodynamy hỹreny.

Joaõ Deuxu Rybe Wihikỹ Tỹmyra, Joaõ Tyyritidỹỹdu

1-2 Ibutu aõna aõnakõu, Jesuisi rarehyyemy raremyhỹ. Tii rybehyyemy raninira. Tii Deuxu-wana ihỹre. Ihãre tahe tii Deuxule rare.

³ Tii ibutuhukỹlemy riwinyre. Tiiõhyyekei tahe, aõ releõtyhy.

⁴ Umytuedeõna wahidỹỹdu tii ihỹre kia-di iny mahãdu rayky ritoosõnynmyhỹre ritỹnynmyhỹre wahe. Kia loosõna heka bedede luru ludu loosõna rare.

⁵ Bede luru tỹnyna loosõna rare. Loosõna rõtamyhỹre, bedede luru tahe rãnodỹỹmyhỹre.

⁶ Deuxu teõduõ diteõnyde, Joaõ inire.

⁷ Tii loosõnamy rarybekremy nade. Kia rybe-di roholamyhỹreki, ibutumy iny rityhnyrenykremy.

⁸ Joaõ loosõna aõkõ rare. Urile tuu rarybekemy nade.

⁹ Jesuisile loosõnatyhy rare. Tii bedede-õ nadeu, ibutumy iny rayky ritoosõnyre.

¹⁰ Tii bedede-ki raremyhỹ, bedede widỹỹdu rare, ihãre tahe iny rieryõhyyre mobo tii ihỹre.

¹¹ Tasỹ mahãdu-õ dehemynde, judeu mahãdu-õ wahe. Ihãre tahe ridyõhyyre, rityhnyõhyyre urile teramy reare.

¹² Iu inyõ Jesuisi rityhnyemy ridyreu. Deuxu riõreõlemy risỹdỹỹnyre inimy rityhnyreki. Kia-õ tahe ruru tamy riwahinyre.

¹³ Kia ityhydỹỹdu tahe Deuxudeewilemy tule iriõreõmy roirekemy. Hãlubu-ribi aõkõ ratybienyre, urariribike aõkõ, hãbudeewike aõkõ. Deuxudeewilemy iny ihỹmyhỹrenyre.

¹⁴ Rybe tahe umyõ rimyre, demy rexiijenyre, inyyreny-ki rasỹnynmyhỹre. Tii tỹxihikỹlemy Deuxu loosõna-di ratximyhỹre, ruxetõena-di inatyhyna-di nade. Inyboho tuu robirenyre. Deuxu Riõre delamy ratximyhỹre, sohojihyyre.

¹⁵ Joaõ Jesuisimy rarybere kia wese: —Kiamy heka adeereny rarybere. Tii wahewomy kanakre heka waratyre awityhyre. Tii dori wako-ki rarehyyemyhỹ waribi juhuutyhy wahe.

¹⁶ Inyboho dori sõwemy ruxetõena iribi ritarenyre. Luuna sõwetyhymy tawo-ribi Jesuisi inydeereny diwahinyde.

¹⁷ Deuxu bedede ywina tahe Moisesi õraru-ki nade inydeereny. Ruxetõenamy tahe inatyhyna Jesuisi Kristu õraru-ki nade.

¹⁸ Inyõ heka tiu Deuxumy robiõtyhy. Deuxuriõre delale heka itỹnydỹỹdu rare. Tuunatyhy-di taãxiõti-ki rimyre. Tiile iny-õ Deuxu ditỹnynnye.

¹⁹ Judeu mahãdu Jerusalẽ-ribi xiwena wahidỹỹdu mahãduõ diteõnyde Joaõ dỹỹraxidỹỹmy. Levita mahãduõ tule diteõnyde. Tahe roirenyre ritỹỹraxinykemy mobo tii raremy.

²⁰ Tahe Joaõ-õ rỹỹraxirenyre aõhereriwe mobo atxiteri. Joaõ dirawyõnyde inatyhymy rexitxiõnyre: —Jiarỹ Kristu Deuxu deõdỹỹna aõkõ jiarỹ rare.

²¹ Tai tahe ixityre tamy rarybere: —Mobo tahe atxiteri, Elia aõbo. Aõkõre, Joaõ rarybere. Tahe Deuxu dee rybedu atxiteri inyboho riraõrenyriõ wahe? Joaõ rarybere aõkõremy.

²² Tamy tahe ixityre raryberenyre: —Wakoreny bedelyyke mobo atxiterimy. Tai iny deõdỹỹdu mahãdu-õ arelyyrenykre. Aõmybo iximy manarybeke?

²³ Tahe Joaõ rarybere: —Jiarỹ Isaia Deuxumy rybedu wesele adeereny ararybekre. Jiarỹ rybeterenaduõ jiarỹ rare. Jiarỹ bederahy-ki iny-õ rarywãhã.

Inynyrỹ-õ ryõ biõbitinyke.

²⁴ Fariseu mahãdu-ribi kia mahãdu roirenyre.

²⁵ Tai tamy rarybere: —Kai Kristu aõbo tate? —Aõkõre. Elia aõbo? —Aõkõre. Deuxu dee rybedu aõbo? —Aõkõre. —Aõhereki tahaka iny teratysebenyteri?

²⁶ Joaõ dirawyõnyde: —Jiarỹ bedi iny reratysebenyteri. Inyõ tahe ayrenykyre ratxireri. Tii tahe teeryõmahãtenyte.

²⁷ Tii wahewo-ribi kanakre. Jiarỹ raixỹrumy watxireri iwataana ese-ki, tii waratyreki.

²⁸ Kia ibutumy aõhebo rotỹỹnyre Betỹnia hãwã bedede-ki. Jordaõ bero kowa weribi ijã-ki ihỹre. Tai iule Joaõ iny riratysbenymyhỹre.

²⁹ Txubiõwau tahe Jesuisi Joaõ-õ kedehemynykemy nade. Tahe rarybere: —Beteheke, kowa Deuxu budoeni naderi. Tii õraru-ribi iny ritakremynade.

³⁰ Tuu jiarỹ rarybereu, inyõ wahewomy kanakre. Tii waratyre awityhy rare. Tii dori wako-ki rarehyyemyhỹ waribi juhuure. Kia rarybereu tule jiarỹ tuurarybemahã.

³¹ Reeryõre heka tii, ihãre tahe anade tii aritỹnykemy judeu mahãdu-õ. Tai tahe anade iny bedi reratysebenymahãremy.

³² Tahe Joaõ tamyreny relyyre: —Jiarỹ Deuxu Tyytybytyhymy rabire tamy dobehede-õ. Bõtõde wesemy ityre-õ desede.

³³ Deuxu riwateònyre bedi iny ariratysebenykemy. Tahe riwateònyreu tahe wadee rarybere: —Aõmy kai bobikre? Deuxu Tytybytyhy ronyny resekele inyòtyre-ò. Tii sohojile tahe Deuxu Tytybytyhy-di iny riratysebenykre.

³⁴ Jiarÿ tuu rabire, tai tahe reeryre, tule taheka relyywãhãre, tii inatyhymy Deuxu Riøre raremy.

³⁵ Itxubiòwau tahe Joaõ taerydÿÿna inatxiò-wana raremyhÿ.

³⁶ Tahe Jesuisi nadeò tuu robire. Tahe tamahãdu-ò rarybere: —Kowa tahe Deuxu Budoeni naderi.

³⁷ Kia rybe-ò tiiboho roholareu, tahe ròirenyre Jesuisi riheludunyrenykemy.

³⁸ Jesuisi tahe tuu robire ihemy roirerimy. Tahe tamyreny rarybere: —Aõbo teijeteny-teri. Tahe dirawyònyde: —Rabi (kia rybe tahe irybereny-ki, erydÿÿdu rare), titxibo kai tasÿnymahãte.

³⁹ Jesuisi rirawyònyre: —Bòdòibedenyke betehenykemy. Tahe tii-wana roirenyre, tamy reteherenyre. Tahe txioromy tii-wana ihÿmyhÿ.

⁴⁰ Joaõ rybe-ò ijohonaduò, Jesuisi helududÿÿduò, Andre rare. Tii Simaõ Pedro seriøre rare.

⁴¹ Andre tahe taseriøre Simaõ aõwesele rioryre. Tahe tamy rarybere: —Mesia-ki inyboho rahamy ratximyhÿreny. (Ka rybe, Mesia, heka. Kristumy rare, Deuxu deòdÿÿna rare.)

⁴² Tahe Andre Jesuisi-ò Simaõ didyde. Jesuisi Simaõ-ò retehere urihimyo idi tamy rarybere: —Kai Simaõ tate, Joaõ riòrere. Iribi tahe ani Sefamy rarekre (Kani heka Pedro rare.)

⁴³ Itxubiòwau Jesuisi Kalileia-ò rakremy ixi-di rõhòtinyre. Tahe Filipi riijere. Tamy rarybere: —Wahemy manakekò aõbo.

⁴⁴ (Filipi tahe Besaida hãwã luduò rare Pedro, Andre-wana ihãwãluduòle rare.)

⁴⁵ Filipi tahe Natanaeli witxi reare. Tamy rarybere: —Moisesi bede ywina tyyriti-ki inyòmny rarybere: —Tule Deuxu dee rybedu tyyriti-ki rarybere. Taile rahare. Jesuisi ihÿre. Nazare hãwã luduò rare. Jyxe riøre rare.

⁴⁶ Tahe Natanaeli ritÿÿraxinyre: —Aõwihikÿ aõkãbo Nazare hãwã-ribi kadòhònykre. Filipi rirawyònyre: —Manake betehékemy.

⁴⁷ Jesuisi Natanaeliny robire naderimy tahe tuu rarybere: —Kowa judeu mahãduò inatyhy rare. Tii hãbu òbiti rare.

⁴⁸ Tahe Natanaeli rarybere: —Timykibo tiwaeryteri. Jesuisi rirawyònyre: —Figueira òra-ki tanyteò, umy rabire. Filipi aòrysomy raòreule, umy rabire.

⁴⁹ Natanaeli rimasajuamy rirawyònyre: —Kai Deuxu Riøre tate Inyerydÿÿdu tate. Kai judeu mahãdu lòlò tate.

⁵⁰ Jiarÿ adee rarybera: —Figueiraòra-ki umy rabireki. Kiakile aõbo, tiwatyhinyteri. Iratyre aõna aõna wiwihikÿ adee ariteòsinykre.

⁵¹ Inatyhytyhymy adee araybekre: —Biuwetyy riranykre. Jiarÿ biuloosòna hãbu jiarÿ rare. ÿjuboho Deuxu-ribi wadee doideò kai bobikre. Idi waribi roireò bobikre.

2

¹ Inataò txu-di tÿmyra herina txumy reare. Kana hãwã-ki Kalileia bede-ki. Jesuisise tai ratximyhÿre.

² Jesuisi tule ritobinyre tamy rakremy taerydÿÿna mahãdu-wana.

³ Lisinaube tya-ki vÿi mona ituere. Tai Jesuisise Jesuisi-ò rarybere: —Vÿi mona ituere, imona kòre.

⁴ Jesuisi rarybere: —Nadi, aõhebo arotÿÿnykre. Aõka wawidÿÿkõna wabededÿÿnanamy aõkòka bede rÿireri.

⁵ Tahe Jesuisise deòdu mahãdu-ò rarybere: —Anowidÿÿkÿmy adekereny tiki rarybekeki, ibutumy biwinybenyke.

⁶ Debòsohoji reurò mana butxi nihikÿ tai rÿimyhÿ judeu mahãdu ibe-di brebu òraru-ki aõna aõna risuhòmyhÿre worana bedehesinau. Mana butxi sohoji sohoji 80 urihixina ratyre rimyre.

⁷ Jesuisi tamyreny rarybere: —Ibutumy bedi bitÿxinybenyke. Tahe ibutumy ijã ratyre ritÿxinyreny.

⁸ Katahe iribi bitake. Worana bedehesi wedu-ò biwinybenyke imona. Tahe riwiyreny.

⁹ Kia bee heka Jesuisi riwixiranyre vÿi monamy. Tahe iwedu riurihire, rieryøre tiribibo nade. Deòdu tahe rieryre juhoo bee rare. Tahe iwedu rarybere weryrybò heridu-ò:

¹⁰ —Katahe awityhyre. Kai ijò-ribi iwixiratyhymy tewinyteri. Ijò iny heka awityhy iko-ò ritxiwimyhÿ. Ihewomy tahe awiriøre ritxiwimyhÿre. Kai tahe awityhy ikonana-ò teyrubunyta.

¹¹ Katahe aõna aõna wiwihiký iny itxerenamy juhu ludu rare. Kana hãwã-ki Kalileia bede-ki ihýre. Tii tarurutere riteõsinmyhýre taerydýýna mahãdu-õ. Tai istrydýýna mahãdu rityhynyre.

¹² Iribi tahe Kafanaõ hãwã-õ Jesuisi dobehede tadi, taseriõre, taerydýýna mahãdu tii-wana roirenyre. Ijõtxumy tahe tai bede týnyna rýira.

¹³ Pascoa worana bedehesi iõhõmy rýireu, Jerusalẽ rotuore kia tahe judeu mahãdu worana bedehesina rare.

¹⁴ Tai Jesuisi Deuxu dohodýýna hetowo-õ ralore. Tahe iwo-ki itxi reare sõwemy aõna aõna-di rohonyreridõ, broreni-di ijohodu-txi, budoeni-di ijohodu-txi, bõtõe-di ijohodu-txi, tule nieru wixira wixira wibydyýdu mahãdu-txi reare tai ronymyhýki.

¹⁵ Jesuisi reroti awaru hãtena wesemy riwinyre. Idi tahe dohodýýna hetowo-ribi ibutumy riõlõdýýre, budoeni, broreni-wana, tahe nieru wibydyýdu mahãdu oworubesedýý-di Jesuisi rehure, tai nieru rejuxunyre.

¹⁶ Tahe rare bõtõe-di ijohodu-õ. Tamy rarybere: –Biõlõdýýnyke wa. Waha heto dori aõ-di ijohona aõkõ rare.

¹⁷ Tahe Jesuisi erydýýna mahãdu tõhõti-txi reare aõbo Deuxu Tyriti-ki roiretxi: –Waha heto yrubudýýna-ki dori riwasamyhýre. Ariyrubunykemy dori watxireri, tai riwasareri.

¹⁸ Judeu mahãdu Jesuisi-õ rýýraxire: –Aõherekibo kai teõlõdýýnyteri. Mobo he arateranyreri tuu biwinykemy.

¹⁹ Tahe Jesuisi rirawyõnyre: –Deuxusý-di behuke tahe inatã txu-di aditamadýýnyke.

²⁰ Tahe judeu mahãdu rarybere: –Ka heto 46 beõra-di relere, timykibo kai inatã txu-di biwinykemy.

²¹ Jesuisi tahe Deuxusýmy taumylemy rarybere.

²² Iribi tahe iu rubu-ribi iixixana-txi tõhõtireny reare, kia tuu rarybere-txi. Tai heka iritina rityhynyre, tule Jesuisi rybe rityhynyre.

²³ Jerusalẽ-ki Jesuisi Pascoa worana bedehesidýýna riwyre. Aõna aõna wiwihiký inyy-ki ritxiennyre riwinyre. Tai sõwemy iny inityhy rityhynyre.

²⁴ Jesuisi tahe urihimyõle iny rityhynyre.

²⁵ Tii dori ibutumy iny rayky rierymyhýre. Inyõ timy iny raremy tiu tamy aõna relyyõtyhy tii ibutumy aõerydu rareki.

3

¹ Nikodema fariseu mahãduõ rare. Tii judeu mahãdu weduõ rare.

² Tii rudimy Jesuisi oramy rara. Tahe tamy rarybere: –Wanyrý, reeryrenyre kai Deuxu-ribi erydýýdu tate. Inyõ Deuxu-diõkeki tii aõ wiwihiký riwinyõtyhy. Iwese aõ wiwihiký kai tewinyte wese.

³ Tahe Jesuisi rirawyõnyre: –Inatyhytyhymy adee ararybekre: –Inyõ ixityre reakõkeki, tiu Deuxu Òlõnasýmy robiõtyhy.

⁴ Nikodema rýýraxire: –Timykibo matuari ixityre reakemy. Timyrabo, icyby tadiwo-õ iny ralõkeki aõbo icyby iny raumynyke.

⁵ Tahe Jesuisi rirawyõnyre. Inatyhytyhymy rarybere. Inyõ bera-ribi ratybienyõkeki Deuxu Tytybytyhy-ribi ratybienyõkeki, tiu ralõõtyhy Deuxu Òlõna-õ.

⁶ Deribi tybie heka dee rare. Deuxu Tytybytyhy-ribi tybie tasý tytyby rare.

⁷ Idi wanaõtaõmy aõmybo rarybereridi ixityre ijiranamy.

⁸ Tiõ tiõ yhy ribonymyhýre: –Iwodýý taholate, tahe tiribibo namyhýde teeryõmahãte tiõhe ramyhýre teeryõte, kia wesele iny Deuxu Tytybytyhy-ribi tybie iny rýire.

⁹ Tahe Nikodema rýýraxire: –Timyrebohe kia ratxike.

¹⁰ Jesuisi dirawyõnyde: –Kai judeu bede ersydyýdu tate ihãrele teeryõte aõbo.

¹¹ Inatyhytyhymy adee rarybere aõmybo reeryre, aõmybo rabire. Ihãrele tahe kia tetyhynyõte.

¹² Bede aõmydýýnanamy rarybere tahe tetyhynyõte. Timybo bityhynyke biu aõmydýýnanamy ararybekeki.

¹³ Iny sohojile biu-õ raõwõnyre, Deuxu Riõre Hãbutyhyhyký rare. Tiile iribi juhu dobehede. (Tiile isýre. Taile isý roire.)

¹⁴ Iwese Moisesi bederahy-ki womati hemylala ritamadýýnyre wese, Kiawesele jiarý, Deuxu Riõre Hãbutyhyhyký, wadi kidiwatamadýýnykre.

¹⁵ Tahe inyõ wadi rityhynykeki, umytuedeõna tuu ritamy rýihyy rakre.

¹⁶ Deuxu Riõre sohojihyyle rare. Deuxu bede ludu mahãdu ibutumy iluutyhyre. Tai tahe tariõre diteõnyde iny rityhynykre. Inyõ tii rityhynyre-wana, umytueõnahaký ritakre. Tii ruruõtyhy rubu bina bede-õ.

¹⁷ Deuxu taRiõre bede-ò diteònyde bede iny mahãdu tarasadumy rarekemy. Aõ iny ywisidÿÿna-ò rirutykemy aõkõ.

¹⁸ Inyõ rityhynymyhÿreki, tii ywisidÿÿdu idi rehuõtyhy. Iny rityhynõmÿyhÿreki ti-ihe aõhõkÿmy dÿÿnana-txi riteònykemy Deuxu idi ratximyhÿre, tii dori Jesuisi rityhynõdÿÿmÿyhÿre, Deuxu Riõre dela wahe.

¹⁹ Ibinatyhymy iny aõmydÿÿnana bede bedemy rÿira, tai bede luru-ki rira tamy awira. Tuu loosõna nadeu, tamy ibinare. Tai tahe Deuxu riteònykemy idi ratximyhÿre.

²⁰ Inyõ aõbinahakÿ rotÿÿnymyhÿre, loosõna dera heka tuu rÿira; loosõna-ò rehemynyõtyhy, rehemynyre-wana, iny taaõbina bina rierymÿyhÿre.

²¹ Iny tahe awiwihikÿle rotÿÿnymyhÿre-wana tii tahe loosõna-ò rehemynykemy rÿira, taaõmydÿÿnana dori Deuxudeewimy ririmÿyhÿre, ibutu iny rierykemy ririre.

²² Iribi tahe Jesuisi taerydÿÿna mahãdu-wana Judeia bede-ò ròirenyre. Tai heka bededÿÿnanaõ riwÿre. Tiibohe iny ityhydÿÿdu mahãduõ tai riratÿsebenÿnyre.

²³ Joaõ iribi iõhõmy ratxireri. Iny riratÿsebenymÿyhÿre. Tii Eno hãwã-ki Salì hãwã-ribi iõhõmy roire. Tai riratÿsebenÿnyre sõwemy bee tai roimÿyhÿreki. Sõwemy iny tamy ratÿsebenymy rare.

²⁴ (Joaõ iu rotenamy ralõõlemy ratximÿhÿ.)

²⁵ Judeu mahãduõ, Joaõ erydÿÿna mahãdu-wana rybetere txiõdÿÿna ròhõnyra, bede ywina õbiti aõmydÿÿnanamy wahe.

²⁶ Tahe Joaõ erydÿÿna Joaõ-ò doidenyde rarybekemy: —Waerydÿÿdureny. Kai hãbumy telymy tatemahã, kia Jordaõ kanawe-ribi ijã-ki umy-wana raremÿhÿ, tii ròratÿsebenÿneri. Sõwemy iny tamy wirotÿre.

²⁷ Tahe Joaõ tamy rarybere: —Kia wadee awire aõ aõkõ iny ritamÿyhÿre, biu-ribi kanakke-ile tahe iny aõ ritake.

²⁸ Jiarÿ heka Jesuisi nonanamy ijyymy diwateònyde wahewo-ribi kanakemy. Jiarÿ tii aõkõ rare. Tii tahe Kristu tyhy rare. Jiarÿ kiamy juhoo rarybewãhãre: —Kia tahe teertyentye.

²⁹ Inatyhymy tahe hãbumy heridu wesemy Jesuisi rare. Ibutumy iny tuu robikemy tamy wirotÿre. Ibiõwa weselemy jiarÿ rare. Tahe irybe-ò raholareu, reysamy rarewãhã.

³⁰ Tai wadee awire iny tii rieryreki, waribi tahe nohõti rosakemy idi watxiwãhãre.

³¹ Tii biujuxahakÿ-ribi nadeki ibutu ratÿmÿyhÿre. Bede-ribi jiarÿ anadeki, tahe bede ludu jiarÿ rare, bede aõmydÿÿnanamy rarybewãhãre.

³² Tii rarybere aõmybo roholare, robire, tahe ijõ iny rityhynõhyre irybe.

³³ Inyõ tahe rityhynÿkeki, tii tule ijõ-ò rarybere, Deuxu inatyhy rare wahe.

³⁴ Deuxu deòdÿÿna heka irybelemy rarybere Deuxu dori Tatÿtybytyhy ibutumy tamy diwahinyde.

³⁵ Tyby taRiõre luure, tai tahe ibutu aõmydÿÿnana ywisidÿÿmy tamy diwahinymy diteònyde.

³⁶ Iny Jesuisi rityhynymÿyhÿreki, umyuedeõnahakÿ-di iny rÿira. Inyõ tamy ratxiõkeki, tiu umyuedeõna robiõtyhy, Deuxu ykarana dori tii-wana ratximÿhÿre.

4

¹⁻⁴ Inyõ fariseu mahãdu-ò rarybere: —Jesuisi Joaõ-ribi iny sõwemy diratysebenymÿhÿde. Sõwemy iny ritamÿyhÿre ierydÿÿmy. Tahe Jesuisi aõkõ ròratÿsebedÿÿmÿyhÿre, ierydÿÿnale tahe riratÿsebenymÿhÿre. Iu Jesuisi kiamy rieryreu tahe, Judeia-ribi rexitare. Roirenyre Kalileia bede-ò ritehemynykemy. Roirenyreu tahe Samaria bededihÿyle riõhõrenÿre.

⁵ Samaria bede hãwãõ-ò tahe ritehemynyre. Sika inire. Ijaõ riõresu-ribi iõhõmy ròira, tariõre Jÿje-ò riwahinyre wahe. Ijaõ behãloo tai rÿimÿhÿ.

⁶ Txutyeh tahe Jesuisi elerihynymy ronÿmÿhÿ tilemy nadeki berysyna werora-ki.

⁷ Tahe Samaria mahãdu hãwÿyõ dobehede beixemy. Jesuisi tamy rarybere: —Beõ inihe wadee bidiõke.

⁸ Jesuisi erydÿÿna mahãdu tahe juhoo roirenyre hãwã-ò rÿsÿna itxemy. Tai Jesuisi riraõmy ronÿmÿhÿ.

⁹ Tahe hãwÿy rarybere: —Kai judeu mahãdu tate, jikarÿ samaria mahãdu rare. Anoherek-ibo wadeke textiõenyteri bemomomy. (Judeu mahãdu Samaria mahãdu-wana wiymy reaõhyymÿhÿre. Widi õludu wesemy rare.)

¹⁰ Inyõ Jesuisi rirawÿõnyre: —Kai heka teeryõhyteri mobo jiarÿ rare wahe. Tule, Deuxu wahisidÿÿna teeryõte. Tiwaeryteriwana kai bedexitõenyke, tahe bee irumy ihÿre adee ariwahinyke.

¹¹ Hãwÿy rarybere: —Wahì, timybo bee irumy ihÿre wadeke kanakre. Kai ahynakõre, hãloko heka behekyre bee irehere. Timybo bee iru kumy-wana ratxireri.

¹² Kai anocho inytyby Ijaõ ratyrere. Tiki heka behãloko wedu juhuku rare; idi riwahinyre inydekereny. Iribile iritxiõre riõmyhÿre tiki-wana, ibroreni riõmyhÿre.

¹³ Jesuisi tahe tarybetyhy-di rarybere: —Inyõ kahãloobemy riõkeki, ixityre bemomomy ruruke.

¹⁴ Jiarÿ bee ariwahinyke. Inyõ tahe kiabemy riõke-wana, tiu bemy tamy umytedeõnahakÿ riwahinyhyymhÿre.

¹⁵ Tahe hãwyy rarybere: —Wahÿ bee tuedekõdu ikuny tuu kariõke. Tai kakõ kanakõtyhy berysmy.

¹⁶ Tahe Jesuisi rarybere: —Maa hÿny, ahãbu biõryke, tahe manake.

¹⁷ Hãwyy dirawyõnyde: —Anokõre, wahãbukõre. Jesuisi rarybere: —Inatyhymy tarybeteri ahãbuõremy.

¹⁸ Kai heka iruyre ahãbu tate. Wijina tahe ahãbu aõkõ rare atÿhibiõwale wahe. Kia tahe inatyhymy tarybeteri.

¹⁹ Wahÿ, wiji tahe arakeryra, kai Deuxu rybeduõ tate.

²⁰ Wahareny Deuxumy reãlãmhyhÿre kahãwãlõ-ki. Amahãdu anokõ, tamy tahe Jerusalẽ Deuxu deãlãna rare.

²¹ Tahe Jesuisi rarybere: —Lerÿ, warybe bityhinyke. Kanakre itxu kahãwãlõ-ki aõkõ, Jerusalẽ-ki aõkõ Waha Deuxu deãlãna rarekre.

²² Kaiboho aõmybo teãlate teeryõtenyete. Jiarÿboho tahe aõmybo reãlare, reeryrenyete, tarasana dori judeu mahãdu-ribi nade.

²³ Kia bededÿñanamy reara. Inyõ Waha Deuxu ãlãnamy ratximyhÿreki Deuxu Tyytybytyhy-di, inatyhyna-di reãlãmhyhÿke. Tuu deãlãna mahãdu Deuxu rijemyhÿre.

²⁴ Deuxu Tyytyby rare: —Tai tahe tudeãlãnadu tatyytyby-ki inatyhyna-ki tuu reãlãmhyhÿre.

²⁵ Kia tahe jikarÿ rekeryre, Mesia kanakre, Deuxu dekõdÿkÿnamy wahe, Kristu inire. Tiki kanakreku wahe, ibutumy inydekereny anona anonamy relykykre.

²⁶ Jesuisi rarybere: —Jiarÿ tahe tiire, umy-wana wiji rarybereri wahe.

²⁷ Tahe Jesuisi erydÿñna mahãdu rehemynyre. Hãwyy-wana rarybereriki tahe ribedeõtiidÿñnyrenyete. Tahe inyõ tamy rÿÿraxiõhyre. Aõmybo tamy rÿÿraxire, ada aõherekibo tamy rarybereriki.

²⁸ Iu tahe hãwyy tabutxi ririre, hãwã-õ rara. Tahe tahãwã mahãdu-õ rarybere:

²⁹ —Bodoibedenyke wahemy. Betehebenyke hãbu-kõ. Tiki wakoku relykyre ibutumy anohebo ratÿkÿnymahãremy. Tiki kõsana Kristu ratxireri. Deuxu dekõdÿkÿna rare.

³⁰ Hãwã-ribi roirenyete Jesuisi-õ.

³¹ Iu hãwyy hãwã-ki rareamyhÿre, tahe ierydÿñna Jesuisi-õ rarybere: —Iny erydÿñnydureny rÿsÿnaõ birÿsÿke.

³² Tahe Jesuisi rarybere: —Warÿsÿnadire wahe. Kaiboho heka kia rÿsÿna teeryõtenyete.

³³ Tahe widee raryberenyete: —Inyõ kõãõboka tamy rÿsÿnaõ riwyreri.

³⁴ Jesuisi rarybere: —Wadeõdÿÿdu deewimy ariwinykemy idi watxireri. Kia tahe warÿsÿnare, iaõmysÿdÿñna arihukemy wahe.

³⁵ Maixõmo butuna inaubiõwa ahãdu-di bidiõrarunybenykemy kaiboho tahõtinytenyeri. Tahe aõkõre adeereny ararybekre. Betehebenyke bedero-õ. Maixõmo redenamy rÿire.

³⁶ Kia maixõmo butudÿÿdu iõwy ritake, tahe umytedeõnahakÿ-õ iny ributumyete. Tahe wiwanale riwodeysanymhÿre ibrõdÿÿdu ibutudÿÿdu-wana.

³⁷ Iwese inyõ rarybere wese, inatyhy rare. Ijõ tahe ibõrõdÿÿdu rare. Iwitxira tahe ibutudÿÿna rare.

³⁸ Jiarÿ kaiboho arateõnymahãre. Aõbo tebõrõnyõtenyete tahe bibutumyete. Juhuu inyõ raaõmysÿdÿÿre: —Kaiboho tahe iraty temytenyete.

³⁹ Tahe hãwyy õraru-ki sõwemy Samaria hãwã mahãdu rityhynyre. Hãwyy rarybere juhuu: —Tiki wakoku relykyre ibutumy anohebo ratÿkÿnymahãre walananonanamy relykyre. Kia rybe õraru-ki tahe rityhynyrenyete.

⁴⁰ Samaria hãwã mahãdu tahe Jesuisi-õ rexitõnyete tii-wana roirekemy. Tahe Jesuisi tii-wana inatxi txumy riwyyre.

⁴¹ Sõwemy tahe rityhynyre Jesuisi Rybe õraru-ki.

⁴² Tahe hãwyy-õ rarybere. Wiji tahe arybe õraru-ki aõkõ retyhynyrenyete. Tamy tyhy-õ jiarÿle raholare, tahe reeryete tii bede iny tarasadu tyhymy raremy.

⁴³ Inatxitxu-di tahe Samaria-ribi rare Kalileia bede-õ.

⁴⁴ Jesuisile dori rarybere: —Deuxu rybeduõ uladumy ijirana bede-ki iny rityhynyõhyymhÿ. Tiu tamy wowydynaõ riwahinyõtyhy.

⁴⁵ Kalileia mahãdu juhuru Jerusalẽ-õ tule roirenyete, worana bedehesi rÿimyhÿraõ. Ibutumy aõbo Jesuisi riwinyra heka tiiboho reteherenyete. Tai Jesuisi tasubede-õ rehemynyre tiiboho awimy ridyrenyete.

46 Tahe ixityre Jesuisi rehemyntyre Kana hãwã-ò. Juhuu tai bee riwitxiranyre vîi monamy wahe. Bede dinodu aõmysÿdÿÿdu Kafanaò-ki rasÿnyre.

47 Jesuisi Kana hãwã-ki ratxirerimy hãbu roholareu, tamy rara. Tariõre dori ibinamy roire taheto-ki. Jesuisi-ò hãbu rarybere: —Manakekõ aõbo waheto-ò wariõre biteytekemey.

48 Jesuisi rirawõnyre: —Kaiboho bede aõmdÿÿnana wiwihikÿ tetehtenyteule tety-hynytenyte.

49 Hãbu heka Jesuisi-ò rarybere: —Wanyrÿ, wylemy manake wariõre rurukreko-txi.

50 Jesuisi rarybere: —Bõõseke, ariõre dori awimy relera.

51 Tahe tii Jesuisi rybe rityhynyra tai ròõsere taheto-ò rakemy. Ijõ txu tahe ryro-ki teòdu-wana witxi reare. Tii rarybere: —Ariõre reytera ahetikile.

52 Hãbu ritÿÿraxinyre tiubo reytera. Tahe relyyre. Kaule, txutyeyu reytera.

53 Jesuisi rarybereu, kiaule iriõre reytera. Hãbu rieryre. Tai tahe idi ibutumy hãbu sÿmahãdu Jesuisi rityhynyre.

54 Kia tahe Jesuisi inatxina aõna aõna wiwihikÿ iny itxeranamy riwinyre Kalileia bede-ki.

5

1 Iribi tahe judeu mahãdu worana bedehesimy rÿimyhÿ. Tai tahe Jesuisi rare Jerusalẽ-ò.

2 Hãwã-ki tahe hãloo ibedÿÿ roimyhÿ budoeni ryijõ iðhò-ki rÿimyhÿ. Beteta inire, hebraika rybe ini rare, judeu rybe wahe. Iruyre iwõtëna ube iwerora-ki rÿire.

3 Sõwemy webinadu ube-ò wii rotyre, iny ruetà ijõre, iny tiere ijõre, inytibina ijõre.

4 Tiiboho ÿjuò riraõmyhÿre. ÿju beò rerireu tahe raukÿre. Mobo juhu itxi resekeki tahe, tii reytemyhÿre.

5 Hãbuò 38 beòramy ibinamy roimy raremyhÿ.

6 Jesuisi tamy retèhereu, rieryre tiwesebeòrabo ibinamy roimy rare myhÿ. Tahe tamy rarybere: —Kai aõbohe beytekekõ.

7 Hãbu dirawõnyde: —Aõkõre Wanyrÿ, wawiòhedÿÿduõre. Bee rexiukÿnyrau, ijõ wako-ò ralõmyhÿre.

8 Jesuisi tamy rarybere: —Myikewa, abyre bimykke, mariake.

9 Aõwesele hãbu rÿimy reare, awimy. Tabyre rimyre tahe rariare. Kia txu tahe sabado txu rare. Kia txu tahe judeu aõmysÿdÿÿna txu aõkõ rare.

10 Tai tahe judeu mahãduò tamy rarybere: —Abyre-di riraõmy, sabado txu dori òbiti aõkõ rareki.

11 Tahe dirawõnyde: —Wadeytedÿÿdu wadee rarybere wabyre arimykemy.

12 Tahe tamy rÿÿraxire: —Mobo adee rarybere abyre bimykemy idi mariakemy.

13 Tahe hãbu deytëdu rieryõre mobo rare. Jesuisi dori dexitade iribi. Sõwemy iny tai rÿimyhÿ.

14 Deuxu dohodÿÿna heto-ki Jesuisi idi hãbu-ki rahara. Tamy rarybere: —Kai teyteta, inatyhy. Tai tahe aõraruna biixãwidinyke, aõbinatyhy aõhe adee rotÿÿnyheny.

15 Hãbu tahe rare. Judeu mahãdu-ò rarybere, mobo teytedÿÿdu raremy, Jesuisi wahe.

16 Tai tahe judeu mahãdu Jesuisi ibinamy rexidelenmy rarybere, sabado txuu kia riwinyreki.

17 Jesuisi tahe rarybere tamyreny: —Waha, Deuxu aõu raaõmysÿdÿÿre, jiarÿ tulere.

18 Tai tahe sõwemy irubudÿÿmy rurumyhÿre. Sabado txu bede ywina-ribi tii riwinyõre. Tule Jesuisi Deuxu wesemy rexioire, Wahamy dori rarybemyhÿreki.

19 Tai tahe Jesuisi tamyreny rarybere: —Jiarÿ ixi-di aõkõ aõmdÿÿnanamy ratÿÿnymahãre aõbo Waha riwinymyhÿre, jiarÿ tule rewinywãhãre iweselemy.

20 Waha Deuxu dori waluure. Aõbo riwinyre wadee riteòsinyre, tai tahe aõruxerahakÿtyhymybo bobibenykre, idi bede biòtiinybenykre.

21 Waha Deuxu dori rubu-ribi iny riixixanymyhÿre. Tai tule jiarÿ iny areixixanyke ixiðeewikeki.

22-23 Ibutumy iny hitxidÿÿna Waha wadee tuu rarybera, tii dori iny rihitxidÿÿnyòtyhy. Jiarÿle tahe iny ywisidÿÿdumy aròhònykre, tai iwese Deuxu iny riwowydynmyhÿre wesele iny riwawowydynmyhÿre. Adeereny Deuxu diwateònyde. Tai inyò riwawowydynyòkeki, tii Deuxu riwowydnyòreri.

24 Inatyhytyhymy adeereny ararybekre. Inyò warybe roholakeki, wateòdÿÿdu rity-hynykeki, tii wijityhyle umyuedeõna ritake, ywisidÿÿduko-ò ròhònyòtyhy, rubu ryribi ròhònyre umy irumy ihÿre ryò iny ralõmyhÿre.

25 Inatyhytyhymy adee arelyykre: —Bedeÿÿnana-ki kòhòra, bede dÿÿnanamy reara. Tahe rubu mahãdu Deuxu Riõre rybe-ò roholakre. Roholamy rÿikeu tahe irumy rÿike.

26 Tyby dori iumyõnanaõhyre wese tule iRiõre rare. Umyuedeõna wedu rare.

27 IRiõre heka hitxidÿÿna wedumy relere. Tii dori Deuxu Riõre Hãbutyhyhykÿ tii rare, jiarÿ wahe.

²⁸ Bedeotiidyõmy tahe bededyõnanamy he reare. Rubu mahãdu wabedey-ki warybe-ò roholakre, tai iribi rõhõnykre.

²⁹ Ibutumy aõwibo riwinyre mahãdu kedexixakre umyuedeõnahakỹ-di. Kia ibinamy riwinymyhỹre mahãdu ywisidyõdu-ò rexixakre.

³⁰ Jiarỹ ixi-di aõkõ aõmydyõnanamy ratỹnywãhãre. Iwese Waha-ò raholare wese iny ywisidyõmy arõhõnykre. Waywisidyõna heka õbiti rare. Wadee wimy aõkõ dori tuu watziwãhãre. Waha wadeõdudeewimy tuu watziwãhãre.

³¹ Iximy ararybekeki, inyõ riwatyhynyõtyhy.

³² Iwitzira heka tuu rarybereri wamy wahe. Reeryre inatyhy raremy.

³³ Kaiboho inywitzira teteõnytenye. Joaõ ratysebedyõdu-ò rỹrãxikemy ibutumy kia wamy rarybere inatyhy rare jiarỹ inatyhy rare.

³⁴ Iny wamy rarybemyhỹre, tahe jiarỹle kia rejjeõhymahãre inyle rieryõre wamy rybe, wahe. Tahe kiamy adee relywãhãre kaiboho ritamy rỹikemy.

³⁵ Joaõ tahe loosõna wesemy raremyhỹ. Tii urihimyo bededyõnana ritoosõnmy raremyhỹwesemy tahe kaiboho atximahãtenye. Idi urihimyo-ò teysatenye iloosõna-di, idi iribi kaiboho terarenye.

³⁶ Jiarỹ Waha õraru-ki aõmydyõnana wiwihikỹ, rewinyamahãre. Kaheka inatyhymy urihixina rare. Joaõ wamy rarybere ratyre heka kaa roire, Deuxu Waha inatyhymy wadeõdu raremy riteõsinyre.

³⁷ Waha wadeõdu wamy tule relyyre. Kaiboho irybe-ò taholaõtenye tule tii tabiõtenya.

³⁸ Kaiboho tamy taholaõhymahãtenye, tiwatyhynyõteki, jiarỹ dori iteõdyõna rare.

³⁹ Tyriti-ò tetehetenye iwo-ki dori umyuedeõna-ki mahakemy tahõtinytenye. Ritidyõnakile wamy relymyhỹre.

⁴⁰ Ihãrele tahe wadee taõmahãte adeereny umyuedeõna ariwahinykemy.

⁴¹⁻⁴² Aõmybo wamy iny rarybemahekeki, aõ aõkõ rare wadee, jiarỹ dori reeryre Deuxu luuna-di aõkõ atxinyereri.

⁴³ Jiarỹ Wahani-di anade, tahe kaiboho tiwatyhynyõmy wadi ahãte. Inyõ ixideewilemy kanakeki, kaiboho bityhynybenykre.

⁴⁴ Tai heka tetyhynyõmahãtenye. Widee dori kaiboho tewowydynmahãtenye, tahe Deuxu-ribi wowydyna ritakemy terarenye, sohojihyure heka Deuxu.

⁴⁵ Kiamy tahe Waha-ò arelyyõkre, Moisesi tahe relyykre. Moisesi bede ywina dori, ararõsõnyreny rare.

⁴⁶ Inatyhymy Moisesi tetyhynmahãte-wana tule jiarỹ biwatyhynmahãke, wamy dori Moisesi rõratidyõre.

⁴⁷ Irybe bityhynyõkeki, timybo warybe bityhynyke.

6

¹ Iribi tahe Jesuisi Kalileia aho-ki ixiby reurore, Teberiaade ahoniõre.

² Tahe sõwemy iny riheludunyre tuu robireki, aõna aõna wiwihikỹ, deytedyõna wiwihikỹ robireki.

³ Tahe hãwãlõraty-ò Jesuisi raõwõnyre taerydyõna mahãdu-wana –rorukurenyre tai.

⁴ Judeu mahãdu worana bedehesi rexidelenykemy iõhõre.

⁵⁻⁶ Tahe Jesuisi retehere insõwehekỹ-ò, tamy rehemynyneriõ. Tai Filipi-ò riurihimy rarybere: –Tikibo orotxu tamyreny rikiõbranyke riyrenykemy. Jesuisi rierymyhỹre aõbo riwinykemy ratxireri ihãrele tahe Filipi-ò kia rarybere.

⁷ Filipi tahe dirawyõnyde: –Inyõ sohoji sohoji orotxu yre sohoji riykeki, 200 prata womati nieru rakahurenyke ihãre rimyõtyhy.

⁸ Andre Jesuisi erydyõna-ò rare, Simaõ Pedro seriõre rare. Tii tahe Jesuisi-ò rarybere:

⁹ –Weryryoõ kaki ihỹmyhỹ. Iruyre cevada orotxu idi ratximyhỹ, utura inatxi. Kia tahe aõ aõkõ rare insõwe-ò.

¹⁰ Tahe Jesuisi taerydyõna-ò rarybere: –Tamy marybebenyke ranyrenykemy asityrekile. Tahe rorukurenyre ibutumy. Hãbu 5000 ronyre ijõ inyõ tahe sõwetyhymy rorukure.

¹¹ Jesuisi orotxu rimyre. Deuxumy realãre, idi tahe tamyreny riwahinyre. Tule utura-wana wiwesele risỹnymy. Tuu rotỹnyre. Ibutumy heka ixideewina rirỹsỹnyre.

¹² Rihydyrenyre, Jesuisi rarybere taerydyõna mahãdu-ò: –Bibutunybenyke rauhenyru uritere ixinamy itxiwixirenyõkemy idi watzireri. Uritere idi dehurenõmy.

¹³ Tahe ributunyrenyre iuhe waõinatxi reurõmy weriri ritỹxinyre orotxu yrere-di.

¹⁴ Jesuisi aõwiwihikỹ widỹnyamy robirenyre kiamy tahe raryberenyre. Tii inatyhymy Deuxu Rybedutyhy rare. Juhuu dori tuu rarybere kabede-ò kanakemy. Inyboho tii riraõmyhỹre.

¹⁵ Rõhõtinyrenyre: –Jesuisi inyiõlõrenymy rikimynyrenyke. Tamy ròkõirenykre. Iu Jesuisi kia rieryre, ixisohojilemy rexitare ixiby, hãwãlõ-ò.

¹⁶⁻¹⁷ Ibedesou aho ijà-ò ierydÿÿna mahâdu riberenyre riraòkemy. Bede rurunyre tahe Jesuisi rehemynyòhyre. Tai hâwòò rimyrenyre idi reuròkemy ijòwe-ribi ijà-ò, Kafanaò hâwã-ò.

¹⁸ Tahe yhy deborehekÿ tiribi tiribi rebonymhÿ. Òbò tahe resemyhÿ.

¹⁹ Sohoji urihixina iòhòmy ròirenre tahe Jesuisimy robirenre. Tii betyredile tamyreny nariamy nade. Tiiboho ruberunihikÿrenyre.

²⁰ Jesuisi tamyreny rarybere: —Jiarÿle wa rare, breburennyòmyke.

²¹ Tai tahe hâworo-ò Jesuisi ronykemy tiiboho disÿnydenyde. Aò wesele tahe rehemynyrenyre tiòbo ròirenraò.

²² Itxubiòwamy sòwemy iny wii ributunyre aho kanawe-ribi ijà-ki. Hâwò sohojile tahe tai roire aho-ki. Jesuisi erydÿÿna mahâdu roirennyremy rieryrenyre. Tahe Jesuisi aòkò idi rare.

²³ Tahe hâwòò dehemynydenyde. Teberiaðe hâwã-ribi Jesuisi tai ratximyhyÿ iòhò-ò. Tai juhu Jesuisi rexitòeny my rÿimyhÿ tahe orotxu tamy riwahinyre.

²⁴ Jesuisi iòre tai, ierydÿÿna mahâdu iòre. Kia tahe iny sòwemy robirau, hâwò-ò rimyrenyre. Iòrysmy ròirenre, Kafanaò-ò.

²⁵ Kanawe-ribi ijà-ò rehemynyreu, tii-wana witxi reare. Tahe tamy rÿÿraxire. Waery-dÿÿdurenre, tiubo kaò tadehemynyte.

²⁶ Aòwiihikÿ rewinyremy aòkò tiwajetenyteri, rÿsÿna adeereny rewahinyrakile, tehydmy terÿsÿtenytakile.

²⁷ Rÿsÿna tyhy ituemyhÿre kiaòle aòkò maaòmysÿdÿÿbenyke, tahe iwitxira rÿsÿnaò-ò maaòmysÿdÿÿbenyke, kia ituedeòna-di aòkò rare. Deuxu Riòre Habutyhyhykÿ dori adee riwahinykre. Kia rÿsÿna umyuedeònahakÿ wesemy rare. Taile tahe Deuxu Waha riwateònyreri.

²⁸ Tahe Jesuisi-ò rÿÿraxire: —Timybo iny Deuxudeewimy arotÿÿnyrenykeny.

²⁹ Jesuisi dirawyònyde: —Kialemy, biwatyhybenyke: —Deuxu dori wateòdÿÿdumy rare.

³⁰ Tahe raryberenyre tamy: —Aòwiihikÿbo inyko-ò biitxeredÿÿnyke. Aðhebo botÿÿnykre, iny aratyhnykre.

³¹ Inybyreny orotxu riyrenyre bederahy-ki. Kia wese Tyyriti-ki roire:

—Moisesi tamy orotxu riwahinyre biu-ribi.

³² Jesuisi rirawyònyre: —Inatyhy tyhymy Moisesi aòkò tamy riwahinyre. Waha dori biu-ribi orotxu tyhy adee riwahinyre.

³³ Deuxu orotxu tahe irutyhymy inydee riwahinymyhÿre, biu-ribi diwahinymyhÿde.

³⁴ Tahe raryberenyre: —Wanyrÿ, tiu kia orotxu bidiwahinymahâkre.

³⁵ Jesuisi iximy rarybere: —Jiarÿ orotxu irutyhymy rare. Inyò wadee kanakeki, tiu rama risaòtyhy. Inyò riwatyhynekeki, tiu bee risaòtyhy.

³⁶ Adeereny heka rarybere: —Wamy tabitenyde, ihârele tiwatyhyenyòtenyde.

³⁷ Ibutumy iny Waha wadee riwahinymyhÿre wadee kanakre. Tiu ixi-ribi ariteònyòtyhy.

³⁸ Adobehede dori aò ixideewimy aòma arotÿÿnykeny aòkò. Wadeòdÿÿdudeewimy arotÿÿnykeny watxiwâhâre.

³⁹ Tiu ariònonyòtyhy wadee diwahinydeò kiaboho ibutumy ikonana txuu rubu-ribi ariixix-anykre. Kia tahe wadeòdÿÿdu deewimy rare.

⁴⁰ Inatyhymy Waha deewimy kia rare. Iny iRiòremy robireu, rityhnykeu, umy tuedeòna ritake. Ikonana txuu tahe rubu-ribi ariixixanykre.

⁴¹ Jesuisi rarybere: —Jiarÿ biu ludu orotxu rare. Tai tahe judeu mahâdu aòbina binahakÿlemy rarybemyhÿre.

⁴² Kia wese rarybemyhÿre: —Kaa Jesuisile rare. Jyje ròre rare. Tyby he ijoi eryna rare ise tule. Aðherekibo tii rarybereri biu-rubu nademy.

⁴³ Tahe Jesuisi dirawyònyde: —Tuu wamy ryberenyòmyke ayludurenymy.

⁴⁴ Wadeòdÿÿdu iny wadee rayky-ò rarybemyhÿre namyhÿde. Kia wesele iny wadee kedehemynykre, ikonana txuu tiiboho rubu-ribi ariixixanykre.

⁴⁵ Deuxu rybedu Tyyriti-ki kia rybe rÿire:

—Deuxu ibutumy iny ribedeerydÿÿnykre.

Tai tahe Waha-ribi iny rierymy roholamyhÿre, tii tahe wadee rehemynykre.

⁴⁶ Inyò Wahamy robiòhymyhÿre jiarÿle tahe tuu rabimahâre, iribi anadeki.

⁴⁷ Inatyhytyhymy adee rarybemahâre. Inyò riwatyhynekeki, umy tuedeònahakÿ tiwanale ratxireri.

⁴⁸ Jiarÿ orotxu wesemy jiarÿ rare. Umytuedeòna wahidÿÿdu jiarÿ rare.

⁴⁹ Boreny dori biu-ribi orotxu riyre bederahy-ki. Irabihyy ibutumy tiiboho ituerenre.

⁵⁰⁻⁵¹ Jiarÿ tahe biu ludu orotxu wese rare, inyò tahe kia orotxu riykeki, tiu ruruòtyhy. Waumy ariwahinykre rubu-ò ibutumy iny òraruna òwydÿÿmy. Tamyreny umyuedeòna riwahinykre rubu-ò ibutumy iny òraruna òwydÿÿmy. Tamyreny umyuedeòna riwahinykre.

⁵² Judeu mahādu tahe txiõdÿÿna rybemy widee raryberenyre: –Timybo tadelemy iny-boho riõwenyrenykemy wahe.

⁵³ Jesuisi rirawyõnyre: –Inatyhythymy adee ararybekre. Kaiboho Deuxu Riõre Hābutyhyhykÿde birõõbenykeki, umyтуedeõna bitabenyõtyhy. Ihālubu biõbenykeki, umyтуedeõna-di aõkõ atxitenyteri.

⁵⁴ Inyõ waderõdu wahālubumy momodu tii umyтуedeõna-di ratxireri. Tii tahe ikonana txuu rubu-ribi adiixixanykre.

⁵⁵ Wade heka juhu irõnatyhy rare, wahālubu tu monatyhy rare.

⁵⁶ Inyõ wade rirokeki, wahālubu riõkeki, wawana tiuhyy ratxireri. Jiarÿ tule tii-wana watxihyyreri.

⁵⁷ Waha irumy ratxireri. Tii wadeõdÿÿdu rare iõraru-ki warumy watxireri. Tule waderõdu irumy ratxike waõraru-ki.

⁵⁸ Jiarÿ biu ludu orotxu inatyhy jiarÿ rare. Iwese bederahy orotxu heka boreny riyrewesemy aõkõ jiarÿ rare. Ihārele tahe ituerenyre. Inyõ riwaykeki, rexixahynymy rarekre.

⁵⁹ Kia ibutumy Jesuisi rarybere Kafanaõ judeu dohodÿÿna-ki, rierynanymyhyreu.

⁶⁰ Iribi tahe Jesuisi-õ ijohona mahādu rarybere:

–Kia isira tyhyre iny rieryke. Inyõ heka kia rityhynyõtyhy.

⁶¹ Jesuisile heka rexierymyhÿre tiiboho tuu rarybemyhÿreki, tahe tamy rÿÿraxire:

–Kaa aõbohe arabinadÿÿnyrenyke.

⁶² Tahe jiarÿ Deuxu Riõre Hābutyhyhykÿ, ixiby biu-õ arõõsekeki, timybo marybebenyke, kaiboho wamy bobibenykeki.

⁶³ Deuxu Tyytybytyhyle umyтуedeõna riwahinymyhyreu. Umydetyhy umyтуedeõna-di aõkõ rare. Urile adee rarybemahāre Deuxu Tyytybytyhymy rybena rare, adeereny umyтуedeõna rare.

⁶⁴ Tahe inyõ ayreny ludu riwatyhynyõreri. Jesuisi tahe juhū-ribi rierymyhyreu mobo rityhynyõmyhyreu, tule mobo tatxiõdÿÿdumy rarekremy.

⁶⁵ Jesuisi raryberhyymy tii-wana: –Jiarÿ juhū rarybewāhāre. Inyõ Waha wadee riteõnyõkeki tii wadee kanaõtyhy. Tai heka tuu adee jiarÿ rarybere.

⁶⁶ Kia rybe õraru-ki sõwemy taerydÿÿna mahādu ririrenyre. Tahe roirenyre.

⁶⁷ Tahe Jesuisi rÿÿraxire taerydÿÿna waõinatxi reurõ mahādu-õ. Ka bexe boibenyõkre aõbo biwaribenyõkre aõbohe.

⁶⁸ Tahe Simaõ Pedro rirawyõnyre. Wanyrÿ moobo arõirenykre. Kaile heka umyтуedeõna rybe-di atxiteri.

⁶⁹ Jiarÿboho ka aratyhynymahāreny. Araeryreny ka, kai Deuxu-ribi hābu õbitityhymy atximahāte.

⁷⁰ Jiarÿ aratareny waõinatxi reurõ inymy erydÿÿna mahādumy. Ihāre tahe inyõ ratx-imyhyreu diaboõ heka tii rare.

⁷¹ Jesuisi tahe Judasi Isariõmy rarybereri. Iwõ inatxinamy wahe. Simaõ-Isariõ riõre tii rare. Judasi dori Jesuisi riwahinykremy ratxireri iõludu mahādu-õ.

7

¹ Judeu mahādu Jesuisi rubudÿÿmy rurumyhyreu. Tai tahe Judeia bede ludu hāwā-õ ralõõmyhyreu. Kalileia bede hāwādile rariamyhyreu.

² Tahe judeu mahādu worana bedehesi iõhõmy rÿimyhÿ. Kiani tahe heto riõre worana bedehesi rare.

³ Tahe Jesuisi seriõreboho tamy rarybere: –Make wa karibi Judeia mahādu bede-õ aerydÿÿna mahādu dori aõwiwihikÿ kai tewinyteõ tuu robikemy.

⁴ Aõwiwihikÿmy tewinyteri, tai tahe ixinamy iny tuu ibutumy robikre. Ibutumy iny ixierysmy tahõtinyteri-wana urile iny lau iwõteõmy aõna aõna wiwihikÿ.

⁵ Jesuisi seriõre mahādu tule rityhynyõre.

⁶ Jesuisi tahe dirawyõnyde: –Wiji araõkre wabededÿÿnanamy dori tuu reaõmy ratxireri. Kaiboho tahe adohotalemy bõike.

⁷ Bede ludu mahādu iny dori aluurennyre, tahe waderamy rekoarennyre. Iõrarunamy dori jiarÿ tamy rarybemahāre, ibinatyhyremy.

⁸ Kaiboho boibenyke worana bedehesi-õ. Jiarÿ tahe wiji araõkre, wabededÿÿnanamy reaõmy doimyhÿde.

⁹ Kia tahe Jesuisi tamyrenny rarybere. Tahe Kalileia-ribi Jesuisi rõhõnyõmy rÿimyhÿre.

¹⁰ Tahe iseriõre roirenyre worana bedehesi-õ. Idi tahe tule tii rare iherenymy itÿnymy aõkõ wahe, wasimy inyõ tuu robiheny.

¹¹ Judeu mahādu tahe Jesuisi rijjemyhÿre worana bedehesi õrake-õ. Rarybemyhyreu: –Titxibo tahe tii ratximyhÿre.

¹² Jesusimy rybe ixitxiõdõyña ròhònyre inysõwehekỹy-ki. Inyõ heka awimy tuu rarybemyhỹre. Ijõ tahe ibinamy tuu rarybemyhỹre, tii iny itxenadỹydu raremy.

¹³ Inyõ tuu rarybeõhyyimyhỹre ibutumy ijohonamy judeu mahãdu lau ruberureki.

¹⁴ Worana bedehesi tya-ki Jesusi Deuxu dohodỹyña heto-ò ralore ribedeerynkemy.

¹⁵ Ribedeerynyreu tahe judeu mahãduõ ijõ-ò rarybere: –Timykibo he kia ritidỹyña rierymy tuu rarybemyhỹre. Rierykõ ihãrele iny rierynanyimyhỹre.

¹⁶ Tahe Jesusi dirawyõnyde: Waerydỹyña-di aõkõ rebedeeryre, Deuxu wateõdỹydu rybe-di wahe.

¹⁷ Inyõ Deuxudeewimy ratxikeki, tii rierykre aõerydỹyñabo õbitimy ratxireri. Tii rierykre Deuxu-ribi aõbo rarybereri ada ixi-ribi rarybereri.

¹⁸ Iny ixi-ribi rarybekeki, tiile rexiloosõnanyke. Tahe iny iteõdỹydummy rarybekeki, tii tahe inatyhy rare. Tii inatyhymy õbiti rare.

¹⁹ Moisesi adee bede ywina riwahinyre: –Tahe kaibohoõ tetyhynyõhyyimahãtenyte. Tai tahe aõherekibo biwarubunykeny atxitenyteri.

²⁰ Tamy inyõ dirawyõnyde. Kaita itxýteteri. Inyõ ka ararubunykeny aõkõ ratxireri.

²¹ Jiarỹ inyõ reteytenyreu sabado txuu tahe kaiboho wadi bede teõtiniytenyte.

²² Boholake, Moisesi bede ywina arateõnyke ariõre ritõtiky arõkemy resynanykeny. (Boboho tahe kia tuu ritelenyreu Moisesi aõkõ.) Tahe notyky resyna txu rỹikeki, tuu tewinyte sabado txu hãrele.

²³ Kia sabado txu biwinybenykeki Moisesi bede ywina riwinykeny, tahe aõherekibo wadee taykarananyteri hãbu sabado txu reteytenyrekõ.

²⁴ Aõ õbitimỹ aõkõ rare, õbitimỹ tahõtinyterikile. Õbitinale-di maraykynybenyke.

²⁵ Ijõ Jerusalẽ hãwã ludu mahãduõ rarybere:

²⁶ –Kia rarybemy rỹirerile, tii irubudỹymy rexinohõtinyreri. Beteheke. Butumy ijohonanamy kia rarybemyhỹre. Ihãrele taheka inyõ tamy rarybeõhyyimyhỹre. Wedu mahãdu ròhõtiniyimyhỹre: –Ina aõkãbo Kristumy inatyhymy tii rare.

²⁷ Inyboho tahe rierymyhỹre titxiribibo tiõ namyhỹde. Kristu Deuxu deõdỹyña tahe kanakeu, inyõ tahe rieryõtyhy titxiribibo kanake.

²⁸ Jesusi tahe Deuxu dohodỹyña heto-ki ribideerynanyimyhỹre rarybere: –Kaiboho ti-waerytenyte, titxiribibo anade tule teerytenyte. Tahe wateõdỹydu teeryõtenyte. Terõwmy heka jiarỹ anade. Tule tii inatyhytyhymy rare.

²⁹ Iribi jiarỹ anade Tii riwateõnyre, tai jiarỹ tii reeryre.

³⁰ Inyõ riijemyhỹ rirõtenykeny. Tahe rimyõhyyre ruberureki, ibededỹyñanamy aõkõ bede rỹireki.

³¹ Iny sõwehekỹ-ribi sõwemy iny rityhinyre. Tahe inyõ rarybere: –Kristu Deuxu deõdỹyña iratyre aõna aõna wiwihikỹ riwinykeny tahõtinyteri. Aõkõre, tii dori inatyhymy Kristu rare.

³² Fariseu mahãdu kia-ò roholareu, tahe wii ributunyre xiwe wahidỹydu wedu mahãdu-wana. Tahe tiiboho soldadu mahãduõ riteõnyrenyre Jesusi rimykeny.

³³ Jesusi tahe tamyreny rarybere: –Urihimyõ umyreny-wana watzikre, idi ta arõðsekre wateõdỹydu-ò icyby.

³⁴ Kiaboho biwaijebenkyre, waki mahabenyõtyhy. Titxibibo watzireri kia-ò heka bitehemynyõtyhy.

³⁵ Judeu mahãdu tahe widee rarybere: –Titxiwexe tii rakremy ihỹre, tuu roko-birenyõtyhy tai rakaharenõtyhy, myỹ rarybemyhỹre wahe: judeukõdu mahãdu bede-ò aõbo rakremy ixi-di ratxireri. Tai ribedeerynkemy, judeu mahãdu-wana rasỹnykremy.

³⁶ Timybohe rarybere: –Waki mahabenyõtyhy, titxibibo watzireri-ò behemyhõtyhy, myỹ rarybereri.

³⁷ Ihewotxu worana bedehesi aõnihikỹtyhy rare. Jesusi iu rexikũnyre rarybekemy: –Inyõ bemomy risakeki, wadee kanake, riõke.

³⁸ Inyõ riwatyhynykeki, Tyyritina-ki kia wese rybe rỹire:

–Iwo-ribi benihikỹ iru ròhõnyke.

³⁹ Iu Jesusi kia rarybereu, Deuxu Tyytybytyhy aõmy dỹyñanamy rarybere. Iny dori rityhynykeki, iwo-ò Deuxu Tyytybytyhy ralõke. Urile tahe Deuxu Tyytybytyhy riwahinyõmy rỹire. Jesusi dori ròðseõre biu-ò.

⁴⁰ Tahe roholare mahãdu tahe rarybere: –Ka heka hãbu Deuxu Rybedutyhy rare.

⁴¹ Ijõ tahe rarybere: –Tii Kristu rare. Ijõ tahe rarybere: –Kristu aõkõ Kalileia bede-ribi dori tii rareri.

⁴² Tyyritina rybe-ki roire: –Kristu, Davi sỹ-mahãdu ribi kanakremy. Belẽ hãwã-ribi; titxibibo Davi rasỹnyre-ribi.

⁴³ Tai tahe wiwese wese aõkõ ròhõtinyrenyre Jesusi-di.

⁴⁴ Inyõ rirõtenykeny ixi-di ratximyhỹ, ihãrele tahe inyõ rimyõhyyre.

⁴⁵ Tahe soldado mahãdu ròðsemy rare rimyõhyylemy fariseu mahãdu-ò xiwewahidỹydu mahãdu wedu-ò. Tahe soldado-ò rỹraxirenre: —Aõherekibo tedyõteri.

⁴⁶ Tahe dirawyõnyde: —Timybo inyõ kowa hãbu wesemy rarybeõhyre rybe iwitxira wihikỹmy tii rarybere.

⁴⁷ Tahe fariseu mahãdu rarybere: —Kaiboho aõbo tule araitxenanyrenre.

⁴⁸ Inyboho mahãdu renre-ribi moõ rityhynyõhyymhỹre, fariseu mahãdu wahe, wedu mahãdu wahe.

⁴⁹ Inyõ rityhynre, tahe tiiboho Moisesi bede ywina rieryõre tai Deuxu aõhõkỹmydỹnana-txi idi rehukre. Aõhõkỹmydỹnana-ò ritamadỹnykre.

⁵⁰ Nikodema iyrenre-ki ratximhỹ. Fariseu mahãduõ tii rare, juhuu Jesuisi raraò rare wahe. Tii heka rarybere imahãdu-ò.

⁵¹ Juhuu roholamyhỹre aõhebo rotỹnyraò wahe idi tahe ibinakeki rirõtenykremy riijemyhỹre. Kia tahe iny bede ywinarenre rare.

⁵²⁻⁵³ Tahe rirawyõnyrenre: —Kai wa tule Kalileia mahãduõ atxiteri. Tyyriti-ò betekeke timybo rarybereriõ: —Kalileia-ribi rybeduõ rõhõnyõtyhy wahe.

8

¹ [Tahe ibutumy he tasỹ-ò reareare. Iu tahe Jesuisi rare Oliveira hãwãlò-ò.

² Biura-di tahe dòðse Deuxu dohodỹna heto-ò icyby. Sõwemy iny tamy rare; Jesuisi ronre; ribedeerynre.

³ Hãwyyõ ratximhỹ hãbu wixiraõ-wana wasimy ratximhỹ. Tahe inywitxiraõ itxirenre reare. Tai tahe Deuxu rybe erydỹydu mahãdu fariseu mahãdu-wana hãwyy didyde Jesuisi-ò. Tahe hãwyy-ò rarybere rỹkemy iny sõwehekỹ-ki.

⁴ Tahe raryberenyre Jesuisi-ò: —Bede erydu: —Kahãwyy tỹwe rare inyõ itxi reara.

⁵ Iny bede ywina Moisesi riwawahinyré tahe rarybere mana-di rurumhỹkemy. Tahe aõmybo kai mynarybeke.

⁶ Tiiboho kiamy rarybere Jesuisi riurihire timybo rarybekemy. Tai tahe ibinamy tamy rarybekemy idi ratxireri. Jesuisi tahe suõ resera rõritidykemy tebò-di suki riritinyra.

⁷ Tahe ritỹraxyhyy ihỹmyhỹ. Tahe Jesuisi rỹire; rarybere: —Inyõ òrarukõmy ratxirerile, tii mana-di juhuu tamy rehukre.

⁸ Ixityrele sỹ Jesuisi rõritidyỹre suõ.

⁹ Kia rybe-ò roholarenre, tahe rexitarenre sohoji sohojilemy, tarayky dori ribi-nadỹnyrenre. Matuari mahãdu tahe juhuu rexitare. Ikonanatyhy dori rare, tahe Jesuisi hãwyywanale tai rỹre.

¹⁰ Jesuisi retere: —Hãwyy sohojilemy robire rỹraxire tamy: —Hãwyy, titxibo mana-di arubudyỹmy rybedu mahãdu rirahura. Inyõ aõhe arasỹnyõhyra.

¹¹ Tahe dirawyõnyde: —Anokõre, Wahĩ. Tahe Jesuisi rarybere: —Jiarỹ tulere! Mahe, òruna-txi tahe icyby ixõmy.]

¹² Ixityre Jesuisi rarybere tamy: —Jiarỹ wabede loosõna rare. Inyõ wahemy kanakeki, bede luru-ki rariaõtyhy. Tii heka loosõna-di tarayky-ki rarekre.

¹³ Tahe fariseu mahãdu tamy rarybere: —Aõkõre, kai wa iximy tarybeteri tai tahe ariybe inatyhmy aõkõ rare.

¹⁴ Jesuisi dirawyõnyde: —Inatyhmy iximy rarybereri jiarỹ, tahe warybe inatyhy rare, jiarỹ dori reeryre titxiribibo anade, tule tiobo arakre reeryre. Kaiboho tahe kia teeryõtenyte.

¹⁵ Kaiboho waywisidyỹmy tadiõlõnyte, ihãre tahe õbitimy tiwaywinytenyõte tiwaery-tenykõteki. Tahe jiarỹ inyõ reywinyõteri.

¹⁶ Jiarỹ inyõ ariywinkeki, waywisidyỹna tahe õbiti rare. Jiarỹ dori ixiwanaale aõkõ rare. Waha, wadeõdỹydu wawana raremyhỹ.

¹⁷ Abede ywina-ki kia rybe riritiny my rỹimhỹre: —Inatxi hãbumy wiwesehyylemy rarybekeki kia tahe inatyhy rare.

¹⁸ Jiarỹ iximy rarybemahãre tule Waha wadeõdỹydu wamy adeereny rarybemyhỹre.

¹⁹ Tahe tiiboho Jesuisi-ò rỹraxirenre: —Titxibo boo ratximhỹre. Jesuisi rarybere: —Kaiboho tiwaerykõmahãtenyte, Waha tule teeryõmahãtenyte. Kai biwaerybenyõkeki, tule Waha bierybenyõtyhy.

²⁰ Kia Jesuisi rarybere Deuxu dohodỹna hetowo-ki, iubeweri yrubudyỹna ube-ki. Tahe inyõ rimyõhyre, ibededyõnanamy aõkõ bede rỹireki.

²¹ Iribi tahe ixityre tamy rarybere: —Jiarỹ he arakre karibi. Kaiboho biwaijebenkyre tahe aõrarenre dile burubenykre. Boiõtyhy titxibo arakre-ò.

²² Tai tahe judeu mahãdu widee raryberenyre: —Inatyhmy aõbo tii rexirubunykre. Tii raryberaki: —Titxibo arakremy boiõtyhy, myki tuu idi rõhõtinyrenre.

²³ Tahe Jesuisi rarybere: —Kaiboho kaludu toite; jiarý aõkõre, biu ludu rare. Kaiboho bede ludu toite, jiarý tahe kabede ludu aõkõ jiarý rare.

²⁴ Tai heka adeereny rarybereri aõrarureny-di burubenykremy. Inatyhymy jiarý tii rare: —Iwese rarybere wesemy. Tahe kia warybe bityhynyõbenykeki, aõrarureny-di burubenykre.

²⁵ Tahe tiiboho rýraxirenyre Jesuisi-õ: —Mobo he tate. Jesuisi dirawyõnyde: —Timybo adeereny rarybewähäre, juhuu wahe.

²⁶ Jiarý sõwemy rýire aõna aõnamy umyreny ararybeke umyreny ariywinyke ta ararybekre Waha tuu wadee rarybelemy. Tii diwateõnyte tii inatyhymy rare. Irybelemy bede iny-õ ararybekre.

²⁷ Rieryõhyre tamyreny rarybere, tybymy.

²⁸ Kaiboho heka biwatamadýnybenykreu, bierybenybenykre mobo jiarý rare. Tule ixi-ribi aõkõ aõna aõna rewinywähäre bierybenykre; tule iwese Waha riwaerynanymyhýre wese, rarybemahäre. Kia tule bierybenykre.

²⁹ Wateõdýýdu wawana raremyhý. Iximy riwariõtyhy, jiarý tamy wimy rewinyhyymahäreki.

³⁰ Kiamy tarybe rahudi tahe, sõwemy iny rityhynyre.

³¹ Judeu ityhydýýdu mahädu-õ Jesuisi rarybere: —Kaiboho warybe tyhy-di mohõtinybenyhykeki, inatyhymy watyhydýýdu waheludumy boibekre.

³² Inatyhyna tahe bierybenykre. Kia dori aratarenyke, deõdumy aõkõ boibekre.

³³ Dirawyõnydenyde aõkõre inyboho Abraõ riõkõre roire, tiu heka modeõdumy roirekõmahäre. Timybo tarybeta: —Deõdu-ribi riwatakemy.

³⁴ Tahe Jesuisi tamy rarybere inyõ õraru-di hyy rexiõrarunykeki, tii õraru deõdu wese hyyle rare.

³⁵ Deõdu heka heto wedu ijoihymy aõkõ rarekre. Iwedu ixinamy rakre. Riõre tahe ijoihymy rare.

³⁶ Tahe Deuxu Riõre heka ixinamy arateõnykeki, tiu õraru deõdu wesemy ixby bonybenyõtyhy.

³⁷ Abraõ riõkõre inatyhymy toite. Kia tahe reeryre. Ihärele tahe biwarubunyenykemy atxitenyteri warybe dori araykywo-di aõkõ ratxireri.

³⁸ Waha-wana ranymahäu, aõmybo rabire, wiji tuu rarybereri. Kaiboho tule boo-ribi tabitenyete tuu tewinytenyteri.

³⁹ Rirawyõnyrenyde: —Wahareny heka Abraõ rare. Jesuisi rarybere: —Abraõ riõremy inatyhymy toite-wana, Abraõ aõmydýýnana iwesemy biwinybenyke.

⁴⁰ Katahe warubudýýmy wadi atxitenyteri. Inatyhyna Deuxu-ribi raholaremy, adeereny rarybemahäre, tai tahe warubudýýmy atxitenyteri. Abraõ tahe tiu tahe tuu rotýýnyõtyhy.

⁴¹ Kaiboho heka borenytyhy wesele tatýýnymahätenyete. Dirawyõnyde: —Aõkõre, jiarýboho waxiriõre aõkõ roire. Deuxuhyye iny tybyreny rare.

⁴² Tahe Jesuisi rerawyõnyde: —Deuxu boo inatyhymy rare-wana inihe kaiboho waluurenyre. Jiarý dori Deuxu-ribi anade. Ixidee wimy aõkõ anade tii diwateõnyde.

⁴³ Aõherekibo teertynyõte warybe. Isiratyhyre aõbo ijohona. Aõkõre, ityhydýý isirare adeereny.

⁴⁴ Kaiboho Diabo riõre toite tamywimy biwinykemy atxitenyteri. Tii juhuu rubudýýdu hyy rare. Tii heka raruireri inatyhywesehekýle wahe. Tii ruidu rare. Ruiwedu tii rare.

⁴⁵ Kaiboho heka tiwatyhyynyõhyymahätenyete inatyhyna dori jiarý rarybemahäre.

⁴⁶ Inyõ inihe wamy rarybeõtyhy jiarý õraru du raremy. Adeereny inatyhynamy rarybereri. Aõherekibo tiwatyhyynyõteri.

⁴⁷ Iny Deuxu-ribi ratxireri, Deuxu rybe roholamyhýre. Kaiboho Deuxuhõrõ aõkõ toite. Teõdu aõkõ toite. Taita warybe-õ taholaõteri.

⁴⁸ Jesuisi-õ tiiboho dirawyõnydenyde: —Inatyhymy rarybewähäreny. Kai Samaria mahädu tate. Kaludu mahädu aõkõ tate. Kai tyytybybina dire.

⁴⁹ Jesuisi rirawyõnyde: —Aõkõre, tyytybybina-di aõkõ watxireri. Waha tahe rewowydynwähäre. Kaibohole tiwabinadýýnymahätenyete.

⁵⁰ Wowodyna ixi-di aõkõ reijereri. Waha tahe kia aõmydýýnanamy riywinykre, tii rierymyhýre.

⁵¹ Inatyhytyhymy adee ararybekre: —Inyõ warybemy reõbykeki, tiu rubumy tii robiõtyhy.

⁵² Tai judeu mahädu rarybere: —Katahe inatyhymyhe inydeereny aerysydýýna rýira tyytybybina-di tate wahe. Abraõ tahe rurure; Deuxu rybedu tule. Tahe timybo kai tarybeta: —Inyõ warybemy reõbykeki tiu rubu urihixinamy roiõtyhy tamy.

⁵³ Kai aõbo inytybyreny Abraõ ratyre awikemy aõbo ixi-di tahõtinyamahäte. Abraõ rurure Deuxu rybemy rybenadu amahädu tule rurure. Mobo raremy he tahõtinyamahäte.

⁵⁴ Tahe Jesuisi rirawyõnyde: —Jiarý ixi-di wowodyna ariijekeki, tahe wawowodyna aõ aõkõmy rareke. Waha tahe riwawowodynymyhýke aDeuxumy raremy tu tarybeteri.

⁵⁵ Tahe aõkõ teeryõtenynte. Jiarý tate reerymahãre. Jiarý reeryõmahãremy ararybekeki, tai ruidumy rareki, iwese kaiboho toite wesele wahe. Tahe reerywãhãre, tule irybemy reõbymahãre.

⁵⁶ Boreny Abraõ, wamy dobide, wabededýýnana kanakremy tuu dobide, wabededýýnana kanakremy tuu dobide tai tahe reysatyhymy rare.

⁵⁷ Tahe judeu wedu mahãdu rarybere: —Kai 50 beõramy aõkõ atxiteri timyrekibo tarybeta Abraõ tabitemy.

⁵⁸ Jesuisi dirawyõnyde: —Abraõ reaõule, Jiarý rarehyymahã.

⁵⁹ Tahe manadile rimymy reserenyre idile rirabunyky. Jesuisi tahe rexiwõmy iribi rõhõnymy rare, dohodýýna heto-ribi.

9

¹ Jesuisi rariamy rareu, tii robimy rare hãbu ruetãmy. Tii iruetãhãkýmy ratohouãmy herinanyre.

² Ierydýýna mahãdu rýýraxire tamy. Erydýýdu, aõherekibo hãbu ratohouãnyra iruety, ise tyby iõrarudireki aõbo ada taõrarumy aõbo.

³ Tahe Jesuisi rirawyõnyre: —Tahe aõkõre tyby ise-ke aõkõ tiike aõkõ. Deuxu ruru wiji riteõsinykremy tahe tii kiawesemy rohonyre.

⁴ Wateõdýýdu aõmydýýnanamy arotýýnyrenyky watziwãhãrenyre. Inyboho rikiwinyrenyke ibededýýnanamy rýikre, iwese txumy rýikre wese tahe rumy heka kanakre tai raaõmysýdýýõmyhýre.

⁵ Kabede-ki watziwãhãreõle tahe jiarý bede ludu mahãdu loosõnatyhymy jiarý rare.

⁶ Tarybe rahudi tahe rarybexinyre suõ idi tahe subororomy ritxienyre. Idi ta hãbu ruyere-õ subororo ritidire.

⁷ Tahe hãbu ruetã-õ rarybere: —Make wa bexisuhõke Silõe ahobe-di. Silõemy ninadu heka iny rybe-ki deõdýýna wesemy rare. Hãbu tahe rare, risuhore, dõõsede robimy.

⁸ Tahe ierydu mahãdu, tuu robire idi itxeredu mahãdu raryberenyre widee: —Kabe hãbu ixitõedýýdu rare, nierumy kowa-ki rexitõenymy ronymyhýre rare.

⁹ Ijõ rarybere tule rare. Ijõ rarybere: —Aõkõre, iwesele tahe iwitxirari.

¹⁰ Rýýraxirenyre tamy: —Timykibo arue reytera.

¹¹ Rirawyõnyre: —Hãbuõ Jesuisi inire. Tii tahe suboro borole riwinyra warue-õ ritidire. Tahe wadee rarybera: —Make Silõe ahobe-õ aõ bisuhõke. Tahe rare, resuhore, tai rabimy watzireri.

¹² Rýýraxirenyre titxibo tahe tii rara. Rirawyõnyra: —Reeryõre.

¹³⁻¹⁴ Kia ruedeytena Jesuisi riwinyre sabado txuu, judeu aõmysýdýýna txu aõkõ. Tahe tiiboho hãbu ridyrenyre fariseu mahãdu-õ.

¹⁵ Ixityre hãbu-õ rýýraxirenyre: —Timykibo riteytenyra. Tahe rirawyõnyre: —Subororole waruetyre-õ ritidira, idi resuhõra, iule tahe retehera.

¹⁶ Tai tahe fariseu mahãdu-õ narybede: —Ka hãbu Deuxu-ribi aõkõ nade. Kakýny sabadotxu bede ywina riwinyõhyre. Tahe ijõ imahãdu rarybere: —Hãbu õraruduõ tiu deytanawiwihikýõ kia wesemy riwinyõtyhy. Tai tahe wiribi hitximy raraykynyrenyre.

¹⁷ Tahe ixityre hãbu-õ rýýraxire: —Tii arue arue riteytenyra: —Tai tahe timybo tuu marybekre. Hãbu rarybere: —Tii Deuxu rybemy rybeduõ rare.

¹⁸ Tahe judeu mahãduõ rarybere: —Ise-wana tybywana widee ararybekekile, arityhynyre. Tai riteõnyre tybybohoõrysmy.

¹⁹ Rehemynyreu, tahe tamy rarybere: —Kaa aõbo ariõre rare. Inatyhymy aõbo iruetãmy reare. Timykibo tahe wiji robira.

²⁰ Tahe tybyboho rirawyõnyre. Inatyhymy wariõreneny rare. Iruetãlemy ka reare.

²¹ Reerykõrenyre timykibo retehera. Iruer riraynyre dori, reeryõhyre. Tamy marybebenyke. Ibeõra dire ka, iximy relyyleke.

²²⁻²³ Tybyboho ruberumyhýrenyre judeu mahãdu lau. Judeu mahãdu dori, rarybemyhýre: —Inyõ Jesuisimy rarybekeki, tii Kristu Deuxu deõdýýna raremy rarybekeki, tahe dohodýýnawo-ribi riteõnykemy idi rýira. Tai tahe hãbutybyboho kia wesemy raryberenyre. Tii ibeõra dire: —Tamy marybebenyke.

²⁴ Juhuu iruetãmy raremyhõ ixityre rõtedýýmy rarybere. Òbiti rybe-di marybeke. Inydeereny tahe ka dori õrarudu rare. Tai tahe Deuxu biwowodynyke. Tahe tii rarybere:

²⁵ —Tii õrarudu rare, reerykõre. Sohoji aõmydýýnana reeryre. Juhuu waruetãle heka reeryre, wiji tahe retehereri.

²⁶ Tahe ixityre tamy rýýraxire: —Aõbo tii riwinyre. Timybo arue roire.

²⁷ Hãbu rarybere: —Adeereny tuu rarybere tahe taholaõhytenya. Aõherekibo ixityre ijohonamy rarybetenyteri. Ierydýýnamy boibekemy aõbo atxitenyteri.

²⁸ Tuu raryberenyre aõbina binalemy. Kai heka iijoiõ atxiteri. Jiarÿboho Moisesi erydÿÿna jiarÿboho roire.

²⁹ Deuxu Moisesi-ò rarybemhÿre. Kiamy reeryreny. Ka hãbumy tahe aõmy raho-laõmahãreny, tiludubo rare.

³⁰ Kia wa riwateytenyra bededeitiidÿÿna urenana tii rare. Ihãrele tahe kaiboho teeryõmy tuu tarybetenyteri. Wade kia ajuedena rare.

³¹ Deuxu wa òrarudu ixitòedÿÿna-ò roholaõtyhy. Kia reeryreny. Tahe inyõ Deuxu rityhynykeki tamywimy rÿirakeki, kia-ò Deuxu roholakre.

³² Bede rexidelenyreu, inyõ roholatyhy iruetãmy raumynyre heka reytere. Inyõ tiu riwinyõre, wiji tahe diwinyde.

³³ Kia hãbu Deuxu-ribi nokõduõ aõkõkeki tiu aõ riwinyõtyhy.

³⁴ Tahe fariseu mahãdu aõbinahakÿlemy tuu rarybere: –Kai uladumy teateu, òrarudutyhymy tate. Kai aõmybo biwabedeerynybenykremy aõbo wadireny tahõtinyteri. Tahe riteõnyre dohodÿÿna heto-ribi. Ihymy riteõnyre.

³⁵ Kia-ò Jesuisi roholareu hãbu riijere tahe rÿÿraxire tuu: –Kai Deuxu Riõre Hãbutyhyhykÿ aõbo tetyhnyte.

³⁶ Hãbu rarybere: –Mobo tii rare, Wanyrÿ, arityhynykeky watzireri.

³⁷ Wamy wa tabita, jiarÿleheka watzireri. Adee rarybererile watzireri.

³⁸ Tahe rarybere: –Wanyrÿ aratyhynyra he. Tahe hãbu Jesuisi riwowydynyre.

³⁹ Jesuisi rarybehyra: –Jiarÿ anade kabede-ò iny ruetã aritobixidÿÿnykemy; tule robimyhÿre mahãdu ariruetãdÿÿnykre. Iny òwydÿÿnamy anade.

⁴⁰ Fariseu iõhõmy iribi rÿimyhÿ roholare irybe-ò. Tahe tamy rÿÿraxire. Inatyhykõ aõbo ka jiarÿboho tule waruetãreny.

⁴¹ Jesuisi rarybere: –Aruetãmy ahãtenyteki, aõruna-di aõkõ toite. Tahe tarybetenyte reerywãhã, rabiwãhãre. Tai aõaruhy-di toite.

10

¹ Inatyhytyhymy adeereny ararybekre: –Inyõ budoeni yrubudÿÿna ijõtòbõna-di, ralòõkeki, tii tahe wasidu ixiwatxidÿÿdumy rare, raõwõnymy heka ralõmyhÿre.

² Ijõtòbõna-di ròtedu, tii budoeni-di itxeredutyhy rare.

³ Iu ijõtòbõna-ò rehemynymyhÿreu, ijõtòbõna ludu tamy riraynymyhÿre. Tule budoeni irybe rierymyhÿre. Sohoji sohoji-ò ininimy tamy ryrymyhÿre, tahe idi rõhõnymy ridymyhÿre.

⁴ Ihõrõ ahana-ò ridyreu, tii iko-ò rÿimy idi ramyhÿre. Riheludunymy idi raremyhÿ rierymyhÿreki irybe.

⁵ Budoeni ieryõdu riheludunyõtyhy, irybe rieryõreki. Iny ieryõdu-ribi rahenykre.

⁶ Jesuisi tamy kia bede eryna ijyymy relyyre. Tiiboho tahe rieryõhyrenyre timybo ibede erydÿÿnamy rororeremy.

⁷ Tahe Jesuisi ritÿÿnyreny tamyreny: –Jiarÿ budoeni ijõtòbõna wesemy rãimahãre.

⁸ Ibutumy iny wakõule rehemynyre wasidu ixiwatxidÿÿdumy rÿiramyhÿ. Wabudoeni ityhydÿÿdu wesemy rÿirerimy ihÿre. Tiiboho wasidurybe-ò roholaõhyymyhÿreny.

⁹ Jiarÿ ijõtòbõna wesemy rãiwãhãre. Inyõ wamy ralòeki, tii heka tarasanaõmy rarekre. Iwese wabudoeni ralõmyhÿre idi rõhõnymyhÿre asi wiwihikÿmy riroximyhÿre wesemy, tule ityhydÿÿdu mahãdu rÿirakre, bedeõbyna wiwihikÿ ritakremy.

¹⁰ Wasidu heka rubudÿÿmy nade, bedehudumy wasimy, jiarÿ tahe anade inyõ umytuedeõna ariwahinykre, irutyhytyhy wihikÿmy wiji rÿirakremy.

¹¹ Jiarÿ budoeni-di itxeredu wihikÿ rare. Ihyy ta waumy ariwahinykre terõwyrenymy.

¹² Inyõ budoeni-di itxeredumy deõdumy risÿnykeki, tii riwisinanyõtyhy, tii dori budoeni wedu aõkõ rare, deõdule rareki. Tahe irõdu rebunaõ tamy kanakeki tahe rahenyke iribi, tai ijõ rimyke, ihona tahe raõrunyke.

¹³ Deõdu heka rahenyke tii iwedu aõkõ rareki, tii aõmy aõkõ idi rõhõtinyinmyhÿre, iòwydimy aõkõ.

¹⁴⁻¹⁵ Jiarÿ heka itxeredu wihikÿ rare wabudoeni riwaerymyhÿre. Jiarÿ tule tii mahãdu reerywãhãre. Waha riwaeryre, tule tii reeryre. Iwesetyhyle wabudoeni-wana wii reerynyre. Iòraru-ki tahe waumy ariwahinykemy idi wãhãre.

¹⁶ Jiarÿ wabudoeni-ò-di watxiwãhãre. Aõ kabede-ki aõkõ. Ibutumy aributunykemy idi watzireri. Tai tahe sohoji ijoihyylemy heka roikre. Ibutu-di itxeredumy ararekre.

¹⁷ Tai heka Waha waluure, waumy ariwahinykreki wahe. Ihãrele tahe ixbyby idi arexi-umydÿÿnykre.

¹⁸ Inyõ heka ixideewiõkeki riwarubunyõtyhy. Arexiwahinykre tamyreny riwarubun-nyrenykemy. Ixideewikre, arexiwahinykre, tule waumy arimymy arexiixixanykre. Waha dori wadee rarybere tii ariwinykre.

- ¹⁹ Kia rybe òraru-ki judeu mahādu rybe rexijejeinyre.
- ²⁰ Sõwemy iny ritxiõnyny rarybere: —Tii tyytybybina-di ratximyhÿre ada raitxÿtemy aõbo ihÿre. Aõherekibo tamy taholamahātenyete.
- ²¹ Ijõ tahe rarybere: —Aõ tyytybybina-di aõkõ rarybemyhÿre. Tyytybybina aõbo hābu ruetaã riruedÿÿnyõtyhy.
- ²² Jerusalē hāwā-ki heka beòrahyy rare. Worana bedehesi hetxina Tÿmyradÿÿna rÿire.
- ²³ Salomaõ Ube-ki, Deuxu dohodÿÿna heto ubeõ-ki.
- ²⁴ Jesuisi rariamy ihÿmyhÿ. Tahe judeu mahādu rirurawonyre itÿÿraxidÿÿmy. Tiwese bededÿÿnananybo nohõtidihiy bede ariwryrenkre. Kai inatyhymy Kristumy tate-wana, tahe manarybeke itÿnymy.
- ²⁵ Jesuisi dirawyõnyde: —Rarybere wahe, tahe kaiboho tiwatyhynytenyõhyte. Inatyhymy ierysmy mohõtinybenykeki, waaõmydÿÿnana wiwihikÿ rewinyamahāre-di betehenyke. Wahani-di kia rewinyamahāre.
- ²⁶ Kaiboho tahe tiwatyhynyõlemahātenyete, wabudoeni wesemy aõkõ toite.
- ²⁷ Wabudoeni warybe rierymyhÿre, riwaheludunymyhÿre; jiarÿ heka ibutumy wabudoeni reerymahāre.
- ²⁸ Tamy umytuedeõna rewahinywāhāre tiu heka ruruõtyhy. Inyõ waribi ridyõtyhy.
- ²⁹ Waha wadee riwahinyre. Tii heka ibuturatyre rare. Inyõ iribi ritaõtyhy.
- ³⁰ Jiarÿ Waha-wana sohojihyyle watxiwāhāre.
- ³¹ Ixityre tahe judeu mahādu mana-di rirubunykre idi rÿire.
- ³² Tahe Jesuisi tamyreny rarybere: —Jiarÿ sõwemy bedeõbyna inydee rewinywāhāre Waha ruru-di. Aõòrarukibo biwarubunynybenyke.
- ³³ Tahe judeu mahādu rirawõnyre: —Kai aõmydÿÿnana wiwihikÿle tewinyte. Kia òraru-ki aõkõ ijoi adi rÿireri mana-di arubudÿÿmy Deuxumy binatyhymy tarybeteriki. Kai dori hābu tate, ihārele Deuxumy texininteri.
- ³⁴⁻³⁵ Jesuisi rarybere: —Abede ywina-ki ryberiti rÿire. Deuxu Rybe õbitihymy raritinyry rÿire. Kiamy: —Jiarÿ rarybere: —Kaiboho Deuxu toite. Deuxu Rybe heka inyõ-õ diteõnyde. Kia mahādu tahe Deuxulemy rininire.
- ³⁶ Deuxumy tiiboho rininirenyre-wana, aõherekibo wadee takyarananyteri jiarÿ tule Deuxu Riõrelemy rexininireki. Waha dori, riwatamy diwateõnyde. Timykibo kaiboho tarybetenyteri Deuxumy ibinamy jiarÿ rarybererimy
- ³⁷⁻³⁸ Waha-ribi bedeõbyna ariwinyõkeki, biwatyhynybenyõtyhy. Tahe ariwinykeki, aõbo rewinyre-wana bityhynybenyke, biwatyhynybenyõke hārele. Tai tahe bityhynybenymy boibeke jiarÿ Waha-wana wāhāre tule Waha wawana ratximyhÿre.
- ³⁹ Kabedeu ixityre rijere Jesuisi rimykemy tii rexitamy rexihedÿÿnyre.
- ⁴⁰ Jesuisi ixityre Jordaõ bero kowa weribi-õ reurora. Joaõ juhuru rõsebedÿÿmyhÿõ rare. Taile tahe tii raremyhÿ.
- ⁴¹ Tahe sõwemy iny tamy roirenyre. Tamy rarybere: —Inatyhymy Joaõ bedeõby iny itxerenamy riwinyõre. Tahe ibutumy tii Jesuisimy rarybemyhÿre, inatyhy rare.
- ⁴² Sõwemy heka taile Jesuisimy rityhynymyhÿre.

11

- ¹⁻² Lazaru ibinamy roimyhÿ Betÿnia hāwā-ki. Marie, Marta-wana iseriõreney rare. Juhuu Marie Jesuisi-wana raremyhÿu, tii Jesuisiwa tyre-õ tarinalÿnyrehekÿõ ritxiwire, idi tahe tarade-di rirubudÿÿnyre.
- ³ Lazaru ibinamy roimyhÿki tahe tiiboho riteõnyre Jesuisi-õ rarybekremy: —Wahĩ, abiõwa tyhy binanihikÿmy roireri.
- ⁴ Jesuisi kiamy roholareu rarybere: —Kabinana hāwā Deuxu wowodynamy tamy nade. Tule riwawowodynamy jiarÿ dori Deuxu Riõre rare. Kabinana tahe rubuhyymy aõkõ tamy rÿike.
- ⁵ Jesuisi heka ibutumy iluurenyre, Marta, Marie, Lazaru-wana.
- ⁶ Iu Jesuisi rieryre Lazaru webinaduna, tahe taile ratximyhÿre, rerihārele inatxitxumy.
- ⁷ Iribi tahe rarybere taerydÿÿna mahādu-õ: —Rõkõirenyke ixyby Judeia bede-õ.
- ⁸ Tahe ierydÿÿna mahādu tamy rarybere: —Erydÿÿdu aõherekibo ixybynomy tamy tarybeteri judeu mahādu adi heka riwisÿnymy rÿimyhÿ mana-di arubudÿÿmy.
- ⁹ Jesuisi dirawyõnyde: —Txu heka waõinatxi òra bededÿÿnanamy rare. Aõhe inatyhy. Inyõ txumy rariakeki, tiu aõ òraru-ki reseõtyhy loosõnamy dori ibutumy robimyhÿre.
- ¹⁰ Bede lurumy rariakeki tahe, aõ òraru-ki reseke, loosõna dori ihoõreki wahe.
- ¹¹ Tahe ijõmy Jesuisi tamyreny rarybere: —Iny biõwareny rõrõmy roireri. Tamy arakre ariixixanykremy.
- ¹² Tahe imahādu rarybere: —Wanyrÿ tii rõrõmy roireri-wana bohe, reytekre.

¹³ Jesuisi heka rarybemyh̄y Lazaru rubumy roirerimy. Tiiboho tahe rōhōninyrenyre urile rōrōmy roirerimy.

¹⁴ Tahe Jesuisi rit̄ȳnynytyhyra tamyreny: –Lazaru rurure.

¹⁵ Jiar̄y wa aōrarureny-ki wadeysamy watxireri tai watxiōraki. Ka tahe biwatyhyny-benykre. Rōkōirenykre tamy.

¹⁶ Tome ieryd̄ȳna mahāduō rare. Didimomy iniōre. Tamahāduō rarybere: –Rōkōirenyke, tule tii-wana rukururenykremy.

¹⁷ Jesuisi rehemynyreu, Lazaru inaubiōwatxumy hāloo iwōd̄ȳwo-ki roimyh̄y.

¹⁸ Bet̄ȳnia Jerusalē hāwā-ribi sohoji urihixinamy roire.

¹⁹ Judeu mahād̄uy-ribi sōwemy doidenyde Marta Marieboho wotōdenamy, iseriōrereny rurureki.

²⁰ Marta Jesuisi kanakre rieryreu, tahe rōhōnyre tii-wana witxi reakemy. Marie tahe tahetokile ronymyh̄y.

²¹ Tahe Jesuisi-ō Marta rarybere: –Wah̄i, kakile atxiberi-wana waseritxōre rurukōhykra ikuny.

²² Ihārele tahe rekeryre ibutumy Deuxu-kō bexitōbenykeki, tiki adeke kidiwahinykre.

²³ Jesuisi tahe tamy rarybere: –Aseriōre wa rubu-ribi kedexixakre.

²⁴ Tahe Marta rarybere: –Rekeryre jikar̄y ikokunanatxu-ku rubu-ribi rexixakre, ibutumy ixixanatxu-ku.

²⁵ Jesuisi rarybere: –Jiar̄y waixixanad̄ȳdu rare, umytuedeōna wahid̄ȳdu rare. Inyō riwatyhynykeki, tii rubu-ki roire hārele, kedexixakre.

²⁶ Ibutumy irumy roirekeki, tiu rururenyōtyhy, tii dori riwatyhynyreki. Kai aōbohe kia tetyhynyteri.

²⁷ Tii dirawyōnyde: –Kohe, Wah̄i, aratyhynywāhāre. Kai Kristu tate, Deuxu ritxōretyhy. Deuxu tuu rarybereki, bede-kō kanatekōnyde wahe.

²⁸ Tahe Marta rōōsere Marie taseriōre-ō rarybere: –Inyh̄i rehemynyteri, kai makremy rarybereri.

²⁹ Kiamy roholareu, tahe, wylemy r̄ȳimy reare tamy rare.

³⁰ Jesuisi dori hāwā-ō ralōōlemy raremyh̄y Marta tamy raryberékile raremyh̄y.

³¹ Tii r̄ȳimy rōhōnyreu, judeu mahādu tuu robire. Tahe riheludunyre, wabede-ō robukremy rares̄ȳny tamy roholare.

³² Marie rehemynyre Jesuisi-ō. Tahe tii tuu robireu, resere iko-ō, tahe rarybere: –Wah̄i, kaki atxiberi-wana ikuny waseritxōre rurukōhykra.

³³ Jesuisi Marta ibru-di tule judeu mahād̄uhi-di retehereu tule tii rabadewonihik̄ȳre.

³⁴ Iule Jesuisi r̄ȳȳraxire: –Titxiwexe tii tetiditenyte. Tiiboho rirawyōnyre: –Wanyr̄y, manake itxeremy.

³⁵ Jesuisi tahe rahinyre.

³⁶ Tai tahe judeu mahāduō rarybere: –Betehebenyke sōwemy heka tii Lazaru luure.

³⁷ Ijō tahe rarybere: –Tii iny ruetā riteytenyre. Aōherekibo Lazaru irumy ratxireriule riteytenyōra.

³⁸ Jesuisi ix̄yby tawo-ki bederiōtiinyre. Tahe rariamy rare wabede-ō Lazaru sui-wod̄ȳwo-ō roire. Mana-di tahe ritxiotōbōnyre.

³⁹ Tahe Jesuisi rarybere: –Mana bitake Marta tahe iseriōre rarybere: –Wah̄i, rarōnyreri wahe inakubikōwa txumy dokuri txuu idi r̄ȳira.

⁴⁰ Tahe Jesuisi rarybere: –Rarybere taheka, bityhynykeki, Deuxu rurumy bobike.

⁴¹ Tahe mana iribi ritarenyre. Jesuisi retehere biu-ō rexitōnyre: –Umy reālāmy wahe watxireri kai wadee taholatak̄i.

⁴² Wadee taholahyy atxiteri mahāte: –Kia reeryre, kata inysōwehek̄ȳ ōraru-ki kiamy rarybera adee, tai tiiboho rityhynyrenykemy wahe, kai tiwateōnyteki.

⁴³ Kia rexihureu tahe ryryre: –Lazaru, bodohonyke wa ahana-ō.

⁴⁴ Kia rurumy roimyh̄y-ribi tahe dōhōnyde. Iwa heka tebō-wana widee rit̄ȳtenylemy roimyh̄y. Irati tahe tybese-di rit̄ȳtenymy ih̄ȳmyh̄y. Jesuisi rarybere: –Biesebenyke wa ixinamy rake.

⁴⁵ Tahe judeu mahād̄uy-ribi, Marie Martaboho roraludu mahādu, aōbo Jesuisi ri-winyremy robireu tahe, rityhynyre.

⁴⁶ Ijō tahe fariseu mahādu-ō roirenyre tamy relyykemy aōbo Jesuisi riwinyremy.

⁴⁷ Iribi tahe xiwe wahid̄ȳdu wedu, fariseu wedu mahādu-wana heka ywisid̄ȳna mahādu ributumy. Dohod̄ȳna mahādu wedu heka imahād̄uni rare. Tahe inyō rarybere: –Ka hābu heka aōwihik̄ȳ sōwemy diwinymyh̄yde. Aōhebo he rokot̄ȳnyrenykre.

⁴⁸ Tiihyyle riwinymy rarekeki, heka ibutumy rityhynykre. Idi tahe Roma hāwā mahādu soldadu kanakre iny riōlōd̄ȳnyke inys̄ȳ rahurenykre.

⁴⁹⁻⁵⁰ Kaifa imahãduõ rare. Kabeòrau tahe tii ibutu xiwena wahidÿÿdu wedu rare. Tahe tii rarybere: —Kaiboho aõ teeryòhytyentye. Hãbuõ tahe rurukre ibutu inydee. Tai tahe ibutu iny itueõtyhy.

⁵¹ Kia heka irayky-ribi aõkõ ròhònyre. Deuxu irayky-ò ritidire, tii dori xiwena wedu tyhy rare kabeòrau.

⁵² Kiamy rarybereu, tahe Jesuisi rubunamy rarybereri. Jesuisi dori ibutumy judeu mahãdu dee rurukre. Tamy sohojile aõkõ rurukre. Tahe sohoji mahãduõle rabutukre Deuxu riòre bede bedemy rÿira mahãdu wahe.

⁵³ Itxuule tahe Jesuisi rubudÿÿmy ròhòtinyrenyre.

⁵⁴ Tai tahe ihãwãy-ki rariaõre, Judeia mahãduy-ki. Tahe iribi rexitare bederahy-ò iòhòmy. Hãwãõ-ò heka rare, Efrai heka inire. Taile taery mahãdu-wana ihÿmyhÿ.

⁵⁵ Judeu mahãdu worana bedehesi iòhòmy rÿimyhÿ Pascoa heka inire. Ritelenykoùle heka sòwemy roirenyre Jerusalê hãwã-ò, tai rexiywinrenykemy iwese bede ywina rarybere wese Pascoakomy wahe.

⁵⁶ Sòwemy iny Jesuisimy robikemy rÿimyhÿ. Tahe Deuxu dohodÿÿna hetowo-ki widee rarybemyhÿre tahe rarybere: —Kanakre aõbo Jesuisi worana bedehesi-ò.

⁵⁷ Xiwena wedu fariseu-wana juhoo inyõ rarybemahãre: —Inyõ Jesuisimy robikeki, tuu wadeereny kanarybekre, tii ramykremy wahe.

12

¹ Jesuisi rare Betÿnia hãwã-ò Pascoa worana bedehesi rÿikrekoki. Debòsohoji txumy rauhenymy rÿimyhÿ tamy. Tai heka Lazaru rasÿnymyhÿre rubu-ribi rexixare-ribi wahe.

² Martaboho tahe rÿsÿna wiutàdana riwinyrenyre Jesuisideewina. Lazaru Jesuisi-wana riroxikremy rononymhÿ. Tahe Marta tamyreny rÿsÿna riwymyhÿ.

³ Marie tahe sòwemy aderòna lÿnyre-di ratximyhÿ, iòwyhykÿre heka. Tahe tii Jesuisi watyre ritxiwire idi tahe taradedile risuhore. Heto tahe tÿnyrehekÿlemy roire.

⁴ Judasi Isariò tule Jesuisi erydÿÿnaõ rare tii tai ratximyhÿ. Tii Jesuisi rityhenykremy tii raremyhÿ ihewo-ribi. Tii tahe rarybere:

⁵ —Kaa aderòna heka iòwyhykÿ rare. Aõherekibo idi tahonyõte nieru idi bitakemy iny aõkõ mahãdu-ò nieru biwahinykemy.

⁶ (Judasi heka iny aõkõ mahãdu luu aõkõ rare. Erydÿÿna mahãdu nieru rubudÿÿdu tii rare. Kia nieruõ tahe ixideele ritosinyimyhÿre. Tai tahe aderòna ówy ixidee ributunykemy idi ratximyhÿ).

⁷ Tahe Jesuisi rarybere: —Ixinamy wawatyre ritxiwike, wahãloo-ò waherina heka riryrymy tuu ritxiwireri.

⁸ Kaiboho heka aõu biwiòhenanymy ahãbenyke iny aõkõ mahãdu awanareny dori rarehymy rarekre. Jiarÿ tahe kaki aratxihiyke aõkõ rare.

⁹ Judeu mahãdu Jesuisi rehemynyeriò roholare. Tahe sòwemy iny tamyreny nade itxeremy. Tule Lazaru-ò itxeremy nade rubu-ribi rexixareki.

¹⁰ Tai tahe xiwewahidÿÿdu mahãdu wedu tule Lazaru rubudÿÿmy rarybere.

¹¹ Lazaru òraru-ki dori sòwemy judeu wedu Jesuisi rityhinyre.

¹² Itxubiòwau tahe Jesuisi nade Jerusalê-ò kia-ò tahe roholare ibutumy worana bedehesi ludu mahãdu.

¹³ Tai tahe roirenyre tii-wana witxi reakemy horeru riwyre ityre-di kanakre. Ryryrenyre Jesuisi-ò: —Waiòlòreny, kai arawowydynyneri, kai bedeòbydÿÿdu tateki! Kai Deuxuni-di tateri. Kai judeu iòlòtyhy tate.

¹⁴ Jesuisi nade jumenta riòre tyre-ki, tuu dori ihetxina tyryiti-ki roire wesemy.

¹⁵ Kiamy wahe roire:

—Judeu riòre mahãdu uritere brebuõmy atximahãbeny aiòlòreny dori kanakre jumenta riòre tyre-ki.

¹⁶ Iery mahãdu kia rieryòhyyre juhoo.

¹⁷ Iribi tahe tòhòti itxi reare ritidÿÿna hetxina-ki roiremy, Jesuisi biu-txi ròðsemu rareu wahe tòhòtirenny itxi reare. Tule sòwemy iaòmydÿÿnana rybe hetxina-ki riritinymy rÿimyhÿre. Kia-di tahe idi tòhòtirenny reare.

¹⁸ Inyõ itxeredu heka Lazaru ixixanamy relyyre. Tai tule iny sòwemy doidenyde. Kia Jesuisi riwinyreò heka roholarenyre.

¹⁹ Tai tahe fariseu mahãdu widee raryberenyre: —Ibutumy ihemy roirenyre. Timyõre, aõhe heka rikisÿnyrenyòtyhy.

²⁰ Inyõ worana bedehesi-ki grego rybedu mahãduõ ratximyhÿ. Tii tai Deuxu realàkemy ratximyhÿ. Tii Besaida hãwã ludu-ò Kalileia bede luduõ ratximyhÿ.

²¹ Tahe grego rybe mahãdu tamy rarybere: —Wanyrÿ, jiarÿboho, Jesuisimy arobikemy watzixenyeri.

²² Filipi tahe Andre-ko relyyre. Ta wiwana roirenyre Jesuisi-ò.

²³ Jesuisi rarybere: —Aõkõra, Wabededỹnana iõhõra Deuxu Riõre Hãbutyhyhỹkỹ rubuna-ò, wahe.

²⁴ Inatyhymy adeereny ararybekre: —Jiarỹ alõbõrõna rijuxunymyhỹre wesemy are-sekre suõ, arurukremy. Aruruõkeki ixiwana hyyle ararekre. Arurukre-wana sõwemy araratynykre.

²⁵ Inyõ ixiluukeki heka, ruruke. Kabede-ki tahe ixiluõkeki, tii rexiywiny my umyuedeõna-ò ratxike.

²⁶ Inyõ wadeõdumy ratximyhỹkeki, tii riwaheludunyke. Tai titxibo aratzikeò tii wawana ratximyhỹke. Inyõ wadeõdumy rareke-wana, tii Waha riwowydnykre.

²⁷ Katahe wabedewonihikỹmy watzireri. Timybo ararybekre, Waha, kia rubu aõmydỹnana-ribi biwatake. My õsana arexitõenykre. Aõkõre, kiaõle heka kabede-ò anade.

²⁸ Waha, anityhy-ò iny riwowydnykemy watzireri. Iule tahe rybeõ-ò roholarenyre: —Kia rotỹnyre ihãre ta ixityre tuu rotỹnykre.

²⁹ Tahe iny sõwehekỹ kia rybe-ò roholare. Tahe rarybere: —Biumytxyle rare. Tahe ijõ rarybere. Aõkõre jỹ rare.

³⁰ Tahe Jesuisi rarybere: —Waõraru-ki aõkõ kia rybe rỹireri, aõrarureny-ki, tamy boholabenykemy.

³¹ Wiji tahe ywisidỹna kỹnykre, bedemy iny rỹira mahãdu-ò. Kia mahãdu iolõ, Satanasi, kanahitxidỹnykre.

³² Iu jiarỹ itxeõ-ki riwaukokreu, ibutumy iny heka ixidee adiwitadãnykre riwatyhnykremy.

³³ Iu tii kia rarybere, tarubuna ritỹnyre timybo rurukre.

³⁴ Iny sõwehekỹ dirawyõnyde: —Jiarỹboho raholarenyre bede ywina-ò. Tii rarybere: —Tiiemy Kristu rarehy my rarekre. Timybo kai tarybeteri: —Biwaukokremy. Mobo tahe Deuxu Riõre Hãbutyhyhỹkỹmy tuu tarybeteri.

³⁵ Tahe Jesuisi dirawyõnyde: —Urihimyõle loosõna awana rariamy ratzireri. Idi atxiteriule idi mariake, bede luru atxi kanakelau. Inyõ bede luruki rariakeki, tiobo rake rieryõhyre.

³⁶ Waloosõna atxiteriule, biwatyhnyke waloosõnamy, taile waloosõna mahãduõmy boibeke. Kiarybe rahu-di tahe Jesuisi iribi rexitamy rexiwore.

³⁷ Tii sõwemy bededõidỹna ikoreny-txi riwinyre. Ihãrele tahe sõwemy rityhnyõre.

³⁸ Kia tahe Isaia tyriti-ki roire, tahe iwesele tuu rarybere wese wiji rỹira rotỹnyre: —Wanyrỹ, Iny rybe tỹnydỹnareny tiiboho rityhnyõhyre, Deuxu taruru tamy riteõsinyrehãrele rityhnyõre.

³⁹ Tai rityhnyõhyre. Isaia, Deuxu rybedu ijõmy rõtiritidỹre:

⁴⁰ —Deuxu riruetãnyre, irayky riteredỹnyre. Tai rieryõhy my robiõhy myhỹre. Tiu heka Deuxu rityhnyõhyre. Tiu riteytenyõhyre.

⁴¹ Isaia Jesuisi loosõnamy robire. Tai tahe tuu rõtiritidỹre.

⁴² Ihãrele tahe dohodỹna mahãdu wedule sõwemy rityhnyre. Urile fariseu mahãdu õrarakile, ijõ-ò tuu rarybeõre, dohodỹna mahãduy-ribi riolõdỹnyheny.

⁴³ Tiiboho dori Deuxu wowydna luurenyõre inywowydynale luurenyre.

⁴⁴ —Iny riwatyhny myhỹkeki, wadeõdỹdule rityhny myhỹre.

⁴⁵ Inyõ wamy robikeki, iule wadeõdỹdumy robike.

⁴⁶ Jiarỹ loosõna wesemy anade bede-ò. Tai tahe iny riwatyhnykeki, bede luru ribi rõhõnyke. Tai heka anade.

⁴⁷ Iny warybe-ò roholake hãrele riywinyõkeki, tahe jiarỹ tii wiji ariywidỹnyõke. Jiarỹ dori tarasaduhyyleme anade.

⁴⁸ Inyõ riwatyhnyõkeki, warybe-ò roholaõkeki, ikonana txuu tahe ywisidỹna-ò ralõke, warybe-ò rityhnyõmyhyreki aõhõkỹmy dỹnana-ò heka kia ralõke.

⁴⁹ Jiarỹ ixi rayky-ribi aõkõ rarybemahãre. Wahale rybe wadee riwahiny myhỹre. Kia wesele relymahãre.

⁵⁰ Deuxu rybe bede ywina-di diwateõnyde umyuedeõna wahidỹna kia rare. Kiale heka reeryre.

13

¹⁻³ Pascoa worana bedehesi txumy txuu rỹire. Tahe Jesuisi rexieryre icyby tyby-ò rõdõsekremy ihỹre, ibededỹnana iõhõmy roireki. Tule rexieryre tyby ibutumy tamy riwahinyremy. Tii tyby-ribi nade tule icybyle tamy rakemy. Txioro roxinau Jesuisi taerydỹna mahãdu-wana riroximyhỹreny. Judasi Isariõ (Simaõ riõre) taile ratximyhỹ. Juhuu diabo tamy rarybere iruule Jesuisi rityhenykemy.

⁴ Jesuisi sōwemy taerydÿÿna mahādu luure. Tai tahe rÿire, tatyytyre ludu ritare òsuròna rimyre, idi rexiwetyataare.

⁵ Hynaro-ò bee ritxiwire taerydÿÿna mahāduwaa risuhokremy tahe òsuròna-di tawetya-ki ihÿmyhÿ-di iwa rirubudÿÿnyre.

⁶ Tahe Jesuisi rehemnyre Simaõ Pedro-ò, Pedro rarybere: —Aõkõre kai wawareny suròdòomyke.

⁷ Jesuisi rirawyònyre: —Kai heka teeryòte aõherekibo resuhòreri. Ihewo-ribi tahe bierykre.

⁸ Pedro rarybere: —Aõkõre, wawasuròdòdÿÿòmy. Jesuisi rirawyònyre: —Arisuhòòkeki wawanahy aõkõ mabeke.

⁹ Pedro rarybere: —Wawasohojile aõkõ bisuhokre, wadebò warati-wana tule wahe.

¹⁰ Tahe ritÿnynyre Jesuisi; inyò ròhòre-wana iwale rasuhòke. Iuhe ibutumy tyralemy rÿimyhÿre. Kaiboho yralemy toite. Sohoji tahe aõkõre.

¹¹ Jesuisi tatyhedÿÿdu rayky rierymyhÿre. Tai tahe rarybera, ibutumy aõkõ tyraremy.

¹² Jesuisi iwasuròdò rexihureu, tatyytyre ludu retynyra roxina-ò ròsere. Tamyreny rÿÿraxire: —Kaiboho teerytenyete. Aõhebo jiarÿ kia ratÿÿnyra.

¹³ Adeereny aritÿnynykre. Kaiboho tiwaninitenyete anyrÿmy, aõhe inatyhy? Aerydÿÿdumy, inatyhy heka jiarÿ rare tahe òbitimy tarybetenyete.

¹⁴ Jiarÿ aerydÿÿdureny anyrÿreny heka awareny resuhore. Tai tahe kaiboho wiwa bisuhòbenykre.

¹⁵ Iwese jiarÿ rexideòsinyre wese kaiboho biwinybenyke.

¹⁶ Inatyhymy adeereny ararybekre. Deòdu dori tawedu ratyre aõkõ rare. Rybe-ò ijohonadu dori rybedutyhy ratyre aõkõ rare.

¹⁷ Kia warybe teerytenyete. Tahe biywinybenykeki bedèòbnyatyhy adeereny kanakre.

¹⁸ Ibutumy umyreny aõkõ rarybereri jiarÿ araeryreny, aratarenyrekì, wahe. Rybe tyriti-ki roire kiamy:

—Kia wawana riroximyhÿrele heka riwatyhenykre. Ele elemy tuu rotÿÿnykre.

¹⁹ Wiji rarybereri heka wylemy kia tuu rotÿÿnykre. Tuu rotÿÿnykreule, kaiboho bierybenykre òbitimy raryberé wahe; jiarÿ biwatyhnybenykemy wahe.

²⁰ Inatyhytyhymy ararybekre: —Inyò adee aditeònykre. Inyò tii rityhynymy kididykeki, tii riwadymyhÿre. Inyò kidiwadykeki wadeòdÿÿdu ridymyhÿre, Deuxu rityhynymyhÿre wahe.

²¹ Tahe Jesuisi rabadewonihikÿmy ronmyhÿ. Tahe rarybera: —Iny sohojiò ayreny-ribi riwatyhenykre.

²² Tahe wii riijerijereny. Mokobo rarekremy ròhòtinyreny.

²³ Jiarÿ, Joaõ Jesuisi weribi ranywÿhÿ, tii dori sōwemy waluure.

²⁴ Tahe Pedro wadee narybewasidi: —Tamy inihe myÿraxike mobo raremy.

²⁵ Tahe jiarÿ retorunyre: —Wanyrÿ, mowexe ratxireri.

²⁶ Jesuisi rarybere wadee: —Kia orotxu ituudÿÿ tamy ariwahinykrele tiikre. Tahe Jesuisi orotxu yre rituunyre idi tahe Judasi Isariò-ò riwahinyre. Tii Simaõ riòre rare.

²⁷ Tahe Judasi riyre. Iribi tahe Satanasi aõwesele tamy ralore. Jesuisi heka Judasi-ò rarybere: —Aõhebo botÿÿnykre wylemy makre biwinykremy.

²⁸ Tahe riroximy rÿimyhÿ mahādu rieryòre aõmybo Jesuisi rarybemyhÿ.

²⁹ Judasi Isariò dori nieru hyna yrubudÿÿdu heka rare. Tai tahe ròhòtinyrenyre Jesuisi worana bedehesi aõna aõna riwykemy riteònyre, ada iny aokòdu mahādu-ò nieruò riwahinykemy.

³⁰ Judasi orotxu yre riymy rahudi tahe ròhònymy rare bede lurus-txi.

³¹ Judasi ròhònymy rahudi tahe Jesuisi rarybere: —Wiji tahe Deuxu Riòre Hābutyhyhykÿ loosònamy iny robimyhÿre taraykywo-ki. Tii heka jiarÿ rare. Deuxu-ò waòraru-ki wowodyna riwahinykre.

³² Deuxu loosònamy tahe waki iny robikeki, Deuxu riwatoosònyreri aõwesele ibutumy iny tuu robike.

³³ Waluudu mahādu wariòre wesemy atximahātenyete, umywanareny urihimyoòle ararekre, idi tahe arakre. Tahe biwaijebenÿhārele waki mahabenyòtyhy. Iwese judeu mahādu-ò rarybere wesele adeereny ararybekre: —Titxibo arakre-ò kaiboho boibenyòke.

³⁴ Bede ywina tÿmyra wese adeereny ariwahinykre kiamy wahe: —Wiluurenkemy wahe: —Iwese jiarÿ aluurennyre wese tule kaiboho wiluurennyke.

³⁵ Wiluurennykeki ibutumy iny rieryrennykre kai waerydÿÿna mahādumy tate.

³⁶ Tahe Simaõ Pedro ritÿÿraxinyre: —Wanyrÿ, titxibo kai makre. Jesuisi dirawyònyde: —Titxibo arakre-ò wiji kaiboho boibenyòke, iribi tahe wahemy bodòkre.

³⁷ Tahe Pedro rarybere: —Wanyrÿ aõherekibo araòkre wiji ahemy waumy kie aòraru-ki ariwahinykemy watxireri.

³⁸ Inatyhymy aõbo aumy biwahinykre waòraru-ki. Inatyhytyhymy ararybekre: —Hānie hābu robukòule kai biwatxiònykre inataòmy.

14

¹ Kaiboho bededõtidõyõrenyõmyke bedewona-ki. Kaiboho Deuxu tetyhnytenyete, tai tahe biwatyhnykre.

² Wahasõ-ki sõwemy sõyõ rõymihõre kialemyre heka tai. Kaweseõkeki adee inatyhmy rarybemahãre. Jiarõ tahe arakre sõyõ adeeremy ariwinykemy.

³ Ariwinymy arahudi tahe ixbyble adõrysmy adõõsekre. Tahe aradyrenykre titxibo-txi aratxireridõ kaiboho tule matxibenykre.

⁴ Kaiboho dori teerytenyete titxibo wasõry roire.

⁵ Tahe Tome rarybere tamy: –Wanyrõ, titxibo makreõ reerykõrenyete. Tai tahe timykibo asõry reeryrenyemy.

⁶ Jesuisi dirawyõnyde: –Jiarõ wa ryy rare. Deuxu inatyhyna jiarõ rare. Umytuedeõna wahidõyõdu jiarõ rare. Inyõ waõrarukile Waha dee rakre.

⁷ Kaiboho tiwaerytenyete-wana tule Waha teerytenyete. Wiji tyhyule Deuxu teerytenyete, tuu tabitenyete.

⁸ Idi Filipi rarybere: –Wanyrõ, boo inydee biteõsinyke, tai tahe awike.

⁹ Tahe Jesuisi rarybere: –Filipi, sõwemy bededõynana umy-wana rewyre. Ihãrele tahe tiwaeryõte. Inyõ wadee kanakeki, Wahamy robike. Aõherekibo wadee tarybeta boo wadee biteõsinykemy.

¹⁰ Jiarõ Waha-ki watziwãhãre tule Waha waki ihõre. Kia aõbohe tetyhnyõte rarybewãhãre, kia iximy aõkõ rarybewãhãre. Waha waki ratximyhy tii taõmydõynanam rotõyõnyre waumy-ribi.

¹¹ Waha-ki watziwãhãre, tule tii waki ihõre, kia bityhnybenyke. Aõwiihikõ rewinywãhãre õraru-ki biwatyhnybenyke.

¹² Inatyhytyhmy adee ararybekre: –Inyõ riwatyhnykeki, wawesele aõwiihikõ riwinykre. Tahe watyreleã riwinykre. Jiarõ dori Waha-õ arakre.

¹³ Tai wanimy aõmy bexitõenybenykeki, tii tahe ariwinykre. Iny Waha-õ wowodyna riwahinykemy idi watzireri, iRiõre wahe jiarõ rare.

¹⁴ Tai aõma wani-õ bexitõenybenykeki, tii tahe riwinykreadeereny.

¹⁵ Inyõ waluukeki tii wabede ywina riywinytyhyke.

¹⁶ Waha-õ arexitõenykre ijõ wiõhedõyõdu adeeremy kiditeõnykremy waderõwomy. Tii aõu aõu adeeremy hyyle rarekre.

¹⁷ Tii Deuxu Tytybytyhy rare. Tii inatyhynamy rieryrenyete, iny bede bede mahãdu wahe. Deuxu Tytybytyhy ixidee ridykemy. Tuu dori robiõtyhy rieryõtyhy. Kaiboho tahe teerytenyete. Tii dori umywanareny ratximyõre, aworeny-ki ratxikremy.

¹⁸ Jiarõ heka ixisohojimy ararisidõyõnyõtyhy. Jiarõle adee adoosekre.

¹⁹ Wijile arurumy arakre bede-ribi. Bede bede mahãdu tiu wamy robiõtyhy. Kaiboho tahe wamy bobilebenykre, jiarõ dori ixityre rubu-ribi adexixamy ararekre. Tai tahe tule kaiboho rubu-ribi bexixamy boibekre.

²⁰ Kia txuu kaiboho bierybenykre jiarõ heka Waha-ki watziwãhãremy. Kaiboho tasõ waki ahãtenyete. Jiarõ tule akireny watziwãhãre.

²¹ Inyõ wabede ywinareny dikeki tahe, riywinykeki, waluudu rare. Waha tule iluukre. Jiarõ tule iluutyhyre. Tamy tule arexideõsinykre.

²² Judasi tamy rarybere: (aõ Isariõ aõkõ kõny, iwitxiraõ.) –Wanyrõ, aõhekremybo wadeeremy bedexideõsinykre tahe bede bede ludu mahãdu-õ aõkõ wahe.

²³ Jesuisi rarybere: –Inyõ waluukeki, wabede ywina riywinytyhyke. Waha, heka iluutyhykre. Jiarõboho tamy adoidenykre tamysõmy.

²⁴ Inyõ waluõkeki, warybe tiu rityhnyõtyhy. Aõ warybe-di aõkõ heka rarybereri. Waha wadee riwahinyredi heka rarybereri.

²⁵ Tai arakrekoki tuu rarybereri adeeremy.

²⁶ Tahe Deuxu Tytybytyhy, awiõhedõyõdu, tii araerynanykre ibutumy aõna aõnamy. Timybo jiarõ adeeremy raryberemy akananohõtijaranydenykre.

²⁷ Ywina adeeremy adiwahinykre waywina wahe. Iwese bede bede ludu mahãdu riwahinyõre wese aõkõ ariwahinykre. Uritere nohõtyreõmy brebuõmy.

²⁸ Rarybere dori arakremy tule adoosekremy. Waha waratyre rare. Tamy he arakre. Kaiboho waluukeki, beysabenykre tamy arakreu.

²⁹ Kaa bede reakoki tuu rarybereri. Tuu reakreu tahe, kaiboho biwatyhnybenykre.

³⁰ Sõwemy heka adeeremy ararybeõkre, bede dinodu dori tehemyõsõ iõhõmy ihõre, Satanasi wahe. Tii heka wadee iruruõhyre, riwateõnyõtyhy.

³¹ Jiarõ Waha luure. Rewinywãhãre aõbo Waha ariwinykemy riwateranyõre. Botamanyke: –Rõkõrenyke.

15

¹ Hãjutò òwòna wese wihiký jiarý rare. Waha tahe bede rade wysydýýdu wese rare. Bede òbèbure iratyòkeki iò riòròke. Iratyðikeki iòsòmo iribi risihere. Tai tahe sòwetyhymy nihikýmy raratynyke.

² Kaiboho bede rade-ò wesemy toite. Warybe-di aòsòmoreny aribireny resihemahãre. Katahe òbitimy toite bederatymy raratynykemý.

³⁻⁴ Kaiboho biwamymy wadi mykire. Iwese bede radeò raòròðmyhýkeki irulemy rýikre raratynyke. Aòkòkeki ruruke. Kaiboho iwesele toite. Waki beàrenyòbenymyhýkeki, tiu Deuxudeewimý atxibenyòtyhy.

⁵ Jiarý hãjutò òwòna wese rare. Kaiboho ibede radeò wese toite. Waki beerenybenykeki, jiarý aki ararike, tai bederaty wese sòwemy maratynyke. Wahoðkeki tiu aò biwiny-benyòtyhy.

⁶ Inyò waki rariòkeki, iwese iny bede rade rubu-di rahuleke, tii iwesele inyò rahukre. Juhuu rimyre, idi heòty-ò rehure, tai roomyhýre.

⁷ Kaiboho waribi boibenyòkeki, warybe òhòti-ribi rosaòtyhykeki, aòtaxina wadee bex-itòenybenykre, tai ibutumy adee ariwahinykre.

⁸ Iwese bede rade sòwemy raratynymyhýre wese, kaiboho, aõna aõna wiwihiký biwiny-benyke Deuxu dee. Kiakeki tahe Deuxu deàlàna sòwemy ritakre.

⁹ Iwese Waha waluure wese jiarý aluurenyre waluuna-ribi boibenyòke.

¹⁰ Wabede ywina inyò riywinykeki, tii waluuna-ribi raòtyhy. Iwese Waha bede ywina reywinymyhýre wese tahe Waha luuna-ribi jiarý tiu rahònyòhyyre.

¹¹ Wadeysana awo-ki ratxikemy jiarý adi watzireri. Eysana sòwemy mabekemy adi watziwãhã. Tai tahe warybe adee rarybere.

¹² Wabede ywina heka kaa rare: —Wiluukemy. Iwese jiarý aluure wese wiluurenykemý.

¹³ Inyò taery dee rurukeki taluunadireki, tii luunatyhy ijòdire.

¹⁴ Kaiboho wadeewi biwinybenykewana tai inatyhymy wabiòwa toite.

¹⁵ Tahe aò wadeòdumy aòkòhe araninirenykre. Kaiboho wabiòwa toite jiarý dori Waha-ribi raholare adee tuu relywãhãre.

¹⁶ Kaiboho tahe tiwatatenyòhyte, jiarý tahe aratarenyre kaiboho boibenykemý. Sòwemy aõna aõna wiwihiký botýýnybenyke. Tule kia aõna aõnamy tule roihykemý. Tai tahe aõmy Waha-ribi wani-di bexitòenybenykeki, adee riwahinyhy rareke.

¹⁷ Wiluubenyke: —Kia tahe wabede ywina adeereny adiwahinyde.

¹⁸ Bede ludu iny mahãdu eramý reakeki myý uritere nohòtiòmy juhuu dori waderamy waluuðre.

¹⁹ Kai bede ludu iny tate-wana iny aluuke, tahe aòkòre. Tai tahe iny eramý reamyhýre. Bede ludu mahãdu ribi jiarý aratara. Bede ludu mahãdu aòkò tate urenana.

²⁰ Adee heka rarybere aõmybo. Uritere iribi nohòti lusaõmy kia wahe: —Deòdu tawedu ratyre aòkò rare. Tai wadee aòbina binamy iny rotýýnymyhýre. Adeereny tule aõmy rotýýnykreky wahe. Tiiboho warybe riywinyrenykeki, arybe tule tiiboho riywinyrenykre.

²¹ Kia tahe adee ratýýnymyhýre wanimý rybe òraru-ki, tiiboho dori wadeòdýýna rieryòreki.

²² Tuu ararybeðre wana inihe tiiboho òrarudiòhyrenyre. Katahe rarybere tai tahe tiiboho rarybeòtyhy rieryòremý.

²³ Inyò waluuðkeki, tule Waha luuòtyhy.

²⁴ Jiarý heka ibutuko-ò wowydyna iitxerenarenymý rewinyòrewana, tiiboho òrarudiòhyre inihe. Tahe rewinymahãre, tuu robimyhýrenyre, ihãrele tahe waluuðre tule Waha luuðre.

²⁵ Kiamy heka rotýýnyre bede ywina ritidýýna-ki roireki. Tai heka tuu rotýýnymyhýre. Kiamy wahe ritidýýna-ki roire:

—Tii heka bede òraru aòkò rare, ihãrele tahe iluuðrenyre.

²⁶ Deuxu Tyytybytyhy adee ariteònykre. Tii, wiòhedýýdu rarekre inatyhynamý rierynanykre. Tahe, tii kedehemynykre wamý rarybekre.

²⁷ Tule kaiboho wamý marybebenykre, wawana hyy ahãtenyteki.

16

¹ Kiamy adee rarybemahãre òraruna-txi ixèòkemý.

² Tiiboho heka anatakre tohodýýna hetowo-ribi. Kobe, bede dýýnana iòhòmy kadeakreu inyò anarubunykeki, kia Deuxudeewimý tuu konohòtinykre. Tii Deuxu wiòhedýýdu raremý ixì-di kònohòtinykre.

³ Tiiboho Waha rieryòhyymyhýrenyre tule riwaeryòmyhýre. Tai tahe kiamy adeereny rotýýnymyhýrenyre.

⁴ Iu adeeremy aõmydÿÿnana kedehemynykreu, ðhõtireny itxi reake timybo adeeremy relyretxi. Tiu heka tuu rarybeðhyre, umywanarenyhy dori wãhare.

⁵ Katahe arakre wadeðdÿÿdu-ò. Kaiboho bÿÿraxibenykekò aõbo tiobo arakre-ò.

⁶ Kaiboho heka tabedewomy toite kamy rarybereriki.

⁷ Ihãrele tahe inatyhymy adeeremy ararybekre: –Adeeremy awikre arakreki wahe. Jiarÿ araðkeki awiòhedÿÿdu, Deuxu Tyytybytyhy kanaòkre. Arakeki tahe tii aditeònykre adeeremy.

⁸ Iu kanakre, tii inydee kiditeòsinykre irayky binadiremy, iòbitina-di aòkòremy, iòrarunadiremy. Deuxu dori òrarudu riywisidÿÿnykre.

⁹ Taòraruna ixidee kiditeòsinykre tiùboho riwatyhynyòrenyriki.

¹⁰ Tahe ixidee kiditeòsinykre. Jiarÿ iratyre waòbitina direki. Waha-ò dori arakre, wamy bobibenyòtyhykemy.

¹¹ Deuxu ixiywisidÿÿna ixidee kiditeòsinykre kabede dinodu dee rarybere tii rexi-hukremy.

¹² Jiarÿ heka sòwemy adee ararybekemy watxireri, ibutumy tahe isiramy ixidee boho-labenyke.

¹³ Txiohe rare. Deuxu Tyytybytyhy kanakre, inatyhymy adeeremy rarybekre inatyhyna-di ibutumy. Tarybe-di tahe rarybeòkre. Deuxu-ribi aõmybo roholaremy tahe rarybekre. Tule timybo aõna aõna rarekremy kanarybekre.

¹⁴ Tii waaòmydÿÿnana adeeremy ritÿnynykre. Tai kidiwatoosònanykre.

¹⁵ Ibutumy Wahahòrò heka wahòrò rare. Tai heka tuu adeeremy rarybereri waaòmydÿÿnana adeeremy kiditÿnynykre.

¹⁶ Urihimyò riòre heka waòkre, idi tahe ixityre wamy bobibenykre.

¹⁷ Tahe ijò ierydÿÿna mahãduò widee rarybere: –Timybo tii rarybere: –Urihimyò iòkremy tii rarybereri, tule ixiryre wamy bobibenykre. Tule Waha-ò arakre. Timybo heka rieryrenyðhyre aõmybo rarybera.

¹⁸⁻¹⁹ Tiùboho Jesuisi-ò rÿÿraxirenykre ratxirenyreri. Tahe Jesuisi rierymyhÿre tuu rÿÿraxikre. Tahe Jesuisi tamyreny rÿÿraxire: –Kaimy ixidee tÿÿraxitenyteri. Wananamy waòkesenalem.

²⁰ Inatyhymy adeeremy ararybekre: –Iny bede mahãdu urile reysakre, kaiboho tahe araeryreny urile mahinybenykre, birajuabenykre, mabedewobenykre. Idi tahe kaiboho beysabenykre.

²¹ Iwese hãwyy iijera iòhòreki, rabadewomyhÿre, taaòhòkÿmydÿÿnana-di ròhòtinymyhyre. Idi tahe reamyhyre. Iu tahe tòhòti rosamyhyre tohouã tÿmyradile reysamyhyre.

²² Iwesele kaiboho mabedewobenykre, ixityre wamy bobebenykre tahe, kaiboho beysabenykre. Inyò heka deysana aribireny ritaòtyhy.

²³ Kiatxu tahe uritere watÿÿraxidÿÿòmykre inatyhymy adeeremy rarybereri. Waha-ribi aõmy bexitòenybenykeki. Tii adeeremy kidiwahinykre wani òraru-ki.

²⁴ Tiu heka aõmy textitòenytenyòmahãte wani-di. Bexitòenybenyke, tai bitabenykre. Tai tahe kaiboho beysabenykre.

²⁵ Ibutumy rybewòtemy adeeremy rarybewãhare wahe. Idi tahe tuu adeeremy ararybeòkre. Idi tahe itÿnytyhymy Waha aritÿnynykre adeeremy.

²⁶ Kiatxu tahe bexitòenybenykre wani-di jiarÿ ararybeòkre umyreny Waha-ò.

²⁷ Waha dori aluurenre, kaiboho waluurenreki, Deuxu-ribi anade tetyhynytenyeki.

²⁸ Waha-ribi anade, bede-ò adehemynyde ihãrele bede-ribi arakremy Waha-ò.

²⁹ Jesuisi ierydÿÿna mahãdu rarybere: –Wiji tahe itÿnytyhymy tarybeteri. Rybewòte-di aòkò tarybeteri.

³⁰ Kai ibutumy teeryte. Inyò dÿÿraxiòmy adee. Kai inatyhymy Deuxu-di tanate. Kia jiarÿboho retyhynyrenre.

³¹ Tahe Jesuisi tamy rÿÿraxire. Inatyhymy wijityhyle tetyhynytenyta.

³² Wabededÿÿnanamy heka reara. Kaibohoò sohoji sohojimy tasÿ tasÿ-ò rakre. Biwaribenykre ixi sohojilemy arÿikre. Tahe ixi-wana aòkò watxikre, Wahawanale arÿikre.

³³ Kaheka aõna aõnamy adeeremy rarybere ywina-di araykyreny-ki boibekre. Bede-ki kaiboho aòhòkÿmy botÿÿnybenykre. Ihãrele beysabenyke, Jiarÿ heka Deuxu òludu mahãdu-di ròtara.

17

¹ Jesuisi rarybemy rahudi tahe retehere biu-ò rarybere: –Waha, wabededÿÿnanamyhe reara. Ariòre watxiwãhare. Wowydyna wadee biwahinyke tai tahe adee wowydyna adee ariwahinykre.

² Kai, Waha, ibutumy wadee ruruna tewahinyta iny deòdÿÿnamy. Tai umytedeòna ariwahinykre biu-ò hedu mahãdu-ò.

³ Kia heka umytuedeõna rare: —Deuxu inatyhy tate sohojihyy tate. Tii araeryrenykeki tahe eodýýna Jesuisi Kristu rieryrenykeki. Kia umytuedeõna rare tamyreny.

⁴ Aõ aõmysýdýýnabo wadee tewahinyte, ibutumy adee rewinyre. Tai heka arawowy-dynyra kabede-ki.

⁵ Iu bede rexidelenyreu umywanahyy rarewähã. Sõwemy loosõna nihiký-di rawähãre. Tahe wiji, Waha, kia loosõnale ixityre bidiwahinykre umywanahyy ararekre.

⁶ Kai iny mahãduõ wadee tewahinyte bede mahãdu-ribi. Tamyreny umy rarybemahãre. Juhu tiiboho ahõrõ roire. Idi wadee tewahinyte. Tiiboho arybe riywinymyhýre.

⁷ Ibutumy waaõmydýýna aribi retamahãre. Kia heka wiji tiiboho rieryrenyra ibutumy aribi nade.

⁸ Aõrybebo wadee tewahinytamy tamy rarybemahãre. Tiiboho rityhynyreny, rieryreny aribi jiarý anade, kai wateodýýdu tate.

⁹ Iõraru-ki adee rexitõenyre. Tiiboho amahãdu roire. Wadee tewahinyte, bede mahãdu-õ raru-ki aõkõ adee rexitõenyre.

¹⁰ Ibutumy wahõrõ, ahõrõ rare. Tule ahõrõ, wahõrõ rare. Tai heka iny mahãdu riwatoosõnanymyhýre.

¹¹ Jiarý adee arakre tai kaki arareõkre. Tiiboho heka kaki rarirenykre. Tiiboho biyrubunykre, Waha, ani õbiti-di biyrubunykre, wadee tewahinyteki. Tai tahe iraykyreny wiwesehyymy roirekre.

¹² Tiiboho-wana rarewähãu ani õraru-ki reyrubunymahãre, wadee tewahinyteki. Timy heka reõnonýdhyre ijõ, sohojile tahe reõnony. Juhuu dori Ritidýýna roire ijõ sohojiõ ariõnonykremy. Ihyy tahe reõnony, Judasi Isariõ õnodýýduhyymy rarekre.

¹³ Ka tahe arakre arora-õ. Tii heka inyõ rarybemahãre ibutumy wadeysana iworeny-õ ralõmyhýkemy.

¹⁴ Jiarý arybe tamyreny rewahinymahãre. Bede mahãdu iny dori terarenyre, tiiboho bede mahãdu iny aõkõ roireki. Iwese jiarý bede ludu hãbu aõkõ rare wese.

¹⁵ Bede-ribi tarasamy aõkõ heka adee rexitõenyre. Urile ibina bina widýý-ribi biyrubunykemy.

¹⁶ Tiiboho tahe wiji ijõ bede witxira ludu roire, iwese jiarý rare wese, wahe.

¹⁷ Arybe-di tiiboho biõbitinyke, tai ahõrõ mahãdumy rarekre. Arybe dori õbitityhy rare.

¹⁸ Iwese bede iny-õ tadiwateõnyte wesemy, Jiarý tiiboho reteõnyre bede ludu mahãdu-õ rarybekremy.

¹⁹ Tamyreny xiwena wesemy adee arexiwahinykre. Õbitihyymy ararekre, tai tiiboho õbitihyymy roirekremy inatyhyna-di.

²⁰ Aõ tamy sohojile aõkõ heka rexitõenyre. Ibutumy kia rityhynymy rýirakre-õ dori rexitõenyre.

²¹ Tai tahe ibutumy wiwese wesemy rõhõtynyrenykre. Iwese, Waha, kai waki atxiteri wesemy tule aki watxireri wesemy tiiboho iny-ki roirekre. Tai bede iny mahãdu rityhynykre ateodýýna watxireri urenana.

²² Kai loosõna wadee tadiwahinyte, tahe tamyreny rewahinyre. Tiiboho sohojihyy weselemy roirekremy, iwese iny sohojihyy rare wesemy.

²³ Jiarý taireny wãhãre, kai waki ahãte. Tai tahe inyboho butuhyymy rokoirekre. Wii riõbitinymyhýrenykre. Tai bede mahãdu rierykre tadiwateõnyteki. Tule wamahãdu luu tate urenana Waha, iwese waluure wese.

²⁴ Waha, titxibo ararekre, tiiboho wawanahyymy roirekre, wamahãdumy wadee tewahinyteki. Tai tiiboho waloosõnany robikre. Kai dori bede ihokõule waluure, tahe loosõna wadee tewahinyte.

²⁵ Waha õbiti, bede mahãdu araeryõre Jesuisi tahe araerye. Wamahãdu tule rierye tadiwateõnyte.

²⁶ Jiarý tiiboho reerynanyre ani-di. Ihãre ta arierynanykre. Tai aluuna iwese waki ratxireri wesemy taireny rarekre, tule jiarý taireny ararekre.

18

¹ Jesuisi rexitõenymy rahudi tahe roirenyre taerydýýna mahãdu-wana Cedrõ beãwe-ribi kowa ijã-õ heka reurõenyre, tahe bederaty oworuro-õ rirõnyreny.

² Judasi heka Jesuisi tyhedýýdu heka ibede rierye, Jesuisi dori taerydýýna mahãdu-di tamy rahyymyhýre.

³ Tahe Judasi, soldado mahãduõ tadinodu-wana ributunyre. Fariseu mahãdu-ribi xiwena wedu wahidýýdu-ribi Judasi soldado yrubudýýdu mahãdu rihitxinyre tule xiwena deõdu mahãduõ rihitxinyre tii-wana rakremy roirenyre. Tahe tamy ritehemynyrenyre tõbõra heõty-wana.

⁴Jesuisi rexieryre ibutumy aŏmybo tamy kodotŷŷnykre. Tahe iny mahādu-ò rexidorunyre. Tahe rŷŷraxire tamy: —Mowe teijentyteri.

⁵Tahe dirawyònyde: —Jesuisi Nazare hāwā ludu rejjereri. Tahe Jesuisi rarybere: —Jiarŷ wa tiile rare. Tahe Judasi ityhedŷŷdu tii mahādu wanale nade.

⁶Jesuisi tamyreny rarybereu, tahe rexilòhōrarienyre iribi, tahe suòle reserenyre.

⁷Ixityre Jesuisi tamy rŷŷraxire: —Mowe teijeteri.

⁸—Jesuisi Nazare hāwā ludu, tiiboho dirawyònyde. —Rarybera tahe jiarŷ raremy wahe. Tiwaijeteri-wana tahe biwadyke urile ixinamy waijoi rirahuke.

⁹Kawesemy wahe irybe hitxina wadee tewahinyteò heka tiu reònonyòhyywāhāre. Jesuisi, kiamy rarybere tamyreny irybe hitxina wesemy ibutumy tuu rotŷŷnykremy.

¹⁰Tahe Pedro tamaydese ritamy reare tahe xiwena wedu deòdu riwotòmonyre. Malòò heka inire. Pedro Malòò nohōti riorore ruruwe-ribi ludu wahe.

¹¹Jesuisi rarybere Pedro-ò: —Amaydese birutyke. Jiarŷ Waha deewimy aòhebo arotŷŷnykrekò aòbo wadi tahòtynyteri. Aòhòkŷmy arotŷŷnyòkemy aòbo wadi tahòtynyteri.

¹²Tahe soldadu, tadinodu-wana, judeu yrubudŷŷdu-wana Jesuisi rimyre ritaataamy ridyre.

¹³Kia beòra Kaifa xiwena wedu tyhy rare. Anasi iriòre labie rare. Tai tahe juhū Ana-ò ridyre.

¹⁴Kaifa tahe juhū judeu mahādu-ò rarybere: —Wiji beòramy hābuò iny mahādu òraru-ki rurukremy rahòtynyteri.

¹⁵Simaò Pedro inyò-wana rare Jesuisi hewomy. Kia Pedro-wana rare, kia xiwena wedutyhy eryna rare. Tai tahe ralore òtity ijòrore-di.

¹⁶Pedro tahe ahanakile rŷŷire. Kia Pedro-wana rare. Rohonyre hetowo-ribi hetoiò-di itxeredu-ò rarybere, tahe Pedro ridyre hetowo-ò.

¹⁷Kia ijadòma, heto ijò-di itxeredu rarybere Pedro-ò: —Kai Jesuisi erydŷkŷna mahādunokò anobo tate. Tahe Pedro dirawyònyde: —Aòkòre.

¹⁸Tahe soldadu yrubudŷŷdu tai rahetòmy rŷŷimyhŷ, heto ludu deòdu mahādu-wana txutàtà riki. Pedro iyrenyikile rŷŷimyhŷ rahetòmy.

¹⁹Tahe xiwena wedu tahe Jesuisi-ò rŷŷraxire. Aòhebohe aerydŷŷna mahādu-wana tadotŷŷnymahāte. Timybohe tebedeerynymahāte.

²⁰Tahe Jesuisi ritŷŷnynyre: —Ibutumy inyko relyymahāre iwasyim aòkò heka relyymahāre. Judeu dohodŷŷna hetokile relyymahāre Deuxu dohodŷŷna heto-wana. Titixbo judeu mahādu ributunymyhŷremy relyywāhāre.

²¹Tai aòherekibo wadeele tŷŷraxiteri. Myŷŷraxike wadee ijohonadu-ò. Tiiboho ka riererynyre aòmybo rarybere.

²²Jesuisi kia rarybereu, soldadu itxereduò rihetenyre. Tahe rarybere: —Tu heka rybeòmyke xiwena wedutyhy-ò.

²³Jesuisi dirawyònyde: —Jiarŷ ibinamy aòmybo rarybera-wana, manarybeke tuu. Aòkòkeki, awimy rarybera-wana aòherekibo tiwahetenyte.

²⁴Anasi tahe Jesuisi ridykemy riteònyre tataanadihyyle Kaifa-ò, xiwena wedutyhy wahe.

²⁵Kowa tahe Simaò Pedro ratximyhŷre rahetòmy rŷŷimyhŷ. Inyò rŷŷraxire: —Kai aòbo ierydŷŷna mahāduò tate. Tahe rexitxiònyre. Jiarŷ ijò aòkò rare.

²⁶Xiwena wedu deòduò Pedro-ò rŷŷraxire: —Tii heka Pedro ritòhòtiorore ijiò rare. Tahe tamy rarybere: —Umy taheka rabire tii-wana bederaty oworuro-ki atximahā-ò.

²⁷Pedro ixityre rexitxiònyre. Aòwesele tahe hānie hābu robure.

²⁸Idi tahe Kaifa heto-ribi Jesuisi ridyrenyre ywisidŷŷna-ò bede dinodu heto-ò rudiulere. Tiiboho rirònyòhyyre brebuna-di rexisunyrenyheny. Rirònyrenykeki, tahe Pascoa worana bedehesi rŷŷsŷnaò rirŷŷyòtyhy. Tiiboho dori ròhòtynyre rirònykeki, brebuna raremy.

²⁹Tahe Pilato ròhònyre tamy rarybekremy: —Tahe Jesuisimy tamy rŷŷraxire kia hābumy terajuatenyteri aòhebohe rotŷŷnyra.

³⁰Tahe dirawyònyde: —Aòbibina binamy rotŷŷnykòhyyra wana inihe aridyrenyòhyyreri.

³¹Tahe Pilato rirawyònyre: —Bidyke abede ywina rybe-di biywinyke. Tahe judeu mahādu rarybere: —Wabede ywina rybe warubudŷŷmy rybe aòkò rare. Inyò heka arirubunyreòtyhy.

³²Kia rybe tahe Jesuisi rybe wesemy rare. Tii dori iximy rarybere timybo rurukremy. Tai timybo irybe hitxina wesemy raryberemy ibutumy rarekre.

³³Ixityre Pilato ralore ywisidŷŷna-ò Jesuisi-ò rŷŷraxire: —Kai aòbo judeu mahādu Iòlò tate.

³⁴Jesuisi ritŷŷraxinyre: —ŷŷraxina aòbo ahòrò rare ada ijò aòbo wamy kia rarybere.

³⁵Tahe Pilato rarybere: —Jiarŷ wa judeu mahādu aòkò wāhāre. Aòbinatyhymy aòbo he tewinyte. Judeu mahādu wadee tiwadyte.

³⁶ Jesusi dirawyõnyde: —Waiòlõna hãwã bede ludu aõkõ rare. Waiòlõna kaki ratxiukeki wamahãdu wadee raaõbinanyke. Tai tahe judeu mahãdu-ò riwawahinykemy aõkõ watzixwãhãre. Tahe aõkõre kabede ludu aõkõ Waiòlõna rare.

³⁷ Pilato tahe rarybere: —Kai aõbo inatyhy iòlõmy tate. Tahe Jesusi dirawyõnyde: —Kai ka wamy tarybeta. Kia-ò uludumy anade. Kia-ò anade, inatyhynamy arelyykemy. Inyõ inatyhynamy luukeki warybe-ò roholamyhãre.

³⁸ Tahe Pilato rỹrãxire: —Aõbo inatyhyna rare. Ta rybe rahudi tahe judeu mahãdu-ò rarybekemy rare. Tiu kỹny kahãbu-ki aõ ibinamy tai rahaõhyyra.

³⁹ Inyõ ariteõnykemy watzixeri kaiboho wadi tõhõtinyhyytenyteri ka woranabedehesi-ki. Tahe judeu Iòlõ aõbohe ka ribi ariteõnykre ywihyyle.

⁴⁰ Tahe ixityre ibutumy rryryrenyre: —Kia hãbu aõkõre, Baraba biteõnyke (Baraba heka hãbu debore wasidu rare.)

19

¹ Idi tahe Pilato Jesusimy erotiyhyta-di raõhõtékremy soldado mahãdu riteranyre.

² Soldado mahãdu edehékỹ rataanadile ira-ò ritidire, iumy tahe tylỹrehekỹ-di rityynyre iòlõtywesekemy.

³ Tamy rehemynymyhãre: —Aõherebo iòlõtyhy wesena, tahe rihetenyrenyre.

⁴ Pilato tahe ixityre røhõnymy iny-ò rarybekemy: —Ixityresỹ adeereny redyreri. Biery-benyke. Aõ heka tai ibinaõhyymy idi retehewãhãre.

⁵ Tahe Jesusi røhõnyre ede rataana-di tylỹrehekỹ-di. Tahe Pilato tamy rarybere: —Kakỹnyhe tiire.

⁶ Tahe xiwena wedu mahãdu, yrubudỹydu mahãdu tuu robireu, rryryrenyre birubunybenyke, itxeò dee bitamadỹnyke. Pilato rarybere: —Kaibohole itxeò-di bitamadỹnybenyke. Jiarỹ tahe tai ibinamy aõki rahaõhyymahãre.

⁷ Tahe judeu mahãdu rarybere: —Jiarỹboho kỹny wabede ywina renydire. Rurukemy heka tuu bede ywina roireri, ti dori Deuxu Riõremy rexininimyhãre.

⁸ Pilato kia-ò roholareu tahe, ruberutyhyre.

⁹ Ixityre ralore ywysidỹyna heto-ò: —Rarybere Jesusi-ò, tiribi wexe tanate. Jesusi rirawyõnyõhyyre.

¹⁰ Tahe Pilato rarybere: —Bidiwarawyõnyõkre aõbo. Jiarỹ warurudire anarubunyke aõbo ada arateõnyke aõbo.

¹¹ Jesusi rirawyõnyre: —Aruru-di aõkõ tate. Deuxu kidiwahinykekile tahe biwateõnyke ada biwarubunyke. Tai tahe adee wawahidỹydu aratyre iòraru dire.

¹² Tai tahe Pilato iteõdỹymy rurure. Tahe judeu mahãdu tamy rryryre: —Kai biteõnykeki tahe, Iòlõ Cesar biõwa aõkõ tate.

¹³ Kiarybe-ò Pilato roholareu tahe, Jesusi diòlõdỹnyde ahana-ò. Pilato tahe ywisidỹyna ryna-ò rexisỹnyre. Kia ubeni heka Rirana Ijàti inire. Tahe judeu rybe-ki heka Kabata inire.

¹⁴ Pascoa worana bedehesitxu sexta feira rỹire. Txutyte iòhõmy tahe bede rỹire. Tahe Pilato rarybere judeu mahãdu-ò: —Betehebenyke aiòlõreny-ò.

¹⁵ Tahe tiiboho rryryrenyre. Bidybenyke! Itxeõnihikỹ-ò birubunybenyke. Pilato tahe tamy rarybere: —Aiòlõ aõbo, birubunybeny. Tahe xiwena wedu rirawyõnyre: —Iny iòlõreny sohojile wa rare: —Cesar heka inire.

¹⁶ Tahe Pilato Jesusi tamyreny riwahinyre rirubunyrenykemy.

¹⁷ Tiiboho heka Jesusi ridyrenyre. Iitxeò tamy riwahinyre idi retyykremy. Tahe Kalvariu-ò idi ridymy rare. Kalvariu heka Kòkòta inire judeu rybe-ki.

¹⁸ Tai itxeò nihikỹ dee ritamadỹnyre ijõ hãbu inatxiõ-wana Jesusi itxeõnihikỹ itya-ki rỹire. Hãbu wiò wiòmy idi rỹire.

¹⁹ Pilato riritinyre ritidỹyna-ò Jesusi tyre-ò ritidire. Kawesemy ritidỹyna roire: —JESUISI, NAZARE HÃWÃ LUDU, JUDEU MAHÃDU IÒLÒ.

²⁰ Hãwã-ribi ireheriõremy roire. Tai tahe sõwemy judeu mahãdu tuu robire iritidỹynamy. Inataõ rybemy witzira riti heka inataõmy roire. Judeu rybe ijõre, latim rybe ijõre, grego rybe ijõre.

²¹ Judeu xiwena wedu mahãdu Pilato-ò rarybere: —Judeu mahãdu Iòlõ rarybere: —Iritidỹyõmyke wa. Kawesemy biritinyke: —Ti rarybere judeu mahãdu Iòlõ raremy.

²² Tahe Pilato dirawyõnyde: —Iwese reritinyre wesemy rarehykre.

²³ Soldado Jesusi itxeõnihikỹ-ò ritamadỹynmy rahudi tahe, ity ritxuatxwakremy diwyde. Inaubiõwa heka riywinyra. Wirarea riwykremy soldado mahãdu idi rỹireri. Iyhyitxena tahe iretydyna-di aõkõ rare.

²⁴ Tahe ijõ widee rarybere: —Iyreyredỹyrenyõmyke wa urile ta idi rikihurenkyre mobo ritakremy. Kia ryberiti-ki tuhyy roire:

–Watyry ritxuatxuaere ijō yre wimy riwinyrenyre. Tule wayhyitxena tyre-ki rehurenyre mobo ritakremy. Tahe iwese Tyyriti rarybere wese, soldadu mahādu ibutumy aōhebo risŷnyre.

²⁵ Inaubiōwa hāwyy retehemy rŷimyhŷ Jesuisi itxeōnihikŷ iōhōmy. Jesuisise taseriōre-wana, Marie Madalena ijōre, Klopa hāwyy ijōre.

²⁶ Jesuisi tadimy robireu, Joaō, taerydŷŷna luunadu bire-ki, tahe rarybere: –Nadi beteheke wa kowa ariōre rare.

²⁷ Tahe Joaō-ō rarybere: –Kaa adi rare. Ierydŷŷna Joaō tahe ridyre taheto-ō tai rasŷnykemy.

²⁸ Jesuisi tahe rierye ibutumy rexihuramy tahe rarybere: –Ariōkemy watzireri. Kaimy heka rarybere aōbo Ritidŷŷna-ki roire riwinykemy.

²⁹ Tai tahe wī mona silŷnyhŷkŷ-ki raharenyre. Tahe Jesuisi-ō iwereheni wese-ō rituumy idi riteōnyre iry-ō teōdimy.

³⁰ Jesuisi tuu riōre idi tahe rarybere: –Ibutumy Waha aōmysŷdŷŷna rexihumy roire. Tahe rōtiōrōmy resere iule ta rurure.

³¹ Kia sabadotxu heka worana bedehesitxu nihikŷō rare, brebuna rare. Tai tahe hābu rubu itxeō-ki ririkōkemy tuu rarybemyhŷre. Tai Pilato-ō judeu mahādu rexitōnyre hābuti riōrōmy riteōnykemy, itxeō-ribi ritakemy.

³² Tahe soldado mahādu hābuti wiōle riorore.

³³ Jesuisi tahe rurumy roireki iti riōrōre.

³⁴ Soldadoō tahe Jesuisi-ki rojyre iweki tahe hālubule rohonyre bewana.

³⁵ Kia tuu rabire tahe ōbitimy tuu jiarŷ rarybere, Joaō wahe. Waritidŷŷna inatyhy raremy, reerye. Kaiboho bityhnybenykemy, adireny watzireri.

³⁶ Kaheka ibutumy iritina hetxina tuu rarybere heka ibutumy tuu rotŷŷre. Kia wesemy roire: –Iti riōrōōkre, sohoji aōkō.

³⁷ Ijō iritinaō kawesemy roire:

–Rirorenykre tōnori-di idi reteherenykre tamy.

³⁸ Jyje heka Arimatea hāwā luduō rare. Idi tahe tii Pilato-ō rexitōnyre Jesuisi umymy rituumy kremy. Tii heka Jesuisi heluduō rare. Judeu mahādu lau ruberumyhŷ tai Pilato-ō rare wasimy.

³⁹ Pilato tahe awiremy rarybere. Tahe Jesuisi umy riwyre. Nikodema tule rare Jyje-wana. Tii juhule rumy Jesuisi-wana widee raryberele rare. Tii ōwōrutyby ōwōruōbru-wana aderōna wesemy diwyde sōwemy, 45 urihixinamy riutxienanyre.

⁴⁰ Tahe Jesuisi umy tyky jurarehe-wana ritŷtenyre aderōna wanahyyle. Kawesemy dori judeu mahādu iny rituumymyhŷre.

⁴¹ Itxeōalamana-ribi bederaty oworu iōhōmy roire. Ityi-ki tahe wabede tamyra roire. Mana hāloo rŷire tai heka moo rawabedenyōhyyre.

⁴² Tai tahe rawabedenyre iōhōreki, tule judeu worana bedehesina txumy roireki.

20

¹ Semana juhu ludu txu Marie Madalena rehemynyre wabede-ō, rudile wahe. Mana ijōtōbōna iraylemy rŷiremy idi retehere.

² Tahe rajjaranyre Simaō Pedro-ō, ijō Jesuisi luunaduō wahe, Joaō-ō, jiarŷle wahe. Tahe wadeereny rarybere: –Wahī tahe hālokowoku-ribi ritakarenrya. Titxibo ritidira, rekerykōre.

³ Pedro tahe rōhōnyre, Joaō-wana wabede-ō roire.

⁴ Wiwana rajjaranyre tahe jiarŷ Pedro ratyre rajjaranyre tamy. Jiarŷle heka juhu tamy rehemynyre.

⁵ Tahe rawebesere iwo-ō itxeremy. Irahanalemy rabire. Ta ralōōhyyre tamy.

⁶ Idi Pedro rehemynyre ralore tamy. Tule irahanamy robire.

⁷ Jesuisi rati rasirahana rihitxinyumy roire ixiwanale.

⁸ Tahe jiarŷ juhu rehemynyre tahe Pedro hewomy ralore. Tuu robire, retyhnyre.

⁹ Tiiboho dori ritina rieryrenyre ihāre tahe rierythykōlerenyre. Jesuisi rubu-ribi rexiix-ixanykemy ritina roire. Tii tahe rierythykōlerenyre. Tahe wiji rieryrenrya.

¹⁰ Tahe ixby raōkeserenyre inyhetoreny-ō.

¹¹⁻¹² Marie tahe robumy wabede-ribi iōhōmy rŷire. Rawebesere tahe wabedewo-ō itxeremy. Inatxi ŷjumy robire iwo-ki itykyuramy roimyhŷ. Ijō heka rŷmy ronymyhŷ Jesuisi ratiherina tyre-ki. Ijō tahe iwaherina-ki ronymyhŷ. Jesuisi umy tahe iōre.

¹³ Tahe ŷju Marie-ō rŷŷraxire: –Hāwyy, aōherekibo tabureri. Rirawōnyre: –Wahī kumy dokuri riwumy ramyhŷre. Rekerykōre titxibo ritidira.

¹⁴ Iu rarybereu tahe tahewōole roosere. Jesuisimy robire rŷimyhŷō. Tii heka rieryōhyymyhŷ tii Jesuisi raremy.

¹⁵ Tahe Jesuisi rÿÿraxire: —Hāwyy aōmybo tabuteri, mobo teijeteri. Bederaty oworu ywidÿÿdu raremy heka tii rōhōtynyre: —Tahe dirawyōnyde: —Wahī, kai anobo karibi tetakata-wana wakoku tuu belykyke. Tahe jikarÿ karikorykremy.

¹⁶ Tahe Jesuisi tamy rryyre: —Marie! Marie rokesemy reare riijemy: —Wahī, erydÿÿkÿdu! (Tii hebraika rybe tuu rarybere: —Raboni, wahe.)

¹⁷ Jesuisi rarybere tamy: —Waroorehedÿÿōmyke wa. Waha-ō dori raōlemy wāhāre tahe arakre. Kai tyhydÿÿdu seriōre-ō makre tamy rybemy. Jesuisi rarybere kawesemy: —Arakre inytybyreny-ō, iny Deuxureny-ō.

¹⁸ Idi tahe rarybere erydÿÿna mahādu-ō Wanyrÿmy rabira. Marie Madalena relyyre timybo raryberamy.

¹⁹ Semana juhu ludu txuu, txioromy heka Jesuisi erydÿÿna mahādu wii ributunymy rÿimyhÿ hetowoō-ki. Ibutumy ijō ritōbōtōbōnyra judeu mahādu lau brebumy. Jesuisi tahe nade iyreny-ō rexitÿnynyre. Rarybere: —Ywina araykywo-ki atxikemy idi watxireri.

²⁰ Kia rarybereu tahe tebō rurena riteōsinyre, tawerurena tule riteōsinyre tamy. Iule tahe reysarenyre Jesuisimy robireki wahe.

²¹ Ixyby tamy Jesuisi rarybere: —Ywina araykywo-ki rarekemy idi watxireri. Iwese Waha diwateōnyde wese tule arateōnykre.

²² Iu tahe ribunymy rarybere: —Deuxu Tytybytyhy tetateri.

²³ Inyōrarunaō biixāwididÿÿnykeki tule kia ōraruna ariixāwidinyke. Tule aōkōkeki, ijō ōraruna biixāwididÿÿnyōkeki, kia tule ariixāwididÿÿnyōke.

²⁴ Tome (Inatxina iniōre) tii waōinatxi reurō mahāduō rare, tahe tairenyōre heka Jesuisi nadeu.

²⁵ Jesuisi erydÿÿnaō rarybere: —Wanyrÿmy rabirenyra. Tahe Tome tamyreny rarybere: —Retyhynyōre kÿnyhe.

²⁶ Semana sohoji bededÿÿnanamy idi rÿire, ixyby wii ributunyre Jesuisi erydÿÿna mahādu. Iu tahe Tome tii mahādu-wana ratximyhÿ. Ijō ritōbōtōbōnymy rÿimyhÿ. Tahe Jesuisi nade iyreny-ō. Tamyreny rarybere: —Ywina-di araykywo-ki atxikemy idi watxireri.

²⁷ Tahe Jesuisi Tome-ō rarybere: —Betehe inihe wadebōrurena-ō ebō inihe tamy biditidike. Tule wawerurena-ō ebō biditidikre. Itxiōdÿÿōmyke wa, bityhynyke.

²⁸ Tome tai dirawyōnyde: —Wanyrÿ, waDeuxu.

²⁹ Tahe Jesuisi rarybere: —Tome, kai aōbo biwatyhynykre wamy tabiterikile. Sōwemy deysana inyō kanakemy wāhāre tiiboho dori wamy robiōre hārele riwatyhynyrenyre.

³⁰ Jesuisi heka sōwemy aōwiwihikÿbo riwinyre. Ierydÿÿna mahādu heka kia aōmybo robire. Kia aōmydÿÿnana heka ihoōre kaki iritina-ki.

³¹ Kaa ritidÿÿna reritinyre Jesuisi Kristumy rare. Deuxu deōdÿÿna rare. Kia bityhynybenykemy wahe, Deuxu Riōre wahe tetyhynyteri-wana tahe umyuedeōna bitakre, ini ōraru-ki wahe.

21

¹ Iribi tahe Jesuisi rexitÿnynyre Tiberiade ahohokÿ ijā-ki. Kia wesemyre heka.

² Ibutumy heka juhu rÿimyhÿ: —Simaō Pedro, Tome Didimo iniōre, Natanaeli. Tii Kana hāwā ludu rare, Kalileia bedē-ki. Zebedeu riōreboho ijōre, inatxi Jesuisi ierydÿÿnaō ijōre. Rarekie.

³ Tahe Simaō Pedro rarybere tamyreny: —Riā teredÿÿmy arakre. Imahādu rarybere: —Jiarÿboho aroirenykre ahemy. Tahe roirenyre hāwō-di. Aōhomy aōkō ruu idireny nade.

⁴ Tahe bedē ratÿnyrau heki Jesuisi ŷnyrakile ratximyhÿ. Ierydÿÿna mahādu tahe rieryōhymyhÿre.

⁵ Jesuisi rryyre tamyreny rÿÿraxire: —Ijoi moō rokoreny. Utura aōbo temytenyta? Rirawyōnyre: —Aōkōre wa.

⁶ Kaiboho biterebenyke rurunawe-ribi taita bimybennykre. Tahe riterenyre sōwemy rautxienyre iriā heka ritusinÿōhymyhÿrenyre utura sōwerekī.

⁷ Kia ierydÿÿnaō Jesuisi luunaduō rare jiarÿ, Joaō wahe. Jiarÿ tahe Pedro-ō rarybere: —Inynyrÿle wa rare. Pedro Jesuisi raramy roholareu, tatky tawetyamy ritaamy tamy resere, tade hekÿlemy rareki. Tahe resere bera-txi tamy rakremy.

⁸ Ijoi mahādu riā-di narurunymy nade utura sōwerekī. Tahe 100 urihixinamy ŷnyra-ribi ratximyhÿreny.

⁹ ŷnyra-ō rejuxunyreu tahe, robirenyre heōtymy obiurawo-ki. Orotxu tule tai rÿire.

¹⁰ Jesuisi tamy rarybere: —Uturaō bidiwybedenyke wiji temytenytaō. Simaō Pedro hāworibile riā-di rarurunyre. Sōwemy heka tai utura nihikÿ rÿimyhÿ, 153 wahe. Ihāre tahe riā raōrōdÿhyre.

¹¹ Tahe Jesuisi rarybere: —Manake hewa biroxi benyke.

¹² Ibutumy ierydÿÿna mahãdu rieryre tii inynyrÿreny raremy. Tai tahe inyõ rÿÿraxiõhyyre: –Mobo tii raremy.

¹³ Tahe Jesuisi orotxu rimyre. Tamy riwahinyre. Ixiyrubule utura tamy riwahinyre.

¹⁴ Kia tahe ihewotyhy my Jesuisi rexideõsinyre taerydÿÿna mahãdu-õ, rubu-ribi dexixade hewomy wahe.

¹⁵ Riroximy rahudi tahe Jesuisi Pedro-õ rÿÿraxire: –Simaõ, Joaõ riõre, kahãbu mahãdu waluure. Kai tahe iratyre aõbo waluure. Tii rirawyõnyre: –Kai tiwaeryte, aluure. Tahe Jesuisi rarybere: –Wabudoeni riõre bidiõwenyke.

¹⁶ Ixityre rÿÿraxire: –Simaõ, Joaõ riõre, kai aõbo waluure. Tahe Pedro rirawyõnyre: –Kohe, Wanyrÿ aluure jiarÿ, tiwaeryta. Tahe Jesuisi rarybere: –Bidyke wabudoeni biõwenykeny.

¹⁷ Ihewotyhy my tahe Jesuisi rÿÿraxire: –Simaõ, Joaõ riõre, kai aõbo waluure. Iu tahe Pedro rabadewomy ronyre, ixityremy rÿÿraxireki. Tahe dirawyõnyde: –Wanyrÿ, ibutumy teeryte aõna aõna. Aluure heka, tiwaeryta. Tahe Jesuisi rarybere: Wabudoeni biõwenyke.

¹⁸ Inatyhy my adee ararybekre. Iu ijoï morõkõmy tatemahãu, ixiwanale textiynymahãte ixidee wimy titxibo tamahãte. Iu tahe mamatuarinykre inywitxira aratyynykre, Ebõ biteõsinykre iny arataaanykre tahe inyõ aradykre titxibo noderamy beakreõ.

¹⁹ Kiamy heka Jesuisi rarybere ritÿnynykre my timybo Pedro rubu-õ rÿÿikremy. Tai Deuxu riwowydynykre. Idi tahe Jesuisi rarybere: –Biwaheludunye wa.

²⁰ Tahe Pedro retehere Joaõ Jesuisi hemy rarerio, Joaõ Jesuisi luomy raremyhÿ. Joaõ ihetxiu Jesuisi-õ iõhõmy rÿÿraxire jiarÿ wahe: –Mobo iwahisidÿÿdukremy, ihewo ludu roxina rÿÿireu.

²¹ Tahe Pedro Joaõmy robireu, rÿÿraxire Jesuisi-õ Joaõmy. Aõbo he tamy rotÿÿnykre.

²² Tahe Jesuisi rirawyõnyre: –Tii rurukõlemy adõõsekemy idi watxikeki, timybo tahõtinyte. Adee tahe biwaheludunyekile awike.

²³ Ierydÿÿna mahãdu rarybemy raremyhÿ: –Kiamy wahe Joaõ rurukõlemy Jesuisi rarybere. Tahe kiamy aõkõ Jesuisi rarybere. Jesuisi juhuu rarybere: –Tii rurukõle adoosekre-wana, timybo tahõtinytenyteri.

²⁴ Jiarÿ tahe kia aõmydÿÿnanamy relyymahãre, Joaõ wahe, reritiny mahãre. Inatyhy my kia tuu rare, jiarÿ tuu relyymahãre.

²⁵ Sõwemy aõmydÿÿnanamy tahe Jesuisi riwinyre. Inyõ ibutumy riritinykeki, iritina heka bede ritÿxinykre tyriti sõwekre-wana.

Aõhebo Rotÿÿnyre Aõhebo Rotÿÿnyre Jesuisi Erydÿÿna Mahãdu

¹ Juhuu adee ratyryritinyreu, Teõfilo, relyryre ibutumy Jesuisi aõbo riwinyré, aõmybo bede rierynanyrémy.

² Deuxu Tyytybytyhy bede erydÿÿnamy taerydÿÿna woludu mahãdu rierynanyre. Tahe taerydÿÿna mahãdu-ò bede ywina riwahinyre. Iribi tahe Jesuisi ròðsere biu-ò. Kia ibutumy juhuu adee relyryre.

³ Iribi itxeònihikÿ-ki rurureu, taerydÿÿna woludu mahãdu-ò rexitÿnyre hãbu irudilemy. Tamyreny rexideòsinyre sòwetxu-di rulemy ratximyhÿmy. Inatyhy wa warybetyhy rare, tamyreny rarybere. Rexitÿnyre, tamyreny rierynanyre Deuxu Iòlònamy. Txuò txuòlemy iny inatxiwaitue txumy rierynanyre.

⁴ Tiiboho-wana riroximy raremyhÿu, Jesuisi tamyreny rarybere: –Uritere Jerusalë-ribi ixitarasarenyòmy. Urile Deuxu Tyytybytyhy awo-ò kanakre xiery, Jerusalë-ribi boibenyke. Deuxu rarybere Tyytybytyhy kiditeònykremy. Tule juhuu Jesuisi kia rarybere.

⁵ Deuxu Tyytybytyhy aworeny-ò kanalokre. Kia ratisebenaò wesele rare, Deuxu Tyytybytyhy ratisebena. Iwese Joaò juhuu bero-ki iny risebenyryre wese, kia rare. Kia-txu tahe, iòhòmy roire.

⁶ Tahe, juhuu ibutumy wirotiryryre, Jesuisi dee rÿÿraxirenyre: –Wanyrÿ, kai aõbo wiji iny Iòlòreny bediwahinyre inywedureny wesemy ixyby ronykemy.

⁷ Tahe Jesuisi dirawyònyde: –Waha-ki ywisidÿÿnatxu doimyhÿde. Tiile rierymyhÿre. Kai aòkòhykre.

⁸ Tahe Deuxu Tyytybytyhy aworeny-ò kanalokre, rurunatyhy arayky-ò bitabenyke. Kia tahe warubu-ribi waixixanamy belyykre ibutumy Jerusalë hãwã mahãdu-ò, Judeia hãwã bede mahãdu-ò, Samaria hãwã bede mahãdu-ò, iribi tahe ibutumy bedekonana bede iny-ò.

⁹ Tarybe rahudi tahe Jesuisi ixihy rexidyry raòwònyre biu-txi. Iòre biuwetyky-txi. Tiiboho rarirenyre bede-ribi idi reteherenyre.

¹⁰ Idi retehemyhÿ iòtududÿÿtyhymy. Inatxi hãbumy ity uramy aòwesele rÿimy reamyhÿre hãbu mahãduko-txi.

¹¹ Tahe tiiboho raryberenyre: –Hãbu, Kalileia bede mahãdu, itxereòmahãbenyke. Jesuisi ka ramyramyhÿre biu-ò, Deuxu sÿ-ò. Iwese rarawesele ka ixyby kòðòsekre.

¹² Jesuisi erydÿÿna mahãdu ratximyhÿrenyryre Oliveira òwòruraty hãwãlò-ki. Tahe dòðsedenyde Jerusalë hãwã-ò. Jerusalë rehe iribi doide sohoji urihixina rehemymy rymyòlemy.

¹³ Tahe wii rotyrenyryre rorukre ixitòedÿÿmy hetoratyawo-ki. Kahekani-di rirana rarekre tai rÿimyhÿrenyryre: Pedro, Joaò, Txiau, Andre, Filipi, Tome, Bartolomeu, Mateu, ijò Txiau (tii Afeu riòre rare), Simaò Zelòte, Judasi (ijò Txiau iwitxira, kia riòre rare).

¹⁴ Ijò iny tule tai ronymyhÿ, Jesuisise, hãwyy ijò ronymyhÿ, Jesuisi seriòre mahãdu tule rorukumyhÿrenyryre. Ibutumy rexitòenymyhÿrenyryre wiwese wiweselemy ròhòtinymyhÿrenyryre.

¹⁵⁻¹⁶ Ijò txubiòwamy 120 inymy wii ributunyre ixybyle. Tahe Pedro rÿire kiamy tamyreny rarybere: –Waityhydÿÿdu seriòre mahãdu, iwese Judasi aõhebo rotÿÿnyre wesemy Davi tyyritinamy roimyhÿre. Kiamy wahe: –Jesuisi taòluduboho-ò ròhònyre, Judasi tiiboho riwiòhenanyre. Iwese ka tyyritina-ki roire wesele, inatyhymy ibutumy rotÿÿnyre.

¹⁷ Judasi inybohoòmy raremyhÿ. Tii nieruò ritare Jesuisi òludu-ribi tamyreny ridyrekri. Tahe kia nieru-di subutebedeò riwryre.

¹⁸ Tahe idi Judasi rexitòòtaara. Idi tahe tasubute bedero-txi taratythikÿle-ribi resere. Tahe iumy ruare iwona rejuxunyre.

¹⁹ Iribi ijyy heka ibutumy Jerusalë mahãdu-ò tuu ijyy rÿire. Tahe kia subutebede rininirenyre hãlubu bederomy.

²⁰ Iòlò Davi kia wese riritinyre tawiunatyryriti-ki: –Ixinamy iheto rÿike, inyò taisÿòmy.

Ijò:

–Inywitxiraò teròwmy tai rarekre iaòmysÿdÿÿna rymykremy.

²¹⁻²² Inyò tahe teròwmy iaòmysÿdÿÿna rymykremy. Tule rikimyrenyke Jesuisi ixixanamy ijyyduò inywanahyy rybe ritÿnyrykemy. Inyò Jesuisi sebedÿÿna-di itxereduò rikimyrenyke, inyò tuu robire Jesuisi nonanamy tule rikimyrenyke.

²³ Tahe inatxi hãbumy ritarenyryre: Jyje (Basaba inire) Justu iniòrysina rare, ijò hãbu tahe Matxia rare.

²⁴ Iribi tahe rexitòenyre: –Kiamy heka Deuxu dee raryberenyre:

Kai Wanyryrÿnyre, ibutumy inyrayky teeryte, Deuxu. Biteòsinyke tibo rikitarenkemy.

25 Tii ritÿxinykre ixihyymy ratximyhÿre mahâdu. Judasi deròwumy rarekemy, Judasi dori iny-ribi rõhònyre taðraru-naòwydÿÿnamy rare aòhòkÿmy rotÿÿnykemy. Tahe rare tiobo rareò.
26 Wyhy raheto lisina wesemy idi rehure. Kiamy heka riwinyre tibo rõtakemy. Matxia tahe iribi rõtare. Tii tahe ralore waòsohoji reurò erydÿÿnaky-txi.

2

1 Pentecostemy ninadu lisina kia txumy txu rÿireu, ibutumy iny rorukurenyre tary-nanakile.

2 Aòwesele biu-ribi wodÿÿò nade yhynihikÿwesele ibutumy heto-ò ralore tai rorukumyhÿrenyrewo-ò.

3 Heòty helÿÿresi wesemy nade. Iny sohoji sohoji tyre resere.

4 Ibutumy iny tykumy heka Deuxu Tytybytythy ralòmÿ rÿire. Ta raryberenyre iwitxira rybemy. Deuxu Tytybytythy tamy rybe riwahinyre wese tahe raryberenyre.

5 Deuxu dee òbitumy hâbu mahâdu noduò rasÿnymy raremyhÿ Jerusalé hâwâ-ki. Judeu mahâduò ihÿre. Ibutumy bede bede hâwâ hâwâ-ribi nade.

6 Kia-ò roholareu, wii ributumy ijononamy. Tahe rexieryòhykyre aòmybo rõhòtynyre tahe widi bede riòtiinyre iny sohoji sohoji tarybe tarybeòlemÿ roholareki.

7 Urile bede riòtiinythyrenyre. Tahe raryberenyre deysana-di:

–Betehebeny iny, kowa rybedu Kalileia bede ludu mahâdu ratxireri.

8 Timykibo iny ryberenyry rarybereri. Iny sohoji sohoji tarybeòle raholareri.

9-10 Kaheka inyboho bede bede ludu roire: Partia mahâdu, Media mahâdu, Elaò mahâdu, tule ka bede ludu mahâdu: Mesopotamia, Judeia, Kapadosia, Ponto, Asia, Frigia, Panfilia, Egito, Libia Sireni-wana iòhòre, Roma hâwâ luduò tule kaki ihÿre.

11 Timybo inrybereny wixira wixira-ò iny roholarenryeri. Deuxu rybemy rarybereri ibutumy inryberenyry. Ibutumy inyboho: Judeu, Judeuerydÿÿna ityhydÿÿdu, tule Kreta mahâdu, Arabia mahâdu, Deuxu aòmydÿÿnana wihikÿ-ò raholarenryeri.

12 Tahe bede riòtiinyrenyre. Rieryòrenyre aòbo rare. Tahe wídee rÿÿraxirenyre iny sohoji sohoji-ò aòbo raremy.

13 Ijò tahe tawobinarybe rarybere:

–Tii boho rururenryeri, itxÿtemonamy riòreri.

14 Tahe Pedro rÿire waòsohoji erydÿÿna-di, tahe tii rexidelenyry rarybekemy:

–Boholake inihe, ibutumy kaiboho, Judeia mahâdu, Jerusalé sÿludu-wana –kia biery-benykemy.

15 Inyò rarybereri itxÿtemonamy riòrerimÿ. Tahe inatyhymÿ aòkò rare. Txuu rati rariarerile heka rudiletÿhyre.

16 Joel juhúu Deuxu rybeduò rare. Tii narybede wijitxumy. Tahe iwese tii rarybere wesele, wiji ratximyhÿre. Tii rarybere:

17 –Kiamy Deuxu rarybere:

–Ikonanatxuu watytybytythyhykÿ aditeònykre ibutumy inydee. Ariòrereny, hâwÿy hâbu-wana, warybe riernanykre. Weryrybò tahe matuari-wana rarasinÿtyhykre.

18 Ibutumy wadeòdu-ò, lerÿ, hâbu, ibutuwo-ò Deuxu Tytybytythy kanalokre. Tuu raryberenykre, ritÿnnyrenykre.

19 Aò tÿmyra ariteòsinykre biu-ki, bede-ki. Hâlubu, heòty, worona-wana rõhònykre.

20 Txuu heka ilybyhykÿlemy relekre. Ahâdu isòhòkÿlemy relekre. Iribi tahe Inynrÿtxu-ò rehemynykre. Kia txu awimÿ roikre. Inynrÿ kòdòhònykre.

21 Kia bedeu, inyò Inynrÿnimÿ rexitòenykeki, tii jiarÿ aritakre iòraru-ribi. Kia Deuxu rybe rare.

22 Judeu mahâdu, Israeli mahâdu, boholabenyke warybe-ò: Deuxu sòwemy aòna aòna wixira wixira-di, bedeòby-di riwahinyre. Inatyhymÿ Jesuisi Nazare hâwâ ludu mahâduò riteòsinyre. Inatyhymÿ rare. Kaiboho heka teerytenyete.

23 Kaiboho Jesuisi temyteu, Deuxu juhúu rimykremy rierymyhÿre. Rexierymy rõhòtynyre kawesemy bede roimÿ rarekre. Kaiboho Jesuisi terubunÿtenyete. Kaiboho itxeò nihikÿ-ki tetamadÿÿnytenyete hâhubina debòreny-di.

24 Tahe Deuxu ritare rubu-ribi riixixadÿÿnyre. Wabede Deuxu ribòhònyre. Iribi Jesuisi riòlòdÿÿnyre. Rubu heto tii rimyòtyhy.

25 Davi juhúu rarybere iwese Jesuisi rarybekemy:

–Wanyrÿ wawana ratxireri, brebu-di watxiòkre. Tii riwawiohenanymyhÿre. Tai wawo deysana-di ritÿxinymyhÿre.

26 Wadòròtò wowydydna tamy rewahinymyhÿre. Reeryre ibutumy rubuhetowo-ki awityhymÿ wâhâre, iribi dori aròhònykre.

27 Kai watytyby teriòte rubuheto-ki. Jiarÿ ariòre òbitityhy rare, tai waumyde rasunyòtyhy.

28 Kai tiwaeryte ibutumy umytÿmyra aõmydÿÿnana awana aratzikreu, deysana-di tÿximy biwasÿnykre.

[Kia ibutumy Jesuisi rarybekremy Davi rarybere.]

29 Pedro ijõ rarybemhyÿre: –Tahe kiamy heka mohõtinybenyke, Waseriõreboho. Davi heka aõ iximy aõkõ rarybereri. Tii tahe hãloowo-õ roire. Itityby heka kakile iny-wana ihÿre.

30 Tahe Davi Inynyrÿ derõwmy rybeduõ raremyhÿ. Deuxu inatyhyna rybe-di Davi-õ narybede. Kia tahe: Iriõre riõreõ bede dinodumy kodonykremy taiòlõ ryna-ki. Kia iòlõ Davi rieryre.

31 Davi tahe Kristu ixixanamy juhuru narybede. Kristu umy dori rubu-ki rariõhyre. Iumyde rarõnyõre.

32 Jesuisi Kristu, Deuxu riixixanyre. Ibutumy inyboho tuu robirenyre.

33 Jesuisi ronymhyÿre Deuxu rurunawe-ribi. Iwese rarybere wese Deuxu Tatytybytyhy tamy diteõnyde. Tii adee diwyde. Kiamy tahe wiji tabitenyeri, taholatenyeri.

34 Davi raõwõnyõre biu-õ. Tahe kiamy rarybere:

Deuxu rarybere Inynyrÿ-õ:

–Bodonyke katxi warurunawe-ribi.

35 Aõludu awarawo-ki arisÿnykre. Aõludu-di arehukre.

Kiamy tahe Deuxu Jesuisi-õ rarybere.

36 Boholake judeu mahãdu. Kaa inatyhy hyy rare. Itxeõnihikÿ-ki Jesuisi terubunyenye. Deuxu tahe Jesuisi ritidire ibutu-õ wedumy, ibutu-õ Kristumy, aõma, Deuxu deõdÿÿna.

37 Tahe Pedro rybe-ki urile rõhõtinyrenye. Tai tahe Pedro-õ ijõ erydÿÿna-õ rÿÿraxirenyre: –Waseriõreboho, aõhebo rokotÿÿnyrenyke.

38 Tahe Pedro dirawyõnyde: –Bõõsebenyke aõrarureny-ribi ixiby Deuxu-õ. Idi tahe Jesuisi-ini-di maratysebekemy aõraru ritakemy. Tai bimykre Deuxu Tyytybytyhy wahidÿÿna wesemy awo-ki rarekremy.

39 Kristu juhuru rarybere:

–Ibutumy heka Deuxu Tyytybytyhy bimibenykre, ariõre rimykre, iny hãwã wixira ludu rimyke. Ibutumy Deuxu dee wimy tahe rimyke.

40 Pedro relymy raremyhÿ. Tamyreny rarybere tarasamy roikemy:

–Iny bina binahakÿ-ribi bexitabenykre.

41 Kia rityhynyré heka tahe ratisebedumy roiremyhÿ. Ralore kiatsu 3000 iny iòhõmy Jesuisi tyhydÿÿdu mahãdu-õ.

42 Tahe Jesuisi erydÿÿna mahãdu riernanymhyÿre, wii ributunymy roiremyhÿ, paõ ri-ororenyre wideereny: rexitõenymy roiremyhÿ.

43 Iny sohoji sohoji bede riõtünymy rabrebumy hitxinymhyÿre. Jesuisi erydÿÿna mahãdu bedeõby sõwemy riwinymhyÿre. Aõna aõna wiihikÿmy riwinymhyÿre.

44 Ibutumy rityhynymhyÿre mahãdu, sõwemy wii riwiutyre. Ibutumy aõna aõna wimy riywinyre.

45 Taaõmydÿÿna, tasu-wana idi rohonyre. Wimy tahe ritxuatxware. Ibutumy ityhydÿÿdu iaõkõ mahãdu dee riwahiriwahinyre. Inyõ aõna aõna rauhenykeki, tamy riwahinyre.

46 Deuxu dohodÿÿna heto-ki txuõ txuõlemy wii ributunyre. Tahe tota hetomy paõ riyriyrenye. Riroxirenyre ibutumy teysarenymy wii wese rõhõtinyrenye.

47 Tuu realãrenye Deuxumy. Ibutumy iny hãwãhãkÿ mahãdu awimy tai raharenye. Deuxu rimyre txuõ txuõ lemy ralore mahãdu kia ritakemy.

3

1 Pedro, Joaõ-wana rare Deuxu dohodÿÿna heto-õ rexitõenykemy, inataõ òra bede.

2 Deuxu dohodÿÿna heto ijõ inyõ rininire, ijõ ruxerahakÿ. Txuõ txuõlemy hãbu tibina ridyhyhyymy iny tamy reamyhÿre. Tamy iny ralõmyhÿkeõ tamy nierumy rexitõenykemy. Tii tuu hyy uladumy reareu ihy itibinare.

3 Pedroboho riõnyrenyre, hãbu tibina tuureny robire. Nierumy tahe tamyreny rexitõenyre.

4 Pedro juhu tamy retehere idi rarybere:

–Bedeteheke wadireny.

5 Tai hãbu retehemy ronyre, nieruõ iribi riwykemy rõhõtinyre.

6 Pedro rarybere:

–Aõ ijõkõre, womati tÿrÿÿhÿkÿ ijõkõ, pratakõ. Tahe aõbo idi watzirerile ta adee ariwahinykre. Jesuisi Nazare hãwãludunimy adee ararybekremy idi mariakremy. Kia deytana adee ariwahinykre.

7 Pedro, hãbu debõ rimymy ritamadÿÿnyre. Aõwesele iruru iti-õ ralore.

8 Hãbu rexiwatxinymy tahe, ririradÿÿnyre. Ihyy ralore dohodÿÿna heto-õ. Deuxu dee deysamy rexiwatxinymy ralore.

⁹Ibutumy iny idi retehere rariarerimy, Deuxumy reàlärerimy.

¹⁰Inyõ rarybere: —Tii ijõ ruxerahakÿ-ki nierumy rexitõenymhÿremy, inyboho tii reeryrenyre. Tai tahe idi bede riõtiniyreri timykibo aõna aõnamy rotÿÿnyramy.

¹¹Hãbu ta Pedro, Joaõboho werora-ki xiery. Idi tahe ibutumy ributumy Salomaõ heto ijõ ahanawo-õ.

¹²Pedro kia robireu tahe, tamy rarybere: —Judeu mahãdu, wadireny itxereõmy, be-deõtidiÿõmy. Jiarÿboho inyruru-di aõkõ ka hãbu reteytenyreny, Deuxu rurudile wahe.

¹³Abraõ, Ijai, Ijaõ kiaboho Deuxu heka hãbu riteytenyra. Tybyreny Deuxu kia heka riwinyra. Deuxu, Kristunimy riwowydynyre, rubu-ribi riixixanyraki. Kaiboho tahe Jesuisi Kristu tedytenye Pilato-õ. Pilato tii riteõnykemy ratxireriu, kaiboho tamy rarybere: —Aõkõre, tii deõdÿÿõmy. Ijõ biteõnyke. Tai tahe rubudÿÿduõ riteõnyre.

¹⁴Jesuisi õraru widÿÿdu aõkõ rarehymy raremyhÿ, ityhydÿÿdu ihÿre, õbiti widÿÿdu ihÿre. Kaiboho tii tetxiõnytenye, tewahinytenye.

¹⁵Umytuedeõna wahidÿÿdu tii rare. Kaiboho tahe terubunye. Deuxu tahe tii riixixanyre rubu-ribi. Inyboho ierydu, iitxeredu ratximyhÿrenyre.

¹⁶Rityhynyrekile hãbu tibina reytemyhÿre. Kia hãbu teerytenye. Jesuisini tyhyna kia riwinyre. Hãbu ibuturu-õ reytera, tai õbitimy raramy ratximyhÿre.

¹⁷Jiarÿ reeryre kaiboho teeryõte aõbo tewinytemy. Tule adinodu rierykõlemy kia riwinyre.

¹⁸Tahe Deuxu tarybe riwahinyre ihetxiu rybedu mahãdu-õ kia wahe tii rarybere Jesuisi rurukremy. Idi tahe irybe uludumy Jesuisi rurure. Iwese Deuxu rarybere wesemy heka irybe uludumy rõhõnyre.

¹⁹Kaiboho ix-i-txi õhõti reakemy Deuxu-õ biõõsekemy. Tai tahe aõraru aribi tii ritakre. Inynyrÿ adeereny kiditeõnyke aõwihikÿmy Deuxu-ribi, biu-ribi.

²⁰Jesuisi Kristu wijityhyle kanaõkre. Aõna aõna juhu rÿimy rareke rexihudi, tahe kanakre.

²¹Tii biukile rarekre wiji. Ijõ bede tÿmyra wihikÿkre iõhõmy rahudi tahe kanakre. Kia bededÿÿnanau tahe rarybere ihetxiu rybedu mahãdu.

²²Tahe Moisesi ijõmy rarybere: —Deuxu rybeduõ kedelekre asÿ, ajoi-ribi tii rarekre. Iwese Deuxu riwatare wese rybeduõmy ararekremy, iwesele tii Inynyrÿ kiditakre. Tamy bohobalenykre irybe aõmybo kanarybekremy.

²³Kia, Deuxu rybedu rybe-õ inyõ roholakõkre-wana, Deuxu tii kanahukre. Kia Moisesi rybe rare, Pedro rarybere.

²⁴Deuxu rybedu sõwemy kia bededÿÿnanamy rarybere. Samueli juhuu rarybere. Idi sõwemy ijõ kiamy rarybere. Ihymy ta wiji kabededÿÿnana roimyhÿre.

²⁵Kaiboho Deuxu ihetxiu rybedu roire atximahãtenyteri Deuxu juhuu rarybere Abraõ-õ. Ariõre-ribi iny sõwemy ruaruakre. Kia ibutumy ariõre hãwã hãwã-ki rasÿnykre. Kia iny-ribi inyõ rõhõnykre ibutumy iny wiõhedÿÿdumy rarekre.

²⁶Deuxu tariõre Jesuisi adeereny riteõnyre aõraru-ribi arahitxinykemy, arawihõnanykemy. Kia tahe Pedro tamyreny rarybere.

4

¹Pedrobobo tamyreny rarybereu, tamyreny rehemynyre Deuxu heto dohodÿÿna mahãduõ, ijõ tahe kia heto itxeredu dinoduõ, ijõ, saduseu mahãduõ. Inataõ ijoi tamy rehemynyre.

²Pedro, Joaõ-wana iny-õ relymy raremyhÿ: —Inyõ Jesuisimy rityhynykeki, tii tule rubu-ribi riixixanykre. Jesuisi dori riixixanyre. Tahe Jesuisi ixixanamy tiiboho re-lymyhÿreki, kia hãbu mahãdu riykaranyrenyre.

³Taita rimyre, Pedro, Joaõ-wana. Rõtëna-õ ridyre. Wijile tahe tamy ixidee roholaõreny, txiorotyhyreki. Biurasou tahe roholakremy riõlõdÿÿnykre.

⁴Iny sõwemy Deuxu rybe-õ kia txuu roholare. 5000 hãbumy, ijõ iny tule. Tiiboho Pedrobobo-õ roholare. Tahe sõwemy rityhynyrenyre.

⁵Itxu biõwamy tahe Jerusalë-õ rehemynyre dinodu mahãdu, matuari mahãdu, judeu bede ywina erydÿÿna mahãdu. Kia ijoi mahãdu ibutumy rehemynyre.

⁶Anasi tule rehemynyre. Deuxu-õ xiwena wahidÿÿdu mahãdu wedu tii ratximyhÿre. Tule Kaifa ijõ, Joaõ ijõ, Alexÿdre ijõre. Anasi sÿ mahãdu tule ijõre.

⁷Tahe dinodu mahãduõ Pedrobobo ritamadÿÿnyre ibutu kia mahãdu koõ. Tahe ritÿÿraxinyre: —Aõrurudibo iny teteÿtedÿÿnymahãte. Monidibo kia tewinytenye.

⁸Ta Pedro tykymy heka Deuxu Tyytybytyhy ralore. Idi tamyreny rarybere: —Iny dinodu mahãdu, matuari mahãdu, adeereny ararybekre.

⁹Hãbu tibina aõmydÿÿnanamy tiwatÿÿraxinyte-wana, adeereny kiamy arirawyonÿnykre.

¹⁰ Jesuisi Kristu Nazare hãwã luduni-di kia rybe ruru-di rewinyrenyre. Kia tahe bierybenyke. Kaiboho dorikÿhe Jesuisi itxeò nihikÿ-ò teukotenyte. Deuxu tahe riixixanyre rubu-ribi. Tai tahe ka hãbu reytemy rÿimyhÿre.

¹¹ Jesuisi manaò wesemy ratxireri. Kia-di rehure heto widÿÿduò. Wiji tahe heto idile rÿimyhÿre. Kaiboho Jesuisi-di tehute heto widÿÿdu mana-di rehure wese. Wiji tahe Jesuisi Deuxu heto dinodu rarekre.

¹² Tamy inyò rityhynyòkeki, òraru-ribi ritaòtyhy. Ijòni aòkò iny rityhynyke, Jesuisi nile iny rityhynymy rÿikrele, òraru-ribi ritamy rÿirakre.

¹³ Pedro, Joaò-wana brebuò-di kia rybe ritÿnynyre. Tai iny bede riòtiinyrenyre, tiiboho dori tyryiti erydu aòkò roire. Urile Jesuisi-wana roiremyhÿ, kiale iny rieryrenyre.

¹⁴ Hãbumy inyboho robirenra juhoo itibinamy. Tai tahe inyò aòbinamy tamyreny rybedu aòkò rare, hãbu tibina riteytenyrenyaki.

¹⁵ Tahe ibutumy iny dohodÿÿna heto wo-ribi riteònyre. Tahe wimy rarybere:

¹⁶ –Aõhebo rokotÿÿnyrenyke kia hãbu-di. Inatyhymy tiiboho aòwiihikÿ riwinyrenyre. Kia rikixiònyrenyòtyhy. Ibutumy Jerusalê hãwã mahãdu kia rieryre.

¹⁷ Tai kiamy rokotÿÿnykre. Tamy rakarybekre tiu Jesuisimy ixby rybeòmykremy. Tai Jesuisimy rybe-di rikixiãwãdidÿÿnykemy. Inyò-ò kiamy rarybeòtyhy. Kiawese raryberenyre rybe ywidÿÿdu mahãdu.

¹⁸ Idi tahe rarariòwyre Pedro Joaò-wana tamyreny rarybere: –Jesuisi nimy rybeòmy, bibedeerynyòtyhy irybemy.

¹⁹ Tahe Pedro, Joaò-wana tamyreny dirawyònyde: –Aõbo awityhyre. Inyboho arybe arityhynyke aõbo ada Deuxu rybe aõbo arityhynyke.

²⁰ Aõbo jiarÿboho rabirenyré, raholarenyré, kialemy araryberenykre. Inyò riwarybebi-nanyòtyhy.

²¹ Idi ta ixityre tamyreny raryberenyre, rybedÿÿòkemy. Tahe riteònyrenyre. Tamy aòwidÿÿòmy rÿimyhÿ hãwã mahãdu dee ruberurenreki. Hãwã mahãdu dori Deuxu reálãmyhÿre hãbu riteytenyrenyaki.

²² Kia hãbu dori 40 beora ratyremy tabeòra-di ratximyhÿre riteytenyrau.

²³ Pedroboho rexitamy roirenre, ityhydÿÿdu seriòre òrysmy roirenre. Tahe tiiboho tamyreny relyyrenyre iwese dohodÿÿna heto wedu matuari mahãdu-wana tamy rarybere wesemy.

²⁴ Tahe wiwese wesele ròhòtynreri wese, Deuxu-ò rexitòenyrenyre: –Kai, Waha, iny-lòlòreny atximahãte.

²⁵ Kai, ibutuwidÿÿdu tarybete: Davi, inytybyreny-di tarybete Atytybytyhy tamy ritÿnynyre, iwese tii rarybekemy. Davi eòdumy raremyhÿ. Irybe tyryiti-ki roimyhÿre kiamy: –Judeukòdu mahãdu raykarananyreri. Kia awimy aòkò ihÿre. Waijoi aò òbitinadibo aòkò ròhòtynreri.

²⁶ Dinodu mahãdu wiributunyre Deuxuòludumy rÿikremy. Tule Kristu, kia Deuxu deòdÿÿna òludumy rÿikremy.

²⁷ Arybe-ki, Waha, kia ritidÿÿna roire. Tule Waha, inatyhy rare. Ka hãwã-ki, Herodi, Poncio Pilato, Judeu mahãdu, Judeukòdu mahãdu, kia ibutumy ributunyre ariòre Jesuisi òludu rÿirakremy.

²⁸ Tiiboho riwinyre iwese kai tarybete wese, Waha, kia aòmydÿÿnanamy rÿirakremy.

²⁹ Kai, Waha, teeryte iwese tiiboho raryberemy, aõma, rybeòmykemy. Tahe eòdu bi-wiòhenanykre arybe-di ihãrele rarybekemy brebuò-di.

³⁰ Biwiòhenanykre, Waha, eòdu mahãdu, webinadu mahãdu riteytenykeny. Tule aõna aõna wiwihikÿ riwinykremy, Jesuisi, Ariòreni òraru-ki kia riwinykremy.

³¹ Tahe ixitòedÿÿna rexihureu, heto ramytatamy. Deuxu Tytybytyhy ibutumy iny tykymy ralore. Tai tahe Deuxu rybe rarybemyhÿre. Brebumy aòkò tiiboho relymymhÿrenyre.

³² Ityhydÿÿdu mahãdu iaõna aõna-di wii riwiòhenanyre. Inyò rarybeòhyra: –Kaa wahòò sohojile rare. Ibutu aõna aõna ibutu hòròmy rÿimy raremyhÿ.

³³ Deuxu Jesuisi erydÿÿna mahãdu riwiòhenanytyhyre irybemy relyyrenyre, kia Jesuisi rubu-ribi ixixana rybemy. Deuxu teysana tamy riwahinyre tule iny sòwemy iluurenyre.

³⁴⁻³⁵ Tai tahe ityhydÿÿdu mahãdu aõna aõnamy rasiranyòhyra. Ityhydÿÿduò ityhymy rÿirakeki, taheto, tasubede rohonyre tahe nieru Jesuisi erydÿÿna mahãdu-ò diwyde. Idi tahe tii ritxuatxuumy riwahinyre ibutu-ò timybo iny sohoji sohoji tuu rurumy rÿiramy.

³⁶⁻³⁷ Jyje tule kiawesele riwinyre. Tasubedeò-di rohonyre, idi iòwy nieru diwyde Jesuisi erydÿÿna mahãdu-ò. Jesuisi erydÿÿna mahãdu Jyje rininire, Banabemy. Kiani inrybe-ò riwiurònyre, rybe-di wiòhedÿÿdu kiani rare. Tii Levi mahãduò rare, Xibri bedebutesÿdu tii raremyhÿ.

5

1 Idi tahe tule ijõ hãbu, Anania ninadu, tahãwyy Safira-wana tasubederenyõ-di roho-nyrenyrene.

2 Iõwy tahe txuralemý diwyde Jesuisi erydÿÿna mahãdu-ò tasubede õwyreny ibutumy risÿnyrenyrenyri.

3 Tahe Pedro tamy rarybere: —Aõherekibo Satanasi-ò taholamy araykywo-ki atxiteri Deuxu Tytybytyhy-ò taruiteri. Aõherekibo iõwyjura-di atxiteri.

4 Juhuu asubede tahonyõteu, ahõrõ rare. Aõhe, inatyhy? Inyõ adee rarybeõre idi bohonykemy. Idi tahonyteu, tahe, nieru ahõrõ rare, aõhe inatyhy. Aõherekibo aõbinahãkÿmy tahõtinyteri. Hãbu-ò aõkõ heka taruiteri Deuxu dee.

5 Kia-ò Anania roholareu, rurulemy resere. Tai ibutumy iny ruberutyhyre.

6 Weryrybõ tahe iumy rihetynyre. Tahe ritamadÿÿny nymy riwyre rihãloonykemy.

7 Inataõ òra bededÿÿnanamy reare tahe Safira, Anania hãwyy rehemynyre. Aõ heka rieryõhyyre tahãbu rubuna rieryõhyyre.

8 Pedro tamy rÿÿraxire: —Tiwesemybo asu teõwynyta —ahãbu rarybere wesele aõbo. Tahe tii dirawyõnyde: —Kohe, iwesele rakõwõnyre.

9 Ixityre Pedro rarybere: —Aõherekibo ahãbu-wana kai taruiteri. Tii teurihite aõbo riwinykeõ. Beteheke, weryrybõ ahãbu loodÿÿ-ribi rehemynyrenyri. Tule tii aradykre rubumy.

10 Tule tii aõwesele rurulemy resere. Weryrybõ mahãdu ralore. Tai riwyre ritoonykre tahãbu biremy roikemy.

11 Tai tahe ibutumy ityhydÿÿdu mahãdu ruberure. Ibutumy kia-ò roholareu, tule ruberumyhÿre.

12 Jesuisi erydÿÿna mahãdu sõwemy wowydyna aõmydÿÿnana riwinyrenyrene. Tule deyte-nawiwihikÿtyhy sõwemy riwinyrenyrene. Ityhydÿÿdu mahãdu wii ributunymyhÿre Deuxu dohodÿÿna heto ube-ò. Salomaõ ubetyhy inire.

13 Kaa hãwã mahãdu dori sõwemy ruberumyhÿre Jesuisi erydÿÿna mahãdu-ò wiutadã lau. Tamy rabutuõhyyre ijohonamy. Ihãrele tahe ijõ rityhynymyhÿre, ityhydÿÿdu mahãdumy ralokemy. Aõbinatyhymy heka inyõ ityhydÿÿdu mahãdu dee raryberenyõhyyre.

14 Ityhydÿÿdu mahãdu rasõwerenymyhÿre. Hãbu, hãwyy tule ralõmyhÿre Inynyrÿtyhy-ò.

15 Webinadu mahãdu iny ridymyhÿre ryõ, hãwã hãwã-ribi. Tai Pedro nonana-ki riraõmy roimyhÿ byretyre-ki, herina tyre-ki. Pedro ubõrõ webinadu-txi reakemy tai riteytenykemy rexinohõtinyre.

16 Ibutumy Jerusalẽ-ribi iõhõmy rÿira mahãdu nade webinadu-di, tule iny tyytybybina-di didyde. Tai tahe ibutumy reytere.

17 Kiawenedÿÿdu wedu mahãdu, Jesuisi erydÿÿna mahãdu-ò rexinaanymyhÿre. Tule kiawedu eryna mahãdu riwiõhenanyre. Saduseu imahãdu ni rare.

18-20 Tai tahe xiwe wedu mahãdu, Jesuisi erydÿÿna mahãdu rimyrenyrene idi rehurennyre hãwã rõtewano-ki. Rumy tahe Inynyrÿ ÿjuõ riraynyre ijõ, tahe ridyre ahana-ò. Tamyreny rarybere: —Boibenyke Deuxu àlana heto-ò. Bexideõsinybenyke iny sõwehekÿ-ò. Tamyreny bitÿnynybenyke timybo Jesuisi umytÿmyra inydee riwahinymyhÿre.

21 Iwese ÿju rarybere wese, txuu ratÿnyreu, dohodÿÿna heto-ò ralomyhÿre. Tai ri-erynarenymyhÿre. Tahe xiwena mahãdu wedu dehemynde, tii-wana ratximyhÿ-wana. Israeli nohõtí juradÿÿdu mahãdu ributudÿÿnyre. Ibutumy judeu mahãdu, matuari mahãdu bedeerytyhy mahãduõ rare. Tahe soldado itxeredu-ò riteõnyre rõtewano-ò iõrysnyrenyri.

22-23 Tahe roirennyre. Rõtewano-ki tai rahaõre. Rõõsere tamy relyyre: —Rõtewano-ò rehemynyra. Txiõtõbõhõkÿlemy rÿire. Tahe reraynyreu, aõho aõkõ rare.

24 Dohodÿÿna wedu xiwena wedu-wana kia roholareu, tiibohe rexierenyõhyyre aõbo riwinyrenykeny, aõhebo rotÿÿnyrenykeny.

25 Iwesemy rõhõtinyrerikõnalemy, inyõ dehemynde. Tai rarybere: —Rõtewano-ki tetidite mahãduõ, dohodÿÿna heto-ki ratxireri. Iny kowa ritohonyrenyri.

26 Tai tahe soldado dinodu, soldado itxeredu-wana riõryre ta didydenyde ywilemy. Tamy heka aõhe risÿnyõhyyre mana hunã-di tamyreny kedehukemy heka soldado rõhõtinyre.

27-28 Tahe dehemynde ritamadÿÿnyre inysõwe weduko-txi. Tahe wedutyhy rybe ritalenyre: —Jiarÿboho heka juhu adeereny rarybere uritere Jesuisi nimy bede erydÿÿnyrenkõmyre. Ihãrele tahe tuu tebedeeryntyenta ibutumy Jerusalẽ hãwã iny-ò. Ibutu-ò aeryna-di tariate. Wamy tarybetenyteri jiarÿboho Jesuisi rerubunynyramy.

29 Tahe Pedro tajoi-wana rarybere: —Iwese Deuxu wadeereny rarybere wese, arityhynyrenykre. Hãbuõ iwitxiramy wadeereny rarybekeki, tiu arityhynyõtyhy.

30 Kaibohe inatyhymy Jesuisi terubunynyente. Õwõru nihikÿ itxeõ-ò tetamadÿÿnyntyente. Inytyby Deuxu tahe rubu-ribi riixixadÿÿnyre.

³¹ Deuxu tarurunawe-ribi debò-di biu-ò ritamadÏÏnyre ibutu iòlòmý rarekemy, ibutu tarasadumý rarekemy. Tai ibutu Israeli ijoi mahãdu-ò òraru bedewona ixãwina ri-wahinykemy.

³² Inyboho heka kia aõmydÏÏnamý robimyhÏreny, tai heka reerymahãreny inatyhy raremy. Inyò Deuxu rityhykeki, tii Tatytybytyhy tamý kidiwahinyke. Tii tule kia aõmydÏÏnamý rarybemyhÏre.

³³ Xiwena wahidÏÏdu mahãdu wedu tamý roholarenyre, rakyarananyrenyre, irubudÏÏmy idi ratximyhÏ.

³⁴ Tahe fariseu mahãduò lamamý rÏire. Õnosõna erydÏÏduò tii ihÏre. Ibutumý iny tii riijemyhÏre rityhynymyhÏreki. Kamalie heka inire. Tahe tii rarybere: –Jesuisi erydÏÏna mahãdu-di biòlõnyke urihimýò ahana-ò.

³⁵ Idi tahe tajoi-ò rarybere: –Hãbu, Israeli mahãdu, bexiijebenyke kia hãbu-ò, aõhebo botÏÏnybenyke.

³⁶ Kaiboho dori òhõtireny beabenyke Teudani-txi. Juhuu dori dinoduòmý tii raremyhÏ. Tii ixiòlòdÏÏnihikÏmy iximý rarybere. Sõwemy heka iny tii-wana raremyhÏ tahe 400 hãbumý ihemy rare. Inyò tahe rirubunyre rityhynymyhÏre mahãdu tahe iribi raubÏÏtÏre. Tahe aõ heka rimýòhyre, ibutumý iõre.

³⁷ Iwitxirau ijõ-txi òhõtireny rearenyke. Judasi inire. Tii Kalileia mahãduò rare. Iu bede dinodu iny-di rariareu tahe, tii rexiòlòdÏÏnyre. Sõwemy iny riheludunyre. Tii tule rurure. TaityhydÏÏdu mahãdu tule raubÏÏtÏre.

³⁸ Tule wahe kahãbu mahãdu rare ixinamý biteònyke. Hãbu kia aõmydÏÏnana dinodukeki, aõmy aõkõ relekre.

³⁹ Deuxu tahe idinodukeki, tiu heka idi behuòtyhy. Deuxu òludu wesemy heka kai tesumahãte. Tai tahe Kamalie rybe-ò ibutumý rityhynyrenyre.

⁴⁰ Didyde he Jesuisi erydÏÏna. Rihetenyre. Idi tamýreny rarybere: –Rybeõmyke Jesuisi nimý. Tahe ixinamý riteònyre.

⁴¹ Tiiboho iribi reixarenyre, reysatyhymý ratximyhÏ, Jesuisini òraru-ki dorikÏhe tiiboho aõhòkÏmy rotÏÏnyrenyraki.

⁴² Txuò txuõlemý RybewihikÏ ritÏÏnynymyhÏrenyre dohodÏÏna hetomy dori, heto hetomy tiiboho rarybehyumý rÏimyhÏre: –Jesuisi inatyhymý Kristu rare, Deuxu deòdÏÏnamý nade.

6

¹ Tahe ityhydÏÏdu rasõwetyhynymý rÏiramyhÏ. Iu ityhydÏÏdu wytese mahãdu-ò rÏÏsÏna riwahinyhÏre, grego rybedu rexinaanymyhÏre rÏÏsÏna wahidÏÏdu mahãdu dee. Judeu mahãdu wytese sõwemy rÏÏsÏna ritamyhÏrenyre waratyrereny. Kia wesemy heka judeukòdu mahãdu rarybere.

² Jesuisi erydÏÏna waò inatxi reurò mahãdu, ibutumý ityhydÏÏdu didydenyde kia aõmydÏÏnana-ò roholakemy. Tahe raryberenyre: –Deuxu rybe erydÏÏ rikiixãwidinyrenykeki, wytese rÏÏsÏna ariwahinyrenykeki, kia heka òbiti aõkõ rare.

³ Tai tahe kaiboho hãbu mahãduò bitabenyke ayreny-ribi debò inatxi reurò hãbumý bitabenyke. Hãbu tyhydÏÏnale, Deuxu Tyytybytyhy-di tÏximý rÏiralemy, iny bedeeryhykÏle, kiaweselemý hãbu bitake. Tiiboho dori aõna aõna ywisidÏÏdumý roirekre, kiawesemy iaõmysÏdÏÏnarenyke.

⁴ Tai jiarÏboho arexitòenywãhãrenykeki watxiwãhãrenyre. Deuxu rybemy arierynanymahãrenyke. Kiawese Jesuisi erydÏÏna mahãdu rarybere.

⁵ Ibutumý heka tuu rarybere, tamýreny awire. Tai tahe hãbu mahãdu ritarenyre. Estevaò ijõre, tii Deuxu Tyytybytyhy-di tÏximý rÏira, tatyhy-na-ki tÏximý rÏira. Filipi ijõre, Prokoro ijõre, Nikanu ijõre, Timaò ijõre, Parmena ijõre, Niolau ijõre, Niolau tahe Atxiòkia mahãdu juhuu rare. Judeu bede erydÏÏna tyhydÏÏdu juhuu tii rare.

⁶ ItyhydÏÏdu mahãdu tiiboho didydenyde Jesuisi erydÏÏna mahãdu-ò. Deuxu-ò rex-itòenyrenyre tahe Jesuisi erydÏÏna ityre tebò ritidirenyre.

⁷ Deuxu rybe heka ibutu ijohonanamý rÏire. ItyhydÏÏdu mahãdu-ò sõwetyhymý tamý ralòmýhÏre Jerusalê hãwã-ki. Xiwena widÏÏdu tule sõwemy Jesuisi rityhynyre.

⁸ Estevaò heka Deuxu luuna sõwemy ratximyhÏre. Sõwemy Deuxu ruru-di ratximyhÏre. Deuxu urihixina nihikÏmy inyko-ò riwinymý raremyhÏ. AõdeytenawihikÏ wesemy tule riwinyre.

⁹ Kowa hãwã-ki tahe judeu dohodÏÏna heto iwitxira rÏimyhÏre. Libertu mahãdumý rexininire tajoi. Imahãduò Sireneu ludu rare, ijõ AlexÏdria hãwã luduò rare. Tiiboho doidenyde Estevaò-wana rybe ritxiònykemy. Silisia bede luduò-ribi, Afia bede luduò-ribi tii-wana doidenyde.

¹⁰ Estevaò rarybere bedeerynihikÏ-di. Kia mahãdu tahe irybe weseõre. Estevaò dori, Deuxu Tyytybytyhy-di ihÏre.

¹¹ Tai tahe hãbuõ-ò raryberenyre: —Kaiboho heka Estevaõ dee maruibenykre. Jiarÿboho dori araõwynyrenykre. Kawesemy maruibenykre, my: —Jiarÿboho Estevaõ rybe-ò raholamy rãiwãhãrenyre. Tii Deuxumy aõbinahakÿlemy rarybemÿhÿre, Moisesimy tule.

¹² Kia-ki heka Estevaõ dee iny raykarananyre, judeu matuari mahãdu tule tamy raykarananyre. Ibutumy Estevaõ õrysmy roirenyre tahe rimyrenyre, ridyrenyre rybe ywisidÿÿna-ò.

¹³⁻¹⁴ Tahe ruidu mahãdu didydenyde. Tahe tiiboho raryberenyre, my: —Ka hãbu heka Deuxu dohodÿÿna hetomy ibinamy narybede. Tii rarybere Jesuisi Nazare ludu iny dohodÿÿna heto kidibõhõnykre. Jesuisi iny aõmydÿÿnana kidiwitxiranykre, ibutumy Moisesi inydeereny rierynanyre.

¹⁵ Ibutumy iny ywisidÿÿna mahãdu Estevaõ-ò retehere. Iõsana, ÿju õsÿnÿwesehekÿlemy tamy rõhõtinenyrene.

7

¹ Tahe xiwe wedu Estevaõ-ò rÿÿraxire: —Kia aõbohe inatyhy rare.

² Estevaõ tahe dirawyõnyde. Wanyrÿboho, Wahaboho, Ijyymy adeereny arelyykre. Warybe-ò boholabenykre. Mesopotamia bedeki Deuxu biu-ribi rexitÿnyrenyre Abraõ-ò, inytybyreny-ò, Harã hãwã-ki rasÿnyõre.

³ Tamy Deuxu rarybere: —Abede-ribi boibenykre. Alahi riòkõre mahãduy-ribi makre. Manakre ijõ bede-ò adee dori asÿbede ariurihikre.

⁴ Iribi tahe Abraõ Kadeu mahãdu bede-ribi roirenyre Harã hãwã-ò tai rasÿnykemy. Iribi tahe tyby rurure, Deuxu kaõ didyde ka bede-ò titxibo kaiboho wiji tasÿnymahãtemy.

⁵ Abraõ-ò sÿõ riwahinyõre timy urihimÿdõhy. Tahe idi tamy riwahinykemy, iriõre-ò riwahinykemy Deuxu tamy rarybere. Abraõ iriõreõre, ihãrele Deuxu tusÿmy tamy rarybere.

⁶ Tule Deuxu tamy rarybere: —Ariòkõre ijõ bedeki rasÿnykre 400 beõramy. Kowa ariòkõre heka deõdu wesemy raaõmysÿdÿÿkre. Iwedu mahãdu heka ibinamy idi rarekre.

⁷ Jiarÿ tahe iny ariõwynykre, Deuxu rarybere, ibinamy widi rÿira mahãdu. Iribi ka bede-ò kòdõhõnykre wamy kaki reãlãmÿhÿkemy.

⁸ Idi urihixinaõ Abraõ-ò Deuxu riwahinyre, tõhõti itxi reakemy. Uladu notyyresyna aõmydÿÿnana tamy riwahinyre. Idi tahe Ijai reareu, Abraõ Ijai notyy riorore debõ inataõ reurõ txu-di. Iribi tahe Ijai tariõre Ijaõ ritõtykorore. Iribi tahe Ijaõ tariõre notyky riorore. Tiiboho waõ inatximy riõrenaduõ roire. Inatyhymy tiiboho inytybyreny rare.

⁹ Idi waõsohoji inytybyreny mahãdu Jyje dee rexiwobinanymÿhÿre. Idi rohonnyre Egito-ò ramÿhÿre mahãdu-ò. Tahe Deuxu tii-wana raremÿhÿ.

¹⁰ Iaõhõkÿmy dÿÿnana-ribi Deuxu ritamÿhÿre. Egito iòlò, Faraõmy ninadu rare. Deuxu heka Jyje luumy Faraõ risÿnyre. Faraõ rue-ò heka Jyje bedeerydÿÿna sõwemy ratximÿhÿre. Faraõ ibutu dinodumy Jyje risÿnyre. Tule Iòlõheto-di itxeredu tyhymy Jyje ronyre.

¹¹ Ramamy rubu nihikÿ dehemynde ibutusu-ò, Egito-ki, Kanaã bedeki. Sõwemy iny aõhõkÿmy rotÿÿnyre. Inytybyreny rÿsÿnaõ-ki rahaõhyre.

¹² Egito maixõmo rÿimÿhÿreõ, Ijaõ roholare. Tahe inytybyreny riteõnyre iõrysmy.

¹³ Idi tahe ixityre iõrysmy riteõnyre, Jyje tamyreny rexideõsinyre. Tai tahe Faraõ Jyje sÿmahãdu rieryre.

¹⁴ Tahe tyby-ò Jyje tarybe riwahinyre tamy sÿmy kanakemy ibutu imahãdureny-wana. Tiiboho 75 inymy rimyre ibutumy.

¹⁵ Tai tahe Egito bede-ò Ijaõboho roirenyre. Iribi tahe Ijaõ rurure. Idi tahe ibutumy inytybyreny rurure.

¹⁶ Tahe iumyreny diwyde ritoonyre wabede-ò, Siken i hãwã-ò. Abraõ kia wabede juhuu riwyre nieru-di, Emo riõre-ribi.

¹⁷ Deuxusÿ-ò wahidÿÿna juhuu rarybere Abraõ-ò. Ibededÿÿnana iòhõre Deuxu tamy riwahinykemy. Inyboho Egito-ki rasõwemyhÿrenyre.

¹⁸ Ikonanau tahe iòlò iwitxiramy ròhõnyre Egito bede iòlõmy. Tii Jyje rieryõre.

¹⁹ Tii iny ijoi riitxenanymyhÿre. Tii heka ibinatyhyre inytybyreny-ò. Uladu-di heto-ribi rehukemy riteõnyre. Tai iny riõrereny ituerenyre.

²⁰⁻²¹ Iu tahe Moisesi reare. Tii uladu ruxeratyhyre. Tii tahetotyhykile raumyreny inataõ ahãdumy idi rÿire. Heto-ribi dõhõnydeu, Faraõ riõre rimyre itibiedÿÿmy tariõre wesemy.

²² Ibutumy Egito bedeerydÿÿnana tamy rierynanyre. Tii heka rexiòlõnyre rybeduni-hikÿmy aõmydÿÿna widÿÿdu nihikÿmy.

²³ Moisesi iny inatxiwa itue beõra-di rÿireu, tamahãdu, Israeli mahãdu roramy nade.

²⁴⁻²⁵ Egito mahãduõ Israeli mahãduõ rihetenyreu, Moisesi tuu robire. Tahe Moisesi tii rirubunyre, Israeli mahãduõ riwiõhenanykemy, Egito mahãduõ rexiõwynymy. Deuxu Moisesi debõ-di iny ritakre. Kiamy tahe Moisesi mahãdu rierykremy Moisesi rõhõtinenyrene. Tahe aõkõre rieryõhyre.

²⁶ Ijõ txu biòwamy tahe Israeli hãbu inatximy wiwana ròrenymyhÿ. Moisesi ronrye iyreny-txi riixãwididÿÿnykemy. Rarybere: –Kaiboho seriòre toite, aðherekibo wii tehetenytenyteri.

²⁷ Kia òhòtedu Moisesi ritorunrye rarybere: –Mobo he wawedurenymy arasÿnyra, awaywisidÿÿdu renymy.

²⁸ Kai biwarubunykekò aõbo, iwese kau Egito mahãduò terubunyte wesemy.

²⁹ Kiarybe-ò roholareu, Moisesi rahenrye Midiã bede-ò rasÿnykemy. Idi tahe inatxi Moisesi riòremy kowa reare.

³⁰ Iny inatxiwaituemy beòra-di bededÿÿnana riwyre. Tahe Sinai hãwãlò bederahy-ki raremyhÿu, ÿjuò tamy rexitÿnyrye bede rade tòbòhòkÿy-ki tamy roomyhÿre.

³¹ Moisesi kiamy dobideu, bede riòtiinyre. Tamy itxeremy rehemyrye. Tahe Deuxu rybe-ò roholare.

³² Jiarÿ boreny Deuxu watzixerì, Abraò Deuxu, Ijai Deuxu, Ijaò Deuxu. Tahe Moisesi ruberutyhyre, timy heka tamy retehòhÿyre.

³³ Tahe Deuxu tamy rarybere: –Awa bitake, suu awarawo ludu dori, brebuna rare. Jiarÿ heka Deuxu watzixeriki, biwatyhynke.

³⁴ Wiji tahe waijoimy rabireri Egito-ki. Tiiboho aòhòkÿmy rotÿÿnyrye. Ibru-ò raholareri, iohitxi-ò raholareri. Jiarÿ heka aditadenykre iribi. Manake, Egito-ò arateònykre. Kia heka Deuxu rarybere Moisesi-ò.

³⁵ Ka Moisesi heka Israeli mahãdu juhoo teramy reare. Tamy rarybere juhoo mobo wawedurenymy arasÿnyra, waywisidÿÿdu renymy. Tiile heka Deuxu riteònyre idinodumy rarekemy, tarasadumy rarekemy. Bederade tòbòhòkÿ ÿju, heòtywoludu, iwìòhedÿÿdure.

³⁶ Kaa Moisesi Egito-ribi iny ritamyhÿre. Egito bede-ki beòeryna aõna aõna wiihikÿ-wana. Iwese ahohokÿbesò-ki tule bederahy-ki iny inatxiwaitue beòramy aòmydÿÿnana wiihikÿ riwinyre.

³⁷ Kaa Moisesi heka rarybere Israeli mahãdu-ò: –Ayreny-ribi, amahãdu-ribi rybedu nihikÿmy Deuxu kiditamadÿÿnykre iwese riwatamadÿÿnyre wese.

³⁸ Kaa Moisesi taijoi-di wii ributunrye, bederahy-ki ihÿmyhÿ inybyreny-wana heka ratximyhÿ. ÿju-wana tii ratximyhÿ Sinai hãwãlò-ki iu tamy rarybere. Deuxu rybe tyhy iru-di ratximyhÿ. Tahe rybe bede ywina heka Moisesi-ò Deuxu riwahinyre inydeereny kidiwahinykemy.

³⁹ Tahe inybyreny ityhydÿÿ deramy rare. Reòbyòrenrye. Ixybyle Egito-ò ròòsekemy ròhòtinyre.

⁴⁰ Tahe iny Araò-ò rarybere: –Ritxoo deouxò inydeereny biwinyke inykorenymy rakemy. Moisesi, Egito-ribi iny ritarenrye, tahe titxibo ihÿre reerynyòre.

⁴¹ Kiatxu tahe broreni riòreò riwinyre. Tahe xiwemy ritoonyrenrye iko-ò, ritxooko-ò. Rexideysanyrenrye aõbo tebò-di riwinyrenryeki.

⁴² Tai tahe Deuxu rexitare iribi, taina rityhynkemy. Iwese rybeduò iu tyriti-ki riritinyre wese:

–Israeli mahãdu, kaiboho xiwena tetoonytenyte, iròdu xiwena tetoonytenyta. Wade aõkò tahe kia tetoonytenyta 40 beòramy bederahy-ki.

⁴³ Kaiboho tewytenyta ritxooheò riòre. Mòlòki inire, aritxoo deouxuni. Tule Renifa taina ijò aritxoonire. Kia tewytenyte, tetyhynytenyte wahe. Tai tahe arateònyrenkre Babilonia weribihikÿ-ò wahe.

⁴⁴ Inybyreny heka Deuxu rybe bede ywina tyky heto riwinyryehÿre bederahy-ki. Iwese Moisesi-ò Deuxu riteònyre wesemy kia riwinyryehÿrenrye.

⁴⁵ Iribi tahe inybyreny tatyby-ribi tyky heto ritare, tii-wana riwinyryehÿre kabede-ò, Josue tadinodu-wana. Iu Deuxu iko-ribi riteònyre, ibutumy tai sÿ mahãdu tii-wana riwinyryehÿre, ihÿy tahe Davi reare.

⁴⁶ Deuxu heka sòwemy Davi luure. Davi heka rexitònyre Ijaò Deuxu dee heto riwinykemy.

⁴⁷ Tahe tii aõkò riwinyre, Salomaò iwìdÿÿdure.

⁴⁸⁻⁴⁹ Deuxu biukisÿdu tahe hãbu widÿÿna heto-ki rasÿnyòmyhÿre. Iwese Deuxu rybeduò rarybere wese:

–Biu tahe warynana rare, bede tahe wawa elehyna rare. Timybo inyò wadee heto riwinyke, Inynryÿ rarybere. Iwo-ki tahe waelehyna arihynyòkre.

⁵⁰ Deuxu rarybere:

–Ibutumy aõna aõna jiarÿ rewinyre.

⁵¹ Tahe Estevaò rakonananyre he tamynrye rybena heka ròhònyre: –Kaiboho araykyterenyre. Deuxu Tytybytyhy rybe-ò taholaòhymahãtenyte. Iwese iny tybyreny riwinyrenrye wesemy.

⁵² Ibutumy Deuxu rybedu mahãdu-ò ibinamy iny tybyreny riwinymyhÿreny. Tiu ihetxiu Deuxu òbiti hãbu kanakeò, tiiboho raryberenyreu, rirubunyre irybedu. Kaiboho tahe Deuxu òbiti hãbu-di ijò-ò tewahinyteny, terubunyenye.

⁵³ Deuxu bede ywina ÿju mahãduò adeereny diwahinydenyde, kia bede ywina kaiboho tetateny, tahe tetyhynyòhyamahãteny.

⁵⁴ Tahe kiamy Estevaò rarybereu, tiiboho heka rebure nihikÿre. Urile txyde-ki ruru-amyhÿre tamy.

⁵⁵ Estevaò tahe Deuxu Tytybytyhy-di iwoki ratximyhÿre. Tahe biu-ò retehere: Deuxu loosònamy robire. Jesusimy robire lamamy rÿire Deuxu rurunawe-ribi.

⁵⁶ Tahe Estevaò rarybere: —Jiarÿ wa rabireri biu juxahakÿmy. Jesusimy rabireri Deuxu deòdÿÿna. Lamamy heka rare Deuxu rurunawe-ribi.

⁵⁷ Tahe rryrymyhÿre, tòhòti riòbònymyhÿreny, rajjeranyre tamy.

⁵⁸ Ridyre hãwã-ribi, mana-di tahe tamy rehumyhÿre, rirubunyenye. Erydÿÿna ijydu tahe taderamy ririrenyre Saluko-txi tamy riyrubunykemy.

⁵⁹ Iu mana-di rehureu, Estevaò rexitòenyre: —Wanyrÿ, Jesuisi, watytyby kai bimyleke awana ararekremy.

⁶⁰ Tahe tatiowotimy resere, rryryre: —Wanyrÿ, kia òraruna iòwydÿÿomyke. Idi tahe rurure.

8

¹ Salu tahe kia òbitimy raremyhÿ ròhòtinyre, Estevaò rurureu.

² Iribi tahe ityhydÿÿdu mahãdu aòhòkÿmy rotÿÿnymyhÿre. Judeia wedu mahãdu dori, iòludumy rÿimyhÿre. Tai tahe ityhydÿÿdu sohoji sohoji Jerusalè hãwã-ribi ròhònyre. Urile Jesuisi erydÿÿna mahãdu sohojile rÿire. Judeia bede hãwã mynamyna robÿÿÿre, Samaria bede-ò tule. Tahe hãbu ityhydÿÿduò Estevaò umy riwyreny rehihòonykemy. Tahe rahinymyhÿreny, rirajuamyhÿreny.

³ Salu tahe ityhydÿÿdu mahãdu hudumy. Wii risÿnymyhÿre. Ihetorenywo-ò ralòmyhÿre tahe ridymyhÿre hãwyy, hãbu, ròtenawo-ò riròtenykemy.

⁴ Iu tahe ityhydÿÿdu mahãdu ijò bede-ò roire mahãdu Deuxu rybemy relyymyhÿre ibutu hãwã-ki.

⁵ Filipi ijò raremyhÿ. Tii Samaria hãwã-ò rehemyreny. Tahe Kristumy tamyreny relyyreny.

⁶ Iny sòwemy rityhynyreny aòmybo Filipi rarybemyhÿremy. Tahe deytedÿÿna wiwihikÿmy iny robimyhÿreny, tytybybina deòdÿÿnamy tule robirenyre.

⁷ Tahe riteòenyre, tytybybina iny-ribi ròhònyre, rirajuamyhÿre. Tule iny webinadu raraserasemy roimyhÿre, tule inytiere-wana. Tahe ibutumy ritytenymyhÿre.

⁸ Tai tahe ka hãwã-ki deysana nihikÿ rÿire.

⁹ Samaria hãwã-ki tahe hãbuò raremyhÿ. Simaò inire. Tii wodohonana widÿÿdu ihÿre. Iny riitxenanyhÿre. Tahe riòtiinyreny. Tii iximy rarybemyhÿre moò wiwihikÿmy raremyhÿmy.

¹⁰ Ibutumy iny tii rityhynyreny, hãbu wedu mahãdu tule, hãbu aòtxile mahãdu tule. Tiiboho raryberenyre: —Simaò Deuxu ruruna rare. Ruruna nihikÿ inire.

¹¹ Tiu bedeu aòkò iny riitxenany raremyhÿ, riòtiinyreny. Tai tahe rityhynymyhÿreny.

¹² Iu tahe Filipi Jesuisi Kristunimy, Deuxu òlònamy tamy relyymyhÿre. Tai tahe rityhynymyhÿre, raratysebemyhÿreny.

¹³ Iribi tahe Simaò itxenadÿÿdu tule Jesusimy reòbyre, raratysebemyre. Tahe Filipi-wana ihyy ròirenyre bede òtiidÿÿna-di retehemyhÿre aòbo Filipi riwinyremy.

¹⁴ Samaria hãwã mahãdu tahe Deuxu rityhynyre. Kia-ò Jesuisi erydÿÿna mahãdu rohol-are Jerusalè-ki. Tai tahe Pedro Joaò-wana riteòenyrenyre kowa-ò.

¹⁵ Rehemyrenyreu, Deuxu-ò rexitòenyreny Deuxu Tytybytyhy tamy kanakemy.

¹⁶ Inyò dori Deuxu Tytybytyhy-di rÿiòmyhÿ. Urile Jesuisi Inynyrÿni-di raratisebedÿÿmy rÿiramyhÿ.

¹⁷ Tahe Pedro Juaò-wana tebòreny ityreny ritidire. Tahe Deuxu Tytybytyhy tamy nade.

¹⁸ Kiamy Simaò robire, aòma, debòtidina-di Deuxu Tytybytyhy nade.

¹⁹ Tai tahe tamy rexitòenyre: —Ka heka wanieru rare. Bidiwahinyke kia ruruna. Tahe inyò tyre wadebò aritidikeki, tamy Deuxu Tytybytyhy kanakemy.

²⁰ Tahe Pedro tamy dirawyònyde: —Aòkòre, anieru rakemy watxireri awanale rububede-ò. Deuxu ruruna dori anieru-di biwykemy mohòtinyke.

²¹ Kia heka aòmysÿdÿÿnakòre wayreny-ki. Arayky, awo, òbitimy aòkò ratximyhÿre Deuxu dee.

²² Mabedewomy atximahãke aòraruna-ki, aòbo tahòtinyte. Bexitòenyke Inynyrÿ-ò tii òsana aòraruna-ribi araxãwididÿÿnykemy.

²³ Kai dori texiwaritinyamahâte. Aðaruna adi nararotinymyhÿde.

²⁴ Tahe Simaõ tamy rarybere: –Wadee bexitöenybenyke Inynyrÿ-ò, kia aõkõ waki kÿnyikemy, aõmybo tarybetenyteki aõbo.

²⁵ Iribi tahe, Pedro Juaõ-wana Inynyrÿ rybemy rarybemyhÿrenyre, relymyhÿrenyre tai. Söwemy Samaria bede hãwã hãwã-ki Rybewihikÿ relymyhÿre, Jerusalë-ò ròðserenyreu.

²⁶ Filipi Samaria hãwã-ki raremyhÿ. Tahe Inynyrÿ ÿjuõ tamy rarybere: –Bexiywinyke, make ibòð-ò. Kasa hãwã ryhykÿ bimyyke. Jerusalë-ribi rry rare, bederahy-ki rare. Tahe Filipi rare.

²⁷⁻²⁸ Tahe inyõ-wana wibymy reare. Tii Etiopia bede luduõ rare. Etiopia bede iòlò hãwyyõ rare. Kanasi inire. Inieru-di itxeredu kahãbu rare. Tii enuku rare. Tii ròðsereri Jerusalë-ribi. Kowa Deuxu reàlãmy rare, tahe tasÿ-ò ròðsere iawarutewedile. Isaia Deuxu rybedu tyyriti-di rariamy tii rononymhÿre.

²⁹ Deuxu Tyytybytyhy Filipi-ò rarybere: –Make, awarutewe-ò, mariake ibire-di.

³⁰ Tahe Filipi tamy rajjaranya. Roholare tyyriti-di rariarerìò. Tahe Filipi rÿÿraxire: –Kai aõbo teeryte aõbo rare, aõdibo tariateri.

³¹ Tahe dirawyõnyde: –Aõkõre, inyõ dori wadee ritÿnynyõre. Timybo arierykremy. Manaõwõnyke wabire-ò bodonyke. Tahe Filipi raõwõnyre.

³² Tii kia-di rariareri tyyriti-ki:

–Iwese iny budoeni rubudÿÿdu-ò riwyre wese, tii iwesele ridyrenyre. Budoeni-ribi iny isira riororeu, rirajuaõlere. Iwesetyhyle Tii rarybeõlere.

³³ Iehehenamy tamy raryberenyre wese hãbu ehehe wesena, òbitimy aõkõ idi riywinyrenyre. Inyõ rarybeõtyhy iriòkõremy, iumy dori bede-ribi ituera.

³⁴ Tahe tii Filipi-ò rarybere: –Wadee manarybeke momybo rybedÿÿdu rarybereri, iximy aõbo ada ijõmy aõbo.

³⁵ Tahe Filipi kia Tyyritidile rexidelenymy relyyre. Jesusimy Rybewihikÿ Tÿmyramy tamy relyyre.

³⁶ Rydi rariamyhÿre idi rehemyrenyre beõ-ò. Tahe tii Filipi-ò rarybere: –Kowa bera rare. Biwaratisebenykekõ aõbo, adee awikeki.

³⁷⁻³⁸ Tahe Filipi dirawyõnyde: –Awire wadee. Inatyhymy arayky-ki tetyhynyte-wana, aratisebenykre. Tahe rarybere: –Retyhynyre, inatyhymy Jesuisi Kristu Deuxu Riðre raremy. Tahe tewe irira riixãwidinykemy riteõnyre. Tahe itewe-ribi ròhõnyra, bera-ò riberenyre. Tahe riratisebenyre.

³⁹ Bera-ribi rotuoreu, Filipi aõwesele iõmy reare. Inynyrÿ Deuxu Tyytybytyhy ridyre. Hãbu ixiby Filipimy robiõhyre. Tahe tary-di rariamy rare. Teysanatyhy-di tÿximy rare.

⁴⁰ Idi tahe Filipi rexieryreu, Asoto hãwã-ki rehemynymy raremyhÿ. Iribi tahe Rybewihikÿ-di relyyre ibutumy hãwã hãwã-ki. Ikonana tahe Sesaria hãwã-ò rehemyrenyre.

9

¹ Salu rarybemy raremyhÿ, Inynyrÿ Jesuisi ityhydÿÿdu mahãdu rubudÿÿmy. Tii rarybemy raremyhÿ Deuxu dohodÿÿna heto wedu-ò.

² Tamy rexitöenyre: –Arybe tyyriti ariwykremy watzireri Damasu hãwã dohodÿÿna heto wedu-ò. Tai tahe kowa-ki ityhydÿÿduõ-txi areakeki, aõtxile hãbu hãwyy aõbo, aridykemy Jerusalë hãwã-ò, ariròtenykemy.

³ Tahe iòhõmy Salu rare Damasu hãwã iròte iòhò-di, idi tahe loosõnahakÿ Salu tyre resere.

⁴ Tahe bede-txi resere, tahe rybeõ roholare: –Salu, Salu, aõherekibo aõna aõnamy ibinamy wadee tatÿÿnymahâte.

⁵ Tahe tamy rarybere: –Mowexe, Wanyrÿ atxiteri. Tahe rirawyõnyre. –Jiarÿ Jesuisi watzireri, aõna aõnabina binamy wadee tadotÿÿnymahâte wahe.

⁶ Myike, mariamy tahe hãwãhãkÿ-ò malokre. Taita inyõ adee rarybekre aõhebo botÿÿnykremy.

⁷ Tahe Salu ijoi riðryre rybeõhy rÿimyhÿ. Rybe-ò roholare, tahe tuu robiõhyre.

⁸ Salu suribi rÿireu, iruetã wesele heka ratximyhÿ. Tahe hãbu tii-wana ihÿmyhÿ heka iaxiò-ki idi rimymy idi rare Damasu hãwã-ò.

⁹ Tahe hãwãhãkÿ-ki txu inatã txu idi rÿire aõmy robiõhyre, riroxiõhyre, bemy riðõhyre.

¹⁰ Damasu hãwã-ki ityhydÿÿdu wihikÿ rasÿnyre. Anania inire. Wanyrÿ Jesuisi tamy rarybere rasi weselemy: –Anania. Tahe rirawyõnyre: –Aõbo rare, Wanyrÿ, kakile watzireri.

¹¹ Tahe Jesuisi riteõnymy rarybere: –Myike, make òbitiry-ò, Judasisÿ heto-ò. Tai bitÿÿraxinyke titxibo Salu ratxirerimy. Tarso hãwãludu tule rininire. Tii wiji wadee rexitöenyre.

¹² Tii umy robireri tarasi-ki. Kai tehemynteri wese, irue-ò ebò bitidikemy, biteytenykemy.

¹³ Anania Jesuisi-ò rirawyònyra: —Wanyrÿ, sòwemy kia hãbumy rybe-ò raholara. Aõbina binamy ityhydÿÿdu-ò risÿnymy raremyhÿ Jerusalê-ki.

¹⁴ Deuxu dohodÿÿna heto wedu tyriti diwyde kaki ityhydÿÿdu rutysÿny rirutekemy.

¹⁵ Tahe Inynyrÿ tamy rarybere: —Aðwaxina tamy makre, Jiarÿ dori, kia retara wadee aõmysÿdÿÿdu nihikÿmy rarekemy, judeukòdu mahãduko, iòlòrenyko, tule Israeli mahãduko wanimy rarybekre, aõma, warybetÿmyra wihikÿmy.

¹⁶ Tamy aritÿnynykre tiwesebo aõhòkÿmy rotÿÿnykre wanimy rybeòraru-ki. Kia ibutumy Jesuisi rarybere Anania-ò.

¹⁷ Idi ta Anania rare tamy Judasi heto-ki. Ralòmÿ rahudi, tahe, tebò ityre ritidira. Tahe rarybera: —Salu, waseriòre, Inynyrÿ adee riwateònyra. Tiile, Jesuisile heka ryro-ki adee rexitÿnynyre. Tiile heka riwateònyra arue ritxuakemy, tule Deuxu Tytybytyhy atykmy ralòkemy.

¹⁸ Tahe aõwesele irue-ribi rejujura aõ yjy wesele. Tahe ixityre robira. Idi rÿimy rahudi tahe, Anania riratysebenyre.

¹⁹ Idi riroximy rahudi tahe, inatyhymy raruruterenyre. Tahe Damasu hãwã-ki tiwese txubo idi rÿire kia erydÿÿna mahãduy-ki.

²⁰ Idi dohodÿÿna heto-ki rybe ritÿnynyre. Rarybere: —Jesuisi heka Deuxu Riòrele rare. Kiawesele rybe-di ritynynymyhyre.

²¹ Tahe uri ijohonadu mahãdu urile bede riòtiinymy rÿimyhÿ. Tahe inyò rarybere: —Kia aõ heka ityhydÿÿdu rubudÿÿdule ratxireri, Jerusalê-ki. Kiale heka kaò nade ityhydÿÿdu ritaataamy ridykemy dohodÿÿna heto wedu-ò.

²² Salu tahe ire riixiòlòdÿÿnymyhyhyre. Judeu Damasu hãwã ludu rieriòhhyymyhy aõmybo rarybemy. Tii rarybere: —Jesuisi Kristule rare, Deuxu deòdÿÿna rare.

²³ Tiwesetxubo txu idi rÿidi tahe judeu mahãdu rarybere irubudÿÿmy.

²⁴ Tahe Salu rierimy rÿimyhÿ tahe inonana-ò rexiywinymy rÿimyhÿ. Rummy tahe, txumy hãwã ijò-ki rirubunykemy retehemy rÿimyhÿ.

²⁵ Tahe ijò erydÿÿna mahãdu weriri nihikÿ riwinyre. Rummy tahe Salu riòlòdÿÿnyre òtity nihikÿ kanaweribi-ò, hãwã ahanaube-ò.

²⁶ Salu Jerusalê-ò rehemynyre, ityhydÿÿduky-ò ralòkemy ratxireri, tahe urile ilau ruberumy rÿimyhÿ. Erydÿÿna mahãdu ròhòtinyre: —Tii ityhydÿÿdu inatyhy aòkò ratximyhÿremy.

²⁷ Banabe tahe rityhynymy ridyre Jesuisi erydÿÿna mahãdu-ò. Tahe relyyre iwese Jesuisi Salu-ò ryki rexitÿnynyremy tamy raryberemy. Tule relyyre iwese Jesuisinimy Salu rybe ritÿnydÿÿnymyhyremy, Damasu hãwã-ki.

²⁸ Tahe taihy Salu ratximyhÿre. Tiò tiòle reamy ratximyhÿre rybe ritÿnydÿÿnyrerimy ihÿre, ruberumy aòkò.

²⁹ Salu rarybera grego rybe heka erydÿÿna mahãdu-ò. Widee rarybehymyhyrenyre. Idi tahe kia mahãdu Salu rubudÿÿmy roromyhyre.

³⁰ Ityhydÿÿdu seriòre kia rieryre, tahe Salu ridyrenyre Sesaria hãwã-ò. Iribi tahe Tarso hãwã-ò riteònyre.

³¹ Idi tahe ywina reare ityhydÿÿdu mahãduy-ki. Ibutumy hãwã bedemy, Judeia, Kalileia, Samaria, ityhydÿÿdu mahãdu iruruteremy relere. Ibutumy Inynyrÿ dee òbitina-ki rari-amyhyre, rityhynymyhyre. Deuxu Tytybytyhy teysatyhymy tamy riwahinyre. Sòwemy tahe ralore iheki ityhydÿÿmy.

³² Ibutumy hãwã hãwãmy Pedro rariamyhyre. Tule robehere Lida hãwã-ò ijò ityhydÿÿdu mahãdusÿ-ò.

³³ Tai Eniamy ninadu-txi Pedro reare heka rare. Iumy heka imyremyrehekÿ heka rare. Debò inataò reurò beòramy heka herina-ki bede idi rÿire

³⁴ Pedro rarybere tamy: —Enia, Jesuisi Kristu arateytenykre. Myike, aherina biyrubun-kye. Aõwesele hãbu rÿira.

³⁵ Ibutumy Lida hãwã mahãdu Saronu hãwã mahãdu tuu robire, tai Inynyrÿ rityhynyrenyre.

³⁶ Jòpe hãwã-ki hãwyy ityhydÿÿdu rasÿnyre. Tabita inire. Kiani riwiurònyre, watxi wese heka rare. Kia heka aõwihikÿ widÿÿdu heka rare. Aõna aõna sòwemy iny-ò riwahinymyhyre.

³⁷ Ijòtxu heka webinadumy resere, ihyy ta, rurure. Risuhòmÿ rahudi tahe, ritidire hetowo ratyaluduwo-ò.

³⁸ Laida hãwã iòhòmÿ rÿire, Jòpe hãwã-ribi, Ityhydÿÿdu roholare Pedro Lida hãwã-ki ratximyhÿreò, tahe hãbu inatxi diteònyde Pedro òrysymy. Uritere eleòkòmÿ kanakemy tii-wana.

³⁹ Pedro tahe tii-wana rare. Rehemynyrenyreu, tahe ridyre hetoratya ludu wo-ò. Ibutumy wytese mahādu robumy rÿimyhÿre, rubuweroramy. Tahety, tattyboho ritxeredÿÿnyny tamy riwinyreò.

⁴⁰ Tahe Pedro rarybere ibutumy rexitakemy. Tahe rexitòenyre taowotimy resemy. Tahe rexiòkesere rubu-ò rarybekemy: –Tabita, myike. Tahe irue raraynyre tahe Pedromy robire, tahe ronyre.

⁴¹ Pedro tebò tamy riwainyre tahe rÿire. Tahe wytese-ò, ityhydÿÿdu-ò rryryre. Tamy riteòsinyre hāwyy irulemy roirerimy ihÿremy.

⁴² Jòpe hāwā mahādu ibutumy kia rieryre. Sòwemy iny tahe Inynyryÿ rybe rityhynyre.,

⁴³ Txu sòwemy Pedro Jòpe hāwā-ki ihÿmyhÿ Simaòmy ninadu heto-ki. Simaò heka iròduty wysydÿÿdu rare.

10

¹ Italia soldado mahādu dinodumy raremyhÿ. Oreniliu inire. Sesaria-ki rasÿnyre. Tii òbitimy nodu rare, isÿ mahādu-wana.

² Tii uriwahidÿÿna diwahinyde tule sòwemy rexitòenyre Deuxu-ò.

³ Aòutxu inataò òra bedeu iòhòmy, rasina wesemy Deuxu ÿjumy tii robira, tamy rehemynyri. Tahe tamy rryryre:

⁴ –Oreniliu, rimasajuare-ribi riwawònyre: –Aòherekibo, Wanyrÿ. Tahe ÿju rarybere Oreniliu-ò: –Aexitòedÿÿnyny Deuxu rierymyhÿre. Tule ijò-ò awahisina Deuxu rierymyhÿre.

⁵ Biteònyke eòdubohoò Jòpe hāwā-ò Simaò Pedro òrysmy.

⁶ Tii Simaò iròdutyky iyxidÿÿdusÿ-ki ihÿre, bera ijā iòhò-ki.

⁷ ÿju rybedu rexitareu, teòdu inatxi-ò rryryre. Tule tasoldado mahāduy-ribi inyòwihikÿ rihitxinyre.

⁸ Kia ibutu-ò relymy rahudi tahe riteònyre Jòpe hāwā-ò.

⁹ Ijòtxu txutyetxuu, tiiboho hāwā-ò iòhòmy ròire. Kiaule Pedro raòwònymy rÿimyhÿ hetotyre-ò rexitòenykemy.

¹⁰ Rama risamy ratximyhÿ tahe riroxikemy ixi-di ihÿmyhÿ. Rÿsÿna riraòmy rÿimyhÿ. Idi rasi wesemy ròhòtinymy rÿire.

¹¹ Tahe robire: biuwety ruamyhÿre wese tuu robire. Riā wesemy aòna tamy dobehede.

¹² Riā wo-ki ibutumy iròdu, nawii, hemylala, aòbo dòkònakònale.

¹³ Rybeò-ò roholare: –Myike, Pedro, birubunyke, biroxike.

¹⁴ Pedro rirawònyra: –Aòkòre, Wanyrÿ. Kia dòkòna reròkòhywāhāre, isuisure dori. Ixityre tamy rarybere:

¹⁵ –Aòbo Deuxu risuhore wese isuisumy rybeòmyke.

¹⁶ Ixityre narybede. Iu tahe aòwesele ridyre biu-ò.

¹⁷ Tahe Pedro kia aòbo raredi heka ròhòtinyreu, Oreniliu-ribi hābu mahādu rehemynyre. Simaò heto riijemyhÿ tahe ijòhòkÿkile rahare.

¹⁸ Tahe rryryrenyre: –Simaò Pedro aòbo kakile ratxireri.

¹⁹ Pedro, tatxuu rasina-di ròhòtinyreu. Deuxu Tytybytyhy tamy narybede:

²⁰ –Myike tahe, bobehede. Inataò hābu dori araijereri. Tii-wana makre adee dori aditeònyde.

²¹ Tai Pedro robehere. Tamy rarybere: –Jiarÿ aòrysdu rare. Aòherekibo tòitenyde.

²² Tahe rirawònyre: –Oreniliu hābu òbiti rare. Tii Deuxu dee ijohonaduò rare. Ibutumy judeu bede mahādu awiremy tuu rarybemyhÿre. ÿjuò tamy rarybere aòrysmy kiditeònykemy, adee roholakemy.

²³ Tahe Pedro tamyreny rarybere: –Kakile inyboho ròkòròrenyke.

Ihewoludu txu, rÿidi tahe Pedro tiiboho-wana ròirenyra. Ijò ityhydÿÿdu seriòre tule roirenyra.

²⁴ Ijò hewo ludu txu Sesaria-ò rehemynyrenyreu. Oreniliu tii riraòmyhÿre. Taijoi mahādu tabiòwawoludu mahādu-wana ributunymy rÿimyhÿre.

²⁵ Pedro rehemynymy raloreu, Oreniliu ròhònyra heto-ribi tahe tatiowotimy iko-txi resere riwowydnykemy.

²⁶ Tahe Pedro ritamadÿÿnyre. Rarybere: –Mynyike wahe. Jiarÿ hābule watxireri.

²⁷ Tahe rarybemy ralòmyhÿ, sòwemy wii ributunyreriò itxi reare.

²⁸ Ta Pedro tamyreny rarybere: –Judeu mahādu iny wixira mahādu-wana wibutudÿÿòmy, iòhòmy wiribi riraòmy. Kia teertytenyde. Deuxu dori riwaerynadÿÿnyre kia wese aròhòtinykre. Iny wiwese wiwesele raremy aròhòtinykemy.

²⁹ Tahe tai waòrysmy teteònyte, aòtaximy anademy wanohòti rÿire. Tai tahe adeereny arÿÿraxikre. Aòherekibo waòrysmy aòtaxina teteònyte.

30 Ta Oreniliu rirawõnyre: —Inaubiõwa txumy txu rÿire tahe hæbu tyky tÿrÿrÿhÿkÿ-di wako-txi rexitÿnyrya. Iule wesemy tahe waheto-ki rexitõenywähäre.

31 Tahe wadee rarybera: —Oreniliu aexitõedÿÿna-ò Deuxu roholara, ijõ-ò awahisina riereya.

32 Biteõnyke Jõpe hæwã-ò Simaõ Pedro õrysmy. Simaõ, iròdutyky iyxidÿÿdusÿ-ki ihÿre bera jjà iõhò-ki.

33 Aõwesele tahe, aõrysmy reteõnyre. Awimy tahe tateriki rahara. Inyboho kakile ributunymy ihÿreny, aroholakemy ibutumy Deuxu-ribi aõmybo manarybekemy.

34 Tahe Pedro rarybere: —Deuxu dee iny ibutumy wiwese wiwesele rare. Kia reerye.

35 Ibutumy bede hæwã ludu Deuxu rityhynykeki, aõbo tamy õbiti riwinykeki, tii Deuxu ixidee rimyke.

36 Kia rybe tahe Deuxu riwahinyre judeu mahãdu-ò. Rybewihikÿywina kia diwyde inydeereny bedeerynamy. Kia Jesuisi Kristumy rarybere ibutunyrÿna kia rare.

37 Joaõ ijõ ratyysubenamy rarybere, idi tahe kia rybe hæletedÿÿmy rexidelenyre Kalileia-ki. Tahe ibutu judeu mahãdu bedemy rarybere. Kia kaiboho teeryteny.

38 Iwese Deuxu Tyytybytyhy, taruru-wana Jesuisi Nazare ludu tyre-ki ditxiwide wesemy relymyhÿre. Iwese Jesuisi reamy raremyhÿ wesemy aõwihikÿ riwinymyhyremy, tule iny Diabo rururawo-ki ratxirerimy ihÿre Jesuisi iribi riteõnyre, ta reteytenymyhyre. Deuxu dori Jesuisi-wana ihÿre. Ibutumy kia teeryteny.

39 Tahe ibutumy judeu mahãdu hæwã-ki riwinymyhyre, idi itxeredumy inyboho roiremyhyre. Ihãre tahe tii Jesuisi rirubunynyreny, õwõru itxeò nihikÿ-ki ritõhãletenyryta-madÿÿnyreny.

40 Inataõ txu-di tahe Deuxu rubu-ribi riixixanyre, tahe tii riteõsinyre inyõ-ò.

41 Tatarasanaõble Deuxu Jesuisi ritÿnydÿÿnyre. Kia heka inyboho roire tii-wana riroxirenyreki, riõrenyreki, iixixana hewomy.

42 Deuxu rarybere: —Jesuisi hitxidÿÿdu iny wiribi ywisijuradÿÿdu rareke, iru mahãdu dee, rubu mahãdu dee. Kiamy heka Deuxu iny-ò ritÿnytedÿÿmy, ta inyboho rokoirekemy diwahinyde.

43 Ibutumy iny Jesuisinimy tamy rityhynykeki, iõraru-ribi iny riixãwididÿÿnyke. Kia ibutumy ihetxiu rybedu mahãdu rÿimy rarybemy raremyhyre. Kia heka Pedro tamyreny rarybere.

44 Pedro rarybemy raremyhÿu, Deuxu Tyytybytyhy ibutu rybe-ò ijohonadu tyre-ki resemy ralore.

45 Pedro-wana rare mahãdu, judeu mahãdu õbiti, tahe riõtiniyre judeukõdu mahãdu-ki Deuxu Tyytybytyhy ralõmy rareki.

46 Raholare dori rybe wixira-di raryberenyreò, tiiboho Deuxumy heka reålãmyhyre. Tahe Pedro tamyreny rarybere:

47 —Inyõ rarybeõkre, iratysebedÿÿõmykemy, tiiboho dori Deuxu Tyytybytyhy-di ratxirenyre inyweserenyle.

48 Tahe Jesuisi Kristu nimy iratysebenykemy riteõnyre. Tahe rexitõenyrenyre Pedro idi iyreny-ki ijõ txumy ramyhyre.

11

¹ Judeukõdu mahãdu Deuxu rybe roholamy rityhynymyhyre. Kia-ò tahe Jesuisi erydÿÿna mahãdu roholare kiamy ityhydÿÿdu seriõre mahãdu tule roholare. Judeia bede ludu ratximyhy mahãdu ibutumy kia rare.

² Pedro ixityre Jerusalẽ-ò rehemynyreu, tahe judeu ityhydÿÿdu mahãdu tuu tamy narybede.

³ Kia heka, Pedro, judeukõdu mahãdu-wana wiwo-ki atxiteri, tii-wana teroxiteri. Tai tahe ibinamy raharenyle.

⁴ Iribi tahe Pedro ikoreny relyre ibutumy taaõna aõnamy. Kia wesemy Pedro rarybere:

⁵ —Jõpe hæwã-ki watxiwãhã. Tahe rabire rasinawesemy riã nihikÿ biu-ribi robehere-ò. Iwese inyõ iõhòti inaubiõwa-ki rimymyhyre wesemy wadee robehemy roimymyhyre.

⁶ Tahe aõbo heka iwo-ki ratximyhydi, retehenihikÿmy rãiwãhã irõdu deborehekÿ wesemy ratximyhy iwo-ki. Abòròrò wesemy tai ratximyhy, irõdu wese, nawii wese tai ratximyhy, inyboho rirÿsÿõmyhyre wesemy.

⁷ Iribi raholare rybeõ-ò: —Myike, Pedro, birubunyke hewa aõtxile birubunyke tibo biròkemy. Aõkõrewa Wanyrÿ, tiu heka reròwãhãre. Judeu mahãdu bede ywina heka tiu iny kia riròõtyhy.

⁸⁻⁹ Tahe ixityre rybeõ tamy rarybere: —Marybeõke kia ibinamy. Aõbo Deuxu awimy rarybere, kia wiji tahe ibinamy aõkõ rare. Deuxu dee awikeki, kia awi rare.

¹⁰ Inataõ heka tuu rotÿÿnyre. Iribi tahe kia riã, ibutu-wana iõre biuribihyy heka iõre.

¹¹ Iribi tahe hãbu inatao dehemynomy deade tai watxiwãhã-ò. Tii diwaòryde ri-wadykremy Sesaria hãwã-ò.

¹² Tahe Deuxu Tyytybytyhy wadee rarybere tii-wana arakremy. Nohòtiòmy heka aõbo judeukòdu mahãdu raremy. Tii-wana makre ele elemy. Tahe kia debò sohoji reurò seriòremy wahemy rare. Tahe retehemynnyrenyriteònyrenyrene heto-ò tahe ralòrenyrene Oreniliu heto-ò.

¹³ Iribi tahe Oreniliu rarybere iwese ýju ihetowo-ki tamy rexitýnyrenyrene rarybereri: – Oreniliu, inyò biteònyke Simaò Pedro òrýsmy Jópe hãwã-ki.

¹⁴ Tii rybe týmyraòmy adeeremy kanarybekre. Tai tahe ibutumy asý ijoi-wana aòraru-ribi kanatakre. Kia Oreniliu inydeey rarybere.

¹⁵ Iribi tahe jiarý Rybewihikýmy rexidelenomy rarybere tamy. Pedro rarybere. Urile tahe roholare, tahe aówesele Deuxu Tyytybytyhy ityreneny resere iwo-ò ralòkemy iwese watyreneny resere wesele juhuu.

¹⁶ Tahe Jesuisi rybe wanohòti itxi reare tiubo raryberemy: –Joaò heka inatyhymy bedi iny ratisebenyrene, kaibohe tahe Deuxu Tyytybytyhy-di akanasebedýðenykre.

¹⁷ Judeukòdu mahãdu Inynyrý Jesuisi Kristu rityhynymyhýre. Tai Deuxu tamy di-wahinyde iwese wadeeremy juhu riwahinyrene wesetyhyle. Deuxu Tyytybytyhy uriòno wesele tamyreny diwahinyde. Mobo jiarý raremy wahe tuu Deuxu dee aomy ararybekemy.

¹⁸ Iribi Pedro rybe-ò roholareu tahe týmyhe tamy irybekòna. Tule Deuxu riwowy-dynnyrenyrene: –Inatyhy wa rare Deuxu heka judeukòdu mahãdu-ò heka umytuedeòna riwahinyrene. Inyò rityhynykeki, ixirahíkiki, tarasana rimyrenykre.

¹⁹ Iu tahe Estevaò rurureu, ityhydýýdu aòhòkýmy rotýýnyreu tahe, ityhydýýdu mahãdu Jerusalè-ribi ròhònyrene. Tii heka relymyhýre Rybewihikýmy judeu mahãduòle kýny wahe, iwítxira wítxira-ò aòkòre. Tahe ibutu bede-ò ritelenomy ròirenyrene. Senisia-ki relyyre. Xibri bedebute-ki tule relyyre, Atxiòkia hãwã-ki tule relyyre.

²⁰ Ijò ityhydýýdu mahãdu Jesuisi Rybewihiký týmyra rarybere. Tiibohe Xibri bedebute-ribi ròhònyrene, Sireni-ribi ijò rybedu ròhònyrene Atxiòkia-ò. Tiibohe relyyre judeukòdu mahãdu-ò tule.

²¹ Deuxu riwiòhenanyrene sówemy iny rityhynyrene, Jesuisi ryò ralòrenyrene.

²² Jerusalè ityhydýýdu mahãdu kiamy roholare. Tai tahe Banabe riteònyrenyrene Atxiòkia-ò.

²³ Banabe rehemynnyrene tahe, tuu robire aõbo Deuxu kowa riwinyrerimy. Tai tahe reysare. Tahe ityhydýýdu týmyra-ò dohodýýmy, riwiòhenanykremy: –Iòhòtyhymy Deuxu-ribi atximahãbenyke, aworibityhy Deuxu bityhynybenyke.

²⁴ Banabe heka hãbu wihiký rare. Týxihikýlemy Deuxu Tyytybytyhy-di ratximyhýre. Ibutumy ratximyhýre thydýýna-di. Sówemy iny rexiròtenyrene Inynyrý mahãdu-ò.

²⁵ Idi tahe Banabe rare Tarso hãwã-ò Salu ijesemy.

²⁶ Tai rahareu tahe, didymyhe dòòemy nade Atxiòkia-ò. Sohoji beòramy idi bede rierenyrene. Sówemy iny ribedeerynymyhýrenyrene. Atxiòkia hãwã-ki ityhydýýdu mahãdumy raninira Kristu wese mahãdumy. Kiani tamyreny riwahinyrene.

²⁷ Aòutxu tahe dehemynnyde Deuxu rybedu mahãduò Jerusalè-ribi Atxiòkia-ò.

²⁸ Ijò Abusi inire. Iribi tahe tii rarybere Deuxu Tyytybytyhy rybemy. Ramamy rubu nihiký kanakremy raxireri, ibutu suò. Laujiu iòlòmy raremyhýu, kiamy rotýýmyhýre.

²⁹ Tai tahe ityhydýýdu mahãdu he nieru riwahinykremy rýire Judeia bede sýdu ityhydýýdu riwiòhenanykremy. Tahe nieru riwahinyrene tiwesebo idi ratximyhýre wesemy tamy riwahinyrene.

³⁰ Tahe nieru riteònyrene, moma-wana Banabe Salu-wana Jerusalè dohodýýna heto matu-ari mahãdu-ò riwyrene.

12

¹ Kia bededýýnanamy heka Herodi judeu iòlòmy raremyhý. Iribi tahe rexidelenomy riwinyrene heka ityhydýýdu mahãdu kia òludumy risýnykre myhý. Tii riteònyrene aõna aõnamy risýnykemy ityhydýýdu mahãdu-ò.

² Tii mayrehe-di rubudýýmy riteònyrene Joaò seriòre wahe, Txiau wahe.

³ Tai tahe judeu wedu mahãdu heka tamy wihikýlemy tuu rotýýnyrene. Herodi rierymy raremyhý idi Pedro rimyre. Tahe worana bedehesi rýire. Paò taurina ihoò inire. Kia ibutumy rotýýnyrene kia bedehesi rýireu.

⁴ Tahe Pedro riròtenyrene, ròtenawomy wirutyrene. Aõmamy soldado mahãdu inaubiòwamy iitxeredumy rýimyhýre. Pascoa kia worana bedehesi konana txu rexihumy rýireu tahe, judeu mahãdu-ò riwahinykre. Kia Herodi rexinohòtidýýnyrene.

⁵ Ròtenawo-ki tahe Pedro ratximyhýre. Ityhydýýdu mahãdu tahe Deuxu-ò rexitòenyhymyhýre Pedro tòenamy.

⁶ Txubiòwamy tahe itxu riywinyrenyrene iny sòwehekÿ-ò Pedro riwahinykemy. Kiamy Herodi ròhòtinyre. Ruu tahe Pedro ròròmy roimyhÿ. Inatxi soldado heka idile ratximyhÿre. Pedro womati roeroti inatxi-di ratisamy roimyhÿre. Ijò soldado rotena ijò-ki ratximyhÿre.

⁷ Inynyrÿ ÿju heka Pedro weribi rihetenyre riixixanykemy. Loosòna itÿnyhÿkÿlemy ròtena ritoosònyre. Tamy rarybere: —Wylemy wa rexiukÿnyke. Tahe aòwesele Pedro axiò-ribi womati rerothikÿ rejuxunyre.

⁸ Tahe ÿju tamy rarybere: —Awamy birutyke, bexityynyke. Kiamy riwinyra. Ijò arahana birutyke tahe biwaheludunyke.

⁹ Iribi ròhònyra he tai ròròreri-ribi wahe. Kia ibutumy heka rasi weselemy Pedro ròhòtinyre rieryòre inatyhy aòbo ada rasi aòbo.

¹⁰ Juhu heka ikoludu soldado mahàdumy reare idi ihewoludumy reare iribi rehemynymy rÿire ahana ijòtyhy-ò. Womatilere heka ijòtòbònare. Ixiwanale heka rarayre ijòtòbòna. Iribi tahe roirenyre hãwãry-di ririranyrenyrene. Idi tahe ÿjuhe iðre iribi.

¹¹ Tahe Pedro ròhòtinyre, rieryre heka aòhebo rotÿÿnyraò. Wanyrÿ ÿju riteònyre riwatara Herodi-ribi judeu mahàdu-ribi. Katahe wadee aòhe rotÿÿnyrenyòtyhy.

¹² Ròhòtinymy rÿire juhuhu urihimyo idi tahe rare Marie heto-ò. Joaò Markuse heka tii rare. Tai itÿhydÿÿdu mahàdu rÿimyhÿ tahe rexitòenyrenyriò Pedro tamy rehemynyrene.

¹³ Tahe ijò he rihetenyre. Ijòtòbòna-ò nade mobo raremy rierykemy ijadòma deòdu. Rode inire.

¹⁴ Tahe Pedro rybe rieryra. Reysamy rajaranyre iwo-ò. Pedro tahe ralòòlemy rÿire. Tahe relyyre Pedro heto ijò-ki rÿimyhÿmy.

¹⁵ Tiiboho raryberenyre: —Kai tabinamy atxiteri. Ixityre rarybere: —Aòkòre tii taile naderi. Tahe raryberenyre: —Pedro aòkò rare, taÿjulemy tahe rare.

¹⁶ Tahe Pedro riheterihetenymy rÿimyhÿre. Idi riraynyrenyrene. Pedromy robirenyrau, bede riòtiinyrenyrene.

¹⁷ Pedro tahe tamyreny tebò reara roholarenkykemy. Tahe tamyreny relyyre timybo Inynyrÿ ròtena-ribi rexiòlòdÿÿnyramy. Tule tamy riteònyre: —Kiamy belyyke Txiau-ò tule inyseriòre-ò. Tahe rexitare, rare ijòsÿ-ò.

¹⁸ Txuu ratÿnyreu, soldado mahàdu ierysmy wii risÿnyre timybo Pedro aòhebo rotÿÿnyramy. Tahe jei jei aònire.

¹⁹ Herodi ijesemy riteònyre tai moò tai rahaòhyllera. Tai soldado itxeredu sohoji sohoji dÿÿraximy riteònyra. Idi irubudÿÿmy riteònyra. Iribi tahe Herodi Judeia bede-ribi ròhònyra. Sesaria hãwã-ò bededÿÿnanaò riwya.

²⁰ Tiro hãwã mahàdu Sidoma beà hãwã mahàdu-wana Herodi derarenyre. Tahe tiiboho ributunyenyre tamy ròirenykemy rybe-di. Iòlò heto-di itxeredu Blastu inire. Tahe iny mahàdu Blastu ròtarenyre iwe-ribi mahàdureny. Tahe ròirenyre Herodi-ò tamy rexitòenyrenyre, tamy ykaraòmykemy. Tarÿsÿna dori diwyde iòlò bede-ribi, Herodi bede-ribi.

²¹ Herodi tahe itxu riywinyre. Kia txuu tahe ròhònyre tamy. Rexteritynyre taiòlòtyyrehe-di tahe tarynana tyre-ò ronyre, tamy Rybewihikÿmy rarybere. Tai tahe iny rirajuare: —Katahe hãbu aòkò rarybereri, Deuxu wahe.

²²⁻²³ Aòwesele Deuxu ÿju heka Herodi rirubunyrene, tii Deuxutyhymy reàlãòreki. Woudò rubudÿÿnyamy rurure.

²⁴ Deuxu rybe tahe ibutumy roholare. Sòwemy iny tahe rityhynyrene.

²⁵ Banabe Salu-wana nieru riwahinymy rahudi tahe, diòòsede Jerusalẽ-ribi Atxiòkia-ò. Joaò Marku tii-wana ridyre.

13

¹ Atxiòkia dohodÿÿna heto mahàdu-ki rybe tÿnydÿÿdu mahàduò, bede erydÿÿdu mahàduò rÿimyhÿre. Kaheka inireny rare: Banabe, Simaò, iniraròsòna Nike rare. Lusu ijòre, tii Sireni hãwã ludu rare. Manaì ijòre, tii Herodisÿ-ki ratibienyre, Salu ijòre.

² Ibutumy tahe Inynyrÿmy reàlãre, riroxiòhy heka bede riemyhÿ. Tahe Deuxu Tytybytyhy tamyreny rarybere: —Jiarÿ waaòmysÿdÿÿna dire Banabe-ò, Salu-ò. Kaiboho heka biteònybenykre kia riwinykemy.

³ Tahe roxiòhyymy bede riemy, rexitòenyrenyre. Tebòreny iratytyre ritidirenymy, idi riteònyrenyre tabede tÿina-ò.

⁴ Deuxu Tytybytyhy tahe tiiboho riteònyrenyre. Selusia hãwã-ò tamy riberenyenyre. Tahe hãwòò rimyrenyre Xibri bedebute-ò.

⁵ Tahe rehemynyenyre Salamina hãwã-ò. Tai judeu dohodÿÿna heto-ki Deuxu rybemy raryberenyrene. Tule Juaò Marku rare tii-wana wiòhedÿÿdu wese heka rare.

⁶ Tahe ibutumy bedebutemy rekoarenyre. Ritehemynyenyre hãwãò-ò Pafumy ninadu-ò. Tai tahe judeu mahàdu witxi deade, Bajesuisi heka inire.

⁷ Tii Deuxu rybeduõmy raremyhÿmy iximy rarybere tahe aõkõre, raruire, riitxenanyre. Tii bedebute hãwã dinodu-wana rare. Kadinoduni tahe Sergio-Paulo inire. Tii hãbu bedeery nihikÿ rare. Tii Deuxu rybe-ò roholakemy ratxireri. Tahe didyde Salu, Banabe-wana tamy roholakemy.

⁸ Bajesuisi, Elimasi ijõ ini rare. Tahe tii bedebute dinodu-ò rarybere uritere Salu rybe-ò, Banabe rybe-ò ijohonakõmykemy. Wanyrÿ tyhydÿÿkõmykemy dori tuu risÿnyre.

⁹ Salu tahe, Paulo ijõ ini rare. Deuxu Tyytybytyhy heka itykymy ralõmy rÿimyhÿre. Tahe Paulo retehere Elimasi-ò tamy rarybere:

¹⁰ —Kai Satanasi riõre tate. Kai heka ibutu itxenadÿÿ-di tÿxihikÿlemy ahãte. Kai heka awihikÿ õludu tate. Tiubo heka bexihukre Inynyrÿ-ribi iny riixãwididÿÿnyre.

¹¹ Deuxu heka wiji araõwinykre, aõhõkÿmy arasÿnykre, aruetãmy bonykre. Txu bobiõkre bede biwyke. Iule tahe aõwesele bede torohokÿlemy reare. Robiõhyymy reare. Urile riemy ratximyhÿre, iny riwiõhenanykemy, ryy tamy ritÿnynykemy.

¹² Tahe kia bedebute dinodu tuu robire aõhebo rotÿÿnyramy, tai bede riõtiiny my ronymyhÿ tahe tii Inynyrÿ rityhynyre.

¹³ Iribi tahe Paulo rõhõnyra tajoi-wana Pafu hãwã-ribi. Rakremy riberenyra hãwã nihikÿ-ki Panfilia bede-ò, Peke hãwã-ò. Juaõ Marku iribireny rexitara, dõõsede Jerusalẽ-ò.

¹⁴ Tahe Paulo Banabe-wana roirenyre. Peke-ribi riõlõnyre tahe rekoarenyre Atxiõkia-ò. Kaa iwitxira Atxiõkia hãwã rare, Pisidia bede-ki ratxireri. Tahe rirõnyrenyre judeu mahãdu dohodÿÿna heto-ò. Sabado txu rÿire. Ronymyhÿre ijohonamy.

¹⁵ Kia hãbu mahãdu heka Moisesi bede ywina tyriti-di, Deuxu rybemy rybedu mahãdu tyriti-di rariamyhÿre. Tahe dohodÿÿna heto wedu Pauloboho-ò raryberenykemy rarybere: —Waseriõre, arybemy idi atxiteri-wana marybeke aõwaxiny bitÿnyke.

¹⁶ Tahe Paulo rÿire lamamy. Iwese rybedÿÿmy rõtõsidÿÿmyhÿre wese rÿire. Tahe rexidelenyre: —Hãbu, Israeli mahãdu, tule ibutumy Deuxu rityhynymy rÿira mahãdu, bodoholabedenyke kaa ijyju-ò.

¹⁷ Israeli mahãdu Egito-ki rasÿnyreu, taDeuxu iribi ritare, moma, inytybyreny Deuxu, Israeli mahãdu tybyreny wahe. Deuxu rasõwedÿÿnyre. Iribi tahe Deuxu Egito-ribi ritarenyre tebõ ruruteretyhy-di.

¹⁸ Tiiboho bederahy-ki 40 beõramy bede riereu, Deuxu taaõbina bina riõludunyre.

¹⁹ Kanaã bede-ki debõ inatxi reurõmy ixÿju ixÿju mahãdumy rahure. Idi tamyreny riwahinyre bede, isÿhyymy rarekemy. Idi tahe rybe ywisidÿÿdu mahãdu tamy riwahinyre. 450 beõra rahureu, tahe Samueli Deuxu rybeduõmy raremyhÿ.

²⁰ Idi tahe rybe ywisidÿÿdu mahãdu tamy riwahinyre. Tahe 450 beõra rahureu, Samueli Deuxu rybeduõmy raremyhÿ.

²¹ Iribi iny Deuxu-ò rexitõenyre iõlõmy tamy kadiwahinykemy. Tahe Deuxu Salu tamy riwahinyre, iõlõmy. Salu tahe Kixi riõre rare. Benjami mahãdu rare. Tahe 40 beõramy iõlõmy ronyre.

²² Salu iribi ritareu, tahe Davi, Deuxu ritamadÿÿnyre iõlõmy. Deuxu Davimy rarybere: —Davi Ijese riõre rare. Jiarÿ iluure. Tii ibutu wadee wimy riwinykre.

²³ Tahe Davi riõkõre-ribi Jesuisi rõhõnyre, Israeli tarasadumy rarekemy. Iwese juhoo Deuxu rarybere wese.

²⁴ Jesuisi naõdeu, Juaõ ritÿnynyre Israeli mahãdu-ò iõrarureny ririkemy idi raratisebenykemy.

²⁵ Juaõ rybe tÿnydÿÿna kõnanau, tamyreny rarebere: —Jiarÿ wa iwese tahõtinytenyteri wese aõkõ jiarÿ rare. Kaiboho tiwaraõõhyimahãtenyete. Betehebenyke, tii, wahewomy kanakre. Jiarÿ aõ aõkõ rare, iwatisana arieseõtyhy iwa ritakemy, tii dori waratyre wihikÿreki.

²⁶ Waseriõreboho, Abraõ riõre riõremy ibutumy inyboho roire, tule Deuxu realãmy rÿira mahãdu kaki ratximyhÿ. Deuxu inydeereny biu-ò hedu rybe diwahinyde.

²⁷ Jerusalẽ mahãdu, iwedureny-wana raeryõhyre tii tarasadu rare. Ibutumy sabado txu rybedu tyriti-di rariamyhÿre tohodÿÿna heto-ki, tahe aõbo rare rieryõhyre. Jesuisi rubudÿÿmy raryberenyre, iwese rybeduõ rarybere wese, tiiboho rotÿÿnymyhÿre.

²⁸ Tiiboho aõbina bina-ki tai rahaõhyra, ihãrele irubudÿÿmy rexitõenyre Pilato-ò.

²⁹ Iwese ibutumy Jesuisimy riritinymy roireri wese, ibutumy tuu rõhõnyre. Tahe itxõõ nihikÿ tyre-ribi ritarenyre. Tahe mana hãloo rawo-ò ritidirenyre.

³⁰ Tahe Deuxu rubu-ribi riixiadÿÿnyre.

³¹ Tii-wana iny mahãduõ roirenyre juhoo Kalileia-ribi Jerusalẽ-ò. Rexixamy rahudi tahe, tii mahãdule tuu robihyymy txuu widireny rÿire. Kia mahãdule inysõwey-ki relymyhÿre.

³²⁻³³ Deuxu juhoo rarybere inytybyreny-ò aõhebo rotÿÿnykremy. Inydeereny tahe tii riwinyre Jesuisi riixixanyreki. Kia Rybewihikÿmy adeereny relymahãrenyre. Iwese inatxi wiuna ritidÿÿna-ki roire wese:

—Kai waRiðre tate. Wiji tahe bomy watxiwãhãre.

³⁴ Kiamy heka Deuxu rarybere Jesusimy: —Rubu-ribi ariixixanykemy, tiu rasunymyhÿre bede-ò ròðseòtyhy. Iwese Davi-ò jiarÿ rarybere wesemy ibutumy adee bede ariywinykre.

³⁵ Deuxu ijò wiuna Ritidÿÿna-ki tule rarybere. Iwese Jesusile rarybere wese, kiamy roire: —Eòduutyhy umy rasÿnyòtyhy kai dori waumysudÿÿ-ò tejemahãte.

³⁶ Iu Davi Deuxu dee tajioi riwiòhenanymy rahudi tahe, rurure. Tybyreny-ò tii rara. Iumy tahe rasunyre.

³⁷ Jesusi umy tahe rasunyðre Deuxu dori rubu-ribi riixixadÿÿnyreki.

³⁸⁻³⁹ Jesusi bityhynybenykeki, aðraru riixãwidinyke. Kiamy Moisesi bede ywina ihoðhyre adeereny. Kia bierybenyke waseriðreboho, tiile, Jesusi, adeereny relyyãhãrenyre.

⁴⁰ Bexiijebenyke, kiamy adeereny rotÿÿnyke lau iwese rybedu ritina-ki roire wese:

⁴¹ —Kaiboho inatyhy derare. Betehebennyke, burubennyke, bede biòtiinybenyke, aðbo jiarÿ rewinyrerio. Inyð adeereny ritÿÿnyke ihãrele. Tiu heka bityhynybenyòtyhy.

⁴² Tahe Paulo irybe rexihura. Iribi ròhonyre Banabe-wana. Rexitòenyrenyre ijò sabado biòwau tarybetybydile ixbyly relyykemy.

⁴³ Iny ritobiny my rahudi, judeu mahãduò, judeu bede erydÿÿna ityhydÿÿdu mahãduò tule Banabe Paulo-wana riheludunyre. Tahe tamyreny raryberenyre: —Deuxu ruxetòena-ki idi mariahyymyhÿkemy.

⁴⁴ Ijò sabado rehemynyre, ibutu iny hãwã-ribi doimyhÿdenyde Deuxu rybe-ò ijohonamy.

⁴⁵ Judeu mahãdu tahe inysòwemy robireu, tiiboho rexiwaritiny myhÿrenyre. Tiiboho raryberenyre aðbinahãkÿlemy Deuxuru-ò. Paulo riki inatyhymy aðkò tii rarybemyhÿre.

⁴⁶ Paulo Banabe-wana ihãrele brebuòlemy raryberenyre: —Juhuu adeereny Deuxu rybe dobehede. Tahe kaiboho tetyhynyòteny, tai judeukòdu mahãdu-ò aroirenykre. Kaiboho Deuxu rybe terarenyreki, ixi sohojile tahe tetaòte adeereny að aðkòreki.

⁴⁷ Kia Inynyrÿ bede ywina wadeereny riwahinyre: —Kai loosòna wesemy atxkre judeukòdu mahãdu-ò. Kai tarasanary ritÿÿnykre ibutu inyko-ò.

⁴⁸ Judeukòdu mahãdu kia-ò roholareu, tahe reysarenyre. Deuxu rybe riwowydynyrenyre tai. Tahe rityhynyre, timybo Deuxu juhUU ritare wesele tamyreny umytedeòna riwahinyrenyre.

⁴⁹ Inynyrÿ rybemy kia bede-ki ibutumy relyyre.

⁵⁰ Tahe judeu mahãdu rarybere hãwywihikÿ ityhy-ò, tule hãwã wedu-ò. Tai tahe Paulo Banabe-ò òludu sòwemy resere. Tahe isubede-ribi riteònyrenyre.

⁵¹ Paulo Banabe-wana tawa-ribi bryby riòhòwinyrenyre tamyreny tiiboho ibinareki. Tahe Ionio hãwã-ò roirenyre.

⁵² Atxiòkia ityhydÿÿdu mahãdu tahe reysamy rÿimyhÿre. Deuxu Tytybytyhy-di tÿximy ihÿre.

14

¹ Ionio hãwã-ò Paulo Banabe-wana rare. Judeu mahãdu dohodÿÿna heto-ò. Tahe rybe ritÿÿnyrenyre, tarurumy he relyyrenyre. Sòwemy judeu mahãdu, judeukòdu mahãdu-wana rityhynyrenyre ijyy.

² Tahe ijò judeu mahãduò rityhynyðre. Ijyy deramy reamyhÿre, tule ijò-ò tule rarybere ityhynyòkemy. Tahe Paulomy, Banabemy að òta òtalem y rarybemyhÿrenyre.

³ Ihãrele tahe Paulo Banabe-wana bede nihikÿ riwyrenyre tai. Tamy rybe ritÿÿnyhy roiremyhÿ ibrebuòlemy. Inynyrÿ taruxetòena rybetyhydÿÿnamy riwiòhenanyre tiiboho bedeòbina widÿÿdu renyreki.

⁴ Hãwã mahãdu ritxware. Ijò heka judeu wedu mahãdu rityhynymyhÿre, ijò tahe Paulo Banabeboho rityhynymyhÿre.

⁵ Judeukòdu mahãdu, judeu mahãdu, tawedureny-wana widee rarybere Paulo Banabe-wana riòkòròrenykemy tamy mana-di rehurenkyre.

⁶ Tahe tiiboho rexieryrenyre tahe rihenyrenyre. Tahe ròirenyre Listra hãwã-ò, Debi hãwã-ò, kia Laonia hãwã hãwã-ò rare. Tule rariarenyre kowa bedewo-ki.

⁷ Tahe kowa tiemy ritÿÿnyhy roiremyhÿ Rybe tÿmyra wihikÿ-di.

⁸ Listra hãwã-ki heka hãbuò-txi rekoarenyre, itierere heka. Taihy heka ronmyhÿre. Tuuhyy heka ratohouãmy ijarananyre.

⁹ Tii tahe Paulo rybe-ò roholare. Paulo tamy retehere. Kia tahe Paulo rieryre hãbu teytetyhynadire Paulo riteytenkyre.

¹⁰ Tai tahe tamy rarybere tarybe riterenymy: —Mynyike, òbitimy. Ta hãbu rexiwatxinyre, rariare.

¹¹ Ijohona mahãdumy robireu, aðbo Paulo riwinyremy tahe rirajuare tarybe-di, Laonia rybe-di: —Ka hãbu mahãdu heka deuxu wesemy idi rexinohòtidÿÿnymyhÿre. Inydeereny deuxu wesemy dobehede. Iumyreny tahe hãbu wesemy rare.

¹² Banabe heka, Jupitemy tadeuxurenyniõmy rininire. Paulo tahe ijõnimy, Meuriumy rininirenyre irybe sõwetyhyreki, tii rybedureki.

¹³ Jupite xiwena wydydu horeru bederade-di dehemynyde. Tohodÿÿna heto hãwã ahana ube-ki rÿire. Broreni xiwe wesena tamyreny hãwã mahãdu riworonykemy, riwahinykemy.

¹⁴ Kiamy roholareu, Paulo Banabe-wana tatykyreny riykaranyre idi rihurenyre. Tahe ralõmy reare inysõwey-txi rarybekemy.

¹⁵ Tamy ryryre: —Aõhebo tatÿÿnytenyteri. Jiarÿboho hãbulemy watzirenyreri. Kialemy adeereny rarybewãhare, Deuxu riybetÿmyra wihikÿ. Adeuxureny-di nohõtirenõmy. Bedewidÿÿdu ta mohõtinybenyke. Tii dori benihikÿ riwinyre, ibutumy biu-ki riwinyre, tahe Deuxutyhy-di mohõtinybenyke.

¹⁶ Ihetxiu Deuxu ibutumy bede bedemy sÿdu ririre ixidee wimy aõna aõnamy rotÿÿnykemy.

¹⁷ Urile tahe tamy rexideõsinyre tamy biu riwahinyre taoworumy raratynykemy. Tai tahe kaiboho arÿsÿna ðire, Deuxu debõ-ribi, awo-ki eysanadire.

¹⁸ Ihãrele iny tamy xiwe wesena tamy riwahinykemy ratxireri. Paulo tamyreny rarybere: —Aõkõ, inydeereny bidiwahinyõke.

¹⁹ Iribi tahe judeu mahãdu-õ Atxiõkia-ribi, Ionio-ribi tamyreny raryberenyre Paulo rubudÿÿmy. Hãwã õtityube-õ Paulo ridyrenyre. Mana-di tamy rehumyÿ. Tahe rubu wesemy ririrenyre.

²⁰ Idi tahe ityhydÿÿduõ tamy wirotyre. Paulo tahe suribi rÿire tahe tii-wana nalõde hãwã-õ. Ijõtxu biõwamy tahe Banabe-wana Paulo rexitare ijõ hãwã-õ, Debi hãwã-õ.

²¹ Ka hãwã-ki tahe Paulo rybe tÿmyra wihikÿ ritÿÿnyre. Sõwemy tai rityhynreu, Pauloboho rõõserenyre Listra hãwã-õ, Ionio hãwã-õ, Atxiõkia-õ.

²² Ibutumy hãwã-ki Pauloboho ityhydÿÿdu mahãdu riwiõhenanyreny, tiiboho rityhynhyymy ratximyhÿkemy. Tamyreny rarybere: —Kaiboho aõhõkÿmy botÿÿnybenyke, ihãrele malõkemy titxibo Deuxu Iõlõ ratximyhÿre-õ.

²³ Ibutu ityhydÿÿdu mahãdu ribi ritamy rÿimyhÿ rarekremy, idinodumy. Matuari mahãdu-ribi tii ritare. Iu ritareu tahe, rexitõenyre Deuxu-õ tule byreõhny txeõ riwryreny. Inynyrÿ-õ rexitõenyre: —Kia ibutumy aratyhynreri, tai tahe biywinymy ahãke.

²⁴⁻²⁵ Pisia dia bede-ki rekoamyhÿreny Panfilia bede-õ. Kowa-õ Rybewihikÿ tÿmyramy relymy rahudi Peke-ki, Atalia hãwã-õ dobehede.

²⁶ Tai hãwõ nihikÿ welõdi-di rimyrenyre. Tahe Atxiõkia-õ rorore. Kowa-ribi juhuule rybe tÿmyra wihikÿ ijyy-di dõhõnyde. Kowa juhuu rexitõenyre tamyreny Deuxu ruxetõena-wana rarekemy.

²⁷ Atxiõkia-õ rehemynyre, Paulo, ibutumy ityhydÿÿdu mahãdu ditotynyde. Tai heka tamyreny rarybere iwese Deuxu riwiõhenanyre wese ibutumy iaõmydÿÿnana-di. Iwese judeukõdu mahãdu rityhynkemy. Deuxu tamy ityhyna ijõtõbõna riraynyre wese.

²⁸ Idi bededÿÿnana riwynihikÿre ityhydÿÿdu mahãdu-wana.

15

¹ Hãbuõ Judeia mahãduõ ditehemynydenyde ta teõsamy ribedeerynyreny. Kawese ribedeerynyre: —Moisesi Tyyriti bede ywina, notykyresynamy, rityhynõkeki, iny rataõtyhy.

² Iribi tahe Paulo Banabe-wana tamyreny rarybehyy rare. Tai tahe inyõ tamy rarybere Jerusalẽ matuari mahãdu-õ roirenykemy aõmydÿÿnana rexiõbitinyreny. Iny wixira-õ Jesuisi erydÿÿna mahãdu-õ rarybekemy heka tamy, Pauloboho iteõdÿÿmy rarybere. Tahe ijõ hãbu mahãduõ tule tiiboho-wana riteõnyreny.

³ Dÿÿraximy heka tamy rõirenyre, aõ aõmydÿÿnabo ratxirerimÿ wahe. Sõwemy dohodÿÿna mahãdu ihemy roirenyre urihimÿõ, tai tahe ririrenyre. Tahe Senisia bede bedemy, Samaria bede bedemy riõhõrenyreny. Relyre judeukõdu mahãdu tule ityhydÿÿdu mahãdu-ki rÿirerimÿ. Tai ibutumy ityhydÿÿdu mahãdu reysare.

⁴ Tahe ritehemynyrenyre Jerusalẽ-õ. Wihe ritotynyreny ityhydÿÿdu dinodu-wana, tule matuari mahãdu-wana, Jesuisi erydÿÿdu mahãdu-wana. Tiiboho relynyreny aõmybo Deuxu rotÿÿnyre iyreny-ki, timybo riwiõhenanyre.

⁵ Tahe hãbu mahãduõ tai raremehÿ heka. Juhuu heka fariseu mahãdumy ihÿre, idi tahe ityhydÿÿdumy ralore. Imahãdu-ribi ijõ rÿire ribedeerynykemy. Tahe rarybere: —Inydeereny kia wese rare. Judeukõdu tyhydÿÿdu ibutumy notyresyna-di rõhõnyke. Tule ibutumy Moisesi bede ywina ibutumy rityhynkemy. Kawesemy tamy ribedeerynyre õbitimy aõkõ watzireri.

⁶ Idi tahe Jesuisi erydÿÿna, matuari mahãdu-wana wii ributumy rybe õbitidÿÿmy.

⁷ Rybe sõwemy rahude tahe, Pedro rÿire tamyreny rarybekemy: —Waseriõreboho, Deuxu juhu riwatare Rybewihikÿ rybedumy judeukõdu mahãdu-õ tuu aritÿÿnykemy, tiiboho tule rityhynnyreny. Tai rarewãhã. Kaiboho kia ibutumy teeryteny.

⁸ Iwese inydeereny riwahinyre wese, Deuxu Tyytybytyhy tamyreny tule riwahinyre. Judeukõdu mahãdu tule ixidee rimykeny. Kia wese tui riteõsinyre inydeereny.

⁹ Deuxu wiribi lahitximy aõkõ iny riwinyreny. Wiwesehyyle ihÿre. Tiiboho inywesele ihÿreny. Tiiboho rityhynyrenyreu, heka irayky rityranynyrenykeny ritarenynke.

¹⁰ Kia wese Deuxu teurihitenyteri. Kia bede ywina itxynnautxiehekÿ wesere ityhydÿÿdu mahãdu tyre-ki tetiditenyteri. Inybyreny tui retyÿore tule inyboho idi retyÿore.

¹¹ Inynyrÿ, ruxetõenale-di iny ritamyhÿre. Tule judeukõdu mahãdu kìa weselere ritamyhÿre.

¹² Tahe aõmy rarybeõhyreny. Ibutumy he Paulo Banabeboho rarybereõ, roholarenynke. Tiiboho heka relyrenyrene tule bedeõby wihikÿ aõna aõna-wana Deuxu riwinyreny tadebõ-di wahe.

¹³⁻¹⁴ Iribi tahe rexihurenynre tasÿ, Txiau rÿire rarybekremy: —Waseriõreboho, bodoholabedenykre inihe warybe-õ: —Pedro kÿny adeereny rarybere, timybo Deuxu judeukõdu mahãdu roramy rare iny mahãduõ ixidee ritakremy tanityhy-õ.

¹⁵ Kiawesemy he tule ihetxiu Deuxu rybemy rybedu mahãdu riritinyre, kamy wahe:

¹⁶ —Wanyrÿ heka rarybera: —Addõsekre, icyby ariwinyreny aritamadÿÿnykre aõdohodÿÿna heto Davi juhuu riwinyre. Idi tahe resere. Ixyby ariwinykre.

¹⁷ Tai tahe judeukõdu mahãdu-ribi iuhe riwaõrykre wamy rityhynyrenykeny. Wanyrÿ, Deuxu, kiamy heka tiiboho rarybekre, ibutumy jiarÿ retarenynke.

¹⁸ Kawesemy Wanyrÿ tuhy rarybemy raremyhÿ, tule wiji ihÿre.

¹⁹ Tai heka kiawidÿÿõmy rakatximyhÿrenykre. Tamyreny rybeõmy rakatximyhÿrenykre. Judeukõdu mahãdu Deuxumy rityhynyrenyreu, iny bede ywina reny tyhydÿÿmy tamyreny rybeõmy.

²⁰ Kialemy heka tamyreny rakaryberenykre: Suritxoo xiwe-ribi irõdude rõrenyõmy. Tule õta õta õraruna widÿÿõmy, irõdu hãlubu-di rõrenyõmy, ihãlubu rejuxunyõmyhÿre-wana.

²¹ Kiamy heka rakatximyhÿrenykre. Moisesi bede ywina-di dori ibutu hãwã-ki judeu dohodÿÿna heto-ki rariamy raremyhÿ. Sabadotxu ihyymy aõkõ kìa ritÿÿnynmy raremyhÿ.

²² Tahe kiamy heka rahõtynyreny, Jesuisi erydÿÿna mahãdu, ibutumy dohodÿÿna mahãdu-wana, hãbuõ ayreny-ribi rikitakre. Tai Atxiõkia-õ riteõnyrenykeny Paulo Banabe-wana. Tahe Judasi ritarenynre tule iniõrysna Basaba rare. Ijõ tasÿ Sila inire. Ka hãbuboho ityhydÿÿdu mahãdu awimy tai raharenynre.

²³ Katyriti tiiboho-wana rakre. Kawesemy tyriti rare: —Jiarÿboho, erydÿÿna, matuari, seriõre mahãdu adeereny rybe wesityhyna rewahinyreny. Ibutumy judeukõdu mahãdu ityhydÿÿdu-õ ka tyriti rakre Atxiõkia hãwã-õ, Siria bede-õ, Silisia bede-õ.

²⁴ Inyõ rare wayreny-ribi adeereny notykyresymy rybemy. Tai tahe araykyreny riwerydÿÿnyre. Jiarÿboho reteõnyrenyõhyre. Kia reerymy watxirenyteri.

²⁵ Tahe wiwesele rahõtynyreny riki, hãbubohoõ Paulo Banabe inyluudu-wana reteõnyrenyteri.

²⁶ Kia hãbu Paulo Banabe-wana hãwã binahakÿ-õ roimyhÿreny Jesuisi Kristu Inynyrÿni-di. Ixi-txi rõhõtynyõlere, brebumy.

²⁷ Judasi-wana tule adee raryberenykre kìa aõmydÿÿnanamy, katyriti rewahinyrenyrene wese.

²⁸ Kawese inyboho rõhõtynyreny, Deuxu Tyytybytyhy dori inrayky rewiohenanyre. Kia bede ywinalemy adeereny rarybereri biywinybenykeny.

²⁹ Uritere, suritxoo xiwe-ribi irõdude rõrenyõmy irõdu, ihãlubu-di rõrenyõmy, ihãlubu rejuxunyõmyhÿre-wana. Tule õta õtana õraruna widÿÿõmy. Ka bede ywina biywinybenykeki, awimy boibeke. Deuxu deysana tahe adeereny kanakemy watxiwãhãre.

³⁰ Tahe hãbuõ iny inaudiõwamy Atxiõkia hãwã-õ rõreny. Tahe Atxiõkia tyhydÿÿdu mahãdu ributunynre. Iu tahe tamyreny tyriti riwahinyre.

³¹ Tahe idi rariarenynre, ritÿÿnynmy tamyreny. Ribedeerynyreny. Tai tahe reysarenynre.

³² Judasi Silaboho tule Deuxu dee rybeduwihikÿ roire. Sõwemy dohodÿÿna-ki seriõre mahãdu-wana rohonymyhÿre. Tai tahe rirurudÿÿnymyhÿre.

³³ Aõutxumy rarooreheny, tahe seriõre mahãdu tamyreny rarybere: —Bõibenyke he ateodÿÿdu mahãdu-õ. Biõkeseke wowina-di Jerusalẽ hãwã-õ.

³⁴ Tahe Sila rõhõtynyreny ririkremy Atxiõkia-ki.

³⁵ Tahe Paulo Banabe-wana naride Atxiõkiakile. Inynyrÿ rybemy rierynanyrenyteri, ritÿÿnynyrenyteri, ijõ seriõreõ-wana.

³⁶ Aõutxumy tahe Paulo rarybere Banabe-õ: —Rõkõõsekre kÿnyhe, ibutumy hãwã hãwã-di tai juhuu Inynyrÿ rybemy ritÿÿnynmahãreõ wahe, rikiwesityhynanyrenykeny timybo ityhydÿÿdu mahãdu nyimyhÿde-õ.

³⁷ Tahe Banabe Joaõ-Marku ridykemy tamy reare.

³⁸ Paulo heka Joaõ-Marku ridyõkemy ratxireri, Panflia hãwã-ki dori iribireny rõhõnyreki, riwiõhenanyõreki.

³⁹ Marku ridykemy wiwese wesemy aõkõ rõhõtinyrenyre teratyhylemy ratximyhÿ. Tai tahe wiribi rexihitxinyrenyre, Banabe Paulo-ribi. Banabe Marku ridyra Xibri bedebute-õ, hãwõ-di rõira.

⁴⁰ Paulo tahe Sila ridyra. Seriõre mahãdu tahe Pauloboho riixitõedÿÿnyre, Inynyrÿ ruxetõena tamyreny kanakemy.

⁴¹ Tahe Siria bede werawo-di, Silisia bede werawo-di, ririranyre dohodÿÿna mahãdu riwiõhenanykemy, rirurudÿÿnymyhÿkemy.

16

¹ Pauloboho tahe Debi hãwã-õ rehemynyre. Ihyy tahe Listra hãwã-õ rare. Tai tahe Tximõtxi-wana witxi rekoare. Tximõtixise judea tyhydÿÿduõ rare. Tyby tahe grego mahãduõ rare.

² Listra, Ionio ityhydÿÿdu seriõre Tximõtxi luure. Tximõtximy widee rarybere: —Tii iny hãbu tyhy rare.

³ Tahe Paulo Tximõtxi-wana rakemy rexiywinymy raremyhÿ. Tahe rexitarenykre kotyreu, Paulo, Tximõtxi notykyresymy riteõnyre, kowa judeu mahãdu õraru-ki wahe. Tyby dorihe ibutumy iny rieryre tii grego mahãdu raremy. Notykyresykõmy rake tahe judeu mahãdu dee kia ibinare.

⁴ Iribi tahe rõirenyre hãwã hãwã-di, ityhydÿÿdu seriõre mahãdu ribedeerydÿÿnykemy, timybo Jerusalẽ mahãdu rõhõtinymyhÿremy.

⁵ Tai tahe ibutumy dohodÿÿna heto mahãdu tii rirurudÿÿnymyhÿre ityhydÿÿna-di. Tule ijõ rityhynymyhÿre txuõ txuõlemy ralokemy ityhydÿÿduõmy rarekemy.

⁶ Pauloboho Asia bede-õ rõirenyõre rybe ritÿÿnykemy, Deuxu Tyytybytyhy ritirÿreki. Tahe Frigia-Alatxia bedemy rekoamyhÿrenyre.

⁷ Misia bede-õ rehemynyre, Bitinia bede-õ rõirenykemy riwisÿnyrenyre. Tahe Jesuisi Tyytyby tamy riteõnyõhyre, ritirÿmyhÿre.

⁸ Tahe Misia bedemy rekoare, tahe Troaji hãwã-õ robehere.

⁹ Tahe Paulo hãbuõ wesemy robire rasina weselemy. Hãbu, Macedonia bede ludu lamamy rÿimyhÿõ, tuu robire. Tahe hãbu ryrymyhÿ tamy: —Manake Macedonia-õ, biwawiõhenanykemy. Kia Paulo rasi-ki tuu robire wese.

¹⁰ Tahe tarasi rahureu, tamyhe wylemy aroikemy watxiwãhãrenyre. Jiarÿ, Luka, Paulo-wana. Deuxu dori inydeereny rarybereri Macedonia-õ rõkõirenykemy, Rybewehikÿ rikiubÿtÿnyrenykemy. Kialemy rõkõõtinyrenykre.

¹¹ Tahe Troaji hãwã-ribi rõhõnyre hãwõ yhywydynalaworo-ki. Samotrasia hãwã-õ imy-nahy rõhõrere. Ijõ txu tahe Niapoli hãwã-õ rõhõreri.

¹² Iribi tahe Filiposi hãwã-õ roirenyre. Juhuludu hãwã rare Macedonia bede-ki. Roma hãwã mahãduõ tule tai rasÿnymyhÿre. Tai txuõ rewyrenyre.

¹³ Sabadotxu tahe hãwã-ribi reolõnyrenyre bero ijã-õ. Rahõtinyrenyre tai ixitõedÿÿna-õ rÿimyhÿremy. Tai tahe hãwyyõ rexibutunymy rÿimyhÿ. Tahe rorokorenyre tamyreny raryberenykemy.

¹⁴ Hãwyyõ Lidia inire, inyrybe-õ tahe roholatyhymyhÿre. Tii Txiatira hãwã luduõ rare. Tii tylÿre ijohodure, tule Deuxu tyhydÿÿdure. Inynyrÿ irayky riywinyre Paulo rybe rityhynykemy.

¹⁵ Tahe ibutumy isÿmahãdu-wana riratysebenyre. Tai tahe tamy Lidia rarybere: —Inaanokãbo ityhydÿÿkÿdumy watxiwãhãre-wana, wahetoku-kõ manakre. Tai tahe iheto-õ rõirenyre irybe-ki.

¹⁶ Aõtxumy tahe riberenyre ixitõedÿÿna-õ. Itxi rekoarenyre ijadõmaõ-txi, deõdu rare. Iwo-ki tyytybybina ralõmy rÿire. Tai ijadõma relyyre inyko aõhebo iny-õ rotÿÿnykemy. Tai sõwemy nieru ritare tawedu-õ.

¹⁷ Tahe waherenymy dyrymy nade: —Deuxu ibuturatyre rare. Itẽdÿÿkÿna mahãdu kia mahãdu rare. Tikiboho rarybemyhÿre timybo iny taõraru-ribi ratakemy.

¹⁸ Tuheka rarybehyy raremyhÿ. Aõtxumy tahe Paulo tai rexirare, tamy rõõsemy reare. Rarybere tyytybybina tai ratxireriõ: —Jesuisi Kristu nimy iribi arateõnykre. Bexitakre. Tahe aõwesele iribi rõhõnymy reare.

¹⁹ Iwedu tahe rieryre nieru idi ritaõkre ta rimyrenyre Paulo Sila-wana. Retÿhimy rare ywisidÿÿdu-õ, hãwã elehyna ube-õ.

²⁰ Tahe ijadõma wedu rarybere ywisidÿÿdu mahãdu-õ: —Kaa judeu mahãdu iny hãwãreny dibinadÿÿnymyhÿde.

²¹ Tiiboho iny ribedeerynymyhÿre aõ iny bede ywinareny-di aõkõ. Inyboho Roma hãwã mahãdu rare. Tai kia-ki aõhe arotÿÿnyõtyhy.

²² Tai tahe sōwemy iny Paulo Sila radðnyre. Ywisidÿÿdu mahādu tahe ity ibòrò-ribi ritxuahakÿre idi tahe rityhenymy tuu raòhòtere.

²³ Tuu raòhòtere, tuu raòhòtere, idi tahe ròtenawo-ò idi rehurenre. Ròtena-di itxeredu-ò rarybere: —Kaa rahenykre-wana, kaile budurukre.

²⁴ Tai rirutere iraru-txi rarutxi-ò iwa ritidire òwòru iwodÿÿwomy raratyheny.

²⁵ Ruetya tahe Paulo Sila-wana rexitðenymy roimyhÿ Deuxu dee. Ijò ròtenawoludu mahādu roholamy rÿimyhÿ tai.

²⁶ Aōwese bede ramytatare. Ròtena ijòtòbòna rirayre hābu mynyna iribi rejuxunre.

²⁷ Tai tahe itxeredu ijò iraymy idi retehereu, rexirubunykeny tamaydese ritare. Ròtena woludu mahādu rahenyramy tii rexinohòtinyra.

²⁸ Paulo tahe tamy rryyre: —Ixirubudÿÿðmyke, kakile watxirenryeri, ibutuhukÿlemy.

²⁹ Itxeredu rryyre loosòna kidiwykeny tahe ralore ramytatamy brebumy. Paulobohoko-ò resere tatiòhomy.

³⁰ Tahe itxeredu diòlòdÿÿnyde irarutxira-ribi, tamyreny rarybere: —Wanyrÿboho timy-bohe aratamy arÿike. Aõhebohe arotÿÿnyke.

³¹ Tahe rirawyònyre: —Inynrÿ Jesuisi bityhnykrekele, tarasanamy myikre, asÿ mahādu-wana.

³² Tahe tamy Deuxu Rybe-di ritÿnydÿÿre ibutumy isÿ mahādu-ò.

³³ Iruule tahe riwisananyrenyra ibrò wotòmona risuhòra. Idi tahe itxeredu raratysebenyre tasÿ mahādu-wana ibutumy.

³⁴ Iribi tahe itxeredu ridyrenyre taheto-ò riroxikemy tahe ibutumy reysanihikÿreny, Deuxu rityhnyrenyaki.

³⁵ Txu deadeu tahe ywisidÿÿna dinodu ijò ywisidÿÿna mahādu riteònyre, ròtena-ribi Pauloboho riteònykremy.

³⁶ Itxeredu tahe Pauloboho-ò rarybere: —Ywisidÿÿna mahādu arateònykremy riwateònyreri. Bòibenyhe, wowina-di, biòlònybenyke.

³⁷ Paulo tahe rirawyònyre: —Aòkòre, araòtyhy. Jiarÿboho Roma hāwāhākÿ mahādu kaa watxirenryeri. Tii riwayhytanyrenyra idi ròtenawo-ki riwasÿnyrenyra. Ywisidÿÿdu mahādu wii rotykòhyre riwaròtenyrenyra. Wasimy ka tiu ariòlònyòtyhy. Tiibocho kodoikreule tahe ariòlònykre. Tii he riwaòlòdÿÿnykre.

³⁸ Tahe ywisidÿÿna mahādu tawedu-ò rarybere. Tahe tiibocho ruberenyreny Pauloboho Roma hāwā mahādu roireki wahe.

³⁹ Tai tahe dòidenyde tamyreny, aōwaxina riòlònykremy. Tahe làhāmy tamy rexitðenre. Tutyhy-ki aòkò làhā ararutara. Tai riteònyrenyreu, hāwā-ribi rexitarenykeny tamy rexitðenyra.

⁴⁰ Rexitarenyreu, Pauloboho tahe Lidia heto-ò ròòsere. Ibutumy ityhydÿÿdu tahe wii ritotynre, wii riwiòhenanykemy. Idi tahe riòlònyre kia hāwā-ribi.

17

¹⁻² Tiibocho rekoarenre Afipoli hāwāmy, Apòlonia hāwāmy tahe rehemynre Tesalonia hāwā-ò. Judeu dohodÿÿna hetoò tai rÿimyhÿreò. Paulo, iwese aōu riwinymyhÿre wesele rare tamy. Ralore rybe-di rarybekemy. Inataò sabadomy tai riraynyre tyriti ritidÿÿna tamy ritÿnynykemy.

³ Rybe hitxina rurukremy tuu relyyre. Tahe Paulo tamyreny ritÿnynyre iwese Kristu durudemy idi dexiixixandyde rubu-ribi. Kia iny rityhnyra Jesuisi inatyhmy Deuxu deòdÿÿna raré.

⁴ Tahe ijohonadu mahāduò rityhnyre. Tule ijò judeukòdu mahādu rityhnyre. Tule ijò hāwyy wihiikÿ mahāduò rityhnyre sōwemy.

⁵ Tahe judeu mahādu dinodu tuu ròhārumyhÿre. Tiibocho tahe hābu binahakÿ mahāduò wii rotyre aòbina ritelenykremy. Tahe ròirenre Ijasò heto-ò Pauloboho rimyrenykremy, ywisidÿÿna-ò idi retÿhikremy.

⁶ Tai tahe rahaòhyre tai. Tahe Ijasò ritarenre ijò ityhydÿÿduò-wana. Tahe ridyreny ywisidÿÿna-ò. Tahe raryberenyre ywisidÿÿdu mahādu-ò: —Paulo, Silamy urile bede diòtanymyhÿdenyde, aōna aōna binahakÿlemy rotÿÿnymyhÿre.

⁷ Ijasò tahe ritirÿmyhÿre taheto-ki. Tiibocho iny òludu roire. Iny iòlòreny rityhnyòtyhy. Jesuisi ka iòlòreny.

⁸⁻⁹ Ibutumy iny idi ròhòtinyre, tule ywisidÿÿna mahādu rexitðenre nieru ririkemy. Tai xiery tahe ròhònyke. Tai tahe ririrenre nieruò.

¹⁰ Kiaru tahe ityhydÿÿduò Pauloboho riwiòhenanymy iribi riòlònykemy Bereia hāwā-ò. Tahe rehemyhÿreu, dohodÿÿna-ò ròirenre.

¹¹ Kia hãwã-ki judeu mahãdu iny awi rare, Tesalonia hãwã mahãdu wese aõkõre. Teysamy tamy roholarenyra. Idi heka rariara Tyyriti-di, õbitimy Paulo rybe aõbo roirerimy rierykemy.

¹² Tahe sõwemy judeu iny rityhynre. Judeukõdu mahãduy-ribi sõwemy rityhynrenre, hãwyy wihikÿ, hãbu-wana tule rityhynrenre.

¹³ Bereia hãwã-ki Paulo Deuxu rybe ritÿnynmy raremy. Judeia mahãdu dinodu Tesalonia hãwã-ki roholareu, tahe doidenyde. Iny sõwe-ò raryberenyre: —Pauloboho bibinadÿÿnyke.

¹⁴ Tahe ityhydÿÿdu seriõre mahãdu aõwesele Paulo riteõnyrenre ahohokÿry-di. Sila, Tximõtxi taile rarire.

¹⁵ Hãbuõ rare Paulo-wana Atena hãwã-ò. Iribi tahe dõõsede hãbuõ. Paulo tamy tarybe riwahinyra Tximõtxi Sila-ò, wylemy kanakremy.

¹⁶ Paulo Atena hãwã-ki riraõreu, tahe robire suritxoole rityhynmyhÿreò. Tai tahe tii rabadewore.

¹⁷ Idi tahe Paulo ralore dohodÿÿna mahãdu heto-ò judeu dee rarybekemy, tule judeukõdu ityhydÿÿdu dee rarybekemy. Tahe rarybemyhÿre txuõ txuõlemy. Tule hãwã ube-ki rarybemyhÿre hãwã-di reamyhÿre mahãdu-ò.

¹⁸ Aõtxumy tahe Epikuriu mahãdu Paulo-txi nade. Estõiku mahãdu ijõre. Tiiboho, aõbo rybe rare kia erydu roire. Tiiboho he Paulo rauõmorenyre: —Aõmy aõkõ, kiarybedu rarybereri. Ijõ tahe rarybere: —Tii Deuxu tÿmyramy rarybereri. Paulo dori juhuu Jesuisi ixixanamy relymy raremyhÿ. Tai kiamy raryberenyre.

¹⁹ Paulo tahe ridyrenre. Tai iny roholamy rÿimyhÿreò ridyrenre: —Rybe tÿmyramy telymahãtemy inihe bedelyyke wakoreny. Tamy kia rarybere.

²⁰ Aõkõre inihe aõna aõnamy tarybemy atxiteri, aõwixira wixiramy. Tai aroholarenykemy watzirenyre.

²¹ Atena hãwã mahãdu, tule iwixira bede luduõ tai rasÿnmyhÿre, aõ tÿmyraõõle roholarenykemy ratxirenyre.

²² Tahe Paulo rÿire rybenatya-ki. Rexiõrarunymy rarybere: —Atena hãwã mahãdu, kaiboho Deuxu rybe hyky tahõtinmahãtenyde.

²³ Jiarÿ hãwãmy rariamy watzireri, sõwemy xiwena-di retehera. Ijõ-di kiamy retehera iritina-di: Kaa Deuxu heka inyõ rieryõhyymyhÿre. Ka Deuxumy kÿny heka akoreny arelyyke, teerymahãtenyde-di aõkõ tuu tealãmahãtenyde.

²⁴ Ka Deuxu ibutumy bede riwinyre. Ibutumy tuu rÿira tii riwinyre. Tii heka biuwetyy wedu rare, su wedu rare. Aõ hãbu widÿÿna heto-ki aõkõ tii rasÿnmyhÿre.

²⁵ Tiu heka tii aõmy reaõtyhy hãbu aõ tamy riwahinyõtyhy. Tule tahe inydee ibutumy aõna aõna riwahinymyhÿre, ele wesena, umy, ibutumy inydee riwahinyre.

²⁶ Hãbu sohojiõ-ribi ibutumy iny rõhõnyre iriõre riõremy bede wixira wixiramy rasÿnmy rÿirakemy. Urile wiribi rihitxihitxinyre. Tiu tamy riteõsinyre, tikibo rasÿnmy rÿirakemy.

²⁷ Ibutumy Deuxu rajjemyhÿkemy, raerykemy. Tii dori irehemy aõkõ ihÿre iny-ribi. Iny sohoji sohojiõ-ribi iõhõmy ratximyhÿre.

²⁸ Deuxu õraru-ki inyboho ibutumy irumy ratximyhÿrenre, ririranymyhÿre, ihoõkeki tahe aõ rikiwinyrenyõtyhy. Atyyriti widÿÿduõ kiamy rarybere: —Inyboho heka Deuxu riõre.

²⁹ Inyboho Deuxu riõre rareki, urile nohõtiõmy womati tÿrÿrÿÿ ritxoo wesemy, womatiura wesemy, manarixoo wesemy Deuxu-di nohõtiõmahãbeny. Hãbu rayky-ribi, hãbu debõ Deuxu releremy nohõtiõmahãbeny.

³⁰ Ihetxiu tii Deuxu rieryõhyrenre. Tai tahe iõrarunareny aõnihikÿmy aõkõ Deuxu dee ihÿre. Wiji bededÿÿnana tahe, ibutumy taõraru-txi ixi-txi nohõti ijaranamy, tai tahe rabadewomyhÿkemy. Kia tahe ibutu iny-ò rarybereri, iny taõraru ririkemy.

³¹ Deuxu Jesuisi riixixanyre rubu-ribi. Tai tahe ibutumy tii rityhynrenyem y ihÿre. Aõtxumy tahe ibutumy iny ywisidÿÿdumy kanakremy ijÿre. Õbitina-di Jesuisi iny ritxuarenykre kia wiribi hitxi hitxina txuu.

³² Paulo Jesuisi ixixanamy rarybereu, inyõ tuu rirajuare. Ijõ tahe rarybere Paulo-ò: —Ijõ txuu arybe ini aroholatyhykemy watzireri.

³³ Idi tahe Paulo rare iribireny.

³⁴ Ijõ iny tahe Jesuisi rityhynre, Paulo-ò tahe rixibutunre. Ijõ Dionisiu inire, Areõpolo heto ube-ki tii iny mahãduõ roholamyhÿre. Ijõ, hãwyyõ rityhynre, Damari inire, tule ijõ mahãduõ rityhynre.

² Kia-ki tahe judeu mahãduò-wana witxi reare. Ini heka Akila inire. Tii Ponto hãwã-ki raumynyre. Urihimyòle Italia bede-ribi dehemynyre. Prisila ihãwyynire. Iòlò Laujiu Roma hãwã-ribi ibutumy judeu mahãdu diteònyde. Tai heka nade kaweribi-ò.

³ Paulo iaòmysÿdÿÿna rierymyhÿre, tyheto widÿÿ. Tai tahe tiiboho-wana rajoinymyhyre wiwana raàòmysÿdÿÿrenykemy.

⁴ Sabado txuò txuòlemy tami reamyhÿre judeu mahãdu dohodÿÿna heto-ò. Tahe ritohonymyhyre, judeu mahãdu judeukòdu mahãdu tule. Tamy rarybere tii Rybewihikÿ òbitimy rierykemy.

⁵ Sila tahe Macedonia bedewe-ribi rehemynyre, Tximòtxi-wana. Paulo tai rybe ritÿÿnymyhyry raremyhÿ. Aòu Paulo rarybere: –Inatyhymy Jesuisi Deuxu deòdÿÿna rare, Kristu rare.

⁶ Katahe judeu mahãdu tamy raykarananymy raremyhÿ. Aòbinahãylemy Jesuisimy rarybere. Tahe Paulo taty rihowire iixãwidinykemy riteòsinykemy. Tahe tamyreny rarybere: –Jiarÿ aòkò bede òrarure. Kai aòraruna-di burukre-wana, ahãlubureny waki aòkò rare, adeereny dori Deuxu rybemy rarybere. Tahe judeukòdu mahãdu-ò sohojile tuu arelyykre.

⁷ Iribi tahe inyò heto-ò Paulo rare. Txisiu Justu inire. Tii judeukòdu mahãduò rare, tahe Deuxu rityhynymyhyre. Judeu dohodÿÿna heto bire-ki iheto rÿire.

⁸ Krispu judeu dohodÿÿna heto weduni rare. Tii tasÿreny ibutumy Inynyrÿ rityhynymyhyre. Tule sòwemy Oritxi hãwã mahãdu rityhynymyhyre. Paulo riratysebedÿÿrenyre.

⁹ Paulo tahe rummy ròròmy roire. Tai tahe rasina wesemy robire. Inynyrÿ tamy narybede: –Brebuòmy, Paulo. Marybeke aòmybo rybemy adee rawahinyré. Rybe tÿnydÿÿ lau brebuòmy.

¹⁰ Jiarÿ adi watxiwãhãre urenana. Inyò adee aòhe rotÿÿnyòtyhy. Sòwemy iny rÿire kaki watyhydÿÿdu. Kia Jesuisi tamy rarybere.

¹¹ Tai he Paulo bede riijere sohoji beòra weeremy tai bede riere. Ribedeerynymyhyre Deuxu rybemy.

¹² Roma dinodu tÿmyraò ronyre Grecia bede-ki. Ini heka Kalio inire. Dinodumy ronyrau tahe, judeu mahãdu wii dotyde. Wii ritobinyre Paulo dee aòbinabinahãkÿ riwinykemy. Tahe tiiboho Paulo rimyrenyre idi kanakremy ywisidÿÿdu dinodu-ò.

¹³ Kiamy raryberenyre: –Paulo, Deuxu deaòlanamy iny dibedeerynymyhyde. Tai bede ywina rityhynyòhymyhyre.

¹⁴ Tahe Paulo ixideele rarybekemy ratxireri, tahe Kalio judeu mahãdu-ò rarybere: –Kia rubudÿÿdu ada aò ibinatyhymy ratxikeki, tai idi arohonykre, ariywisidÿÿnanyke.

¹⁵ Tahe aòkòre, urile abede ywina rybedile rarybemyhÿre, tai ywisidÿÿnanyke. Kaibohole biywisidÿÿnanybenyke.

¹⁶ Tahe Kalio ibutumy diteònyde ywisidÿÿna hetoube-ribi.

¹⁷ Tai tahe judeu mahãdu dohodÿÿna heto wedu rimyrenyre. Sòteni inire. Tule raòhòterenyre ywisidÿÿna heto ube-ki. Kalio tahe kia òhòtena-ò aòhe rotÿÿnyòhyylere.

¹⁸ Oritxi hãwã-ki Paulo rare myhÿre sòwemy he tai txu riwyre. Idi tahe seriòre mahãdu-ò rarybere: –Arakre. Tahe hãwò-di he rare, reuròkemy Siria bede-ò. Tahe Prisila Akila-wana tii-wana ròirenyre. Paulo Deuxu-ò rarybere aòmybo rotÿÿnykemy. Idi tahe rexihumy kia rÿire. Tai tahe tarade risyre nohòti ijerana wesemy. Sekrea hãwã-ki tarade risyre.

¹⁹ Tahe ritehemynyre Efesu bede-ò. Prisila Akila-wana ririre. Iribi tahe rare tyriti ritÿÿnyremy judeu mahãdu dohodÿÿna heto-ò.

²⁰ Tii mahãdu tahe Paulo rexitòenyre tai aòutxumy tai ratxunykemy. Tahe rarikòkemy ratxireri.

²¹ Karibi ròhònyreu, tamy rarybere: –Deuxudeewikeki, ixyby adòòsekre. Efesu-ribi ròhònyreu, yhydynamalawò rimyre.

²² Ritehemynyre Cesaria bede-ò. Iribi resereu, Jerusalè hãwã-ò rare. Tahe rarybere riwehityhynanyre dohodÿÿna mahãdu. Iribi tahe Atxiòkia hãwã-ò rare.

²³ Tai bededÿÿnana riijere idi tahe rara. Rariamy rare hãwã hãwã-di, Alatxia bede-di, Frigia bede-di. Ibutu hãwã-ki ityhydÿÿdu rotohodÿÿnymyhyre, riwiòhenanymyhyre.

²⁴ Iu tahe inyò judeu mahãduò dehemynyre Alexÿdria hãwã-ribi. Apòlo inire. Tii ribedeeryny wihikÿmyhyre tyriti, tarybe-di rotohononymyhyre, Deuxu rybe rieryreki.

²⁵ Inyò Apòlo riernanyre tÿmybo Inynyrÿ Jesuisi aòmydÿÿnana raremy. Tai Jesuisimy ribedeerynymy raremyhÿ, deysanatyhy-di rarybemyhÿre. Tii tahe Joaò ratysebenale rieryre.

²⁶ Apòlo rexidelenymy relyyre judeu mahãdu dohodÿÿna heto-ki. Prisila Akila-wana tai roholamy rononymyhyre. Idi tahe tiiboho Apòlo ridyrenyre ibutumy Jesuisi aòmydÿÿnanamy tamy ritÿÿnykemy.

²⁷ Iribi tahe Apòlo ratÏÏnykemy rexiwonnyre Grecia bedey-ki. ItyhydÏÏdu seriòre tamy rybe riwahinyre, Grecia ludu seriòre mahàdu-ò, aõma, rirylydunykemy, rehemynykeu. Tahe rehemynyreu, sõwemy riwiòhenanyre kia tyhydÏÏdu seriòre, Deuxu ruxetòena ityhydÏÏdu mahàdu.

²⁸ Tii dori judeu mahàdu raykyrybe itxÏte riwitxiradÏÏnyre iny sõwe hekÏy-ki. Rybetyyriti ritina-di riurihimy rarybere iwese Kristu Jesuisi raremyhÏ wese, Deuxu deòdÏÏna wahe.

19

¹ Apòlo, Oritxi hãwã-ki rareu, Paulo rabadetÏÏnyre kabedey-ki idi rehemynyre Efesu hãwã-ò. Kowa ityhydÏÏdu mahàdu-ò ki he rahare.

² Tamy Paulo ritÏÏraxinyre: –Tetyhynyteu, Deuxu Tytybytyhy ixidee aõbo temytenyte. Tahe rirawyònyre: –Aòkòre he, aõmybo tarybeteri. Deuxu Tytybytyhy reeryòrenyte.

³ Paulo rÏÏraxire: –Taratysebetenyteu, mobohe tetyhynytenyte. Tahe rirawyònyrenyte ixityre: –Retyhynyrenyte ibutumy Joaò SebedÏÏdu riwabedeerynyre.

⁴ Paulo tahe tamyreny ritÏÏnyre: –Joaò sebedÏÏna urihimyo iwitxi rare. Tii kiawese rybe ritÏÏnyre: iny taòraru-txi tòhòti reakemy. Tahe Jesuisi Juaò hewo-ribi kanakreu, tii tahe inatyhymy kanatyhydÏÏkre. Paulo kia tamyreny rarybere.

⁵ Kia-ò roholareu tahe, raratysebenyre InynyrÏ Jesuisi nimy.

⁶ Paulo iratyyre tebò ritidire, tai Deuxu Tytybytyhy tamyreny ralore. Tahe Deuxu rybemy raryberenyre, tule iwitxira rybemy raryberenyre.

⁷ Waòinatxi reurò hãbumy rÏÏramy.

⁸ Inataò ahãdumy Paulo reamy raremyhÏ judeu dohodÏÏna heto-ò. Tiiemy rarybe-hyymyhyre, riòbitinymyhyre, Deuxu Iòlònamy ritÏÏnynymyhyre.

⁹ Paulo-ò ijohonaduò rityhynyòhyymyhyre, teramy reamyhyre. Deuxu aõmydÏÏnanamy ibinamy rarybemyhyrenyte iny sõwey-ki. Tai tahe Paulo rexihitxinyre judeu dohodÏÏna heto-ribi. Txirano kia tyriti rybena heto-ò txuò txuòlemy ralòmyhyre taerydÏÏna-wana. Tahe rabaderynymyhyre.

¹⁰ Tahe bede riere inatxi beòramy. Tai tahe ibutumy iny Asia bede ludu mahàdu InynyrÏ rybe-ò roholamyhyre, judeu mahàdu, tule judeukòdu mahàdu.

¹¹ Deuxu aõna aõna wiwihikÏ riwinyre Paulo debò rihuòtere.

¹² Paulo tykyre riwinyrenyte webinadutyre ritidirenykemy. Tyky òsuròna wesemy ijòmy riwyre. Tai tahe webinaduò riteytynymyhyre. Tule tytybybinahakÏ iny-ki raremyhÏu, aõwesele iribireny ròhònymy reare tykyre òraru-ki.

¹³ Ijò judeu mahàduò ratÏÏnyre hãwã hãwã-di inyò ribi tytybybina ritakemy. Tiibohe tytybybina riteònykemy idi ratxireri. Tai tahe InynyrÏ Jesuisini-di riteònyre. Kia wesemy rarybere: –Paulo, Jesuisi rybe ritÏÏnynymyhyre, tai Jesuisini òraru-ki iribi bòhònykre.

¹⁴ Debòinatxi seriòre kia riwinyre. Sewa tybynire, judeu xiwena widÏÏdu kia wedu tii rare.

¹⁵ Tahe Jesuisi ni-di tytybybina-ò rarybereu, tytybybinaò dirawyònyde: –Jesuisi reeryre, Paulo reeryre, tahe mobo atxiteri.

¹⁶ Tahe hãbu tytybybina-di ratxireri, ityrehekÏle dexiwatxinyde, rihetenyre, ibutumy riwotòmonyre ityky ritare tai hetowo-ribi hãbu mahàdu tadehekÏlemy rahenyre.

¹⁷ Ibutumy Efesu hãwã mahàdu kia rieryrenyte, judeu mahàdu, judeukòdu mahàdu. Tahe ibutumy ruberure, Jesuisi ni nityhydÏÏhÏkÏmy ini raremyhÏki.

¹⁸ Sõwemy ityhydÏÏdu taòrarureny riixitòedÏÏnymyhyre, dohodÏÏna mahãduy-ki.

¹⁹ Ijò ityhydÏÏdu juhoo tytybybina rierymyhÏrenyte, tiibohe tahe tatyriti diwyde itxenadÏÏmy rybetyyriti, òwòrowidÏÏy kia tyriti. Tahe iny retehemyhÏreruki kia tyriti sõwemy ritoonyre. Idi ibutu tyriti juhoo òwy wese inyò riritinyre. Iòwy tahe 50 mil womati ura nieru juhoo iòwyre. Ihãrele tahe idi rahure.

²⁰ Ibutumy kia bede mahàdu Deuxu rybe-di ròhòtinihikÏrenyte.

²¹ Idi tahe Paulo tarayky-ki ròhòtinyre: –Judeukòdu mahàdu bede-ò arakremy ixi-di watxiwãhãre. Juhoo Jerusale-ò arake Macedonia bede-di Akaia bede-di arariamy arake. Adòòsekreu, tahe Roma hãwã-ò arake.

²² Tai tahe tawihedÏÏdu Tximòtxi, Erasto-wana Macedonia bede-ò riteònyre. Tai Paulo Asia bede-ki naride. BededÏÏnanaò riwyre.

²³ Kia bededÏÏnanau aõbina nihikÏ rÏÏkemy riwisÏnyre Deuxury òbitina òraru-ki.

²⁴ Dimitiu heka womati tÏÏrÏÏy ura ritxoo widÏÏdu rare. Hãwyy ritxoo ihãwãreny deuxu rare. Diana inire. Nieru sõwemy ritamy raremy idi riwinymyhÏreki.

²⁵ Dimitiu ributumy ibutumy womati ritxoo widÏÏdu, tamahãdu-wana. Tamyreny rarybere: –WanyrÏboho adeereny ararybekre. Inyboho nieru ritamyhÏrenyte kaa aõmysÏdÏÏy-ki. Kia tahe teerytenyte.

²⁶ Paulo rarybemyhÿre kaa inywidÿÿnareny deuxu aõkõ rare. Tai tahe sõwemy iny tamy nariade irybe-di. Efesu hãwã sohojile-ki aõkõ, ibutumu Asia bede-ki irybe rityhynymyhÿre.

²⁷ Iny aõmysÿdÿÿna õsana riixãwididÿÿnykre, ideuxu dohodÿÿna heto-wana, iny deuxu reny riixãwididÿÿnykre. Diana inyluure. Kaki sohojile aõkõ inyluure, ibutumy Asia bede-ki, tule bede bede ludu iluu inihikÿmy awireki. Paulo heka kia ibutumy rahukre.

²⁸ Kia roholareu tahe, raykarananyreny. Ryrereny: –Diana awi rare inydeereny. Tii Efesu hãwã deuxu rare.

²⁹ Rirajuamy rÿimyhÿ hãwã-ki. Hãwã mahãdu, Kaio Aristarku-wana rimyreny tahe ridyreny butunaube-õ. Tiiboho Paulo tÿimahãdu rare, Macedonia hãwã mahãdu rare.

³⁰ Tahe Paulo ralõkemy rexiwonyre tatÿi mahãduhe-ki, iny sõwey-ki tahe taerydÿÿna ijoi ritirÿre.

³¹ Tule ijõ bededinoduõ, Paulo wiðhedÿÿmy ratxireri. Tai tarybereny Paulo-õ riwahinyre ibutunaube-õ raõkemy, brebunamy roireriki.

³² Tiilemy ijõ rarybemyhÿre. Ijõ iwitxiramy rirajuamyhÿre. Urile wimy rauriurire. Aõherekibo ibutumy rÿireri, iny rieryõhyre.

³³ Alexÿdre iny sõwey-ribi rimyreny tahe, idi retÿhire, ritamadÿÿnyre iny rudera-õ. Alexÿdre debõ riteõsinyre tamahãdumy rarybekemy.

³⁴ Iny sõwemy idi retheheu, judeu mahãduõ raremy rieryreu tahe rirajuatyhyre. Tahe inatxi õramy rirajuahy rÿimyhÿ: –Diana awi rare. Tii heka Efesu deuxu rare. Kiamy ryrereny.

³⁵ Idi tahe hãwã weduõ riixãwididÿÿnyre. Tahe rarybere: –Hãbu, Efesu hãwã mahãdu. Ka hãwã Diana hãwã rare. Kaki tohodÿÿna heto reyrubuwãhãreny. Kaki biu-ribi mana ritxoo desede. Ibutumy kia reeryreny.

³⁶ Kia inatyhy rare. Tai tahe rikiyrymy rokorokorenykre. Aõwelese aõwidÿÿõmy.

³⁷ Kaa hãbu tedytenyeri. Aõhe rotÿÿnyõreri. Aõ-di rawasinyõhyreri dohodÿÿna heto-ribi. Aõbinahakÿ iny hãwy deuxumy raryberenyõhyreri.

³⁸ Dimitiu tamahãdu-wana aõbo tai reny ibinamy ihÿrenyeki, ywisidÿÿdu-õ idi rakre. Tiiboho heka wii ributumy rÿireri.

³⁹ Ijõ rybe tahe atxibenyeki, ijohonadu mahãdu adibutumykre arybe-õ aroholarenykemy. Iwese inyboho rotÿÿnymyhÿre wese arieryrenykre.

⁴⁰ Roma hãwã dinodu õsana aõmybo inymyreny kanarybekre. Wiji inyboho aõhebo rotÿÿnyrenyrimy. Aõ kÿnyhe ið-ki ka wiji jei jei rÿireri wahe. Roma hãwã dinodu tarybe kidiwahinykre-wana wahe, timyhe warybeõna.

⁴¹ Tahe riixãwididÿÿnyre. Rõsere ibutumy.

20

¹ Kia jei jei rybe rexihureu, Paulo tahe taerydÿÿna mahãdu-õ tarybe riteõnyre tiiboho kanakemy. Tahe rakrekou tyremy tamyreny Deuxu rybe-di rotohonyreny Deuxu-deewimy rierykemy. Idi tahe ritobinyreny. Rare heka Macedonia bede-õ.

² Ibutumy titxibo rexitomonymhÿ ritohodÿÿnymyhÿre ityhydÿÿdu mahãdu-õ.

³ Tahe Akai bede-ki heka bede riijere inataõ ahãdu. Tahe rexiywinymyhÿre ratximyhÿ Siria bede-õ rakremy hãwõ-di ridymyhÿredi heka rakremy rexiywiny. Idi tahe judeu mahãduõ irubudÿÿmy rarybemy nyimyhÿ. Inyõ Paulo rierydÿÿmy, tai ta Macedonia bede-di rõsere Siria bede-õ rakemy.

⁴ Hãbuõ ramyhÿre tii-wana Jerusalẽ-õ, ta kamahãdu Asia bedeõle he roirenny. Sopatu ijõnire, tii heka Bereia hãwã mahãdu rare, Biru heka Sopatu tybini rare. Aristarku ijõre, adelahelÿÿna ijõni rare, tiiboho Tesalonia hãwã mahãdu rare. Ijõ Kaio inire, tii Debi hãwã mahãdu rare, Tximõtxi ijõ rare. Tule ijõ Asia bede ludu rare, Txitxiõ ijõ, Trofimo ijõre. Rarekie.

⁵ Kiaboho juhutyhy rexiraõmy roirenny. Paulo riraõmy Troaji hãwã-ki. Tule riwaraokre –Luka jiarÿ ka tyyriti widÿÿdure.

⁶ Worana bedehesi itueru tahe, jiarÿ Paulo-wana roirenny heka hãwõ-di Filiposi hãwã-ribi. Iruyre txu rÿidi tahe rehemyreny. Troaji hãwã-õ. Taita sohoji semanamy rewyrenny.

⁷ Tahe nobiutxu ityhydÿÿdu mahãdu iny wi ributumy, Inynyrÿ mona, rÿsÿna-wana tuu rihitxinyry rÿÿsÿkemy.

⁸ Tahe Paulo iu rybe ritÿnyreny itxu biõwamy rexiywinymy rÿimyhÿ tahe rakremy. Urile tahe rarybereri hyky tahe ruetya he wihe ritotynymyhÿrenny. Hetoranoa-ki biu-ki rÿimyhÿre. Kanoõtyhy-ki rabutureny. Tiu Paulo rarybemy rarybemy rexihukõhyre, biurasõmy rakreki. Tahe sõwemy heka lamparina rÿimyhÿre.

⁹ Ronymyhÿ, moma inire, Otxiu. Aõma-ki ronymyhÿ, heto janela tyre-ki biu-ki. Ta tõhõti rosare, rõrõmy resere. Iribi reare, biuribihikÿle resere suõ. Rurure.

¹⁰ Tahe Paulo robehe my rare tamy. Tatiowotimy resere weryrybò rimykre my iwetya-ki. Paulo rarybere: –Bedeòtiidÿòmyke irulemy roire. Deuxu icyby iumy tamy riwahinyre.

¹¹⁻¹² Weryrybòm y irumy robirenyreu tahe, ibutumy reysarenyre. Tai tahe Inynyrÿ bemona, rÿsÿna-wana tuu rirÿsÿrenyre biu-ki wahe. Paulo ixityre rarybere. Txu iòlò iòlòm y rareri-wana tahe rarybere. Tahe Paulo rare. Tatilemy rare Aso hãwã-ò. Tii tamy tarybe ririrehe: –Kowa ayhywydyna lawò arimykre.

¹³ Tahe jiarÿ, Luka, wamahãdu-wana roirenyre yhywydynalawò-di Aso hãwã-ò Paulo-wana rekoarenykemy.

¹⁴ Rehemynrenyre tahe, Paulo ralòm y yhywydyna laworo-ki.

¹⁵ Imytxubiòwa tahe Kio hãwãko-txi rehemynyre. ijò txu tahe Samosi hãwã-ki rehemynyre. Ijò tahe rehemynyre Mitilene-ò.

¹⁶ Paulo xitamadÿÿ deramy reare Efesu hãwã-ò. Raeleemy ratximyhÿ Jerusalë-ò rehemynykemy, aõma, Pentecoste kia judeu worana bedehesi-ò raeleelere.

¹⁷ Tahe Miletu hãwã-ki rehemynyre, dohodÿÿna matuari mahãdu tamy he rarariòwre tamy rarybekremy hãwò-ò kedehemynykemy. Tahe Efesu-ribi ditehemynydeu, kia tamy rarybere:

¹⁸⁻¹⁹ –Tahe tiemy Asia bede-ki Inynyrÿ-ò raaõmysÿdÿÿhyy watziwãhare. Aõmy aõkò ixidee rahòtynywãhare. Rahinymahãre, Inynyrÿ dee rybe retÿnynmahãre. Warube resehyy watziwãhare. Tai ta brebuna nihÿkÿ waumy-di rarewãhã. Judeu mahãdu heka sòwemy wamy rarybemy riwarubunykemy. Kia ibutumy aõmydÿÿnana teerytenyte.

²⁰ Tiu raberuòhyywãhare Inynyrÿ nimy rybemy. Ibutumy rarybewãhare iny sòwey-ki tule heto hetowomy relymahãre.

²¹ Judeu mahãdu-ò retÿnynyre tule judeukòdu mahãdu-ò taòraru ririkemy Deuxu dee taòraru-txi tòhòti reakemy rabadewokemy. Tule Jesuisi Kristu rityhynykemy.

²²⁻²³ Katahe wiji arakre karibi Jerusalë hãwã-ò. Deuxu Tyytybytyhy heka wadee dyrymyhÿde. Aõhebo arotÿÿnykre, reerykòre. Kiale reerywãhare, aõma, Deuxu Tyytybytyhy wadee rarybemyhÿre ibutu hãwã-ki, aõma, aõhòkÿmy arotÿÿnykre kowa. Rotenawo-ki aroikre. Myle reeryre.

²⁴ Tiemy tamy raaõmysÿdÿÿmahãre. Kiale wadee Inynyrÿ Jesuisi rewahinyre urenana. Kia ariwinyòkeki, aõ aõkò heka jiarÿ waumy-ki. Tii arelywãhãke inyko-ò rybe tÿmyra wihikÿ, timybo Deuxu inyluurenyre.

²⁵ Araernanywÿhÿrenyre Deuxu Iòlònamy, wamy tahe bobibenÿòtyhy ixityre. Kia reerywãhare. Jiarÿ tule umyreny arobiòtyhy.

²⁶ Tahe adeereny aõmybo ararybekre. Ryranomy heka watziwãhare ibutu hãlubu-ribi. Kaiboho aòraru-di burubenykeki, jiarÿ aõkò tuure. Inyò wamy rarybeòtyhy aõma Rybewihikÿ-di jiarÿ itÿnynnyòmahãremy.

²⁷ Tiemy rarybehyy rarewãhã ibutumy Deuxu bede ywinamy.

²⁸ Tai tahe xixi-di awimy boibekre. Iwese budoeni itxeredu tamy rÿsÿna riwahinyre wese, kaiboho ityhydÿÿdu mahãdu-ò Deuxu rybe tamyreny biwahinybenykre. Deuxu dohodÿÿna mahãdu tii rare. Jesuisi tahãlubu-di tii riwyre. Tai tahe ityhydÿÿdu mahãdu wiòhedÿÿdumy kaiboho toite.

²⁹ Karibi arohonykre, aitxeredu mahãdu kanakre. K reeryre. Adeereny òbitimy aõkò rierynanykre. Tiiboho ahola wesemy ratximyhÿrenyre. Iwese budoeni-ò imynymy ròsem y ramyhÿre wese heka kedehemynykre.

³⁰ Inyò heka aityhydÿÿdu seriòre yribi iwitxira aõna aõnamy kidiernanymyhÿkre. Taijoi kididymyhÿkre tarybe-ò ijohonamy.

³¹ Tahe biijemy boibekre. Inataò beòramy awana rarewãhã. Kiamy rarybereri, iribi nohòtilosarenÿomy. Txu-wana, ruwana adireny ròrenywãhare. Rahinymy heka aòrareny-ki watziwãhare.

³² Tahe ararirenykre Deuxu-wana xixi-di he awimy renykre. Tii heka adireny rarekre. Tii tahe nohòtilosarenÿomy, boibekre Deuxu rybe-di. Tii heka riwiòhenanykre atyhyna raumynykremy. Deuxu riwyrenyre wahe adee reny aõna aõna wiwihikÿ riwahinykre òbiti mahãdu-wana kia bitabenykre.

³³ Tiu heka jiarÿ ijò hãbu-ribi nieru tarasamy rahòtynyòhymahãre tyy wiwihikÿ tarasamy raruòhymahãre.

³⁴ Tiemy wadebò-ribi hyy hyy raaõmysÿdÿÿmy rarewãhã waaõmydÿÿnana òwydÿÿmy. Tule rewiohenanywãhare tii-wana watziwãhare mahãdu. Kaiboho teerytenyte kia.

³⁵ Ibutumy rewiohenanywãhare iaõkò mahãdu kia heka tuu tabitenyte kia rewinymahãremy. Teerytenyte timybo Jesuisi rarybere: –Biwahinybenyke, kia dori iny-ribi ritamyhÿre ratyre awi rare.

³⁶ Tahe rybe-ribi rexihureu, tatiowotimy rotamanyrenyre wiwana rexitòrenyrenykremy.

³⁷ Tahe rahinyrenyre, rinyrenyre tamy wõrenyre, aõna rakreki, kia-ki rexythyenryeri tamyreny.

³⁸ Tiiemy rabadeworenyre tiu tuu robirenyõkremy. Tahe hãworo-ò tiibohe-wana roirenyre.

21

¹ Iribi rõhõnyreu tahe, õbitihy rare Kõsi hãwã-ò. Ijõ txu tahe Rodesi hãwã-ò ritehemynyreny. Iribi tahe Patara hãwã-ò ritehemynyrenyre.

² Tai tahe rahare hãwõ-ki, Senisia hãwã-ò rakremy rexywinyreny. Roirenyre kia shywydynalawò-di tahe rorukreny rõiirenyre tamy.

³ Xibri bedebute weribi-ò reure, inhywenawe-ribi Siria bede weribi-ò. Tahe ritehemynyreny Tiro hãwã-ki. Tai tahe hãwõ-ribi aõna aõna-di rekoarenyre.

⁴ Tamy roirenyre tahe, rÿÿraxirenyre kahãwã ityhydyÿdu mahãdumy. Tai raharenyre. Sohoji semanamy bede tiibohe-wana wadireny rÿire. Kiaerydyÿna mahãdu heka Paulo dee raryberenyre: —Aõma nõomykre Jerusalẽ-ò. Deuxu Tyytybytyhy tuu tamyreny rarybemhyÿre.

⁵ Tahe semana ituereu, diõsedenyde ixyby hãworo-ò. Ibutumy diberenydenyde ityhydyÿdu mahãdu tiibohe-wana ÿnyra-ò, hãwyy, uladu, ibutumy. Tahe rexitõenyrenyre.

⁶ Ritobinyrenyre tahe, riõserenyre heto-ò ixyby.

⁷ Idi tahe Tiro hãwã-ribi rare. Tahe Tolimaida hãwã-ki ityhydyÿdu mahãdu rerybewãhãrenyre txu sohojilemy bede reijerenyre tai.

⁸ Ijõ txu biõwamy tahe roirenyre Cesaria hãwã-ò. Tahe Filipisÿ-ki rasÿnyreny Rybewihikÿ-di tÿnydyÿdusÿ-ki wahe. Tii juhuhu aõma ityhydyÿdu mahãdu wiõhedÿÿduõ juhutyhy rare.

⁹ Tii heka inaubiõwa iriõre rare. Tahe heridu aõkõ ijadõma mahãdu rare. Ijadõma mahãdu heka Rybewihikÿmy rybeduõle rare.

¹⁰ Tahe aõtxu taile watiwãhãrenyre. Tahe hãbuõ dehemynde Judeia bede-ribi, moma inire Abusi. Tii tule Deuxu rybe-di rarybemhyÿre.

¹¹ Idi tahe nade inyorarenymy. Tahe rimyre tii Paulo wereysana. Tawahe idile rimyre rexitaare tebõ-wana. Idi tahe rarybere: —Deuxu Tyytybytyhy wa kiamy rarybere: —Kia wereysana wedu heka iwese rataataamy raïre wesele heka tule rataataamy rÿikre Jerusalẽ-ki judeu mahãdu heka kia riwinykre ta riwahinykre judeukõdu mahãdu-ò.

¹² Tamy raholarenyreu tahe, raryberenyre Paulo dee raõkremy Jerusalẽ-ò. Jiarÿboho raryberenyre tamy tule ijõ tule tamy raryberenyre.

¹³ Tahe Paulo rarybere: —Hirenyõmyke, tiwabedewodÿÿnytenyteri. Raxywinymy watxireri Jerusalẽ rõtena-ò aralõkemy. Tamy sohojile aõkõ kÿny, tule Deuxu dee wikeki tahe arurukre Inynyrÿni õraru-ki.

¹⁴ Timy heka Paulo nohõti rareadÿÿrenyõke tiiemy tanonanamy rara. Tahe rarybemy rahudi kiamy tarybe-ò resere Deuxudewilemy rotÿÿnomy ratxike.

¹⁵⁻¹⁶ Iribi tahe iny aõna aõna rexywinymy Jerusalẽ-ò roirenymy. Ijõ ityhydyÿduõ Cesaria-ribi iny-wana roirenyre. Tahe ritehemynyrenyre, Menasõ heto-ki rasÿnyrenykemy ityhydyÿdu riwadyrenyre. Menasõ heka juhutyhy ityhydyÿdumy ralõmy raremyhÿ. Juhuu tii Xibri bedebute-ki rasÿnymy raremyhÿ.

¹⁷⁻¹⁸ Jerusalẽ ityhydyÿdu mahãdu ibutumy awimy riwamyrenyre. Jiarÿ, Luka wahe, Paulo-wana, ijõ ityhydyÿdu-wana. Ijõ txu biõwamy tahe Paulo riwadyrenyre Txiaumy robikremy. Tule ijõ Jerusalẽ dohodÿÿna matuari mahãduõ tai ronyre.

¹⁹ Wirirybenymy rahudi tahe, Paulo tamy relyre aõhebo Deuxu tamy rotÿÿnyrenyre. Tymybo judeukõdu mahãdu Deuxu rityhynyrenyre.

²⁰ Kiamy roholareu, Deuxumy realãrenyre ibrõ-kí. Tai tahe inyõ rarybere: —Paulo, sõwemy judeu mahãdu rityhynyre. Kai teeryte, inyseriõre, ibutumy judeu mahãdu bede ywina riywinymy ratximyhyhy.

²¹ Inyõ umy rarybere, raroimyhÿre kaki Jerusalẽ-ki. Judeu ityhydyÿdu mahãdu-ò rarybere: —Paulo he Moisesi bede ywina-ribi nohõtirosakemy tii riteõnyre. Paulo riernanyreny judeu ityhydyÿdu mahãdu-ò kia judeukõduy-ki rasÿnyre mahãdu-ò. Kia inyõ riki rarybere, Paulo uladunotyky resyna riteõdyÿõreki riki.

²² Tii kÿnyhe roholarenykre kaõ tehemynterimy.

²³ Tai kiamy rikiwinyrenykre. Inaubiõwa hãbu katxi rare tarade riwysynykremy. Deuxu-ò tarybetyhy riwahinyrenyre, tai tahe tarade riwysynykremy.

²⁴ Kai tule makre iwesele arade riwysynykre Deuxu dohodÿÿna heto-ò. Tahe iradereny synaõwymy biõwynykre. Tai tahe ibutumy aluukre judeu mahãdu bede ywina tetyhynmahãteki wahe.

²⁵ Aõ inyboho ka judeukõdu mahãdu. Ka bede ywinaõ rityhynykemy aõkõ tuu iny ratxirenyre. Kaa adeereny tuu rarybewãhãrele rityhynyrenykeny: –Ka aõma rÿsÿna ritxoo rÿsÿnamy iwahidÿÿnalemy irÿsÿõmy, tule iròdude ihãlubu iijeradÿÿõreri, uritere irÿsÿõmy, tule òta òta òraru widÿÿõmy.

²⁶ Tai tahe Paulo rarybere: –Hÿde, tii ariwinykre. Tahe Paulo rare Deuxu dohodÿÿna heto-ò kia hãbu-ò wana. Tahe ibutumy iny rieryre xiwenaõ riwinykre wahe, tamy dori raryberenyre.

²⁷ Tahe debòinatxi reurò txu-di riwinykremy. Idi ka debòinatxi reurò txu rexihudi tahe iòhòmy. Tahe Asia bede ludu judeu mahãduõ tuu robira. Tiiboho iny-ò rarybere Paulo rimykremy.

²⁸ Sòwemy iny tamy wi rotyre Paulo òludumy. Tiiboho kiamy rirajuarennyre: –Haeli mahãdu, wylemy bodoike. Biwawìohenanybenyke. Ka hãbu ratxireri iny bede ywinareny òludumy ritÿÿnymy rÿimyhÿre. Iny dee narybemyhÿde judeu mahãdu bede ywina rityhynyõkemy, tule iny Deuxu dohodÿÿna hetomy, judeukõdu kawo-ò didyde tai tuu ribinadÿÿnyreri.

²⁹ Juhuu tahe ijõmy robire hãbuõmy hãwãhãkÿ-ki Paulo-wana ratxirerimy. Trofimo inire. Tii heka Efesu hãwã mahãduõ ityhydÿÿduõ rare, judeukõdu mahãdu aõkõ tii ihÿre. Tahe judeu mahãdu ròhòtinyre Paulo dohodÿÿnahetowo-ò Trofimo ridyramy. Tahe Paulo ridyòlere.

³⁰ Tahe sòwemy iny rakyarananyre tamy, aõma kia hãwã hãkÿludu mahãdu. Sòwemy iny rarybemy rÿimyhÿ, rajeijeimy rÿimyhÿ. Paulo tahe retÿÿhirenyre dohodÿÿna hetowo-ribi, ijòtòbõna riratòbõnyre.

³¹ Tahe rirubunykeny riteleny heka. Tahe soldado dinodu tyhy roholare aõma ibutumy Jerusalè hãwã-ki jei jei-di rÿireri.

³² Tai tahe soldado tawedu diteònyde kia tai jei jei mahãdu rÿireriò. Tahe soldado robirenyrau, riixãwidinyrennyre, Paulo òhòtedÿÿ-ribi.

³³ Kia soldado wedu tyhy Paulo mynymy riteònyre. Tahe ritaataarennyre womati reroti-di. Tahe rexitòenyre kia inydee mobo he ratxireri. Aõhebo he tii rotÿÿnyrerimy.

³⁴ Ijõ heka iwitxiramy rarybemyhÿre, ijõ tiilemy rarybere. Tai tahe soldado dinodu bede rieryòhyra timyrebomy, ibutumy iny rirajuareki. Tahe ridykemy riteònyre. Tahe soldado heto-ò Paulo-di roiremyre.

³⁵ Ryòwòna-di rotuòrau tahe, hãwã mahãdu aõkõre he reburera. Soldado mahãdu Paulo taaxiò tyre ritidimy idi rara iny rimyheny.

³⁶ Iny he rirajuamy rarybemyhÿre: –Bidybenyke, birubunybenyke wahe. Myhe soldado mahãdu hewomy rirahumyhÿre.

³⁷ Tahe rirònykremy roirau tahe, Paulo soldado dinodu-ò rarybera: –Adee inihe wanyrÿ, ararybekemy watxireri. Tahe soldado dinodu ritÿÿraxinyre: –Kai aõbo kreku mahãdu rybe teeryte.

³⁸ Kai jiarÿ araeryre. Kai Egito mahãdu dinoduõ tate, ibutudÿÿdu wedu tate. Kai 4000 iny aõbina widÿÿdu tedyte bederahy-ò.

³⁹ Aõkõre, Paulo dirawyònyde, tii aõkõ watxire. Jiarÿ Roma hãwã mahãdu tyhyre jiarÿ rare. Wahãwã, Tarso hãwã rare, hãwã riòre aõkõ Silisia bede-ki. Judeu mahãdu tule jiarÿ rare. Kaki iny mahãdu-ò ararybekemy watxiwãhãre.

⁴⁰ Tahe soldado Paulo -ò rarybere: –Tahe marybeke. Tahe lamamy rÿire inydee rarybekemy. Paulo tebò riteòsinyre riijohonadÿÿnykeny. Tai ibutumy iny riyrymy rÿirenyre. Judeu mahãdu rybe-di tamyreny rarybere.

22

¹ Kawese Paulo tamyreny rarybere: –Waseriòre, waluuboho, wabededÿÿnanamy adee arelyykre. Wamy bohòlatyhyke.

² Judeu mahãdu rybe-ò roholareu tahe, riyrytyhymy rorukurennyre. Tii heka rarybere: –Jiarÿ judeu mahãdu jiarÿ rare. Raumynyre Tarso hãwã-ki. Kia Silisia bede-ki rare.

³ Kaki Jerusalè-ki ratyritinymy rarewãhã, Kamalie ninadu tyyritina-ki. Ibutu Judeu mahãdu bede ywina bede reeryre Kamalie-wana. Ibutumy Moisesi bede ywina-di riwaerynanymyhÿre. Tii tahe reywinywãhãre, rityhynytyhywÿhÿre. Ibutumy Deuxu bede ywina ariwinykeny ixi-di rahòtinywãhãre iwese wiji iwidÿÿmy tarutenyteri wesele wahe.

⁴ Jiarÿ ka ityhydÿÿdu mahãdu aõhòkÿmy rotÿÿnymyhÿremy reteòwãhãre ihyyle ijõ rubudÿÿmy reteònywãhãre. Hãbu hãwyy-wana reròtenywãhãre ròtenawo-ò.

⁵ Waaõmydÿÿnanamy bierybenykre-wana, tamy marybeke dohodÿÿna wedu-ò, matuari mahãdu-ò. Dohodÿÿna wedu tyyriti rewyre Damasu hãwã dohodÿÿna heto-ò. Tai tahe tyyriti-di risÿnyre ibutumy ityhydÿÿdu mahãdu aõhòkÿmy rotÿÿnykeny, tule womati reroti-di rataataakemy Jerusalè-ò kididykeny.

⁶⁻⁷ Iòhòmy txutyemy iijira-ò, Damasu hãwãry-ki watziwãhã. Tahe loosõna itÿnyhÿkÿmy wadee dehemynde. Bedetxile resere. Tahe rybeõ raholare: —Salu, Salu, aõherekiwexe aõbina binahakÿle wadee tadiwinyimahãte.

⁸ Tahe jiarÿ rarybere. Mowexe wadee rarybereri, Wanyrÿ. Tii rarybere: —Jiarÿ Nazare ludu watzireri, Jesuisi. Kai aõbina binale wadee tadiwinyimahãte.

⁹ Hãbu wawana rÿimyhÿ, aõ rieryõhyre aõmybo wadee rarybemyhÿre tahe loosõnamy he robirenrye.

¹⁰ Tai tahe rarybere jiarÿ: —Aõwexe ariwinykre, Wanyrÿ. Rarybere: —Myike wahe, make Damasu hãwã-ò. Tai tahe inyõ adee kanarybeke aõbo biwinykremy.

¹¹ Tai tahe rabiõmy rãiwãhã kia loosõna ritÿrÿrÿhÿkÿreki. Tai wabiõwa ryy wadee ritÿnyre wadebõ-ki riwamymy Damasu-ò arehemynkemy.

¹² Tai tahe hãbuõ wadee rehemyre, Ananiamy ninadu. Tii heka Deuxu tyhydÿÿduõ rare, bede ywina rityhynymyhÿre, ibutumy Judeia mahãdu, Damasu hãwã-ki heka tuure.

¹³ Tii tahe wadee rarybere: —Waseriõre, Salu, aruebimykexityre bobikemy. Aõwesele tahe rabimyreare. Ananiamy rabire.

¹⁴ Tahe ixityre wadee narybede: —Inytyby Deuxu juhuru aratare, aõbo tamywimy bierykemy. Tule Jesusimyre bobikemy, Deuxu õbiti hãbu. Tule boholakemy aõbo tii adee kanarybekeõ.

¹⁵ Tai tahe biwiykre irybewihikÿ tÿmyra ibutu bede bede iny-ò. Belyyke timybo taholatemy, tabitemy.

¹⁶ Tai tahe rooreheõmykre. Wijile makre maratysebekre. Aõraru-ribi yrahakÿlemy makre, Wanyrÿnimyre tetyhnynte xiery.

¹⁷⁻¹⁸ Idi tahe Jerusalẽ-ò rehemyre wahe, aõtxumy ixitõenymyre rarewÿhÿ Deuxu dohodÿÿna heto-ki. Tai raholarerasina wese-ki aõma Deuxu wadee rarybererimyre: —Wylemy bõhõnykre Jerusalẽ-ribi. Warybemy tamy marybekre, rityhynrenyõtyhy.

¹⁹ Tahe Inynyrÿ-ò rarybere: —Ibutumy hãwã-ki aityhydÿÿdu mahãdu rehãtenyre, rewotomnyre, rerõtedÿÿnyre. Ibutumy kaki kia rierymy roimyhÿre.

²⁰ Arybe tÿnydÿÿdu rirubunyre, moma Estevaõ, jiarÿ taile watziwãhãre. Rewiõhenanywÿhÿ irubudÿÿdu mahãdu tyy reyruubunyre aõma mana-di rihurenyre wahe.

²¹ Tahe Deuxu wadee rarybere: —Bõhõnykre wa Jerusalẽ-ribi. Irehetyhymyre arateõkre judeukõdu mahãdu-ò. Kia Paulo tamyrenyre rarybere.

²² Tahe kia iny roholamy rÿimyhÿre kia Paulo iximyre relyyreõ. Tahe raykarananymyre rryryre: —Bidyke karibi ahana-ò, birubunykexityre. Irumyre rareõkre idi watziwãhãrenyre.

²³ Tatyky riohowire, brybysi-di biu-txi rehure, rryrymyhÿrenyre.

²⁴ Soldado dinodu tahe riteõnyre iwo-ò ridyrenykemy awaru õhõtenahãkÿ-di tuu raõhõtekekemy. Soldado dinodu rierykemy ratxireri aõherekibo iny tamy rakyarananyraki wahe. Tii rarybekre õsana tuu raõhõtekeki. Kia soldado dinodu rõhõtinyre.

²⁵ Tahe Paulo ritaataarenyre. Imyre rahudi tahe Paulo rarybere soldado dinodu-ò: —Jiarÿ Roma hãwã mahãduõ rare. Wamy maõhõtebenyõtyhy, aywisidÿÿna mahãdu wadee roholaõre tebutunyõteki. Kia riwadÿÿkõkemy roimyre rare. Abede ywinarenyre adee rarybere kia widÿÿõmy.

²⁶ Tai tahe kia soldado dinodu tadinodu-ò rare. Tahe tamy rarybere: —Kowa hãbu, Roma hãwã mahãduõ rare. Tai tahe aõbina bina tamy iwidÿÿõmy.

²⁷ Kia roholare, tii rara Paulo-ò tamy rÿÿraxikemy: —Inatyhybe Roma hãwã mahãduõ aõbo atxiteri. Paulo tahe narybede: —Kohe, jiarÿ, kia mahãduõ watzireri.

²⁸ Tai tahe soldado dinodu narybede: —Jiarÿ tule watzireri. Nieru sõwe-di reõwynyre tuu aronykemy. Tahe Paulo rirawõnyre: —Jiarÿ tii kia watzireri. Waha dori Roma mahãduõ raremyhÿ.

²⁹ Tai he soldado mahãdu iribi rõhõnyre aõwesele tii Roma mahãdu ratxire riki. Soldado dinodu tule ruberure tii dori rataataamy riteõnyreki.

³⁰ Txu biõwamy ritare rõtana-ribi rõhõnykemy. Judeu xiwewahidÿÿna dinodu inyõ ributunyre ywisidÿÿdu mahãdu-wana. Tahe Paulo ridyre tamy. Tii dori rierykemy ratxireri aõherekibo judeu mahãdu Paulo deramy rÿireri.

23

¹ Paulo tamyrenyre retere, dinodu mahãdu-ò wahe. Tahe rarybere: —Waseriõreboho, Deuxudile watzimyre ramahãre. Tiiemy aõbina binamy aõkõ watzireri, tamy iluuna-di tyhy watziwãhãre.

² Anania hãbu-ò rarybere, iòhòmy Paulo-ribi rÿireriõ: —Iry-ò bihetenymyre.

³ Paulo tahe tamy narybede: —Kai wa aõ aõkõ tate. Hetotira ura wese tate, awo arayky isuisure. Waywisidÿÿdu wesemy talõmy atxiteri, tahe wahetedÿÿmy tarybeta. Kia bede ywina rarybera wesemy aõkõ tewisÿnyteri.

⁴ Tahe iõhõmy Paulo-ribi rÿireri, tamy rarybere: —Kia wesemy rybeõmy Deuxu xiwe wahidÿÿdu wedu-õ.

⁵ Tahe Paulo rarybere: —Aõkõre, reeryõhyre aõxiwe wedubo ratxireri. Tyyriti kiamy rarybemyhÿre: Tiu riki wedumy aõmy rybebinamy aõkõke.

⁶ Idi tahe Paulo rexierymy resere. Tahe ixidee rõhõtinyre. Ka iny sõweyre fariseu mahãdu heka rare. Iyrejura tasÿ saduseu mahãdu rare. Tai tahe Paulo rryyre: —Waseriõre mahãdu, jiarÿ fariseu mahãduõ rare. Waha, wylabieboho ibutumy fariseu roire. Rubu-ribi ixixana retyhynywãhare. Tai tyhy tahe kia-õ, ywisidÿÿdu-õ wiji diwadyde.

⁷ Imy rahudi tahe fariseu mahãdu saduseu mahãdu-wana wiribi rihitxinyre.

⁸ Saduseu dori rubu-ribi ixixana rityhynyõhyymyhÿrenyre, tule ÿju, tyytyby-wana rityhynyõre. Fariseu mahãdu tahe, kia ibutumy rityhynyymyhÿre.

⁹ Tai tahe sõwemy rajei jeimy rÿimyhÿ. Tahe fariseuõ rarybere Paulo õbitimy ratximyhÿ. Aõ teõsamy tai tuu arobirenyke kÿnyhe aõkõre. ÿjuõ õsana tamy rarybera ada tyytyby aõbo.

¹⁰ Tai ta tarurutyhymy rryrenyre. Tai tahe soldado dinodu ruberure aõma Paulo riykaykaketxi roholare. Tai rarybere tamy: —Iribi bitake, idi boibenyke ixby soldado heto-õ.

¹¹ Rummy tahe Paulo weribi Inynyrÿ tamy narybede: —Brebuõmy aõ-di nohõtiodmyke ixi-di. Iwese kaki Jerusalẽ hãwã-ki wamy tarybete wesele heka Roma hãwã-ki wamy marybekre.

¹²⁻¹³ Tahe biurasõtxu he judeu mahãduõ wi dotyde Paulo rubudÿÿmy. Iny inatxiwa ituemy hãbu kia wese raryberenyre: Rikiroxirenyõtyhy bemy rikidõrenyõtyhy. Paulo rurukekiki xiery ta rikiroxirenykre.

¹⁴ Tahe xiwe wedu mahãdu-õ tiiboho roirenyre. Judeu matuari mahãdu-õ tule kia ibutumy relyrenyre iwese Paulo rubudÿÿmy ratxireri wese.

¹⁵ Tule tamyrenyre rarybere: —Kaiboho ixityre marybebenyke soldado dinodu-õ manakremy Paulo-di ywisidÿÿdu-õ. Tamy dÿÿraximy idi ratxireri tiiboho rõhõtinykre. Tai tahe ry kana-õ rearaki tahe ijoï rikirubunykre. Kia judeu mahãdu xiwe wedu-õ rarybere.

¹⁶ Tahe Paulo seriõre woludu, ilana rubudÿÿmy rarybereõ roholare. Tahe ralore soldado heto-õ tahe tuu Pauloko relyykemy. Tahe relyyre.

¹⁷ Kia roholamy rahudi ta Paulo rariõwre soldado dinodu tamy kanalokremy. Kiamy rarybere: —Ka weryry bidykre adinodutyhy-õ, aõma, ijyy-di ratxirerimy tamy relyykemy.

¹⁸ Tahe ridyre soldado dinodu tyhy-õ tahe rarybere: —Paulo kÿny ka weryry-di riwateõnyreri aõmybo ako relyykemy.

¹⁹ Tahe dinodu weryry axiõ iyre ribi rimyre, tahe iny-ribi rirehenyre rarybekemy: —Aõbo wexe wako belyykre, weryry. Tahe relyyre:

²⁰ —Wylana Paulo ridykremy judeu mahãdu adee rexitõenykremy ratxirenyre. Tiiboho adee raryberenykre: —Rikitÿÿraxinykre ijõ aõmydÿÿnana.

²¹ Uritere tamy boholaõkre, weryry rarybere, idyõmykre tamy. Hãwã mahãdu sõwere rexiwõmy rÿikre, iny inatxi wa itue hãbumy, wylana rubudÿÿmy. Tii ruruõkeki, riroxiõtyhy, bemy riõõtyhy. Kiawese ka hãbu mahãdu rarybemy ramyhÿre. Ahana õsana inyõ rÿireri wylana ridykremy adee kedexitõenykremy. Wylana õludu tahe ryjãti-ki rexiwõmy rÿireri.

²² Tai soldado dinodutyhy weryry-õ rarybere: —Uritere inyõ ierysõmykre wadee tuu telytyeri.

²³ Tahe inatxi soldado dinodu rarariõwre, tahe tamy rarybere soldado dinodu tyhy: —Aõma, 200 soldado widotykre inataõ òra txu dõhõny-ribi, ijõ 70 soldado awarutyre-ki, ijõ 200 soldado tõnoridi.

²⁴ Kia ibutu-wana Paulo bidybenykre awarutyre-ki Cesaria hãwã-õ. Biyrubunumy boibenyke Feli, kia bededinodu-õ.

²⁵ Tahe tyyriti riwinyre kia wese:

²⁶ —Jiarÿ Laujiu Lucio, warybe reritinyreri. Warybe wehityhyna rewahinyreri Feli-õ, Wanyrÿtyhy, bede dinodu-õ rewahinyre.

²⁷ Hãbuõ adee reteõnyreri. Tii judeu mahãdu rimyre tahe rirubudÿÿmy riwisÿnyre. Tahe soldado reteõnyre ritakremy rubu-ribi, tii Roma hãwã mahãdumy rareki.

²⁸ Redyra heka ywisidÿÿna mahãdu-õ. Aõherekibo rimyrenyremy arierykemy.

²⁹ Tabede ywina õrarukile teramy tamy reare, kia reerymy rawãhare. Iny bede ywina õraru-ki aõ aõkõ tii riwinyre. Tai ruruemy aõkõ idi rewisÿnyre.

³⁰ Judeu mahãdu rarybemy ramyhÿre irubudÿÿmy. Kiamy raholareu tahe, adee reteõnykemy resere. Tule irubudÿÿmy rõhõtinyra mahãdu adee rarybekemy reteõnyre. Tiiboho aõbo raremy rarybekre. My kie warybe rewahinyre.

³¹ Idi tahe soldado mahãdu Paulo ridyre, iwese idinodu riteõnyre wese. Rudile ridyre Atxipatxi hãwã-ò.

³² Tahe biurasòtxumy tahe tatilemy rare mahãdu ròsere soldado heto-ò. Ijõ soldado awarutyre ludu Paulo iridyre Sesaria-ò.

³³ Tahe rehemynyre Cesaria hãwã-ki. Rare he bede dinodu-ò. Paulo tamy riwahinyre tyriti-wana.

³⁴ Kia tyriti-di tii rariareu tahe, tamy ritÿÿraxinyre: –Tiribibo tate Paulo. Tahe Paulo dirawyoñde: –Jiarÿ, Silisia hãwã mahãdu rare.

³⁵ Tahe bede dinodu narybede: –Kaa hãbu mahãdu wii kodotykreu, kedehemynykreu, aroholakre inihe arybe-ò. Tahe iyrubudÿÿ idi risÿnyre Herodi ywisidÿÿna heto-ò, Pretõriu ninadu-ò.

24

¹ Iruyre txu reare rexihudi tahe, Anania, xiwena wedu tyhy, judeu mahãdu matuari-wana rehemynyre, ywisidÿÿna mahãduõ-wana rehemynyre, moma, Tertuliu inire. Paulomy aõbinabinahãÿ rybemy rareri bede dinodu-ò.

² Tahe Paulo didyde. Tertuliu rarybere Paulomy. Awioñmy rybe tahe ròhõnyre. Juhuu Feli-ò rarybere: –Kai Wanyrÿ tyhy, awihyymy heka atximahãte wadeereny. Tiiemy bede ywina inydee tewahinymahãte. Ibutumy iny bede hãwã hãwã-ki iny tewiõhenanymahãte.

³ Tai tahe omy realãthyhymy he watziwãhare. Urihimyõle adee Paulo aõmydÿÿnanamy ararybekre.

⁴ Txioi inihe làhã, boholabeny.

⁵ Tiiemy jei jehyhy ratximyhÿre Paulo òraru-ki. Tiiemy judeu mahãdu, my heka rarybehyy ratximyhÿre. Tii Nazare hãwã dohodÿÿna mahãduõ rare, kia weduõ rare. Tii Jesuisi rityhynyre.

⁶⁻⁷ Aõkõre, iny Deuxu dohodÿÿna heto ribinadÿÿnyre, brebuna rÿirerimy ihÿre Paulo òraru-ki. Remyrenyre tahe, ywisidÿÿmy watziwãhare iny bede ywinareny rarybere wemy. Tahe aõkõre, Lisiu soldado dinodu tyhy ritare iny-ribi wotõmona-di.

⁸ Tahe inydee rarybere: –Boibenykre Feli-ò. Tii adee roholakre. Kia tahe Lisiu rarybere. Tahe jiarÿ tule rarybere. Boibenykre Paulo dÿÿraximy kia inatyhy aõbo ada aõkõre aõbo. Tertuliu kia ibutumy rarybere.

⁹ Ijõ judeu mahãduõ rarybere: –Kia inatyhy ibutumy inatyhyle ratxireri, aõmybo Tertuliu raryberemy.

¹⁰⁻¹¹ Tahe bede dinodu Paulo-ò riteõsinyre rÿikemy, rarybekemy. Paulo tahe tamy rarybere: –Wanyrÿ bede dinodu tyhy, sõwe beõra aõmydÿÿnana-di ywisidÿÿna-di atximahãte. Jiarÿ kia reeryre. Tai reysawãhare adee ararybekremy. Waõ inatxi reuròtxumy heka Jerusalẽ-ò adehemynyde. Iny-ò bitÿÿraxinykeki, wylemy ka bieryke inatyhy raremy. Jiarÿ Deuxu dohodÿÿna heto-ò rehemynyre Deuxu realãkemy.

¹² Tiu heka jei jei rewinyõhywãhare dohodÿÿnaõ-ki aõkõ, hãwã-ki aõkõ.

¹³ Aõmybo wamy rarybemy rÿireri heka, aõ inatyhy aõkõ.

¹⁴ Sohoji aõmydÿÿnanamy tahe akoreny arelyykre, inatyhy rare. Retyhynywãhare heka aõbo Jesuisi rierynanymyhÿremy. Tiiboho watyhydÿÿna rininirenyre dohodÿÿna mahãdu iwitxira. Kia hãbu rityhynymyhÿre wesele jiarÿ tule Deuxu inytyby retyhynymyhÿre. Ibutumy bede ywina tyriti-ki riritinymy rÿimyhÿremy retyhynywãhare.

¹⁵ Iny, òrarudu mahãdu, ityhydÿÿdu mahãdu kedeixakremy rubu-ribi. Kia retyhynywãhare.

¹⁶ Tiu ibutumy òbiti widÿÿmy raruwãhare. Deuxu-txi tule ibutu hãbu rue-ki.

¹⁷ Jerusalẽ-ribi rarewãhãu, tiwese beõra rewyre tahe ixiby dõsede Jerusalẽ-ò aõkõ mahãdu wahidÿÿna wesemy ariwahinykremy xiwena wese Deuxu-ò.

¹⁸ Deuxu dohodÿÿna heto-ki watziwãhã, òbitimy räire, ibutu bede ywina reywinymy rawãhare. Tahe waxiwena-di waõludu wamy robire. Iny sõwemy weroramy watziwãhã. Rybe jei jei rarybeõhyre. Tahe Asia bede judeu mahãdu tai rÿimyhÿ. Tiibohole rybe jei jei riwinymyhÿrenyre.

¹⁹ Wamy aõmydÿÿnana rarybekremy ijõdikeki, rokoholakre. Kaki aõkõ ratximyhÿrenyre.

²⁰ Aõbo waki teõsamy rahare ywisidÿÿna mahãdu-ko räireu, tamy rokoholakre.

²¹ Sohoji aõmydÿÿnanalemy rarybere teõsamy. Kiamy rarybere: –Retyhynyre rubu ixiby kedexiakre. Tai ywisidÿÿna mahãduko-ki watziwãhã.

²² Feli bede dinodu rierymy ratxireri aõmybo ityhydÿÿdu mahãdu rityhynyre. Tai rarybere judeu mahãdu-ò: –Lisiu, aõma, soldado dinodu tyhy rehemynyreu, bede rikierydÿÿnanykre.

²³ Tahe Paulo ròtena heto wese-ò ratximyhÿreki, riòòsedÿÿnyre. Ta rarybere he soldado dinoduò-ò: –Ywimy idi ratximyhÿkemy. Tule rarybere: –Iò ixinamy terina mahädu iroramy kanakre. Ixinamy uriònomy tamy kidiwahinykre awityhy roimyhÿkemy.

²⁴ Iribi nade Feli tahäwyy-wana Drusila. Ihäwyy heka judeu mahäduò rare. Riteònyre Paulo-ò tamy kanakremy, tamy kanarybekremy. Paulo rarybere tamy: –Jesuisi Kristu kia tyhydÿÿnamy. Tii òbiti-di iny röhòtinkykemy tule ywisidÿÿna txumy Deuxu kanakremy ritÿÿnyre.

²⁵ Tahe Feli ruberure. Makre, tamy rarybere, aõwaxiny tiubo wabededÿÿnana-di my kÿnyikreu, ixby adee araräriòwykre.

²⁶ Tule Feli ijò nieru Paulo-ribi ritakemy ratxireri, tai rarariòwyre ijòtxu ijòtxu tii-wana rarybekremy.

²⁷ Inatxi beòramy bedede idi rÿire. Iwixira bedede dinodu ralore Feli deròwy. Porsiu Festu inire. Feli tahe judeu mahädu tuure tamyreny aõò riwinykemy ratxireri tahe Paulo ririre ròtenawo-ki.

25

¹ Cesaria häwä-ki bedede dinodu tÿmyraò ronyre. Festu inire. Inataò txu-di tahe iribi röhònyre Jerusalè-ò rakemy.

² Tahe xiwe dinoduò, judeu mahädu dinoduò tamy rarybere Paulo aõmydÿÿnanamy.

³ Tamy rexitònyre Paulo-di wylemy kanakremy. Kíamy heka rexinohòtidÿÿnyre ry-rowetya-ki rirubunyrenykre.

⁴ Aõkòre, Paulo ratxirekre Sesaria-ki, Festu rarybere, jiarÿ tahe aròòsekre ele el-emy kowa-ò. Kaiboho adinodu mahädu wadi roikre kowa-ò. Rokoholarenkykemy ywisidÿÿna-ò.

⁵ Tule kaiboho aõrybedikeki, Paulomy, kowa-ò rarybekremy.

⁶ Iribi tahe debòwiò txu òsÿny txu idi rÿidi tahe ixby Festu dòòsede Cesaria-ò. Irootxu tahe Paulo ywisidÿÿna röhònyre. Tahe Paulo ridykemy riteònyre ywisidÿÿna butuna-ò.

⁷ Tahe judeu ywisidÿÿna mahädu heka sòwemy tuu aõbina binahakÿmy Paulomy rarybemyhÿre, Jerusalè-ribi rehemynyreu. Aõ inatyhymy aõkò.

⁸ Paulo tahe rexitxiònyre: –Jiarÿ kÿny kia-di aõkò watxiwähäre. Tii rarybere: –Tiu heka judeu mahädu bedede ywina ratyre aõna aõnamy ratÿÿkòre. Tiu heka Deuxu dohodÿÿna hetomy rewinyòwähäre, tiu Roma dinodu bedede ywina ratyre aõhe ratÿÿnyòwähäre.

⁹ Idi tahe Festu rÿÿraxire Paulo-ò: –Kawexe texiywinymy atxiteri Jerusalè-ò makremy. Kowa ywisidÿÿna ariwinykemy adee roholakremy. Kíamy Festu rarybere aõwiwihikÿmy riwinykemy ratxireri judeu mahädu dee.

¹⁰ Tahe Paulo rirawyònyre: –Aõkòre, arakre he Iòlò tyhòhòkÿle arehemynykre. Tii wadee roholakre. –Jiarÿ dori ixiywinyhyy tamy arakre. Kai teeryte jiarÿ aõkò tudÿÿduramy.

¹¹ Aõma aõbo waki binamy relera-wana heka arurukre. Aõkòkeki tahe aõbo awihykyle rewinyre-wana heka timy inihe warubudÿÿòmy. Iòlò tyhyle wadee roholakemy he ixide rahòtinyreri.

¹² Festu tawiòhedÿÿdu-ò rarybere. Idi ta dirawyònyde: –Awire, iòlò tyhy-ò atxiteri urenana kÿnyhe aõwaxiny makre.

¹³ Iribi tahe aõutxumy tahe iòlò Agripa dehemynyde, Benise tariòrese-wana. Festu roramy rareri.

¹⁴ Tahe tii-wana rarybemyhÿre aõutxu, Festu-wana. Idi tahe Paulo aõmydÿÿnanamy iòlò-ò rarybere: –Ròtenawoluduò roireri ròtenawo-ki. Tai he Feli ririre jiarÿ iaõmydÿÿnana arierykremy.

¹⁵ Aõma Jerusalè-ki watxiwähäu, dohodÿÿna wedu mahäduò wadee heka rarybere: –Tii arirubunykykemy heka wadee rityhenymyhÿre. Judeu mahädu matuariò tule kia rarybere.

¹⁶ Tahe tamy jiarÿ rarybere: –Aõkòre, aõma Roma mahädu kia bedede ywina dori tuu aõkò roimyhÿre. Juhu heka rakre ywisidÿÿna-ò tahe relyykre heka iximy, taòludu mahäduko-ki.

¹⁷ Kao juhu dithekemyndenydeu, tamy rarybere. Ijò txu he reyruubunyre ywisidÿÿna-ò roholakremy tahe Paulo ridykemy aditeònyde.

¹⁸ Tahe aõmybo tamy rarybere heka, iwese rahòtinyre wese aõkò tii riwinyre.

¹⁹ Aõbo ityhynareki heka tuheka rÿire. Inyò heka tii rarybemyhÿre Jesuisi rurulemy. Tahe Paulo rarybemyhÿre irulemy ihÿre. Tai kÿnyhe rimymy ramyhÿre. Riròtenymyhÿre.

²⁰ Tai tahe tiemy rahòtinyre: Timy taheka aõhe arotÿÿnykre ka aõmydÿÿnana-di. Paulo-ò retÿÿraxire aõma Jerusalè-ò aõbo rakemy ywisidÿÿna-ò.

²¹ Tahe Paulo rarybere: –Iòlòle rakremy aõbo. Tii wamy roholakeki, teòdu waòrysmy ariraokre. Tai tahe ròtena-ò ixbybyle rerutyre.

²² Tahe iòlò Agripa rarybere: —Jiarÿ aroholakre inihe kia hãbumy. Tahe Festu di-rawyònyde: —Biurasòmy tamy bodoholakre.

²³ Idi tahe itxu biòwamy dehemynyde, iòlò, Benise-wana, ywisidÿÿna heto-ò. Ibutumy he iny ralore, soldado wedu mahãdu, iny ityhymy rÿira mahãdu, ibutumy raloralore. Tai tahe Festu Paulo didyde. Tahe rarybere:

²⁴ —Iòlò Agripa, ibutumy ka wadee ijohonadu-wana, ka hãbu heka ibutumy iny he irubudÿÿmy he idi rÿireri, judeu mahãdu kaki tule Jerusalê mahãdu.

²⁵ Jiarÿ rahòtynyre aò heka riwinyòhyre tai rurukre wahe. Tai iòlòtyhy-ò rakremy heka ratxireri. Ariteònykre nomy dori tii ratxireri.

²⁶ Aòbo tamy ariritinykre. Aò heka waritidÿÿkònare. Aò dori riwinykòre. Tai redyleri adee iòlò Agripa. Tamy juhu boholakre. Iribi tahe wadee manarybekre aòbo ariritinykremy.

²⁷ Tamy kÿny wateòdÿÿkòna uritere òhynaòhòkÿle Iòlòtyhy-ò ariteònyòtyhy.

26

¹ Tahe Agripa Paulo-ò rarybere: —Aòwaxiny belyykre aijjymy. Paulo he tebò riukore he rarybekremy.

² Wadeesamy he watxireri, Iòlò Agripa. Jiarÿ dori iximy arelyykre ako.

³ Tule kai dori ibutu judeu bede ywina teeryte. Ibutu lahi rybe teeryte. Bodoholakre inihe wadee, ywina-di.

⁴ Tiiemy uladule aratyritinyde aòma judeu òbitina-di.

⁵ Judeu mahãdu kia rieryre. Txu rexidelenyre juhu judeu mahãduy-ki, idi tahe Jerusalê-ki ratyritinyre. Jiarÿ fariseu mahãduò òbiti jiarÿ rare.

⁶ Kia rybe òraru-ki wiji ywisidÿÿna-ki ràire. Jiarÿ dori retyhynywãhãre aòbo Deuxu inytyby-ò rarybere.

⁷ Jiarÿ Deuxu rybe òlona reraòwãhãre. Tule judeu ijoi riraòmyhÿre, waòinatxi reurò ijoi mahãdu. Tiiboho Deuxumy reàlòm raremyhÿ, rummy, txumy. Iòlò Agripa, kia raròsòna òraru-ki judeu mahãdu wadee aòbina binamy rarybemyhÿre.

⁸ Rubu-ribi ixixana jiarÿ retyhynymy hÿre. Araÿraxikre iòlò. Kia aòbohe wadeòsana raremy kaiboho tahòtintenytere. Deuxu heka icyby iny kidiòkesedÿÿnykre taumy tuedeòna-ò.

⁹ Jiarÿ heka juhuu awimy heka aòbina binahakÿ widÿÿ dee rahòtynyre, Jesuisi Nazare hãwã ludu dee.

¹⁰ Sòwemy ityhydÿÿdu mahãdu reròteny reòtenawo-ò Jerusalê-ki. Dohodÿÿna heto wedu rewawiohenanyre tyriti riwahinyreki. Kia irubudÿÿmy wi risÿnyrenyreu, jiarÿ rarybere: —Awire heka birubunybenyke.

¹¹ Jiarÿ heka ityhydÿÿdu mahãdu aòhòkÿmy rotÿÿnykemy wi resÿnyre bede bede-ki. Aòbinabinahakÿlemy ityhydÿÿdu rerybedÿÿnywãhãre. Jiarÿ aònime reburemy rawãhãre. Resÿbinanyre tahe tii rahenyre irehetyhytyhy-ò iwitxira hãwã-ò.

¹² Rare heka Damasu hãwã-ò ityhydÿÿdu òrysmy. Jiarÿ tyritidi rare, dohodÿÿna wedu ritina-di. Tule ibede ywina-di rare.

¹³ Tahe Damasu iòhòmy rareu, loosònaò diwatoosònyde, txu loosòna ratyre ihÿre.

¹⁴ Jiarÿboho rejuxunynyrene tahe raholare rybeò-ò judeu mahãdu rybe-di rarybereri: —Salu, Salu, aòhereki wexe aòbina binahakÿ tadiwinymahãte wadee wimy aòkò. Aòbina binahakÿle ixidee tadiwinymy hÿte.

¹⁵ Jiarÿ rarybere: —Mowe, Wanyrÿ tate. Tahe dirawyònyde: —Jiarÿ wa, Jesuisi rare. Wadi aòbina bina tewisÿnyte.

¹⁶ Katahe myikre. Adee rehemynereri, aratara ixidee, wadeòdumy mabekremy. Warybeduò mabekre. Ibutumy wamy belyymy mabekre aòhebo adee wiji rotÿÿnyre. Iribi tasÿixityre adee adehemynykre. Tule kia-di marybekre.

¹⁷ Ibutumy asÿ-wana arayrubunykre. Tai ta judeu mahãdu-ò arateònykremy watxireri, judeu mahãdu-ò tule.

¹⁸ Iwese iny rueta-di rÿira wese tii ihÿre. Kai tamy bitÿnynykre Deuxu aòmydÿÿnana. Tai biruejuakre, rierykremy. Biòbitinykre tamyreny òraru ruoire aòma ixi-txi tòhòti reakremy loosòna-ki rariakremy, Satanasi bedeloro hokÿ-ki aòkò, kia ryki aòkò rariakremy. Deuxu uri bede ywina rimymy hÿkre ixidee. Ibutu bede bedemy rÿira waijoimykre. Tyrany taòraru-ribi rÿira, ritamy rÿira, riwatyhynymy rÿira.

¹⁹⁻²⁰ Tai, Iòlò Agripa, iwese warasina-ki riwateònyre wese, retyhynyhyre. Juhuu Damasu hãwã-ki jiarÿ ròhãletere, iribi Jerusalê-ò, tule Judeia bede-ki, ibutu judeukòdu mahãdu-ò ròhãletere. Tamy rarybere taòraru ririkemy Deuxu dee kòdòòsekemy. Ixi-txi tòhòti reakremy inatyhymy aòna aòna wiwihikÿ riwinykemy Deuxu dee.

²¹ Tai judeu mahãdu riwamyre Deuxu dohodÿÿna heto-ki, warubudÿÿmy ròhòtynyre.

²² Deuxu tahe wawiòhedÿÿdu ratximyhÿre. Tai he rãire wiji ibutu-ò ararybekemy watxiwãhãre, aõma aõbo Deuxu rybedu mahãdu iwese Moisesi rarybere wese tamyreny rarybewãhãre kia ibutumy kanakremy. Kia sohojilemy rarybewãhãre.

²³ Juhutyhy rarybere: –Kristu, rurukremy iribi tahe kedexixakremy rybe loosõna kidiwykremy judeu mahãdu-ò, tule judeukõdu mahãdu-ò.

²⁴ Tahe Paulo iximy rarybereu, Festu rryryre: –Paulo, kai wa itxÿtere. Aõnityhymy tatyryritinymahãte. Tai arayky tebinanÿta.

²⁵ Tahe Paulo rirawyõnyre: –Aõkõre wa, wanyrÿ Festu, bededinodu tyhy. Jiarÿ itxÿte aõkõre. Inatyhyrybemy rarybewãhãre. Warybe awi heka rare.

²⁶ Tule Iòlò Agripa rieryre ibutumy tuu tamy rarybere. Aõ wasina aõkõ rarybere. Iòlò Agripa.

²⁷ Aõbo Deuxu rybedu mahãdu riritinyre aõbo, kai tetyhynmahãte. Reeryre jiarÿ, kai tetyhynmahãte.

²⁸ Tahe Agripa riixãwididÿÿnyre rybe-ribi: –Kai, aõbo, Paulo, aõwesele ityhydÿÿdumy aronykemy wadi tahõtinyte, wadee tarybeteki.

²⁹ Paulo rirawyõnyre: –Kohe, wadee awire, kai tulekemy. Ibutumy kaki wawesekemy adi rahõtinyre. Kai tule warybe sõwemy aõbo ada aõkõre aõbo Deuxu bityhynybenykemy watxiwãhãre tule wajihonana-wana. Aõna sohojidile taanamy aõkõ watxireri, wawomatì reroti-di taanamy atxiteri.

³⁰ Idi tahe bede dinodu, iòlò, Benise, ibutumy he rÿire ròirenyre.

³¹ Wídee reny wíwesele ròhõtinyreny. Ka hãbu timyhe rubudÿÿona he ròtena-ki irutÿÿona he, tii dori aõhe rotÿÿnyõtyhy aõna aõnamy.

³² Tahe Agripa Festu-ò rarybere: –Rikiteõnyrenyke idi watxireri, tahe tii inihe iòlòtyhyle rarybekemy ixidi ratxireri. Tai kÿnyhe, txiõinihe, aõkõre.

27

¹ Tahe rexiywinymy rexihurenre Italia bede-ò, Roma hãwã-ò aroirenykremy hãwò-di. Tahe ròtenayrubudÿÿduò tii-wana rakre, irubudÿÿdu renymy. Julio inire. Tii iòlò yrubudÿÿdu mahãdu dinoduò rare. Ridyrenyre Paulo ròtena woludu mahãdu-wana. Jiarÿ, Luka tule ihemy rare.

² Tahe rerõnyre yhywydyna lawò-ò. Adrÿmitxiludu tahe kia lawò rare. Tule hãbuò wawana rare. Aristarku inire. Tii Macedonia bede luduò rare. Tesalonia ihãwã rare. Tahe hãwò rexihynyrenyre adõikemy Asia bede-ò. Tahe ròirenyre. Ijõttxu biòwa Sidoma beàbeà-ò rehemynyre.

³ Paulo taery mahãdu roramy rakemy ratximyhÿre. Tahe Julio Paulo-di itxeredu ririra. Tai tahe Julio awi heka rare Paulo dee. Julio Paulo riywiwinymy idi ratxirerimy ihÿre. Julio Paulo riteõnyre titxibo rakelemy. Paulo ery mahãdu aõna aõna tamy riwahinyre.

⁴⁻⁵ Tahe iribi ròhõnyreny. Xibri bedebute roosibymy ralore yhy dori tiribi tiribi reamyhÿreki. Tahe iribi riòlõnyre. Tahe Silisia bede-ribi riòlõnyre, tule Panfilia bede-ribi ijò bede-ò rerony. Tahe Miha hãwã-ò ritehemynyre Lisia bede-ki.

⁶ Tai soldado dinodu hãwò nihikÿ rijjemyhÿu, ihe-ki roikemy, tahe ijò-ki rahare Alexÿdria luduò-ò. Hãwò tahe rexiywinymyhÿre rakremy Italia bede-ò. Tahe wadeereny rarybere: –Borukubenyke yhywydyna lawòro-ò. Tahe ixityre roirenyre.

⁷ Sõwemy heka txuu wadireny rÿire. Urihimyòle rexihejiwãhãreny. Isirare heka Kinidu hãwã-ò dehemynsÿ. Ihãrele tahe retehemynyre Samona hãwã mynatyhyle rarõreny. Iribi Kreta bedebute roosibymy ralore yhydori tiribi tiribi reamyhÿreki.

⁸ Tahe ywimy suò iòlò iòlò adoiwãhãdenyde ihy tahe retehemynyre Rywihikÿmy ninadu-ò. Kia heka Laseia hãwã-ribi iòhõre.

⁹ Sõwetyhymy txuu wadireny rÿire yhynihikÿ bina òraru-ki. Inarehe lisina txu-ribi ròhõnyre. Tai tahe bededÿÿnana ibutumy roimyhÿre. Tai brebunamy bede roimyhÿre.

¹⁰ Paulo tahe tamyreny rarybere: –Wanyrÿboho, ka tÿina isiratyhykre inydeereny. Inynonanareny iòhãrure aõna aõna ibutumy inyribireny ituekre, hãwò rabohokre ada ijò aõbo rikururenykre.

¹¹ Tahe soldado dinodu Paulo rybe rityhynyõhyre. Yhylawò wedu tòruludu-wana tii rityhynyre.

¹² Yhylawò wedu, tòruludu-wana iwitxiramy ròhõtinymyhÿre, beòra tai riekõkemy beà dori ibinareki. Ijò tule tahe roirenykemy ixide ihÿreny rehemynykemy Fensia beà-ò. Kia heka Kreta bedebute beàò rare. Biuweribitya-txi ròròmehÿre, tai awire kia beà, beòra bede riwykemy.

¹³ Ijò rarybere: –Rikoirenyke, yhy dori rebonyreri, tamy rekehemyrenykeny. Tahe womatísana riukore. Roirenyre yhy-di. Tahe iòhõmy Kreta bedebute rotÿÿnyra.

¹⁴ Aõwesele heka yhy nihikÿ dehemynde bedebrò-ribi. Kia yhy nihikÿ iraro bedebrò ludu inire.

¹⁵ Ka yhy nihikÿ taruru-di riwyre hãwò nihikÿ. Juhu yhyonana weribi-ò riwisÿnyre. Idi iwo rexierye ixinamy riwyre yhyòkesena-ò.

¹⁶ Tahe rehemyhÿre Lauda bedebute-ò iroosibymy tahe ralore. Tai hãwò nihikÿwo-ki hãwòriòre riwyre.

¹⁷ Idi tahe ròhòtynyre hãwò nihikÿ rabòhòke-txi roholarenyre, tai tahe ritaarenyre iwetya-txi. Tahe ruberurenyre, Libiamy ninadu beòlau, tahe welòhòkÿ ritare iribi rextarenykemy.

¹⁸ Ijòtxu roirenyre yhynihikÿ tamy realemy iu, tai tahe aõna aõna-di rehure ibutemy rawetarikemy.

¹⁹ Tasÿ txuò idireny reare. Idi rehurenyre aõmybo rekoakòmyhÿrenyredi rawetarity-hykemy.

²⁰ Txu sòwemy rewyrenyru txumu, tainamy ribi renyòhyre. Yhynihikÿ reamyhÿ. Tai sòwemy ruberumy rÿimyhÿ rubu lau.

²¹ Sòwemy heka bededÿÿnana riwyre roxiòhy. Tahe Paulo iyreny-ki rÿire, tahe tamyreny rarybere: –Wanyrÿboho, warybe-ò taholaòhytyente Kreta-ribi ròhònyrenyreu. Aratohonyrenyre iribi inyboho kodoikòkemy. Boholabenybe-wana ta inihe aõna itueòhyre.

²² Ihãrele tahe deysana-di adeereny ararybekre. Inyò ruruòtyhy, hãwò nihikÿ sohojile rabohokre.

²³ Jiarÿ dori Deuxu deòdu rare. Kaurumy dori Deuxu ÿju wadee nade.

²⁴ Tahe rarybere: –Paulo, brebuòmy. Kai iòlòko-ò makre. Deuxu dori ruxetòena kidiwahinykre. Tiu heka aruburenyòna aijoi-wana.

²⁵ Tahe wanyrÿboho, brebuòmyreny. Jiarÿ dori Deuxu retyhynyre, iwese wadee rarybere wese, rarekre.

²⁶ Urile tahe inyboho kiditehemynydenykre bedebuteò-ò. Kia tahe Paulo rarybere.

²⁷ Waòinaubiòwa rummy beronihikÿ tya-ki bede rijemy roiremyhÿ. Adria beronihikÿ-ki roirenyreu, tahe rutya-txi hãwò nihikÿ aõna hydÿÿdu su iòhòmy roholarenyre.

²⁸ Tahe beò urihixina-di riurihire, wawiò dera urihixinamy beò riurihire. Idi iko-txi ixitye riurihire tai waiyre dera urihixinamy rimyre.

²⁹ Tahe rahòtynyrenyre manale tai roimyhÿremy. Tai tahe manatisana-di inaubiòwa lòru ludu-ribi rehurenyre. Iribi rexitòenyre wylemy txuu kanatÿnykemy.

³⁰ Hãwò aõna hydÿÿdu mahãdu hãwò riòre riwesere bera-ò. Idi risÿnyre ijò manatisana ritidikremy hãwò jura-ribi. Urile tahe rahenykremy ròhòtynyre.

³¹ Paulo tahe rierymyhÿ tahe soldado wedu-ò rarybere: –Soldado mahãdu tule roholare: ³² –Hãwò aõnahydÿÿdu mahãdu hãwò nihikÿÿro-ki rariòrenykeki, kaiboho atuerenyke. Tai tahe soldado hãwò riòre reroti riàrore tahe resere bera-txi rahenyre.

³³ Txuu iòhòmy natÿnyde, tahe Paulo tamy rarybere: –Wiji waò inaubiòwa txumu kaiboho teraòtenyete tabyretenyòhy.

³⁴ Ijò birÿsÿbenyke, arurureny rexiòlònykemy, kaibohoò dori burubenyòtyhy. Aradeti sohojiò tiu iòòtyhy.

³⁵ Rarybemy rahudi tahe, paò sohoji Paulo rimyre. Ibutura-ò Deuxumy reàlãre. Idi tahe paò riorore, riyre.

³⁶ Ijò reny reysarenyre, taita tule riyrenyre.

³⁷ Tahe 276 iny hãworo-ki roirenyre.

³⁸ Tahe ibutumy iwo rihyrenyre tahe maixòmo wesena-di rehurenyre hãwò nihikÿ rawetarinykemy.

³⁹ Bede ratÿnyreu, inyò rieryòhyre titxiribibo nade. Tuu robirenyre iworywo-ki ÿnyra tai roimyhÿremy tahe inyò rieryòlemyhÿre. Widee raryberenyre: –Rikìrònyrenyke hãwò-di iwo-txi.

⁴⁰⁻⁴¹ Tahe manatisana riukòrenyre tahe welò riderenyra hãwøjura-ò iraròsòna riesere. Tahe ritelenyru ralòkemy. Urile esetere tiò tiòle hãwò ridymyhÿ beò òhòkÿle idi rehure rorokòòhòkÿle, rimyre taile òbò hãwòlòru ribohonyre.

⁴² Soldado mahãdu ròhòtynyre ròtena mahãdu rahenyketxi. Tai rirubunykeny ròhòtynyre bede-ò robunyke lau.

⁴³ Soldado wedu tahe Paulo ritòenyre rubu lau, tai tahe riteònyre rirubunyòhyre: –Tibo alobuerye, juhuu suò rakemy, soldado wedu kia rarybere.

⁴⁴ Tibo alobueryòke tahe òwòru àre hãwò-ribi rimymy idi rakre. Kiamy heka ibutumy rethemynyre su-ò, inyò ruruòhyre.

28

¹ Tai tahe taisÿdu mahãdu-txi rekoare. Tii bedebutenimy inydee relyyre. Malta heka inire.

² Biu riwasebenyrenyrene yhyjutyty riwasarenyre. Tai tahe tiiboho heòty riworonyrenyre wahetònarenymy. Tiiboho riwawisinanyrenyre awimy wadireny roiremyhÿ.

³ Paulo hee ributunyre heòtyworonamy. Idi rehureu, hemylala he wo-ribi heòty lau ròhònyre, tai ruruare Paulo debò-ki.

⁴ Tusÿdu mahãdu tuu robire tahe rarybere: —Ka hãbu rubudÿÿdu òsÿny rare. Tii heka ruruòre bera-ò, ka tahe kidiòwynykre inyò òsÿny rirubunyreki wahe, rurukre heka.

⁵ Paulo tahe hemylala tebò-ribi riatyre heòtyru-txi. Ta aòhòkÿmy rotÿÿnyòhyyre.

⁶ Tahe mahãdu idi retehemery rÿimyhÿ tarubulemy resekeò, ada tebò ratarimybòhokeò aòbo. Sòwemy riraòre, aòhebo rotÿÿnyke, tahe aòkòhyyre. Tai tahe iwitxiramy ròhòtinyrenyre: —Tii deuxuòle òsÿny ratxireri. Tiiboho raryberenyre kia.

⁷⁻⁸ Hetoò tai iòhòmy rÿire, Publio iwedure. Tii heka ityhy rare iwedu rare kabedebute-ki, tii bedebetiòÿna rare. Tai tahe-to-ò riwadyrenyre. Awihyyle wadireny raremyhÿ. Publio tyby tahe rubunamy rurumyhÿ. Busu-di ratximyhÿ. Tai tahe Paulo iroramy rare. Tebò ityre ritidire, rexitòenyre, tahe riteytenyre.

⁹ Tai tahe ibutummy bedebute ludu webinadu Paulo dee wii rotyre. Ibutummy reyterenyre.

¹⁰ Tai tahe uriiòno inydeereny riwahinyre aòna aòna. Sòwemy rÿsÿna hãworo-ò rahyre inydeereny. Kia hãwò beòra bede kia beà-ki riwyre.

¹¹ Txuòkuro hãwò ni rare. Kia ni ihiju rare. Ideuxu ritxoo inatxi rare. Hãwò Alexÿdria hãwã ludu rare. Tahe rahònyrenyre. Inataò ahãdumy bede wadireny rÿidi.

¹² Sirausa hãwã-ò retehemynyre. Tai tahe inataò txummy wadireny rÿire.

¹³ Iribi tahe Rejio hãwãmy rekoarenyre. Ijòtxu tahe Pozuli-ò reòlònyre. Inatxi txu-di retehemynyre yhy ibòò-ribi debonydekì.

¹⁴ Tai seriòreò ratximyhÿ. Tiiboho rexitòenyrenyre tii-wana ratxikemy debòinatxi reurò txummy. Kiamy heka Roma hãwã-ò roirenyre.

¹⁵ Roma ityhydÿÿdu mahãdu roholare jiarÿboho retehemynyrerimy. Tai tahe doidenyde Apio hãwã ube-ò. Tule aò-di ijohona Heto Inataò hãwã-ò doidenyde. Paulo tiiboho robireu, Deuxu reàlàmyhÿ, reysamyhÿre.

¹⁶ Tahe Roma hãwã-ki Paulo ixideewimy rasÿnyre. Urile soldadoò aòu aòu tii-wana ratximyhÿ.

¹⁷ Inataò txummy bede idi rÿidi, Paulo ributunyre judeu mahãdu dinodu. Wii ributunyreu, tamyreny rarybere: —Wanyrÿboho, waseriòreboho, jiarÿ aò rewinykòre wajioi Judeu mahãdu dee. Tule lahirybe ònosòna ratyre aò rewinyòhyyre. Ihãre judeu dinodu riwamyre. Tahe diwahinyde Roma dinodu mahãdu-ò.

¹⁸ Tiiboho heka riwatÿÿraxinyre ibutummy. aò heka waki ibinamy rahaòhyyre. Tai tahe riwateònyrenykemy ratxirenyreri.

¹⁹ Wajioi tahe Judeu ijoi heka waòludureri. Tai tahe Iòlò-ò jiarÿ rarybere arakemy. Aò dori wajioi dee waòraruòre.

²⁰ Tai heka arabutunyre, warybe-ò boholabenykemy, wadi retehekemy womati reroti-di riwataataara. Judeu mahãdu raròsòna òraru-ki kawesemy watxireri.

²¹ Tahe judeu dinodu mahãdu rirawyònyre: —Aòkòre, inyò rehemynyòre Judeia bede-ribi. Ijyybinamy umy relyòre. Inyseriòre mahãduò kaò dehemynyòde.

²² Aroholarenykemy timybo tahòtintymahãte-ò. Ityhydÿÿdu mahãdumy dori ibutummy aòbinahakÿlemy rarybereri. Kia judeu mahãdu dinodu raryberenyre.

²³ Tahe riywinyre itxu Paulo rybe-ò ijohonamy. Idi tahe Paulo heto-ò sòwemy iny doidenyde tamy roholakemy. Tii Deuxu ijyy ritÿnyre rudi rexidelenyre, txioromy rexihure Moisesi Tyriti ritÿnyre tule ijò rybedu Tyriti-di ritÿnyre, iwese Jesuisi Iòlòtyhy kanatxikre wese kabede-ki. Kia Jesuisi aòmydÿÿnanamy ritÿnyre.

²⁴ Ijò roholare aòmybo Paulo rarybereò, Jesuisi rityhynnyrenyre. Ijò tahe aòkòre, rityhynyòre.

²⁵ Ijò teramy reare. Rÿire, ròhònykremy. Tahe Paulo tamyreny rarybere: —Deuxu Tytybytyhy booreny dee rarybere Isaia tyriti-ki. Awimy rare. Kawese roire:

²⁶⁻²⁷ —Makre tamy marybekre: —Boholabenyke, ta tiu aerysrenyòna. Betehekre arue-di, ihãre tahe aerysrenyòna. Iruereny, iraykyreny, tòhòtirenny ritòbònymahãrenyre.

Tai tii tiiboho robirenyòtyhy, rieryrenyòtyhy, roholarennyòtyhy. Tai diwatyhynyòhyymyhÿde. Tai heka iòraru-ribi ariteytenyòkre.

²⁸ Bierymy boibeke Deuxu tarasana judeukòdu mahãdu-ò rare. Tiiboho dori roholarennykre.

²⁹ Paulo tarybe rahudi tahe, judeu mahãdu ròhònyrenny sòwemy widee rarybemyhÿrenyre.

³⁰ Roma hãwã-ki Paulo rasÿnyre inatxi beðramy tahetohuòtenawo-ki. Ibutumy heka dÿÿraximy iheto-ò rehemnyrenyreu, Paulo ridyre tamy rarybekremy.

³¹ Deuxu Iòlònamy Paulo iruru-di relyyhyymyhÿre. Inynyrÿ Jesuisi Kristu aõna aõnamy rierynanymyhÿre. Tiu inyõ aõhókÿmy risÿnyõmyhÿre Paulo rybe xãwikemy.

Roma Paulo Ryberiti Roma mahādu-ò

¹ Paulo jiarý rare, tyritiwiðýýdure wahe. Jiarý heka Jesuisi Kristu deòdu rare. Tii riwatare rybe tñnyðýýdumy ararekremy. Deuxu Rybewihiký wahidýýdumy ararekremy.

² Juhuu dori Deuxu rarybere Rybewihiký riwahinykemy. Deuxu rybedu mahādu kia rybe riritinyre, Ritidýýnatyhy-ki.

³ Kiamy heka Deuxu Riòre rybe tyhydýýnamy rarybere, Davi riòre riòkoreò wahe.

⁴ Deuxu Jesuisi Kristu rubu-ribi riixixadýýnyreu, tariòremy tahe riteòsinyre rurunatyhy-di. Jesuisi tahe inatyhymy Inynyrý ihýre.

⁵ Tii ruxetòena inydeereny riwahinyre. Irybe òraru-ki, jiarýboho aròirenykemy watzireri. Ityhyna aritýnykemy judeukòdu mahādu-ò, tai tiiboho rityhynyrenkemy.

⁶ Kaiboho tule judeukòdu mahādu atxitenyteri. Tahe Deuxu ityhýýna mahādu atxitenyteri, Jesuisi Kristu ijoimy rýirakemy adeereny raryberek.

⁷ Ibutumy adeereny warybe rewahinyre, Kia Deuxu taijoimy remyremy mahādu wahe. Ruxetòena, ywina-wana adeereny-ò kanakemy watzireri, Deuxu inytyby-ribi tule Jesuisi Kristu iny wedu-ribi. Tii dori adeereny irybe riwahinyreki.

⁸ Umyreny Deuxu-ò reàlamahāre, atyhynareny-ò iny ibutumy roholamyhýreki.

⁹ Deuxu-ò rexitòenymahāreu, anirenymy rarybehymy watxiwāhāre. Kia heka Deuxu rieryre, waworibityhy tahe jiarý Deuxu deòdumy rare. Iriòre Rybewihiký-di wahe.

¹⁰ Jiarý rexitòenyhy watxiwāhāre arorarenymy arakemy Deuxudeewikeki.

¹¹ Umyreny arobikemy watzireri, tai adeereny arelyykemy aomydýý wihikýò Deuxu Tytybytyhy. Tule kaiboho wadee tuu belyybenykre. Tai tahe atyhynareny-ki ityhymy relekre.

¹² Jiarý arawiòhenanykemy watzireri, tule kai biwawiòhenanykemy watzireri. Tai rikexideysanytyhykemy inatyhyna-ò.

¹³ Sòwemy heka arahyykemy watxiwāhāre arorarenymy. Iribi nohòti losaomy tahe wadi rarunymyhyre aòbo, riwateònyòhyymyhyre heka. Jiarý Deuxu dee waaòmysýdýýna awikemy watzireri ayreny-ki. Tai kaiboho ako-ò boikemy wadee awire, iwese ijò judeukòdu mahāduko-ò ararybekremy watzireri wese.

¹⁴⁻¹⁵ Tuheka ibutu iny-ò ararybekremy watzireri, hāwā wixira wixira mahādu-ò, tule. Iny mahādu-ò aòkore mahādu-ò tule. Tuu ariwinykre ibutumy iny-ò, iny bedeerynyò mahādu-ò tule. Adeereny tule Rybewihikýmy arelyykemy watzireri Roma hāwā ludu mahādu-ò.

¹⁶ Jiarý dori Kristu Rybewihiký-ki araixýruòtyhy. Irybe dori Deuxu ruru rare. Ibutumy iny rityhynykeki ritakemy ratxikre. Judeu mahādu-ò juhuu nade tai tahe iuhe-ò judeukòdu mahādu-ò.

¹⁷ Deuxu òbitina ratýnynymy namyhýde Rybewihikýwo-ribi. Tyhyna-di ritelenyre tule tyhyna-di ihýmyhýre. Inyò tyhyna-di òbitimy rýikeki, tii ruruòtyhy, idi awimy rareki.

¹⁸ Deuxu yarana biu-ribi namyhýde ibutu òraruna hudunamy. Iwidýýdu hudunamy. Bina widýýdu dori inatyhyna ribinanymyhyre, raruinymyhyre Deuxu rybe ribynymyhyre?

¹⁹ Deuxu eryna ibutumy iny-ò riwahinyre. Deuxule tamy riwahinyre. Tai timybo Deuxu raremy tahe tiiboho rieryhyymyhyre. Tai Deuxu aòhòkýmy risýnymyhyrenyere.

²⁰ Juhuhukýle heka Deuxu aomydýýnanamy iny robimyhýre idi tii tyhynamy tule rierymyhýre itýnyhýkýlemy, irurunahyry wahe. Aòu aòu kia ibutumy iny rierymyhýre, Deuxu widýýnamy iny robireki wahe. Tai tiu iny ixtxiòdýýna.

²¹ Rieryreny tii Deuxumy raremy. Tahe rexiwowydynyòhyre timybo iny Deuxu dee rexiwowydynymyhykemy wahe. Tamy àlanatyhy riwahinyòhyymyhyre. Idi ròhòtinymyhyrenyere Deuxu irayky ròhòtinymyhyre wesemy idi ròhòtinymyhyre. Irayky tahe reòsamy ratximahāre.

²² Tiibohole bedeerytyhymy ixidi ròhòtinynyry. Tahe itxýtele roire.

²³ Deuxu rubutere rityhynykenawí tahe tiiboho heka ritxoo deuxuò ireije riwinymyhyrenyere tatyhydýýnamy. Ibinamy heka mywese riwinymyhyre, nawí wesemy, iròdu wesemy, iròdu bedemy riradu-wesemy. Rexiòkamy riramy riradu wesemy tahe rityhynymyhyrenyere.

²⁴ Deuxu heka òraruna-ò riwahinyrenyere, itxýtenareny òraru-ki. Iny òta òtadu mahādu heka wivanale aòòta ixýruna riwinymyhyrenyere.

²⁵ Deuxu inatyhyna dori tiiboho riwiurònyra ruina-ò. Ritxoo dee rexitòenynyere, aòbo Deuxu riwinyre, kia. Deuxule iny reàlàkòmyta ratximyhýrenyere.

²⁶ Deuxutyhy tahe rityhynyõhyyre, Deuxu ibutu widÿÿdu tiu riteàlänymy rakonananyõtyhy. Kia òraru-ki òtaõtana nade. Hãwyy, hãbu-wana aõkõ roimyhÿre wideele heka aõhebo rotÿÿnymyhÿre. Kia heka òbiti aõkõ rare.

²⁷ Tule hãbu, hãwyy-wana aõkõ røimyhÿre, wiwanale aõhebo rotÿÿnymyhÿre. Òbiti aõkõ heka kia rare. Riwyrenykre kia òraru òwydÿÿna, aõhõkÿmy dÿÿnana wahe. Iny sohoji sohoji taaõbina ixÿruna òraru-ki ixidee rimykre.

²⁸ Tõhõti heka Deuxu-txi reaõhÿymyhÿre. Tai tahe timybo ixideewimy riwinyrenykemy roirenyre Deuxu-ribi. Tahe riwinyrenyre ibutumy aõbina binahakÿle.

²⁹ Aõimy aõko ratximyhÿre aõbina bina-di roiremyhÿ: òtaõtana-di, aõbina binahakÿ-di, aõikõkõ-di, rarekemy ixidee ririmyhÿre, teramy heka rÿira. Ihãru-di rÿira iny rubudÿÿmy dori røhõtinyinmyhÿre, rarybehÿmy ratxirerimyhÿre, ruidu nihikÿ ihÿre, ujõmo-di rÿira.

³⁰ Aõbinamy inmy rarybemyhÿre, Deuxu derare, ixiluulereny, rexityhynmyhÿre, òraru tÿmyra riwinyreny, tyby tadi-wana rityhynyõhyyre.

³¹ Irybe sohoji aõkõ heka rare. Iluunaõre, ibinatyhyre, inydee iruxetõeõre.

³² Deuxu rarybere: inyõ kia riwinykeki heka ruruke. Tiiboho kia rieryenyre. Ihãre tahe aõhebo rotÿÿnyre. Kia sohojile aõkõ. Reysarenymyhÿre iny wixira iherenyki aõhe rutÿÿnykreki.

2

¹ Tutyhy-ki aõkõramy rybeõmy. Kai dori tutyhyle òraru tewinymahãõte. Inyõ rybemy ywisidÿÿna ijõmy rarybeke-wana ixilemy ywisidÿÿna-ò rexityhenyke. Tii dori kia ibutumy tule riwinyhÿre ibinamy wahe.

² Inyõ kia aõbina binahakÿ riwinyhÿkeki, Deuxu ywisidÿÿna-ò inatyhynalemy tamy kòdõhõnykre.

³ Kai tuleke –kiamy biwinykeki, Deuxu ywisidÿÿna-ribi mahenyõtyhy. Kai dori ywisidÿÿdumy texideõsinyte ihãre tahe òraru wesele tewinymahãte.

⁴ Deuxu ruxetõena sõwemy adi rexiruxetõenanymyhÿre. Kia-di bexirãhikemy adi ratxireri, tiemy wimy aõna aõna bina riemyhÿre ratximyhÿre, awi heka adee rare. Kai aõbohe iribi õhõti rosakre kia heka arabedeõtidiÿÿnymyhÿre. Arabedewodÿÿnymyhÿre òraru-ki. Kai aõbohe kia teeryõte?

⁵ Kai arybedÿÿsaeryõre rybe ijohona teeryõte õhõtiorre. Tai tahe Deuxu yarana ixideele tebutunmahãte. Ijõtxu Deuxu yarana txumykreu. Tai Deuxu ywisidÿÿdu òbiti rexityhynmy rÿikyre.

⁶ Iny sohoji sohoji taaõna aõna myna aõmy rotÿÿnykre, aõhebo rotÿÿnymyhÿreki wahe.

⁷ Inyõ aõwidÿÿlemy ratximyhÿre. Tiiboho heka Deuxu wowydyna, Deuxu wohyna, Deuxu loosõna widÿÿmy rarutaamyhÿreny. Tule iny rarehykykrena-di rarutaamyhÿreny. Imyna Deuxu tamyreny røkre.

⁸ Kia ixidile røhõtinyinmyhÿre mahãdu tahe, Deuxu woxibrunale, yaranale ritakre. Tiiboho dori inatyhyna rityhynyõhÿymyhÿreny, aõ òbitile aõkõ riwinyhÿreny.

⁹ Aõhõkÿmydÿÿnana, bedewona kanakre ibutumy aõbina bina widÿÿdu mahãdu-ò, judeu mahãdu-ò juhuu idi judeukõdu mahãdu-ò.

¹⁰ Wowydyna, àlana, ywina tahe kanakre aõwiihikÿ widÿÿdu mahãdu-ò judeu mahãdu-ò juhu delemy idi judeukõdu mahãdu-ò.

¹¹ Deuxu-ò heka ibutumy iny wiwese rare.

¹²⁻¹⁶ Tii heka aõhõkÿmy risÿnykre ibutumy iny òrarudu mahãdu. Moisesi bede ywina ihoõrehãrele tii rurukre. Judeukõdu mahãdu heka Moisesi bede ywina rybe ijõkõre. Tahe bede ywina iny rierykeki, idile Deuxu òraruna riwinykre. Inyõ Deuxu bede ywina rybe roholare tahe rityhynyõre, kia tahe Deuxu dee ibinatyhyre. Ibutumy kia iny rurukre, õtÿÿ iraykywokile aõbo ibinare, aõbo òbitire rierymyhÿreki. Deuxu bede ywina wesemy heka iraykywo-ki ratximyhÿre. Iraykywydyna rexinohõtinyinmyhÿre ada dexiòbitidÿÿnymyhÿde, Rybe wimy rarybemyhÿre Jesuisi Kristu heka hãbu aõmydÿÿna ritÿÿnykre imyna timy rarekemy. Deuxu dori iteradÿÿdure.

¹⁷ Kaiboho, judeu mahãdu, texinohõtinyinnyta ibutumy awiremy aDeuxureny-wana. Tii adeeremy bede ywina rybe riwahinyreki, tii abiõwatyhy rareki.

¹⁸ Kai heka aõbo Deuxu-ò awire teeryte. Aõbo ibinare, teeryte. Uladuule ibede ywina rybe teeryte, tai òbitityhyle adeeremy awire.

¹⁹ Kai Deuxu-ò nonana bitÿnykre iny ruetã mahãdu-ò dori, kia teerytyhytenyteki. Ixi-di tahõtinyinnyteki. Iwese, kaiboho loosõna wesemy toitemahã ixi-di tahõtinyinnyteki.

²⁰ Tule kia ixi-di tahõtinyinmahãte. Kai bede erydÿÿdukõdu mahãdu erydÿÿdumy atxiterimyhÿre ixi-di tahõtinyinmahãte. Uladu erydÿÿdumy atxiterimyhÿre ixi-di tahõtinyinmahãte. Kai bede ywina rybe tyryitiõ dire. Kia adee ibutumy inatyhyna rare bedeerydÿÿna.

²¹ Kai iny erydÿÿdumy atximahâte. Timyrekibo kai textierynanyõmahâte. Kai wasimy aõkõ tõerydÿÿnanymyhÿte. Timyrekibo tawasinyamahâte.

²² Kai hãwyy òta aõkõ tetÿnynymahâte. Timyrekibo kai tuu tatÿÿnymahâte. Suritxoo dee àlàna deramy iximy tarybemahâte. Aõherekibo erydÿÿ-ribi aõmydÿÿnana tewinymahâte.

²³ Kai bede ywina rybe luumy iximy tarybemahâte. Kai Deuxu-di texixiwedenymyhÿte. Ihãre tahe bede ywina rybe tetyhynyõte. Kia wese Deuxu texirudÿÿnymyhÿte.

²⁴ Iwese juhuyu riritinyre wese wiji roimyhÿre: –Aòraru-ki tahe bedemy iny rÿira Deuxumy aõna aõnabinamy rarybemyhÿre.

²⁵ Kai bede ywina rybe bityhynykeki, õtyky resynadike, awire judeu mahãdu dori rare. Tahe bede ywina rybe bityhynyõkeki, õtykyresyna adee aõ aõkõre.

²⁶⁻²⁷ Iwesetyhylemy iny rare tõetyky resynaõ mahãdu. Tiibohe bede ywina rybe rityhynykeki, tõetyky resyna-di mahãdu wesemy roirekre. Judeukõdu mahãdu heka bede ywina rybe rityhynykeki, kia adee ixÿruna rare. Kaibohe dori Deuxu bede ywina rybe tetyhynyõte õtyky resyna dire hãrele. Bede ywina rybe dire hãrele.

²⁸⁻²⁹ Inyõ judeu mahãdu wesemy ihÿre. Ihãre tahe judeu mahãdu inatyhy aõkõ rare. Tõetyky resyna-di judeu mahãdu inatyhy aõkõ rÿira. Judeu mahãdu inatyhy tawokihyyle kia idi rÿira. Iwesele notyky resynadÿÿna kia rÿira. Inywokihyyle rare. Aõ bede ywina rybekile aõkõ tuu rÿire inyrayky wydynamile kiawesemy inyõ rÿira. Hãbu-ribi wowydynamy ritaõtyhy. Deuxu ribile ritake.

3

¹ Tibohe judeu mahãdu deewinare. Notyky resynale tamywina. Kia aõbo ibuturatyre awire judeu mahãdumy rareki?

² Inatyhy rare, sõwemy, Deuxu dori tamy juhu Ritidÿÿna riwahinyre.

³ Inyõ rityhynyõre-wana kia riwiurõnyõhyymyhÿre Deuxu heka õbiti rare.

⁴ Inatyhy urenanamy Deuxu raremyhÿ. Iny mahãdu tahe roidumy rÿiramyhÿ. Iwese ritina-ki roire wese Deuxumy rarybereri: –Kai arybe õbitina-di atximahâte urenana wahe. Inyõ araurihikeki, kai inatyhyna-di biòlòdÿÿnykre.

⁵ Inyboho õbiti aõkõ roire. Kia tahe Deuxu õbitina riteõsinyre. Timykibo Deuxu inydee aõhõkÿmydÿÿnana riwahinykre. Mobo heka kia õbitimy aõkõ rarybekre. Jiarÿ hãbu rayky-di wese rarybereri.

⁶ Kia õbiti rare. Kiaweseõkeki timybo Deuxu bede aõhõkÿmy dÿÿnana riwahinykre.

⁷⁻⁸ Kai tarybete: –Jiarÿ raruirã. Urile kia Deuxu inatyhyna reteõsinyre. Aõherekibo Deuxu aõhõkÿmy riwasynyre. Kiarybe iwitxira rybewesemy rare: –Ibinamy rakatximyhÿkeki, awihikÿ kia-ribi rõhõnykre. Aõkõre, kiamy rybedu mahãdu aõhõkÿmy dÿÿnana ritamyhÿkre. Kia riki wamy rarybere, ruimy wahe.

⁹ Aõhe aõbohe, inyboho aõbo inywitxira-ribi awityhyrenyre. Aõkõre. Jiarÿ reteõsinyamahãre ibutumy judeu mahãdu, judeukõdu mahãdu ibutumy õrarudu roire.

¹⁰ Kiamy Tyriti-ki roire: –Tiu heka inyõ õbitiõre.

¹¹ Inyõ heka Deuxu rieryõhyymyhÿre. Timy heka riõryõhyymyhÿre.

¹² Ibutumy iny rexiõnonymyhÿre Deuxu-ribi wahe. Aõmy aõkõ tiibohe rexiwinyrenyre. Iny riuheõhyymyhÿre aõbo awiré. Sohoji aõkõ aõhebo rotÿÿnyre aõbo awiré.

¹³ Ibõtòjò heka rubuwabede iramy roimyhÿre rõwese rare. Tiibohe iny itxenadÿÿdu rare. Irybe heka hemylalatyhyju wese rare.

¹⁴ Aõbina binahakÿlemy heka inymy rarybemyhÿre.

¹⁵ Iti heka teyrewa rare hãlubu txiwimy iny rubudÿÿmy tule.

¹⁶ Titxibo ramyhÿre-wana heka aõbina binanale riwahinyymyhÿre, aõhõkÿle ririmyhÿre.

¹⁷ Tiibohe dori ywimyno rieryõhyymyhÿrenyre.

¹⁸ Deuxu lau heka ruberuõtyhymyhÿrenyre, Deuxu rityhynyõtyhy.

¹⁹ Bede ywina rybe heka tatyhdÿÿna mahãdu-ò diõde. Kia tahe inyboho rieryrenyre. Tai heka iny rexitxiõnyõtyhy Deuxu-ò. Tai heka ibutu dee aõhõkÿmy dÿÿnana-ò riwywinyry rÿikre.

²⁰ Bede ywina rybe-ribi iny ibutumy rieryre ibinamy ratxireri. Inyõ heka bede ywina rybe heka rityhynyõhyre. Tai tahe inyõ kia-di rexitaõtyhy iywina õraru-ki.

²¹ Wiji tahe Deuxu õbitina ratÿnynymy ihÿre bede ywina rybe-ribi lahiximy. Ihetxiru rybedu-di kia ritÿnynymy ihÿre bede ywina rybe ritina-di.

²² Deuxu riõbitidÿÿnyra. Ibutumy Jesuisi Kristu tyhydÿÿdu kanakre. Deuxu dee dori ibutumy bede bede ludu wiweselere.

²³ Ibutumy raõrarunymyhÿre. Deuxu õbitina tamy rauhenymyhÿre.

²⁴ Deuxu taruxetõena-di ibutumy riõbitidÿÿnyre Jesuisi Kristu tarasadureki. Tii iny-ribi iõwydimy aõ rexitõenyõhyre.

²⁵ Deuxu Jesuisi-di rubuna iny òraru riixāwididỹnyre iòwy tii riòwynara, iny kamy rity-hynykemy. Kawese-ki Deuxu òbitina ritỹnyryra. Juhuu Deuxu iny òraru-na-ò reteheòmyhỹre aònityhymy iywisidỹỹna òbitina.

²⁶ Tahe wiji inyòraru-ò retehemyhỹre riixāwididỹnykemy. Tai tahe tii òbitire tule Jesuisi Kristu tyhydỹỹdu òbitidỹỹdure.

²⁷ Mobo Deuxu-ò rarybekre jiarỹ awiremy? Aòkòre, inyò rarybeòtyhy. Bede ywina rybe tetyhynyòte. Deuxu iny òbiti widỹỹdure, ibede ywina ywidỹỹ aòkòre. Inatyhynadile awityhymy iny rare.

²⁸ Kiamy tahe raraykynyre iny ityhynadile riòbitidỹỹnyke bede ywina rybe ywidỹỹ aòbo? Aòkòre!

²⁹ Deuxu aòbo, judeu mahādu Deuxu sohojile rare? Aòkòre, judeukòdu mahādu-ò tule Deuxu ihỹre.

³⁰ Deuxu sohojile rare. Iny wiwanale riòbitidỹỹnykre judeu mahādu judeukòdu mahādu-wana. Ibutumy ityhyna òraru-ki riòbitidỹỹnyke.

³¹ Ityhyna aòbo bede ywina rybe riixāwididỹỹnyra? Aòkòre, bede ywina ihāre rỹire.

4

¹ Timybo ararybekre inytybyreny Abraòmy.

² Aòbo riwinyre aòkò idi rexiòbitidỹỹnyre. Tai tahe rexityhynyke inyko-ò. Tahe Deuxuko-ò aòkò.

³ Kamy heka Ritidỹỹna-ki roire: —Abraò heka Deuxu rityhynyre taile tahe rexiòbitidỹỹnyre. Deuxu dee tii òbitityhy rare tii rityhynyreki.

⁴ Iny aòmỹsỹdỹỹdu raòwmyhỹke iaòmỹsỹdỹỹna myna. Urimy aòkò dori raòwmyhỹre taaòmỹsỹdỹỹnaòwyle dori ritamyhỹre.

⁵ Inyò rityhynymyhỹkeki, tii òbitina ritamyhỹre Deuxu-ribi. Deuxu dori òraru mahādu òbitina widỹỹdu rare. Kia uriòno rare.

⁶ Davi heka juhuu riritinyre iwese teysatyhymy iny rarekremy wahe. Deuxu dori òbiti mahādu dee riraykydỹỹnyre òbitimy roirekemy. Tii ixidee aò riwinyòre. Davi kiawese riritinyre:

⁷ —Teysatyhymy iny rỹirakemy Deuxu iòraru riixāwididỹỹnyreu tòhòti-ribi iòraru rosakeu.

⁸ Teysatyhymy iny rỹirakemy iòraru-txi Inynyrỹ nohòti ijeraòmy ihỹkre.

⁹ Deysana aòbo judeu mahādu sohojile riteysanymyhỹre ida judeukòdu mahādu tule. Tulere! Inyboho dori rarybere: —Abraò tyhynale tamy òbitina diwahinymyhỹde.

¹⁰ Tiubo tahe Abraò òbitina ritare notyky resynako-ki ada ihewo-ki aòbo, ikoure.

¹¹ Juhuu dori rityhynyre idi ta notyky resyna tamy nade kia tyhyna Deuxu-ò riteòsinyreki. Tai tule òbitina Deuxu tamy riwahinyre. Kia butu tyhydỹỹdu tyby wese rare, Judeukò mahādu wahe.

¹² Notyky resynako-ki òbitina ritare. Tòtyky resyna-di mahādu tyby wesemy riki Abraò ratximyhỹre. Tiile tòtyky resynakò-ki Deuxu rityhynytyhymyhỹre.

¹³ Deuxu Abraò-ò rarybere tii ibutu bede bede wedu wesemy ratximyhỹre iriòre iribi rimyky. Tahe bede ywina rybe òraru-ki aòkò tuu ihỹre, ityhyna òbitina òrarakile wahe.

¹⁴ Bede ywina rybe-ribi tybie tahe itarasadumy ratxikre, tai tahe inatyhyna aò aòkò rare. Aòbo Deuxu rarybere aomy aòkò rare. Tahe roirekre.

¹⁵ Bede ywina rybe dori Deuxu aòhòkỹmy dỹỹnana diòde iny ribedeerynykemy. Teysana aòkò wahe. Bede ywina rybekòki, timyki iny aò ityhynyòna. Bede ywina rybe ijòòre-wana òraru na ijòòre.

¹⁶ Tahe inatyhyna-di sohojile iny aòna aòna wiwihikỹ ritamyhỹke. Tai iruxetòena-ribi nade. Tahe aòmỹbo Deuxu rarybere ibutu riòreriòremy tuu rỹikre. Bede ywina rybe mahādu tule bede ywina rybekòdu mahādu-wana wiwana Deuxu rityhynyre. Abraò riòre wesemy ibutumy tai inyboho roire.

¹⁷ Iwese Ritina-ki roire wese: —Jiarỹ aratare ibutu inytyby wesemy mabekemy. Ibutumy iny rityhynyre-wana, iwese Abraò rityhynyre wese, iwese-ki Deuxu ritake. Deuxu tahe rubu mahādu riixixanymyhỹre rubu-ribi. Tii rarybekeu aò aòkò aòwesele tii aò heka rare. Tii rarybere tule riwinyre. Abraò heka Deuxu rybe rityhynyre.

¹⁸ Timy heka rariòrenyky ixidee ròhòtinyòhyymyhỹre. Deuxu dori tamy rarybere: —Kai heka ariòkòrereny sòwemy atximyhỹke. Kai hāwā hāwā tybymy mabekre.

¹⁹ Abraò tatyhyna ritxiònyòhyre. Timy heka 100 beòramy idi ratximyhỹre, ixāwire uladu-ribi ramatarinyreki. Tule ihāwyy Sara iuladu herina-di kòremy ròhòtinyre.

²⁰ Timy heka ritxiònyòhyre Deuxu Rybe. Rityhynymyhỹre Deuxu deàlana riwowy-dynyre.

²¹ Tii heka rierymyhỹre Deuxu irurudire irybe wesemy aò rỹikemy.

²² Tai tahe Deuxu tamy òbitina tamy diwahinyde.

²³ Aõ ìòraruki aõkõ kia ryberitina awimy raeryre, tamy sohojile aõkõ dori rarybere.

²⁴ Iny òraru-ki tule kia tuu roire. Iny tule inatyhyna-di òbitina ritakre. Inyboho dori rityhynymyhÿre, Inynyrÿ Jesuisi rubu-ribi ixixana widÿÿdu Deuxu raremy.

²⁵ Jesuisi iòludu-ò iwahidÿÿmy rara inyòrarureny-ki tai rurure. Tahe iny òbitina wahidÿÿna-ò diixixanyde rubu-ribi.

5

¹ Jesuisi tyhydÿÿ òraru-ki Deuxu inyboho rimyreny. Idi awimy rokoirekremy tii-wana, Jesuisi Kristu-wana wahe.

² Deuxu ruxetòenawo-ki inyboho rotamanymyhÿreny. Jesuisi Kristu tyhydÿÿna òraru-ki tamy rotamanymyhÿre. Deuxu loosòna worojuxana-ò-di rokoirekre. Tai inyboho reysamy ihÿre.

³ Inyboho bedewona-di hyy ihÿreny. Ihârele tahe inyboho teysareny. Kia dori iny riwiòhenynymyhÿre raròsòna ijòdikemy ruu inydeereny riwahinykemy.

⁴ Inyboho rikiijerenyhyekeki, Deuxudeewimy rikiwinyrenyke. Deuxudeewina rikiwinyrenykeki, raròsòna rikitarenyke.

⁵ Iny raròsòna tarasana aõkòkeki, uritere rakabedewoõtyhy, Deuxuluuna dori inywo-ki ratxireri. Deuxu Tytybytyhymy inydeereny wahidÿÿna rare. Tii dori inyworeny-ki Deuxuluuna ritidire.

⁶ Iruruõmy inyboho roiremyhÿre awimy riwinykemy. Tai tahe Kristu inydeereny, inyboho ìbinare hàre rurure, Deuxudeewireu.

⁷ Isirare inyò hàbu òbiti dee ruruke. Tahe hàbu wiwihikÿ dee òsana iny rurukre, kia heka irutaõre.

⁸ Deuxu tahe luunatyhy inydeereny diteònyde. Iny òrarudurenyre hàre, Kristu inykireny rurure. Juhuu heka inyboho òrarudu roire. Ihârele Deuxu taluuna nihikÿ inydeereny diteòsinyde. Tai heka Kristu inyòrarureny-ki rurure.

⁹ Irubuna òraru-ki heka Deuxuru-ò inyboho òbitimy ihÿreny. Irubuna tahe kia riwinyreki irumy inonana tahe iratyre rarekre inydeereny wahe. Deuxu ykarana-ribi Kristu dori iny ritamyhÿre.

¹⁰ Juhuu Deuxu òludu inyboho roire. Tahe wiji ibiòwamy inyboho roire, iriòre iny òrarureny-ki rurureki, wahe. Wiji tahe rybe òludu mahâdu-ribi wiutàðanamy rÿire. Ibutu kia heka Kristu òraru-ki sohojile ture. Tai iny teysamy roire Deuxu rityhynyreki.

¹¹ Inyboho heka iwitxira Deuxu-wana ratximyhÿreny. Tai tahe reysamy ratximyhÿre. Inyboho Deuxu biòwamy ratximyhÿreny. Jesuisi Kristu Inynyrÿ òraru-ki heka ture.

¹² Hàbu sohoji òraru-ki òraruna bede-ki ralore juhuu, Adaõ òraru-ki wahe. Taile tahe rubu nade bede-ki. Idi ibutumy iny raòrarunyre. Adaõ òraruna-txi resereu, rubu ibutumy iny-ò resere.

¹³⁻¹⁴ Juhuu Adaõ rurure. Iribi tahe ibutumy iny rurure. Moisesi tule rurure. Tahe bede ywina òraru-ki aõkõ tiiboho rurure. Bede ywina dori Adaõ rubu hewo-ò Deuxu riwahinyre Moisesi-ò. Deuxu heka iny òrarunamy aõkõ ròhòtynyre, tabede ywina dori kiau riwahinyòre. Adaõ heka Deuxu rybe rityhynyòre, tai tahe rurure iwese Deuxu rarybere wese. Tule ìòraruna òraru-ki ibutumy iny raòrarunymyhÿreny. Adaõ heka Jesuisi-ò rakewesenanykre.

¹⁵ Tiiboho wiwanale aõ kabede-ò aõ diwymyhÿdenyde. Adaõ heka rubu diwyde. Jesuisi heka runa diwyde. Adaõ heka sòwemy iny-ò rubu riwahinyre. Jesuisi tahe sòwetyhy-ò Deuxu ruxetòena riwahinyre, tarasana tamyreny riwahinyre. Òraruna sohoji-di heka Adaõ rubu riwahinyre ibutu iny-ò. Jesuisi tahe ibutumy iny-ò biu-ò hena riwahinykemy ratxireri ìòraruna sòwere hàrele. Umytuedeòna wahidÿÿdu tii ratxireri. Kia awityhyre.

¹⁶⁻¹⁷ Inatyhymy Adaõ widÿÿna ìbinare. Jesuisi widÿÿna heka awityhymy rare inydeereny. Inyboho dori Jesuisi-wana irumy ratxirenre aõu aõu kowa bede wihikÿ-ki, Deuxu òraru-ki.

¹⁸ Aõhòkÿmy dÿÿnana heka Adaõ widÿÿna diwyde ibutumy iny-ò. Jesuisi tahe òbitina diwyde ibutumy inydeereny.

¹⁹ Adaõ heka Deuxu rybe rityhynyòre. Tai iny sòwemy òraruna-txi resere. Jesuisi tahe Deuxu rybe rityhynyre. Tai iny sòwemy heka òraruna-ribi ritare.

²⁰ Deuxu tabede ywina rybe riwahinyre. Tai tahe iny aòbina rierymyhÿre. Òraruna-di sòwemy ihÿreki, tai Deuxu ruxetòena sòwetyhymy ihÿre.

²¹ Juhuu òraruna ratximyhÿre iny umyreny-ki. Inydeereny rubule riwahinyreny. Wi-jile tahe Deuxu ruxetòena riwahinyre inyumyreny-ò, inyraykyreny-ò. Òbitina inydeereny riwahinyre Deuxuko-txi. Jesuisi Kristu Inynyrÿ òraru-ki heka, umytuedeòna inyboho ijòdire.

6

¹ Timykibo Deuxu inydireny rexiruxetòenykeu watzireri Deuxu ire inydireny raruxetòenykemy ire rexìòrarunananyhÿre hãrele. Timyki tuuòna.

² Aòkòhyyre. Inyboho heka òraruna dee rubumy ihÿrenyre. Timykibo iny ihyymy òraruna-txi rekeseke? Aòkòhyyre.

³ Jesuisi Kristuni-ki inyboho raratisebenyre, Tule Jesuisi rubu-my ratisebe-ò rururenyre. Kia teerytenyte.

⁴ Tiu inyboho risebenyre Jesuisi òraru-ki, tii-wana inyboho rurure. Tai iru tÿmyra-di inyboho ihyre. Iwese Deuxu taruru-di Jesuisi riixixadÿÿnyre wese tule inyboho iru tÿmyra-di rokoireke.

⁵ Iwese tii rurure wese, inyboho tule rukurenkre òraruna dee. Iwese Kristu rexixadÿÿnyhe wese inyboho tule òraru-ribi ixãwira tii-wana rarehyykremy.

⁶ Iny umy tyby tule rurure Kristu itxeò-ki. Tai inyboho heka òraruna deòdumy aòkò ihÿrenyre.

⁷ Inyò rurukreu, tii òraruna-ribi ixãwimy ihÿre.

⁸ Inyboho Kristu-wana rurukeki, tii Kristu-wana irumy ratzikre.

⁹ Kristu rexixare tii ixbyby rurùòtyhy. Rubu ixbyby tamy reaòtyhy. Kia tahe inyboho rieryrenyre.

¹⁰ Jesuisi rurureu, iny òraruna ixãwina rubulemy rurure. Wiji tahe irumy ihÿre Deuxudeehyy.

¹¹ Tule kai arumy atximahãte Deuxu dee iny aòbina bina-ò taruteki rubuwesemy arumy tahe Deuxu-ò. Inynyrÿreny Jesuisi Kristu tyhydÿÿki. Kiawesele mohòtinyke Deuxu dee, Jesuisi Kristu dee wahe.

¹² Kaiboho dori Jesuisi Kristu-wana atximahãtenyte. Òraruna-txi ixbyby besekeòtyhy. Ixideewimy aòkò rikiwinyrenyke, aò ibina wahe.

¹³ Amyreny biwahinybenyke Deuxu-ò iwese iny iru tÿmyra-di ihÿrenyre. Tai tahe òbitile biwinybenyke, òraruna-txi beseòtyhy aò iyja aòkò.

¹⁴ Òraruna rybe-ò ijohorenyòmy. Tii dori awedu aòkò rare. Deuxu ruxetòena-ò bexiweloromahãbenyke.

¹⁵ Aòbo tahe awityhyre. Ruxetòena òraru-ki aòbo rekexiòrarunymhÿke. Aòkòhyyre.

¹⁶ Òraruna rybe-ò heka bityhinybenykeki, òraruna deòdumy atxibenyke, rubu iòwy rare wahe. Deuxu rybe-ò tahe bityhinybenykeki, òbitimy boibenyke. Bexideòdumybenyòtyhyke òraruna bityhinybenykemy.

¹⁷ Wowydyna Deuxu-ò kanakemy watzireri. Juhuu kaiboho òraruna deòdumy ahãtenyte. Tahe wiji inatyhina erydÿÿna tetyhinytyhytenyte.

¹⁸ Wiji tahe kaiboho òbitina deòdumy atxitenyte. Tahe Deuxu deòdumy wiji toite, tii ixideewimy timybo adirenykre.

¹⁹ Iwese juhuu òrarunawidÿÿna-ò texiwahinymahãte wese, wiji bexiwahinybenyke Deuxu-ò, òbitiwidÿÿna-ò wahe. Òbitimy rarybemahãre, itÿnytyhy kaiboho dori òhòtitymy toite aiximynatyhyrenyò òraru-ki.

²⁰ Òraruna deòdumy atxitenyteu, Deuxu tetyhinyòtenyte.

²¹ Kia aòmydÿÿnana wiji ixãruna adeereny rare. Aòbo tahe awimy juhuu tewinytenyte. Kia heka rubule riwahinymhÿre.

²² Òraruna-ribi ixinamy atxitenyte. Kaiboho Deuxu-ò ibutumy texiwahinyte. Tai umyuedeòna tetatenyte.

²³ Òraruna òwy heka rubu rare. Inyò òraruna riwinykeki, tii ruruke, kia òraruna òwy rare. Deuxu wahidÿÿna tahe umyuedeòna rare, Jesuisi Inynyrÿ rurureki wahe. Idi tiile-wana tukre.

7

¹ Waityhydÿÿdu seriòre, kaiboho bede ywinamy teerytenyte. Tai bieryke aòmybo ararybekre. Inyò irulemy rariakekile, bede ywina tamy aò rare.

² Arawesenanykre. Hãwy heka ihãbu-wana ihyymy ihÿre bede ywina myna. Hãbu rurukeki, tahe ixinamy ihÿre ijò-wana roikremy. Hãbu rurukoeki tahe, ixinamy aòkò ihÿre, ijò-wana roikremy.

³ Inyò-wana roikeki, hãwy wedenamy raninikre. Ihãbu rurukeki, tii ixinamy rarekre. Ijò-wana roike.

⁴ Kia wese rare, waseriòreboho, ayreny-ki. Kaiboho bede ywina dee tarutenyte. Kaiboho dori ityhydÿÿdu mahãdu atximahãtenyte. Kaiboho Deuxu hõrò mahãdu atximahãtenyte. Rubu-ribi ixixadu mahãdu atximahãtenyte, Deuxudeewina biwinybenykemy.

⁵ Juhuu ixideewile aò tewinymhÿtenyte, rubu aòmydÿÿnana wahe.

⁶ Wijile tahe bede ywina-ribi ixinamy inyboho roimyhÿrenyire. Iwese ihetxiu tyyriti bede ywina rityhynymy aòkò ihÿreny, wiji Deuxu Tyytybytyhy aòmydÿÿnana inyboho rityhynyrenyire.

⁷ Timybo? Bede ywina aòbo ibinamy rare. Aòkòre. Ihoòkeki tahe òraruna jiarÿ arieryòtyhy. Bede ywina rarybere wasiòmy. Kiale reeryre aòbo wasimy rare, inyò aò arimykemy watzixeriu, kia òraruna wasiweselemy rare.

⁸ Timyki, jiarÿ òraruna waerisyòna bede ywina tuu rarybekòkeki. Bede ywina dori aòbina binamy riwabeederynyre.

⁹ Jiarÿ juhuu bede ywina reeryòre. Reeryre tahe aòmydÿÿnana binale wadee rarerenyire.

¹⁰ Deuxu heka bede ywina riwahinyre juhuu. Tamy ruru riwahinyre bede ywina wahe.

¹¹ Tahe bede ywina òraru-ki heka òraruna riwahinyre. Tai tahe ònosòna riwarubunyre.

¹² Kia bede ywina tahe awi rare, òbiti rare. Ònosòna awi rare.

¹³ Timybo rare. Òbitina aòbohe riwarubunyre. Aòkòre. Òraruna tiire. Tii tahe ibinatyhy rare. Bede ywina òraru-ki iny kia òraruna ibinatyhy reeryrenyire.

¹⁴ Bede ywina heka Deuxu Tyytybytyhy aòmydÿÿnana rare. Jiarÿ heka inyle rare, òraruna heka wawedu rare.

¹⁵ Aòbo waraky dee ibinarele, kiale rewinywàhàre. Aòbo awimy waraky dee rare, kia rewinyòhyire. Aòherekibo? Reeryòre.

¹⁶ Rexierymyhÿre aòbo rewinymyhÿre. Reeryre kaa bede ywina awi rare. Tai heka rabedewomy watxiwàhàre. Jiarÿ dori bede ywina bede ywina riti reerymy watxiwàhàre.

¹⁷ Retxiònymy watxiwàhàre. Waruruòhy heka watxiwàhàre. Aòwi ariwinykeò. Òraru heka iòhòmy waribi ratximyhÿre waruru ratyre ratximyhÿre waribi. Tai heka òraru rewinyamahàre.

¹⁸ Waumy ehetsina tahe ibinatyhy rare. Aòbo awi rare heka ariwinykemy rewisÿnywàhàre ta heka rewinyòhywàhàre. Aòwi rewinyòhyymahàre!

¹⁹ Jiarÿ rarurunymahàre heka aòbina ariwinykòkemy. Tahe ihàrele heka rewinyamahàre.

²⁰ Reeryrehe aòhebo ratÿÿnymyhÿre. Jiarÿ ixiòrarudÿÿ waòraruna wadi raitxÿteitxÿtenymyhÿre.

²¹ Deuxudeewimy heka ariwinykemy watxiwàhàre. Tahe araòrarunyhyymahàre.

²² Waumytÿmyra rarurunythyamahàre Deuxudeewi widÿÿna ariwinyke. Awityhy rare wadee.

²³ Ijò tahe waumywo-ki, warakywo-ki, ratximyhÿre, waumyehetsina waki ratximyhÿre. Wadi rarurunymyhÿre riwamymy ratximyhÿre. Aòbina widÿÿmy heka wadi rimymy ratximyhÿre. Reòludunyòhyymyhÿre waraykemy heka rahaÿnanymyhÿre. Aòwesele heka tuu rahaÿnanymyhÿre, riòludunyòmyhÿreki wahe. Raraykynymahàre waraky-ki, Deuxudeewimy watzikemy. Tule tahe reerymahàre òraruna deòduò jiarÿ rare wahe. Waumytÿmyra tahe wadee rarybemyhÿre òbitimy aòmydÿÿnana ariwinykemy. Waumyehetsina tahe kialemy wadee rarybemyhÿre —òraru ariwinykelemy.

²⁴⁻²⁵ Tai heka urile waraky raleileinymyhÿ. Mobo riwatake waumyehetsina bina bina aòmydÿÿnana-ribi? Deuxudeewina-ki, Jesuisi Kristu Inynyrÿ heka iximynamy riwatakre. Tii riwateònymy wadi rarekre. Wowydyna tamy ariwahinykre.

8

¹ Tai heka Jesuisi Kristu tyhydÿÿdu mahàdu rubutyhy-ò heka raòtyhy. Deuxu heka tii ritarenkye tii-wana rarehyke.

² Deuxu-ò Tyytybytyhy dori warurutymyra-di riwarurudÿÿnytyhyre. Rubu-ribi dori Jesuisi Kristu riwatare ixinamy ararekemy.

³ Inyboho heka Deuxu Bede Ywina rieryrenyire, Moisesi tyyritina wahe. Tii heka iny òraruna-ribi iny ixinamy ririradÿÿnymyhÿre. Jesuisi Kristule, aòbo, òraruna ruru rahumyhÿre. Aòma rakahurenyòtyhy heka iny rururenydi aòma òraruna ixitawo-di. Rikityhynyrenyòtyhy heka aòma ixitawo-di aòbo bede ywina Tahe Deuxu tariòre diteònyde iny umyrenywesemy wahe. Tiu heka iòrarunaòhyire. Tai heka rexiwahinyre iny òrarureny-ki.

⁴ Tai rikityhynyrenyke aòma Deuxu bede ywina. Iny nohòtirenny rosake aòbo umy ehetsinarenny inydeereny rarybemyhÿré. Ijohonarennyòmy ta, irybe-ò, Deuxu Tyytybytyhy rybeòle rokoholamyhÿreny.

⁵ Aòbo Deuxudeewimy biwinybenykeki, tai Deuxu Tyytybytyhy rybeòle heka iny roholamyhÿke. Ixideewimy widÿÿmy burubenykeki tahe, aòwaxina boholabenyke umyehetsina rybe-ò.

⁶ Deuxu Tyytybytyhy rybe-ò ijohona heka iny umytÿmyra-ò ridymyhÿre, umytedeòna-ò, ywina-ò. Umy ehetsina rybe-ò iny rohola wana, tahe rubu-ò iny ridymyhÿre.

⁷ Umy ehetsina dori aõma rare, Deuxu òludu. Deuxudeewimy aõkõ heka riwinymy ihÿre tiu riwinyòtyhy.

⁸ Inyõ ibutumy òraruna ixideewimy riwinykeki, tiu heka Deuxudeewina riwinyòtyhy.

⁹⁻¹¹ Kaiboho tahe kiawesemy aõkõ heka toite. Deuxu Tytybytyhy heka aworeny-ki rasÿnymyhÿre. Tai heka umytÿmyraõ heka kaiboho ijòdirenre. Deuxu Tytybytyhy heka kaiboho ijòdirenre. Inyõ Deuxu Tytybytyhy ihoõkeki, tiu tii ityhydÿÿdu aõkõ rare. Aumytyhy heka rurukre aòrarunaõ direki wahe. Atytyby tahe iruhyymy ratxikre, Kristu dori aòraruna riixãwididÿÿnyreki wahe, Deuxu araòbitidÿÿnyre wahe.

¹² Tai waityhydÿÿdu seriòrebobo. Umy ehetsina rybe-ò uritere ijohonarenÿomy.

¹³ Rybe deradÿÿna-ò beòbybenykeki, kaiboho heka burubenyke. Aõkõkeki arurenymy mariabenyke, Deuxu Tytybytyhy-di wahe.

¹⁴ Ibutumy Deuxu Tytybytyhy rybe-ò roholamyhÿre mahãdu, tiiboho tahe Deuxu riòre roire.

¹⁵ Deuxu rybemy bityhynybenyke. Deuxu Riòre wesemy tahe bityhynybenyke, òbitimy atxibenyke, deòdu wesemy aõkõ wahe, huberubenyòtyhy. Waha-my tahe marybemyhÿbenyke heka. Deuxu Tytybytyhydile wahe.

¹⁶ Ijjoirenymy rakatxirenykre. Aõmybo Deuxu Tytybytyhy-di inydeereny roimyhÿreki heka, tuu inatyhymy rakatximyhÿrenykre inyboho iriòre roiremy wahe.

¹⁷ Ibutumy aõbo Jesuisi Kristu inydeereny riwahinymyhÿke heka, tule inyhòrò reny heka rare. Iwese tii wowydyna iribi rikitarenkeki, tii-wana heka aõhòkÿmy rokotÿÿnyrenykre.

¹⁸ Aõhòkÿmy rokotÿÿnyrenykre tahe aõnihikÿmy aõkõ rare, urihimyoè wahe. Inydeereny dori wowydynaõ kidiwahinykre, sòwetyhymy.

¹⁹ Ibutu bede bede aõna aõna riraòmy roimyhÿre, aõma-ò, Deuxu Riòre mahãdu ibutumy rubu-ribi ixixana kiditÿnynykreu, rexixamy ibutumy rÿirakre idi biu-ò rirahukre wahe.

²⁰ Kiatxu tahe ibutumy bede bede raaòbinanye. Iwese Deuxu juhuhu riwinyre-ribi resere iny òraruna òraru-ki. Deuxu dori tuu bede riywinyre txioinyhe tahe, raròsòna rÿire, riwitxiranye.

²¹ Rekeysarenkyre heka Deuxu riòremy heka rakatxirenykre. Tii ibutumy bede bede-ribi iny ritarenkyre ibutumy òraruna-ribi, rubu-ribi. Ibutumy òraruna aõbina bina deòdu heka rexihukre. Deuxu ibutumy aõna aõna ritÿmyranykre iwese tariòre itÿmyrare wese.

²² Kaa wiji tahe ibutu aõna aõna aõhòkÿmy rotÿÿnymy rÿira iròdu alòbòròna, ibutumy heka uladu ijira dese wese heka rijemy aõna aõna rÿira. Aõma, ixixanatxu dehemynykòlemy roimyhÿreki wahe.

²³ Tiibohole sohojile aõkõ, tule inyboho Deuxu Tytybytyhyre hãre, kia delemy inydeereny rawahinyre hãre, aõhòkÿmy rotÿÿnymyhÿrenyre idi tiu Deuxu tariòremy risÿnyrenkyre riraòmyhÿre. Kia tahe inyboho riraòmyhÿrenyre.

²⁴ Inyboho dori tararòsòna-ki kawese awirenyre. Inyõ iraròsòna itÿnykeki, aõbo tahe riraòmyhÿke.

²⁵ Tai tahe Deuxu rikityhynyrenyke rikiraòrenymy aõma, inydeereny tuu raryberé, rikitarenkyré. Rikiyrymy rikiraòmy rokorokomyhÿrenykre.

²⁶ Iwesele tahe Deuxu Tytybytyhy heka iny riwiòhenanyrenyke. Inyummy aõmydÿÿnanareny heka aõhebo rotÿÿnymyhÿre txuõ txuòlemy iny riwiòhenanymyhÿrenyke. Inyboho riwiòhenanyrenyke aõma inyboho rierykòreki ixitòedÿÿ. Deuxu Tytybytyhy inydeereny dori rexitòenmyhÿre tii inyboho heka aõmy rybe inyboho rierykòmyhÿrenyre inydee risÿnynymy rarybemyhÿre tuu.

²⁷ Inytybyreny heka ibutumy inyraykyreny, inyworeny, rierymyhÿre. Tii heka rexitòenmyhÿre inydeereny iny òbitinareny-di, iny ywinareny-di iny riixitòedÿÿnymyhÿrenyre.

²⁸ Ibutumy aõbo inydeereny rabadedÿÿnananymyhÿre heka inydeereny awire. Deuxudeewina heka rikiwinyrenyke inydireny ratximyhÿre Deuxu dori inyluurenyre. Tii dori iny ridyre tariòre wesemy. Tii dori kiamy juhuhu ròhòtinyre.

²⁹ Juhudihikÿle Deuxu ròhòtinyre mobo tamy rakemy. Tahe tiu rierymyhÿre mobo aõma inyboho tamy kanakré. Tiu heka rierymyhÿre timybo widi rarekré, tariòre wesemy idi rarekré. Iriòre heka sòwemy iseriòre relekre. Iriòre tahe juhuule ityhydÿÿdumy iuhe rÿire, iseriòre wesemy wahe.

³⁰ Tii heka inyboho rihitxinyrenyre. Tii heka ryrymyhÿre tamy, kanakemy. Tii inyboho tamy ritehemynyre, heka inyboho tamy ritehemynyrenyre. Iny òraruna-ribi inyboho riixãwididÿÿnymy Deuxu, Jesuisi, Deuxu Tytybytyhy ywina heka inydeereny riwahinyre.

³¹ Ywimy rakatxirenykemy heka inydeereny ròhòtinymy ihÿre. Wowydyna heka inydeereny riwahinykre. Timybo rakaryberenykre. Awire heka ibutumy. Nihikÿre. Deuxu heka inyworeny-ki ratximyhÿre. Tii heka inydinodurenyre. Inyòludurenyòhyre ratxirenyke, sohojio.

³² Ibutumy inydeereny riwahinykre —inydeereny dori taRiòretyhy dori diwahinyde. Diwahinyde heka inydeereny rurukremy. Deuxu heka iny riixãwididÿnyreny.

³³ Inyboho heka òbitimy ratximyhÿrenyre tamy rakatxirenykemy. Tii dori iny riwinyreny òbitimy. Inyò rarybeòtyhy iny òbitimy aòkò ihÿre.

³⁴ Inyò heka inymyreny rarybeòtyhy rukururenkemy. Jesuisi Kristu dori inydeereny rurure, iny òrarurenki. Tii ixityre rubu-ribi rexixare inydeereny. Katahe ronymyhÿre Jesuisi heka rexitòenymy ronymyhÿre inykireny. Deuxu-ò heka iny riixitòedÿnyreny inydeereny ronymyhÿre.

³⁵ Tiu heka rihitxinyòtyhy, aòma Jesuisi Kristu luureki wahe. Aòhòkÿmydÿÿnana dori rakatxireny. Tii heka iny rirubunyenye. Iny rama rirubunyenye inieruòmy. Bede brebuwo-ki rakatxirenyke. Inymyreny rarybemyhÿkre. iny rirubunyenyeke. Ta Deuxu inywanarenhyy ratximy ihÿre. Tiu heka Deuxu-ribi aò iny rihitxinyrenyòtyhy.

³⁶ Inyboho heka rubu riraòhyky ratximyhÿreny, rexiwinyhykyle. Kia rikiwinyrenyke aòma Deuxu luuna-di xiery —iwese budoeni tarubuna riraòmy rÿimyhÿre wese. Deuxu rybe inykoreny tuu relymyhÿre.

³⁷ Taiki heka imahãduy-ribi rokotarenyke. Kia òlòna inyhòròreny rare. Kristu dori inydeereny rurure. Aò heka iny rihitxinyrenyòtyhy Deuxuluuna-ribi. Rubu dori iny rihitxinyrenyòtyhy. Umy tiu iny-ribi rihitxinyòtyhy. Ýju dori tiu iny rihitxinyòtyhy. Aòbinahakÿ heòty, rubu bina heòty dori tiu Deuxu luuna-ribi rihitxinyòtyhy.

³⁸ Aò heka iny rihitxinyòtyhy Deuxuluu-ribi. Biu wenonana dori, beheÿ ratyre, tiu Deuxu luuna-ribi iny rihitxinyòtyhy. Wiji aòna aòna itòmo rahudi aòna aòna, aòtxi aòna aòna tiu iluuna-ribi rihitxinyòtyhy.

³⁹ Kia ibutumy wadee inatyhy rare. Jesuisi heka Deuxu inydeereny ritÿmynymyhÿre ibutumy iluuna iny òrarurenki rurureu.

9

¹ Kaiboho waijoiireny, waityhydÿÿdu seriòre mahãdu. Kristu hòrò jiarÿ rare, inytyhy rare. Deuxu Tyytybytyhy, Jesuisi Kristu-wanale rierymyhÿre kia inatyhy rare.

² Rabadewomy heka watzireri waijoi rityhynyòreki. Deuxu Tyytybytyhy kia rieryre. Txuò txuòlemy, ruò ruòlemy rabadewomy watzihãre. Txiole txiole aòmydÿÿnanamy adeereny ararybeke kaiboho tarasanaò boibekemy.

³ Deuxu riwatzuhoke Kristu-ribi waijoi deròwymy, iwìòhedÿÿkeki. Jiarÿ heka ihyy arurukemy waijoi ityhydÿÿdukòdu mahãdu wahe ixi-di tamyreny rahòtinymy watzireri. Kia biu-ò hena ritarenykemy wahe. Tahe aòkòre heka.

⁴ Deuxu heka tamyreny sòwemy diwahinyde. Ihãrele tiiboho ijohona deramy rekoamahãreny. Aòma, rihitxinyreny heka taijoiireny. Ridyreny heka bederahy-ò loosòna-ki biuwatykywo-ki. Tahe tamyreny rarybere tii iluurenymy. Tamyreny heka sòwemy aò kidiwahinykemy idireny ratximyhÿre. Tule tabede ywina rybe tamy diwahinyde. Tai tahe Deuxudeewina reeryreny.

⁵ Tamy heka Deuxu wowydyñaò riwahinyrenyky Deuxu teòduò kanake tii tamy rarybere. Tybyreny dori ilahiboho dori rityhynyreny, tii Deuxu sòwemy rityhynyreny. Kristu tahe tule judeu mahãdu ratximyhÿre, waijoi wahe.

⁶ Deuxu rybe inatyhytyhy rare. Sòwemy iny judeu mahãdu wese roire. Ibutumy tahe judeu mahãdutyhy aòkò roire.

⁷ Ibutumy judeu Abraò riòre riòre rÿira mahãdu aòkò heka Deuxu riòremy rarekre. Deuxu heka Abraò-ò rarybere: —Ijai riòrele ariòkòre rarekremy ijò aòkò. Ibutumy Abraò riòre, Ijai riòre aòma ityhydÿÿdu aòkò roire.

⁸ Ijò iriòrekòna mahãdu tahe ityhydÿÿdu heka roire. Kia Deuxu rybe rityhynymyhÿrele heka ityhydÿÿdu mahãdumy rÿira —judeu mahãdu tyhy wahe.

⁹ Juhuu tahe Abraò-ò Deuxu rarybere: —Ahãwyy Sara, inyòredike ijò beòrau wahe.

¹⁰⁻¹¹ Iu tahe Ijai iriòre hãwyy-wana herinanyreu, Rebeka-wana roire tahe inatxi uladumy heka Rebeka tamy kidiwahinykre riywinyra. Ijau juhutyhy iriòredelamy reakre riywinyra. Ijò tahe Ijao ini rarekre. Kawese Deuxu rarybere uladu reakòule: —Jiarÿ heka Ijao retamy rarybere Ijau aòkò. Jiarÿ aòna aòna sòwemy tamy adiwahinykre. Deuxu kiamy rarybere Ijau reakòule. Tiu aòwiihikÿ aòbina bina riwinyke aòkò. Myle roireri. Deuxu riteòsinyre ijò tarasanamy reake-ribi tahe ijòle tuu reare. Aò uladu tuu riwinyreriki aòkò Deuxudeewimy tuu riwinyre.

¹² Juhuutyhy Rebeka-ò rarybere: —Idela taseriòre deòdumy rarekre.

¹³ Iwese tyyriti-ki roire wese: —Ijao iluure tahe Ijau aòkòre.

¹⁴ Aòmybo tahòtintyteri? Deuxu aòbo adee ibinare kia riwinyreki? Aòkòre heka.

¹⁵ Deuxu rarybere Moisesi-ò: —Jiarÿ heka awimy inyòdee ariwinykre, tahe tuu ariwinykre. Inyòdee ruxetòena ariwahinykeki, tamy ariwahinykre iixideewimy.

¹⁶ Deuxu ruxetòenale heka rare, iny aòmýsýdýŷ sòwehekýmyreki aòkò inydee tarasana riwahinykre.

¹⁷ Kaheka iny rierye Faraò (Egito bede iòlò) ijyy dori inydee kia riteòsinyre iwese Deuxu rare wese wahe reteherenyké. Deuxu kiamy rarybere Faraò dee: —Adee kýny ariwahinyre ruruò kai bonyke iòlòmý. Tai tahe ibutumy iny wani wiwihiký-ò roholakre.

¹⁸ Ibutumy Deuxu ixideewimy tuu riwinymy rýirakre. Ruxetòena riwahinyke tamywi tahe riwahinyra.

¹⁹ Inyò tahe wadee timy rarybeòtyhy: —Aòherekibo kawesemy Deuxu inyò aòhe risýnykre ada amobohe Deuxu aòwidýŷna deramy reakre.

²⁰⁻²¹ Tiu moò rarybeòtyhy Deuxumy ibinamy. Iu inyò butxi riwinykreu, aòma sudeò rimykreu, riwinykre heka butxiwihikýò tamywikeki. Ibinaò riwinykeki tasý iwesele riwinyke ibinamy tuutyhymy. Bedenamy riwinyke noijaka tamy ridemnyhýkemy. Ijò butxi tamy wikeki.

²² Iwesele heka Deuxu rare. Rebureke heka inyòdee raykarananyke. Ijò-ò tahe awike ta ruxetòena-di riwiòhenanyke iaòna aòna riijemy.

²³ Idi tahe ròkòhòtynyreny timybo Deuxu wina, Deuxu loosòna awiremy iruxetòena inydeereny riwahinyhyymyhyre.

²⁴ Judeukòdu mahādu Deuxu ritare. Judeu mahādu yribo sohoji aòkò. Inyboho.

²⁵ Osea tyyriti-ki rybeò kiamy tai roire Deuxu rarybere wahe: —Ijò mahādumy sý aronykre wariòremy. Tahe wajoiy-ribi aòkò wajioiò mahādu aòkò wajioimy arininikre idi aritakre. Tuumy ararekre. Tiu heka luuna juhū inyò rewahinyòhyre.

²⁶ Deuxu rarybere tiu: —Kaiboho juhū wajioi aòkò toite, tuuòmyta kowa-ki wariòerenymy boibekre.

²⁷ Isaia tule rarybemyhyre aòma judeu mahādumy wahe. Sòwemy, sòwemy imahāduò hāre tahe, ibutumy tarasanamy reakre.

²⁸ Deuxu ele elemy rotýŷnykre timybo rarybere myna. Ijò-ò ruxetòena riwahinykre ijò-ò adehuna riwahinykre riixāwidinyrenykre.

²⁹ Ijò Ritidýŷna-ki Isaia rarybere: —Deuxu ibutu dinodu heka ruxetòena riwahinyòkeki, ibutumy judeu mahādu riixāwididýŷnykre iwese Sodoma hāwā Komora hāwā-wana riixāwidinyre wesemy wahe.

³⁰⁻³¹ Timybo rakaryberenykre kia aòmýdýŷnanamy? Kialemy: —Judeukòdu mahādu-ò Deuxu tarasana riwahinyre tiu Deuxu riijeòhyymyhyre hārele. Judeu mahādu heka rityhynykemy idi ratximyhyre ibede ywidýŷna-di tahe tiu heka ritaòhyymyhyrenyre tarasana.

³² Bede ywina rybe riyrubunykehāre awikehāre tiu tarasana ritaòtyhy. Rityhynytyhykek-ile heka tuuke. Tai tahe ritaòre tarasana, rityhynytyhyòreny. Tai tahe iwere mana iny riatiymyhyre were rydýŷnareny.

³³ Ijòti nihiký heka roimyyhyre. Tiu heka riòhòreòtyhy iweribi-ò. Deuxu rybe-ki kia wesemy roire: —Judeu mahādury-ki mana nihiký wese retidimy doimyyhyde. Sòwemy heka iny rýira tiu heka ityre-di rariaòtyhy biu-ò hena-ò dehemyndekeki wahe. Kia iny rityhynymy Jesuisi Kristu rýirale tahe ritakre tarasanaò heka inatyhymy.

10

¹ Waityhydýŷdu seriòre, rexitòenymy wāhāre heka Deuxu-ò ibutumy judeu mahādu biu-ò henamy rýikemy. Kiamy tuu rarumahāre.

² Reerymahāre tiiboho ibutumy rityhynymahārenyremy Deuxu. Tiiboho ityhydýŷnareny tahe òbitihyky aòkòre.

³ Tiiboho kiamy ròhòtynmahāreny aòma judeu mahādu heka bede ywina rybe rityhynyrenykekile rexiòbitinykemy heka ròhòtynmahārenyre Kristu-ò ta rexiwelòròkòlemy Kristu bede-ò rexihumyhyre, tai Deuxu iny-di awimy rarekemy.

⁴ Bede ywina heka Deuxu aòmýdýŷna tarasana aòkò heka rare. Kristu rityhynymahārenyke. Kia weseleke heka tii rimyreny rexiòbitinyre.

⁵ Moisesi dori ròritidýŷre tuu: —Inyò tiu òraruna-txi reseòhy rarekeki, taile iny tarasanamy ratxike.

⁶ Kiamy heka ityhydýŷna namyyhyde. Uritere inyò Kristu biu-ribi kòdidykemy ixi-nohòtidýŷna Kristu kidiwykredi uritere nohòtirenymy, isiratyhyre wahe. Tuu aòkò iny òbitidýŷna-ki rahamyyhyre.

⁷ Uritere Kristu ixixana-di mohòtynyòmyke isiratyhyre dori kia-ribi òbitidýŷna kiditakremy.

⁸ Tii heka inyboho ribedeerynanymyhyre. Iòhòlemy heka iny-ribi ihýre warybereny wahe.

⁹ Iny taykyreny-kile rityhynymyhÿre inykile. Tai tahe rarybere inywitxira-ò aõma Kristu iny wedureny ihÿremy wahe. Inyworeny-ribi rikityhynymyhÿrenykeki. Aõma Kristu heka Deuxu riixixanyre rubu-ribi.

¹⁰ Tai ki tahe biu-ò hena rakatarenykre. Aworibityhy rikityhynmahãke. Kiamy heka iny õbitimy rekelerenyke Deuxu dee wahe. Rarybeke iny-ò rityhynymy ratximyhÿremy tai tahe tuu relemy ratxike.

¹¹ Kiamy heka Ritina-ki roimyhÿre: –Inyõ rityhynityhyhyke heka teysamy ratxike. Tiu heka anabedewoõtyhy tatyhy-na-ki.

¹² Judeu mahãdu dori judeukõdu mahãdu-wana wiwesele rare. Ibutumy heka soho-jihyyle iwedure, Inynyrÿ wahe. Ibutu heka inydee riwahinymyhÿre aõmybo iny rex-itõenymyhÿre wahe.

¹³ Iny rexitõeny-wana Inynyrÿni-di tarasanamy, tai iny-ò riwahinymyhÿre.

¹⁴ Teerykõte heka timybo idi ratximyhÿre rexitõenymy. Timybo bierye inyõ tuu re-lyyõhãre heka rityhynyke. Tamy heka roholaõtyhy inyõ tuu rellyõkeki tiu ityhydÿõna.

¹⁵ Inyõ heka raõtyhy, inyõ biteõnyõkeki wahe. Kiamy tahe Tyryiti rarybereri: –Kia Rybewihikÿmy rybedu heka awi heka rare, dehemynyna heka awire, deysana rybe dori diwymyhÿde. Deuxu rybena ywina wihikÿ heka diwymyhÿde. Tai tahe iny reysamy heka aõma Deuxu Rybewihikÿ tamy riwymyhÿreki wahe.

¹⁶ Ibutumy aõkõ tahe rityhynymyhÿre. Iwese Isaia Deuxu rybedu rarybere wese: –Inynyrÿ, Rybewihikÿmy tamyreny heka rarybemyhÿreny. Ihãrele tahe rityhynõhyymyhÿreny.

¹⁷ Ityhy-na heka Rybewihikÿ-ò iny roholamyhÿreu, rityhydÿÿmyhÿre. Kristu ityhy-na tamy kedehemynykre, rybe wihikÿ õraru-ki wahe.

¹⁸ Dÿÿraxinaõ ariwinykre. Taholatenyõte aõbo Deuxu rybe-ò? Kohe, ibutumy heka roholamyhÿre. Tyryitina-ki roire: –Deuxu rybe tÿmyra wihikÿ ibutumy riteõnymyhÿre hãwã hãwãmy.

¹⁹ Ijõ arÿÿraxikre: –Judeu mahãdu aõbo kia rieryõmyhÿre? Moisesi tyryiti-ki roire: –Deuxu biu-ò hena judeukõ mahãdu-ò ariwahinykre. Waijoi mahãdu ariwoxibrony-kemy.

²⁰ Isaia tahe idi tuu rarybere: –Iny wiwana mahãduõ heka Deuxu riijemyhÿre. Tii rexitÿnyre taõrysdu mahãdu-ò. Itxi reare.

²¹ Isaia rarybere Judeu mahãdumy kia: –Ihãrele Deuxu iny ritobinyrerimy ihÿre iny, iny nohõtibinaki wahe.

11

¹ Kaiboho heka timybo tahõtiny mahãtenyete Deuxumy? Tii aõbo taijoi-ribi nohõti rosaremy –judeu mahãdu-ribi? Aõkõre. Jiarÿle, Paulo, judeu mahãduõ rare. Jiarÿ heka Abraõ riokoreõ rare. Benjami ijojõ heka jiarÿ rare.

² Deuxu taijoi-ribe nohõti rosaõtyhy. Tii juhuu ritare. Elia juhuu Deuxu-ò taijoi-my rarybere. Ryberiti-ki kia roire:

³ Tii boho heka rybedu mahãdu rirubunyre. Tule axi wena wahidÿÿna ribõhõnyre. Jiarÿ sohojile aluure Deuxu. Tule rorubudÿÿmy wadi ratxirenyre.

⁴ Timybo Deuxu heka Elia-ò dirawoõnyde: –Aõkõre, kai ihewoludutyhy waluunadu aõkõ tate. Waluunadu 7000 inymy rÿire aribihitximy wahe. Tule Bali suritxoo tiu rityhynyrenyõhyymyhÿre.

⁵ Katahe wijile iwesele rare. Iny ibutemy Deuxu hõrõ mahãdu rÿire. Tii taruxetõenadile ritareny.

⁶ Deuxu ruxetõena heka aõ iõwy-di aõkõ riõwynymyhÿre Deuxu riwahinymyhÿre. Aõwihikÿ diwinymyhÿdenydeki aõkõ heka tuu heka ratximyhÿrenyre iõwydikeki tahe aõ ruxetõe aõkõ rare.

⁷ Deuxu heka judeu mahãduõ rihitxinyre tarasanamy reakré. Ijõ tahe iwety mahãdu wesemy ijõ rÿira. Deuxu tamy tarasana-ò rryryeri tiibo ho roholaõre.

⁸ Tyryitina-ki rarybemyhÿre rõrõmy ratximyhÿrenyre. Deuxu heka riruberenyre ihãre ta tõhõtireny ratõbõnyreny. Taita rieryõhyreny heka Deuxu Tytybytyhy my rarybemyhÿrenyeki wahe. Iwesele heka wijina roimyhÿre.

⁹ Ihetxiu Iõlõ Davi iwesele rarybere: –Kia heka taworana bedehesina-ki, ramyrenykre, raborenykre, tabonahemy reserenykre idi aõhõkÿmy rotÿÿnykre.

¹⁰ Irue idymy releke tiu robiõkemy. Tiumy rarabunykre iaõbinabina-ki.

¹¹ Adeereny arÿÿraxikre kiamy: judeu mahãdu resereu ixãwire aõbo? Aõkõre. Urile tarasana nade judeukõdu mahãdu-ò tai. Judeu mahãdu ibinamy tai rõhõtinky.

¹² Judeu mahãdu õraruna õraru-ki heka sõwemy iny-ò aõwihikÿ nade, judeukõdu mahãdu-ò wahe. Tahe awityhymy rarekre ibutumy judeu mahãdu ralokremy.

¹³ Jiarÿ, Paulo wahe, rybe wahidÿÿdu heka jiarÿ rare. Judeukòdu mahàdu-ò tii heka jiarÿ rare. Uritere nohòti losarenyòmy kia waaòmysÿdÿÿna rare. Kia awi heka wadee rare.

¹⁴ Deuxu heka adeereny aò nihikÿ adeereny riwinyre, kaiboho judeukòdu mahàdu rare. Judeu mahàdu robikre. Tai heka tiiboho biu-ò hena mahàdu-wana ratxikemy riwisÿnykre. Kia wese òsana ijò tarasanamy rimykemy.

¹⁵ Judeu mahàdu wiji rityhinyòteri. Tai Deuxu ijò mahàdu-ò biu-ò hena riwahinyre, judeukòdu mahàdu-ò wahe. Iny sòwemy tai ritamy rÿimihÿre òraruna-ribi. Iwese inyò rubu-ribi riixixanyre wese kia rare iu judeu mahàdu ralòkreu wahe.

¹⁶ Juhuu paò ere awimy Deuxu-ò biwahinykeki, ibutumy paò ihòrò rare. Òwòru rutysòmo Deuxu-ò biwahinykeki, ibutumy òwòru ihòrò rare.

¹⁷ Òwòru ere judeu mahàdu wese rare. Tiiboho òwòru-ribi raòròmy raremyhÿ. Kaiboho judeukòdu mahàdu teròwomy atximahàtenyete. Kia òwòruru wesemy òwòru-ò ralòmy atximahàtenyete, tai tahe arumy atximahàtenyete.

¹⁸ Ixityhymy nohòtirennyòmy. Kaiboho dori iratyre awimy aòkò atximahàtenyete. Òwòru rutysòmo aramyre judeu mahàdu tyby wese wahe. Aòkòkeki, kai bedesekre òwòru desede wese.

¹⁹ Kaiboho òsana marybebenykre: Tiiboho òwòru-ribi ritamy raremyhÿ inyboho rikibynyrenykre.

²⁰ Inatyhy rare. Urile òhòti-ribi losarenyòmy tiiboho iribi ritamy raremyhÿ rityhinyòrenyeki. Tule kaiboho talòmy tatemyhÿ tetyhynmyhÿtenyeki. Tai ixiwed-edÿÿòrenyere urile bexityhynmy.

²¹ Judeu mahàdu heka òwòru rutyhy wese raremyhÿ. Ihàrele tahe Deuxu òwòru-ribi ritare. Timybo tahòtintytenyeri –Deuxu aratarenyòtyhy. Tule aratarenyete timykeki.

²² Deuxu dori wimiy rare ijò-ò. Tule tii isirare ijò-ò: –òraruna-txi besebenykeki, tii aratarenyete.

²³ Judeu mahàdu ixiby rityhinyrenyeki, ixiby Deuxu ritidikre iherina-ò. Deuxu irurudirare ixiby ritidikremy –isiraòre Deuxu-ò.

²⁴ Kaiboho heka òwòru bederahy ludu wesemy atxitenyete. Iwese òwòru ludu-ò tii aratidirenyre wese. Judeu mahàdu dori òwòru ludu wesele rare.

²⁵ Waityhydÿÿdu seriòre, inatyhynaòmy adeereny arelyykre. Deuxu rieryre tiwesemybo judeukòdu mahàdu rityhinykre. Ikonana kaiboho bityhinybenykreu, judeu mahàdu ixbyle kanalokre.

²⁶ Tai tahe ibutumy judeu mahàdu ritakremy. Tyyritina-ki heka kiaweselemy roire: –Siaò-ribi tarasaduò kanakre. Ibutumy heka judeu mahàdu òraruna-ribi kòdòòsekre.

²⁷ Kia bedeu heka aritakre iòrarureny wahe iwese tuu rarybere wese juhuuhukÿle.

²⁸ Katahe rasòwemy roira aòma judeu mahàdu wahe. Tiiboho Rybewihikÿ òludu roire. Tamyreny heka awi aòkò Rybewihikÿ. Kia heka adeereny awimy ròhònyre. Tetatenyta dori Deuxu-ribi aòma iwahidÿÿna aòna aònawidÿÿnamy. Deuxu juhuu taluunamy walabiereny-ò rarybere.

²⁹ Deuxu heka tiu riwixiranyòhÿmyhÿre. Releke wana heka riwinymyhÿre tahòrò mahàdu dee.

³⁰ Judeu mahàdu heka Deuxu rityhinyòmy roimyhÿre wahe. Tai heka Deuxu ruxetòena adeereny diwahinyde.

³¹ Katahe judeu mahàdu heka wiji roire ityhydÿÿmy aòkò. Aòtxu tahe Deuxu ruxetòena ixbyle rimykremy rÿira. Deuxu heka iximymy iny riteònyrerimy ihÿre.

³² Deuxu ibutumy òraruro-ò rityhere idi taruxetòena ritÿnynykemy.

³³ Iny Deuxurenny aòwi dinodu heka rare. Ibedeerytyhytyhy rare. Inyò ibedeywidÿÿna rieryòhÿmyhÿre.

³⁴ Tiu rikieryrennyòtyhy irayky, tiu rikibedeeryrennyòtyhy.

³⁵ Inyò tiu Deuxu tadiwidÿÿdumy isÿnyòna.

³⁶ Ibutumy dori Deuxu-ribi hikÿle nade ixidee. Ibutumy iruru namyhÿde. Tai tahe ibutumy wowydyna tamy rikiwahinyrennyemy inyboho ratximyhÿreny.

12

¹ Tahe waityhydÿÿdu seriòreboho, aumyreny heka biwahinybenyke Deuxu-ò. Aramyrennykemy òbitihÿylemy. Kia wowydynatyhy Deuxu-ò. Tii dori ibutumy aòma inydeereny riwinyre. Kia ibutele rarekre tamy. Tii dori sòwemy riwinyre inydeereny.

² Uritere riraòmy bede ludu mahàdu wesemy. Iwixiramy boibeke. Tai Deuxu dee awimy kia rarekre. Aumy tÿmyramy ibutumy biwinymahàke. Tai tahe Deuxu ribedeerynanykre aòbo awire.

³ Jiarý heka Deuxumy rybeduõmy rare adeeremy. Tai adeeremy ararybekre hexi-ijebe nyke. Òbitimy marybemy aumy-ribi. Deuxu-ribi ityhyna adeeremy diwahinydeki heka aõhe botýýnykemy mohõtinyinmahãbenyke.

⁴ Umy heka sõwemy txura txura roire, umy hitxi hitxinamy rýire. Kristu ityhydýýdu mahãdu kia wese rare, Kristu woludu mahãdu wahe.

⁵ Tule Kristu mahãdu sõwemy aõmysýdýýna wixira rýire. Sõwemy iny wiribi hitxi rýire. Iwese umy sohoji wese Kristu wo mahãdu rýire. Ibutumy wiribi hitximy raaõmysýdýýmy iwidyýmy rýimyhýke. Inyboho heka ibutumy iaõmysýdýýna Deuxu-ò rikiwinymyhýrenyke.

⁶ Deuxu heka aõwidýýna widýýna wixira iny sohoji sohoji-ò riwahinymyhýre. Kai heka týnydýýna abrysikeki, awimy bexityhynyke awimy biwinykemy.

⁷ Awimy wiõhedýýmy atximahãte wana, bõwiõhenanyke awimy. Rybedýýdumy atxiteri-wana awimy òbitimy bibedeerydýýmy.

⁸ Deuxu rybemy rybedu atxiteri-wana marybeke inydee bexityhynymy. Deuxu sõwemy adee nieru riwahinyre-wana, bõwiõhenanyke inywixira. Inydinodumy atxiteri-wana, òbitimy maaõmysýdýý ibutu dee. Kia dohodýýdukeki botohodýýkre inyõ aõ biwahinykeki awowi-di bowahike.

⁹ Wiribi ihitxidýýõmy. Tuu luu-di tahe inywixira hitximy. Uritere rybeõmy urirybele. Uritere rybe òbitikõmy rýireõ nõõmy.

¹⁰ Kaiboho ityhydýýdu seriõre atximahãtenyke. Tai wiluumy atxibenyke. Widee biwowydynbenyke, ixidee aõkõ.

¹¹ Aõmysýdýýna-di boibenyke. Ibutumy Inynyrý-ò biwinybenyke eysareny-di.

¹² Beysamy atxibenyke ywina-di aõkõkõmy dýýnana-ki. Bexitõenyhyamahãbenyke.

¹³ Aityhydýýdu seriõrey-ki inyõ aõ ihoõkeki, tamy biwahinyke ahõrõ-ribi. Inyõ ihetoõkeki, bidybenyke aheto-õ.

¹⁴ Inyõ ibinamy adeeremy riwinykeki, tahe ibinamy aõkõ biõwynyke. Bexitõenyke Deuxu-ò tamy.

¹⁵ Inyõ reysakeki, tii-wana beysake. Inyõ rahinykeki, robukeki, tii-wana mahinyke, bobuke.

¹⁶ Ywimy ibutumy iny-wana boibebe nyke. Ixityhy aõkõ nohõtioõmy. Kai dori ibutumy aõkõ teeryte, tule aõmysýdýý bina awimy bimibenyke.

¹⁷ Inyõ adeeremy ibinamy riwinykeki, ibina-di aõkõ biõwynybenyke aõma uritere ywi-hyylemy boike.

¹⁸ Wiwesehyyle ywimy rýimyhýre.

¹⁹ Inyõ umy aõma rarybekeki, uritere ixidõwydýýmy nohõtioõmy. Deuxu-wana birimy. Tii heka riõwynyke iaõhõkõmydýýnana-di. Kia tahe roire Tyritina-ki.

²⁰ Aõma aõludu ramamy ruru wana, tamy rýsýna biwahiny, bemy tii ruru wana, tamy bee biwahiny. Tai tahe tii raixýrure aõbo adee riwinyre lau.

²¹ Aõbinahaký rýira-wana, uritere iijiradýýõmy. Ibutumy aõwiwihikýle aõ biwinymyhýke. Tai tahe rexihuke aõbina bina.

13

¹ Bityhynyke bede dinodu. Deuxu dori risýnyre bede dinodumy. Ibutumy dinodu heka Deuxule inydeeremy riwahinyre.

² Inyõ bededinodu rityhynyõkeki, tii heka Deuxu rityhynyõmyhýre. Iny òbitimy ratxikeki, tiu bede dinodu rimyõtyhy rõtëna-ki aõhõkõmy dýýnana rotýýnyõtyhy.

³ Inyõ òbitimy ratxikeki heka tiu bede dinodu lau ruberuõtyhy aõhe risýnyõtyhy. Urile iny aõtaõtalemy rotýýnyre tahe, tiile ruberumyhýre bede dinodu lau.

⁴ Bityhynybenyke ibutumy bede ywina aõbo dinodu mahãdu raryberé. Brebuõlemy botýýnybenyke. Deuxu diteõnyde heka bede dinodu iny riwiõhenanykemy. Kai aõhõkõmy botýýnymyhýke aõtaõtamy tatýýnymahãte-wana. Bede dinodu dori tuu nade.

⁵ Ibutumy bede dinodu bityhynyke. Tii heka biwinybenyke Deuxu dee kia awire. Tai heka aõhõkõmy botýýnybenyõtyhy.

⁶ Tule iõwy biõwynmahãbenyke. Ibutumy heka biõwynmahãbenyke aõma tuu dinodu rarybemahãre wesemy. Tai dori riõwynymyhýre iaõmysýdýýdu. Tii heka anawiohenanymyhýde.

⁷ Biõwynmahãbenyke aõbo òbitire, ibutumy wahe. Aõma dinodu iõwydýýmy rariõwymahãre-wana biõwynyke ibutumy awedu mahãdu wahe. Bityhynyke ibutumy.

⁸ Inydee tanadevenmahãte-wana, biõwynyke òbitihyylemy. Inywixira luumy atximahãke ibutumy iny wahe. Tii dori Deuxu bedeywina-ki bede õtiidýýna xiery ratximyhýre.

⁹ Ibutumy Deuxudewire heka kaa rare. Aeryna luumy iwese ixiluure wese, tahe tamy ibinaõre. Kai rubudýýõmy aõbo, ada wasimy iribi texiwonyte ada ihãwy-wana

maòtakemy aòbo, texinohòtidÿÿnyte. Uritere aòbina-di ixinohòtidÿÿòmy aeryna-ò. Uritere aòbina widÿÿòmy. Aerynaluumy mabeke iwese kai ixilure wese wahe.

¹⁰ Luuna inyò-di rarekeki ibina inyòdee riwinyòtyhy rare. Ibutumy Deuxudeewina heka riwinymyhÿre. Tii sohojile heka bede ywina-ki awityhyre.

¹¹ Tule heka òbitimy matximahâke. Bededÿÿnana dori iòhòmy resera. Bede ityre reakremy namyhÿde. Bexixabenye kai, Inynyrÿ heka iòhòmy ratximyhÿre inonana-ò. Iòhòtyhmy relera juhu rityhnyrenyreny-ribi.

¹² Ruu heka ròhònymy rare. Txuu tule iòhòmy wahe. Uritere aòbinahakÿ bedeluruhukÿ aòmydÿÿnana widÿÿòmy. Diabo ijesu bitake aòwiwihikÿ widÿÿ wahe.

¹³ Òbitimy biwinymahâke iwese txu rojuxana iny ratximyhÿre wese. Tai ibutumy iny rarybemahâke kai iluumy atximahâtemy. Uritere abededÿÿnana huduòmy –itxÿteòmy, òtaòmy, adeburemy ijiraòmy, ihâruòmy.

¹⁴ Bexitòenymyhÿke Inynyrÿ Jesuisi Kristu-ò wahe anawiòhenanykemy. Tai tahe ibutumy òbitimy biwinymahâke. Uritere araky aòmydÿÿnabinabina nohòtiòmy.

14

¹ Ijoiò ityhydÿÿdu mahâduò amahâdudÿÿmy rurukeki, ròtena ixinamy ralòke iityhyna ibuterehâre tii-wana aòna aònamy wídee rybetyhmy rybeòmyke. Aribi hitximy raraykynyke hâre, bidyke. Ihârele biròtenybenyke.

² Ityhyna irurukòmy ratximyhÿre hâre biròtenybenyke. Tii òsana kiamy raraykynymyhÿre: Iny rexiòwynyke iròdude riòromyhÿrenyremy ijò ròhòtinyke. Kai tahe òsana mohòtinyke kiamy. Tuu ibinaòre. Ityhynareny urihimyoòle rare. Brebunale sÿny roholamyhÿre.

³ Inyò tahe ibutumy riòromyhÿre. Awimy idi tahòtinymahâte-wana, wiribi hitximy aòkò. Uritere iòhòresedÿÿrenyòmy. Deuxu dori ridymyhÿre iwesemy iweselemy.

⁴ Deuxu deòdumy tii rare. Eòdumy aòkò. Deuxu-ò tii rirawyoònyre aòhebo rotÿÿnymyhÿremy. Deuxu rarybeke aòbo òbitire, aòbo teòsare. Deuxu heka tii ritamadÿÿnymyhÿre.

⁵ Kiamy rakaraykywesenanyrenykre. Txuò aòworana bedehesi heka judeu mahâdu riywinymy roimyhÿre. Kia txuule Deuxu-ò reàlànanymyhÿre rexinohòtidÿÿnymyhÿre. Tahe aòkòre. Ijò ityhydÿÿdu mahâdu tahe aòkòre. Tii iwitxira rexinohòtinymyhÿre. Ibutu txuu tamy awire Deuxu àlana riwahinymyhÿre. Ixideewimy iny sohoji sohoji raraykywydydyanymyhÿre. Ixitawimy Deuxu riwowydnyre. Ibutumy iny òbitimy ixidee raraykynyke.

⁶ Kaiboho atxu biywinymyhÿbenykeki, kia tahe awire. Xiwenade riròkeki, tii tule Deuxu-deewire riwinyre. Inyò aòkò riwinyre. Tii tule awimy riwinymyhÿre Deuxudeewina wahe.

⁷ Ixideewimy rikiwinyrenyòtyhy inynyrÿ-ò dori inyboho roire.

⁸ Inynyrÿdeewimy rikiwinyrenyke. Ihòrò rare, aruruhârele, aòkòhârele.

⁹ Jesuisi Kristu rubu-ribi rexixare tai butu wedumy.

¹⁰ Inyboho heka ihòrò mahâdu roire. Tai uritere inyseriòre rybeòmy ixiradÿÿòmy. Inyboho dori sohoji sohoji Deuxu-ò rexideòsinyrenyke. Iu tii ibutumy iny riywisinykre.

¹¹ Kiamy heka Ritidÿÿna-ki roimyhÿre. Inynyrÿ heka rarybere: –Inatyhmy, Ibutumy warue-ò tatiowotimy resekre. Rarybekre heka wamy Jiarÿ Deuxu raremy.

¹² Iny sohoji sohoji iximy relyyke Deuxuko-ò.

¹³ Uritere inywitxira-ò ryberenyòmy tii ibinamy rare uritere aòwidÿÿòmy, iòraru-ki izyhydÿÿdu òraruna-txi resehemy.

¹⁴ Jiarÿ tahe kiamy rahòtinyre. Kia aòmydÿÿnana aò aòkò rare Deuxu-ò. Xiwena rÿsÿna rirÿsÿkeki aò aòkò rare. Uritere kia nohòtidu dee ibinare. Tiiboho riròòke. Xiwena rÿsÿnarÿsÿ òraru-ki aijoiò bibedewonyhenylau irÿsÿòmykre.

¹⁵ Aityhydÿÿdu seriòreò òbitiòmy ratxikeki tahe iru-ki arawidÿÿòmy atximahâ. Tamy dorihe òbitimy aòkò heka idi ròhòtinyke. Tii heka tule riwinykelemy ixidi ròhòtinyke. Timy aòki teòsamy rahaòhymyhÿre aòma, xiwena rÿsÿna-ki. Kai aòki awimy aòma awityhy irÿsÿòmyke Deuxu Riòreò dibinadÿÿnyke lau wahe, Kristu dori iòraru-ki rurure.

¹⁶ Kaki awimy òbitimy mahakeki. Biwinykeki inywitxiraru-ki atxikeki, kia tai uritere rieryòmy aki rahake.

¹⁷ Riroximyhÿrenyreny, riòmyhÿrenyreny –kia Deuxu Iòlòna dee aò aòkò rare. Aòmale tahe ròkòhòtintyhyhmyhÿreny: wiòhedÿÿna, ywina eysana. Deuxu Tyytybytyhy inydeereny wahidÿÿna wahe.

¹⁸ Kia wese iny rÿikeki heka Deuxu dee wina rare, inydee tule.

¹⁹ Wii rikiwiòhenanymyhÿrenyke ibutumy wiwesehyyle ywina-di. Tai iny tyhynareny rikikyhnanyrenyke.

²⁰ Rÿsÿna òraru-ki aòhe wisÿdÿÿ renyòmy, butumy dori Deuxu riwinyre. Kia inyò iòraru-ki aòwitxiramy ròhòtinykeki tahe ibinare.

²¹ Aò dee rÿsÿ vÿi momo heka ibinare, tai tii rexiòrarunykeki aòraru-ki urile bexi-ijònybenyke.

²² Kaa biwinyekeki tynybo Deuxu dee òbiti relemyhÿre, urile ibutu-ò tuu rybeòmy iny bedeòby, kia ira-ki aò ibinakòre.

²³ Ijò urihimyo tatyhynomy ratximyhÿre heka iximy riatyke. Adee tahe òbiti heka rare. Aòbo riwinyre heka òraruna rare. Tai iwidÿòmy.

15

¹⁻² Iny ixira-di heka ròkòhòtynyrenyke ibutumy aòbo iny riwinyemyhÿredi. Idi ròkòhòtynyemyhÿrenyke inywitxira aòlaubo ruberumyhÿré. Iny òbiti erykò mahàdu-di.

³ Kristu dori kaki raremyhÿu ixideewimy aòkò tuu riwinyemy raremyhÿ. Wiwana ritidÿÿdu wesemy rikì riritinyemyhÿre: nade aòhòkÿmydÿÿnana-ò tai heka bede-ò nade. Riòludunye heka aòbo iòludu aòbinabinahàkÿ rarybere heka riwaòludunomy raremy.

⁴ Tuheka roimyhÿre ihetxi Tyyritina-ki inywiòhedÿÿna reny. Iny heka ribedeery-dymyhÿrenyke ywina-di rakatxirenykemy rikiraòrenyke heka Deuxu aòmy bede dÿÿnana wahe. Rahykyu òraru rahykyu wahe rubu.

⁵ Tii heka wadee awire wii biwiòhenanyke. Deuxu anawiòhenanykemy adireny watxireri. Iwese Jesuisi Kristu riwinyre wese.

⁶⁻⁷ Iлуу ratxirenykemy irumy wiluumy matxibenykemy. Iny sohoji sohoji raraykynyke Jesuisi Kristu rayky wese-di. Ityby Deuxu rayky wese-di rÿike òbitimy. Tai tahe inyboho ywinale rekeàlamyhÿre Deuxu-ò, tii Jesuisi Kristu tybyreki wahe.

⁸ Deuxu ihetxi mahàdu òraru-ki Jesuisi Kristu heka judeu mahàdu deòdurenomy ioxisÿnyre.

⁹ Iwese rybetyritityhy rarybere wese: —Idi judeukòdu mahàdu Deuxu riwowy-dynkemy. Tai adee ariwiunykre judeukòdu mahàduy-ki. Jesuisi Kristu heka nade inatyhy riteòsinykemy. Judeu mahàdu riwiòhenanykemy Jesuisi Kristu nade.

¹⁰ Kiamy heka roire wiuna Ritidÿÿ-ki kia rarybere. Àlàna adee ariwahinykre wiuna-ki judeukòdu mahàduy-ki ani-di arawiunykre. Ijò-ki tulekre: —Tuheka wiuna-ki raritidÿÿ roimyhÿre judeukòdu mahàdu beysake wa judeu mahàdu-wana.

¹¹ Ijò-ki kiamy roire: —Àlàna heka biwahinykemy Inyryrÿ-ò idi watxireri, kaiboho tule judeukòdu mahàdu.

¹² Deuxu dee rybeduò, Isaia tuu rarybere: —Rexiriòkòremy heka irybe roimyhÿre. Ijese riòkòre wahe. Tii judeukòdu mahàdu iòlòmy ronykre. Tiile heka riraòmy roimyhÿkre.

¹³ Jiarÿ rexitòenyre, Paulo, kaiboho, Deuxu heka arateysanyrenyke sòwemy ywina-di, tyhydÿÿna-di. Kiamy heka adireny heka watxireri, waseriòreboho. Jiarÿ heka rexitòenyhy watximyhÿré Deuxu arawiòhenanykemy adeereny rexiterenomy watxiwàhàre. Deuxu Tyytybytyhy ruruna-di raròsòna-di adeereny kidiwahinykemy watxireri.

¹⁴ Kaiboho òbitimy ahàtenyete waityhydÿÿdu seriòreboho. Sòwemy aòna aòna witxira teerytenyete. Inywitxira bibedeerynybenyke dori teerytenyete.

¹⁵ Ihàrele taheka atxireny wanòhòti reare inatyhymy tai warybe rewahiny Deuxu riwatyhynomy kawese riwasÿnyreki.

¹⁶ Biwateònyke taheka judeukòdu mahàdu-ò. Jesuisi Kristu dori riwatate tadeòdumy idi judeukò mahàduidikemy. Iu Deuxu rybe wihikÿmy rarybemyhÿreu, xiwena wahidÿÿdu wese rare. Kia tahe judeukòdu mahàdu Deuxu-ò awike.

¹⁷ Tai tahe Jesuisi Kristu-wana rexibedesanymyhÿre Deuxu-ki waaòmysÿdÿÿna òraru-ki.

¹⁸ Jesuisi Kristu Rybewihikÿ tÿmyra-di rareri. Rexitòenomy rare adeereny. Tai kaiboho òbitimy teletenyete Deuxu Tyytybytyhy òraru-ki wahe. Wadeysamy heka watxiwàhàre. Jesuisi Kristu adeereny riwinyreki wahe. Jiarÿ reerykòre iwitxira mahàdu-di. Tahe aòma waaòmysÿdÿÿna reeryre. Tiu dori biwawiòhenanyke judeukòdu mahàdu aritakemy. Deuxu mahàdu judeukòdu rarekemy. Òbitimy ikoreny-ki raremyhÿ.

¹⁹ Rybe wihikÿmy rybe-di rarewàhà tamyreny. Aòna aòna wiwihikÿ irureny-ò rewinywàhàre. Deuxu Tyytybytyhy-di Jerusalé hāwā-ribi heka rybe-di rare. Iiri bede-ò wahe. Ibutumy bede bedemy rarybere. Jesuisi Rybewihikÿmy. Ibutumy waaòmysÿdÿÿna rewinyre, Deuxu wadee riwahinyre wahe.

²⁰ Ihàre tahe ararybekemy watxireri tiu iny roholakòmyhÿre mahàdu-ò. Ijòò dohodÿÿna iny ritohodÿÿnymyhÿre. Tai ikomy ararybekemy ixidi watxireri.

²¹ Isaia dori kia Tyyriti roire: —Tiu iny tamy roholakòmyhÿre tamy ijhonaòmy rarybere. Tai rierymyhÿre. Tai tahe roholakre tahe rityhnykre.

²² Tai heka raraòlemy watxiwàhàre —adeereny.

²³ Katahe kaki rexihumy waaòmysÿdÿÿ ratxireri. Katahe arorarenomy arake watxireri beòrakòle arakemy ixidi watxireri.

²⁴ Espanha bede-ò arakemy watxireri. Arakreu dori Roma-ò aroramy heka arakre. Iribi inyboho ibutumy rakatximyhÿreu tahe tako-ò biwaixidÿÿnybenykre.

²⁵ Ikoki taheka wahidÿÿò ariwykre Jerusalē-ò. Jerusalē hāwā mahādu dori aōhōkÿmy rotÿÿnymy rÿiramyhÿ.

²⁶ Macedonia bedē-ki Akaia bedē-ki tamy nieruò riwahinykremy ratxireri dohodÿÿna mahāduò kia rama rahureri mahādu wahe.

²⁷ Tiiboho riwiòhenanyre deysana-di. Kia òbiti rare. Iribi tahe Deuxu rybe aōmydÿÿnana, Judeu mahādu-ribi nade. Tai tahe judeukòdu mahādu, tule judeu mahādu riwòhenanymyhÿke taaòwiwi-di.

²⁸ Kaa nieru-di arakreu, tahe aroramy arehemynykre. Iribi Espanha-ò arakre.

²⁹ Tuu awana watzikreu, tahe teysamy Inynyrÿ-di rakatzikre.

³⁰ Bexitòenyke wadee waòmysÿdÿÿna sòwemy watzireri ariwinykremy. Deuxu Tyyty-bytyhy heka sòwemy wadee nade adeereny ariwahinykremy, luuna sòwemy adeereny ariwahinykre.

³¹ Tule ityhydÿÿdukòdu mahādu Judeia wadee aōbinahākÿ wadi ratximyhÿre. Wadi bexitòenybenyke jiarÿ iribi arahenykre. Tule kaa nieru rewyreri waribi teysamy rimyrenykre.

³² Tai tahe awanareny tahe wadeysamy arehemynykre Deuxudeewikeki.

³³ Deuxudeewikeki wii riki Deuxu ywina adeereny watzireri. Kie.

16

¹⁻² Fibi hāwy ityhydÿÿdu seriòreò adee rakre. Tii heka Sekrea hāwā ludu dohodÿÿna mahāduò rare. Tii heka dohodÿÿdu mahādu riwiòhenanymyhÿre aōu aōu aityhydÿÿdu seriòre wesemy. Tii kaiboho biwiòhenanykre, tii dori sòwemy riwawìòhenanyre.

³ Birybedÿÿnyke Prisila Akila-wana. Tii wawìòhenadÿÿdureny.

⁴ Tii wadee sòwemy riwinyre rubu lau ruberuòtyhy. Tai jiarÿ realàwāhāre tamy, tule tuu ibutuma Judeukòdu dohodÿÿna mahādu. Iheto dohodÿÿna mahāduò warybe wehityhyna biwahenyre.

⁵ Epenetu-ò biwehityhyny. Tii ibutumy ityhydÿÿdu-ribi juhuule rityhynyre Asia bedē-ki. Tii wabiòwa rare.

⁶ Marie adeereny raaòmysÿdÿÿtyhyre. Biwehityhyna wanimy.

⁷ Adroniko, Junia wana biwehityhynanykre. Tiiboho judeu mahāduò roire. Ròtenawo-ki wawana roiremyhÿ. Dohodÿÿna mahādu rierytyhyre. Deuxu deòdÿÿna mahādu heka wakomy rityhynyre.

⁸ Ijò waityhydÿÿdu biòwa Ampliato inire. Tamy kanarybekre tule.

⁹ Urbano, Estaki-wana tule Kristu dee wawìòhedÿÿdu tule rybe wehityhyna tamy biwahinyke.

¹⁰ Apele heka ityhydÿÿdu tyhy rare. Biwehityhynyke. Aristabulo-wana heto woludu mahādu biwehityhynanykre warybe tamy.

¹¹ Tule biwehityhynanykre Herodiaò –wajoiò tii rare judeu mahāduò wahe. Kristu dee dori kia iny òbiti rare. Narciso heto ludu ityhydÿÿduò heka tule biwehityhynanykre warybe tamy.

¹² Tule Trifena, Trifosa, Peside-wana raaòmysÿdÿÿmy Inynyrÿreny-ò biwehityhynanykre wary tamy.

¹³ Rufu tule Deuxu dee aòmysÿdÿÿdu rare ise tule. Tii dori nadi wesemy riwawisinanyre.

¹⁴ Asincrito, Flegonte, Hermes, Paroba, Hermas, tule biwehityhynanykre ityhydÿÿdu mahādu.

¹⁵ Filologo, Julia-wana, Nereu taseriòre-wana, Olimpa, ityhydÿÿdu mahādu tii-wana ratxireri ibutu-ò warybe wehityhyna.

¹⁶ Ibutumy aseriòre debò bimyke biwehityhynanybenykre ibutumy. Ibutumy Kristu tydÿÿdu mahādu-ò arawawehtyhynanykre. Tule kaki dohodÿÿna irybe wehityhynanyre adeereny riwahinyreri.

¹⁷ Rybeò roire kaa rybe tyyriti ixiydynako-ki. Ijò aōhe dÿÿnana doimyhÿde kia hetowo hitxina-ki. Iwitziramy heka taerydÿÿna mahādu –iwese inydeereny erydÿÿnamyhÿre wesemy aòkò kia lau tahe bexiebenyke.

¹⁸ Aò Jesuisi dee aòkò raaòmysÿdÿÿnyre. Ixidee tule heka raaòmysÿdÿÿmyhÿre aò ixidee ritarenykemy ròhòtinymyhÿreny. Tiiboho heka rarybewihikÿmyhÿreny, aōma, ruikedÿÿmy tìmy bedē erykò tuu ratximyhÿreny.

¹⁹ Jiarÿ wadeysamy watzireri kaiboho òbitimy ibutumy toiteki. Araerywāhā jiarÿboho aōbo òbitire uritere aōbina wìdyÿòmy.

²⁰ Deuxu ywisidÿÿna wahidyyna dori Satanasi riixāwididÿÿnyke. Jesuisi Kristu Inynyrÿ wìòhedÿÿna adeereny riwahinykemy idi watzireri.

²¹ Tximòtxi dori wawìòhedÿÿdu rare. Lucio, Ijasò, Sosipatu, wajudeuijoi-wana tule adeereny irybe wehityhyna riwahinyre.

²² Jiarỹ, heka Tercio, reritinyreri aõbo Paulo rarybere adeeremy. Jiarỹ adeeremy warybe wehityhyna rewahinyreri.

²³ Jiarỹ heka Kaio heto-ki watzireri, dohodỹyna rabutunyreki watzireri. Kaio irybe wehityhyna adee riwahinyre. Tule Erasto hãwã nieru rubudỹydu rare. Tule Quarto inyseriòrereny rare. Ibutumy heka kaa irybe weityhyna adeeremy rewahinyrenyneri.

²⁴ Inynyrỹ Jesuisi Kristu ruxetõena ibutumy adeeremy kanakemy idi watzireri. Kie.

²⁵ Deuxu irurutyhy-di rare. Tii heka adi riyrubunykeny adi watzireri. Iwese rybeweityhyna rarybere wesemy, ruru adee riwahinykre.

²⁶ Kaheka Deuxu tarasana rare. Ibutumy iny mahãdu kaa tarasana rare. Katahe wiji ibutumy Deuxu rybemy rybena reamyhỹre. Iwese Deuxu rybedu mahãdu juhoo rarybere wesemy. Deuxu heka ibutu-ò tuu rarybere. Tai tahe ibutumy iny Deuxu Tytybytyhy rierykre tule rityhinykre.

²⁷ Deuxu-ò àlãna biwahinykeki tii dori bedeeryna ratximyhỹre Jesuisi Kristu òraru-ki wowydyna tamy biwahinybenykre aõu aõu. Kie, Paulo.

1 Oritxi Mahãdu-ò 1 Oritxi Hãwã Dohodÿÿna Mahãdu-ò

1 Paulo jiarÿ Deuxudeewimy deødumy wãhãre, Jesuisi Kristu deødÿÿna-ki wahe. Jiarÿ waityhydÿÿdu seriõre Sõteni-wana adee warybereny adiwahinyde.

2 Oritxi hãwã dohodÿÿna mahãdu-ò heka watyryiti adiwahinyde, Jesuisi Kristu õbitidÿÿna mahãdu-ò, Deuxu hõrõ mahãdu-ò, hãwyy, hãbu-wana, ibutumy Jesuisi Kristu ityhydÿÿdu mahãdu-ò. Tii iny Iòlõrenymy heka ratximyhÿre.

3 Ruxetõena, ywina-wana adeeren kanakemyidi watzireri, Deuxu iny tyby-ribi, Jesuisi Kristu iny Iòlõ-ribi.

4 Deuxumy reàlãmy watxiwãhãre, Jesuisi Kristu adeereny ruxetõena diwahinydeki.

5 Ibutumy dori iribi tõerymy ahãte arybena-di, erysydÿÿna-di.

6 Kristu dee rybena akireny roimyhÿre.

7 Iribi awahidÿÿna rauhenyõreri, kaiboho dori Kristu deòsidÿÿnamy teraõmahãte.

8 Jesuisi arawiohenanyhyy rarekre bededÿÿnana konana-ò, tatxuu õbitimy ixiko-ò, rexilamadÿÿnykemy.

9 Deuxu õbitihyyra. Tii aratobinyra Tariõre Jesuisi Kristu-wana rarekremy, iny Iòlõrenymy.

10 Jiarÿ adeereny rexitõenyryeri Jesuisi Kristunimy iny Iòlõrenynimy wiwese wimy wimy bityhynymy marybebenykemy. Wade awiõre wiribi hitxi hitxidÿÿ. Wii bitotyntythymy boibekemy adireny watxiwãhãre, araykyreny-ki, aerysynareny-ki.

11 Kaiboho waseriõre mahãdu, wimy taujõmotenyteri. Lõe hetowoludu mahãdu kia wako relyyra.

12 Inyõ wadee rarybemyhÿre. Ijõ mahãdu heka Paulo rityhynymyhÿre ihõrõ mahãdu wahe, ijõ heka Apõlo rityhynymyhÿre ijõ tasÿ Pedro rityhynymyhÿre, ijõ tahe Kristu rityhynymyhÿre.

13 Aõherewe, Kristu be iny rihitxihitxinymyhÿre. Paulo be itxeò nihikÿ tyre-ki rurure adeereny. Pauloni-di be rasebere.

14 Inyõ he rõtatisebenyõre. Krispu, Kaiowanale tahe resebenyre. Tai tahe wabedesamy watzireri.

15 Kiamy ta heka inyõ rarybeke lau reijõnymahãre: —Jiarÿ Pauloni-di rexisebenyre.

16 Tefana hetowoludu mahãdu adiratisebenyde. Inyõ reratisebenyeki wanohõti reaõhyyre.

17 Kristu dori aõsebedÿÿmy aõkõ diwateõnyde Rybewihikÿmy rybemy. Bede erydÿÿna nihikÿmy rybemy aõkõ diwateõnyde, Jesuisi itxeò-ki lamana ariwõkemy aõkõ, kia inydeereny rurureki wahe.

18 Kristu itxeò rubumy ijyy heka ityhydÿÿdukõdu dee itxÿtena rare. Biu-ò hedu mahãdu dee tahe, Deuxu ruru kia rare.

19 Kiamy tahe iritidÿÿna roire: ierysydu mahãdu erysyna-di ariixãwidÿÿnyke. Bede erydu rayky-di adijõnykre.

20 Titxibo tahe bede erydu rare. Tyyritimy erydu heka titxibo rare. Titxibo tahe wiji dÿÿraxidu rare. Kabede ludu bede erysyna heka Deuxu-ò itxÿtedÿÿna rare.

21 Bede bede ludu mahãdu rõhõtinyre bedeerythyymy. Tai tahe Deuxu iximy rierynanyõhyyre. Kia tahe Deuxudeewire. Iny rybewihikÿmy rybe heka iny witxira-ò itxÿtere. Kia-di tahe Deuxu iny ritarereri iny rityhynyreki.

22 Judeu mahãdu aõwiwi rÿikemy aõbo raremy ratzireri. Judeukõdu mahãdu bede erysydÿÿna-di rarekemy rijjemyhÿre.

23 Kristu itxeò-ki lamanamy iny rarybemyhÿrenyre. Kia tahe judeu mahãdu riojinyre, judeukõdu mahãdu dee itxÿtena kia rare.

24 Tahe Deuxu rarirõwysyna judeu tule judeukõ mahãdu-ò heka Kristu erydÿÿna tule ruruna rare ihedÿÿnarenymy.

25 Deuxu itxÿtedÿÿnamy rybe hãbu bedeery ratyre rare. Deuxu iruruõkeki, tii hãbu ruru ratyre iruru rare.

26 Waseriõre mahãdu ararirõwysyna-di mohõtinybenybeke. Betehemy iny erysyna mahãdu-ribi sõweõre, Deuxu rarirõwysyna mahãdu. Dinodu mahãdu sõweõre, iny Iòlõtthy mahãdu-ribi sõweõre.

27-28 Deuxu heka aõna aõna itxÿtena ritare bedeeryhykÿ mahãdu riixÿrudÿÿnykremy. Aõna aõna ruruõ Deuxu ritare aõna aõna ruru-di riixÿrudÿÿnykremy aõna aõna derare, aõ aõkõ rare Deuxu ritare aõ-di aõ aõkõ-ò rijjanykre.

29 Tai dorihe inyõ rexitihynykõkemy Deuxuko-txi.

³⁰ Kaiboho dori Jesuisi Kristu hõrõ toite. Tii heka inydee ibutumy rare: ersynamy õbitinamy, tamanamy, tarasanamy rare biu-ò hena wahe. Deuxu kia ibutumy diwahinyde inydeereny.

³¹ Kia dori ritina rybe-ki roire: –Inyõ rexiwowydynykeki, Deuxu-ki rexiwowydynyke.

2

¹ Waseriõreboho aõ hãbu bede erynihikÿ wese aõkõ adeereny anade. Deuxu rybetyhy-dÿÿnanamy ararybekremy. Rybenihikÿmy heka rarybeõre.

² Tii sohojile reeryre akireny rarewãhãu, Kristu itxeò-ki lamanale wahe.

³ Akireny rarewãhãu waruruõmy rarewãhã, ixÿru brebu tahe riwamytatadÿÿnyre.

⁴ Wabedeerydÿÿna erytyhy rybesirahakÿ-di aõkõ rarybereri iny rityhynykemý. Urile tahe Deuxu Tyytyby ruru-di rarybewãhãre.

⁵ Hãbu erytyhydÿÿna aõkõ bityhynykemý adi wãhãre Deuxu ruruna tahe atyhynarenymý heka idi toite.

⁶ Ityhydÿÿdu umy-ò bede erydÿÿna-di rarybemahãre. Kabede aõmydÿÿnana bede ery aõkõ rare.

⁷ Kia tahe Deuxu erydÿÿna tyhyre. Kia heka hãbu mahãdu lau riwõmyhÿre. Juhu inydeereny riywinyre.

⁸ Kia bede erydÿÿna inyõ wiji Iõlõtyhy mahãdu rieryõre. Kia rierymyhÿkeki, Wanyrÿ wowodyna-ribi itxeò-ki ritamadÿÿnyõhÿyre inihe.

⁹ Iwese Ritidÿÿna roireri wese rare: –Rue lobixiõhÿymyhyre, nohõti heka roho-laõhÿymyhyre, inywo rieryõhÿymyhyre, aõbo Deuxu riwinyre taluuna mahãdu dee, tamy riwahinykremý.

¹⁰ Deuxu Tyytybytyhymý kia inyboho riteõwarixinyrenyrene. Itytyby ibutumy rieryre. Deuxu raykywo-ribi aõ ritÿnynymyhyre.

¹¹ Inyle heka iny ixirayky rierykre, kawese tule Deuxu tyytybydile aõna aõna rierykre.

¹² Bede aõmydÿÿnana aõkõ inydeereny wahisidÿÿdu rare. Deuxu Tyytyby tahe inydeereny wahisidÿÿdure.

¹³ Kiadile Deuxu wahisidÿÿna iny reeryrenyrene. Kia iny reerydÿÿnanyamahãrenyrene hãbu bede erydÿÿna-di aõkõ, Deuxu Tyytyby rybe-di tahe reerydÿÿnanywãhãre. Kia iny ritÿnynymahãre iny Deuxu Tyytybytyhy-di mahãdu-ò.

¹⁴ Iny Deuxu Tyytybytyhy-di rÿiõra mahãdu dee Deuxu Tyytybytyhy aõmydÿÿna dera. Tamy itxÿte rare. Rierykõre. Deuxu Tyytybytyhydile iny rierymyhÿre.

¹⁵ Iny heka Deuxu Tyytybytyhydikeki ibutumy rierymyhÿre. Inyõ tahe tuu aõmy tuu irybeõna.

¹⁶ Ryberiti-ki roire: –Mobo tahe rieryre Wanyrÿ rayky, mobo tamy aõ ritÿnynykre inyõ aõbo? Inyboho Kristu rayky ijõdire, iwesele raraykynymyhyre.

3

¹ Waseriõreboho adeereny rarybeõhÿyre hãbu Deuxu Tyytybytyhy-di rÿira wesemy. Hãbu õrarudu wesemy rÿirawesemy adeereny ararybeke. Uladu wesemy Kristutyhydÿÿ-ki rÿira wesemy adeereny rarybere.

² Huÿsy-di õedÿÿ araerynadÿÿnyrenyrene rÿÿÿnatere wesemy aõkõ erydÿÿnasiramý aõkõ rybe. Kia rÿÿÿna rÿÿÿmy textiwinyõtenynte. Wiji tule texihumý aõkõ toitenynte.

³ Õrarudu wesemy dori ahãtenynte. Ihãrumy, ijãmy atximyhÿtenynte. Tai tahe õrarudu mahãdu wesemy ahãte ityhydÿÿdukõdu mahãdu wesemy ahãtenynte.

⁴ Inyõ rarybekeki: –Jiarÿ Paulo erydÿÿnay-ki rare. Ijõ rarybekeki: –Jiarÿ Apõlo erydÿÿnay-ki rare. Tiõboho ityhydÿÿdukõdu mahãdu wesemy ihÿrenyrene.

⁵ Aõbohe Apõlo, aõbohe Paulo. Deuxu deõdu heka inyboho roire. Inyribireny tetyhynymý teerymahãtenynte. Iwese Deuxu iny sohoji sohoji-ò aõmydÿÿna riwahinyre wese, tai tetyhynytenynte.

⁶ Ta jiarÿle rybemy rarybere iny aõty ribõrõnymyhyre wese, Apõlo rybe ritÿnynyrene iny alõbõrõna ribenymyhyre wese rituuynyrene. Deuxule tahe idimyhÿre iwese alõbõrõna riumpydÿÿnymyhyre wese.

⁷ Tai tahe tõbõrõdÿÿdu aõ aõkõ rare; ituudÿÿdu tule aõ aõkõ rare. Deuxule aõwedu wedu heka rare. Tiile ityhydÿÿdu widÿÿdu nihikÿ rarekre.

⁸ Tõbõrõdÿÿdu ituudÿÿdu-wana sohoji sohoji wesemy ihÿrenyrene. Sohoji sohoji tauri wahisidÿÿ ritakremý, iwese sohoji sohoji raaõmysÿdÿÿmyhyre wese. Wiwana dori Deuxu dee iny raaõmysÿdÿÿmyhyre.

⁹ Inyboho heka Deuxu wiõhedÿÿdu mahãdu roire. Kaiboho tahe Deuxu oworu wese toite. Iwese tahe Deuxu heto wese kaiboho toite.

¹⁰ Heto widȳȳdu deyrewewese retelenyire. Ibutumy Deuxu ruxetòdenamy kia rewinyre. Juhumana retidire idi tahe itira ityre reòðonyra. Ywimy biwinybenykre. Awimy bitamad̄ȳnykemy.

¹¹ Jesuisi Kristu juhumana wese heka rare, inyō tile tarasadu wahe ijō manaō terōwmy ritid̄iōtyhy.

¹² Ibutumy juhumanatyre-ki relereri. Ijō womati t̄yr̄ȳr̄h̄ȳk̄ȳ, ijō prata-di ijō manat̄ny-di, ijō òwòru-di, ijō òteti-di, ijō horeru-di.

¹³ Kia txuu Kristu txu wahe riteòsinykre aòdibo sohoji sohoji raaòmys̄d̄ȳmyh̄ȳre heòty dori riurihixinanykre. Aòhebo iny rot̄ȳnymyh̄ȳreki.

¹⁴ Juhumanatyre-ki iny aòmyd̄ȳna r̄ȳikeki, t̄i uri iwahisid̄ȳnana ritakre.

¹⁵ Iny aòmyd̄ȳna rasòkeki t̄i r̄òðnod̄ȳkre. Ihāre tahe tarasana ritakre heòtyroobymy wahe.

¹⁶ Kaiboho Deuxu heto wesemy toitemahā. Teeryōte aòbo. Deuxu Tytybytyhy heka aworeny-ki ras̄ynmyh̄ȳre.

¹⁷ Inyō Deuxu heto wesemy rahukeki, Deuxu t̄i rihukre, Deухuheto dori rare. Kia tahe kaiboho toite Deuxu heto lytytyhy rare, ihōrōtyhy wahe.

¹⁸ Ixi itxenad̄ȳōmy, inyō bedeerymy ixi-di rōhōtinykeki, raitx̄ȳteke tai tahe bedeery inatyhy-ki rareke.

¹⁹ Kabebe bede eryna tahe Deuxu dee itx̄ȳtena rare. Kia Ritid̄ȳna-ki tahe roire: —Bede erynadu tyhy tabedeeryd̄ȳna-ki Deuxu-ò r̄òðnod̄ȳre.

²⁰ Ijō Ritid̄ȳna-ki roire: —Wanyr̄ȳ, bede erydu rayky rieryre. Kia raykywi aò aòk̄ rare, rybetyhy aòk̄.

²¹ Iny aòmyd̄ȳnana-di ixiwowydyd̄ȳōmy, ibutu dori ahōrō rare.

²² Paulo, Apòlo, Pedro, bede, umy, rubu, aòmyd̄ȳna wijina, aòmyd̄ȳna bede kanakre, ibutumy ahōrō rare.

²³ Kaiboho Kristu hōrō toite. Kristu Deuxu hōrō rare.

4

¹ Inyboho Deuxu deòdu roire, ibutumy idi mohōtinybenyke t̄i inykireny ih̄ȳre. Inyboho dori Deuxu aòmyd̄ȳnana erykòdu t̄nyd̄ȳdu roire.

² Deuxu t̄nyd̄ȳdu òbitihyky rarekemy.

³ Wadi rōhōtinykeki awimy aòbo ibinamy aòbo kia tahe wadee aò aòk̄ rare. Aòbo dohod̄ȳ t̄nyd̄ȳdu mahādu wadi rohōtinyke kia wadee aòk̄ohykyre. Jiar̄ȳ tahe ixi-di dehumy rahōtinyòhyymahāre.

⁴ Jiar̄ȳ reeryōre inyō aòbinamy wadee rexiwonyke warayky wadee òbiti rare. Tahe ihārele òbitimy iko-ki rare. Wanyr̄ȳ tahe wadi timy rōhōtinyke.

⁵ Kia tahe wiji idi timy nohōtiōmy. Jesuisi nonanako-ki. T̄i tahe kanakreu, ibutumy wasimy aò r̄ȳira rit̄nynykre, ibutumy iny raykymy r̄ȳira rit̄nynykre. Kia txule ibutumy iny tabedeoby ritakre Deuxu-ribi.

⁶ Kia aòna aòna wawese riwawesenanyreri. Apòlo wese tule rewesenanyreri. Kaiboho dori bierybenykyre kia: ierysyd̄ȳrenyōmy aòbo iritid̄ȳnawo-ki ihoōre. Kia wese keki, ijō t̄nyd̄ȳdu ijō ratyre ryiōtyhy.

⁷ Mobo iny wiribi iwitxiramy ih̄ȳre. Aòbohe akire Deuxule aòwiwi adee riōre. Ibutumy iribi tetateki tahe aòherekibo axiwedere.

⁸ Kaiboho ibutumy aò ijōdire. Tatyhytenyete, iòlò wesemy taditehemynyete iny arawiòhenanyrenyōre. Wadee awire kaiboho iòlòmy ahātenyete. Tai jiar̄ȳboho awana ariòlònykre.

⁹ Kiamyrene òsana. Deuxu dee heka inyboho deòd̄ȳna mahādu rurukrerke mahādu roire ibutuko-txi, ȳjuko-txi, hābukò-txi.

¹⁰ Kristu òraru-ki itx̄ȳtewesemy jiar̄ȳboho roire. Kaiboho Kristu erydure riki. Jiar̄ȳboho warurukōrenyre. Kaiboho orarudirenyre jiar̄ȳboho inyō waluurenyōre. Kaiboho tahe ibutu luuna toite.

¹¹ Ihāre tahe wiji ramamy, bemomomy, tykyōmy rekoamyh̄ȳre. Tule s̄ȳwisid̄ȳna r̄ȳiōre. Tule jiar̄ȳboho wahāwā òbiti ihokōre.

¹² Ihāre inyboho naaòmys̄d̄ȳmyh̄ȳde iny debò-di irukemy. Inyō inydeereny aòbinamy rarybekeki, awilemy inyboho rirawyonmyh̄ȳre. Inyō aòsirahak̄yle indee riwinykeki, aòmy rybeōmyke.

¹³ Rybebinamy inyboho dee reakeki, ihārele Deuxumy tamy rarybemyh̄ȳre. R̄ȳnysityby wese inydireny tiiboho retehemyh̄ȳre, ijese ijese wesemy.

¹⁴ Kia r̄òritid̄ȳreri aix̄ȳrud̄ȳrenyemy aòk̄, tahe wiòhed̄ȳd̄ȳd̄ȳmy retir̄ȳreri binad̄ȳna lau, iwese inytybyō tariōre riernanyre wese.

¹⁵ Tahe s̄ōwemy Kristu-ki bede eryd̄ȳdu r̄ȳire. S̄ōwemy aòk̄ bobohomy r̄ȳirenyre. Kristumy heka jiar̄ȳ sohojile borenymy rare. Rybewihik̄ȳ erysyna-di dori borenymy rāire.

¹⁶ Kia dori kaiboho wawesemy boibekemy adireny watzxireri.

¹⁷ Tai Tximòtxi reteònyre adeereny. Tii wariòre luu wesemy ratxire. Tii òbiti rare Wanyrÿ-ò. Tai watxi òhòtirenre reake iwese Jesuisi Kristury wese rariamyhÿreki, tule iwese reerynanyre wese ibutu dohodÿÿna hetowo-ki.

¹⁸ Inyò ixiwowydymy ixidi ròhòtinyinmyhÿ iwese arura-ò araòreki.

¹⁹ Wanyrÿdeewikeki arakre wylemy arorareny-ò. Tai arierykre ixiwowydymy nohòtidu irybe sohojile aòkò arierykre, aòhebo rotÿÿnyre tule arierykre.

²⁰ Deuxu òlòna heka rybe sohojile aòkò rare, rurutyhy heka rare.

²¹ Aòbo tahe awityhyre òhòte-di adehemyny aòbo, ada luuna-di ywina-di adehemyny aòbo?

5

¹ Dohodÿÿna mahàduy-ki òrarutyhy-di riki toite kia tahe rare: hàbuò heka tybyhàwyytyby-wana roire. Kia òraru tahe ityhydÿÿdukòdu mahàdu riòludunyòhyymyhyre.

² Kia hyye iki-di aò aòkò tòhòtinyinmyhÿte. Aòherekibo bedede teòtiinyòtenyete tahínyòmy idi texitòenyòhytyentyete. Hàbu kia riwinyre, ityhydÿÿdu mahàduy-ribi biòlòdÿÿnyke.

³ Jiarÿ akylene-ki watxiòrerihàre, tahe warybetytyby awanareny ratxireri, iwese jiarÿ awana ratximyhyre wesele. Tahe wadohodÿÿna ariwahinykre kahàbumy ibinamy riwinyremy. Tahe ityhydÿÿdu ributunyeke,

⁴ warybetytyby akireny rÿireu, Jesuisi Kristu ruru akireny rÿireu, kahàbu Satanasi-ò biwahinybenyke.

⁵ Tai kahàbu umy Satanasi-ò biwahinybenyke itytytyby tahe rahenykre Wanyrÿ Jesuisi kia nonanatu-u.

⁶ Arybe iximy wydy awi aòkò rare. Taholaòtenyete aòbo kia rybe-ò; iuri ibutere paò widÿÿna sòwemy rauridÿÿra uridÿÿna heka òraru wese heka rare.

⁷ Idi behubenyke iuri hitxina-di, tahe paò iuriòmy rÿirekre wese boibekemy òbitimy, Kristu tule buòòeni xiwedÿÿna wesemy inydeereny rurure, iny Pascoarenny worana bedehesi dorihe rarÿÿnyemy rare.

⁸ Tai tahe ixena roxina rikiwinyrenyke. Paò iuri-di riyòmy rakatximyhyreny. Kia uri paò òraruihetxina wese rare. Paò tÿmyra, òbitire, inatyhyre, tii rikiyrenyke. Kia tahe rare òbiti widÿÿna wahe.

⁹ Adeereny watyryiti rewahinyre òrarudu mahàdu roo-ki risiòmy, òtadu mahàdu-wana boiòkemy.

¹⁰ Ibutumy òrarudu mahàdu-ò aòkò adeereny rarybere. Iny ibina mahàdu, wasidu mahàdu, Deuxutyhy luukòdu mahàdu. Kia-wana noòrennykeki, bedede-ribi ihyye bexi-hitxinyke.

¹¹ Wiji watyryiti kia wese rewahinyre. Ityhydÿÿduy-txi ròtedu òrarudu rarehykeki, kia roo-ki risiòmy tule iny ibina mahàdu, Deuxutyhy luukòdu, ujòmomy rybedu, wasidu, axaxa momodu, kia mahàdu-wana tahe byreòmy.

¹² Ityhydÿÿdukòdu mahàdu ywisidÿÿdu aòkò jiarÿ rare.

¹³ Deuxu dohodÿÿdukòdu mahàdu hitxidÿÿdu rarekre. Deuxu Ryberiti-ki roire: —Òrarudu ay-ribi biòlòdÿÿnyke.

6

¹ Iny ityhydÿÿduò widee raurenanykeki, aòbohe awire? Erysydu-ò rikidy aòbo ada ityhydÿÿdu mahàdu-ò rybeke aòbo? Uritere ityhydÿÿduòle marybekre.

² Ityhydÿÿdu mahàdu bedede mahàdu ierysydÿÿkre. Kia teerytenyòta aòbo. Ityhydÿÿdu mahàdu bedede mahàdu ierysydÿÿkeki, aòna aòna iyja tahe teeryòtenyete tímny rasÿdÿÿnykemy.

³ Tahe inyboho ÿju aòmydÿÿnana rikieryrenyke. Kiakkeki iratyre kabede aòmydÿÿnana rakieryrenyhyke.

⁴ Erysydÿÿnana ijòdikeki, aòherekibo erysydu ityhydÿÿdukòdu-ò radymyhyre. Ityhydÿÿdule aòtxi awire.

⁵ Kia heka adeereny ixÿruna rare. Hàbu erysydu ityhydÿÿdu mahàduy-ki ratxiòre aòbo ierysydÿÿki.

⁶ Erysydu ijòdihàre ta ityhydÿÿdu seriòre wii ridyke aòbo ityhydÿÿdukòdu erysydu-ò, kia awiòre.

⁷ Ityhydÿÿdu wii ridykeki, kia tahe iaò bedede eryòmy rare. Inyò adeereny aòmy rotÿÿnykeki, urile tahe aòhòkÿmy rotÿÿnykre. Kia heka Inynyrÿ-ò òbitire.

⁸ Kaiboho ityhydÿÿdu hàre aòhòkÿmy wii tesÿnymahàtenyete.

⁹ Òrarudu mahàdu-ò, Deuxu Iòlòna uri riwahiòtyhy. Kia teeryòtenyete, iny ywymynoduò, Deuxutyhy luukòdu, wiriòrese-ò òtadu, hàbu hàwyy wese rexiwahinymyhyre ijò hàbu-ò.

¹⁰ wasidu, ixidee imynomy nohõtudu, axaxamomodu, jei jeimy rybedu, inywitzira aõmydÿÿnana wydydu, kia-ò Deuxu Iòlòna uri rawahiõtthy.

¹¹ Kaiboho heka juhu kia wese toite. Wiji tahe iny Iòlò Jesuisi Kristu, anasuhode, anaixãwidinyde anatade Deuxu Tytybytythy-di.

¹² Ibutumy ariwinyke ixidee wikeki ibutumy aõmydÿÿnana tahe iwidÿÿ awiõre. Ibutumy arotÿÿnyke ixidee wikeki, aõ aõkõ tahe waumy-di rarekemy raremyhÿ.

¹³ Rÿsÿnaheka weryri-ò ralòmhyÿ kia-ò heka ihÿmyhÿre. Kia heka Deuxu wiwanale rahukre ikonana-ò. Umy heka òraru-ò sohojile aõkõ rÿire. Deuxu umydikemy dorihe riwinyre.

¹⁴ Deuxu Inynyrÿ riixixanyre rubu-ribi. Tule iny kidiixixanykre taruru-di.

¹⁵ Iny umy heka Kristu rareasa rare. Kia aõbo teerytenyõte? Kabe Kristu rareasa aderana-wana rabutukre, aõkõrehe.

¹⁶ Inyõ hàbu aderana-wana roikeki, sohoji umyhyyle wiwana roireke. Kia teerytenyõte aõbo? Kia Tyyriti Iritina-ki roimyhÿre, hàbu hãwyy-wana sohoji umyhyyle wiwana roireke.

¹⁷ Moo Wanyrÿ-wana ributunyekeki, sohoji Deuxu Tytybytybyle rareke.

¹⁸ Òraru-ribi teõrehe my atximyhÿbenyke Ijõ òraru inyõ riwinykeki umywo-ribi nodu aõkõ rare. Òta òta òraru tahe inyõ riwinykeki, kia ixiumy òludu òraru-di reake.

¹⁹ Aumy Deuxu Tytybytythysÿ rare. Kia aõbo teeryõte? Deuxu rexiwahinyre awo-ki rasÿnyhyumy rarekremy.

²⁰ Kaiboho aumy wedu aõkõ atxitenyteri. Jesuisi Kristu adee rurureki. Tii òwinyihikÿ-di anadyde, Kia tahe aumyreny-ki Deuxu-ò bealãbenyke, òbitimy bexisÿnyke aumyreny-di.

7

¹ Atyyriti dÿÿraxi rerawyònyeri. Kia rare: hàbu hãwyy-ò aderexiõhyekeki, kia heka awire.

² Hàbu tahãwyydihyyle rareke, tule hãwyy tahãbudihyyle rareke òta òta òraru dori sõwerek.

³ Hàbu tahãwyy-ò umy wahisidÿÿna tamy riwahinyke. Hãwyy tahãbu-ò umy wahisidÿÿna riwahinyke.

⁴ Hãwyy taumywedu aõkõ rare, ihãbu iwedure. Tule hàbu taumywedu aõkõ rare. Ihãwyy iwedure.

⁵ Wiòmysadÿÿõmy. Urile rexitòenykemy aõtxu-ò wii riòmysanykre. Urile ixideewimy wiwana ratxike. Idi wiwana roikre Satanasi riixiranyheny bededÿÿnana riijereki.

⁶ Kia warybe bede ywina aõkõ rare. Urile wadohodÿÿna rare. Adee awikeki, tuu bityhynybenyke.

⁷ Ibutumy hàbu wawese rÿirakeki, awire. Iny sohoji sohoji tahe, Deuxu bede ywisidÿÿna tamy riwahinyra ijõ wiribi lahitxi ihÿre.

⁸ Ixihy mahãdu-ò wytese mahãdu-ò wadohodÿÿna rewahinyre: wawese hyy rÿirakeki, awire.

⁹ Ixiwedudõkeki, tahe boikre, tii arasahy mabekelau.

¹⁰⁻¹¹ Hàbu hãwyyimy heridu-ò warybe rewahinyra, tahe warybe aõkõ rare, Wanyrÿ rybe. Kia rare: Hãwyy uritere tahãbu ririõhye. Hãwyyõ tahãbu-ribi rexihitxinykeki, ijõ-wana roiõke ada tahãbuwanale ixyby roike. Tule hàbu uritere tahãwyy risiõmy.

¹² Ijõ-ò warybe rewahinyra Wanyrÿ rybemy aõkõ: Ityhydÿÿdu seriõre ihãwyy ityhydÿÿdukõdukeki, uritere iatysyõmy hãwyy tii-wana rarekemy ratximyhÿreki.

¹³ Hãwyy ityhydÿÿdu ihãbu ityhydÿÿdukõdukeki, tule uritere iatysyõmy tahãwyy-wana rarekemy ratximyhÿreki.

¹⁴ Hãwyy dori ta hàbu ityhydÿÿdukõdu riòbitinymyhÿre rityhydÿÿnymyhÿ tii-wana ratximyhÿreki. Hãwyy ityhydÿÿdukõdu iwesele ta hàbu risÿnyre. Aõkõkeki ariõre ityhydÿÿdukõdumy raremyhÿ. Ka tahe rityhynyeri.

¹⁵ Ityhydÿÿdukõdu resekeki ixinamy rake. Kia wesekeki, ityhydÿÿdu ritaamy aõkõ ihÿre. Kaiboho ywina-di boibekemy Deuxu ratximyhÿre.

¹⁶ Hãwyy, teeryte ta hàbu rityhynykre aõbo, ada aõkõre aõbo? Aõkõ, teeryõte.

¹⁷ Iwese Deuxu iny sohoji sohoji rihitxihitxinyre wese, boibemahãke. Iwese atximahãtenyete wese Deuxu anatadenydeu kia wese boibeke. Kiamy heka reerynanymahãre ibutumy dohodÿÿna-ki.

¹⁸ Inyõ notyky resyna-di bityhinykeki, kaweselemy mabeke. Inyõ õtyky resyna-di aõkõ bityhinykeki, juhoo tatemahã wese mabeke, notyky resydÿÿõmy.

¹⁹ Notykyresy aõ aõkõ rare, ityky resykõ tule aõ aõkõ rare. Deuxu bede ywina ywidÿÿna, kia heka aõ wihikÿ rare.

²⁰⁻²¹ Iwese Deuxu ibutumy iny ditade wese, juhu widÿÿnalemy mabeke. Deòdumy aõbo tetyhynyete, tahe tuhyumy mabeke. Awedudeewimy bexihukeki tahe, idi make araokorore-ribi bohonykeki, tahe make.

22-23 Deòduò-ò Deuxu ritakemy rarybekeki, tahe rityhynykeki, tii raòkòrò-ribi rohonyra Deuxu rue-ò òkresyò mahàdu rityhynyrenykeki, tiiboho deòdu roire. Deuxu aradyra òwyhykÿ-di tai tahe hàbu deòdumy aòkò boibeke.

24 Ityhydÿÿdu seriòre, iwese atximahàte wese adee tarasanamy Deuxu rarybereu, kia wesele boibeke.

25 Ijadòma-ò bede ywinamy Wanyrÿ Deuxu tarybe diwahinyòde. Ihàrele wadohodÿÿna adee ariwahinykre kialemy. Deuxu dori tatòenamy riwaòbitinyre.

26 Aòhebo kowa rotÿÿnyre, awi aòkò rare. Kia tahe aratohonykre: Iwese iny ratximyhÿre wesehy, boibeke. Tii tahe wadee awire.

27 Kai aòbo hàwyymy heridu tate. Tahe ixihitxidÿÿmy nohòtiòmy. Kai aòbo hàwyymy heridu aòkò tate. Tahe hàwyymy herimy nohòtiòmy.

28 Tahe hàwyi-wana boikeki. Tii òraruna aòkò rare. Tule ijadòma roikeki tule òraruna aòkò rare. Ibutu iny heridu iaòmydÿÿ-ki aòhòkÿmy rotÿÿnyrenyke. Ilaa jiarÿ adeereny rarybere inyò aòhòkÿmy rotÿÿnyheny.

29 Bededÿÿnana he iòhòre. Tai tahe adee rarybere waseriòreboho, inyò heridu ixihnyo wese ratxikemy.

30 Iny bedewomy ratxirerí, ixibedewodÿÿ-ribi tòhòti rosake. Iny deysamy ratxirerí, deysa-ribi nohòti rosake. Inyò aò riwymyhÿré, ihokò wese rotÿÿnyke.

31 Kabede aòna aòna kai bierysynanykeki iwese ierysydÿÿòmy bisÿnyke. Kia aòna aòna ibutumy ituekre. Bededÿÿnanahe aòwesele rexihukre.

32 Ixiraòmy ahàbenyke, kiamy tahe adee watxiwàhàre. Inyò heridu aòkò Deuxu aòmydÿÿna riywinymyhÿke, iwese Deuxudeewimy ratximyhÿkemy.

33 Iny heridu heka bede aòmydÿÿna riywinymyhÿre, iwese tahàwydeewimy ratximyhÿkemy.

34 Kiamy rihitxinyre. Hàwyi tule heridu aòkò Deuxu aòmydÿÿna riywinymyhÿre taumy Deuxu Tytybytyhy òbitidÿÿmy. Hàwyi heridu tahe bede aòmydÿÿna-di ròhòtinymyhÿre tahàbudeewimy riywinykemy.

35 Kia aratohodÿÿnyra adeerenywikremy. Kaiboho arataaòtyhy. Urile anawiòhenanmahàde Deuxu iòhòmyhÿreki. Iòkòramy ibutumy arahenyrenykeny watxiwàhàre.

36 Ijadòma tibiedÿÿdu tatibiena-ò òbitimy aòkò risÿnymy rexinohòtinymyhÿre. Ijadòma tahàbumy herina bede-ò rehemynyre. Tahe tatibiedÿÿna-di inyò-wana roikemy idi ihÿre, ixinamy roike. Kia òraruna aòkò rare.

37 Weryrybò heriòkemy raruronykeki, tii tahe awire. Tii dori irurudire iheridÿÿnyke heny. Tii ixiumy wedu rare.

38 Tahe rihridÿÿnykeki, tii awire. Tule rihridÿÿnyòkeki, iratyretyhy awire.

39 Hàwyi hàbu-wana rÿihyke hàbu irumy. Rurukey tahe hàwyi aòtxile roike. Urile Wanyrÿ Deuxudeewimy.

40 Tahe wytesetyhymy ratxihykeki, teysamy rÿikre. Tuheka jiarÿ rahòtinereri. Deuxu Tytybytyhy wawo-ki ratxirerimy idi rahòtinereri.

8

1 Katahe adeereny ararybekre: Suritxoo-ò rÿsÿna xiwedÿÿnamy. Inyboho ibutumy bedeery roire. Bede ery iny aònityhymy rixinohòtinnyre. Luuna tahe inywiòhedÿÿdure.

2 Inyò aòerysydumy rexinohòtinnykeki tii aòwihikÿ reryòre.

3 Inyò tahe Deuxu luukeki, Deuxu tii rierymyhÿre.

4 Kaa rÿsÿna suritxoo-ò xiwemy rawahimyhÿre. Kia tahe aritÿÿnykre. Inyboho rierenyre suritxoo aò aòkò rare. Sohojihy heka Deuxu rare.

5 Iny deuxu aò òtalemy rininimyhÿre biu-ki, bede-ki. Iwese deuxu sòwemy ihÿre wese wedu sòwe rare.

6 Inydeereny Deuxu sohojile rare. Inytybyreny. Tii ibutu aòna aòna riwinyre. Tamy inyboho roire. Tule inydeereny Wanyrÿ sohojile rare, Jesuisi Kristu. Tii ibutu widÿÿdure. Tii ratximyhÿre xiery inyboho ratximyhÿreny. Tamy inyboho roire.

7 Tahe ibutumy kia iny riereryòre. Iny sòwemy suritxoo iny reòwarimy rÿira. Tii riki ixiwenedumy riroxikeki, tai òraruna tuu relemyhÿre.

8 Rÿsÿna aòkò riwatyhenyrenyra Deuxu-ò. Tai roxiheny rÿire. Rikirÿsÿrenyòkeki, rikiònonyrenyòtyhy. Rikirÿsÿrenykeki, aò rikitarenyòtyhy.

9-10 Bexiebenyke. Urile ityhydÿÿdu aokòdu ixihe-ki iatysyòmy, aurihixinahe-ki. Suritxoo hetowo-ki inyò umy robikeki teroxiterimy, tii tule ijò rÿsÿmy rexiwonyre, xiwe rÿsÿmy.

11 Tai tahe aòraru-ki aseriòre atyhyna-ki òraruna-txi resekre. Tamy Kristu tarasamy rurure.

12 Kiamy ityhydÿÿdu seriòre-ò taòrarunyteki, tule Kristu-ò texiòrarunyte.

¹³ Tai rÿsÿna òraru-ki ityhydÿÿ-ki waseriòre òraruna-txi resekeki, jiarÿ kia rÿsÿna arioxiòtyhy, waseriòre òraru-ki.

9

¹ Jiarÿ adeereny rexihyemy watiwâhâre. Jesuisi teòdÿÿnami jiarÿ watiwâhâre. Jesuisimy, Inynÿrÿreny rabiòremy tahòtinyinmahâtenyete aòkò, Jesuisimy rabire. Waòraru-ki kaiboho ityhydÿÿdumy toite. Deuxu dee waòmysÿdÿÿ òraru-ki ayreny-ki.

² Inywitziraò-ò òsana Deuxu deòdÿÿnakòmy watiwâhâre. Adeereny tahe inatyhymy Deuxu teòdÿÿnami wâhâre kaiboho dori wateòdÿÿna urihixinamy ahâtenyete Deuxu dee.

³ Kia tahe warawyòdÿÿna rare iny witziraò-ò:

⁴⁻⁵ Jiarÿ arioxikeki, ariòkeki, tai aòkòhe awilere. Ityhydÿÿdu hâwyyò-wana, wawana aridykekò aòbo awileke. Kawese ibutumy Deuxu teòdÿÿna mahâdu rotÿÿmyhÿre, tule Jesuisi seriòre, tule Pedro.

⁶ Jiarÿ, Banabewanahyyle raaòmysÿdÿÿwâhâre iny aòreny tarasanamy. Kia rikirirenyekeki, awikeki, aòbo.

⁷ Inyò aòbina-ò rakeki, ta aò aòbo riòwynyke? Aòkòre. Inyò oworomy uva bederaty ribrònyke-wana, bederatyò aòbo ritòleke. Inatyhymy inyò teòte asi-ò riyrubunymyhekeki, ihowÿsmy aòbo riòmyhÿke? Kohe, riòmyhÿke.

⁸ Kabexe hàbu wese aòbo jiarÿ rarybereri? Tule tahe bede ywina tyriti aòbo riritinymy rÿimyhÿre.

⁹ Moisesi bede ywina ritidÿÿna-ki rÿimyhÿre: —Broreniry itaaòmyhÿ maixòmo tyre rariamy risymyhÿre. Deuxu aòbo broreni riwotòenymyhÿre. Aòkòre.

¹⁰ Tahe waòrarureny-ki aòbo kia rarybere. Kohe. Inyò ròbròmyhÿre, iyremy ritakemy ròhòtinymyhÿre. Tule inyò riòròmyhÿre, ijòò ixidee ritakemy ròhòtinymyhÿre.

¹¹ Deuxu Tyytybytyhy aòmydÿÿnanamy adeereny anaerynanyekeki, idi aòna aòna aribireny aritaleke, aòbo? Kia aònityhyre aòbo?

¹² Iny witzira aò aribi ritake-wana, jiarÿboho iratyre iu aròtarenkemy arotÿÿnyrenyke. Tahe tiu ròtaòhyre. Deuxu Rybewihikÿ tÿnydÿÿna ariokòròòtyhy. Tai ibutumy aò witzira witzira riòludunywâhâre.

¹³ Dohodÿÿna heto deòdu irysyna ritamyhÿre dohodÿÿna heto-ribi. Xiwe dinodu aò rÿsÿna ritamyhÿre xiwena-ribi.

¹⁴ Kia wese Deuxu rarybere; inyò Rybewihikÿ ritÿnynykeki, ibutumy aòmy reamyhÿre ritamyhÿre, Rybewihikÿ aòmysÿdÿÿbro-ribi.

¹⁵ Tahe jiarÿ aò aribi retaòhyre tule kia reritinyreri aò aritakemy aòkò aribireny. Warybe inyò riònonykemy aòkò watiwâhâre iko-ki tahe arurukre.

¹⁶ Jiarÿ Rybewihikÿ retÿnynymahâre, rexierymahâre dori aritÿnydÿÿke. Kia heka aòhòkÿ aòkò waloosònadikemy rare. Rybe aritÿnynyòkeki, heka aòbinatyhyò wadee kanake inyhe.

¹⁷ Ixidee wimy Rybe aritÿnynymyhÿkeki, tai ki aritakre. Ixideewimy aòkò aritÿnynyke-wana, ihârele tahe itÿnydÿÿmy iwahisidÿÿna wadee roire.

¹⁸ Kiake-wana, timybo wawahidÿÿna ihÿre. Kia heka rare. Rybewihikÿ tÿnydÿÿ-ò arexiòwynyòtyhy. Aòbo inatyhymy wahòròre, retaòhywâhâre.

¹⁹ Jiarÿ inydeòdumy aòkò rarehywâhâ. Tahe iximy rexideòdunyre sòwemy iny òraru-ribi aritakemy.

²⁰ Judeu mahâdu-ò judeu wesemy jiarÿ rexisÿnyre, judeu mahâduò dori òraru-ribi aritakemy idi watzireri. Moisesi bede ywina yrubudÿÿdu mahâdu dee ixiwesemy rexisÿnyre iòraru-ribi dori aritakemy. Urile jiarÿ kia bede ywiny rubudÿÿna aòkò rare.

²¹ Bede ywina aòkò mahâdu dee ixiwesemy rexisÿnyre. Urile Deuxu bede ywina dire jiarÿ Kristu bede ywina yrubudÿÿdu jiarÿ watiwâhâre. Kia iòraru-ribi aritakemy jiarÿ rexisÿnyre.

²² Irurukòdu mahâdu-ò waruru aòkò wesemy rexisÿnyre, irurukòdu mahâduò ritakemy. Ibutu iny deewesemy rexisÿnyny rarewâhâ, aòtxile tiìbohoò aritakemy iòraruna-ribi.

²³ Ibutumy rewinyre, Rybewihikÿ dee iwiohedÿÿdukemy ixi-di wâhâre.

²⁴ Ijarana ròhònykeu ijaramy ijaranadu sohojile ròhònyra. Tiile wahidÿÿna ritake. Kai-boho maijarenybenyke tii bitakemy.

²⁵ Ibutumy ijaradu ixidi rorenymyhÿre aòikòkòmy rexierynanymyhÿre. Kia riwinymyhÿ wahidÿÿna ritakemy. Kia wahidÿÿna retybykre. Inydee wahidÿÿna tahe retybyòtyhy.

²⁶ Jiarÿ kawesemy rajaranyre aò aritakemy. Axiò ijesumy resuwâhâre yhye rehetenyre wese aòkò.

²⁷ Waumy-di ròrenyhywâhâre. Wadeòdu wesemy waumy resÿnyre. Tai dori resÿnyre. Jiarÿ inyò-ò Rybewihikÿ aritÿnynykeki, ywiny dehadu wesemy aòkò arareke, adehuky-ribi riwata lau.

10

¹ Boholabenyke weseriòre ityhydÿÿdu mahädu. Inybybyreny kia biuwetyky nonoe rawo-di roimyhÿ. Tule ahobesòhòkÿ rawo-di reuròrenyrene.

² Moisesi, iwedu, ibutumy aho-di nonoe-di rexisebenyrene. Tai iwedu inatyhymy rityhnyrenyrene.

³ Deuxu Tytytyby rÿsÿna sohojile wiwese wesele ibutumy rirÿsÿre.

⁴⁻⁶ Deuxu Tytytybythy mona sohojile ihÿre. Bee manay-ribi nade. Mana tahe Kristuweselemy ihÿmyhÿre. Inynyrÿ kiamy roiremyhÿu. Deuxudeewimy aòkò riwinymyhÿre. Tai rurure bedero-ki. Kia tahe inydeereny bedeery urihixina ersydyÿÿnamy ratxireri, inyboho-dori aòbina widÿÿna aòkò rokohotinyrenykemy, iwese tiibocho riwinyre wese aòkò.

⁷ Inyboho suritxoo tyhydÿÿdukòmy rokoireke iwese ijò mahädu tuu rerinanymyhÿre wese kòkremy. Ritina-ki roimyhÿre: –Tiibocho ronymyhÿre riroxikemy, riòkemy. Tahe ritamanyrenyrene risinykremy.

⁸ Tule òta òtamymy rokotÿÿnyrenyòke iwese tii riwinyre wese –tai 23.000 iny rurure sohojixu-u.

⁹ Deuxu urihixirenyòmyke, iwese tii riwinyre wese. Tai rururenyrene hemylala jurutana-ki.

¹⁰ Iburaòmyke iwese tii ribuarennyrene wese. Tai rubudÿÿdu riubunyrene, Rubu ÿju wahe.

¹¹ Kia tahe bede ery urihixidyÿÿna ersysna inydeereny ratxireri. Riritinymyhÿre iny bede erynarenymy. Bededÿÿnana konana-ò iòhòmy inybocho roire.

¹² Tahe inyò òbitimymy rÿimymy ròhòtinykeki, tii rexijemy ratxike reseke lau.

¹³ Ixirana isirare inydee rehemyndòtyhy rikiòludunyòtyhy. Deuxu awi rare. Riattyòtyhy iòlududÿÿna-txi. Tii inydeereny ixirana-ribi ixitarasana riwahinyrene. Iny rurureny wesele ixirana rare. Tai rikiòludunyrenyke.

¹⁴ Waluuna mahädu, kaibocho suritxoo luuna-ribi bexiebeny.

¹⁵ Adeereny rarybere, kaboho dori abederyrenyrene kai bedeerywesetyhymy toiteki. Mohòtinybenyke aòmybo rarybereridi.

¹⁶ Deysanamonaahyna aòbo ityhydÿÿdu mahädu wowydyna rare Kristu hãlubu wesemy tuu riòreki? Iny paò riyreyrenyreu, Kristu umy wesemy aòbo rare? Inydee aòbo wowydyna rare?

¹⁷ Inybocho sòwe roire. Urile tahe paò sohojihy rare. Sohoji butunahymy rare, paò sohojiribile yre yre rarÿsÿreu, inybocho sohojilemy roire.

¹⁸ Judeu ijoi-ò betehebennyke. Kia xiwe rirÿsÿrenyrenyke, xiweribile ritamyhÿre. Kia aòbo òbitire.

¹⁹ Timybo jiarÿ rarybereri? Rÿsÿna aòbo xiwenamymy diwahinydeki, kia aòbo aò rare ada ritxoo aò aòbo rare.

²⁰ Kiamy aòbohe jiarÿ rarybereri? Aòkòre, tuu aòkò rarybereri. Urile, kia raxiwemyhÿre, diabo tytyby-ò rare. Deuxu-ò aòkò raxiwemyhÿre. Kaibocho diabo tytybyò-ò tamy bexijemy. Tii-wana uritere noòmy.

²¹ Wanyrÿ monamymy biòkeki, tai diabo monamymy tule biòòke. Wanyrÿ roxi-ki biroxikreki, tule tai diabo rÿsÿna rÿsÿòmykre.

²² Deuxu aòbo iny kidihãrudenykre. Inybocho aòbohe ityhyrenyrene iratyre?

²³ Aòwaxiny tuu botÿÿnyke. aòmydyÿÿnana awire. Ihãre tahe awiòre. Aòmydyÿÿnana ixidee wimy botÿÿnyke. Urile aòmydyÿÿnana riwiòhenanayòhyyre.

²⁴ Uritere aòmydyÿÿnana sohojidile nohòtiòmy; tule inywitxira aòmydyÿÿna-txi òhòti beake tai aòwiihikÿmy tamy biwinykre.

²⁵ Biròmyhÿke ibutumymy aò rÿimyhÿre meriadu-ki, nohòtiòmy aòbo raremyhÿmy.

²⁶ Ibutu bede aòmydyÿÿna Wanyrÿ wahidyÿÿna rare inydeereny.

²⁷ Ityhydÿÿdukòdu mahäduò aratobinymy, kai makeki, biroxike ibutumymy aòbo adee kidekre. Dÿÿraxiòmy araykywydyna òraru-ki.

²⁸ Tahe adee rarybekeki; kia ritxoo xiwe rare. Irÿsÿòmy, kia hãbu raykywydyna òraru-ki tamy ibinare wahe.

²⁹ Araykywydyna òraru-ki aòkò jiarÿ rarybere, tahe iwitxira òrariki. Ijò hãbu witxira rayky-di aòkò aritòhòtinymyhÿke. Kia òsana inyò rarybekre.

³⁰ Deaàlanadile jiarÿ ariroxiwãhãkeki, timybo inyò ibinamymy wamy rarybeke. Deuxu-ò dori rexideylydyÿÿnyra.

³¹⁻³² Tai tahe, biroxibennyke-wana, biòbennykeki, aòmy botÿÿnykeki, ibutumymy Deuxu wowydyna-ò botÿÿnyke. Inyò atyhyna-di iatysÿòmy, judeu mahäduò-ò, judeukòdu mahädu-ò, tule Deuxu tyhydÿÿduò-ò.

³³ Ibutu dee rarurunywãhãre tamywikemy. Waaòmydyÿÿnana sohojile aòkò rahòtinwãhãre ibutu iny aòmydyÿÿna dee rahòtinmahãre tarasadÿÿmy.

11

¹ Iwese jiarÿ Kristu wesemy watximyhÿre wese kaiboho wawesele boibekre.

² Ararybekre: —Kaiboho awirenyremy kaiboho dori iwese bede eryna araerynanyre wese ibutumy teyrubunymahätenyte.

³ Tahe ijomy araerynanykre. Kristu iratiwi ibutu hābu ratyre rare. Hābu tahe hāwyrati ratyre rare. Tule Deuxu tahe Kristu ratiji ratyre rare.

⁴ Hābu rexitōenyreu, ritÿnynykeu tarahety-di, Kristu rityhynyōre.

⁵ Hāwyyō tahe rexitōenykeu, ritÿnynykeki tarahety-di aōkō, tii tahābu rityhynyōre. Tii dori tarade rasyimyhÿre wese ratximyhÿre.

⁶ Hāwyyō tarade rihetynyōkeki, tii tarade riorokre. Hāwyy tarasy lau raixÿrukeki, tahe tara rihetynykre.

⁷⁻⁹ Hābu tara rihetynyōmyhÿkre dohodÿÿna heto-ki. Bera-ò tyytyby wesemy Deuxu dee hābu rare. Deuxu dee hābu rare. Hāwyy tahe hābu dee-ki rare. Hābu heka hāwyy-ribi aōkō dori iwidÿÿ rare. Hāwyy tahe hābu umy-ribi iwidÿÿ rare. Hābu hāwyy dee aōkō relere. Hāwyy tahe hābu dee relere.

¹⁰ Tai tahe hāwyy tara riwōmyhÿke. Iu tahe hābu rityhynymyhÿre ÿju òraru-ki.

¹¹ Deuxu ityhydÿÿduy-ki wiwesele wiweselemy ratximyhÿre. Hābu hāwyy-di ratxikemy; hāwyy hābu-di ratxikemy.

¹² Iwese hāwyy hābu-ribi relereu wese, hābu hāwyy-ribi reamy raumynymyhÿre. Deuxu ibutumy riwinyre.

¹³ Kaiboho mohotinybenyke: Hāwyy rexitōenyreu, tarade rihetynyke, aōbo ada aōkōre aōbo?

¹⁴ Hābu iraderehemy rÿira, tarati rityhynyōmyhÿre tuu rÿira. Kiamy bede riwaerynanyrenyrene.

¹⁵ Hāwyy tahe irade rehemy rÿira ixiruxeradÿÿmy rÿira, hety wese tamy iò rarekremy wahe.

¹⁶ Inyō iwitxiramy rexinohtinykeki, tamy ararybekre, kia wese: Inyreny-ki kia bede ywina rare ibutumy dohodÿÿna heto-ki.

¹⁷ Aōwesebo botÿÿnykremy adee ararybekre. Wade awiōre iwese ahätenyte wese kaiboho tebutunytyenyteu, kia arawiohenanyōhyyre urile tahe arabinanytyhyrenyra.

¹⁸ Juhuu ararybekre tīmybo raholaremy: kaiboho texihitxinytenyte dohodÿÿnaheto-ki, kia tahe retyhynyriōremy watxireri.

¹⁹ Wiribi bekihixinybenykeki, tai iny òbiti rÿira bierybenykemy.

²⁰ Bibutunymyhÿbenykeu, Inynyrÿ roxina aōkō terÿÿmahätenyte.

²¹ Ijō detiteremy taroxina riwymyhÿre inywitxirako-ki. Ijō aō rimyōmyhÿreki rama risamyhÿre. Ijō tahe sōwetyhymy riōmy raitxÿtemyhÿre.

²² Kai aōbo ahetoōre, tai biroximyhÿkemy, biōmahākemy? Kia wese-ki Deuxu dohodÿÿna heto aōbo tetyhynyōmyhāhāte. Iaōkō rÿira mahādu tule teixÿrudÿÿnyimyhÿtenyte. Aōmybo ararybekre. Arawowydydÿÿnyrenyremy aōbo? Aōkōre. Tai arawowydydÿÿnyrenyōtyhy.

²³ Kia Inynyrÿ-ribi retare, tule aerynamy adeeremy rehahinyre. Kia wahisidÿÿnadyna txuu, Jesuisi Inynyrÿ orotxu rimyre.

²⁴ Rexitōenyredi, riōrōre, idi tahe rarybera:

—Kia heka waumy rare. Adeeremy wahidÿÿmy watxireri. Kia biwinymyhÿkreu, watxi òhōtireny reakemy.

²⁵ Tule riymyhÿre rahudi, tahe bemonā hyna rimyra, idi tahe rarybera:

—Kia heka wadeewimy Deuxu, iny-wana ratximyhÿre. Wahālubu òraru-ki kia riwinyre. Kia biōmahābenykrey, aōu watxi òhōtireny reakemy.

²⁶ Tiubo paō biymahābenykrey, bemonā hyna-ribi biōmahābenykrey, warubu rybe tetÿnynytenyteri idi aōdōsekrey.

²⁷ Tai inyō òhōtiōmy riykeki-wana, riōkeki-wana, tii Jesuisi umymy hālubumy òraru-ki ratxireri.

²⁸ Sohoji sohoji taaōmydÿÿnana-di rohōtinykre, idi tahe riymyhÿre, riōmyhÿkre.

²⁹ Inyō Jesuisi umy-di rohōtinyōkeki, ixidee aōbinahakÿ kidiwinyke.

³⁰ Kia òraru-ki sōwemy binamy òhyyle toite, tule iny sōwemy rurumy rÿira.

³¹ Iny ixi-di rohōtinykeki, aōbinahakÿ rexierykemy, tahe iny rexiōbitinyke. Deuxu tai aōhōkÿmy rotÿÿnyōtyhy.

³² Inynyrÿreny inyboho riōbitinyhÿre. Kiamy heka bede mahādu-wana aōkōkeki, aōhōkÿmy rotÿÿnyrenykre.

³³ Kiamy, waseriōreboho, roximy bibutunykrey, ijō wii biraōbenykrey.

³⁴ Inyō rama risamy rÿikeki, taheto-ki rioxike tai rihuōmy rÿimyhÿkre Deuxu ywisidÿÿna-ki. Adee arehemynykrey, ijō kia aōna aōnamy arōerynanyrenykre.

12

¹ Deuxu Tyytybytyhy bede eryna wixira wixiramy adeereny ararybekre, araerynanyrenkemy.

² Ityhydÿÿdukòdumy toitemahãu, aòð aradyrenyrene suritxoo rybeòhòkÿ-ò.

³ Tai arabedeerynryeri: Inyò Deuxu Tyytybymy rarybemyhÿkeki, tii rarybeòtyhy: Jesuisi ibina rare. Tule inyò uri rarybeòtyhy: Jesuisi Wanyrÿ rare. Tii Deuxu Tyytybytyhydile tuu rarybekre.

⁴ Deuxu Tyytyby bede eryna wixira wixira sòwemy rÿire. Deuxu sohojile tahe iwahidÿÿdu rare.

⁵ Aòmÿsÿdÿÿwi-ribi lahitxi rare, tahe Inynyrÿ sohojile rare tamy rakaaòmÿsÿdÿÿnyke.

⁶ Aòmÿdÿÿna wiribi lahitxi rare, tahe Deuxu sohojile ibutudÿÿdu rare. Tii iny-ò aòmÿsÿdÿÿna widÿÿna riwahinyre.

⁷ Sohoji sohoji tabedeeryna wixira wixira Deuxu Tyytybytyhy-ribi ritamyhÿre ibutu iny wiòhedÿÿmy.

⁸⁻⁹ Inyò-ò bede eryhykÿ wahidÿÿmy ratxireri, Deuxu Tyytybytyhy iwahidÿÿdure. Ijò-ò tahe rybe bedeerydÿÿ wahidÿÿmy ratxireri, iwahidÿÿdu tiile rare. Ijò-ò tahe ityhydÿÿtyhy-ki rarekemy. Deuxu Tyytybytyhy iwahidÿÿdure. Ijò-ò tahe, òhotibedumy rarekemy. Deuxu Tyytybytyhy risÿnyre rare.

¹⁰ Ijò-ò tahe, bedeòby widÿÿdumy rarekemy, ijò-ò rybe-di tÿnydÿÿdumy, ijò Tyytyby erydumy, ijò rybewitxiramy rarybekemy, ijò rybe wiuròdÿÿdumy.

¹¹ Deuxu Tyytybytyhy sohojile tahe iwahidÿÿdu rare. Tii sohoji sohoji-ò riwahinymy hÿre ixideewimy.

¹² Iny umy sohojihy rare. Urile iaòmÿdÿÿnana sòwere. Kia wese ityhydÿÿdu rÿira ityhydÿÿdu mahãdu-ki, Kristu-ki iny sohojihy.

¹³ Sohoji sohoji mahãdu-ribi rabutura, ijò judeu mahãdu-ribi, ijò judeukòdu mahãdu-ribi, ijò deòdu mahãdu-ribi, ijò deòdukòdu mahãdu-ribi. Wiji tahe Deuxu Tyytybytyhy-di sohoji hòròmy iny rÿire. Idi tahe inyboho tÿximy rÿire.

¹⁴ Umy dori sohoji aòmÿdÿÿnana-di aòkò rare, sòwere tahe.

¹⁵ Inywa rarybekeki kia rarybekre òsana: jiarÿ umy aòmÿdÿÿnana aòkò watxireri, debò aòkò dori rare. Kia rarybekeki, ihãre ta umy aòmÿdÿÿnanaòlemy ratxireri.

¹⁶ Nohòti rarybekeki: rue aòkò jiarÿ rare, tai dori umy aòmÿdÿÿna aòkò rare, Kia rarybekeki, ihãre ta umy aòmÿdÿÿnanaòlemy ratxireri.

¹⁷ Ibutumy umy ruelemy ratxikeki, tímbo rokoholarenkyre. Ibutumy nohòtilemy ratxikeki, tímbo rue rareke tímbo robirenykyre.

¹⁸ Deuxu ibutumy aò ritidire, útixibo ixideewimy ròhòtinyinre.

¹⁹ Ibutumy aòmÿdÿÿnana wiweselehekÿkeki, tímbo raaòmÿsÿdÿÿnyke?

²⁰ Inatyhymy aòmÿdÿÿnana sòwere. Umy tahe sohojilere.

²¹ Rue debò dee rarybeòtyhy: Kai aò aòkò tate. Tule ratiheka waò rybeòmy: Kaikòkeki wadee awike.

²² Kia kÿnyhe. Aò aòmÿdÿÿnana inydeereny iruruòmy aòmÿ aòkò rÿire wese, tii aòwityhy rÿire.

²³ Tule aòbo inydee aòmÿ aòkò rÿira tamyhe woreke rÿimyhÿre iruxeramy aòkò rare, iny woreke rÿimyhÿre.

²⁴ Aòbo inyumy-ki iruxeramy rare, kia uridÿÿòmy. Deuxu tahe umy aòmÿdÿÿnana ibutumy ributumy. Tii aò ibuturatyre rityhnyre.

²⁵ Kiawese alòreòmy umy-ki ibutumy umy aòmÿdÿÿnana wiwana raaòmÿsÿdÿÿnymyhÿre wii riwiòhenanymyhÿre.

²⁶ Sohoji aòmÿdÿÿnana txubererekeki, iuhe rubererenyke. Ijò teysakeki inyò riwowodynykeki iuhe reysake.

²⁷ Boholabenyke, kaiboho Kristu umy mahãduò toite. Ityhydÿÿdu sohoji sohoji heka umy aòmÿdÿÿnanaò wese rare.

²⁸ Deuxu ityhydÿÿdu mahãduykile iny rihitxinyre. Juhuu Jesuisi teòdÿÿdu mahãdu, ihewo-ribi Deuxu rybe tÿnydÿÿdu mahãdu, idi ierydÿÿdu, aòwiihikÿ widÿÿdu, òhotibedu mahãdu, wiòhedÿÿdu, dinoduwesedÿÿnadu, rybewitxira erysydumy.

²⁹ Ibutumy deòdu aòbo roire? Ibutumy tÿnydÿÿdu aòbo roire? Ibutumy erydÿÿdure aòbo? Ibutumy aòwiihikÿ widÿÿdure aòbo? Aòkòre wii ihitxihitxire.

³⁰ Ibutumy ywisidÿÿ rieryre aòbo? Ibutumy rybe wixira rybedu aòbo? Ibutumy rybewitxira wiuròdÿÿdure aòbo? Aòkòre.

³¹ Tahe, eryna wiwiihikÿmy mynymy, atximyhÿbenyke. Tahe ariteòsynkyre tibo ryy.

13

¹ Ibutumy iny rybe witzira witzira arierykeki, j̄yu rybe adiereykeki, kia tahe luuna-di aõkõkeki, jiar̄y aõwõd̄ȳna wid̄ȳna wesemy ararekre.

² Jiar̄y ibutumy Deuxu rybewahid̄ȳ erna ijõdikeki, ibutumy bedeery ijõdikeki, hãwãlõ iherina-ribi aritake watyhyd̄ȳna kiadikeki, tahe luuna-di aõkõkeki, aõ aõkõ watxireri.

³ Ibutumy waaõmyd̄ȳna iny aõkõ mahãdu-ò ariwahinykeki. Waumy Kristu Rybewihik̄y dee òraru-ki wõsikemy ariwahinykeki, tahe luuna ijoõkeki, kia heka aõkõweseleke.

⁴ Inyõ luunadikeki, ywimy rarekre, awimy rarekre, ihãrukõmy rarekre, luunadikeki, ixityhyd̄ȳdukõmy rarekre.

⁵ Inyõ luunadikeki ih̄ȳk̄ȳm̄y aõkõ rarekre. Ixisahojidile aõkõ rõhõtinykre.

⁶ Òbitiõna-di deysaõmy, inatyhyle kedeysakre.

⁷ Moõ iluunadireki ibutumy aõhebo rot̄ȳnykre, ibutumy rityhynykre, ibutumy riraõkre, ibutumy riõludunykre.

⁸ Luuna tiu itueõtyhy, tahe rybe t̄nyd̄ȳna aõutxumy ituekre, rybewitziramy rybe ituekre, bede erna erylunamy tule ituekre.

⁹ Inyboho iyrelemy rieryrenyre. Tule iyrelemy rit̄nynykre.

¹⁰ Aõutxumy tahe kia iyre rexihukre, ibutumy kanaerykre, kia hãbu òbiti tyhy kedehe-mynykeu, Kristu wahe.

¹¹ Uladumy rarewãhãu uladu wesemy rarybere, uladu wesemy ixidi rarewãhã, uladu wesemy raykywydynanyra. Hãbumy relereu tahe, wauladumy nona rerire.

¹² Wiji tahe inyboho robirenyre, iwese itxerenat̄nykowese-ki, kiadxu tahe, wiõsanamy rokobirenykre. Katahe iny rieryrenyre txuraõ, kiadxu tahe, iwese tii inyboho dierydenyde wese rikieriynykre.

¹³ Tahe inataõ aõmyd̄ȳna r̄yire: ityhyd̄ȳna, irarõsõna, luuna. Ijõ ratyre tahe luuna rare.

14

¹ Luuna-di boibeke ibutu ijõ ratyre. Tytybytyhy erylunamy biijebenyke. Iratyre bii-jebenyke Deuxu rybe t̄nyd̄ȳna eryd̄ȳna.

² Inyõheka rybe witziramy rarybekeki, hãbu-ò aõkõ rarybereri. Deuxu-ò sohojile rary-bere. Inyõ irybe rieryõre. Deuxu Tytybytyhy rybe tii erydure.

³ Inyõ Deuxu rybemy rarybemyh̄ȳreu, iny-ò rarybereri. Tai riwiõhenanyh̄ȳre, riõbitinymh̄ȳre, riteysanymh̄ȳre.

⁴ Inyõ rybe witziramy rarybereu, tiilehyy rexiwiõhenanyh̄ȳre. Inyõ tahe rybe rit̄nynykre wana, dohod̄ȳna mahãdu riwiõhenanyre.

⁵ Ibutumy rybe witziramy rarybekeki, tii tahe wadee awire. Tahe ibutumy Deuxu Rybe-wihik̄y rierynanykeki, kia iratyretyhy wadee awire. Deuxu rybe t̄nyd̄ȳna tahe, rybe witziramy rybedu ratyre rare. Wiurõsõd̄ȳdudile rybe witziramy rarybeke dohod̄ȳdu mahãdu wiõhed̄ȳmy rarekemy.

⁶ Jiar̄y adeeremy ararybekeki, rybewitzira-di. Tiwesebo arãwiõhenanyrenyke. Urile bede eryt̄myra-di, erylunamyhyky-di, inatyhyeryna-di araerynanykeki, kia-di tahe arãwiõhenanykre.

⁷ Ka tahe wiud̄ȳna rare. Wyhyhyk̄y jurõnawesena ada rerotisõmo wiud̄ȳna kidiwiun-yekeki, tahe awimy riwiunyoke, timykibo iny rieryke aõbo riwiunyereri.

⁸ Tule jurõna òbitim̄y ritxurõnyõkeki, timykibo aõbinadu mahãdu rierykre aõbina-ò nomy rexiywinymyke.

⁹ Kaiboho tule kiawesere. Inyõ arybe rieryõkeki, tiwesebo rieryke aõmybo tarybetenyteri. Kiawese dori yhydeele tarybetenyteri wese.

¹⁰ Inatyhymy sõwemy rybe witzira r̄yire bede-ki, ibutumy tahe aõna aõnamy rybedu rarybere.

¹¹ Aõmybo rarybere arierykõkeki, rybedu dee jiar̄y iny witzira, rybewitziraõ tamy rare, tule tii wadee rare.

¹² Kaiboho Deuxu Tytybytyhy erna teijetenyereri. Tai dohod̄ȳna mahãdu wiõhed̄ȳmy marurunybenyke.

¹³ Inyõ rybe witziramy rarybekeki, iõbitid̄ȳnamy rexitõenyke.

¹⁴ Rybe witziramy arexitõenykeki, watytybytle rexitõenyreteri waraykywydyna-ò ralõõtyhy.

¹⁵ Tai tahe aõhebo arot̄ȳnykre? Watytyby-di, warayky-di arexitõenykre. Idi watyty-by-di warayky-di arawiuynykre.

¹⁶ Kai atytybytle-di rexitõenymh̄ȳteu, timykibo inyõ rierykemy? Idi rarybeke aix-itõed̄ȳna rexihukeu. Tii dori arybe rieryõre.

¹⁷ Kai tahe inatyhymy awimy rexitõenye, tai tahe iny aõ rieryõhyre, idi riwiõhenanyõtyhy.

¹⁸ Deuxumy realãwãhãre. Jiar̄y dori aratyrenereny rybe witziramy rarybemahãre.

¹⁹ Tahe dohodÿÿna mahâdu-ò iruyre rybe eremy ierysynamy ararybeke ada sôwemy rybe eremy iwitxira rybemy anarybekeki. Juhule wadee awityhyre ijô ratyre-ki iny kiawese inatyhymy reerynanyre.

²⁰ Waityhydÿÿdu seriôre uladu raykywesemy aôkô bexiraykynymyhÿbenyke. Inyery bedeeryhykÿ wese maraykynybenyke. Aôibina eryllynale uladu aôeryô wesemy boibeke.

²¹ Bede Ywina tyriti-ki kia rÿire: —Kia inydee, hâbu rybe wixira-di anarybekre. Ihâre ta warybe dee tiiboho roholarenyôkre. —Kiamy tahe Wanyrÿ rarybere.

²² Inatyhymy tahe iwitxira rybe rybemy ityhydÿÿdu mahâdu dee deôsina aôkô rare. Kia ityhydÿÿdukôdu mahâdu dee deôsina rare. Tule Deuxu rybe tÿnydÿÿna ityhydÿÿdu mahâdu-ò rare.

²³ Dohodÿÿna mahâdu wii ributunyeu, rybewitxiramy rarybemyhÿreki. Ityhydÿÿdukôdu mahâdu ralôkeki, iny ierykôdu ralôkeki, timybo tii rôhôtinyke. taitxÿtetenyterilemy idi rôhôtinyke.

²⁴ Tahe ixityre ityhydÿÿdukôdu mahâdu ralôkeki, tahe Deuxu rybemy rarybereriô, ralôkeu, tii rexierykre ôrarudumy rare, ibutumy aôwômy roholare tarayky riixixanyke.

²⁵ Aôbo tawo-ki riwômy rÿimyhÿredi rexierymy ixi-di rôhôtinyke. Tai resekre tatiowomy Deuxu deâlânamy reâlâkremy. Tule rarybekre: —Inatyhymy Deuxu ayreny-ki ratxireri.

²⁶ Aôhebo dohodÿÿna-ki rokotÿÿnyrenyke waseriôreboho wii rikibutunyenkyre. Kia heka rare: Inyô wiuômy kanawiunyeu, ijô tasÿ Deuxu rybe bede erydÿÿna kedeerynanyke, ijô itÿnydÿÿnamy kanarybekre, ijô rybewitxiramy rybena kanarybekre, ijô iwiurôsôdÿÿnamy kanarybekre. Aôhebo botÿÿnybenyke ityhydÿÿdu wiôhedÿÿnamy rarekemy.

²⁷ Inyô rybewitxiramy rybemy ratxire riki, inatxi inataôlemy rarybeke, wihewomy, tule iwiurôsôdÿÿdulemy rarybekre.

²⁸ Wiurôsôna ihoôkeki, rybeôlemy ronyke dohodÿÿna heto-ki. Ixiwanale Deuxu-di rôhôtinyre, rexitôenymy.

²⁹ Urile inatxi, inataôlemy rybe tÿnydÿÿdumy rarybekre wana, ijohonadu mahâdu tahe irybe-di rôhôtinytyhyke timybo.

³⁰ Ijôhonadu-ò itÿnydÿÿna rybemy ratxikeki, rybedu rexihudi rarybekre.

³¹ Ibutu dori Deuxu rybemy rarybekre, sohoji sohojimy. Tai ibutumy rierykre, reysakre.

³² Rybe tÿnydÿÿdu mahâdu rayky, tiile rexierymyhÿke.

³³ Deuxu tahe wimy uriuridÿÿdu aôkô rare; tii tahe ôbitina widÿÿdu rare. Ibutu ijô dohodÿÿna heto-ki kia wesemy rare.

³⁴ Hâwyy tahe dohodÿÿna-ki roholamy rÿimyhÿre rybeôhykymy tai aôwedumy aôkô. Ywilemy rÿirake iwese judeu bedewidÿÿna roimyhÿre wese.

³⁵ Tÿÿraxinadikeki taheto-ki tahâbu-ò rÿÿraxike. Hâwyy dohodÿÿna-ki rarybemyhÿre heka ixÿruna rare.

³⁶ Timywese tahôtinytenyte. Deuxu rybe aôbo aykyreny-ki rôhônrye ada kaiboho sohojile aôbo ijôdire.

³⁷ Inyô rybe tÿnydÿÿdumy ixi-di rôhôtinykeki ada Deuxu Tyytybytyhy-ò wiôhedÿÿnamy rarekeki. Timybo rarybekre. Kia waryberiti heka Deuxu bede ywidÿÿna rierykre.

³⁸ Inyô kia rityhynyôkeki, tii wile ratyhyôdÿÿôkre.

³⁹ Iribi tahe waseriôre tÿnydÿÿdumy boibekemy atxibenyke. Ixinamy rybewitxiramy iny rarybemyhÿke.

⁴⁰ Ibutumy aôhebo botÿÿnybenyke. Ôbitilemy, ywilemy.

15

¹ Aôtxi ôhôtireny araijaradÿÿnyke. Kia tahe rare. Rybewihikÿ iwese adeeremy retÿnynyre wese, tetyhynytenyte wese, tule tetyhynyhy ahâtenyte.

² Tai tahe tarasanawo-ki ahâtenyte rybe teeryhy ahâtenyteki iwese retÿnydÿÿnyre wese. Aôkôkeki arôtenareny aôtyhy aôkô adeeremy ihÿre.

³ Juhuutyhy adeeremy retÿnynyre iwese raholare wesemy. Kia rare: Kristu iny ôrarureny dee rurure. Kiamy heka ritidÿÿna roire.

⁴ Tule mana wabede-ò rahâlure. Inataô txu idi rÿidi tahe, rubu-ribi rexixare, ritidÿÿna rarybere wese.

⁵ Rexideôsinyre Pedro dee, idi tahe waôinatxi mahâdu dee.

⁶ Idi tahe 500 iny ratyre tuu robire. Kia iny ityhydÿÿdu seriôre mahâdu ibutumy rexibutunymyhÿre Jesusimy robire. Ijô rurure kia butudÿÿnay-ribi, tahe ijô irulemy ihÿmyhÿre.

⁷ Iribi tahe Txiau tuu robire, idi tahe ierydu mahâdu ibutumy tuu robire.

⁸ Ihewo-ribi tahe jiarÿ tuu rabire. Iwese uladu ibededÿÿnanakômy reare wese tuu rabire.

9-11 Jiarý ierydu hewo ludu rare. Uritere erydumy wanidýýõmy watiwâhâre, raixýrure wahe. Jiarý dori juhúu ityhydýýdu mahâdu aõhõkýmýdýýdu rare. Deuxu ruxetõenale dori aõmy watiwâhâre. Iruxetõena aõnihikýmý waki riwinyre. Jiarý dori ibuturatyre aõmysýdýýna rewinyre. Tahe jiarý aõkõ wâhâre. Deuxu ruxetõenamy wahâre jiarý aõbo ada tiiboho aõbo adeereny reiryrenyre, idi kaiboho tetyhynlyetenyte.

12 Kristu rubumy roira-ribi rexixara, kiamy heka rarybemahârenyre. Aõherekibo inyõ rarybereri rurumyhýre-ribi inyõ rexixaõkremy.

13 Inyõ tiu rubu-ribi rexixaõkeki, Kristu tahe rexixaõre tarubu-ribi.

14 Kristu rubu-ribi rexixaõre wana, jiarýboho aõmy waryberenyõna idi aõ atyhydýýnaõna.

15 Kristu inatyhymy rexixaõkeki, inyboho Deuxumy ruimy rybedu mahâdumy roire. Kristu ixixana rybemy dori jiarýboho rarybemyhýrenyre. Kiata bohe Deuxu, Kristu riixix-anyõlere.

16 Rubumy roimyhýre mahâdu rexixaõkeki, taita Kristu rexixaõre.

17 Kristu rexixaõkeki, ainatyhynareny aõ aõkõ rare. Aõrarudile ahâtenyte.

18 Tule, ityhydýý-di rurure mahâdu, biu-õ ròiõtyhy.

19 Kabede-ki sohojile inyboho Kristu riraõmyhýreki, inyboho bedewotyhytyhymy roire.

20 Inatyhymy taheka Kristu rubumy roire-ribi rexixare. Tii juhuuludu rubu bede-ribi dõõsede mahâdumy roirekemy, tai iny tule rekexixarenykre.

21 Iwese hâbu sohojiõ rubu diwyde wese, tule hâbu sohojiõ rubu-ribi ixixana diwyde.

22 Iwese Adaõ-ki ibutumy iny rurukemy rýimyhýkemy tule Kristu-ki ibutumy ixixana kiditakre.

23 Kristu bededýýnana kedehemyhýkreu, rubu-ribi ixyby ixixana kòdõhõnykre. Kristu juhuu rexixare, ihewomy tahe taeryna mahâdu kidiixixanykre.

24 Tai tahe bede konanakre. Jesuisi ibutu wedu mahâdu, bede dinodu mahâdu, Iòlõ mahâdu kanahukre. Tahe ibutumy tyby Deuxu-õ òlõna kidiõkre.

25 Jesuisi tahe ibutu ratyre Iòlõmy ratxikemy rarehykyre. Iòludu mahâdu ibutumy iwarawo-ki rýikre.

26 Iòludu konana heka, rubu rare. Tii tule riixãwididýýnykre.

27 Ryberiti kiawese roire: —Deuxu tahe ibutumy iwarawo-ki ritidireri. Iximy ritidiõtyhy tii dori tidisidu rare.

28 Rexihudi tahe tule iRiõre ritidikre. Tai tahe Deuxu ibutu Iòlõmy rarekre.

29 Rubumy rýira ixyby kedexixaõkeki aõherekibo iny derõwy teratisebenyteri, rubumy roira mahâdu hãrehekýle wahe.

30 Aõherekibo berebunatyhyhyký-txi inyboho iõhãrumy ratximahãrenyre txuõ txuõlemy.

31 Ibututxu rubu rejemyhýre. Adeereny wawowydynatyhymy watzireri. Jesuisi Kristu Inynnyrý òraru-ki. Tai heka kia lau rarybemahãre.

32 Hãbu mahãdu-õ Efesu hãwã-ki irõdu debure-õ aõbina wese resumahãreki aõtyhybo ar-itakre? Inatyhymy aõbo? Rubu rexixaõkeki, rikiroxiryrenyke, rikiõrenyke, biurasõmy dori rukururenkyre. Aõ aõkõ inytyhydýýna. Kia riki ityhydýýdukõdu mahãdu tuu rexirybenyre, abiõwa mahãdukeki.

33 Ixi itxenadýýõmy: kia biõwa bina dori iny ixihemy riatoryhýhýre.

34 Ywityhylemy boibeke, õbitilemy òrarurenõmy, sõwemy iny Deuxu rieryõre. Kia heka iny ixýrudýýnareny rare, tai rarybewãhãre.

35 Tahe inyõ kanarybemyhýkre: —Timybo rubu kedexixakre. Aõumywesemykre iumy?

36 —Itxýte, juhúu alõborõna rabrõõkeki tiu txuhuõna.

37 Telõho iny ribõrõnyõtyhy, ityle iny ribõrõnyke. Iwese maixõmoty ribõrõnyke ada oworuty wese.

38 Ibututy-õ Deuxu iraty umy riwahinymyhýre ixideewireki. Deuxu ixideewimy alõbõrõna ritxuhudýýnymyhýre tímýbo?

39 Dee ibutumy wiwese wese aõkõ rare. Inyde, irõdude, nawiide, uturade ibutumy tahe wiribi hitxi hitxire.

40 Biumy rýira mahãdu tule lahixire, aõwitxira witxira bedemy rýira kia wowydynareny wiribi hitxire. Tii-wana wimy rahitxirananyre.

41 Txuu ahãdu, taina, iloosõnareny wiribi hitxire. Taina ijõ taina-ribi iruxeratyhyre.

42 Tai tahe kia wese rubu-ribi ixixana rýimyhýre. Umy rubu su-õ rahãloodýýnymyhýre rarõnyhe txu. Idi tahe irulemy kòdõhõnykre, alõbõrõna ruhunymyhýre wese tahe umy tuedeõnaõ. Bede luruhuký-ki rahãloodýýnymyhýre, tahe loosõnatyhy-ki kòdõhõnykre.

43 Iruruõ-di umy heka rahãloodýýnymyhýre ibinare, tahe iruxeramy tarurutyhy-di kòdõhõnykre.

44 Iny umy wesemy rahãloodýýnymyhýre, tahe tyytyby wese kia umy-di kòdõhõnykre, biuludu mahãdu wahe.

⁴⁵ Kiamy heka ritidÿÿna-ki roire. Iny umy riuhemyhÿreki, tule tyytyby umy riuhemyhÿremy rÿire: Juhuu inyiru Deuxu riwinyre Adaò heka rare.

⁴⁶ Juhu tahe inyumyreny tayry-di riwinyre idi tahe ritytybybinyre.

⁴⁷ Juhuu ludu häbu suribi ije rare. Ihewo-ribi Häbu biu-ribi ihÿre Kristu wahe.

⁴⁸ Juhuu häbuesemy ibutumy iny bede ludu ihÿre juhuu inytyhy wese wahe. Häbu biuludu wesemy ibutumy biu ludu mahädu ihÿre.

⁴⁹ Tai tahe kabede häbu wesemy inyboho rÿimyhÿrenyrene wesereki, tule biu ludu Häbu wesemy rÿkÿirenyke.

⁵⁰ Waityhydÿÿdu Kia heka rarybemahähyreri, iwese inyboho ihÿmyhÿrenyrene wesemy tiu Deuxu Òlòna-ò ralòòtyhy. Iny umy heka ruruhy umy rare, tai tahe Deuxu Òlòna ritaòtyhy, kowa-ò dori iny umy ruruòtyhy.

⁵¹⁻⁵² Tahe aòbo teeryòte adee aritÿnynykre: Ibutumy iny ruruòkre. Ibutumy ityhydÿÿdu iny ruruòòle iumy riwixiratÿmyranykre, aòwesele reakre, iny tarue riberenymyhÿre wese reakre, ikonana juròna ritxurònykre. Juròna ritxurònykre idi ibutumy ityhydÿÿdu rubumy rÿÿira riumywitziratÿmyranykre umyruedeòna-di. Inyboho ityhydÿÿdu mahädu tulekre.

⁵³ Tahe rehexiwiurònyrenyke, iny bede umy dori rumumyhÿre. Rakaumynykre umy wixira-di taita rukururenyòtyhy.

⁵⁴ Iny umy wixiradikre, tahe kia rybe rexihumy rÿÿkre: Ryberitina rarybere: –Rubu ijesu rikitarenykre:

⁵⁵ –Aòherekibo rubu, aijesuna wawana tetaòta? Aòherekibo tiwamytixtidÿÿnyòte?

⁵⁶ Òraru rubumytixtidÿÿdu rare. Bedeywidÿÿ òraru ruruòÿÿna rare.

⁵⁷ Deuxu umy my rekealàmyhÿkre, tii dori ijesu inybohoreny ritakemy riwiòhenanymyhÿre. Jesuisi Kristu Inynyrÿ-di diwiòhenanymyhÿde.

⁵⁸ Tahe weseriòre luu mahädu, bityhynyhybenyke, wyihyymy ahäbenyke, Wanyrÿ aòmÿsÿdÿÿna-ò hyy tiemy ahäbenyke. Aaòmÿsÿdÿÿna Wanyrÿ dee, idi inydee awimy rarootinymyhÿre.

16

¹ Nierumy ararybekre. Kia bibutunykemy kowa tyhydÿÿdu mahädu-ò, Judeia mahädu wahe. Iwese Alaxia mahädu-ò ròerynanyre wese, kaibohe tule ijò dee bitabenyke.

² Semana juhu ludu txuu, iny sohoji sohoji tiwesebo tòtatenyete jura birarenymahäbenyke rawahikremy.

³ Tai adehemynykre kia nieru rexihumy rÿÿkre myiòtyhy tahe ijò rarasamy. Tahe mobo kai tyryiti-di biditakre, tii-wana nieru iny ariteònykre Jerusalè-ò.

⁴ Tahe jiarÿ arakewana iny dee wikèki, tuu wawana kodoikre.

⁵ Macedonia bede-ò arakre rahudi arehemynykremy adeereny watxireri. Macedonia-di delemy arakre.

⁶ Araroorehenykre òsana biubede taile arahukre awanarenhyhyle. Tai ele elemy biwatyidÿÿnykre titxibo arakemy.

⁷ Deuxudeewikeki urihimyo aòkò akireny bede arieke bededÿÿnana arahukre akireny.

⁸ Efesu häwä-ki Pentecoste woranabedehesi konana-ò ariijekre. Idi tahe arakre.

⁹ Ijòtòbònahakÿ wese irayhyky rÿimyhÿre waaòmÿsÿdÿÿ. Tai waaòmÿsÿdÿÿna irutaòre, ihäre ta wamy òludu sòwere. Namy sòwehyymy taheka òludu rÿire.

¹⁰ Tahe, Tximòtxi rakeki, iixÿru lau biijemy tii dori Deuxu aòmÿsÿdÿÿna diwinymyhÿde wawese.

¹¹ Inyò Tximòtxi-di aòmÿ aòkò ihÿkeki heka wadee awiòre. Wadee itÿÿina-ò biwiòhenanybenyke ywina-di. Reraòmahäre dori ityhydÿÿdu seriòreboho wana kanakemy.

¹² Inyseriòre Apòlo-ò sòwemy rarybewähäre ararenymy rakemy ijò iny seriòreboho-wana. Tahe tii heka Deuxudeewimy aòkò idi ròhòtinymyhÿre. Idi tahe rakre ixideewimy tiu txumybo.

¹³ Aòu aòu bexiywinylemy borukubeke. Inatyhymy òbitimy myibenyke, häbu rurutere wesemy bexirurudÿÿnyke.

¹⁴ Aòhebo botÿÿnybenykemy ywina-di luuna-di botÿÿnymy boibemahäke.

¹⁵ Tefana, tasÿ mahädu-wana Akaia bede ludu-ki ityhydÿÿdumy juhuru rare. Kia teerytenyete. Tiibohe ityhydÿÿdu mahädu wiòhedÿÿduhyymy ihÿrenyrene.

¹⁶ Tamy bohohabenyke, ibutumy tamy wityhymy biwinybenyke. Tule kia wese wiòhedÿÿdu biwiòhenanybenyke.

¹⁷ Tefana, Fortunatu, Akaio kaò ditehemynydenyde. Taita wadeysamy watxireri. Tiibohe riwawìòhenanyrenyrene kaibohe kaki aòkò atximahätenyeki.

¹⁸ Tiibohe wawo-ribi riwateysadÿÿnyre, araykyreny òsÿny tule wahe. Kia mahädu heka ratyhydÿÿmyhÿke.

¹⁹ Kaki Asia bede-ki ibutumy dohodỹna mahãdu tarybe wehityhyna adeereny riwahinyreri. Akila, Prisila-wana taluuna Wanyrỹnimy rybe adee riwahinyrenyneri taheto-ki dohodỹnareneny mahãdu tule wahe.

²⁰ Ibutu seriõre mahãdu rybe wehityhyna adeereny riwahinyreri. Birybenybenykreu wii bimybenykre wiwetya-ki seriõrewesemy tamy luòsõna òbitityhyna-di buòbenykre.

²¹ Iroo tahe jiarỹ ariritinykre wadebò-di wahe. Jiarỹ Paulo warybe wehityhyna rewahinyre.

²² Inyõ Inynyrỹ luuõkeki, aõbinahakỹbo tamy kanake, kiamy rexirybenyre: 'Maranata' kia heka Jesuisi wymy kanake rare.

²³ Deuxu luuna adeereny kanakemy idi watxiwãhãre.

²⁴ Ibutu-ò waluuna Jesuisi Kristumy. Kie.

2 Oritxi Mahãdu-ò 2 Oritxi Hãwã Dohodÿÿna Mahãdu-ò

¹ Jiarÿ, Paulo, Deuxu deòduò watzireri Deuxudeewireki. Tahe katyriti rewahinyrenyre Oritxi hãwã dohodÿÿna mahãdu-ò. Iny seriòrerenyre Tximòtxi wawana ihÿre. Tule rewahinyrenyre ibutu ityhydÿÿdu mahãdu roholakemy Akaia bede-ki.

² Ruxetòena, ywina-wana adeerenyre kanakemy idi watzireri Deuxu inytybyrenyre-ribi Jesuisi Kristu Inynyrÿ-ribi.

³⁻⁴ Deuxu heka Jesuisi Kristu tyby rare. Iny wiòhedÿÿdu ihÿre. Ruxetòena sòwemy inydeerenyre riwahinyrnyhÿre. Ibutumy aòmydÿÿna-di riwiòhenanyrnyhÿre. Tai tahe iny wixira rikiwìòhenanyrenykre Deuxu wiòhedÿÿna-di.

⁵ Iwese Kristu aòhòkÿmy dÿÿnana kaiboho teerytenyte wese, Kristu wiòhedÿÿna bitamy bierybenyke.

⁶ Jiarÿboho aòhòkÿmy arotÿÿnyrenykreu, awiòhenadÿÿnyrenykreu tuukre. Tai tahe tarasana iribi bitake. Deuxu-ribi wiòhedÿÿna arimynyrenykeki, kia biu-ò hena iribi bimyke arawìòhenanyrenykreu. Tai tahe kaiboho arururenydikre aòhòkÿmy botÿÿnybenykreu.

⁷ Tahe wararòsòna sòwemy ihÿre akireny. Tiubo aòhòkÿmy dÿÿnanamy botÿÿnybenykreu tule wiòhedÿÿna bitabenyke iwese aritarenykre wese.

⁸ Waityhydÿÿdu seriòre, Asia bede-ki jiarÿboho sòwemy aòhòkÿmy ratÿÿnyroiremahã. Wadeerenyre heka isiratyhyre ibede-ki. Tai heka raberumy roiremahã arururenykre lau.

⁹ Rahòtynyrenyre tai wakananarenyre sana. Kiamy heka wadeerenyre ditÿÿnynde bedeenyrenyre: ixi-di inyò nohòtiòmy, Deuxudihyule wahe. Tii dori rubu-ribi ixixadu rare.

¹⁰ Inatyhymy tii riwatarenyre kia brebuna-ribi. Ibutu aòna aòna-ribi riwatarenykre ixityre.

¹¹ Kaiboho dori wadeerenyre Deuxu-ò texitòenytenyteri. Tahe ibutumy ixitòena-ò Deuxu kodoholakre tai riwiòhenanykre. Tahe ibutumyiny Deuxu ritealànanykre.

¹² Ibutumy jiarÿboho heka kia Deuxudeewimy rewinyrnyhÿrenyre. Tai heka wadeysarenyre jiarÿboho. Awanarenyre heka tule rarybemahãrenyre: òbitinamy, Deuxu rurunamy. Iny raykywydyna-di aòkò wahe, Deuxu raykywydyna-di.

¹³⁻¹⁴ Idi mariakele, biritinykele, bierykele, kia reritinyrenyre adeerenyre. Wiji urihimyòle teerymy toite. Jesuisi txu tahe ibutumy bierybenyke. Jiarÿboho areysarenykre bierybenykeki wahe. Tule kaiboho beysabenykre.

¹⁵⁻¹⁶ Juhuu rahòtynyre kiawesemy: arakemy ixi-di rahòtynyre. Juhuu heka Macedonia hãwã bede-ò arakemy ixi-di rahòtynyre. Iule tahe aroramy arakemy heka ixi-di watxiwãhã. Òkeseu tasÿ tule, aroramy adehemynykre. Tai wiòhena inatximy bitake. Jiarÿ ayrenymy areakre, Judeia bede-ò arakemy kaiboho biwawìòhenanybenyke.

¹⁷⁻¹⁸ Reòsamy watzirerimy aòbohe wadi tahòtynytenyteri? Ixiòrarukile aòbohe tuuremy adee araxixikre? Tuu aòbo iximy rarybere kohe, myÿ, iule. Aòkòre, myy rarybere, iule wahe. Inatyhymy aòbohe rarybereri. Aòkòre rarybeòre. Jesuisi Kristu heka warybe rieryre. Kohe, myy, iule.

¹⁹ Tai heka raryberenyre: –Inatyhy rare. Myÿ wahe, Deuxudeewinamy. Sila Tximòtxi-wana kia Deuxu rybe-di adeerenyre ritÿÿnyre, Jesuisi Kristu iriòremy, jiarÿ tule adeerenyre kia retÿÿnyre.

²⁰ Nyboho ratximyhyre Jesuisi Kristu-ò. Kristu heka Deuxu widÿÿdu ratzireri. Inyymyrenyre ratximyhyre. Deuxu heka tuu iny rierynanyrnyhÿrenyre, tii inatyhy.

²¹⁻²² Tii heka iny ritamyhÿrenyre; rihitximyhyrenyre; tahòrò mahãdumy riwinyre. Inydeerenyre riwahinyre Deuxu Tytybytyhy inyworeny-ò risÿnyre. Tai heka inyboho ròhòtynyrenyre inydeerenyre ibutumy riwahinykreu.

²³ Deuxu heka warayky rieryre. Tai heka rarybemahãre, inatyhy raòre Oritxi hãwã-ò. Tai heka adiride ixinamy.

²⁴ Araryberenyòtyhy jiarÿboho aòbo bityhynybenykemy, marybebenykemy. Kaiboho dorihe inatyhyna tetyhynytenyte. Urile tahe arawìòhenanyrenykre deysana-di Deuxu Tytybytyhy dee deysana-di.

2

¹ Tai wawo rerahòrera. Arakemy aòkò abedeòtiidÿÿrenymy ixityre.

² Arabedeòtiidÿÿnyrenykeki tahe mobo riwateysanykre. Kaibohole toite.

³ Tai adeerenyre reritinyre. Anaòtyhy heka abedeòtiidÿÿrenymy. Kaiboho dori deysana-di biwasÿnybenyke. Iu wadeysamy watzireriu, kaiboho tule beysabenykre. Kia heka reerywiwire jiarÿ.

⁴ Adeereny reritinyre bedewona-di ranywãhãu; warube rytynmahã. Bedeòtidÿÿna-di arasÿnyrenykeny aõkõ kÿny. Tahe timybo aluurenyremy kaiboho bierybenykeny adeereny reritinyre.

⁵ Bedewonamy relyykeki, tiu inyõ wii ribedewonyreu, riwabedewonyõtyhy. Aõtxi arabedewonyreny. Waryberiti isirare aõkõ ihÿre.

⁶ Aõhõkÿmy dÿÿnanamy yla aõkõ rotÿÿnyre. Tai ixinamy rarekre wiji.

⁷ Wiji tahe iwitxira aõmydÿÿnana biwinyke: biwiõhenanyke iixãwididÿÿnadikemy. Tai tahe bedewona-di sõwetyhymy riatyõtyhy bedewona-ribi wahe.

⁸ Tii luunatyhy-di bierynanybenyke.

⁹ Tai heka adeereny õnosõna rewahinyre. Tai juhoo waritidÿÿna adeereny rewahinyre. Jiarÿ heka kaiboho rexiywinymy aõbo atxitenyteri ityhydÿÿna-õ. Kiamy adireny watxireri.

¹⁰ Kai biixãwididÿÿnykeki heka, jiarÿ tule ariixãwididÿÿnyke. Kia adeereny rikiwinyrenyke Kristu õraru-ki.

¹¹ Tahe Satanasi tiu iny riatyrenyõtyhy. Inyboho rieryrenyre tii kia riwinykeny riwisÿnymyhÿré.

¹² Jiarÿ heka ròirenyre Troaji-ò Rybewihikÿ tÿnydÿÿmy Kristuni-di. Tamy retehemynyreu, isiraõlemy tai Rybewihikÿ dohodÿÿmy, Inynyrÿ riwawiohenanyre wahe.

¹³ Tahe wabedewomy watxiwãhã inyseriõreny Txitu-ki rahaõrekí. Tai tahe kia iny mahãdu reteõwarinyre arakemy Macedonia hãwã-ò rare.

¹⁴ Tahe Deuxu deysana! Deuxu-wana watxiwãhãreny. Tahe kia ijesu tai ritake. Kristu heka ridykre ijesu tarasadu mahãdu. Rokoirenykre heka ihe-ki.

¹⁵ Iwese aderõna lÿnyrehkÿ ibutumy idi riãlãnymyhÿre wese heka, kia wese inyboho roire. Ibutumy iny rierykeny heka ityhydÿÿdu mahãdu rÿirerimy ihÿre. Lÿnyrena wihikÿ Kristu ritoonyre wese Deuxu-ò inyboho roire. Iny lÿnyrena wese heka rare. Ityhydÿÿdu, ityhydÿÿdukõdu mahãdu-ò ramyhÿre.

¹⁶ Kia rityhynyõmyhÿre mahãdu tahe, tÿnyre rirubunyre. Rityhynymyhÿre mahãdu tahe tÿnyre iruweselemy rare. Kia aõmysÿdÿÿna biwinybenyke. Isirare heka iaõmysÿdÿÿ.

¹⁷ Inyboho heka sõwemy inywese aõkõ iny roire. Iwese iny riwymyhÿre aõwyrìore idi ijohomy, kia wese karybe rare. Kia Deuxu deõdu mahãdu heka iõwydimy aõkõ rybe riwymyhÿre. Tahe inyboho heka inatyhymy rarybemyhÿreny. Deuxu dori inydeereny rarybere õbitinamy. Riwateõnyrenyre õbitina-di araryberenykeny.

3

¹ Timyre heka tyriti ritididÿÿnamy raruõhymahãreny jiarÿboho awirenyremy. Tahe waribireny tule aribireny kia Ritidÿÿna arihurenyõtyhy.

² Kaiboho heka Kristu tyriti wese aõma toite. Riritinymy heka roimyhÿre inywo-ki, inyrayky-ki. Idi riramy kaiboho burubenykeki, aõbo kaiboho tewinymahãte heka tamy betehenyke. Tai tahe rierymy idi rariake ixideele. Idi rariake hãre tahe idi rexibeereynyke.

³ Kaiboho heka Kristu tyriti wese heka toite. Inydeereny iwahidÿÿmy heka tii rare. Kia tyriti wixiramy rare. Aõ ritidÿÿna manamy aõkõ riwinyreri. Deuxu Tyytybytyhy-di tahe riwinyreri. Aõ manatyre-ki aõkõ ròritidÿÿreri inyraykyreny-ki, inywo-ki ròritidÿÿmyhÿre.

⁴ Deuxu heka retyhynymahãre, Kristu õraru-ki wahe. Tai tahe tuu raryberenyahãre kiawesemy.

⁵ Jiarÿboho heka warururenyõhyre kaa aõmysÿdÿÿna widÿÿna-ò. Iny ruruna heka Deuxu-ribi sohojile nade. Tii iny wiõhedÿÿdu, aõ iny rikiwinymyhÿrenyke-ò wahe.

⁶⁻⁸ Irybe tÿmyra dohodÿÿdumy heka inyboho roire. Ihetxiu bede ywina wese my aõko heka ròritidÿÿre Deuxu Tyytybytyhy ihÿre. Ihetxiu bede ywina heka rubu diwyde. Deuxu Tyytybytyhy iruna riwahinyre. Ihetxiu heka manatyre-ki ròritidÿÿre. Deuxu loosõna tule rõhõnyre, riwahinyreu wahe. Moisesi õsÿny-ribi sõwemy loosõna rõhõnyre. Idi tahe riixãwididÿÿnyre. Tahe judeu mahãdu reteheõhymyhÿre iõsÿny-ò, iõsÿny loosõnadireki. Deuxu Tyytybytyhy heka iratyre awimyre rare, iny-ò dori Deuxu irutyhy riwahinyre. Tahe bede ywina nade loosõna wiwihikÿ-di bede ywina tÿmyra tahe iratyre awi rare.

⁹ Tii heka iny-di ixãwikemy ratxireri.

¹⁰ Tahe iratyre rybe tÿmyra rare. Iny õraru-na-di ixãwikemy ratxireri.

¹¹ Kia urihimyo rÿire awi rare. Iratyre tahe umyuedeõna rare.

¹² Iny rarõsõna sõwemy ratximyhÿreny. Tai tahe inyboho ruberuõhymyhÿreny.

¹³ Moisesi wesemy aõkõ rakatximyhÿreny. Imahãdu raykytxymy dori rÿirennyre.

¹⁴⁻¹⁵ Imahãdutxymy dori rÿirennyre. Moisesi bedeywina-di rariakeki, irayky ritõbõnyke. Kia rieryõreny iraykyreny ratxynymyhÿreny.

¹⁶ Kristu rityhynyre xiery, irayky raraymyhÿre. Iwese Moisesi òsÿnytòbòna iòsÿny-riibi resere wese kia rare.

¹⁷ Kia Tyyriti-ki Inynyrÿreny heka Deuxu Tyytybytyhy rare. Tikibo Deuxu Tyytybytyhy rÿikeki kowa ibutumy iny ixinamy rÿike.

¹⁸ Tahe ibutumy inyboho heka Deuxu wowydyna iny òsÿnyÿreny-ki ijòdire. Iwese iny òsÿnyreny itxena-ki iny retehemyhÿ wese, Deuxu wowydyna ibutumy robimyhÿke iny òsÿnyreny-ki. Inynyrÿ he Deuxu Tyytybytyhy rare. Iribi tahe wowydyna nade. Kia wese inyboho heka Inynyrÿ wesemy relemyhÿreny. Inihikÿmy delemyhÿdenyde. Tii dori iny worenny-ki raaòòtaòtamyhÿre.

4

¹ Deuxu taruxetòena-di heka kia aòmÿsÿdÿÿna inydeereny diwahinyde. Tai heka ikonanakòdumy idi rakatximyhÿrenyke.

²⁻³ Ibutumy heka rikiwinymyhÿrenyke aòbo òbiti rare. Aòbina binahakÿ widÿÿ-ò heka rekekijerenyke aòbo òbitirele heka rikiwinyrenyke; rikiwiurònyrenyòtyhy heka Deuxu rarybereriki, tuu. Deuxuruòhyyle rikiwinyrenyke. Inatyhyna loosòna-ki heka rakatxirennyke. Ibutumy heka rikiwinyrennyke ibutu itxerena òbitimy wahe. Inyboho ritÿnynymyhÿre Rybe tymyra wihikÿ. Inyò-riibi riwòmny roimyhÿkeki tahe kia rityhnyòmnyhÿrele tuu ritidimny roike.

⁴ Kiakeki tahe Satanasi iitxeredÿÿ-ò riijònyreri loosònamy robike lau. Deuxu binadÿÿna rare. Ibinadÿÿdu wesemy ratxireri. Kaa loosòna-ò iny riitxeredÿÿnyhyymyhÿre aòma Rybewihikÿ tÿmyra-ò. Rarybemyhÿre dori Kristu heka Deuxu yrubule rare.

⁵ Iximny aòkò rarybemahärenny. Inynyrÿ Jesuisi Kristulemy heka rarybemahärenny. Inyboho heka deòdumy inyboho ratximyhÿrennyre adeereny. Jesuisi òraru-ki kia rewinyamahärenny.

⁶ Juhuu Deuxu rarybere: –Bedeluru-riibi heka loosòna doosòmnyhÿde. Tii heka loosòna-di inyraykyrenny ritoosònanymyhÿre. Tai heka iny Deuxu erysydÿÿna inyboho rierenyrenny. Kristu òsÿny-ki sohojile tuu rokobirennyke.

⁷ Kia heka aòna aòna wiwi inydeereny heka rare. Ihyna òwry riòre wesemy inyumyrenny ratxireri, butxi weselemy wahe. Tai heka Deuxu sohojile irurudire, inyboho aòko irurudire.

⁸ Ihàrele heka aòbo iny riwinyke rieryòhyymyhÿre timybo aò iny riwinyke heka.

⁹ Aòhòkÿmy dÿÿnana heka inydeereny rehemynymyhÿre tai inyboho ikyhynamy riemyhÿrenny. Inyboho heka bedewodihny ratximyhÿrennyre, tahe tiemy iny raròsònarennydihny inyboho ratximyhÿrennyre.

¹⁰ Inyboho heka itxi tòhòti reahny inyboho ratximyhÿrennyre, Jesuisi rubuna-txi wahe. Kaki tahe iwese Jesuisi raremyhÿ wese heka rakatxirennyke. Tai iny witxira heka tuu robikre kiamy, Jesuisi rirudÿÿnanamy.

¹¹ Jesuisi òraru-ki heka brebunahakÿ-ki inyboho roire. Kia wese-ki heka iny Jesuisi runamy robikre inykireny.

¹² Kia-ki heka iny rubukonanarenny inykireny rare. Tahe iruna akireny tule ratximyhÿre.

¹³ Kiamy heka Ritidÿÿna roire: –Jiarÿ retyhynyre. Taita rarybere: –Kia weselemy roire. Retyhynyrennyreri tai heka jiarÿboho tule raryberenyrenny.

¹⁴ Jesuisi ixixadÿÿdu heka rare. Kaa tule inyboho tule riixixanyrennykre. Rikirònykre heka Deuxuko-txi. Kaiboho tule boibennyke wawanarenny.

¹⁵ Jiarÿ wawanarenny kia adeereny relere. Tamy Deuxu ruxetòena sòwetyhymny ramyhÿre-wana heka riwahinymyhÿre iratyre sòwetyhymny tamy deàlana riwahinymyhÿre. Kia heka Deuxu wowydyna-ò tuu ratximyhÿre. Bedewoòmy.

¹⁶ Inybedewonaòhyre heka. Iny umyrenny retybynyre. Txuò txuòlemy heka ratÿmyranyke inywo-ki. Tiie heka aòbo rierenyre inatyhy wahe.

¹⁷ Iny bededÿÿnanarenny heka urihimnyòle roimyhÿre. Iny wowydynarenny-ki heka aòhòkÿmy dÿÿnana inyboho ritarenny inydireny retehemyhÿre. Retyhennyrenny wowydyna-ò awityhyrenny inyboho idi retehemyhÿre iny idi retehòmnyhÿredi.

¹⁸ Aòbo iny tuu robimyhÿre bede bedemy tuu iny robimyhÿre ibutumy idi reamy. Aòbo iny tuu robiòmnyhÿre heka tiu itueòtyhy. Kia-di tahe inyboho ròhòtinymyhÿre.

5

¹⁻² Inyummy tÿmyrahakÿ heka inydeereny kidiwahinykre Deuxu, iwitxira biu bede-ki wahe. Aò hàbu wahisidÿÿna-ki aòkò Deuxu-di wahisidÿÿna-ki heka tuukre kia umny tÿmyra wahe. Tiu heka itueòtyhy. Rakabedeworennykre heka bede-ki iny telesòrenny-ki rasÿnyreki inywo-ki wahe.

³ Inyboho heka biubede-ki inysýreny inyummytýmyra-ki rōkōhōtinymyhýrenyke. Kaa iny умыreny wahe. Rabedewomyhýreny. Umy týmyraō heka rikitarenykemy inyboho ratximyhýreny.

⁴ Aōherekibo inyboho wiji rabedeworenyre? Inyboho heka Deuxu bedewihiký-ò arōirenykekō aōbo? Inyreny rikitarenykemy aōkō wiji. Kaki aōhōkýmy dýñnana riwawobededýñnyra. Kia aōbo умы týmyra tyre tahe rikirutyrenyke ijō wahe. Ijō rikitarenykre умыtuedeōnaō. Tiu itueōtyhy. Kia riwinyre inydeereny kia wahe.

⁵ Deuxu dori tuu rarybereri inydee riwahinykremy. Tatytybytyhy dori diwahinyde diteōsinyde.

⁶ Kia iwese juhuu rarybere wese heka tuu rotýnykre. Tai heka inyboho teysamy ratximyhýreny. Kabede-ki inyboho ratximyhýre heka inyummyreny ratximyhýre heka aō Inynyrý-wana aōkō ratximyhýre.

⁷ Tiu heka rokobirenyōtyhy rikityhynyrenykekile ka idi rakatxirenykre. Inyboho rieryreny timybo rarekre wahe.

⁸ Jiarý wadee awire kabede-ribi arexitate Deuxu-wana arasýnyke wahe.

⁹ Aōma tamydeewimy heka tuu iny riwinyke wahe iny-wana rasýnyke. Kaki iny ratximyhýre tahe aōbo awire heka tamy awire.

¹⁰ Inydireny retehemyhýre. Aōbo inyboho riwinymyhýreny. Aōbina bina rikiwinyrenyke heka aōhōkýmy dýñnana inydeereny riwahinykre. Aōwihiký riki rikiwinyrenykre wana tasý. Aōbo awityhy inydeereny kidiwahinykre.

¹¹ Inynyrý heka inyboho rityhynymyhýre. Tai inyboho iny wixira-ò tuu sōwemy relyymyhýreny. Ibutumy heka Deuxu iny rierymyhýreny. Kaiboho heka tule tiwaerymahātenyde.

¹² Kia heka reraōmy watximyhýrenyre biwaerybenyke. Ararybeōtyhy heka adeereny jiarý awiremy. Tahe wadee ka awire kaiboho waluurenkye. Hābu iumyle awimy rýirerimy ihýreny idi rōhōtinymyhýre. Tii heka ōbiti aōkō rare. Kia biwyōnybenykemy adireny watxireri.

¹³ Juhuu iny rieryreny itelesō. Inymyreny rarybekeki itxýtemy inyboho roiremy. Rakaryberenyke heka aōbo inyboho dori Deuxu dee. Aōmysýdýñrenymyhýreki inydireny rōhōtinymyhýre. Inymyreny rarybekeki inyboho awilerenyreny. Iōrarureny-ki tuu rakatxirenyke.

¹⁴ Kristu luuna heka kiamy iny riraykydýñnymyhýre. Tii heka rurure iny ibutudee. Tii rurureu, ibutumy inyderōwrenymy rurure.

¹⁵ Rurure heka aōma iny ixidee sohojile irumy rareke lau. Kia tako-ò rakreu tamy heka irumy rakre. Tamy dori rurure tai rexixare rubu-ribi.

¹⁶ Rakaraykynyrenyke timybo hābu awiré, ibinaré. Kaimy heka rakaraykynyrenyke. Aō iwese iny wixira raraykynymyhýre wese aōkō raraykynyrenyke. Aōma inyboho aōbo Jesuisi Kristu-di raraykynymyhýre heka. Ixityre aōbo tuukre.

¹⁷ Tii heka умы týmyra tuedeōna-di ratximyhýre iwixira ratximyhýre. Juhu iaōmydýñnana iribi ixāwira. Tahe wiji raraykywydnanyre iwixiramy. Ibutumy iaōna aōna ihetxiu heka rawitxiranyre, awi-ō.

¹⁸ Deuxu heka ibutumy kia riwinyre tamy. Inyboho heka iōludu roire, juhuu wahe. Wiji tahe iliinamy ijoi ratximyhýre. Iny wixira heka iliinamy rarekemy idi watxiwāhāre.

¹⁹ Wiji tahe timybo Kristu rarybekremy heka adeereny rarybereri. Aōma Deuxu kia liinamy rarekemy wahe. Ixinamy Deuxu. Ka Deuxu aō anaumywitziranydenyke. Kia Kristu ōraru-ki tuu ratximyhýre.

²⁰ Jiarýboho Deuxu deōdu roire. Tai Kristu derōwmy adeereny rarybereri: Iluuna ixidee ixyby bimybenyke. Wii biwowixinybenyke.

²¹ Deuxu heka iny ōraruna ritidire Kristu tyre-ò. Kristu inyōrarunareny riwyre. Wiji tahe Deuxu ōbitina inydeereny riwahinyymyhýre.

6

¹ Jiarýboho tahe raaōmysýdýñnyrenyke Deuxu dee. Deuxu ruxetōena dori tetatenyde, tai idi mohōtinymyhýre, ōhōtirenymyhýre-ribi losaōmykemy.

² Boholabenyke aōmybo Deuxu rarybereriō. Jiarý heka aluurennyre iurenana tahe ka arybe-ò raholareri. Arawiōhenarennyre iu wadee textitōenyteu, wadee taryteu. Boholake wiji heka bitabenyke Deuxu ruxetōena. Wiji heka biu-ò hena txumy bede rýire.

³ Inyō iny aōmysýdýñnarenymy ibinamy rarybekeki, uritere ijō iny bedeworenyōmy, jiarýboho ōraru-ki.

⁴⁻⁵ Jiarýboho dori Deuxu deōdutyhy roire. Tai rikiteōsinyrenyke ibutumy aōbo inyboho dori Deuxu deōdu roire. Tai riteōsinyke ibutumy aōbo iny riwinymyhýre. Aōna

aõna rikiteòsinyrenyke. Òhòte wakireny rjĩmyhỹre. Ròtenawo-ò ralòmyhỹrenyke. Bedeweweky-ki aòhòkỹmy ratỹnyrenyhe. Sòwemy heka reòludunyre aõnana bina binahakỹ reòludunyre. Aõ òta òta reòludunyre. Sòwemy heka raaòmysỹdỹnynihikỹrenyke. Sòwemy heka aòmysỹdỹnadikre; tỹikò bede reijerenyre; byreòmy bede reijerenyre;

⁶ Òbitimy heka rewinyrenyre. Aõma, ywiny-di ròwidỹnyrenyke bedeeryna-di. Ka roirewãhã iny iwitxira rewiohenanyre. Ibutumy kia rewiohenany roirewãhã. Deuxu Tytybytyhy heka wawanahy roiremyhỹ. Luuna heka inydee reteòsinyrenyre Inatyhyna rybe heka retỹnynmahãrenyre. Sòwe heka ritỹnynymy, jiarỹboho Deuxu deòdu roire wahe.

⁷ Òbitina dori wadebònarenyre wese rare Satanasi itxemy. Jiarỹboho heka remymahãrenyre aritarenykemy. Tule iny rexijemyhỹre òbitina-di.

⁸ Ijò heka waluurenyre inyò tasỹ aòbina binahakỹle wadee riwinymyhỹre. Ijò heka Rybewihikỹmy wadee raryberemyhỹre. Ijò tasỹ rybe binamy wamyre, raujòmo. Inatyhyna rarybemyhỹre. Tai wamy ruidu riwaninimyhỹrenyre.

⁹ Ibutumy heka iny riwayrenyre. Tahe rieryòhymy heka inatyhy rare. Watxiwãhãrenyre rubu wese ihãre tahe warumy watxiwãhãrenyre. Tiiboho heka rubu wesemy inydireny ratximyhỹrenyre. Aòhòkỹmy ratỹnyrenyre hãre raruòhyylemy watximyhỹrenyre.

¹⁰ Aõna aõna heka bedewonihikỹmy ròhònyre. Tiiemy wadeysahy watxiwãhãrenyre. Jiarỹboho heka urimynodule watxiwãhãrenyre. Ibutumy inyboho rityhydỹnyrenyre. Aòhomy aòkò inyboho ratximyhỹrenyre tahe ibutumy inydire roimyhỹrenyre.

¹¹⁻¹² Tahe kaiboho ityhydỹdu seriòre mahãdu Oritxi hãwã-ki. Jiarỹboho heka kaa òbiti-my aõna aõnany rarybemyhỹre. Kaiboho heka ijohona derarenyre aõmybo rarybemyhỹrenyreò. Jiarỹboho heka aluurenyre.

¹³ Kai wariòre wesemy adee rarybereri. Iy wese jiarỹ aluure wese, kai waluurenyre.

¹⁴ Boholabenyke warybereny-ò ityhydỹdukòdu mahãdu-wana aòmysỹdỹrenyòke. Timybo òbitinaò heka aòbinaò-wana raaòmysỹdỹke. Timybo heka loosõna bedeluru-wana ratxike? Aòkòre! Tiu wiwana rauriòtyhy.

¹⁵ Satanasi heka Kristu-wana raaòmysỹdỹnanyòtyhy. Itydyỹdu mahãdu wiwesehyyle raraykynykemy rjira. Ityhydỹdukòdu mahãdu-wana tahe wiraykyweseke aòkòre.

¹⁶ Deuxu aòmysỹdỹna heka iwitxi rare, suritxoo aòmydỹnana-ribi, wahe. Kaiboho heka Deuxu dohodỹna ijoimy toite Deuxu oworeny-ki ratximyhỹre. Deuxule heka kawesemy rarybere: –Jiarỹ heka wasỹ ariwinykre ayreny-ki. Jiarỹ iDeuxumy aronykre tiiboho waijoimy. Rorokurenyre. Tai tahe Inynrỹ rarybere wiribi bihitxinyke. Inybina-ribi bexihitxinybenyke.

¹⁷ Bexiebenyke òbitikòre-ribi wahe. Uritere tamy adi rexihumy, ixierya aramyrenyreke ixidee wariòre wese.

¹⁸ Warurutyhymy adee rarybere. Boomy heka adireny ararekre, jiarỹle wahe. Deuxu rurutere rare jiarỹ.

7

¹⁻² Deuxu ibutumy tuu rarybere: –Kai ityhydỹdu waseriòre mahãdu. Tai tahe rikexiòbitinyke ibutu aòmydỹnana-ribi. Iny umyreny-ki rokobirenyke inyumyreny-ki. Òbitimy heka rakatxirenyke iko-ò, Deuxuko-ò. Aõma waluumy heka atximahãbenykemy rahòtinyinwãhãrenyre. Iny-ò aò bina bina rewinyòhywãhãrenyre.

³ Tuhe kaa rarybere tahe ixityre anarybekre. Aluurenyre jiarỹboho ibutuhyle ratximyhỹre iny rummy ratximyhỹre hãre tasỹ rukururenyre tulekre.

⁴ Wadee heka awire ibutumy kaiboho ratximyhỹrenyre. Kai aòwitxira witxira wadeereny rjira iny retyhynyke. Isirare heka wadee kia ratximyhỹhãrele Wadeysatyhymy heka watxiwãhãre, wiòhedỹtyhy òraru-ki, ijyy òraru-ki.

⁵ Jiarỹboho retehemynyre Macedonia bede. Taita tule elehynaòhyre wadereny. Ibutumy heka aõna aõna, òta òta witxira witxira; bede bede ihymy aòkòre rjire tai. Aõma bedewonihikỹ heka watelesòreny-ò ralore.

⁶⁻⁷ Deuxu riwawiohenanyrenyre; Txitu diteònyde wadeereny. Tii rybereny heka awiremy kaiboho. Tai tahe reysarenyre jiarỹboho. Kaiboho tabedewomy atxitenyteri waòraru-ki. Katahe wadeysa nihikỹmy watxireri.

⁸ Adeereny warybetyriti rewahinyreki tabedewomy atxitenyete. Tai tahe reysamy watxireri. Ihãrele heka tyriti adeereny arawahinykre. Kaiboho heka tabedewotenyete iribi tahe aòmydỹna kaiboho tewitxiranytenyete teòbitinytenyete ibutumy.

⁹ Tai tahe jiarỹ reysamy watxireri. Aòbinare dori rewinykòre arawiohenyrenyre heka.

¹⁰⁻¹¹ Deuxu heka iny ribedeòtiidỹnyrenyhe iny ywimy riraykydỹnykemy. Kia kidi-wymyhỹke inydee tarasana wahe. Tii heka awire. Ijò bedeòtiidỹ tahe bede ludu bede òtiidỹ. Kia tahe rubu diwymyhỹde. Kaiboho heka tabedeòtiidỹnyrenyhe. Deuxu

heka kia riwinyre awiòhedÿÿnamy aõma kaiboho awirenyre. Aõ witzira witzira sõwemy akireny rÿireri, aõ òta òtareny. Kiadile tahe aõma òbitihyymy òhò ayreny-ribi kaiboho heka taykarananytenyte. Kaiboho heka waluudumy tetelenyte. Kaiboho biwinybenykemy aõbo òbitimy ratximyhÿre iwiddÿÿmy tarontenye. Ibutumy heka òbitihyymy rarekemy idi tetehetenye.

¹² Tai kia tyriti adeereny rewahinyre. Aõ kia rewinyre heka aõ iny iòarudikekile aõkõre rewinyre. Idi aretehekemy heka. Kaiboho waluurennytyhyre aõbo òraru-ki wahe.

¹³ Tai heka wadeysamy watxiwãhãre. Aõ inyboho sohojile aõkõre teysa ratximyhÿrenye. Txitu tule teysamy ihÿmyhÿre, kaiboho tawiòhenanyteki

¹⁴ Tu heka rarybere adeereny kaiboho dori awimy tai tahatenyta awityhy. Adeereny heka inatyhyhy rarybemahãrenye, inatyhnamy. Tule mobo rarybere Txitxu-ò. Ka tahe inatyhy rarybemy ratximyhÿre.

¹⁵ Tai heka Txitu kia luuna heka aõnityhymy akireny rare. Itxi heka tõhõti akireny aõma Deuxu tetyhynmahãte-txi. Kaiboho tedytenyteki. Ihãrele urihimyo ruberumy ratximyhÿ.

¹⁶ Reerymahãre jiarÿ kaiboho òbitimy boibekre. Tai wadeysamy watxireri.

8

¹ Deuxu ruxetõena-ki heka sõwemy riwinyre Macedonia dohodÿÿna mahãduy-ki wahe. Jiarÿ tuu arelyykemy idi watxireri waseriõreboho.

² Sõwemy heka iaõna aõnareny iaõtaòtarenyre tiiboho. Aõhõkÿmy rotÿÿnyreri tiiboho. Ihãrele ka deysamy heka relereny. Reysarenny heka. Tiiboho heka iaõkõrenye. Aõhohomy aõkõ heka roiremyhÿ. Kiahãrele heka sõwemy riwahinyre tamahãdu wiòhedÿÿmy.

³⁻⁵ Riwahinyre heka sõwemy ixideewimy. Sõwemy riwahinykelemy wadee rarybere. Tiiboho heka sõwemy wiòhedÿÿmy rurumy roiremyhÿ. Tai inyboho ribedeòtiinyre sõwerek. Kia judea bede, dohodÿÿna mahãdu, kia wiòhedÿÿmy. Juhu heka tiiboho rexiwahinyrenye Inynyrÿreny-ò. Tule Deuxu deewina inydee riwahinyre. Iny wiòhedÿÿnarenymy rexiwahinyre.

⁶ Tai tahe jiarÿ rarybereri Txitu-ò: —Kai biwiòhenanykemy iaõmydÿÿnarenny-ò.

⁷ Kaiboho heka sõwemy tetyhynyteri. Kaiboho heka Deuxumy awimy tarybemyhÿtenye. Kaiboho heka teerytenyte Deuxu aõmydÿÿnana. Kiaboho heka waluureny waluuurenymy boibeke wawiòhedÿÿdurenny. Biwawiòhenanybenyke. Tai heka sõwemy bexiòlòdÿÿnybenyke adireny watxireri.

⁸ Aõ bede ywinaõ heka adeereny rewahinyòhyreri. Arierykemy heka idi watxireri timybo aluuna ratximyhÿremy. Tii riteòsiny heka timybo ijò dowiòhedÿÿmyhÿdemy. Tai tahe iwese tii rotÿÿnyre wese kaiboho tule botÿÿnykre.

⁹ Deuxu ruxetõena teerytenyte, Jesuisi Kristu ruxetõena wahe. Tii heka ityhy rare. Tii rikòdÿÿnyre heka aõrarurenny-ki.

¹⁰ Taihyky tetyhynytenyte Deuxu aõmydÿÿnana-di. Kiamy heka raraykynyneri. Arawiòhenanykemy heka adireny rahõtinyre kanau bedeu. Tewiòhenanytenyte inatyhymy. Tai tahe bikonananybenyke kia kanau bedeu tewinytenyte heka bikonananybenyke.

¹¹ Aõma ireiõno, uriõno biwahinybenykeki, Deuxu heka rimyke. Kia-di rõhõtinyke.

¹² Kia uriõnomy idi teywinyumy atxiteri-di rõhõtinyke. Tamy wahidÿÿmy aõkõhykeki tahe Deuxu aõma raraykynyòtyhy.

¹³⁻¹⁴ Jiarÿ heka isiramy aõwe ariwinyòtyhy aõ. Kaiboho heka sõwemy kaa wiji toite, Tai tawowi-di inyõ rõðkeki, taaõnasõwe myna Deuxu-ò riwahinykre. Iaõkõkeki tai ibinamy Deuxu rahaòtyhy. Tai biwiòhenanybenyke heka ihoõmy rÿira mahãdu. Jiarÿ heka aõ retònyreri aõkõ rare, biwahinybenykemy. Kai ihoõmy atxikeki tahe, tule inywitzira anawiòhenanykre. Taita tuwanale wiwesehyule rõhõnykre.

¹⁵ Kiamy heka Tyriti-ki Ritidÿÿna roire: —Hãbuõ heka sõwemy ributunye. Tahe aõhe rauhenyòhyre tamy kia ibutuna-ribi wahe. Ijò tahe ibutelemy ributunye hãbuõ wahe. Tiile heka aõ tamy rasiranyòhyre.

¹⁶ Txitu awiòhedÿÿrenymy rurumyhÿre iwese awiòhedÿÿrenymy rurumyhãre wesele wahe. Deuxumy realãre tai, Deuxu dori tuu rotÿÿnyre.

¹⁷ Taita ixinamy arorarenymy rehemnykemy.

¹⁸ Riwiòhenanyreri iwitzira seriõreõ. Ibutumy dohodÿÿna mahãdu-ribi tii rityhynmyhÿre aõma Rybewihikÿ-di ritÿÿnynmyhÿre awimy.

¹⁹ Dohodÿÿna mahãdu rihitxinyre wawana kanakemy. Ibutumy Inynyrÿ loosõna heka tuu ratximyhÿre. Tule riteòsinmyhÿre ibutumy iny rikiwiòhenanyhÿrenykemy. Tai heka inyseriõrereny reteònyreri ityhydÿÿdu mahãdu.

²⁰ Tai inyõ kia nierumy inyõ rarybeòtyhy.

²¹ Òbityhylemy rikiwinyrenyke ibuturu-ò.

²² Ijò tii-wana rake. Reurihirenyre heka tii wiòhedÿÿmy rakeò, tai heka tii wiòhedÿÿmy ratxireri.

²³ Txitu heka waliina rare; wawana raaòmysÿdÿÿnymyhyre heka rare. Jiarÿboho heka awiòhedÿÿrenemy rarumahäreny. Ijò seriòerenyò nade dohodÿÿna-ò wiòhedÿÿmy. Tai kaiboho wowydyna tamy biwahinybenyke.

²⁴ Tai tahe dohodÿÿna mahädu kaki rierykre. Tai rityhynyrenykre aomybo umyreny rarybere. Tule wiluummy atxiteri.

9

¹ Reerywähäre jiarÿ wiòhedÿÿmy tarumahäteny Judeia bedeki. Tahe kiamy aò aòkò ariritinykre.

² Reerywähäre timybo akireny rare. Jiarÿboho heka awimy raryberenyre umyreny Macedonia häwä mahädu-ò. Myheka rarybere: —Akaia bedeki seriòere mahädu wiòhedÿÿmy rexiywinymy ratximahäreny kau beòrau. Tai tiiboho rexideysananyreny.

³ Tai heka kaa seriòere mahädu reteònyeri. Tai heka awikre biwiòhenanybenyke dori. Kiamy iwese rarybereri heka inatyhy rare.

⁴ Araixÿrükre heka jiarÿ aoma bexiywinymybenyölemy wiòhedÿÿna-ò atxibenykre-wana. Tule kaiboho maixÿrubenyke.

⁵ Tai heka inyseriòereny reteònyre akorenymy. Tahe iu arehemynykreu, bexiywinymybenyke. Biwahinybenyke wiòhedÿÿmy atxitenyteri ixideewimy. Aò jiarÿ adeereny rexitòenyri aòkò wiòhedÿÿmy.

⁶ Kia häbu ibutemy ròbòromyhyre heka ibutelemy tamy aona aona ruhunykre. Kia häbu sòwemy ribrònymyhyre tahe tamy sÿ sòwemy aona aona ruhunymyhyre tamy riwahinykre bederaty aomydÿÿnana.

⁷ Tai heka iny sohoji sohoji ixideewimy tiwesebo riwahinymyhyke. Riwahinyöke tahe aò tuu rurukòreri urenana tuu ratxike. Deuxu dee riwahinymyhyke mahädu deysana-di riwahinymyhyre kia iny mahädu Deuxu tuure.

⁸ Deuxu heka riwahinymyhyre sòwemy aomybo tarumahäte kia inydeereny iratyre. Ibutumy aomybo tarumahäte heka tule iny wixira biwiòhenanybenyke.

⁹ Kiamy Ritidÿÿna-ki roire: —Tii tawowi-di iaòkò mahädu-ò. Ròwahimyhyre. Kia tahe iinydee wobrona tiemy rosaomy rarekre. Deuxu heka riwahinymyhyre tibo alòbòròdu-ò.

¹⁰ Inydee riwahinymyhyre paò iny rirÿsÿke. Tahe tule sohoji sohoji òwòrutymy rurumyhyre heka tamy riwahinymyhyre. Kia ribòrònymyhyre tahe Deuxule ritxuhudÿÿmyhyre. Tahe sòwemy bitakre Deuxu-ribi.

¹¹ Kia rimymyhyre mahädu tahe Deuxumy reälàmyhyre. Kia tewinymahäte heka Deuxudeewimy tewiòhenanymahäte. Deuxu heka sòwemy rimymyhyre ealànareny iòaru-ki.

¹² Kaiboho heka Deuxu mahädu teriwiòhenanyteny. Kia sohojile aòkò. Tule aòaru-ki tiiboho Deuxu-ò wowydyna sòwemy riwahinyrenyke.

¹³ Kaiboho Rybewihikÿ tÿmyra tetyhynytenyteri, Kia ibutumy rierymyhyre kaiboho dori uriòno tewiòhenanytenyteri, tai iny wowydyna Deuxu-ò riwahinykre.

¹⁴ Adeexitòenykre aluumy heka relekre Deuxu adee ruxetòena riwahinyreki.

¹⁵ Deuxu-ò wowydyna iny-ribi kanakemy heka idi watxireri. Wahidÿÿna wihikÿ dori Deuxu inydeereny riwawahinyre.

10

¹ Jiarÿ Paulo heka aomybo adeereny arexitòenykre. Aòherekibo tamy tarabemahäteny awanareny watxiwähäu urihimyöle watyhyna watxirerimy wamy tarybemahäteny. Jiarÿ heka awana rybetere-di rarybeòmahäre awanareny watxireri wana. Tiu rareu, taheka ròritidÿÿre rybetere-di wahe.

² Ròhòtinywähäre. Rexitòenyri. Awi heka rare. Ywina-di iny risÿnymyhyre. Inyò wamyreny ibinamy rarybekeki tahe tule ararybeke heka.

³ Inatyhymy kabede-ki inyboho rasÿnymyhyreny. Rakaaòbinanykeki, inyumyreny aòbinana wesemy rare. Tebònadirenyre.

⁴ Tebònadirenyre. Aò kabedemy iny rÿira kia debòna wese aòkò kÿny. Deuxu debòna heka rÿira irurule heka rare.

⁵ Inyò aòbinamy Deuxumy rarybemyhykeki, tai tahe kia wadebònareny remymy re-sewähäreny kia ixäwididÿÿnany wahe. Ibutumy Deuxu òludumy ratximyhyre heka remywähäreny Deuxu rierykemy Kristu rityhynykemy wahe. Kaiboho heka ibutumy tetyhynymahäteny.

⁶ Kaiboho biatybenykeki, tahe, rexihuyymy rÿimiyhyre aòhòkÿmy dÿÿnana-ò.

⁷ Kaiboho heka tetelehemahätenyete aõna aõna-ò ahana-ribi wesele wahe. Inyõraraykynykeki ratximyhÿreny ixinamy tuu raraykynyke. Jiarÿboho heka tule Kristu mahädu hõrõ iny ratxirenryeri.

⁸⁻⁹ Deuxu heka ruuõ wadee diwahinyde arawiohenanykemy tai raixruõmyhÿre. Tai heka abrebudÿÿrenemy aõbo kariti rewinyre. Urile tahe aumydÿÿreny adireny rewisÿnywähäre aõ bede aräatyreny aõkõ.

¹⁰⁻¹¹ Ityriti rybetere heka ribrebudÿÿ tahe rehemynyreu heka tii aõkõ rybetere-di rarybemyhÿre. Awityhymy aõkõ rarybemyhÿre riritinyreu. Iwese roritidÿÿre wesemy aõkõ rarybere. Iu adehemynykreu tahe, iwese roritidÿÿre wesele heka anarybekre.

¹² Iny tai ratximyhÿre heka sõwemy ixidi rõhõtinyomyhÿre tii awiremy. Kia tahe watximyhÿreny kia raryberenyõtyhy. Tii dori raitxÿtemy ratximyhÿ.

¹³ Aõmy iximy rarybemyhÿre dori tii awimy iximy rarybemyhÿre heka urile tuu raraykynymyhÿ. Timybo Deuxu inydee raryberele rikiraõmyhÿke. Kiawesele inydeereny awire.

¹⁴ Iaõmysÿdÿÿna heka timybo rikiwinyrenykele iny riijemyhÿreny. Juhu heka Rybe tÿmyra wihikÿ heka adeereny adiwykemy idi watxiwähäre. Rewyreny heka juhuy Rybe tÿmyra wihikÿ adeereny rewyre. Tai heka tuu raryberenyõhyymahäreny timybo iny wixira aõmysÿdÿÿna riwinyomyhÿreny.

¹⁵ Kaiboho heka aityhydÿÿnareny raumynykre. Tii heka wadeereny awire. Jiarÿboho heka aõmysÿdÿÿna wihikÿ sõwemy ariwinyrenykele watxirenryeri ayreny-ki, Deuxu-deewireki.

¹⁶ Idi tahe arõirenykre rybe-di aritÿnynyrenykremy ijõbede-ò, Rybe tÿmyra wihikÿ-di wahe. Aõmy ararybeõtyhy aaõmysÿdÿÿnareny iwixira rewinyreny. Kiamy heka Ritidÿÿna-ki roire:

¹⁷ –Urile tuu rybe rÿike Inynyrÿ timybo riwinyrelemy.

¹⁸ Iny ixidi rõhõtinyomyhÿre tii awireny. Tahe awi aõkõ rare Deuxu-ò. Deuxu tahe awimy tai rahamyhÿre tii idile rõhõtinyomyhÿreki.

11

¹ Jiarÿ õsana urihimyo raitxÿtemahäreny kaiboho wawana tõiterimy ixi-di atxitenyteri. Ihärele taheka urihimyo reoludunymahäre. Jiarÿ heka okorenyre iwese Deuxu ratximyhÿre wesele.

² Ywimy atximahäbeny adireny watxireri. Kaiboho iwese ijadõma häbumy roikre wese toite. Häbu heka Kristu rare.

³ Jiarÿboho raberuwähäreny kaiboho Kristu-wana atximahäbenyke lau wahe. Iwese Eva hemylala riitxenanyre wese wahe.

⁴ Inyõ kanakeki rõhäletedÿÿmy Jesuisi wixiramy. Tahe kaiboho bityhynybenykekile jiarÿ heka raberumahäre.

⁵ Ijõ dori ritÿnynymyhÿre iwese inyboho ritÿnynymyhÿreny wese aõkõ iwixiramy.

⁶ Kaiboho heka tahõtinyamahätenyete tÿnydÿÿdu wihikÿmy inykireny ratximyhÿre. Tahe awiremy idi tahõtinyamahätenyete. Tai iwesele inyboho roire awi heka roire.

⁷ Tahe iwese tii awityhymy rarybemyhÿre wesemy aõkõ inyboho rarybemyhÿreny. Tahe iny rierymyhÿreny inyraykyreny-ki. Sõwemy heka tuu adeereny rarybemahäreny. Iu jiarÿ rybe ritÿnynymy akireny rarewähäu, kiau heka adeereny rexitõenyõhyre iõwydÿÿmy. Ijamy heka ixidee reijenynyreny kaiboho hexiõlõnybenykele. Teõsare õsana iwese rewinyre wese.

⁸ Ijõ dohodÿÿna mahäduõ heka riwaõwynyrene adeereny aritÿnynyrenykele. Iwese iribi rawasinyre wesemy heka rahõtinyre.

⁹ Iu akireny rybe-di tÿnydÿÿmy rarewähäu tiu rexitõenyõhyre adeereny biwawiohenanykemy. Macedonia häwä-ribi dori ityhydÿÿdu, mahädu seriõreõ aõmybo raruwähäre wadee diwyde. Tiu heka aõ aribireny aritaõtyhy. Tuu rarehy wese heka wiji rarekre.

¹⁰ Kristu inatyhynamy wadee rarybereri kia wese tule ararybekre ibutumy Akaia häwä häwä-ki.

¹¹ Jiarÿ heka aluunihikÿreny. Taile heka tuu rarybewähäre Deuxule rierye.

¹² Kia rybe tÿnydÿÿdu heka iwese rewinywähäreny wesele rõwidÿÿmyhÿre. Kia heka rewinywähäreny heka kia rarybereri heka aõ wiribi lahiti aõkõmy rarybereri.

¹³ Kahäbu heka inatyhy Deuxu deõdÿÿna aõkõ ratximyhÿre. Ruile heka iaõmysÿdÿÿna-ki rõhõnyomyhÿre. Rexitÿnynykele Kristu deõdÿÿna mahädu-ò.

¹⁴ Tahe aõkõre heka Satanasi tule rexiwixiranymyhÿre. ÿju wesemy tii rexiõsinymyhÿre. Kia häbu teõdu rare. Tai heka irehemy iribi rexiijaranyre õbiti deõdu mahädu ratxireriki wahe.

¹⁵ Urile tuu iny idi rōhōtinykelemy heka tuu ratxirerimy ihÿre. Tahe aōkōre. Ikonanau tahe aōhōkÿmy dÿÿnana ritarennykre aōbo riwinymyhÿre òraru-ki.

¹⁶ Ixityre tuu ararybekre. Inyō raykykōmy jiarÿ itxÿte raremy. Ararybekre heka waaōmydÿÿnanarenymy.

¹⁷ Teramy ijirarennyōmyke aōmybo ararybekre. Deuxu dori tuu arybedÿÿ-ò riwaijōnymy, tai heka rarybere itxÿte wesele watzimahāremy.

¹⁸ Kaiboho heka taholamahātenyete itxÿte mahādu-ò. Katahe bodoholabedenykre aōmybo ararybekre.

¹⁹ Inyō kedehemynykeki kaa biwinybenykre. Tahe tewinyamahātenyete aōna aōnamy aōkō wahe.

²⁰ Inyō araitxenanyrenykeki uritere aōmydÿÿrenyōmy tamy. Jiarÿ heka ariwinyōtyhy tuu, wadee awiōre.

²¹ Ijō rarybemyhÿre inyō. Tule jiarÿ ararybekre. Itxÿte wesemy ratximyhÿremy.

²² Tii heka Hebreu mahādumy tii rexininire. Jiarÿ tule kia tuu rare. Ijaō mahādumy heka tiiboho rexininirenyre. Jiarÿ tule. Abraō riokoremy rarybemyhÿre. Jiarÿ tuleri.

²³ Kristu deōdumy heka tii rexininimyhÿre. Rarybemahāre itxÿte wesemy. Jiarÿ heka iratyre deōduwimy watziwāhāre. Jiarÿ raaōmysÿdÿÿ nihikÿre. Rōtenawo-ò riwarutyrenyere iratyre. Riwahatenyrenyere iratyre. Arurure inihe iratyre.

²⁴ Judeu mahādu heka 39 hetenamy wamy raōhōtere iruyre sōwemy wahe.

²⁵ Roma mahādu tasÿ inataōmy riwahatenyere. Sohoji ta mana-di watyre rihure. Ijōtxu heka hāwoninihikÿ heka riorore. Aōutxu heka bera-ki rāire ruu ibutumy txuu tule ibutumy rehure.

²⁶ Ibutumy reamy rarewāhā aōma wasidu bede aōmydÿÿnanamy bera-ki tule arurure inihe. Judeu mahādu warubudÿÿmy wadi riwisÿnyre. Tule judeukōdu mahādu tulere. Hāwāhākÿ-ki brebunatyhymy watziwāhā, bede rahy-ki tule, ahohokÿ-ki tule. Waliinaō inatyhy aōkō tai ihÿmyhÿ. Tai heka riwaitxenanyrenyere.

²⁷ Aōmysÿdÿÿ nihikÿ tai. Tÿyikōhyky heka bede rejemy rarewāhā. Rama riwasare; bemy rarowāhāre. Timy heka tÿinatykyō ihoōhykyre sōwemy wahe.

²⁸ Tai tahe rahōtinyre ibutu dohodÿÿna mahādu-di.

²⁹ Urihimyōle taruru-di ratxireri wana jiarÿ tule iheki waruruhohomy aōkō relemahāre.

³⁰ Inyō raōraranymyhÿre wana jiarÿ rabadewowāhāre iōraru-ki. Jiarÿ rexideōsinywāhāre waaōkōre urityhywāhāre.

³¹ Deuxu Jesuisi Kristu tyby dori riwaerymyhÿre aōu aōu heka iny rakanihikÿnykre.

³² Iu Damasu hāwā-ki rarewāhāu, Iōlō Areta bede dinodu heka riwamymy riwateōnyre. riwamykemy hāwāhakÿry ijō-ò.

³³ Weriri nihikÿwomy riwawōmy riwatidire, Walina mahādu. Tahe heto raro-ribi riwaatyre hāwā ahana-ò. Tai tahe rahenyre iribi.

12

¹ Jiarÿ heka ararybekemy watzireri. Aō aōkō rarehārele heka ararybekemy watzireri. Wiōhedÿÿna aōkō heka rare. Wanyrÿ wadee riwahinyre aōna aōnamy heka rabire rasina wese jiarÿ sohojile wahe. Kiamy heka arelyyke wiji.

²⁻³ Tahe 14 beōramy heka Deuxu ityhydÿÿduō ridyre biu-ò tasÿ-ò wahe. Deuxule rierymyhÿre inatyhy aōbo rare ada aōkōre aōbo.

⁴ Kahābu Deuxu-ribi heka rybeōkemy roholare. Tahe rarybeōtyhy.

⁵ Iximy tahe ararybeōkre kia wadeysarehāre. Waaōhōkÿmy dÿÿnanadile areysakre.

⁶ Urile ararybekre timybo releremy. Taile tahe iny tuu rarybekre. Tuheka rabire sōwemy aōwiwihikÿmy. Jiarÿ awiremy iny wamy raraykynyheny.

⁷ Tahe Satanasi aōbinana witzirahakÿbo wadee riwahinyre. Ixidi arōhōtinyōkre. Jiarÿ aōwiwihikÿ jiarÿ raremy wahe. Araraykynyōkemy.

⁸ Inataōmy heka Inynyrÿ-ò rexitōenyre kiamy waribi ritakemy.

⁹ Tii wadee rarybere: —Waruxetōenale heka adee awire. Aōbo kai taaōkōteu heka waruru adee rewahinyre. —Tai tahe jiarÿ reysare, waaōkōreu wahe.

¹⁰ Tahe awire, waōkōna, warurukōna, ibutumy wadee awire. Kristu òraru-ki heka tuure. Tiubo ibinamy wamy riwinykreu warurukōkreu, warurudikre.

¹¹ Rarybere heka hābu itxÿte wesele heka rarybereri. Kaiboho iōrarenny-ki heka kia wesemy rarybereri. Inatyhymy heka jiarÿ kia rybe tÿnydÿÿdu mahādu bina ratyre watziwāhāre. Ayreny-ki rarewāhāu heka teerytenyete.

¹² Aōna aōna wiwihikÿ, deytana wihikÿ, bedēōtiidÿÿna ayreny-ki rewinyre kia Kristu deōdumy watzimyhÿreki wahe.

¹³ Rybe tÿnydÿÿ òyōd heka aribireny retaōhyre.

¹⁴ Ithewoludu txu tahe aroramy arakemy ixidi watzireri. Inataõmy reywinyra aroramy arakremy wahe. Aribi nieruõ aritaõtyhy. Urile arawiõhenanyrenykremy adireny watzireri. Uladu riki heka tyby riyrubunyõtyhy. Tyby tahe uladu riyrubunymyhÿre.

¹⁵ Ibutumy idi watzireri heka arahukre arawiõhenanyrenykremy. Adeereny wylemy arihukre. Jiarÿ heka aluurenyre. Kaiboho aõbo tule waluurenykre?

¹⁶ Waõraru-ki heka adee isiraõkre heka. Ihãrele tahe inybina wamy rarybemyhÿre: –Tii itxenadÿÿdu rare.

¹⁷ Wamahãdu tule aribireny ritaõtyhy ijõ.

¹⁸ Txitu reteõnyraijõ ityhydÿÿdu seriõreõ-wana. Tii aõbo aõ aribireny ritare? Aõkõre. Txitu wawesele heka tii rare.

¹⁹ Taõmysÿdÿÿna heka awiõhedÿÿnarenymy rare. Aõ wadi jiarÿ awiremy nohõtirenÿõmy tuheka rarybereri adeereny. Deuxu, Kristudeewinamy heka tuu adeereny rarybereri heka. Deuxu kotxi heka adeereny rarybereri awiõhedÿÿrenymy.

²⁰ Raberumahãre heka arehemynykreu, iwitxiramy atxibenybeke lau. Tule wadi iwitxiramy betehebemyke ixiweserenymy aõkõ. Ihãru, adebure. Aõkemy watzireri. Iny aõbina binamy wimy rarybemyhÿre. Iny ixidile rõhõtinererimy ihÿre mahãdu. Kia arohakeki tahe wadee awiõre. Riyrubunymyhÿre. Riyrubunyõhyymyhÿre.

²¹ Raberuwãhãre heka arahynkre heka akotxireny iõhãru õraru-ki. Aõna aõna witzira witzira õta õtamy rõhõtinyinymyhÿre, raraykynymyhÿre. Sõwemy heka riwinyre ta ixi-txi tõhõti reaõhyymyhÿre kia riwinyretxi.

13

¹ Tahe ikonana txu roraludu heka jiarÿ rare. Inyõ aõbina binamy wimy rarybemyhÿreki waribi ihitxihihtiximy heka tuu rarybemyhÿre. Iny rimymyhÿre heka tuu robimyhÿre; tuu rarybemyhÿre. Wiweselemy heka tuu rarybekre.

² Iny iõrarudimy rÿikre-wana, ibutumy heka aõhõkÿmy rotÿÿnykre arehemynykreu.

³ Aõmy Kristu rybemy heka rarybekre. Tai bierybenykre. Aõmy warurudÿÿdure heka bierybenykre Kristu wahe.

⁴ Kristu heka itxeõ-ki rurure irururenyõ wahe. Jiarÿ warurunarenÿkõ õraru-ki. Tahe Deuxu ratximyhÿre, iruruna-di. Tii-wana heka inyboho heka ratximyhÿrenyire iruruõmy. Tai awanarenyle watzireri, tahe tii-wana Deuxu ruruna-wana watzireri.

⁵ Ixi-di heka betehebemyke. Bexiurihibenyke tyhyna-di atxitenyterimy. Jesuisi Kristu awo-ki ratxireri.

⁶ Kia terytenytemy, inatyhy. Tahe jiarÿboho inatyhymy aõna aõna riijerenyire. Kia aõbo teerytenyte.

⁷ Jiarÿboho rexitõenyrenyãhãrenyire. Òraruana widÿÿrenÿõmykemy. Kaiboho aõwiwi biwinybenyke. Kia õbitimy watzimyhÿrenyireki aõkõ, kiemy õbitimy boibenykemy.

⁸ Aõbo heka inatyhyna wiõhedÿÿnale rikiwinyrenyke.

⁹ Kaiboho arurudimy atxitenyteri-wana heka, jiarÿboho warurudimy watziwãhãrenyire, kia wadeereny awi rare. Rexitõenmahãrenyire kaiboho õbitimy matxibenybekemy, ywimy ahãbenykemy.

¹⁰ Tai heka adeereny ratyritinereri kiamy. Aribireny irehemy watziwãhãre taheka arawiõhenanyrenyke. Arehemynykreu tahe timy heka aõhõkÿmydÿÿnanamy arõhõtinyõtyhy, kia waaõmysÿdÿÿna rare. Inynyrÿ dori iny wiõhedÿÿnarenymy nade. Iny aõhõkÿmy dÿÿnanamy aõkõ.

¹¹ Arakre tahe waseriõrebobo. Idi biwisÿnybenyke ibutumy õbitimy biwinybenykemy. Warybe-õ heka boholabenyke. Wiwese weselemy maraykywydynanybenyke wiribihitximy aõkõ. Ywina-di matximahãbenyke. Deuxuluuna heka tule akireny ratxikre.

¹² Wii birybenymyhÿbenyke ityhydÿÿdu seriõre mahãduõ tai wiluumy atximahãbenyke.

¹³ Ibutumy Deuxu ijoi mahãdu heka adee rybe riwehityhnanyreri.

¹⁴ Jesuisi Kristu Inynyrÿ ruxetõena heka akirenykemy watzireri. Deuxu luuna aki rÿikre. Deuxu Tytybytyhy awana rÿikre.

Alatxia Paulo Tyyriti, Alatxia Mahãdu-ò

¹ Jiarÿ Paulo, rybeõmy nodu rare. Inyõ riwateõnyõhyyre. Jesuisi Kristule, Deuxu inytyby, Kristu ixixadÿÿdu-wana riwateõnyre.

² Jiarÿ ityhydÿÿdu seriõre-wana. Kaa watyyritireny rewahinyreri Alatxia bedeludu mahãdu-ò, ibutumy dohodÿÿna mahãdu-ò, ityhydÿÿdu mahãdu-ò wahe.

³ Ruxetõena ywina-wana adeereny kanakemy idi watzireri Jesuisi Kristu-ribi, Deuxu inytybyreny-ribi.

⁴ Jesuisi rexiwahinyre iny òrarureny-ribi iny ritarenykemy. Wiji bede aõmydÿÿnabina-ribi iny ritarenykemy. Kia dori Deuxu-ò inytybydeewimy rare.

⁵ Tamy àlana aõu aõu kanawahimyhÿke.

⁶⁻⁷ Jiarÿ bede reõtiniyra, rybe wixiraõ eleeemy tetyhynmahãteki. Rybewihikÿ wixira ihoõre. Juhuu Kristu taruxetõena-di bedebina-ribi aratarenyre. Inyõ adee rare. Idi Deuxu Rybewihikÿ riwixiranykemy. Tai tahe atyhydÿÿna ribinadÿÿnyra. Tai tahe kiamy adee rarybera.

⁸ Inyõ aõbo, jiarÿ aõbo, ada biuludu ÿju aõbo, adee Rybewihikÿ wixiraõ rarybekeki, Deuxu kyarana tamy kedsekemy idi watzireri. Rybewihikÿ-ò juhu waribi taholatenyte. Kia sohojile inatyhyre.

⁹ Iwese rarybere wese ixityre ararybekre. Inyõ Rybewihikÿ riwixiranykeki, aõmybo juhuu taholateny-ribi, Deuxu kyanamy resekre.

¹⁰ Deuxudeewimy taheka watzireri hãbudeewimy aõkõ. Jiarÿ hãbudeewimy aratx-imyhÿkeki Kristu deõdu aõkõ jiarÿ rare.

¹¹ Aõmybo rarybemyhÿre hãbu-ribi rare. Kia Rybewihikÿ tyhy rare. Kia bierybenyke.

¹² Kia tihãbu-ribi adoholaõhymahãde. Hãburybe-ki aõkõ reeryre Jesuisi Kristule dori kia riwaerynanyre.

¹³ Kaiboho taholatenyte, iwese jiarÿ judeu mahãduy-ki raremahãu Iu Deuxu ityhydÿÿdu mahãdu aõbinamy rewinydÿÿnanymyhÿre. Idi ariixãwididÿÿnykemy rarewãhã.

¹⁴ Wamahãduy-ki sõwemy iratyre raremahã judeu mahãdu bede ywina ywidÿÿ-ki. Idi retyhynhymahãre wahona mahãdu ratyre, byrena erÿdÿÿna-ki.

¹⁵ Iribi tahe Deuxu riwamyre taruxetõena-ki. Ratohouãnyõlemy rareò juhu ri-wahitxinyre.

¹⁶ Wadee Deuxu tariõre riteõsinykemy ratximyhÿ judeukõdu mahãdu-ò tuu ararybekemy wadi ratximyhÿ. Iu inyõ dee aõmy rarybeõhyyre Jerusalẽ hãwã-ò raõhyyre.

¹⁷ Rõtíhydÿÿõmy raremahãu. Deuxu deõdÿÿna mahãdule rÿiramyhÿ. Ihãrele tahe tamy rybemy raõra. Iribi tahe rahõnyra Arabia-ò. Idi tahe ixityrele adõõsede Damasu-ò.

¹⁸ Inataõ beõramy heka kowa-ki rejijere. Idi tahe rare Jerusalẽ-ò Pedro roramy. Tahe bede rejijere waiyre txumy tai.

¹⁹ Ijõmy heka rabiõhyyre deõdÿÿna mahãduõmy. Txiaulemy heka rabire, Kristu seriõremy.

²⁰ Ka heka watyyriti inatyhy rare. Deuxuko-txi inatyhy rare.

²¹ Idi Siria bede-ò rare, tule Silisia bede-ò.

²² Judeia bede-ki Kristu dohodÿÿdu mahãdu wamy lobixidu aõkõ rÿira.

²³ Uritÿÿna roholamyhÿre: —Kia juhu inyhudurenymy inydireny raremyhÿ, wiji tahe tyhyna òdobeerydÿÿnanymyhÿde. Juhu tahe tii tyhyna rahukemy riwisÿnyre.

²⁴ Kia ibutu òraru-ki tahe Deuxu-ò dealãmihÿde wamy, Paulo wahe.

2

¹ Waõinaubiõwa reurò beõra-di rexihureu, ixiby Jerusalẽ-ò ròõsere. Banabe, Txitu-wana redyre.

² Rawãhãre heka rasi wese-ki aõmybo rabireki. Retÿnynyre iny-ò iwese inywixira-ò rarybemyhÿre. Dohodÿÿdu mahãdu ratyre retare tamy rihitxinyre rarybekemy. Tuu arierykemy watzireri ywimy watxiwãhãremy.

³ Txitu wawana ihÿre, tii judeukõdu mahãduõ hãrele tahe itõtíky resymy rarybeõhyrenyre. Tiiboho waki ibinamy rahaõhyrenyre.

⁴ Idile rôhõtínymyhÿre ityhydÿÿdukõdu mahãdu. Tiiboho nalõdenyde waixãwididÿÿnareny-ò retehekremy, iny Kristu-ki ijõdiwãhãre-ò. Tiiboho ixiwesemy iny-di risÿnykemy ratxirenryeri. Tiiboho ityhydÿÿdu wesemy rexisÿnymyhÿre.

⁵ Tamy jiarÿboho raholarenyõhymahãre inatyhymy Rybewihikÿ aribireny ritaõhykemy.

⁶⁻⁹ Dohodÿÿdu mahãdu ratyre mahãdu heka Joaõ, Txiau, Pedro-wana rare. Tiiboho ibutu erysyna ratyre rÿiraki, kia aõ aõkõ wadee rare. Tiiboho aõ tÿmyra riwabeerynyõre.

Deuxu-ò tahe ibutumy iny wiwesehy rare. Deuxu riwateònyrenyre judeukòdu mahādu-ò Rybewihiký wahisidýmy. Kia Joaòboho wiwesehyulemy widi rôhòtynyre riwawehity-nanyra jiarý Banabe-wana. Tai tahe iwese Pedro judeukòdu mahādu-ò rare. Tiibohe tahe ritýnyrynymyhýke judeu mahāduòle wahe.

¹⁰ Urile riwatyhenyra iny aòkòdu mahādu ariwiòhenanymahākemy. Kia juhuhu ariwinykemy watxiwāhare.

¹¹⁻¹² Atxiòkia-ò Pedro rehemyhýreu jiarý tuu rarybere timybo ibinamy riwinymy ihýremy rexiitxenanymyhýreki. Hābuò Txiau-ribi rehemynyòrau, tii judeokòdu mahādu-wana rirox-ire. Irahudi tahe dehemyndenydeu, riroxiòhyulemy rexitare. Judeu mahādu rybe lau ruberure.

¹³ Ijò judeu iwesele rotýnyre. Ihewoludu Banabe tulere.

¹⁴ Tuu rabireu, òbitimy aòkò Rybewihiký inatyhy wesemy aòkò rotýnyry raremyhý tahe rarybere ibuturu-ò, Pedro-ò. Kai judeu mabekeki, tahe judeokòdu mahādu wesemy tanabededýnyanamy ahāte. Uritere judeukò mahādu judeu mahādu wesemy isýdýyòmy.

¹⁵ Jiarýboho tahe judeu mahādumy reamahārenyre. Judeukò mahādumy aòkò watxiwāharenyre.

¹⁶ Iny bede ywidýna aòkò iny ritamy roire. Kia Kristu iny rityhynymyhýrele iny ritamy roire. Bede ywina ywityhydýna iny ritaòtyhy.

¹⁷ Iny Kristu-ki tarasana ritamy ratxikeki, tahe òrarudu tyhymy ronykeki, Kristu aòbo òraruna widýna rare? Aòkòre.

¹⁸ Jiarý bede ywiny ywidýna-ò aròðsekeki, òrarudumy ararekre. Kia jiarý idi ariatymy rýimyhýre ixityre ariwinykeki òrarudumy arareke.

¹⁹ Jiarý bede ywina rarumy rāire wese, Kristu-ò warumy ararekremy. Kristu-wana jiarý raitxeòkirubudýnyanymahāre.

²⁰ Jiarý ixidee warumy aòkò wahāre. Kristu tahe wawo-ki riwarudýnyanymy ihýre. Warumy watxireriwana Deuxu iriðretyhydýna òrarukile warumy wāhare. Tii walumy ratximyhýre. Tahe wadee rexihahinyra.

²¹ Deuxu ruxetòedýna aribynykemy aòkò watxireri. Bede ywina tyhydýna òraru-ki ywityhydýna tahe inyò ritakemy ratxireri. Kia-di inatyhymy inyò rexitakeki tahe, Kristu uriòle rurure.

3

¹ Alaxia mahādu timybo tahòtynyteri kaibohe òhòtibede-di rierykòrenyre. Kia-di òsana tahòtynyre. Moòwòru ijeranamy ahātenyte. Jesuisi Kristu itxeò-ki rururedi taholatenytyhyta. Òhòti-ribi aòbo kia rosare.

² Kiale arierykemy watxireri timybo tahòtynytenyteri: Deuxu Tyytybytyhy temytenyta bede ywina widýnyamy aòbo ada inatyhyna tyhydýnyamy aòbo.

³ Juhu urile tetyhynytenyte idi ixiumykile tadexityhynymy ahātenyte, bede ywina ywisidýna wahe.

⁴ Kaibohe òbitimy tahòtynyòtenyte. Kia aòbo aòhòkýmý tatýnytenyte uriòhyòle?

⁵⁻⁶ Aòkòre, uriòkele aòkòre òsana tahòtynyteri. Deuxu Tatytybytyhy adeereny diwahinyde. Kia aòbo riwinyre bede ywina ywisidýny kaibohe tamahātenyteki? Aòkòre, tetyhynymahāteki kia riwinyre. Deuxu aòna aòna wiwihiký akoreny-ki riwinyre. Kia sohojile iny ritake. Abraò Deuxu rityhinyre. Tai tahe tamy òbitimy rare Deuxu-ò, iòraru iribi riixāwididýnyraki.

⁷ Tai ibutumy rityhynymyhýre mahādu Abraò riòremy rýira.

⁸ Tyyriti-ki roimyhýre kia: —Deuxu heka judeu mahādu sohojile aòkò riòbitinykre. Ibutumy iny riòbitinykre ityhydýny ersydýny òraru-ki. Rybewihiký ersyana Abraò-ò juhuhu dehemynde. Kia wese Tyyriti doide: —Aòraru-ki ibutumy iny-ò deysana kanakre.

⁹ Tahe ityhydýnydu mahādu Abraò wesemy teysare. Abraò dori ityhydýnydu rare.

¹⁰ Inyò bede ywina rityhynyòkeki, Deuxu txuhòbina kedeake. Jesuisi-ò tyhynale iny kiditakre. Kia Tyyritidýna dori roire: —Inyò ibutumy bede ywina riywinyòkeki, tamy Deuxu txuhòbina kedealeke.

¹¹ Òbiti mahādu rityhynymy ronykre. Kia riki Ritidýna roire. Tahe bede ywina heka inyboho aòkò riòbitidýnyre.

¹² Bede ywina heka iwitxi rare ityhyna-ribi. Tahe inyò bede ywina rityhynymy ratxikeki, tii ibutumy rityhynymy rarehyke.

¹³ Inyboho Deuxu bede ywina rikiywinyrenyòkeki, Deuxu txuhòbina inydeereny kedeakre. Kristu tahe kia-ribi iny ritare. Tule inyòwòruna òraru-ki rexilamadýnyre inydee iòwydýna-ki. Beteheke Tyyritidýna roire: —Inyò òwòru itxeò-ki ritamadýnykeki, tamy txuhòbina kedealekre.

¹⁴ Deuxu narybede heka Tatytybytyhy iny-ò riwahinykemy. Wiji tahe inyò rityhynkeki, Deuxu Tytybytyhy ritakre. Tai Abraò deysana inydeereny rehemyntyre Jesuisi Kristu òraru-ki.

¹⁵ Waseriòreboho, jiarÿ hābu wesemy ararybekre. Iny inatxi jurasadÿÿna ritina riwinykeki, inireny ritidikeki, inyò riwitxiranyòtyhy. Tai ijò witxira riritinyòtyhy.

¹⁶ Boholabenyke, Deuxu juhuu Abraò dee narybede: –Abraò riòre hewoluduò Kristumy. Abraò riòre sòwe dee rarybeòre. Sohojideele rarybere. Tahe tariòre-ò Kristumy rarybere.

¹⁷ Tuheka rarybereri: –Deuxu juradÿÿna wese juhuu rarybere, 430 beòra bede rÿire idi tahe bede ywina nade. Kia Deuxu juradÿÿna riixāwidinyòtyhy.

¹⁸ Tarasany bede ywinawidÿÿna òraru-ki kidiwahinykeki, wahisidÿÿna aòkò heka rare. Tai Deuxu heka Abraò-ò jurasadÿÿna riwahinyre. Iòwydimy aòkò juhuu dori rarybere tii kidiwahinykemy.

¹⁹ Aòherekibo heka nade? Kia nade òraruna òraru-ki Kristu nadeule kÿny juhuu luðu wese aòkò roire. Kristu heka Deuxu deòdÿÿna rare. Iwese Deuxu rarybere wese riwahinyre. Tii Abraò riòre riòre-ribihyy reare. Ýjumy bede ywina nade. Iny itya luðu debò-ki rehemyntyra. Moisesi iwahidÿÿdure.

²⁰ Boholake, Moisesi sohojile aòkò itya luðu ratxireri bede ywina riwahinyre. Deuxu tahe sohojile rare irybe riwahinyre.

²¹ Bede ywina aòbo Deuxu jurasadÿÿna riixāwidinyke? Aòkòre. Bede ywina umy ituedeòna riwahinykeki, òbitidÿÿna inatyhymy bede ywina nade. Tahe aòkòre.

²² Deuxu Tyriti rarybere: ibutumy iny òraruna-di ratxireri. Kristu iny rityhynkeki, Deuxu jurasadÿÿna tamy riwahinyke.

²³ Ityhydÿÿna rehemynymynokoki bede ywina iny rityhynmyhÿre ròtenawo-ki inyboho roire wese. Kia-ò iny riraòhymy rÿimyhÿre inatyhydÿÿna kedehemynykemy.

²⁴ Uladu bedeerydÿÿdu wese bede ywina rare inydeereny. Kristu rehemynykòu, inyboho bede ywina rityhynnyre. Tai Kristu-ò inyboho òbitimy ronykremy ityhydÿÿna òraru-ki.

²⁵ Ityhydÿÿna-ò iny rehemyntyre, uladu bede erydÿÿdu-ribi ixāwimyhÿre.

²⁶ Kristu-ki ibutumy Deuxu riòre atximahātenyete ityhydÿÿna-ki.

²⁷ Ibutu dori Kristu-ò taratisebenyete, Kristu wesemy tatÿÿnyte.

²⁸ Kristu tÿnydÿÿna-ki wiribi hitximy aòkò boibe, judeukòdu mahādu, iny-wana, deòdu deòdu aòkò-wana, ijoj hāwyy-wana ibutumy wiwese wesele Kristu-ki rÿike.

²⁹ Kristu-ki mabekeki, Abraò riòre riòrelemy mabekre. Jurasadÿÿna rareasadÿÿdumy atximahātenyete.

4

¹ Ijyyò arelyykre –rareasadÿÿduò deòdu wesemy raremyhÿ tii uladumy rareu, ibutu wedu rare hāre wahe.

² Urile tyby rarybere raumynykòule, tii tatibiedÿÿdu rybe rityhynmyhÿre.

³ Kia wese iny rare. Uladu wesemy bede aòmydÿÿnana rityhynmyhÿre juhuu.

⁴⁻⁵ Iribi tahe bededÿÿnana he rehemyntyra. Deuxu tahe Tariòre diteònyde ijadòma ririòredÿÿnykremy. Bede ywina tyhynakremy reare. Tii nade bede ywina tyhydÿÿdu mahādu tarasamy kia tyhyna-ribi ritakemy tariòre wesemy ritibienykemy.

⁶ Deuxu Riòre wesemy iny ihÿreki iny-ki ratximyhÿreki, Tatytybytyhy inywo-ò risÿnyre. Tai inywo-ribi rarybemyhÿre: –Waha, Waha.

⁷ Wiji tahe deòdu wese aòkò atxiteri, Deuxu riòretyhy wese atxiteri. Tule Deuxu rareasadÿÿduòle tate.

⁸ Juhuu Deuxu teeryòtenyete. Kaiboho deuxu witxira wese tetyhynnytenyete –deuxu inatyhy aòkò tetyhynnytenyete.

⁹ Ka tahe Deuxu teerymy ahātenyete tetyhynmahāte. Deuxu anaerynymyhÿdenyde. Ixyby bede aòmydÿÿnana-ò òsedÿÿòmy, arawiohenyòreki. Deòdumy aòkò ixyby rÿimy boibeke.

¹⁰ Txu yrubudÿÿòmy, ahādu yrubudÿÿòmy, beòra yrubudÿÿòmy.

¹¹ Inatyhymy ada aòkòre aòbo waaòmysÿdÿÿna adeereny reònonnyra?

¹² Wawesehyymy boibeke. Jiarÿ dori tatemahā wese raremahā, waseriòreboho. Kaiboho wadee aòbina tewinyòmahātenyete.

¹³ Kia teeryte. Jiarÿ juhuu adeereny Deuxu rybemy rarybereu, jiarÿ iu wabinawāhāu.

¹⁴ Wabinana heka isirare adeereny, ihāre tahe waderaòre tahe wadi arukirenyra, iwese Ýju Deuxu-ribi jiarÿ anade wese kaiboho tiwamytenyete, iwese taheka Jesuisi Kristule jiarÿ rare wese wadi tewisÿnytenyete.

¹⁵ Titxibo rare eysanareny juhuu adi toite wahe. Kaiboho aruereny wii tesÿnymy toitemyhÿ kaiboho wakyrenykeki.

¹⁶ Jiarÿ aòbohe aòludumy relera, inatyhy rybe adeereny rarybereki? Aòkòhyyre.

¹⁷ Hãbuõ arãitxenanymyhÿrenyre. Aluu wese heka ratxirerimy ihÿre. Aòlònamy dori rarunyereri. Tiiboho wabiòwana-ribi atarasamy adi ihÿrenyre.

¹⁸ Aõwihikÿ erylumy marurunyke. Tii tahe awire, awanale watzireriki aòkõ.

¹⁹ Wariòre wese, adeereny aòhòkÿmy ratÿÿnyre, hãwyy reamyhÿre mytxitxi wese jiarÿ rare adeereny Kristu awo-ki rexilamadÿÿnyhykemy.

²⁰ Awanareny ararekemy watzireri. Tai tahe warybe witzira-di kia anarybekemy watzireri. Aõhebo adeereny heka arasÿnyre arawiòhenanykemy watziwãhãre. Timybo reerykõre dori.

²¹ Inyõ bede ywina tyhydÿÿdumy ratxikeki, wadee manarybeke kiamy: aõmybo bede ywina raryberamy teeryteri?

²² Kia Tyyritidÿÿna-ki roire Abraõ riòre inatxire. Juhuu ludu teòdu-ribi, Haari-ribi, reare tabireludu-ribi. Ijõ, Sara-ribi, ihãwyytyhy-ribi reara, deòdu-ribi aòkõ.

²³ Deòdu riòre ibutu dee wese nade. Abraõ hãwyy riòre aòkõre Deuxu rybewahisidÿÿna xiery reare.

²⁴ Kia ijyy-di rawesenanyrereri. Inatxi hãwyy inatxi jurasadÿÿna wese heka rare.

²⁵ Ijõ Haari inire, deòduni. Iriòre deòdumy rarekemy reare. Sinai Hãwãlò wese tii rare. Kowa tyre-ki bede ywina inydee riwahinyre. Jerusalẽ wesemy roimyhÿre kia mahãdu deòdumy dori rÿira, tariòre-wana.

²⁶ Jerusalẽ tyhydÿÿna mahãdu, biu ludu tahe deòdu wese aòkõ rare, ixinamy inyboho roire. Abraõ hãwyytyhy riòre wese inyboho roire.

²⁷ Tyyritidÿÿnaò dori roire: —Hãwyy ariòreò beysakre. Birajuakre ariòrekõhãrele beysamy ariòredikire heka. Hãwyy risina riòre sòwetyhyre, hãwyy ihãbu-di ratyre.

²⁸ Waseriòreboho, kaiboho rybe ywisidÿÿna riòre wesemy ahãtenyte, Ijai wesemy.

²⁹ Iwese ibutu ludu wesemy reareò aòbina riwidÿÿnanymyhÿre. Deuxu Tyytybytyhymy reareò. Wiji, tahe kia weselemyhÿre.

³⁰ Tyyritidÿÿ rarybera: —Biteònyke deòdu tariòre-wana. Rareasadÿÿdu ibutumy rimykre. Hãwyy deòdu aò aòkõ rimykre tariòre-wana.

³¹ Waseriòreboho, deòdu riòre wese aòkõ inyboho roire. Hãwyytyhy riòre tahe iny roire.

5

¹ Kristu inyboho ritare ixinamy inyweduduòlemy roirekemy. Kawese rokoirekemy. Deòdu wese ixyby rukunurenòkre.

² Jiarÿ, Paulo, adeereny rarybereri: inyõ notykyresyna-ò ròòsekeki, Kristu riwiòhenanyòhymyhÿre.

³ Ixityre ararybeke. Inyõ rinotykyresynanykeki, bede ywina ibutumy tii riyrubunyhyyke.

⁴ Inyõ bede ywina rexiòbitinymy ratxikeki, Kristu-ribi rexihitxidÿÿnymyhÿre, ruxetòena tyhyna-ribi rexitare.

⁵ Deuxu riwaòbitinynyre Tatytybytyhy òraru-ki kia retyhynynrenyre. Kia reraòrenyre.

⁶ Jesuìs Kristu-ò notyky resyna aò aòkõ rare. Notyky resynakõ tule aò aòkõ rare. Inatyhynamy luunamy aò rare.

⁷ Juhuu awimy tuu tatyynmahãte, inatyhyna-ki ijera wihikÿmy teamyhÿte, moò inatyhyna-ribi anaixãwididÿÿnyde.

⁸ Deuxu aòkõ atarasadu juhuu ixãwididÿÿnyde.

⁹ Inyõ paò riwinykeu, ibutenode ritxiwikeki ibutumy ratarinyke. Inyõ ibinamy urihimyo arabedeerynykeki sòwemy ribinadÿÿnyke.

¹⁰ Jiarÿ Wanyrÿ retyhynyre, kaiboho wawesemy mohòtinibenykemy adireny watzireri.

¹¹ Waseriòreboho jiarÿ waòludu dire. Kia tahe riteòsinyre notyky resynamy rarybeòre ijõ wamy raryberehãre. Kia ararybekeki sòwemy wahemy kanakre. Itxeò tÿnydÿÿna rybe rityhynkremy.

¹² Kowa mahãdu òte rexihukemy idi watzireri. Adeereny aòbina diwinymyhÿdenyde.

¹³ Kaiboho Deuxu arateònyrenyre, urile òraruòmy boibeke kaiboho bede ywina-ribi ixinamy boibeke. Wii biwiòhenanymyhÿbenyke, wiluurenkemy.

¹⁴ Bede ywina ibutumy rexibutunyre rybe-ki kia tahe rare: —Inyluuke ixiluure wese.

¹⁵ Wiwana bòrenybenykeki, kaiboho widi buruakeki, bexihãrubeny ibutumy wii mahubenhyeny.

¹⁶ Tai jiarÿ rarybere, Deuxu Tyytybytyhy deewimy boibekemy deòbiredÿÿna iwidÿÿòmy boibeke.

¹⁷ Deòbiredÿÿna dori Deuxu Tyytybytyhy òluduna-ki ramyhÿre. Wimy òludurenyre. Tai aòbo adeereny awire iwidÿÿ adeereny isirare.

¹⁸ Tahe, Deuxu Tyytybytyhy arateòsinyrenykeki, bede ywina ywidÿÿna aòkõ bityhynyke.

¹⁹ Deòbiredȳȳna aõna aõnamy d̄ȳynana-ki kia roire: aderanadino, aõbinade, raykyõmy, òta òta,

²⁰ suritxoomy àlàd̄ȳna, òwòruna wii, òludud̄ȳna, aõbinaluu, ihãru, kyara, wobiredȳȳna, wiribih̄itxina,

²¹ ibutu aõmyd̄ȳna ixixibured̄ȳȳ, axaxaluu, r̄ys̄ynaluu byrehek̄ȳ, tule ijõ aõna aõnà sówemy kawesere. Inyõ kia aõna aõnawid̄ȳȳ rierykeki, Deuxu òlõna rareasad̄ȳȳdu aõkõ roikre. Tuu rarybere juhuule.

²² Ka heka Deuxu Tyytybytyhy aõmyd̄ȳnany rybena roire: iwahid̄ȳna kia r̄yire, tii dori inywomy r̄yira. Wiluuna, deysana, ywina, ruxetòena, wina, òbitid̄ȳnana,

²³ ibutu-ò awina, ixidee inytyhyna, ixirydȳȳna, tai bede ywina ihoõhyre kia-ò.

²⁴ Kristu hõrõ mahãdu kia itxeò-ki ritidirenyre: deòbired̄ȳȳna, aõmyd̄ȳnana bina-ribi, deòsana aõmyd̄ȳnana-ribi

²⁵ Inyboho Deuxu Tyytybytyhy-di rokoirekeki Deuxu Tyytybytyhyry-ki rakariarenykre

²⁶ Ixi deàlãnararòsò luukemy aõkõ rakatximyh̄yrenyke. Tai tahe ixixibured̄ȳȳna-di aõkõ, rakatxirenyke. Wiòbired̄ȳȳna-di rakatxirenyõke.

6

¹ Waseriòreboho. Inyõ òraruna-txi resekeki, kaiboho ywina-di biòbitinybenyke. Bex-ihãrumahãbenyke kia òraruna-txi ixeyõmy boibekeõkemy. Kaiboho dori, Deuxu mahãdu toite wahe.

² Wiitxykywydywesemy wii biwiòhenanybenyke ibutu aõmyd̄ȳnana-ki. Iwesekeki, Kristu bede ywina tetyhynmahãtenyete.

³ Inyõ ixidee aõlemy r̄hõtinykeki, tahe tii aõhy aõkõ rare, tii rexiitxenanymyh̄yre.

⁴ Ixinamy iny sohoji sohoji taaõmyd̄ȳna-ò retehemyh̄yke, aõhebo rot̄ȳynymyh̄yremy wahe. Idi tahe ixi aõmyd̄ȳnale-di kedexityhynmyh̄ykre, tabireludu aõmyd̄ȳna-di aõkõ.

⁵ Iny sohoji sohoji dori taitxyky riwmyh̄yke.

⁶ Inyõ Deuxurybe eryd̄ȳna ijõdikewana tabedeeryd̄ȳna mahãdu-ò ibutummy erysyna wiwihik̄yle-di rirareamahãke. Tule bedeery mahãdu heka tohod̄ȳna mahãdu-ò aõna aõna wihik̄y riwahinymyh̄yre.

⁷ Ixiitxenad̄ȳȳomy. Inyõ heka Deuxu itxenad̄ȳȳomy alòbòrõna-ò iny ribòrõnykeki, tiile tahe raumynyhyymyh̄yre.

⁸ Inyõ òraruna ribòrõnykeki, rubule taummy-ki ritake. Inyõ Deuxu Tyytybytyhy deewimy tuu rot̄ȳnykeki umyuedeõna ritake.

⁹ Aõwihik̄y wid̄ȳȳhymy boibeke. Kia-ki elemy ruburenyõmy. Aõwihik̄y wid̄ȳȳhy boibekeki, adeereny aõwihik̄y wahid̄ȳȳna wese kanake.

¹⁰ Ibutummy indeereny aõwihik̄y wid̄ȳȳ-ki inyboho abeded̄ȳnawawikeki ibutummy iny rikiwiòhenanyrenemy, r̄yk̄yirenyke, ityhyd̄ȳȳdu mahãduò bexiywinyhyy ahãbenyemy iwiòhed̄ȳȳ-ò.

¹¹ Tuhe, jiar̄yle ariritinykre, Paulo wahe. Betehebeny inihe ritid̄ȳȳna nihik̄y reritinyra wadèbò-di.

¹² Inyõ ayreny-ki wohyna ixidee rimyky ratxireri, kia adeereny òtyky resynamy adi ratxirerihymyh̄yre. Kristu itxeòmy tiiboho rit̄ynnyrenykeu aõhòk̄ymy rot̄ȳȳnyõmykemy r̄hõtinymyh̄yre.

¹³ Notyky resyna mahãdu bede ywina rityhynyõre. Tiile rexityhynmyh̄yre. Kaiboho irybe-ò boholakemy atxiteri.

¹⁴ Jiar̄y arexiwowydynanyõhymmahãkre, Wanyr̄y Jesuisi Kristu itxeò-di areysakre, biu-ò hena òraru-ki wahe. Bede aõmyd̄ȳnana waki r̄yimyh̄yre, itxeò-ki retamad̄ȳȳnyra waribi ixãwira.

¹⁵ Notyky resynad̄ȳȳ aõ aõkõ rare. Notyky resynad̄ȳȳkõ tule aõ aõkõ rare. Urile biu-ò hena-di boibekele tahe aõ rare.

¹⁶ Kia bede ywina bityhynbenymy boibekeki, Deuxu-ribi ywina, ruxetòena, adeereny kanakemy idi watxireri. Tule Deuxu mahãdu ibutu-ò, judeu mahãdu wese dori ratxireri.

¹⁷ Karibi tako-ò tahe inyõ waixirad̄ȳȳomy ararekre. Beyd̄ȳna dori waummy-ki roimyh̄yre, Jesuisi rybe rybemy rybedu òraru-ki.

¹⁸ Waseriòreboho, Jesuisi Kristu ruxetòena akireny r̄yikemy watxireri. Kie.

Efesu Paulo Tyyriti, Efesu Hãwã-ò

¹ Paulo, Jesuisi Kristu deòdÿÿna jiarÿ rare. Deuxudeewimy tahe kia rare. Efesu hãwã ityhydÿÿdu mahãdu –ò kalemy warybe rewahinyreri. Kaiboho ywimynodu mahãdumy toimahãte.

² Ruxetòena adeereny kidiatykemy Deuxu-ribi idi watzireri tule Jesuisi Kristu Inynyrÿ-ribi.

³ Deuxu, Inynyrÿ tybyreny, inyboho tuu reàlàmyhÿreny. Tii dori inydeereny wihikÿ inywo ywinamy diwahinyde Jesuisi òraru-ki biukihikÿle wahe.

⁴ Deuxu inyyreny-ribi rihitxinymy ritare. Inyboho heka tuu roire. Ihetxiu heka inyho aòkòu tii rihitxinymy ritakremy rÿimyhÿre, inyboho wahe. Kristu-ki iny rihitxinymy rÿire. Iny òbitimy rÿirakemy rihitxinyre, ywimy nodumy wahe. Kiamy heka rokoirekre Kristuko-txi luuna-di.

⁵ Ihetxiu tamywimy Deuxu rihitxinymy ritare, inyboho wahe. Iriòereny wesemy rokoirekemy.

⁶ Kiamy heka Deuxu riwinyre àlàna, wohyna-wana tamy rikiwahinyrenykemy tii dori inyluurekí wahe. Kristu hãlubu òrarakile biu-ò henareny iny nade. Iny òrareny riòwinyre taruxetòena wihikÿ òraru-ki.

⁷⁻¹⁰ Ruxetòena sòwemy inydeereny diwahinyde tii dori ibutumy aõna aõna erydu rare. Deuxu dee wina rybe wòte wese rare. Tahe inydeereny kiditynynykemy idi ratxireri. Tamywimy tahe inydeereny riteòsinyre. Iwese tii ròhòtynyre wese. Bededÿÿnana rexihukreu. Kristu-ki ibutumy aõna aõna biu-ki bede-ki rÿikremy ihÿre. Kiamy tahe Deuxu ròhòtynyre.

¹¹⁻¹² Kristu òraru-ki Deuxu juhoo iny mahãduy-ribi inyboho rihitxinyreny. Tii diwahinyde inydeereny uriònojura jurana. Tii dori ixideewilemy ibutumy aõhebo rotÿÿnymyhÿre Deuxu kia hitxidÿÿna mahãdu ixidile wowydyana mahãduò rÿirakemy rÿimyhÿre. Inyboho juhoo rityhynyreny Kristu-ò.

¹³ Kaiboho kiaò toimahãte. Juhoo rybe inatyhy-ò taholatenyteu, tetyhynymyhÿtenyete tarasa Rybewihikÿ-ò wahe. Tai tahe Deuxu Tyytybytyhy-di ratidÿÿna wesemy iny dee ritidimyhÿre. Deuxu Tyytybytyhy dori tii kidiwahinykemy rarybere, ihetxiu wahe.

¹⁴ Uriòno jura jurana Deuxu Tyytybytyhy rare inydeereny. Deuxu tahòrò mahãdu ritakreu, tuu reàlàrenykre tuu, inyboho dori kia mahãduò roire.

¹⁵ Tahe jiarÿ, Paulo, tule umy raholamahãre Jesuisi Kristu atyhydÿÿna-ò, tule aluuna ityhydÿÿdu-ò. Tai tahe Deuxu-ò àlàna-di araxitòedÿÿnyrenymahãre. Wanohòti aribireny rosaòhyymyhÿre.

¹⁶⁻¹⁷ Deuxu tahe Jesuisi Kristu biu loosòna tyby rare. Tii araykyreny-ò bedeeryna kidiwahinykemy watzireri, awolyrana kidiwahinykemy watzireri.

¹⁸ Tai tahe araykrawoni ritÿnynykemy watzireri. Tai kaiboho bierybenykre Deuxu iryna. Tule ityhyna biu loosòna-di bierybenyky watzireri.

¹⁹ Deuxu taruruna sòwemy diwahinydÿde ityhydÿÿdu mahãdu-ò. Iruruna tahe aõni rare inydeereny uriòno jura jurana. Kia tule bierybenyky watzireri.

²⁰⁻²¹ Kia irurumy inyboho tuu robirenyre, Kristu rubu-ribi rexiixixanyreu, taruruna weribi ronykemy disÿnydeu, biukihikÿle wahe. Kristu tahe ibutu ruruna wixira wixira ratyre rare, ibutu wedu ratyre, ibutu dinodu ratyre, ibutu deòdÿÿdu ratyre. Ibutuni ratyre tii rare. Wijinani ratyre, tule kanakremy ihÿreni ratyre rare.

²² Deuxu tahe ibutu aõna aõna wixira wixira Kristuwarawo-ò ritidire tai tii ibutuwe-dukremy. Tii ibuturati wesemy rare. Kia tii ihÿre dohodÿÿdu mahãdu-ò, iwedu wahe.

²³ Dohodÿÿdu mahãdu tahe Kristumy wese rare. Kristu dori ibutu aõna aõna ritÿxinymyhÿre.

2

¹ Juhoo kaiboho rubumy tãimahãte òraru-na òraru-ki.

² Juhoo kaiboho bedeàomydÿÿnana bede-ki toitemahã juhoo Satanasi deòdÿÿna tetyhynymy toitemahã. Tii bedeyhy ruruna dinodu rare. Ityhydÿÿdukòdu mahãdu wiji dori rityhynymy rÿira, itxiòdÿÿdu mahãdu wahe.

³ Ityhydÿÿdukòdu mahãduy-ki juhoo tule inyboho roiremahã –ibutumy ixideereny-wimy inyboho riwinyreny; inyraykyreny wydyna-deewimy tule inyboho riwinyreny. Ehehewidÿÿdu inyboho roiremyhÿ, tuu ratybienyumy rarehyy dori tuu rare. Iwese ijò roiremyhÿ wese.

⁴ Deuxu tahe sòwetyhymy ruxetòena diwahinydÿde, inyluurennyreki.

⁵⁻⁶ Deuxu inyboho rurudÿÿnyre Kristu-wana rubu-ribi riixixanyrenyrene. Kristusÿ-ki biu-ki tii inyboho risÿnyre tai rokonyrenykemy. Irušetòena òrarukile abiu-ò henareny dire.

⁷ Irušetòena kidenteòsinykre bededÿÿnana robehe my roireki wahe. Iwese sòwehyemy irušetòena diwahinyde wesemy.

⁸ Tarasana Deuxu ruxetòenaribile nade aityhydÿÿnareny òraru-ki tuu rare. Iny-ribi aòkò nade. Deuxu wahidÿÿna rare.

⁹ Iny-ribi rarybekre inyò ixityhydÿÿmy tahe aòkòre Deuxu ruxetòenakile tuu rare.

¹⁰ Tii tahe ibutumy iny riwinyrenyrene. Òbiti aòmydÿÿnana widÿÿdukemy iny riwinyre Jesuisi Kristu òraru-ki. Deuxule juhuu ròhòtynyre òbiti widÿÿdumy aòbo rokoirekemy.

¹¹ Tahe kaiboho uritere nohòti losaòmy kaiboho judeukòdu mahàdu toite juhuu mahà. Kiamy judeu mahàdu aràninimyhÿrenyrene, notykyresykòdu mahàdu wahe. Tii dori notyky resydu mahàdu roire, iyresynadireki wahe.

¹² Juhuu tahe aruta wesele toite Kristu-ki aòkò. Judeu mahàdu-ribi rihitxiny my nyimyhÿde. Deuxu rybe wewisidÿÿna ludu aòkò toite. Araròsòna renyòhyyre. Adeuxu renyòhyyre bede bedemy.

¹³ Juhu irehemy Deuxu-ribi toite mahà. Tahe wiji Jesuisi Kristu hãlubu òraru-ki araòhòdÿÿnyny toite.

¹⁴ Jesuisi Kristu tahe iny widÿÿna rare. Kyarana tahe òtity wese itya-ki rÿimyhÿre judeu mahàdu aribi kia rihitxinyre. Tahe kia òtity ritxiwire tahe sohoji mahàdulemy riwinyre.

¹⁵ Tahe Kristu rurureu tahe ixãwire kia bede ywina. Tahe inatxi wimy òludu mahàdu sohoji iny tÿmyrahylemy riwinyre. Tahe ywina ròhònyre wiwana ributunyra tahe Deuxu taluuna tamy riwahinyra.

¹⁶ Jesuisi taitxeò-ki rurureki, ywina rieryrenyrene. Tahe kyarana-ribi riixãwididÿÿnyre.

¹⁷ Jesuisi tahe ywinamy rarybere iòhò ludu kaiboho wahe tule irehe ludu, judeukòdu mahàdu wahe.

¹⁸ Tahe kaiboho jiarÿboho-wana sohoji Deuxu Tytybytyhy òrarukile Deuxu-ò rekex-itòenyrenyke.

¹⁹ Kawese tahe kaiboho ityhydÿÿdu mahàdu-ò talote. Iny-ribi lahitxi aòkò toite, Deuxusÿ mahàduòle heka toite.

²⁰ Deuxu rybedu, tadeòdu-wana hetoò wesemy kaiboho boibekre. Jesuisi Kristule iko ludu mana wese rare.

²¹ Jesuisi Kristu òraru-ki wiwesehyyle heto awimy rÿire. Tai Inynyrÿ hetotyhy relemy rexihumyhÿre.

²² Kaiboho tule matybienybenykre Deuxu Tytybytyhy hetoò wese wahe.

3

¹ Tai jiarÿ, Paulo, rotena-ki nodu wesemy rare Jesuisi Kristu òraru-ki. Judeukòdu mahàdu dee kiamy heka watxiwãhare, adeereny wahe.

² Deuxu ruxetòena wadee riwahinyre. Kaiboho aòbo tuu taholatenyòmahãte.

³ Deuxu dori tawòtena diteòsinyde wadee.

⁴⁻⁵ Jiarÿ kiamy juhuu reritinyriòrere katyiritikile wahe. Idi mariabenykeu bierybenykemy idi watxireri, timybo Kristu wòtena rybe reeryremy wahe. Kristu wòtena tahe ihetxiu ibutu inyò riteòsinyòhyyre. Wiji tahe riteòsiny my ihÿre Deuxu Tytybytyhy tahe deòdu-ò, rybedu-ò ritÿnynyny ihÿre.

⁶⁻⁷ Kiamy heka rare: kaiboho, judeukòdu mahàdu, wii ributunyre inyboho-wana judeu mahàdu wahe. Uriònowi jurawi juramy idi rokoirekre, sohoji mahàdulemy wahe. Kristu Rybewihikÿ òraru-ki ityhydÿÿdu mahàdu-ò rirònyrenyrene. Kia rybe-di rybedumy diwateònyde, ruxetòena wahidÿÿnaò wadee nade Deuxu ruruna sòwe-ribi. Ityhydÿÿdu mahàduy-ribi jiarÿ aò aòkòmy watxiwãhare retyhynytyhymy aòkò watxiwãhare.

⁸ Ihãrele Rybewihikÿ rybedumy ararekre Kristu aòmydÿÿnana heka iny raykywydyna ratyre awimy ihÿre. Kiamy judeukòdu mahàdu-ò arelyykemy riwahitxinyre.

⁹ Ibutu inyò rybe wòtena aritÿnynykemy watxiwãhare juhuu Deuxu Jesuisi-wana ibutumy aòna aòna riwinyre kiau rybewòtena riwòmy roimyhÿre Deuxu-ki.

¹⁰ Wijina tahe riteòsinykemy ihÿre dohodÿÿna-ki. Tai tahe ibutumy biu-ribi rurunadu, bedeerydÿÿdu rierykemy timykibo Deuxu bede erysyna-di raremyhÿ ibutumy aòna aòna erysyna-di.

¹¹ Iwese Deuxu ibutumy aòhebo rotÿÿnykemy ratximyhÿre wese iny rierykre, Inynyrÿ Jesuisi Kristu òrarukile wahe.

¹² Tai tahe iny rexideòsiny my hÿre brebuòlemy Deuxu ixitòenadÿÿna-di Kristu dori inyboho rityhynymyhÿre.

¹³ Tai kaiboho ixijodÿÿrenyòmy ahãke, jiarÿ aòhòkÿmy ratÿÿnyreki kia dori awowydyna rare, waaòhòkÿmy dÿÿnana wahe.

¹⁴ Tai tahe umyreny Deuxu-ò rexitòenyre Inynyrÿ Jesuisi Kristu tyhy-ò wahe. Ibutu sÿ mahâdu tyby Deuxu rare.

¹⁵ Ruruna adeereny kidiwahinykemy idi watzireri, tawowydyna sòwe-ribi wahe.

¹⁶ Deuxu Tyytybytyhy rurutyhy araykywo-ò kidiwahinykemy watzireri.

¹⁷ Tai Kristu aworeny-ki kanasÿnymyhykemy rahòtynmahâre atyhyna direki kaiboho heka wiluutyhymy boibekemy watzireri.

¹⁸ Tai ibutu ityhydÿÿdu mahâdu-wana Kristu luuna bierybenyke. Inyò Kristu luuna awire rieryòtyhy. Ihârele tahe bierybenyke iwese rare wesemy.

¹⁹ Tai Deuxu-di bexilÿxinykemy idi watzireri.

²⁰ Deuxu iruruna dire. Tai iny ixitòena ratyre inyeereny kidiwahinykemy idi ihÿre. Iny irurudireki wahe.

²¹ Dohodÿÿdu mahâdu wowodyna riwahinykemy tamy watzireri, aõu aõu wahe. Bed-edÿÿnana konana-ò wahe. Kie.

4

¹ Inynyrÿ deòdu arixidu jiarÿ rare. Arexitòenykre inihe adeereny. Yrubuna-di aõhebo botÿÿnybenykeny adireny watzireri. Tai tahe Deuxudeewimy boibekre.

²⁻³ Tii dori juhoo adeereny irydu rare òbitimy boibekemy xiwedeòmy boibeke, ele eleòmy; wii biwiòhenanymy; luuna-di marurunymy boibeke. Ixi wesehyulemy boibekemy. Tai tahe Deuxu Tyytybytyhy aratarabutenyrenykre ywimy nodu dori kia diwiòhenanymyhyde.

⁴ Sohoji mahâdule rare, sohoji Deuxu Tyytybytyhydile. Umy sohoji wese, itytyby sohojilemy wese rare. Kaiboho tule araròsònareny sohojile rare, kaiboho ityhydÿÿdumy terònyteki wahe.

⁵ Inynyrÿ sohojile rare inythyhareneny sohojile rare. Tule iny ratisebena sohojile rare.

⁶ Deuxu tule sohojilere, ibutu tybymy rare ibutu ratyre rare. Ibutuy-ki tii rare. Tule ibutu rawo-ki ratzireri. Ibutumy aõhebo rotÿÿnykemy iny-di riwisÿnyreri tawowina-di.

⁷ Kristu tahe iny sòwemy rareki sohoji ruxetòena sòwemy sohoji-ò riwahinyre.

⁸ Kiamy heka ritina-ki roire: —Iu Jesuisi raòwònyre biu-ò ròtena ludu mahâdu ridyre idi wahidÿÿna inyeereny diwahinyde.

⁹ Betehebenyke rybeweereò-ò raòwònyremy. Aõmybohe kia rarybereri. Tahe juhoo dori surawo-txi robehere kiakékile tahe idi raòwònyke.

¹⁰ Kia robeherele taheka raòwònyre biuratyremy ibutu aõna aõna-di rexilÿxinykemy.

¹¹ Inyò-ò deòdÿÿna mahâdumy rarekemy diwahinyde aõwihikÿ widÿÿ wahidÿÿna wahe. Ijò-ò Deuxu rybedumy mahâdu rarekemy diwahinyde. Ijò-ò Rybewihikÿmy rybedu mahâdumy rarekemy diwahinyde. Ijò ityhydÿÿdu mahâdu yrubudÿÿdu mahâdumy rarekemy. Ijò bedeerydÿÿdumy mahâdu rarekemy.

¹² Ibutumy kia mahâdu ityhydÿÿdu riwiòhenanykemy idi ratzireri. Tai ityhydÿÿdu iaòmysÿdÿÿna riwinykre. Kristu umy wesemy ritibiedÿÿnykemy. Ibutu dee diwahinyde.

¹³ Ikonanau tahe ibutumy wiwese wesemy ròkòhòtynyrenyke, iny tyhynareny wahe. Deuxu Riòre rikierityhyrenykeny, iny òbitimy rokoireke, Kristu òbiti wesemy rokoireke.

¹⁴ Tohouâ wesemy aòkò rokoireke inythyhareneny-ki. Uritere witziradÿÿrenyòmy ibutu bedeeryna witzira witzira-di. Iwese yhy tiò tiò aõ riwymyhyre wese kia bedeerydÿÿdu rare. Iwitzira tyhydÿÿna-ò kia ityhydÿÿdu mahâdu ridykemy ratximyhyre. Ijò inatyhy rybe weselemy rarybere. Tahe aòkòre. Kia-ò ijohonarenyòmy.

¹⁵ Tahe luuna-di inatyhymy marybebenyke. Kristu aõmydÿÿnana-di bexilÿxinybenykeny idi maumnybenyke. Tii dori iny wedurenny rare.

¹⁶ Ityhydÿÿdu mahâdu heka Kristu umy wese rare. Ityhydÿÿdu sohoji sohoji wijura jura weselemy rÿira. Kristu ibutumy riwiòhenanymyhyre iwese umy hona umy wese. Umyjura kia ibutumy iaòmysÿdÿÿ dire. Wiweselemy tahe raaòmysÿdÿÿnykeki tai tahe umy awimy rariamyhyke. Ijò widerakeki tahe, Kristu umy raumnyòtyhy.

¹⁷ Katahe Inynyrÿnimy adeereny kiamy rarybemyhyre. Ityhydÿÿdukòdu mahâdu wesemy aòkò boibenyke.

¹⁸ Iraykyreny bedeluru-ki ihÿrenyre. Ieheherenyre, rieryòrenyre. Tai tahe Deuxu biu-ò hena umy tuedèna rieryòrenyre.

¹⁹ Ixâruna ihoòhyre. Urile ibutumy òraruna-txi rexihahinyrenyre.

²⁰ Kia Jesuisimy aòkò teerytenyete inyribireny wahe.

²¹⁻²² Jesuisi inatyhyana teerytenyete, ibutumy aõbina bina ixi-ribi bihitxinyke.

²³ Ibutumy awo arayky-wana bexitÿmyranyke.

²⁴ Deuxu umy tÿmyra wesena-di bexityhinybenyke. Kia heka òbiti rare; inatyhy rare.

²⁵ Tai tahe ruirenyòmy wahe. Inatyhymy iny witzira-ò marybemahâbeny. Wiwese hyulemy widi rakatximyhyrenyke.

²⁶ Makyarananyamahā-wana tahe urile òraru-txi ixēōmy. Ixi-di txu iròtedŷŷōmy awobinana-di

²⁷ Tule Satanasi deradŷŷna-ò nokōmy.

²⁸ Inyō juhuu wasidureki, ixityre tii wasiōmy. Tii wiji raaōmysŷdŷŷkre aōna aōna wiwihikŷ tebō-di riwinykemy wahe. Tai tahe iaōdikre iny aōkōmy rŷira riwiōhenanyke.

²⁹ Kai uritere ryebinaō ary-ribi iòlòdŷŷōmy Rybewiwihikŷlemy marybemahā. Kia rybe-di ijohodu riwiōhenanymyhŷre kynyhetuukre.

³⁰ Bibedeòtiidŷŷōmy Deuxu Tyytybytyhy. Tii dori arayrubunymyhyre tarasanatxu-ò.

³¹ Òbina rybemy widi nokōmy, wimy ujōmoōmy, adebure ijà ijàōmy, aōbinamy inymy ijyōmy, rybebina-di iny ihetedŷŷōmy.

³² Tahe ibutu dee ywimy boibekre, awimy wahe ainytyhymy iny-di boibekre. Aōbinamy iny adee rarybe-wana tahe iribi bexinohòtilosanymy biixāwididŷŷnymy Deuxu dori inyòraru riixāwididŷŷnyreki wahe.

5

¹ Deuxu inytybytyhyreny rare. Tai tahe iwese uladu tyby wesemy rotŷŷnymyhŷre wese, kaiboho Deuxu wesemy matximahābenyke Deuxu riøre luunadu wesemy matximahābenyke. Wiluurenkye, Kristu dori aluurenkye.

² Tule rexiwahinyre xiwe wesemy iny ritarenkyemy. Tai tahe Deuxu dee kia lŷnyrena wiwihikŷ wese rare.

³ Tahe òta òtarenōmy. Ibutumy aōna aōna bina bina widŷŷrenyōmy. Kaiboho dori ityhydŷŷdu mahādu toite.

⁴ Rybebinamy uriteretere rybeōmy. Ixideòsidŷŷōmy. Kia widŷŷna tahe ibinare. Tahe aōwihikŷō biwinyke, Deuxu deālānamy.

⁵ Òta òtadu tahe Deuxu òlona wahidŷŷna ritaōtyhy, iny binaō aōkō, inywobire aōkō. Kia Deuxu tyhy biukōdu mahādu rare. Bierybenyke kia.

⁶ Itxenadŷŷ rybe-ò ijohonarenōmy. Ityhydŷŷdukōdu mahādu Deuxu rybe riywinyōmyhŷre. Tai tahe Deuxu reburemyhŷre tamyreny.

⁷ Tiiboho-wana ratxiōhyymyhyrenyre iaōmydŷŷnana binareki.

⁸ Hŷŷnau kaiboho bedeluru-ki toitemahā. Tahe wiji Inynyrŷ loosōna-ki toite. Loosōnadŷŷdu riøre weselemy boibeke.

⁹ Aōbo loosōna-ribi nade tahe awire, òbitire, inatyhyre.

¹⁰ Tai aōbo Inynyrŷdeewi kia riteòsinyre.

¹¹⁻¹² Iwese bedelurubina widŷŷdu aōhebo rotŷŷnyre wese uritere iwidŷŷrenyōmy tahe teòsaremy tamy marybebennyke. Aōbo tiiboho wasimy aōhebo rotŷŷnymyhŷre ixŷruna adee rare tuu maryhemahākeki.

¹³ Ibutumy aōna aōna loosōna ritŷnyreny. Tai tahe iny aōmydŷŷnana loosōna ritŷnyrenykeki, iny rierkye itŷnydŷŷna dori loosōna rare.

¹⁴ Tyyritiō kia wesemy rŷire: —Inyō rōrōmy rŷikeki, rexixake rubuy-ribi rŷike. Kristu tahe araloosōnanykre.

¹⁵ Aōhebo botŷŷnybenykeò bexiijebenyke. Itxŷte widŷŷdu mahādu wesemy aōkō ahabenyke, bedeerdu mahādu wesemy ahābenyke.

¹⁶ Iōnodŷŷōmy abededŷŷnana. Wiji txu bededŷŷnana tahe ibinatyhymy rare.

¹⁷ Tai tahe itxŷteōmy ahāke. Bierybenyke aōbo Deuxu dee wire.

¹⁸ Vii mona-di axaxa rubudŷŷna wesemy aōkō matxibenyke. Kia tahe aōnityhyre, tumodu wahe. Tahe Deuxu Tyytybytyhy heka atykymy ralōmy boibeke.

¹⁹ Mawinymy bexirybenyke awo-ki. Bexirybenybenyke Inynyrŷ-ò awi-ribi bitxienymy mawiuynyke. Rybewiumy marybeke.

²⁰ Deuxu inytybyreny-ò ibutumy bealāmahābenyke Jesuisi Kristu Inynyrŷni òraru-ki tahe bexitōenyke.

²¹ Kaiboho ibutumy widee bexiywinyhyymy ahābenyke.

²²⁻²⁴ Iwese dohodŷŷna mahādu Kristu rybe rityhynymyhyre wese, hāwyy tahābu rybe riywinyke, ibutu aōmydŷŷnana-ki wahe. Hābu dori tahāwyy ònodu wese rare.

²⁵ Ibutumy hābu tahāwyy luukemy. Kristu dori dohodŷŷna mahādu luureki ture. Tamy tii rexiwahinyre rurukemy.

²⁶ Tai tahe kia òbitidŷŷnamy rurure. Iwese bee aō rasuhōmyhŷre wese, tarybe risuhōmyhŷre.

²⁷ Iòraru-ki tahe Jesuisi dohodŷŷna mahādu wiwihikŷō ixidee rimykre. Òbiti mahādulemy rarekre, aōbina binaō heka tai rŷiōhyymyhyre. Awi mahādu widŷŷdumy rarekre.

²⁸ Kiamy heka hābu tahāwyy-di rŷirake. Iwese hābu taumy luure wese tahāwyy luumy rŷirake. Iny tahāwyy luukeki, kia-di ixiluuke.

²⁹ Iny taumyderamy r̄jiòhyymyh̄re. Tahe aòkòre tule rexiòwenymyh̄re rexiwese-nanymyh̄re. Iwese Kristu dohod̄ȳna mahādu riwisananymyh̄re wese.

³⁰ Inyboho dori Kristu mahāduò roire.

³¹ Kiamy heka Ritina roire: –Tai heka hābuò tybyboho heto ririmyh̄re tahāwyy-wana wii ributunymy roirekemy. Inatxi umy ribi sohoji umyhyymy ròhònymyh̄re.

³² Kia aòmyd̄ȳnana heka ierysysirare. Tahe Kristu tohod̄ȳna mahādu-wana rarybereri.

³³ Ihārele tahe hābu tahāwyy luumy r̄jira iwese ixiluumy r̄jira wese. Tule hāwyy tahābu rityhynke.

6

¹ Uladu mahādu tybyboho rybe rityhynymyh̄re Inynyr̄ òraru-ki. Kia tahe òbiti rare.

² Boo adi-wana bityhynbenyke. Kia tahe bede ywina rybe juhuu rare. Tule Deuxu raròsòna kia bede ywina rybe-wana rare.

³ Kia biywinybenykeki, awimy mabeke, abeded̄ȳnana irehemy mabeke kabede-ki.

⁴ Uladu tyby, uladuse, ariòreny adeburehyymy idi iwis̄ȳd̄ȳrenyòmy. Tahe aòki reòsakeki tii riòbitinykemy tamy marybebenyke. Inynyr̄ deòsid̄ȳna-di tamy marybebenyke.

⁵ Deòdu mahādu kabede-ki awedureny bityhynbenyke. Awo-ribi tyhy tamywimy biwinybenyke. Bexiijemy ywimy biwinymy. Iwese Kristu dee tewinymahāte wesemy.

⁶ Aò tabiteriki aòkò biywinyke. Iwese Kristu deòdu wesemy mabeke. Deuxu dee wina awo-ribi biwinyke.

⁷ Deysana-di ibutumy òbitimy bis̄ȳd̄ȳnyke.

⁸ Ibutumy deòdu ada deòdukòdu Inynyr̄-ribi aòna aòna rimony. Tamy aòwihik̄y riwinykeki.

⁹ Tahe wedu mahādu, kaiboho eòdu mahādu-ò kia weselemy mabeke. Bredud̄ȳ rybe-di eòdureny-ò rybeòmy. Awedu dori eòdureny wedu tute biu-ki ratximyh̄re. Tamy dori ibutumy wiwese wesele rare.

¹⁰ Ibutu-ò tahe ikonanamy ararybekre. Inynyr̄ ruruna-di bexirud̄ȳnyke. Iruru tahe aòni rare. Tahe ixidee bimyyke.

¹¹ Bexitynyke aòbinanaty-di, debòna aòmyd̄ȳnana bimyyke. Tai tahe Diabo rybemy nodu biòludunyyke.

¹² Iny ijusunareny dori moo iny-wana aòkò rare. Iwitxira Satanasi ruruna-di rare. Din-odu ruru-di rare, kabede luruhuk̄y wedu-di wahe. Tytybybina ruru-di rare, biukihik̄yle.

¹³ Tai tahe ibutumy Deuxu debòna aòna aòna bimyyke. Idi txubina-ki biòlòd̄ȳnyke. Aijesu bitakeu tahe, òraru r̄yike.

¹⁴ Inatyhyna-di awereysana birarutxynyke. Òbitina-di abreti bitòbònyke.

¹⁵ Bexiwyinyke ywina Rybewihik̄y rybena-ò. Tii heka adikre.

¹⁶ Ityhyna tahe awyhyitxenamy ih̄re, idi eorutà bit̄ytenyke. Idi tahe Satanasi heòty wyhy biturinyke.

¹⁷ Tarasana tahe arataana wese rare. Deuxu Tytybytyhy mayrehe heka Deuxu rybe rare.

¹⁸ Deuxu Tytybytyhy-ki ibutumy ixitòed̄ȳhyymy atximahābenyke. Kia-di tahe biriranymy, boibeke. Ityhyd̄ȳdu mahādu ibutumy bexitòenyhyymy boibeke.

¹⁹ Tule wadee, bexitòenybenyke. Deuxu wadee rybe kidiwahinykemy wahe. Tai brebukòlemy Rybewihik̄y arit̄ynykyke, ierys siramy wahe.

²⁰ Jiar̄y Rybewihik̄y deòsid̄ȳdu rare wawomati rerotidire hārele wahe. Kristumy arelykemy watzireri. Tii heka wawid̄ȳnare.

²¹⁻²² Txitxiò tahe ityhyd̄ȳdu seriòreò rare, waluunaduò rare. Inynyr̄ rybe-di òbiti aòmys̄d̄ȳdu rare. Tai tahe tii adeereny reteònyre waaòmyd̄ȳnana adee rit̄ynykykemy. Awo riteysad̄ȳnykemy.

²³ Ywina ibutumy ityhyd̄ȳdu mahādu seriòreò kanakemy watzireri. Luuna tyhyna-wana kanakemy Deuxu, inytyby-ribi, Jesuisi Kristu, Inynyr̄-ribi wahe.

²⁴ Ruxetòena kanakemy watzireri Jesuisi inatyhymy luunadu mahādu-ò wahe. Tii Kristu rare, Inynyr̄reny wahe.

Filiposi Paulo Tyyriti, Filiposi Hãwã-ò

¹ Paulo, Tximòtxi-wana Jesuisi Kristu deòdureny roire. Ka tyyriti tahe rewahinyrenyleri Filiposi hãwã-ki ityhydýýdu mahãdu-ò. Ityhydýýdu yrubudýýdu mahãdu-ò tule rewahinyrenyra dohodýýna wiòhedýýna mahãdu-wana.

² Ruxetòena, ywina-wana Deuxu-ribi adeereny kanakemy watzixereri tule Jesuisi Kristu Inynyrýreny-ribi.

³ Rexitòenyreu, tiu aribireny wanohòti rosaòhyymyhýre. Deuxumy reàlàwãhãre umyreny.
⁴⁻⁵ Wadeysamy watziwãhãre Rybe tymyra wihiký tewiòhenanymahãtenyteki, juhuu, wiji tule ahãtenyete.

⁶ Deuxu iaòmysýdýýna wihiký inyworeny-ki rexideleny. Tahe Jesuisi Kristu bededýýnana txuu heka rexihumy kia rýikre. Kia tahe reerytyhyre.

⁷ Kaiboho wawana Deuxu ruxetòena luuna-wana widee inyboho riubýtýnyre. Ròtena-ki rarewãhãu, tule ròtenaribiòlòmý rarewãhã. Tule Rybewihiký retýnynymy rarewãhã kiamy heka rahòtinymahãre, wawo-ki adireny rahòtinyhyymahãre.

⁸ Sòwemy arawehityynanyrerì. Deuxule kia rierymyhýre. Jesuisi Kristu ruxetòena uludumy iny widi roire.

⁹ Kia ixitòedýýna tule Deuxu-ò rewahinyre umyreny. Aluunareny sòwemy rýikemy rexitòenyre. Tule arakywydynareny riixidorudýýnymyhýke.

¹⁰ Tibo awityhymy rýira kaiboho biije benykemy rexitòenymahãre. Tule inatyhydýýdumy rarekremy tamy rexitòenymahãre òbitihyylemy rarekemy Jesuisi Kristu bededýýnanatxu-ò.

¹¹ Òbitidýýna bederaty wesele rare. Kaiboho oworu taraty-di rýimyhýre wese týxihikýlemy òbitidýýna-dì matxibenykemy rexitòenymahãre.

¹² Jiarý ròtena-ki ràireu, kia tahe Rybewihikýmy rybe riwiòhenanyra.

¹³ Kowa dori ibutumy yrubudýýdu mahãdu roholare, dinodu heto itxeredu mahãdu wahe. Tai tahe bierybenykemy tuu rarybere.

¹⁴ Jesuisi Kristu òraru-ki tahe ròtena-ki ràimý rarewãhã. Ibutumy iny tahe kia rieryre, òraru-ki. Waròtena òraru-ki tahe ityhydýýdu mahãdu Inynyrý aòmydýýnadile rõhòtinyre, tule Deuxu rybe rarybemyhýre ruberuòhyylemy ixitòedýýna-dì.

¹⁵ Ijò heka ixityhydýýmy Rybewihikýmy rarybemyhýre. Ijò tahe inatyhymy Rybewihikýmy rarybemyhýre.

¹⁶⁻¹⁷ Rierymyhýre waròtena Rybewihiký òraru-ki rare. Ixityhydýýna mahãdu tahe inatyhy òbiti aòkò rare. Aòhòkýmy adotýýnykemy wadi ihýre Rybewihiký-dì.

¹⁸ Aòhebohe arotýýnykre? Arabedewomy aòbo ada areysakre aòbo. Areysahymy ararekre. Kristu rybe dori rarybemy rarehymy iny inatyhynadiremy ada aòkòremy.

¹⁹ Jiarý areysatyhykre ròtenawo-ribi dori aròhònykre. Aixitòedýýna, Jesuisi Kristu Tyytybytyhy riwawiòhenanykreki. Kia tahe reeryre.

²⁰ Deuxu aòmydýýnana ariwiòhenanykemy watzixereri waumy-dì. Jiarý arurukeki ada aòkòkeki aòbo. Jiarý araxýruòtyhykemy watzixereri aòhebo arotýýnykreki.

²¹ Kristu dee warumy ararekre. Tahe arurukeki kia tule wadee awire.

²² Tahe ararekeki Kristu dee araaòmysýdýýmy arareke iny-ò Rybewihikýmy ararybekre. Tibo awityhyre reerykòre.

²³ Tahe ixityre aròhòtiwydynanykeki kiamy heka rahòtinyrerì. Arakre Kristuòhyyle heka Kristu-ò arakele awire. Tii heka awityhyre.

²⁴⁻²⁵ Atòenarenykile tahe warumy ararekre. Tai tahe kabede-ki ararikre aityhydýýna-dì beysakemy maumy nykemy. Tai tahe kaki ararekre.

²⁶ Iu ayreny-ki aralokreu, Deuxumy beàlàbenykemy watzixereri, ayreny-ki ixityre watzixereriki wahe.

²⁷ Biyrybenykemy adireny watzixereri iwese Kristu tyhydýýdu mahãdu rýira wesekemy adireny watzixereri. Ayreny-ò arakeki aòbo ada araòkeki aòbo ijy wihiký-ò adoholamýhýkemy watzixereri. Kaiboho wiwana wanale inatyhyna rybe-di tarybemahãtenyete.

²⁸ Uritere brebuòmý aòludu lau Rybewihiký òludu lau wahe. Tamyreny tahe kia rubu bina bede urihixina rare. Tahe adeereny biu-ò hena rare. Kia Deuxu-ribi nade.

²⁹ Aò Kristu tetyhnytemy sohojile aòkò tahe tamy aòhòkýmy tatýýnytenyete tule.

³⁰ Inyboho dori ibutumy wiwana aòhòkýmy rotýýnykre. Jiarý sòwemy aòhòkýmy adotýýnymahãde. Kia-ò tahe taholatenyete wamy.

2

¹⁻³ Kaa aõbohe rÿire wiõhedÿÿna luuna-wana Kristu-ki, biõwana aõbo Deuxu Tyytybytyhy-ki. Kohe, kia ibutumy Jesuisi Kristu kilehekÿ rÿire. Ibutumy tahe wiluummy boibeke, wiwesehyyle mohõtinybenyke, wii bitõrabutenybenyke. Tai tahe areysakre aõrarureny-ki.

⁴ Iximy xiwederenyõmy. Tahe wiribi lahitximy boibeke, aõkõmy ixi-di marÿkyknybenyke. Iny sohoji sohoji aõna aõnadirenyremy ixi-di nohõtirenyõmy. Tahe hitxihitximy bõwidÿÿke iny sohoji sohoji iny wixira aõmydÿÿnana yrubudÿÿmy marÿkywydynanyke.

⁵ Iwese Jesuisi Kristu inywixira aõmydÿÿnana-di rõhõtinymyhÿre wesele, kaiboho mohõtinybenyke.

⁶ Jesuisi Kristu juhuhyy raremyhÿ, Deuxule rarehãre. Deuxururu tahe rimyõhyyre.

⁷ Tahe iribi ritare kaõ idi kodobehekemy deõdu weselemy. Tahe inyummyõ rimyre kaki inylemy rarekemy.

⁸ Tamy tahe ibinatyhymy nade itxeõ-ki rurukemy wahe. Ibutu aõbo kaki riwinyke heka, riwinyre. Tai tahe ibutu ratyre Deuxu Jesuisi risÿnyre. Ibutuni ratyre ini rare.

⁹⁻¹¹ Kiani-õ tahe ibutumy tatiowomy resekemy rÿire, biu mahãdu, bedeludu mahãdu, suwomy rÿira mahãdu. Tahe ibutu rybe wixira wixiramy iny rarybemyhÿre: —Jesuisi Kristu ibutu wedu rare. Deuxu inytybymy ibutumy realãmyhÿre. Kiamy waseriõre waluuduboho. Awana watzireriki tule iwixira bede-ki aratzikre hãrele. Deuxukihyyle atximahãbenyke. Warybe bityhynyke.

¹² Aityhydÿÿna-di õraru-ribi bexitabenyke, bexiebenyke õraru-txi ixelau.

¹³ Deuxu heka adeewina riwahinymy hÿre õbiti widÿÿna. Tiile riwiõhenanymy hÿre õbitina widÿÿna.

¹⁴ Uritere rybe binamy rybeõmy. Adeburemy iny iijeõmy.

¹⁵⁻¹⁶ Tai tahe inyõ rybe binamy umy rarybeõthy. Òbitityhymy boibeke kaiboho dori Deuxu riõremy toite. Kristu kodobehekrey, aõrarureny-ki areysakre. Retare dori aõmydÿÿnana wihikÿõ ayreny-ki.

¹⁷ Arurukewana ayreny-ki rybe wihikÿmy rybe õraru-ki, taile areysakre. Deuxu-õ dori rexiwahinyre xiwena wesemy arurukremy wahe.

¹⁸ Kaiboho tahe wadi beysahymy boibekre ixideewimy tahe adeereny arurukremy wãhãre.

¹⁹ Aõwesele Tximõtxi ayreny-õ ariteõnykemy idi watziwãhãre. Jesuisi Inynyrÿ dee wikeki. Tai tahe arierykre timybo kaiboho toite wahe. Tai heka areysakre.

²⁰ Tximõtxi tahe arawiõhenanyrenykre iny wixira wixira ratyre wahe.

²¹ Ijõ dori ixidile rõhõtinymy hÿre Jesuisi Kristu aõmydÿÿnana-di aõkõ.

²² Tximõtxi tahe teerytenyete iwese riwawiõhenanyre wese Rybewihikÿmy rybe-ki. Iwese tyby iriõre riwiõhenanymy hÿre wese Tximõtxi riwawiõhenanyre.

²³ Aõbo wadee rõhõnyke arierykre, tai wylemy ayreny-õ aditeõnykremy idi watzireri.

²⁴ Jiarÿ õsana tule wylemy Deuxu riwateõnykemy wadi ratzireri ayreny-õ.

²⁵⁻²⁶ Ijõ hãbuõ iteõdÿÿmy raruwãhãre ayreny-õ, Epafroditu wahe. Tii wawana noduõ rare. Kaiboho juhuu wadee teteõnytenyete wawiõhedÿÿdumy rarekemy. Tii heka awehityyrenymy rurumy hÿre. Tai tahe reõkesedÿÿnyreri kaiboho iwebinaduna-õ taholatenyete. Tai heka õkesemy riwisÿnyre.

²⁷ Inatyhy rare rurure inihe. Tahe Deuxu riruxetõnyreki riteytenyete. Jiarÿ tule Deuxu wadi raruxetõere. Tai rabedewoõhyyre aõwixira wixiramy ratÿÿnymahãreki.

²⁸ Tahe aõwesele ariteõnykemy watzireri. Kaiboho beysabenyke kia araerymahãrenyete. Jiarÿ tahe urihimy-õ arexielehynykre wanohõti yrena-ribi.

²⁹ Tii kedehemynykre, tahe bididybedenykre biwowydynybenyke. Rexiõhãrunymy rare Kristu õraru-ki riwawiõhenanykremy.

³⁰ Tahe tii inihe heka rurure iõraru-ki. Arokoreny-ki tii riwawiõhenanyre.

3

¹ Ikonanamy tahe ararybekre: —Beysabenyke, Inynyrÿ deysanamy. Jiarÿ heka riwaixi-ranyõhyymy hÿre heka tuu rybe. Awire tahe bohobabenykeki.

² Bexiijebenyke iny ijõrõsa wesena-lau tii iixÿruterere aõbinawidÿÿdu mahãdu tahe tii rare. Bexiijebenyke notykyresydu mahãdu lau.

³ Inyboho dori notyky resydu mahãdu õbiti rare. Deuxu Tyytybytyhy deewimy nodu roire. Jesuisi Kristu dee winale inydeereny awire. Inyboho dori aõwiwihikÿwidÿÿ-õ rikityhynyrenyõke.

⁴ Jiarÿ, Paulo ariõludunyleke aõbo ixi-wana ariwinyke. Jiarÿ ijõ hãbu ratyre waaõmydÿÿnana diremy arexityhynyke. Jiarÿ dori judeu mahãdu ijoji tyhy-ki tybie rare noty resyna ijoji tyhy rare. Debõ inataõ reurotxu-di reareu.

⁵ Bejami mahāduò jiar̄y rare. Judeu mahādu tyhy wāhāboho roire. Iriòremy jiar̄y rare. Fariseuò jiar̄y rare.

⁶ Tai tahe bede ywina rybe retyhynyre. Jiar̄y heka iijaramy raeleelemy reamahāre ityhyd̄ȳdu mahādu aōhōk̄ȳmy aris̄ȳnykre-ò.

⁷ Wabede ywinareny òbitimy rare sana raholamahāre, ibutummy retyhynymy rarewāhā. Ibutummy wahe aōmyd̄ȳnana reatyra Kristu luuna òraru-ki.

⁸ Inatyhymy Kristu wabiu-ò hedu reeryreu, ibutu aōmyd̄ȳnana-ribi wanohōti rosare. Ibutummy retxiwire iòraru-ki, kia ibutummy aō aōk̄ò rare, Kristu wabiu-ò hedule arimykre wabiu-ò hedukremy rare.

⁹ Waòbitina tahe aō wawid̄ȳna aōk̄ò rare. Jesuisi retyhynyre urenana tahe tii ri-waòbitinyre.

¹⁰ Kristu arierykemy idi watxiwāhāre. Rubu-ribi ixixana arierykremy, aōhōk̄ȳmy arot̄ȳnykre iòrarukile, iwese tii rurure wesemy wahe jiar̄y heka arexywinykremy watxireri.

¹¹ Tai rubu-ribi ixixana mahādu-wana arexixakre.

¹² Jiar̄y òbitityhy aōk̄ò rare ada ibutummy òbitina wadee riwahinyōre. Jesuisi riwamye aōmys̄ȳd̄ȳnaò ariwinykemy. Tai tahe wako-ò rawāhāre araòbitinykemy watxireri. Tamy tahe araòmys̄ȳd̄ȳnykemy watxiwāhāre.

¹³ Òbitityhy aōk̄ò jiar̄y rare. Kia sohojile tahe ariwinykre.

¹⁴ Tahe arehemynykremy watxireri titxibo Kristu diwateònyde. Kowa bede wihik̄ȳkile uriòno aritakre.

¹⁵ Tahe ityhyd̄ȳdu iummy kia-di mohòtinybenyke. Inyò aō rieryòkeki Deuxu tamy kia rit̄ȳnykemy.

¹⁶ Ùritere biijebenyke inatyhyna bityhynybenyke mywese weselemy rōk̄hōtinyrenyke.

¹⁷ Ityhyd̄ȳdu seriòre, iwese rewinymy rarewāhā wese biwinymy boibeke. Tule ijò-ò betehēbenyke wawese dori riwinyh̄yre.

¹⁸ Sōwemy dori iny òbiti aōk̄ò r̄yira, Kristu òludumy wahe, itxeò aōmyd̄ȳnana òludu wahe.

¹⁹ Kia iny tahe Deuxu rahukre. R̄ys̄ynale ta ideuxure. Tiibohe tahe aòbina binaòle awirenyre. Bede aōmyd̄ȳnanadile rōhòtinyre.

²⁰ Iny bedereny tahe biu-ki roimyh̄yre. Kowa-ribi reraòrenyleri iny tarasadu dehemynyna-ki. Inyryn̄y Jesuisi Kristu wahe.

²¹ Tii inummyreny riwitxiranykre. Tii taummywesele iny ritxienykre, taummy wihik̄ȳtyhy wesemy. Tii ruru òire. Tahe ibutu aòna aòna wedumy ronykre irurudireki.

4

¹ Waluunadu, waseriòreboho, kaibohe wadeysana warataana wesemy toite. Ywihyylemy boibeke, waluunaduboho.

² Warybe rewahinyre inatxi hāwyy-ò Eòdia, Sintxiki-wana. Kialemy wahe Inyryn̄y tyhyd̄ȳna-di wiwesehyylemy maraykynyke.

³ Adee tule wawihed̄ȳdu tyhy waryhe rewahinyre. Kai biwiòhenanykre hāwyy Rybewihik̄ȳ wiòhed̄ȳdu mahādu wahe. Tule Lemetxi riwawihēnanyre ijò-wana wahe. Ibutummy inireny heka Tyryritina rubuonanakòdu-ki r̄yire.

⁴ Inyryn̄y-wana beysahyybenyke. Tahe ixityremy ararybekre. Beysabenyke.

⁵ Ywina-di bis̄ȳnyke ibutu iny-ò. Inyryn̄y dehemynyna dori iòhòmy ih̄yre.

⁶ Ibutummy aōmyd̄ȳnana heka biyryd̄ȳnybenyke. Ibutummy bexitòenyke Deuxu-ò, àlàna-wana bexitòenyke.

⁷ Deuxu ywina awo-ò bitidikre arayky ibutummy riyrubunyke. Deuxu ywina dori inyraykyreny rieryòtyhy timyrekibo awityhyre.

⁸ Ikonanau tahe ibutummy aōmybo ararybekre maraykynybenyke ibutu inatyhyna, ibutu aòeryh̄yk̄y, ibutu òbiti, ibutu tiihyyle, ibutu iluuna, ibutu tyhyna awimy tahe roirekeki àlàna-wana r̄yikeki, tahe kia-di ibutummy maraykynybenyke.

⁹ Araerynanyrenyre, kaibohe teerytenyte, rarybereò tahe taholatenyta. Timybo watxireri wese kaibohe wamy tabitenyta. Tai iwesemy boibeke, ibutummy wahe. Deuxu heka ywina rare. Tii umywanarenyle rarekre.

¹⁰ Jiar̄y heka reysare Wanyr̄y dee. Kaibohe heka ixityre watxi òhòtirenre reare. Tiu waribi òhòtirenre rosaòhyre urile kaibohe wawihed̄ȳmy tarutenyte tahe isirare.

¹¹ Kaa tuu rarybereri heka aōmy raruòhyreri.

¹² Jiar̄y dori reeryre aòbo wamy r̄yira idi reysamy watxiwāhāre. Ibutummy waki r̄yimyh̄yre-wana tule awilemy rahòtinymahāre.

¹³ Reeryre dori awimyno tule ramamy rubu reeryre. Xiwersyna wese reeryre tule aōhōk̄ȳmyd̄ȳ reeryre rama jubreré. Kia tahe reeryre. Ibutu ariwinyke Kristu dori ruru wadee riwahinyre.

¹⁴Tule umy areàlækemy watzireri tiwawiòhenanyteki.

¹⁵Filiposi hãwã dohodÿÿna mahãdu, kaiboho sohojile nieruõ wadee tewahinytenyte, juhuu Macedonia hãwã-ribi rareu wahe.

¹⁶Tesalonia hãwã-ò wadee nieru tewahinymahãtenyte, inatxi nonanamy taditeònytenyte. Tahe riwamyre wadee rasiranymy idi rewyré.

¹⁷Aõ rexitòenyneri aõkõ nierumy. Sohojile aõmydÿÿnanamy aribi aritakemy watzireri. Deuxu aõmydÿÿnanale aritakemy rarumahãre. Umyreny Deuxu wehityhynamy arobikemy.

¹⁸Remyre awahidÿÿna. Epafroditu aribi riwawahinyre. Tai tahe sòwemy waki rÿireri. Iwese Iÿnyrena sòwemy watxi reamyhyre wese awahidÿÿna wadee rare. Iwese Deuxu-ò xiwenaõ awire wese wadee ihÿre.

¹⁹Aõhere inyDeuxureny ihewoludu atyhyna loosòna adeereny kadiwahinykre, Jesuisi Kristu òraru-ki. Aõbo adeereny rasiranyneri.

²⁰Deuxu kidiwahinykemy adeereny watzireri. Kia tahe inyDeuxureny-ò loosòna kidiwahinykemy watzireri tiemy heka rarehyykre. Kie.

²¹Iny sohoji sohojimy warybe-di biwehityynanykre Jesuisi Kristu òraru-ki. Kaki ityhydÿÿdu mahãdu tarybe wehityyna adeereny diwahinyde.

²²Ibutumy ityhydÿÿdu arãrybeweityhynanyre. Iòlò heto ityhydÿÿdu mahãdu yribihyyle adeereny diwahinyde.

²³Inyryÿ Jesuisi Kristu ruxetòena adeereny kanakemy watzireri.

Òlòsò Paulo Tyyriti, Òlòsò Hãwã-ò

¹ Paulo, Jesuisi Kristu deòdu Deuxudeewimy rare kia tyyriti rewahinyre. Tule Tximòtxi inyseriore rybe weityhyna riwahinyre, ibutumy ityhydỹydu seriòre-ò Òlòsò hãwã-ki.

² Wiòhedỹyina, ywina, Deuxu inytyby-ribi adeereny kanakemy watzireri.

³ Jesuisi Kristu-ò àlàna rewahinyhyymahãre, tule Deuxu Inynryỹ tyby-ò. Adeereny dori rexitòenyhyymahãre.

⁴ Kaiboho Jesuisi Kristu tetyhynmahãtenyte. Tule kowa ityhydỹydu mahãdu wilu-urenre.

⁵ Rybewihikỹ inatyhyò juhoo taholatenyte. Idi tahe araròsòna tetatenyte. Tai tahe biu-ribi kia ibutumy kanakre.

⁶ Iwese Rybewihikỹ bede bedelemy rariamyhỹre wese adeereny tule dehemynyde. Rybewihikỹ aòwihikỹ adireny riwahinyre. Iwese òwòru taraty riwahinymyhỹre wese, kaiboho inywitxira-ò aòwihikỹbo tewahinytenyte.

⁷ Epafa jiarỹ wiwana Deuxu deòdurenre. Kia iribi tadoholamahãte. Tii Kristu rybemy rybedu òbiti rare.

⁸ Tule wadee relyre Deuxu Tyytybytyhyòraru-ki wiluuna-di ahãtenyte.

⁹ Kia inyboho roholarenre, adeereny rexitòenyhy watziwãhãrenre. Rexitòenyhyỹ Deuxu dee wityhymy kaiboho bedierybedenyke. Deuxu Tyytybyerynatyhy-di boibekey, bedeerydỹyina-di.

¹⁰ Deuxeewihyymy kaiboho atximahãtenyte maratynke wesemy aòwihikỹmybo. Bi-ubỹtỹnymy boibeke Deuxumy bierybenytyhykre.

¹¹ Ibutumy ruruna-di boibeke Deuxu ruruna wityhy-di texihymy tadonymahãte ibutumy aòhòkỹmy bodotỹnykre deysana-di.

¹² Deuxu inytybyreny-ò àlàna biwahinybenyke. Tii iny riywidỹnyrenyry inyura juramy ritakemy. Kia jura jura ityhydỹydu mahãdu hòrò rare Deuxu loosònawo-ki ratximyhỹrenyke.

¹³ Tii bedeluru òlòna-ribi diwatade tahe diwadyde taRiòre luuna òlòna-ò.

¹⁴ Kristu heka iny ritare. Tii iny òrarunareny riòwynyde. Ibutumy òraruna riixãwadinare.

¹⁵ Jesuisi heka Deuxu lobixidỹyina rare. Deuxu tahe alobixina aòkò rare. Ibutumy widỹyina-ribi tii juhoo rãire.

¹⁶ Tii tahe ibutumy bededỹynana widỹydu. Ibutumy biu-ki bede-ki lobixina lobixiòna-wana riwinyre. Iòlòna wedu tyhydỹyina ruruna. Dinodu widỹyina. Ibutumy tii riwinyre ixidee.

¹⁷ Tii ibutu aòna aòna-ribi juhoo rỹire. Ibutumy aòna aòna taruru rimireri tai.

¹⁸ Iwese umyriti umy wedu rare kia wese Jesuisi ityhydỹydu mahãdu riti rare. Tii juhuna rare. Iwedu rare. Tii rubu-ribi ixixana juhoo ludu rare ibuturatyre dori Deuxu risỹnyre juhuuludumy ratxikemy.

¹⁹ Jesuisi-ki ibutu wiwihikỹ rarekemy. Kia tahe Deuxu dee wire.

²⁰ Deuxu ywina diwahinyde Jesuisi hãlubu-di itxeò-ki. Jesuisi hãlubu xiery ibutumy Deuxu riwaaxidỹyinyre biu-ki bede-ki.

²¹ Kaiboho Deuxu ery aòkò juhoo toite. Iòludu toite, arayky-ki aòbinahakỹ widỹy tadxinohòtinyinente.

²² Jesuisi umy-di Deuxu arainytyhydỹyinyre Jesuisi rurureki. Tai Deuxu tako-ò akanatamadỹnykre taòbitidỹnyteki aòraru lyrana-di, aòraru tuedena-di inyò umy ibinamy rarybeòtyhy.

²³ Urile tyhydỹyina-ki boibebynyhyke araròsòna-ribi ixihitxidỹyòmy. Araròsòna dori Rybewihikỹ-ribi nodu rare. Tii-ò tahe taholatenyta. Ibutumy iny biurawoludu-ò Rybewihikỹlemy narybede. Iribi jiarỹ, Paulo, Rybe wihikỹmy rybedu ròhònyre.

²⁴ Wijile reysamy watzireri adee aòhòkỹmy ratỹnyreriki, aò aòhòkỹmy dỹỹnanabo Kristu-ò rauhenre. Tai jiarỹ aòhòkỹmy arotỹnykre waumy-ki hyymy. Kristu-ò rỹira mahãdu dee kiamy ratỹnyre, dòhòdỹyina mahãdu dee.

²⁵ Iribi jiarỹ Rybe wihikỹmy rybedu ròhònyre. Kiamy Deuxu dee wimy diwateònyde tarybemy rybedumy.

²⁶ Tii ihetxiu rybe inatyhy ibutu lau rexiwore. Wiji tahe rexitỹnyre ityhydỹydu mahãdu dee.

²⁷ Kia-ò Deuxu rexitỹnykemy ratxireri iwese aòwihikỹ, taloosòna ratxireri, ibutu iny witzira dee. Kristu inywo-ki, kia tahe iny iraròsòna rare.

²⁸ Kia Rybewihikĩmy relymahārenyre ibutumy iny-ki reerydĩĩnanyamahāre bederysyna-di. Kia wesele ibutumy ityhydĩĩdu mahādu òbiti Kristu-ò ariteòsinykre.

²⁹ Kiaòle tahe rexirurudĩĩnyhyamahāre, Kristu rurudile waki rĩimyhĩre.

2

¹⁻² Warayky-ribi ijesu nihikĩmy resumahāre awo umyreny rahōtieremahāre reysakemy Òlòsò hāwā-ki. Laodisia mahādu tule wamy robiòmyhĩre mahādu tule wiluutyhyrenykemy kaiboho ibutumy Deuxu bedeerysynatyhy bierybenykemy adireny watxireri. Kristu-ki tahe bede erysynatyhy-di atxiteri idi watxireri.

³ Kristuwo-ki ibutumy bedeerydĩĩna bede erysynatyhy ityhyna wesemy riyrubunumy rĩire.

⁴ Kawese rarybera inyò arāitxenanyòmyhĩkemy rybe rayky-ribi ije-di.

⁵ Waumu awanareny ratxiòreri, watytyby tahe awanareny ratxireri, riwadeasanyreri, aòwityhy òbiti-di riwaerynanyreri Kristu-ki aityhydĩĩna-di riwaerynanyre.

⁶ Iwese Jesuisi Kristu heka Inynyrĩhyny tetyetynte wese. Tai tii-wana mabehybenyke.

⁷ Iwese oworu irarutiò rimymyhĩre wese myike. Anaerynadĩĩnymahāde wese maumynyke àlàdĩĩnamy.

⁸ Bexihārubenyke, inyò anaitxenadĩĩnyke lau. Tarayky-ribi ije rybe-di lahirybe-di anaitxenanykemy ihĩre rybe uritere ije ije-di. Kia rybe iny aòmydĩĩnana-ki rĩire bede tytyby aòmydĩĩnana-ki. Kia Kristu aòmydĩĩnana aòkòhyymy rĩirake.

⁹ Kristu umy-ki tahe ibutumy Deuxu ixitĩnydĩĩna rĩire.

¹⁰ Tule Kristu-ki kaiboho tyhynamy toite, texihutenyete. Tii heka ibutumy hābu rurudĩĩna ratyre rare, iòlòdĩĩna ratyre rare.

¹¹ Iwese uladunotyky riòròre wese Kristu aòraru urarina aribi diorode. Notyy resyna inatyhy aòkò rare. Kristu iwesenalemy riwinyre.

¹² Taratisebenytenyete, Kristu rubu wesemy tewesenatenyete deledede. Tule beribi tadòhònytenyete irubu-ribi ixixanamy tewesenanytenyete. Deuxu tyhydĩĩna-di rubu-ribi texixatenyete.

¹³ Kaiboho aòraruna-ki tòimyhĩteu rubu wesemy notyynaresy aòkò-di toimyhĩteu, adeeremy runa Deuxu diwahinyde, aòrarureny diixāwidinyde.

¹⁴ Kristu iny òraruna widĩĩnarenry-ribi tòhòti rosara. Kia tyryitina-di riixāwididĩĩnyre taitxeò-ò rareu.

¹⁵ Rurudĩĩna mahādu ruru dinodu mahādu ruru ritara, ibutumy iitxerenarenymy ibutu-ò riteòsinyre. Kristu taitxeò-ki irurureny ritara.

¹⁶ Kaiboho tahe uritere iny rybemy deòbyrenyòmy roxina bemomo, ada ahādu herinau ixenamy, ada sabado bededĩĩnanamy.

¹⁷ Kaiboho dori aò kanakre wesemy rare. Kristu tahe ibre tuu rare. Kia aòmydĩĩnana aò aòkò.

¹⁸ Inyò adeeremy rarybekeki: hexitxiònyke ŷju biteàlānykemy, rasina-ki ierysmy mohòtinkyemy. Tamy ijohonarenymy urile erydĩĩdumy rohòtynra. Tii tahe Kristu rityhynyòhyymyhĩre.

¹⁹ Inyumy wese inyboho ihĩrenyre. Kristu tahe umy ratiwesere. Umybutule-ribi ibutumy iukĩna wiwana reare. Ibutumy òhòna tusina-wana umy rabutumyhĩre. Deuxu umyna-dĩ umy raumymyhĩre.

²⁰⁻²² Kai Kristu-wana taruta-wana bede aòmydĩĩnana-ribi, aòherekibo wiji bede aòmydĩĩnana-wana arumy ahāte. Aòherekibo bede ywina wixira wixira tetyhynymy ahāte: imyny wedeydĩĩòmy. Tamy ade rexiòmy, roxina urihixiòmy. Kia wese hābu bede ywina tetyhynymahātenyete. Kia aòmydĩĩdĩĩkeki, rexihuke.

²³ Bede erydĩĩna wese ratxireri. Kia dori ixideele rexityhydĩĩnyre iyrubu wesemy rawesenanyreri, taumy ixidee aòhòkĩmy rexisynyre. Ibutumy kia tahe riwiòhenanyòhyymyhĩre umy òraluna lau.

3

¹ Kaiboho Kristu-wana texixatenyteri wana, biu ludu aòmydĩĩnana-di mohòtinybenyke, tai Kristu Deuxu ruruna weribi rasĩnymy ronymyhĩreki.

² Biu ludu aòmydĩĩnana-di mohòtinybenyke, kabede ludu aòmydĩĩnana-di aòkò.

³ Rubu wesemy dori ahātenyete, aumy tuedeòna runa Kristu-wana rare —Deuxu-ki riyrubunymy ratximyhĩre.

⁴ Kristu rehemynyreu, tule tii-wana rakatxirenyke.

⁵ Tai òhòti bitosanyke bede ludu aòmydĩĩnana aki rĩire: uri uri rĩira mahāduhemy ijara, òbitiòna, deòsana hemy nodu, iòbi retĩnyre òbiti-di aòkò rare. Inyò rĩire-di òtena kia ritxoo àlàdĩĩna wese rare.

⁶ Kia aõna aõna Deuxuwo binana rare, kia-ò Deuxu ykarana kanakre kia òrarudu mahādu-ò.

⁷ Kaiboho kia tewinytenyete aòrarunareny òrarudumy toiteu.

⁸ Wiji tahe ibutumy kia aõmydõyõnana aribi rexihukemy idi watzireri –wobinana, uõmo, rybe ije ije.

⁹ Iny witxira-ò ruiõmy, araybidinatyby dori aribi dexihude, iwidyõnabina-di.

¹⁰ Araybidina tõmyra-di tahe texiumydyõnyete tii araijõnyre bedeerysynahakõ-di, Kristu raybidina wesemy araybidina rarekre òbitimy araijõnykre.

¹¹ Kowa-ki wii rikininirenyõkre: judeu mahādumy, judeukõdu mahādumy, notyky resy-dumy, bedeeryõ mahādumy, txiebese wese mahādumy, deõdu mahādumy, deõdu aõkõ mahādumy ibutumy Kristu dee wiwese weselemy rõire. Kristule tahe ibutumy ihõre inydeereny. Tii ibutu inywo-di ratximyõre.

¹² Kaiboho Deuxu ijeseany anadymyõde tahõrõ luunana mahādukremy. Tai ruxetõena-di boibeke ixāwidina-di, inythyana-di, ywina-di.

¹³ Wii riwiõhenanymy rõike. Wii riixāwididyõnyemy rõike. Inyõ adee aõmy rotymykeki ixirawomy biijeranyke. Iwese Inynyrõ araxāwidinyre wese iny biixāwidinyke.

¹⁴ Ibuturatyre wiluurenkemy kiadile kaiboho wiwana ibutumy boibeke iweselemy mohotinybenkemy.

¹⁵ Kristu ywina heka umy-ki itxeredumy rarekre. Kristu hõrõ mahādu sohojilemy mabeke. Tai tahe àlana tamy biwahinybenyke.

¹⁶ Kristu rybe-di awo-ki mabehyumy mabeke idi watzireri. Wii bierynadõyõnyemy bitohonymahābenkemy bede ersyna-di. Deuxu-ò àlana biwahinymahāke wiurybe-di, wiu-di Deuxu Tytybytyhy wina-di. Mawinyke àlana-di aworeny-ribi.

¹⁷ Ibutumy tuu marybekremy, ibutumy tuu botõnykremy Wanyrõni-ò, tuu botõnykre Jesuisi Kristuni-ò. Inythyby dee àlana biwahinykre, Deuxu-ò wahe.

¹⁸ Hāwuy! Kai ahābu bityhinyke, Deuxu ersydyõna-di.

¹⁹ Hābu! Kai ahāwuy luuke, idi tudõrenyõmy.

²⁰ Uladu! Borybe, adirybe-wana bityhinyke. Kia tahe Inynyrõdeewire.

²¹ Uladuse, uladutyby! Kai ariõre ikyaradõyõmy, bede wona-di aõkõ ratxikemy.

²² Deõdu mahādu! Kai kabede-ki awedurybe-di ibutumy bityhinyke aõ idi retehererikile aõkõ, awedudeewi sohojilemy aõkõ, awo-ribi tyhy Inynyrõdeewimy tuu botõnykre.

²³ Aõbo botõnymahāke ibutu Deuxudeewimy botõnykre. Hābudeewimy aõkõ.

²⁴ Deuxu-ribi aõwydyõna kanakre. Kristu-ò dori taaõmysdyõnymahāte. Adeereny rahetõ riyrubunymy roimyhõre.

²⁵ Inyõ tahe aõbina riwinyomyõkeki, ihewomy aõbinale ritake. Deuxu dori ibutu dee wiwese weselemy idi rotõnymahāre.

4

¹ Wedu mahādu, kai eõdurenny dee òbitimy idi ahābenyke. Kai tahe tule awedu dire biu-ki. Kia nohõti losaõmy.

² Bexitõenyhyymahābenyke. Betehehybenyke. Bealāhyymahābenyke.

³ Inydeereny kia bexitõenykre. Deuxu rybe wihikõ-ò iny dee hāwā witxira-ò kidi-raynykre, Kristu inatyhynamy arellyrenykre. Iõraru-ki womati reroti nihikõ-di watxiwāhāre.

⁴ Kia ritynykremy idi watxiwāhāre. Waaõmysdyõny kiemy dori ihõre.

⁵ Biu ludu bedeerydyõna-di boibeke ityhydyõdukõdu mahādumy-ki. Aõwihikõrybe bexitõnykeki, turybelemy idi beake.

⁶ Arybe aõwi weselemy biyrubunyke, iwese rõsõna juwyrā-wana raurinymyõrewi wesemy. Tai arawyõna ijõdikre tõyõraxina-ò.

⁷ Txitõdu ibutumy waaõmydyõnana adeereny relyykre. Tii waityhydyõdu seriõre walumy rare. Tii rybedu òbiti iny-wana watzireri.

⁸ Adeereny reteõnyreri waaõmydyõnanareny erydyõnyemy awo deysadyõmy.

⁹ Onesimo heka tii-wana ariteõnykre. Tii tule òbiti ityhydyõdu seriõre watzireri. Ahāwāreny yluduõ rare. Tiiboho kedelydyenykre ibutumy timybo wāhāremy.

¹⁰ Aristarku wawana rõtenawo-ki wāhāre. Tarybe adeereny diwahinyde. Marku adeereny tarybe tule diwahinyde. Tii Banabe exi rare. Markumy, warybe teeryte, adeereny rybe rewahinyre wahe. Tii adeereny kedehemykeki, bidiwiõhenanyke.

¹¹ Josue-Justu ibutumy eryna rare. Jesuisi inityhy rare. Kaiboho sohojile tahe judeu mahādu-ribi iny-wana raaõmysdyõnyreri Deuxu òlõna òraru-ki. Tiiboho riwawiohenanyhyymyõnyre.

¹² Epafa tule aeryrenyõ rare tarybe adeereny diõde. Tii adeereny rexitõenythyhyymyõre kaiboho Deuxudeewimy boibehykemy.

¹³ Jiarĩ reeryre tii adeeremy tòemy ratximyhĩre, tule Laodisia mahãdu dee tule Ieryopoli mahãdu dee.

¹⁴ Luka, tarybe diwahinyde. Tii ityhydĩĩ òhotibedu rare. Dema tule tarybe diõde.

¹⁵ Warybe wehityhyna biõke Laodisia ityhydĩĩdu seriõre. Ninfa-ò tule wehityhyna biwahinyke dohodĩĩna mahãdu taheto-ki rĩreriwana.

¹⁶ Watyyriti-di dohodĩĩnaheto-ki rariakreu, idi tule Laodisia mahãdu-ò biõkre tako-ò rariakemy. Tule watyyriti kowa-ò rewahinyre, wimyke amahãduko-ò rariarenkyremy.

¹⁷ Arikipu-ò warybemy marybeke. Tii aõmysĩdĩĩnaõ ritare Deuxu-ribi. Kia-di tii ratxihiykemyidi watzireri.

¹⁸ Kia tyriti wadebò ritidĩĩna tyhy rare. Womati reroti-di rataataamy nadoimyhĩderibi õhõtireny lusarenỹomy. Deuxu wohyna adee kanakemy idi watziwãhãre. Paulo.

1 Tesalonia Mahãdu-ò Juhuu Tyyriti Tesalonia Dohodÿÿna Mahãdu-ò

¹ Jiarÿboho, Paulo, Sila, Tximòtxi-wana heka Tesalonia hãwã ityhydÿÿdu mahãdu-ò tyyriti ariwinyreny Deuxu ijoimy kaiboho toiteki. Deuxu wohyna, Deuxu ruxetòena heka Waha-ribi, Jesuisi Kristu Iólò-ribi akirenykemy he wadee awire.

² Aõu aõu Deuxu dealànamy adeereny rexitòenymahãre.

³ Atyhyna tiu inynohòti-ribi rosaòtyhy. Aluunareki dori Deuxu dee taaõmysÿdÿÿmahãte, Jesuisi Kristu iny Iólò dehemynyna teraòteri.

⁴ Kaiboho, Deuxu luuna mahãdu, Deuxu iyreny araijere.

⁵ Rybewihikÿ adee retÿnynynymahãre. Kia heka rybe sohojile aõkò rare. Tii ruruna rare Deuxu Tyytybytyhymy. Erynatyhy teeryte. Iwese iny ako-txi ratÿÿnyreny wese, kaiboho teerytenyta. Aluureki dori kawesemy ratÿÿnyreny. Tai tahe iwese inyboho ratÿÿnyre wese tule kaiboho tatÿÿnytenyete. Tule Inynyrÿ-wesemy tatÿÿnytenyete.

⁶ Aõhòkÿmydÿÿnana hãrele heka kaiboho rybe-ò taholatenyete. Tii aradeysarennyre, aõhòkÿmy dÿÿnana-ki hãrele. Eysanarenny dori Deuxu Tyytybytyhyribile namyhÿde.

⁷ Kaiboho tahe ityhydÿÿdu mahãdu wihikÿ toite. Ibutumy ityhydÿÿdu mahãdu heka awesereny roirekemy ratxirennyreri Macedonia bede-ki, Akaia hãwãdÿÿna-ki tule.

⁸ Aeryna ibutumy hãwã hãwã rieriya Deuxu tetyhnyteki, Macedonia bede-ki tahe tule Grecia bede-ki. Tahe kia-ò ixyby bohohabenykekò dori rare.

⁹ Iny arora-ribi dehemynnydeu inyko relyymyhÿre. Kaiboho asurixoo deuxu-di tehutenyete tahe inatyhy Deuxu tetyhnytenyete, Deuxu iru wahe.

¹⁰ Iriòre biu-ribi kanakremy teraòmahãtenyete. Kia heka Deuxu rubu-ribi riixixanyré rare. Jesuisi sohojile heka Deuxu debure-ribi riwatarennyke. Deuxu dori òraruna òraru-ki sòwemy rakyaranynihikÿmyhÿre. Tule kia umy inydee relyymyhÿreny.

2

¹ Kaiboho teerytenyete arora-ò roirenyre, jiarÿboho Deuxu aõmysÿdÿÿna sòwemy rewinyreny.

² Jiarÿboho aõhòkÿmy ratÿÿnyreny Filiposi hãwã-ki. Tai tahe adee rehemynnyre Tesalonia hãwã-ò wahe. Deuxu taruru diwahinyde. Tai heka jiarÿboho adeereny roirenyre Deuxu ijywyhikÿmy arelyyrennykemy. Sòwemy inydeereny òbinadu rÿire.

³ Iny rybe-di tÿnydÿÿnarenny inatyhymy rare. Inyboho òbitimy ròhòtynyreny. Jiarÿboho anaixtananyrennyòtyhy.

⁴ Iwese Deuxu inydeereny riwateònyre wese kialemy heka rarybeke. Aõbo inysòwehekÿ deewimy aõkò raryberenyre, tahe Deuxudeewimy. Tiile rieriye aõbo inywo-ki ratximyhÿ.

⁵⁻⁶ Tii rieriye iwese inyboho adeereny rarybemahãreny wese. Nieru tarasakemy aõkò inyboho watzirenny rui-di raryberenyremy rybewihikÿ adee rewahinyòhyymy. Awowydyna, arybe wiwihikÿ heka inydee aõkòhyymy idi watzirenny. Ijò iny-ribi tule aõkò kia rybe idi watzirenny.

⁷ Jiarÿ tiu ararybeòmahãrenny idi anierurenny aritakemy. Kia ariwinyrennykeki tahe, tule awire. Inyboho dori Jesuisi Kristu deòdÿÿna inyboho ratxirennyreri. Tahe iu jiarÿ ayrenny-ki raremahãu, aluurenny. Iwese hãwyyò tariòre riyrubunny wese adireny watzimahãre.

⁸ Deuxu Rybewihikÿ sohojile aõkò adeereny ariwahinykemy aõkò, tule wabededÿÿnana tule adeereny ariwahinykemy watzireri, aruruke adeereny, jiarÿboho sòwetyhymy aluurennyreki wahe.

⁹ Sòwetyhymy jiarÿboho raaõmysÿdÿÿnymahãre ayrenny-ki raremahãu, tai tahe òwyò aõkò teòwynymahãtenyete. Rummy raaõmysÿdÿÿnymahãrennyre, txummy tule. Tai ixiaõmysÿdÿÿnadile inyboho rÿimahãrenny.

¹⁰ Jiarÿboho ayrenny-ki òbitimy roiremahã. Aõhe inatyhy, waityhydÿÿdu seriòreboho. Kia teerytenyete. Deuxu tule riwaeryne.

¹¹ Iwese tybyò tariòre riywinyre wese, jiarÿ araywinyra, wariòre wesemy.

¹² Arãwiòhenanykemy adi watzireri arateysadÿÿkemy. Warybe dohodÿÿna-ò bohohabenyke. Tai tahe kaiboho Deuxudeewina-ki atxibenyke. Tule tii-wana masÿnybenyke taòlòna-ki, toosòna-ki.

¹³ Tai tahe àlana sòwemy Deuxu-ò rewahinyrenny. Ayrenny-ki raremahãu, Deuxu rybe tÿnydÿÿmy, kaiboho tetyhnytyhymahãtenyete. Deuxurybele taholatenyete. Tii heka inatyhy kia rare, Deuxu ijytyhy wahe. Waityhydÿÿdu seriòre, Deuxu ayrenny-ki ratximyhÿre.

¹⁴ Waseriòreboho, iwese Judeia ityhydÿÿdu mahãdu heka aõhòkÿmy rotÿÿnyre wese, kaiboho iwesele aõhòkÿmy tatÿÿnytenyete. Kaiboho aòwitxira witxira aòbina bina

teòludunymahâte aòhòkÿmy dÿÿnana-ki. Abede ludu mahâdu tuu riwinyre. Iwese Judeia mahâdu heka judeu mahâdu debò-ki aòhòkÿmy rotÿÿnyre wese, kaiboho tule aòhòkÿmy tatÿÿnytenyete.

¹⁵ Judeu mahâdu heka juhuv Deuxu rybedu mahâdu rirubunynenyre. Jesuisi tule rirubunyre. Inyboho tule ribinadÿÿnykemy ratxireri. Deuxumy dòdu tiiboho roire. Ibutumy inmy òludu ratxireri.

¹⁶ Tiiboho iny ribinadÿÿnykemy ratximyhÿre, iny dori rybe tÿnydÿÿdumy inyboho ratxireri judeukòdu mahâdu-ò. Kia-di heka ijò òraruna tiiboho ributunyre. Deuxu tahe wiji tiiboho ribinadÿÿnykre. Ityreneny-ò Deuxu kyarana bededÿÿnana kedeseke.

¹⁷⁻¹⁸ Waityhydÿÿdu seriòre, aribi irehemy watzireri, awehityhyna sòwemy wadi ratxireri. Sòwemy adi aretehekemy watzireri ixityrele. Tiubo aroramya arake, Satanasi riwabinadÿÿnyra. Tahe aòkòre. Araòke.

¹⁹⁻²⁰ Kaiboho dori iny raròsònatyhy, inydeysana, iny biu-ò hena Inynyrÿ Jesuisi òraru-ki atxitenyete. Tii dori kanake. Kaiboho ixityhydÿÿnaò heka toimahâte.

3

¹ Ikonanau tahe reòludunynenyòtyhy. Tai tahe ixisohojile Atena hâwâ-ki rÿikremy watzireri.

² Tai Tximòtxi adee reteònyre, inyseriòre wahe. Tii heka wawanareny Deuxu aòmÿsÿdÿÿna-ki riwiòhenanyre Kristu Rybewihikÿ tÿnydÿÿmy. Adeereny dori reteònyre aityhydÿÿna wiòhedÿÿmy.

³ Tai tahe bede jei òraru-ki, kaiboho ahewo-ò booseòtyhy. Kia ibutumy Deuxudeewina inydeereny rare.

⁴ Iu ayreny-ki rarewâhâu, kiamy rarybewâhâre aòma adeereny aòhòkÿmy dÿÿnana kanake. Kiale tahe inatyhymy nade.

⁵ Tai tahe Tximòtxi reteònyre, omy arierykemy timybo aityhydÿÿna-ki tatÿÿnytenyete. Satanasi òsana waaòmÿsÿdÿÿna ayreny-ki ribinadÿÿnyre. Aòkòre, tii Deuxu aòmÿdÿÿnana ribinadÿÿnyòtyhy.

⁶ Tximòtxi heka Tesalonia hâwâ-ribi ròòsera. Ijyy Wiwihikÿ tahe raholara. Aityhydÿÿna aluuna wana raumynyre. Tule tii relyyre iwese kaiboho awehityhyna dire inyluure wese. Wadeysamy watzireri, waseriòreboho, aòraru-ki.

⁷ Waaòhòkÿmy dÿÿnana hàrele heka wadeysamy watzireri, aityhydÿÿna awireki wahe.

⁸ Kaiboho awimy matxibenykeki, awimy jiarÿ watzimahâre, warumy watzimahâre.

⁹ Aòraru-ki tahe Deuxu-ò àlàna rewahinyre. Deuxu-ki tahe wadeysamy watzireri.

¹⁰ Rummy txu-wana adeereny arexitòenykre arora-ò arake, aityhydÿÿna wiòhedÿÿmy wahe.

¹¹ Deuxu Inytyby, Jesuisi Kristu Inynyrÿ-wana riwawiòhenanykemy idi watzireri arora-ò arake.

¹² Wiluumy ibutumy ityhydÿÿdu mahâdu luumy idi watzireri. Iwese aluure wese wiluuke.

¹³ Tii inydeereny ruruna riwahinykemy idi watzireri. Òbitimy tahe rakatxirenyke Deuxuko-ò, Inytybyko-ò. Inynyrÿ Jesuisi kedehemynykreu, tamahâdu-wana, tai iny imahâdule rakatxirenykre.

4

¹ Waityhydÿÿdu seriòre, timybo òbitimy ahâbenykemy rebedeerynyre Deuxudeewina wahe. Iratyre tahe arexitòenykre Inynyrÿ Jesuisi òraru-ki, òbitityhymy boibenybekemy. Kia tahe teerytenyete.

² Jesuisi bede erydÿÿna heka adeereny rewahinyrenyre. Kia teerytenyete.

³⁻⁴ Kia tahe rare. Òbitityhymy ahâbenyke, òta òtarenyòmy. Iny sohoji sohoji òbitimy ahâwyy-wana matxibenyke.

⁵ Iwese ityhydÿÿdukòdu mahâdu riwinyre wese aòkò idi ahâke. Tii dori Deuxu ri-erykòrenyre.

⁶ Tuleke kia aòmÿdÿÿnana-ki iny sohoji sohoji aityhydÿÿdu seriòre ibinadÿÿòmykemy. Iwese rarybere wese ixityre ararybekre. Inyò kia aòmÿdÿÿnana riwinykeki, debure bededÿÿnana tii ralòke.

⁷ Òta òta aòmÿdÿÿnana aòkò Deuxudeewire, òbitina aòmÿdÿÿna tamywire.

⁸ Inyò kia bede erydÿÿna rityhynyòkeki, Deuxule heka tii rityhynyòre, hàbu bede erydÿÿna aòkò. Deuxule Tatytybytyhy inydee riwahinyre.

⁹ Kaiboho aityhydÿÿdu seriòre mahâdu luurenyre. Tai ixityby kia adeereny ariritinyòtyhy. Deuxu dori araerynanyrenyre timybo wiluumy boibekemy.

¹⁰ Kia luuna-dí tahe ibutumy Macedonia hâwâ hâwâ mahâdu luumy. Ihârele tahe waseriòreboho iratyre wiluumy.

¹¹⁻¹² Ywina-di wi-ò wi-ò boibeke. Aaòmÿsÿdÿÿna-di iximynamy boibeke. Tai ibutumy ityhydÿÿdukòdu mahādu umyreny robikreu anatyhynyrenykre. Tai tahe ijò iny aaòmÿdÿÿÿnana ixi-di nokòmÿ. Ixisohojilemyta ixi-di maaòmÿsÿdÿÿnyke.

¹³ Waseriòreboho araerynanykre rubu mahādu aòmÿdÿÿÿnany. Tai ijò inywese mahinybenyòke, bobubenyòke. Tii dori raròsòna-di aòkò ratxirenyre

¹⁴ Kristu heka rubumy roire ribile rexixare. Kia tahe retyhynyrenyre. Kiawesele tii-wana heka Deuxu taityhydÿÿdu mahādu kididyke, rityhynymy rurure mahādu tule.

¹⁵ Inynyrÿ riwabedeerynynyreny kiamy: inyboho irumy ratxikeki kiatzuu juhuumy timy inorenykòna. Rubu mahādu tuukre.

¹⁶ Tahe ÿju wedu juhuu rarybekre. Deuxu juròna-di ritxurònykre. Idi Inynyrÿ kodobehekre biu-ribi. Juhuu ibutumy ityhydÿÿdu rubumy rÿira riumynykre, riumywitziratÿmyranykre, riixixanyrenykre.

¹⁷ Tahe ibutumy inyboho irumy rÿira mahādu heka Inynyrÿ-wana ributunynyrenykre biu-ki. Tai tiiwanahyy roirenyre

¹⁸ Kia rybe-di wii beysabenyke.

5

¹ Ityhydÿÿdu seriòre, tiubo kia ibutumy aòhebo rotÿÿnykre. Kiamy adeereny ariritinyòtyhy.

² Rummy wasidu wesemy kia txu kanakre. Kia teertyentye. Ibededÿÿÿnana iny rieryòtyhy.

³ Inyò rarybekèki: –Ibutumy awire. Ibutumy ywina-di ratxireri. Kiatzuu kedexihukre. Inyò rahenyòtyhy. Iwese hāwyy txuberere wese, uladu ijera iòhòreu kia rare.

⁴ Kaiboho, waseriòreboho, tetyhynytenyete tai kiatzua adeereny bede òtiidÿÿ aòkò rarekre. Kaiboho dori kia teertyentye, wasidu wesemy kanakemy wahe.

⁵ Inyboho ibutumy txuu mahādu atxitenyete, loosòna mahādu wahe. Bedeluruhukÿ mahādu aòkò inyboho ratxireri.

⁶ Tai tahe ròkòrònyòtyhy. Bexixabenyke. Ijò iny wese aòkò atxibenyke. Betehebennyke.

⁷ Rummy ibutumy iny ròròmÿhÿre. Tule kiau ibutumy riòmÿhÿre, axaxaluudu mahādu wahe.

⁸ Inyboho tahe iximy rekesiòbitidÿÿnyke ywina-di. Ityhyna, luuna-wana heka iny òrarunareny itxena wesenamy rikitidikre. Tarasana tahe inyratiywina wesena rare, tarasana raròsòna wahe.

⁹ Debure bededÿÿÿnana-ò aòkò inyboho ralòòtyhy. Deuxu aòhòkÿmy dÿÿÿnana kia Deuxudeewina aòkò rare inydeereny. Biu-ò hena-ò tahe inyboho ralòrenykre Jesuisi Kristu Inynyrÿ òraru-ki.

¹⁰ Tii dori inydeereny rurure. Tai tahe tii-wana rarehyymy rÿikre irumy ada rubumy iny ratxirehāre.

¹¹⁻¹³ Kiarybe-di widee beysadÿÿÿnymahābenyke. Deuxu rybe tÿnydÿÿdu mahādu biwiòhenanybenyke, bityhynybenyke. Kia tahe wadee awire. Tii dori awiòhedÿÿdu ratxireri Inynyrÿ òraru-ki. Ibutumy widee òbitimy atxibenyke, tii Deuxu deòdu rareki.

¹⁴ Tule adeereny ijò dohodÿÿnaò aratohodÿÿnykre. Iehehe mahādu biòbitinybenyke. Ityhyna kyhynakò mahādu bikyhynanybenyke. Ibutumy widi atximyhÿbenyke.

¹⁵ Inyò aòbinamy adee rakeki, ixiòwydÿÿòmÿ. Ywina-di tamy bisÿnyke.

¹⁶ Beysahyybenyke.

¹⁷ Ixitòedÿÿÿhymy boibehyybenyke.

¹⁸ Ibutumy bealāmahābenyke. Kaiboho dori Kristu ijoi atxitenyete. Kia adeereny Deuxudeewinare.

¹⁹ Deuxu Tytybytyhy-ò bohohake, awo-ki arayky-ki tii ratxire.

²⁰ Deuxu dee rybedu mahādu awire irybe awire. Ibinamy aòkò tai marybebenyòtyhy.

²¹ Ibutumy biurihibenyke. Aòbo awirele tahe idi bimyke.

²² Ibutumy òraruna-ribi irehemy atximahābenyke.

²³ Deuxu heka ywina rare. Tii araòbitidÿÿnytyhyke. Adeereny rexitòenyre. Araykywydyna, òhòtiwydyna, aumy-wana ibutumy raywidÿÿmy ratxike idi watzireri. Jesuisi dori eleelemy kodobehekre.

²⁴ Tii kia ibutumy juhuu rarybere wese, tii adeereny riwinyhykyre.

²⁵ Waityhydÿÿdu seriòre, inydeereny bexitòenybenyke.

²⁶ Deuxu deysana òlusò-di wii birybebenyke.

²⁷ Wadee bohohake Inynyrÿ òraru-ki. Kia watyriti heka ibutumy ityhydÿÿdu seriòre rohohakemy watzireri. Idi mariake.

²⁸ Jesuisi Kristu Inynyrÿ ruxetòena heka adeereny ratximyhÿkemy idi watzireri. Kie.

2 Tesalonia Mahãdu-ò 2 Paulo Ryberiti Tesalonia Hãwã-ò

¹ Paulo, Sila, Tximòtxiboho-wana tyyriti rewahinyrenyre Tesalonia dohodỹna mahãdu-ò. Inyteri Inytyby, Jesuisi Kristu Inyntyry ijoin toiteò.

² Wiòhedỹna, ywina-wana adeereny kanakemy watzireri Deuxu Inytybyreny-ribi, Jesuisi Kristu Inyntyryreny-ribi.

³ Inyseriòreny, Deuxu-ò adee reàlamahãrenyre. Kia tahe awi rare. Kaiboho aõu aõu texityhydỹnytyhymy atximahãtenyteki, ityhydỹdu seriòre wiluuna-di iluutyhymy teletenyteri.

⁴ Tai heka ijò Deuxu dohodỹna heto-ki aõwiihikỹmy umy rarybemahãre. Kaiboho dori aõwixira wixira aõbina bina teòludunymhỹtenyete, aõhòkỹmy dỹnana-ki ixiwesehymy toitemahã ire tetyhynytyhymahãtenyete.

⁵ Kiawesele Deuxu aõna aõna òbitimy riwinymyhỹre. Kaiboho Deuxu teywinytenyteri Iòlòna-ò malòbenykremy, aõhòkỹmy tatỹnytenyteriki wahe.

⁶ Deuxu, tiiboho aõbina bina-di riòwynyrenykre, aõhòkỹmy dỹnana dori adeereny riwahinyreki. Kia tii òbitimy ròhòtynyre.

⁷ Biu-ribi Inyntyry Jesuisi tarurunareny ýju-di kodobehekrey, aõhòkỹmy dỹnana-ribi elehyana adeereny, tule inydeereny Deuxu kidiwahinykre.

⁸ Heòtyloona-di tii kanakre riòwynykremy Deuxu rieryòmy rýira mahãdu dee, tule Inyntyry Jesuisi Rybewihikỹ riywinyòmy rýira mahãdu dee.

⁹ Kia mahãdu aõu aõu aõhòkỹmy rotỹnykre Inyntyry òsnyñ-ribi iteòdỹna-ki taruru-loosòna-ribi.

¹⁰ Tii kanakre tahe ibutumy iijoi mahãdu tamy làhàna riwahinykremy. Ribedeòtiidỹnyrenykre ibutumy taijoi dee aõmydỹnana riwinyreki. Tetyhynmahãtenyete, Deuxu rybe dori jiarýboho adeereny rewahinyamahãreki.

¹¹ Kaiboho iwese Deuxudeewimy rarekemy boibeke. Tai tahe adeereny rexitòehymahãrenyre. Deuxu rurunadi atyhydỹna-di sòwemy aõwiihikỹ riwinykemy idi watzimahãre.

¹² Tai tahe ibutumy Inyntyry Jesuisi Kristu nimy sòwemy beàlamyhỹkemy. Tii loosòna adeereny riwahinykemy watzireri. Kia Deuxu dee, Inyntyry Jesuisi dee awi rare. Wiòhedỹna iribi bitabenyke.

2

¹ Waseriòreboho, Inyntyry Kristu òkesenamy iximy iny ritakemy adeereny warybe riwahinykre. Inyò rarybekeki Inyntyry òkesena txumy rehemywymy rýire, kia rybe-di iòtiidỹòmy.

² Inyò rarasynekeki, Deuxu-ribi ijyy ritakeki, urile ityhydỹnyrenyòmy. Inyò waribi tyyriti itarasamy rarybekeki, ityhydỹnyrenyòmy.

³ Inyò aitenadỹòmy boibeke. Ityhydỹdu atysyna nihikỹ juhuu kanakre, idi tahe kia txu kanakre. Juhuu hàbu ibinatyhy kedexideòsinykre. Heòtybedeluduò tii rare.

⁴ Tii ibutu Deuxumy òludunadu rarekre Deuxumy iny rininire mahãdu wahe. Ibutumy àlana aõmydỹnana riatykre. Deuxu dohodỹna hetowo-ò ralore tahe Deuxu weselemy ronykre. Iximy rarybekre tii Deuxu raremy.

⁵ Tuu heka adeereny rarybere, akireny raremahãu, òhòtirenny aõbo itxi rearennyòra?

⁶ Ibededỹnana raòbitikre xiery, kanakre. Deuxu ruru dori rimymhỹre. Kia tule teerytenyete.

⁷ Iaòbinahakỹ aõmydỹnana inyy-ki ratzireri. Tii tyhy wiji kanaòkre. Imynydu iribi rexitare xiery, tahe tii kanakre.

⁸ Taille tahe hàbu ibinatyhy kedexideòsinykre. Inyntyry Jesuisi kanakrey, tii tuu kidirubunykre taryeledile.

⁹ Juhuu tahe kia hàbu Satanasi deòdu tahe iruru-di kedehemyntykre. Aõna aõna wiwihikỹ widỹnyry ròitxenadỹnyryeri.

¹⁰ Inyò sòwemy riitxenanykremy bedebdydỹ wesemy. Ityhydỹnydukòdu mahãdu tii riitxenanytyhykre. Tiiboho dori inatyhyna rybe rityhynyòmyhỹre, tuuòmyhỹre, tai rexirutaòrenyre.

¹¹⁻¹² Deuxu dori rilawere tuu rityhynyrenykremy ibinare hàrele. Kia ruina rityhynyrenykre, tai Deuxu rihitxidỹnykre inatyhyna rityhynyòreki, taòrarudỹna luureki.

¹³ Deuxu tahe juhuutyhylemu aratareny, waseriòreboho. Biu-ò hena adeereny riwahunyremu inatyhyna tetyhnytenyteki. Deuxu Tyytybytyhy aralyradýnyreny. Tai, Inynyrý luuna mahãdu, Deuxu mahãdurenymu belebenykemu atximahãteny.

¹⁴ Deuxu adeereny Rybewihiký diteònyde. Inyboho tahe ijydyumu roire. Iny òrarurenyki tahe Inynyrý Jesuisi Kristu loosòna bitabenykemu idi toite.

¹⁵ Kia ibutumy, waseriòreboho, itxi òhòtirenny reake. Aòmybo araerynanyamahãre kowa-ki raremahãu, tule watyryti-di rebedeerydýnyamahãreny, idi mohòtinytyhybenyke, òbitimy idi boibeke.

¹⁶⁻¹⁷ Inynyrý Jesuisi Kristu Deuxu Inytyby, luuna luuna, wiòhedýyna, raròsòna sòwemu inyeereny diwahinyde. Inyboho aòhyymu aòkò roire. Iribireny raybidina adeereny kanakemu watzireri. Tule umy kanawiòhenanykemu watzireri ibutumy aòhe botynyke, marybemahãbenyke.

3

¹ Watyryti-di konanamy tahe adeereny ararybekre. Waseriòreboho, inyeereny bexitòenyke. Inynyrý rybemu araryberenykemu, inywitzira-ko arelyyrenykemu, tule Inynyrý rybe-di iwese rybe ayreny-ki aòwihikýny raremyhý wese.

² Tule bexitòenyke kia iny iehehe-ribi arexitarenykemu. Ibutu iny dori inatyhyna rityhynyòreri.

³⁻⁴ Tahe Inynyrý òbiti rare tii arawiòhenanykre. Tii ararurudýnykre kia reeryre. Satanasi-ribi arayrubunyrenykre. Tahe, aòmybo reerynadýnyre wese kaiboho aòhebo tatýnytenyterimny heka adireny watzimahãre tule kia wesehyyle rakatzirennyke.

⁵ Inynyrý-ribi Deuxu luuna, Kristu itxòmoxina bede erynahaký adeereny kanakemu watzimahãre.

⁶ Kia Jesuisi Kristu Inynyrý bede ywina wese rare adeereny ararybekremy. Waseriòreboho bexiweresynyke iny deoruxere-ribi, ibutumy iny waerysydýyna roholaòre mahãdu-ribi, tii ityhydýnydu mahãdu hãrele.

⁷ Ayreny-ki roiremahãu, raaòmysýdýnyhyymy roiremyhý. Tai kaiboho teeryteny iwese mabekemu.

⁸ Tiu iny witzira rýsýna rerýsýrennyòhyre, iòwyòmy. Txuu ruwana raaòmysýdýnyre waaòna aòna òwydýny. Tai tahe adeereny isiramny aòkò ayreny-ki jiarý raremyhý.

⁹ Inyò-ribi rýsýnaò arirýsýmahãkeki, kia tahe ibinamy aòkò rare, jiarý Deuxu rybemu rybedu-ki wahe. Tahe aòkòre urile rexideòsinykemu rerýsýmahãrenny. Iwese aòmysýdýny awirewesele umy reerynanyrenny.

¹⁰ Tai rarewãhãu kia bede ywina rewahinyre: —Iny raaòmysýdýnyòmyhýre riroxiòtyhy.

¹¹ Jiarý raholawãhãre iny deoruxeretyhy-ò ayreny-ki ratximyhýrenny, tiiboho aòmysýdýny derarenny, urile raujòmomyhýrenny.

¹² Jesuisi Kristu Inynyrýni-di tamyrenny ararybekre rayruburennykemu, raaòmysýdýnyrennykemu ixideereny.

¹³ Tahe adeereny, waseriòreboho, ararybekre. Aòwihiký widýny-ò ixirarennyòmy.

¹⁴ Inyò ka waryberiti riywinyòkeki, mobo tii rare bierybenyke tahe kie-ribi irehemny biijeke, tai tii raixýrukemu.

¹⁵ Urile tii aòludumny aòkò ratzireri. Aseriòre wesemy tamy marybeke. Bijemy idi ahãke.

¹⁶ Inynyrý ywina wedu rare. Tii adeereny ywina ibutumy aòmydýnyana-ki kidiwahinykemu idi watzireri. Inynyrý awanarenny ratxikemy idi watzireri.

¹⁷ Kia konana warybewehityyna jiarýle aritinykre wadèò-di. Ibutumny waryberiti-ki rýre wese kawesele wani retidire. Paulo.

¹⁸ Jesuisi Kristu Inynyrý wiòhena ibutumny adeereny ratximyhýkemu idi watzireri.

1 Tximòtxi-ò Paulo Juhuu Tyyriti Tximòtxi-ò

¹ Jiarý Paulo watxiwähäre. Jesuisi Kristu deòdýýna watxiwähäre. Deuxu iny tarasadumy riwateònyre, tule Jesuisi Kristu Inynyrý riwateònyre. Tii tahe inyaròòònareny rare.

² Katyryiti adee rewahinyreri Tximòtxi. Kai inatyhymy wariòre wesemy atximyhýte ityhydýýdu mahäduy-ki. Tahe Deuxu-ribi Jesuisi Kristu-ribi luuna, ywina, ruxetòena, adee kanakemy watxireri.

³ Jiarý Macedonia-ribi rareu, adee warybe rewahinyre kai Efesu hãwã-ki mabekemy. Kia adiwahinyde warybe tamy kia beòbykemy; kowa dori inyò Bede ywina tyyriti wixiramy ròerydýýnanyre riki.

⁴ Ihetxiu ijyymy heka rusake kiawesemy heka kai tamyreny marybekre. Talahi talabie òraruòraru-di he ròhòtynyòhyymyhýkre. Kia aóna aóna tahe rybenatyhytyhyre. Kia aóna aóna iny lahi òraru rybena-di ixinohòtidýýòmy. Kia ityhydýýnadile kanakre.

⁵ Kia wiluuna tahe inywolyrahakýwo-ribi ròhònymyhýre, iny raykylyrahaký wo-ribi, iny ityhydýýnatyhy-ribi.

⁶ Kia aóna aóna wihiký-ribi iny rexixãwididýýnyre. Tai tahe aòmybo rarybemyhýre heka rieryòhyymyhýre. Aòtyhymy aòkò wídee rarybemyhýrenyre.

⁷ Bede ywina tyyriti ersydýýdu wesekeky rexinohòtinymyhýre, tahe rieryòhyymyhýre aòmybo raremy. Aòmy rierynanymyhýrenyre tahe timybo ihýremy rieryòlemyhýrenyre.

⁸ Katahe inyboho rieryrenyre. Inyò bede ywina tyyriti òbitimy rityhynykeki, Bede ywina tyyriti heka awi rare.

⁹ Inywhiký-ò heka tiu bede ywina tyyriti riwahinyòhyymyhýre. Inybina binaòle iwahidýýna rare, iny òrarudu-ò, iny ityhydýýdukòdu mahädu-ò, iny aleerydu-ò, iny tadi tyby-wana rirubunymyhýre mahädu-ò.

¹⁰⁻¹¹ Kia iny-ò bede ywina tyyriti rýimyhýre. Ibutumy bina bina widýýdu-ò. Bede ywina tyyriti rýimyhýre ka mahädu-ò: inydýýwe mahädu dee, taòtaòta wixiramy òtadu mahädu-ò, inywasidýýdu-ò, ruidu mahädu-ò. Deuxu ijyy týmyra wihiký dee wiòkeki, tii aóna aóna riwinykeki, tamy. Deuxu bede ywina tyyriti roimyhýre. Deuxu bedeerydýýna òbiti aòkòreki, Deuxu wiwhiký loosònadewimy aòkòreki kia ersydýýnadu jiarý rare.

¹² Jesuisi Kristu, iny wedu waruruixiòlòdýýdu rare. Jiarý tamy wawimy raremyhý. Tai tarybe-di wiòhedýýdumy riwatare. Kia-ò Jesuisi Kristu heka jiarý rewowydynyre.

¹³ Juhuu jiarý tuu rarybere. Ityhydýýdu mahädu-ò wadeburemy rarewýhý. Tule Jesuisi-ò wadeburemy rarewýhý. Tahe wadee raruxetòenyrenyre. Tahe ibutumy kia reerykòlemy rewinymy raremyhý, retyhynyòlemy rewinymy raremyhýki.

¹⁴ Inywedu sòwemy wadee raruxetòere. Tii riwasýny ixiluwehikýkemy, rikityhynymyhýrenykeny.

¹⁵ Jesuisi Kristu kabede-ò dobehede òrarudu ritakemy. Ka rybe heka inatyhy rybe heka rare. Jiarý heka òrarudutyhy nihiký rare.

¹⁶ Iurenanamy tahe tii riwaruxetòenyre. Tiu heka waki rexiraòre. Tii riwateòsinyre juhuu ityhydýýdu wesemy. Ityhydýýdu mahädu-ò itxerenamy, iwese tii mahädu kidityhynykemy. Tai umy tuedekòdu mahädu-ò ralòkemy.

¹⁷ Bealàmahãbenyke Deuxu-ò. Tii heka bededýýnana tuedeòdu huký Iòlò rare. Tii lobixina aòkò rare. Tii sohojile rare. Bealàmahãbenyke aòu aòu, wowydyna tamy biwahinyke. Kie.

¹⁸ Ka inatyhymy rybemy adee ararybekre Tximòtxi —kai dori wariòre wesemy tate. Kia rybe heka ihetxinarybe wesele rare. Deuxu aratare, kia biyrubunywihikýke. Besuke arurutyhymy aòbo òbitimy ratximyhýre wihiký-ò.

¹⁹ Aòhewe òhòtiwydynawimy mabekre. Bityhynymy mabekre. Inyò heka idi ròhòtynyrenyòra, tai reserenyra ityhydýý-ribi.

²⁰ Ijò Imineu inire, Alexýdre ijòre. Jiarý rewahinyre Satanasi-ò, Satanasi bedeburana tamyreny riwahinykre. Tiiboho rybebinamy tii Deuxu-ò rarybeòtyhy.

2

¹ Delemy kamy ararybeke: Àlàna sòwemy idi rawahinyke, ibutumy iny-ki bexitòtenyke.

² Iòlò dee, ibutumy dinodu dee tule bexitòtenyke. Tamyreny biixitòedýýnanymy Deuxu-ò, tule Deuxumy beòbykemy, tai ibutumy iny iworana bedehesimy rýikre. Deuxumy iny ròkòhòtynyrenykeny idi òbitimy tamy rokoirekemy.

³ Kia wese awire Deuxu dee.

⁴ Deuxudeewimy ibutumy iny ritakemy raerykeny tibo inatyhy raremy.

⁵Deuxu sohojile rare iny-ki rybedu tule sohojile rare, Deuxu-ò iny mahādu tii sohojile kia riwinyre. Tii hābutyhyhyk̄y rare. Tai tahe tii tiò tiò rare, Deuxu, iny mahādu-wana widee ributunykeny, Jesuisi Kristu wahe.

⁶Jesuisi rexiwahinyre ibutumy iny òraruna òwdydȳmy. Tii heka riòwinyre sohojihyylemy. Kia heka tiēhyymy deòsidȳmy rarekeny. Tiu iny mahādu rahenykeny Deuxu rexi-nohòtinyre.

⁷Jiar̄y heka imynynamy riwamyre kia rybe-di arelyykremy. Tule jiar̄y rybe-di dohoddȳdukremy riwamyre iny witxira bederydȳmy judeukōdu mahādu wahe. Kia raerykeny tibo inatyhy raremy. Kia dori inatyhy rare.

⁸Ibutumy dohoddȳna hetowo-ki ibutumy rexitōenyre rexityhynymy. Ujōmomomy rōhòtinymy aōkō.

⁹Hāwyy uritere ixidi nohòtityhōmy ixiāòmydȳnadyȳmy urile ywilemy ixidi rōhòtinykeny. Hāwyy ityhydȳdu ixiywidyȳna tahe tywihik̄y aōkō, iradesihoddȳtyhy aōkō, deoruty-lududike aōkō.

¹⁰Urile tahe iyrubukemy Deuxu-di rōhòtinyke tamy aōwihihik̄y riwinykre.

¹¹Hāwyy ityhydȳdu mahādu rōeryrenykre yrubu-ki.

¹²Jiar̄yle heka hāwyy ariwahinyōtyhy hābumy h̄yȳnakemy, hābu erydȳdukemy tule tuu areōnyke aōkōre, hāwyy heka urile iyrubumy r̄yike.

¹³Adaō heka Deuxu juhule riwinyre idi Eva riwinyre.

¹⁴Tule tahe Satanasi Eva juhūu riitxenanyre, Adaō aōkō tai raòrarunyre.

¹⁵Hāwyy uladu reakeule rexitake. Idi ròtyhydȳmy. Inyluumy idi rexityhynykreki.

3

¹Kia rybe inatyhy rybe rare: —Inyō dohoddȳdu dinodumy rarekeki. Kia heka rexibure-myh̄re aōwihik̄y raximyh̄re.

²Tahe rybe-di dohoddȳ aòm̄sydȳdumy ralòkeki, tii heka òbitimy rareke, tahāwyy sohojidile, rexityhynymy rarekeny, iny inatyhy, iny aòraru rarekeny, erynadyȳdutyhymy rarekeny.

³Tii heka iaxaxa luuōre aōbina luumy aōkō rare tule iyrubure. Tahe tule iaōmy nohòtidu aōkōre.

⁴Tii heka taijoiimy reònymyh̄re, tariōre riernanywihik̄ymyh̄re ixirybe rityhynykemy.

⁵Inyō tahe taijoi reònyōkeki, Deuxu aòm̄sydȳna-di òbitimy raaòm̄sydȳōtyhy.

⁶Tii ityhydȳdu t̄myra aōkōmy rarekeny. Raxiwedenymy rarekeki tahe urile Satanasi alòsena-txi tii reseke.

⁷Ihārele tahe ityhydȳdu mahādu aōkō rare ih̄re, awimy tuu rarybemyh̄re. Tuu heka rajōmorenyōtyhy tule tii Satanasi ireitidisi-txi reseōtyhy.

⁸Tule dohoddȳdu wiòheddȳdu mahādu, kiawesele rarekeny. Tii tule òbitimy rarekeny irybe òkese òkese aōkō, iaxaxaluu aōkō rare, tule aōna aōna sōwemy nohòtidu aōkō rare.

⁹Iny inatyhydȳnareny òbitimy tuu rotohoddȳnanymyh̄renyke, tarayky òbiti-di.

¹⁰Tule kia wesele raurihikre. Iribi òbitimy rōhònykeki, tai dohoddȳdu wiòheddȳdu mahādu-ò ralokre.

¹¹Ihāwyy tule òbitimy rarekre. Ujōmodumy aōkō rarekre, iyrubukemy, urileta rexityhynymy rarekeny.

¹²Tule dohoddȳdu wiòheddȳdu mahāduō ihāwyy sohojidilemy rarekre. Tariōre, taijoi-wana reònymyh̄kre.

¹³Kia mahāduō Deuxu aòm̄sydȳna òbitimy riwinymyh̄reki, inatyhymy tii iny rityhynykre. Tai Deuxu aòm̄sydȳna tii riòbitinykre ibutumy inydee.

¹⁴⁻¹⁵Aroramy jiar̄y wylemy arakemy watxireri. Aōkōkeki urile warybe ritina adee rewahinyreri. Kia warybe-di biernanybenyke aōhebo ityhydȳdu mahādu warybe-di rot̄ȳnykeny. Ityhydȳdu mahādu Deuxu ijoīō rare. Inatyhy rybe yrubudȳdu rare.

¹⁶Iny tyhydȳnareny awi tyhytyhy rare. Kia wese rare: —Jesuisi heka hābu wese nade. Tii Deuxu Tytyby-di òbitimy rityhynyre, yjureny tuu robirenyre. Taaòm̄sydȳnareny ibutu bede bedemy relyyrenyre. Sōwemy iny rityhynyrenyre. Roosere biu botorahak̄y-ò.

4

¹Deuxu Tytyby rarybera: —Ihewoladu bededȳnana txuu hābu tytybybina rybe-ò roholakre. Tai iny tyhydȳnareny ririkre.

²⁻³Tahe ruina rybe rityhynyre, hābu aōmy nohòti erykō rybe-ò. Kia heka hābu raerynadyȳmyh̄re uritere hāwyy my heriōmykremy, ijō r̄ys̄na aōtxi ir̄s̄yōkremy. Kia r̄ys̄na iny rir̄s̄ȳke Deuxu riwahinyre. Juhūu ālāna Deuxu-ò rawahikre.

⁴Kia heka ibutumy Deuxu riwinyre awire. Aō aōkō heka awiōre. Deuxumy beòbyke, kia tahe ibutumy awike.

⁵ Ixítòedǵǵna Deuxu rybe kia ibutumy awimyrisǵǵnykre.

⁶ Kai heka ityhydǵǵdu mahādu biernanykeki, kai heka Jesuisi Kristu aǵmysǵǵǵdu mahādūwīwīhīkǵō tate. Kia inythydǵǵnareneny erydumy mabekre.

⁷ Kai ihetxiu nohōtiwidǵǵna ijyy bityhynyǵtyhy. Marurunymy mabeke Deuxu aǵmysǵǵǵnana-ò.

⁸ Aumyruru urihimyǵomy idi mohōtinykre, atytybywi-di tahe kia idi sǵwemy mohōtinykre kai kabede-ki adeewikre tule tiu bede-ki awikre.

⁹ Kia rybe heka òbiti rare. Ibutumy iny rityhnyke.

¹⁰ Inyboho raaǵmysǵǵǵnymyhǵre inatyhymy. Deuxu dori iny rityhnyre. Tii ibutumy iny tarasadu ratximyhǵre, ityhydǵǵdule tarasadure.

¹¹ Kia warybemy biernanybenyke.

¹² Iny aratyhynyǵokeki kai matuari aǵkǵ tateki, tai ityhydǵǵdu wihīkǵ mabekremy bexityhnyke. Tai tahe arybe-ò aratyhnykre aityhydǵǵna, aluuna, òbitina òraru-ki wahe.

¹³ Adehemynykre kotyre, Deuxu rybe-di mariakre dohodǵǵna heto-ki, idi belyykemy mabekemy tule biernanykemy.

¹⁴ Uritere nohōti lusaǵomy kai erydǵǵdu wihīkǵ tatemyhǵ. Dohodǵǵna matuari mahādu debòtidina-di arateǵnyrenyreu, wahisidǵǵna weseǵ tetate rybe-di tǵnydǵǵna òraru-ki.

¹⁵ Kia aǵmydǵǵnanamy mohōtinywityhymyhǵ. Ixidile bexiwinityhymyhǵke bede erydǵǵnana-di tule bexiwinityhymyhǵke.

¹⁶ Tai kai òraru-ribi bexitake tule aijohonana-di òraru-ribi bitakre.

5

¹ Matuari ityhydǵǵdu mahādu-ò ywimy aǵki tamy marybemyhǵke, bowese idi atximahāke Weryrybǵ mahādu, aseriǵore wesemy bitohodǵǵnyke.

² Senadu mahādu adi wesele biernanykre. Ijadǵma mahādu aseriǵore wesere ibutumy òbitilemy biywinykre.

³ Inatyhytyhy wytese mahādu kai bityhnykre iǵsǵnǵ biywinykre.

⁴ Iriǵoredikeki, iriǵòredikeki, juhuu iriǵore biernanyke imahādūle òbitimy biwiǵohenanyke idi watxireri. Kia dori Deuxu dee awire.

⁵ Wytese mahādu ixisohojilemy rasǵnymyhǵre iriǵerekǵokeki, Deuxu-ribi aǵna aǵna ri-raǵmihǵre. Deuxu dee sǵwemy rexitǵenymyhǵkemy.

⁶ Kia tahe wyteseǵ òraru luukeki kia tahe irulemy ratximyhǵre hāre rubu rare.

⁷ Tximǵtxi, kia bede ywina tahe rewahinyreri urile wytese mahādu òwe òweǵmykremy bibedeerynykre.

⁸ Inyǵ juhuu tasǵreny dee idi aǵna aǵna taijoi dee kanawyǵokeki, tii ityhydǵǵdukǵdu mahādu ratyre rabinare. Tii ityhydǵǵdu mahādu wese aǵkǵ dotǵǵnymyhǵde.

⁹ Wytese tǵmyrani tyriti-ki iritidǵǵǵomykre 60 ibeǵraǵokeki. Tule tii sohojihyyle roire hābumy.

¹⁰ Tule tii aǵna aǵna wihīkǵ riwinymyhǵre, tariǵore ritybienyke, taroraludu-ò awimyraremyhǵ, ityhydǵǵdu mahādūwa risuhǵomy raremyhǵ, aǵhǵkǵtyhytyhymy rotǵǵnymy rare mahādu riwiǵohenanymy raremyhǵ. Aǵu aǵu heka iny wixira riwiǵohenanymy raremyhǵ taworana bedehesi-di.

¹¹ Wytese tǵmyrani heka tyriti-ki iritidǵǵǵomykre. Hābumy herimy rǵhōtinymyhǵre wana, tai Kristu-ribi tǵhōti rosamyhǵre.

¹² Tarybe ywidǵǵna riwinyǵolemyhǵre, tai iurenana tahe tuudǵǵdumy Deuxu-ò ratximyhǵre.

¹³ Hetomy rawerywerynymyhǵre kia urenana urile rauǵǵmomyhǵre aǵna aǵnalemy. Aǵ heka riwinyǵolemyhǵre. Kia ratyre bina tahe tuu rybenanamy aǵkǵ rybebinamy rarybemyhǵre.

¹⁴ Kia heka wade awire wytese tǵmyra hābumy roikre, rariǵorenykemy, tule taheto riwinykemy. Kia wese iǵludu inydeereny aǵna aǵnabinamy rarybeǵhǵkǵkre.

¹⁵ Wyteseǵ dori Satanasi hemy roire.

¹⁶ Wyteseǵ ityhydǵǵdusǵ-ki rarekeki, tii heka riwiǵohenadǵǵ rǵyikre. Kiawese dohodǵǵdu mahādu nieru tamy ritakre. Kia nieru rayrubunykre. Tahe rawahikre ixisohojile ratximyhǵre-ò.

¹⁷ Matuari ityhydǵǵdu mahādu iny rityhytyhnykre. Dohodǵǵna mahādu aǵmydǵǵnana òbitimy retehemy ratximyhǵkeki, ratyhytyhnykre. Inatyhytyhwityhymy kowa òbitimy relymyhǵre tule rybe wihīkǵ riernanymahāre kia heka raǵwywikre.

¹⁸ Tai tahe raritidǵǵmy roimyhǵre: —Broreni maixǵmotyre iwysydǵǵmy rariamyhǵu, iry ratǵbǵnyǵtyhy ibyre lau. Tule rǵritidǵǵmy roimyhǵre:

—Mobo raaǵmysǵǵǵmyhǵre, tii heka iny riǵwynymyhǵre.

¹⁹ Matuari mahāduō iny tuu raujōmokeki, tuu arityhynyōtyhyke. Tuu lobixidu inatxi ada inataōkekile, aratyhydŷŷyke.

²⁰ Tii inatyhymy òraruna-txi resereu, kai tamy marybeke iòrarumy ibutumy inyko-txi. Iurenana tahe ijō iny ruberumy rŷimyhŷkremy.

²¹ Adee ararybekre. Deuxu, ŷjuren, Jesuisi Kristu-wana ibutumy warybe-ò roholareri. Kai warybe biywinykre. Myheka wiratyre widi rōhōtinyōtyhy. Tiiemy wiwese weselekemy rŷikemy.

²² Uritere rybe-di tŷnydŷŷydu tŷmyra juhu biurihike idi tahe debōtidina-di biteōnyke rybe tŷnydŷŷy. Kawese aōkōkeki heka hābu òrarunamy tuudŷŷydukremy òsana mabekre. Aōmydŷŷynana tiiemy òbitimy biywinyhŷy.

²³ Bee sohojilemy aōkō biōkre urihimyōmy vīimy biōkre. Kai dori awo ibinareriki tiiemy tuu abinareri.

²⁴ Ijō òraru aōwesele iny kanatŷnykre, bedeluura aōwesele kōdōhōnykre. Ijō òraru taheka idile kanatŷnykre.

²⁵ Ruxetōenawihikŷ iwesele rare. Ele tii raeryōtyhy idi tahe iny rierymyhŷre.

6

¹ Ibutumy wetxuō tawedu rityhynykre. Tawedu rityhynyōkeki heka Deuxu nibinanybemy iny rarybekre. Tule ityhydŷŷydu eryna binamy rarybekre.

² Weduō ityhydŷŷydukeki, kia heka ire ratyhydŷŷymyhŷyke tule aōnityhymy tamy aōmysŷdŷŷykre. Tii dori ityhydŷŷydu seriōre wese rare. Kia dori taaōmysŷdŷŷyntyteri ityhydŷŷydu widee. Kaiboho ixideerenyale wiluukemy. Kia tule bierydŷŷykyre.

³ Inyō erydŷŷyna witzira rōerynanykeki kia òbitimy aōkō Jesuisi Kristu Rybewihikŷ wese aōkō ratxikeki,

⁴ kia hābu ixiwede rare, aō rieryōlere. Kia hābu urile dŷŷyaxidŷŷy luure. Kia dŷŷyaxidŷŷy-ribi ibutumy rybe jei jei rōhōnymyhŷre. Iribi tahe tule rexinaanymyhŷre, raujōmomyhŷre, rexiwodohonanymyhŷre.

⁵ Raruimyhŷre. Kia ibutumy rotŷŷnyrerī, hābu tōhōtina òweōwere. Inatyhyna-ribi kia hābu tōhōti rosare. Ityhydŷŷydukeki tii rōtakemy ixidi ratximyhŷre. Kiamy heka rōhōtinyomyhŷre.

⁶ Inatyhymy ibutumy heka tai iny aōtyhydŷŷydu-ki taaō-di teysakreki.

⁷ Aō kabede-ò iny ixihemy diwyōhydenyde inatyhymy heka rukururenkykre tule aō ixihemy kabede-ribi rikiwyōtyhyrenykre.

⁸ Iny tydirenykeki, iny rŷŷynadirenykeki, urile reysarenkykre.

⁹ Tahe inyō ityhymy ixidikeki, tii òraruna-txi resekre. Kia heka iny rexiburemy, rexibinanyomyhŷre, tule rexiraykyitxŷtenymyhŷre.

¹⁰ Inyō nieru luukeki, tii aō òta òta òraruna-txi resekre. Kia-di heka iny sōwemy ityhydŷŷydu mahādu-ribi rōhōnyra aōhōkŷmy rotŷŷnyrenyke.

¹¹ Kai Deuxu ijoi tate. Ibutumy kia-ribi hexiemy mabekre. Uritere ityhymy ixi-di nohōtiōmy tahe awimy mabekremy mohōtinykre. Deuxu wiwese, ityhydŷŷyduky wese, Deuxuluu wesemy. Tiiemy heka òbitimy atximahāke, ywimy ainytyhymy atximahāke.

¹² Aōu aōu òbitimy atximyhŷkemy maruronyke, tamy tuedekōnahakŷ bitakemy, kai tule inatyhy rybemy tarybete inysōweko-ò, Deuxu dori adee rarybere juhūu.

¹³ Inatyhymy adee ararybekre. Deuxu adee ijohonadu rare. Tule Jesuisi Kristu wadee ijohonadu rare. Tii inatyhy rybemy tarybete Ponsiu Pilatoko-txi.

¹⁴ Kaheka warybe rare: Kai heka bede ywina bityhnyke aō bede ywina tyyriti òraru-ki aōhe botŷŷnyōtyhy. Biraōke Inywedū Jesuisi Kristu dehemyynna txuu.

¹⁵ Tiutxukremybo Deuxule kedexitŷnynykre, tii deysana wedu rare. Tii sohojile heka Iōlōmy rare. Ibutumy Iōlōwedu rare. Ibutu wedu wedumy rare.

¹⁶ Tii sohojile heka tiu ruruōhyh rarekre. Tii irehetyhymy loosōnawo-ki rasŷnymyhŷre. Tiiemy heka inyō tuu robiōtyhy. Inyō tiu iōhōmy tamy rehemyntytyhy. Tamy rikiwodeysanyrenkykre. Tiōhe aōu aōu taruru-di ratximyhŷy.

¹⁷ Kai marybekre iaōdi mahādu-ò uritere ta aōna aōna-di rexiwowydnyōtyhy, iaōna aōna dori rŷiōhykyre. Tahe Deuxule rityhynykre. Tii dori ibutumy aōna aōna wiwihikŷ inydeereny riwahinyre.

¹⁸ Tii aōna aōna wihikŷ inydeereny riwahinyomyhŷre. Iaōdi mahādu uritere aōwihikŷ-di ijō-ò rawiōhedŷŷykyre. Aōu aōu rōwirareamyhŷyke iny-ò.

¹⁹ Kia wese tiiboho ributunynenykre. Aōna aōna wihikŷ biu-ki awimy idi rarekre. Tule umytedekōnahakŷ tiiboho ritarenkykre.

²⁰ Kai Tximōtxi, aōbo adee rawahidŷŷy, kia biyrubunykre. Rybe òwe òwe-ribi irehemy mabekre. Aōbo heka raninireri bederydŷŷy kia heka inatyhy aōkō rare.

²¹ Inyō kia aō erydumy ixi-di nohōti-ki, rexitara ityhydŷŷydu mahādu-ribi. Deuxu deysanamy adee ratximyhŷkemy idi watxireri.

2 Tximòtxi-ò Paulo Inatxina Tyyriti Tximòtxi-ò

¹ Paulo jiarý rare. Jesuisi Kristu deòdu jiarý rare. Kia jiarý rare Deuxudeewireki wahe. Jesuisi Kristu juhúu rarybere, umy týmyra tuedeòna inydeereny kidiwahinykremy. Tii kia wedu rare.

² Kai Tximòtxi, wariòre waluunadu wesemy atximahâte. Kia tyyriti adee ariwahinykre. Wiòhedýýna, ruxetòena, ywina, Deuxu Inytyby-ribi, Jesuisi Kristu Inynyrý-ribi adee kedehemynykemy watzireri.

³ Deuxumy reàlèreri iwese wahabohomy reàlère wese. Wanohòti Deuxu-ò ywile jiarý rare. Aðu aðu adee, Tximòtxi, rexitòenymahàre. Txuò txuòlemy, ruwana Deuxu-ò rexitòenymahàre.

⁴ Iu rareu, arube-ribi wanohòti rosaòhyymyhýre. Arora-ò arakemy watzimahàre, wadeysatyhymy ararekemy.

⁵ Atyhydýýna-ribi wanohòti rosaòtyhy. Alahi, Lòide, juhúu rityhynymyhýre. Idi adi, Eunisi, tule rityhynymyhýre. Kai tule wiji tetyhynymyhýte inihe.

⁶ Kia dorihe itxi òhòti reijaranyreri. Wadebò tahe aratýtyre retidireu, arayky-ò Deuxu aò riwahinyre awahisidýýna wesekremy. Wiji kia arayky woludu ròròra wana biixixanyke. Kia dori Deuxu wahisidýýna rare.

⁷ Deuxu-wana iny ruberuòtyhy. Tii dori inydee ruru riwahinyra, luuna riwahinyra, tule bederydýýna riwahinyra.

⁸ Tule Deuxu rybemy rybe-ki ixýruòlemy. Deuxu rybemy rybe-ki wamy maixýruòtyhy. Deuxu rybemy rybe-ki tahe, ròtenawo-ò riwatidire. Kia tahe awire. Deuxu rybe wityhydýýna-ò aòhòkýmy rokotýýnykre. Deuxu dori inydee ruru riwahinyymyhýre.

⁹ Tii heka iny ritarenyre biu-ò hena riwahinyre wahe. Tai taaòmysýdýýna inydee diwahinyde. Iny awirerimý rareki aòkò inydee diwahinyde. Taruxetòenale-ki inydee diwahinyde ixideewireki. Juhu bedeu Jesuisi Kristu òraru-ki ruxetòena inydee diwahinyde.

¹⁰ Kia ruxetòena wijile rehemynyra inydee. Jesuisi Kristu inytarasadu kia diwyde. Tii rubunale riixāwididýýnyre. Biu-ò hena Rybewihikýmy kia ritýnynymy diwyde.

¹¹ Riwatate tarybemy rybedumy. Rybedumy riwateònyre, tule bederydýýdukemy riwateònyre.

¹² Tai judeukòdu mahādu òraru-ki aòhòkýmy ratýýnymahàre. Ihārele tahe raixýruòlemahàre. Rexierye dori tii retyhynymahàre. Reerye dori tii ruru dire waaòmydýýnana tamy retidire iyrubudýýmy kiatsu-ò.

¹³ Waòbiti rybe biywinyke juhúu kia wamy taholate, ityhydýýna-di. Biywinyke luuna-wana. Jesuisi-ki tahe luuna tyhy rare.

¹⁴ Timybo Deuxu adee diwahinyde, biyrubunyke. Deuxu Tytybytyhy dori inywo-ki ratxireri.

¹⁵ Ibutumy kabede ludu Asia ludu riwarira. Fikelu ijònire. Erimojini tahe ijòre. Kia tahe kai teeryte.

¹⁶ Inynyrý ruxetòena kidiwahinykemy watzireri Onisiru sýmahādu-ò. Tii dori aðu aðu riwawiohenanyre areysakemy. Tiu riixýrudýýnyòtyhyre wawomati reroti-di jiarý ranyreriki.

¹⁷ Tai tahe Roma hāwāhāký-ò rithehemynyreu, riwaijehyrye; idi tawa-ki rahare.

¹⁸ Iny Iòlò ruxetòena tamy kidiwahinykemy watzireri kia txuu. Efesu hāwā-ki dori Onisiru riwawiohenanytyhyre. Kia teeryte waratyremy.

2

¹ Kai tahe wariòre wese tate. Jesuisi Kristu làhàna-ribi ruruna bitake.

² Aòbo wary-ribi taholatemy iny sòweko-ò relyyreu, kia ijò iny òbiti-ò tuu belyykre. Iny rexihumy rarekoòle tuu belyykre. Idi tahe tiiboho inywitxira ribedeerynyrenykre.

³ Waaòhòkýmydýýnana wawana tuu botýýnykre. Jesuisi Kristu soldadowihiký-wesemy kai mabeke.

⁴ Soldadoò tadinodu aòmydýýnanale rityhynymyhýre. Tii ixideewimý rarutaaòtyhy.

⁵ Ijesudu ijesu ritake òbitimý resukekile.

⁶ Oworuwidýýdule juhúu suribi bederaty ritamyhý.

⁷ Aòmybo wiji raryberadi mohotinyke, raweseranyreki. Inyiòlò ibutumy araerynanykre.

⁸ Jesuisi Kristu rubu-ribi ixixadu-txi òhòti reake. Ihetxiu Davi Jesuisi labiemý raremyhý, iwese inyrybewihiký rarybere wese.

⁹ Rybe wihikýmy relyyreký dori womati reroti-di rataamy aòhòkýmy ratýýnyreri, aòbina widýýdu wesemy. Deuxu rybe tahe, inyò ritaaòtyhy.

¹⁰ Ibutumy reòludunymahãre ityhydÿÿdu mahãdu dee, Deuxuhõrõ dee. Kiaboho Jesuisi Kristu tarasanamy ritakemy idi watzireri. Tarasana, làhàna aõu aõu ritakemy idi watzireri.

¹¹ Rybe inatyhy rare. Jesuisi Kristu-wana iny rurukeki, irumy tii-wana aroireke.

¹² Inyboho rikityhynyhyrenykeki, tii-wana riòlònyrenyke. Inyboho Jesuisi rikitxiònyrenykeki. Tii tule iny ritxiònykre.

¹³ Iny rikityhynyõrenykeki, ihãrele tii ityhyhyumy rarekre. Tii rexitxiònyõtyhy.

¹⁴ Iny nohõti kia-txi reakemy biwisÿnyke. Tamy marybeke ujòmohyyõmy rarekemy. Ujõmo tahe wiòhedÿÿna aõkõ rare. Ujõmo-ò ijohonadu urile ujõmodumy relekre.

¹⁵ Kai tahe marurunyke Deuxudeewimy belekemy. Kai Deuxu deõdu tate. Kia rybe inatyhy-di õbitimy maraykynyke, idi tahe, bierynanyke. Tahe bexiixÿrudÿÿnyõtyhy.

¹⁶ Rybe õweõwemy rybedu-ribi irehemy bexieke, rybebina-ribi tule. Kia rybedu urile raòrarunynihikÿmyhÿke.

¹⁷ Kia erydÿÿna reurõmyhÿre yjy wese. Imineu, Filetu-wana kia wese rierydÿÿnanyre. Kia rybe inatyhy-ribi rexihitxinyre.

¹⁸ Tii rarybemyhÿre: –Iny ixixana dorihe reara. Kia rybe-di ityhydÿÿduõ wimy uriurile rityhynreri.

¹⁹ Deuxu hõrõ tahe inatyhymy rÿirakre. Kia tahe urihixina rare:

–Deuxu tahõrõ mahãdu rierymyhÿre.

Ijõ tahe:

Inynyrÿ ijoimy iximy rybedu, òraruna heka riatykre.

²⁰ Ityhy mahãdu hetonihikÿwo-ki womati tÿrÿÿhÿkÿhÿyna, pratahyna sohojile aõkõ rÿire. Òwòruhyna, suhyna tule rÿire. Hynaõ tahe rÿsÿnawihikÿ hyna rare. Ijõ tahe rÿnysi-di dehuna rare.

²¹ Kia hyna wese iny rÿira. Ijõ rÿnysihyna wese rÿikeki, idi rexisuhokeki, rÿsÿnalalyra wesemy reurõke. Tawedu-ò awimy rÿike, tawedeewimy. Tai tahe aõ wihikÿhÿynamy rexiywinyrÿire. Kai tahe iwesele mabeke.

²² Kai ijoi tÿmyra tate, amahãdu òraruna-ribi bexiekemy; ix-i-ribi aõ-di røhõtynreri, kia-ribi mahenyke. Òbitina, ityhyna, luuna, ywina-wana biheludunyke. Deuxu-ò rexitõenyke õbiti mahãdu-wana.

²³ Erysydÿÿna itxÿtemy wiribi rybeõmyke. Kiaribile ujõmo røhònymyhÿre.

²⁴ Deuxu deõdu rajõmonyõtyhy. Tii tahe iny ibutu dee ywimy risÿnymyhÿre, erydÿÿnamy rexihumy ihÿmyhÿre.

²⁵ Ywina-di riòbitynreri iny ixitxiõdÿÿna mahãdu. Tii heka riraòreri Deuxu worahòresena tamy riwahinykemy. Idi tahe inatyhymy rierykemy.

²⁶ Tule itxÿte-ribi røsekemy, Satanasi reroti-ribi rexitakemy. Tai tahe Satanasi rimyrau tahe ritaataara teewimy riwinykemy.

3

¹⁻² Bededÿÿnana konanamy bededÿÿnana sirahakÿ kÿnyikre. Kia tahe bieryke. Iny ixideewimy riwinykemy ix-i-di ratxikre. Nieru tarasalemy ix-i-di rexinohõtidiÿÿnymyhÿke. Rybetyhyhÿkÿlemy iximy rarybekemy ratxikre. Ixidee awihikÿlemy røhõtinkyemy ratxikre. Rybebinalemy rarybemyhÿkre. Tyby ise-wana riwinyõhyymyhÿkre. Iny-ò aõmy reàlàõhyymyhÿkre. Òbitiry rityhynyõhyymyhÿkre.

³ Iny-ò tuuna ihoõhyre. Inyõ ibiòwamy rareõtyhy. Aõbina binalemy inymy relyymyhÿkre. Rxiywinyõhyymyhÿkre. Reburehekÿ rariamyhÿkre. Òbitimyno ibinahymy rarekre.

⁴ Iny deòsadyÿdumy rarekre. Ixiluunadumy rarekre. Ywimy aõkõ rarekre. Iwisÿdÿÿna luuhymy rarekre. Deuxu tahe tuuõkre.

⁵ Òbitimy risÿnymyhÿre wese tahe õbitiruru ritxiònymyhÿke. Kai, Tximòtxi, kia iny-ribi irehemy mabeke.

⁶ Kia hàbu tahe hetoõ-ò ralòmnyhÿre. Hàwyy uri uri rÿira xiwedeõ-ò òrarulÿxina-di ralòmnyhÿre. Kia tawisÿdÿÿna-di rierynanymyhÿre tarybewiuidile, tahe hàwyy rityhynymyhÿre.

⁷ Kia hàwyy aõu aõu røerykemy ixidi røhõtynmyhÿre, urile tahe inatyhyna tiu rieriyõtyhy.

⁸ Iwese ihetxiu Ijãni, Ijãbri-wana Moisesi òludumy rÿire wese. Wiji tule kia hàbu inatyhyna òludumy rare. Irayky rawerynyre. Ityhydÿÿna-di deòsanamy rÿimyhÿre.

⁹ Tiu tako-ò raõtyhy, iitxÿtereriki, kia iruina òraruna ibutumy iny rierykre, iwese Ijãni, Ijãbri òraruna ibutumy iny raeryre wese.

¹⁰ Kai, tahe waerydÿÿna-ò taholahymahãte. Iwese raremahã wese tiwaheludunymahãte. Watyhyna teerymahãte, wadeybina, waywina, waluuna, waixiòlòdÿÿna.

¹¹ Aõu aõu inybinahakÿ wadi riwisÿnyreri, tule aõhõkÿmy ratÿÿnyreri. Kia ibutumy teerymahãte. Kia wade rotÿÿnymy rÿire Atxiõkia hãwã-ki, Ionio hãwã-ki, tule Listra hãwã-ki. Aõwitxira wixiramy aõhõkÿmy ratÿÿnymahãre. Wanyrÿ tahe ibutu-ribi riwatate.

¹² Inyõ õbitimy ratxikeki Jesuisi Kristu-ò, tii aõhõkÿmy rotÿÿnykre idõru-ki.

¹³ Hãbu bina bina rabinahykymy rarekre, tule hãbu inatyhy aõkõ rabinahykymy rarekre. Inyõ tiiboho riitxenanykre, tule tiiboho inyõ kidiitxenanykre.

¹⁴ Kai tahe aõbo teeryte, kia-di mohõtinyke aõbo tetyhynmahãte-di. Tahe tiribibo teeryte, õhõtikile idi mabekre.

¹⁵ Uladuribile teeryte Deuxu Tyriti. Kiadile bierykre Jesuisi Kristu tarasadÿÿna idi bimykremy. Kia adee kanake bityhnykekile kÿnyhe.

¹⁶ Ibutumy Tyritityhy Deuxu elewesenamy nade. Bedeerysina urenana heka rare. Òrarudu õbitidÿÿna heka rare, ibutumy riõbitinykemy. Tule aõbo awihikÿmy raremy rierynanykre.

¹⁷ Deuxu deõdu dori õbitile rÿirakemy. Aõwihikÿ widÿÿna aõbo dori rexihulemy rÿirakemy.

4

¹ Deuxu, Jesuisi Kristu kiaru-ki arãteõnykre. Jesuisi Kristu dori rubu mahãdu iru mahãdu-wana wiribi rihitxinykre, tii taõlõna kaõ kidiwykreu.

² Belyyke Deuxu rybemy, inydee awikeki, tule inydee awiõkeki. Ywina-di iny biõbitinyke. Iny biwiõhenanyke.

³ Bededÿÿnanabina kanakre. Kia txuu erydÿÿdu õbiti-ò roholaõhyre. Erydÿÿdu ributunykre tamydeewimy. Iwese iny tõhõti nohõtijuty-ò rotÿÿnymyhyre wese tamy wimy aõna aõnaõle roholamyhÿkre.

⁴ Inatyhyerydÿÿna-ò roholaõhyymyhyre. Urile ihetxiu ijyõle roholakemy ixidi ihÿre.

⁵ Kai tahe ywimy maraykynyke. Ibutumy aõhõkÿmy botÿÿnyke. Deuxu Rybewihikÿmy belyyke kia tahe aõmysÿdÿÿnare Deuxu adee riwahinyre. Idi hyulemy mabekre.

⁶ Iny riwawahinyke xiwena wesemy rubu-ò. Waixituededÿÿnana heka rehemyreri.

⁷ Ijesu wihikÿwesemy tahe rexiijesudÿÿnyre wese. Rekonananyra heka waumy ijera. Retyhynyhyra tahe ityhna.

⁸ Òbitiwidÿÿna raheto wese wadee rexihumy roire. Wanyrÿ, ywisidÿÿdu õbiti, riwawahinykre kiatxuu. Jiarÿ sohojiõle aõkõ. Tahe tule irarõsõdu mahãdu-ò. Jesuisi dehemynyna luumy kia mahãdu roimyhÿre. Tamy tule rataanaõ raheto wese riwahinykremy.

⁹ Wylemy inihe waroramy manake.

¹⁰ Dema riwarira Tesalonia hãwã-ò rara. Tii bede aõmydÿÿnana luure. Kalatxia bede-ò Kresetxi rara. Dalimasia bede-ò Txitu rara.

¹¹ Luka-wanale watzireri. Tahe kai Marku bididykre, wawiõhedÿÿdu wihikÿmy rarekemy.

¹² Txitxiõ heka Efesu-ò reteõnyre.

¹³ Kai tahe manakreu warahana bidiwykre. Troaji hãwã-ki Karpu heto-ki tahe warahana rerire. Watyriti tule bidiwyke tyriti welÿte tule nohõtì losaõtyhmy.

¹⁴ Alexÿdre womati loressedÿÿdure warybe dibinanymyhÿde. Wanyrÿ iõwydÿÿna tamy kidilidikre riwabinanyreki.

¹⁵ Kai bexiekre kowa-ribi, inyrybe dori rityhnyõhyymyhyre.

¹⁶ Juhuu dinodu-ò rewyõnyreu inyõ riwawiõhenanyõhyre. Ibutumy rirahure waribi. Aõbo wabinamy riwinyre-ribi Deuxu tõhõtì rosamy watzireri.

¹⁷ Wanyrÿ tahe, riwawiõhenanyra Deuxu rybemy rybe-ki. Iny wixira dori, judeukõdu mahãdu roholamyhÿre. Leaõry-ò, wadi rehukõra.

¹⁸ Wanyrÿ tule riwatakre ibutumy aõmydÿÿnana bina bina-ribi. Kowa bede wihikÿ-ò riwadykre. Tuu rekealãkre aõu aõu bededÿÿnana roobymy. Kie.

¹⁹ Warybe wehityna Prisila-ò, Akila-ò biõkre tule Onisiru sÿ mahãdu-ò.

²⁰ Erasto, Oritxi hãwã-ki rarire. Trofimo, Miletu hãwã-ki binamy resere. Taile heka rarira ibinamyhÿreki.

²¹ Wylemy manake inihe beõrako-ki. Ubulu tarybewehityyna adee riwahinyre. Tu Prudente, Lino, Laujia ijõre. Tule ibutumy ityhydÿÿduseriõre rybe wehityyna adee riwahinyreri.

²² Wanyrÿ awana ratxikemy watiwãhãre. Tule lãhãna umy-wana ratxikemy watiwãhãre. Kie. Paulo

Txitu-ò Paulo Tyyriti Txitu-ò

¹ Jiarÿ Paulo rare. Deuxu deòdu rare. Jesuisi Kristu riwamyre inatyhyna aritÿnynykemy. Kia tyhydÿÿna, Deuxu tarasana mahâdu hõrõ rare. Kia ityhydÿÿna dee inyõ rierykeki, rityhynykeki, Deuxu deewimy tii rarekre.

² Umytuedeõnahakÿ iny riraõmyhÿre. Deuxu dori tuu rarybere ihetxi bedeu. Deuxu heka tiu raruiõtÿhy.

³ Ibededÿÿnana õbiti dehemynydeu, Deuxu aõmydÿÿnana rarybekemy rotÿÿnyre. Kia aõmysÿdÿÿna wadee Deuxu riwahinyre, iny tarasadurenymy rybe-ò.

⁴ Txitu-ò kia warybe rewahinyra. Kai iny-wana Deuxu tetyhynyteri, kia dori inatyhymy wariõre wesemy Tate. Deuxu, iny tyby-ribi, Jesuisi Kristu, iny tarasadu-ribi, Deuxudeysana-di, ywina-wana adee kanakemy watzireri.

⁵ Inyaõmydÿÿnana biõbitinykemy dori adee adiride. Kreta bede-ribi rõhõnyre, dori waaõmysÿdÿÿna rehuõre. Kia-ki dori kowa-di anaride. Ibutumy hãwã hãwã-ki ityhydÿÿdu mahãdu-ribi kai matuari mahãduõ bimykemy. Iwese jiarÿ rarybere wese kai bimykemy.

⁶ Matuari õbiti bimykemy. Matuari ihãwy sohojiõ rÿira bimykemy. Inyõ ityhydÿÿdumy riõrenadule bimykemy. Iriõre iõraruluukeki, iehhekeki, kia hãbu bimyoõke.

⁷ Ityhydÿÿdu mahãdu yrubudÿÿdu õbitilemy dori ihÿkemy. Inyõ-ki heka ibinamy mahakeki, imynyõmy. Tii dori, Deuxu dee raaõmysÿdÿÿkre. Ixidile nohõtidu mynyõmy. Hãbukyara rybebyby, mynyõmy, vÿi luudu aõkõ, hãbu aõbinaluudu aõkõ, hãbu ityhymy nohõtidu aõkõre. Kia mynyõmy.

⁸ Iny inatyhyle, õbiti luunadule, taroraludu-ò awire mahãdu, iny aõwityhy luunadule, ixiwedule, Deuxu rybe tyhydÿÿdu, kiale bimykemy.

⁹ Deuxu rybe-di kia hãbu õbitimy rõhõtinkyre, õbitityhylemy rierynanykemy. Inyõ ierysÿdÿÿna rityhynyõkeki, erydÿÿdu irayky riywinykre tai ihewo-ribi rieryke, rityhynykemy. Tule iny iwitxira erydÿÿna-di rarybemyhÿreki, tii riõbitidÿÿnemy.

¹⁰ Iny sõwemy inatyhymy rityhynyõreri. Tii dori aõna aõnalemy rarybemyhÿre, ityhydÿÿdu mahãdu riitxenanyhÿkemy. Kia mahãdu-ribi, judeu mahãdu ibutu ratyre kia aõna aõnany rotÿÿnymy hÿre.

¹¹ Inyõ kowa mahãdury riyrykemy tamy rarybeke. Iny sõwemy heka riitxenanyhÿre. Õbitimy aõkõ heka iny rierynanyhÿre. Nieruõle heka iny rierynadÿÿnymy hÿre.

¹² Kowa mahãduõ, ierydÿÿduõ rarybera:

—Inyboho, Kreta bedeludu mahãdu, ibutumy ruidu roire. Irõdu brebuna wese iny roire.

Inyboho heka teoruxere roire. Byrelemy inyboho rõhõtinyhÿreny.

¹³⁻¹⁴ Aõmybo kahãbu rarybera heka inatyhy rare. Urenana tahe arurumy rityhynykemy. Judeu mahãdu ihetxiu ijyy-ribi tõhõtireny rosakemy kai marybeke. Hãbu mahãdu bede ywina rityhynyõkemy. Kia hãbu dori inatyhyna aõkõ rityhynyre.

¹⁵ Õbiti mahãdu dee ibutu õbitire. Ityhydÿÿdukõdu mahãdu-ò aõ aõkõ õbitire. Tõhõtinareny dori aõbina binalemy rõhõtinyhÿre. Aõu tii rexierye aõbinahakÿ riwinykemy. Deuxu-ribi tõhõti rosare.

¹⁶ Tiibocho rarybemyhÿreny: —Deuxu inyboho reeryreny. Tiibocho tahe Deuxu erydu wesemy aõkõ aõna aõnany rotÿÿnymy hÿreny. Tiibocho iny riojinyreny rybemy reõbyõlemy hÿreny. Aõwihikÿ widÿÿ rieryõreny.

2

¹ Kai, Txitu, aõernawihikÿdibo bierynanyhÿke.

² Matuari mahãdu kai bierynanyke hãbu ixiwedu mahãdulemy roirelemy, ywimy nohõti wydynadu mahãdu roirekemy, õbitilemy rityhynykemy, ibutu õbiti luukemy, iixi-raterekemy.

³ Senadu mahãdu tule bierynanyke iyrubumy rÿikemy iujõmoõmy rÿikemy, tule vÿi luuõmykemy. Aõernawihikÿdibo bierynanybenykemy.

⁴ Hãwy tÿmyra hãbumy heridu tÿmyra tahãbu luukemy, tariõre luukemy, kia senadu mahãdu rierynanyke.

⁵ Tuu iyrubumy rÿikemy, õbitimy raraykynymy rÿikemy, taheto riywinymy rÿikemy, awimy rÿikemy, tahãbu rybe riywinymy rÿikemy. Kia wesekeki, Deuxu rybemy inyõ ibinamy rarybeõtÿhy.

⁶ Weryrybõ mahãdu tule bierynanyke iyrubumy rÿikemy.

⁷ Kai, Txitu, aõna aõna wihikÿmy botÿÿnykre, tai tahe ityhydÿÿdu mahãdu awesele aõna aõnany rotÿÿnykre. Kai bierynanykeu, õbitilemy inatyhymy bierynanykre.

⁸ Arybe òbitityhydile bierynanykre. Tai tahe aòludu raixÿrukre aõmy dori umy rarybeòtyhy.

⁹ Kai bierynanykre urideòdu mahàdu tawedu rityhynykemy. Tamy awimy raaòmysÿdÿÿnykemy. Tamy heka ròrawyòdÿÿòtyhykemy.

¹⁰ Rawasinyke aòkòre, ibutumy òbitilemy riwinykemy. Kiawesekeki, ibutumy Deuxu iny tarasadu deewimy riwinykemy.

¹¹ Deuxu taerydÿÿna-di taluuna ibutumy iny-ò rexideòsinyre. Taluuna tahe iny tarasana-ò rehemyyny raremyhÿ.

¹² Kia heka iny tuu robikeu, awimy erydÿÿna rahake. Riwaerynanyhÿ aòbina bina widÿÿmy tule òbitina-di yrubudÿÿna-di iny rariakemy kabede-ki.

¹³ Tule iny riraòmyhÿrenyke iny Deuxu wihikÿ iny tarasadu Jesuisi Kristu loosònatyhywo-ki kedehemyynykre.

¹⁴ Iny òwmy dexiwahinyde iny òraru òwydÿÿrenyky. Kiawese heka iny riwyre idi riratisebenyre iny ijoi lyrahakÿ ixidee rimyre. Kia ijoi iluure.

¹⁵ Kai, Txitu kia aõna aõna inyko belyke. Tai Deuxudeewimy riwinykemy urenana rakatxirenykemy. Iny bierynanykre. Iny biòbitinykre. Iny ibutumy rityhynykemy matx-ibenyke.

3

¹ Kai ityhydÿÿdu mahàdu ixi bitòhòtijierynyke ibutumy hāwā dinodu, bede dinodu rityhynykemy, tabede ywina rityhynykemy. Tule aõmysÿdÿÿnana wihikÿ riywinykemy.

² Modee heka ibinany rarybeòtyhy, raaòbinanyòtyhy ywimy rarekemy, moheka iehehemy riywinyòmyhÿre.

³ Inyboho heka tule iehehe roiremyhÿ, iitxÿtemy roiremyhÿ, òraruluunamy iny riitxenany my roiremyhÿ, òtaluumy roiremyhÿ. Aòbina bina luumy iny wixira aõna aõna-di wii rissÿnymy roiremyhÿ, wideramy roiremyhÿ.

⁴ Tahe Deuxu iny tarasadu luuna, ruxetòena-wana inydeereny dehemynydeu, tii kia-ribi iny ritarenyre.

⁵ Kia aõna aõna wihikÿ iny riwinyrenyreki aòki, iny Deuxu ritarenyre, taluuna-di tahe iny ritarenyre, Jesuisi òraru-ki xiery heka Deuxu riwatÿmyranyre Tatyytybytyhy-di. Umytÿmyra riwahinyrenyre, riwasuhòrenyra.

⁶ Tatyytyby inydee riwahinyre Jesuisi Kristu iny biu-ò hedureki.

⁷ Kiawese iny riwaòbitinyrenyre taluuna-di. Katahe inyboho umytuedeõna ijòdire.

⁸ Kia heka inatyhy rare. Ka aõna aõna bierynanytyhykeu, tahe wadee awikre. Kia wese Deuxu ityhydÿÿdu mahàdu aõwihikÿylyemy ròhòtinymyhyke tule rewinymyhÿkemy. Kia heka awire. Kia iny riwiòhenanymyhÿre.

⁹ Ýraxina itxÿte kai rÿÿraxidÿÿòmy, iwyoðdÿÿòmy, rybe jei jei-ribi irehemy mabekre, tule lahi òraru rybe-ribi. Kia rybe aõ aòkò rare. Awi aòkò rare, iny riwiòhenanyòtyhy.

¹⁰ Hābuò rybe òwe òwe-di ityhydÿÿdu rierynanykeki, aruru rybemy tamy marybeke. Kai inatxi rybemy marybekeki, tii rexioòbitinyòkeki, tahe uritere aõna aõnamy tamydÿÿòmy. Tii òrarudu dori ratximyhyre. Hābu òbiti aòkò.

¹¹ Tiile rieryre tuudÿÿdumy ratximyhyre.

¹² Jiarÿ, Txitxiò, Atema-wana aòrysmy ariteònykreu. Niòpòli hāwā-ò wadee manakre. Kowa arasÿnykre ibutumy biu bedeu.

¹³ Zena, bede ywina erydÿÿdu, Apòlo-wana kai itÿinareny-ò biteònylebenyke aõmybo tamy biwahinymyhÿke.

¹⁴ Bierynanyke iny aõmysÿdÿÿ wihikÿkemy rotÿÿnymyhykemy. Kia wese aõbo rauhenyreri tamyreny ijòdikre. Tai riwiòhenanykre.

¹⁵ Ibutumy kaki jiarÿ-wana iny rybe weityhy na adee rewahinyrenyreri. Warybe biwahinyke ibutumy inyluudu ityhydÿÿdu mahàdu-ò ibutumy adeereny Deuxu deysanamykre. Kie.

Filemo-ò Paulo Tyyriti Filemo-ò

¹⁻² Jiarÿ Paulo rare. Jesuisi Kristu òraru-ki ròtena-ki wāhāre. Tximòtxi iny seriòre wese jiarÿ-wana adee Filemo-ò rybe rewahinyrenyre. Kai inyluunareny, iny wiòhenadÿÿdu tate. Tule Afia-ò, rewahinyreri, tii iny wyòrenyò rare. Tule Arikipu-ò, rewahinyreri iny rybe tÿnydÿÿdu-ki ijoio rare. Tule ityhydÿÿdu mahādu-ò rewahinyreri, aheto dohodÿÿna ijoio-ò wahe.

³ Ruxetòena ywina-wana Deuxu iny tyby-ribi, Jesuisi Kristu iny iòlò ribi adeereny kanakemy watzireri.

⁴ Deuxu-ò rexitòenyreu, atxi, Filemo, wanohòti reamyhÿre. Tai umy rarybera.

⁵ Kai dori Jesuisi tetyhynyte, inyiòlò luumy, ityhydÿÿdu mahādu luumy atximahāte. Kia-ò raholamyhÿre.

⁶ Tule rexitòenymahāreu kiamy jiarÿ rarybemahāre. Kai iny witzira-ò Deuxu aòmydÿÿnanamy belyykeu, Kristudeewimy biernanyke. Kia inydeereny rexitòenyre Deuxu-ò.

⁷ Jiarÿ wadeysatyreri, kai dori aluuna iny witzira dee ratximyhÿre. Kia heka deysana nihikÿ ityhydÿÿdu mahādu-ò rare, tii riwawowesenymyhÿre.

⁸ Jiarÿ timy atxikemy adee ararybekeki, tule ke heka arateranyke. Jiarÿ dori aityhydÿÿdu seriòre rare.

⁹ Tahe aluudÿÿna òraru-ki tahe adee arexitòenykre. Jiarÿ Paulo rare. Ròtenawo-ki jiarÿ roire Jesuisi Kristuluu òraru-ki.

¹⁰ Wariòre wese dee rexitòenyre. Onesimo wariòre wesemy redyreri Kristu tyhydÿÿna-ò waribi umy wese kaki ròtenawo-ki rare.

¹¹ Tiu heka adee riwahinyòmyhÿre tii dori juhū awiòhedÿÿdutyhy aòkò rare. Wijile tahe iny diwiòhenanymyhÿde adee wadee tule.

¹² Tii adee reteònyreri. Ixyby araòkesedÿÿnyreri. Kai ixi-ki bimyyke wawesemy, wadee dori tii awityhy rare.

¹³ Jiarÿ dori ixideele remyòre wawiòhedÿÿdu kaki ròtenawo-ki Rybewihikÿ dohodÿÿ òraru-ki. Kia òsÿny adee awire.

¹⁴ Urile aòkòmy marybekeki tii arimyòthy. Kai aò wadee bidiwahinykeki, kai ixi sohojile inihe biwahinykre. Waixitòena-ki aòkò.

¹⁵ Onesimo heka aribi irehemy rexiiere ijò bededÿÿnana witzirau, tahe wijile tiemy abrysimyykre.

¹⁶ Juhū wesemy aòkò ihÿre deòdumy wahe, wiji aseriòre wesemy heka rare. Tii heka walutyhy rare, adee tulekemy ityhydÿÿdu wese wiluukemy wadee awire.

¹⁷ Kai wabiòwakeki, tii birybenyyke iwese tiwarybenymyhÿte wese.

¹⁸ Aò adee rasiranyreki, jiarÿ ariwyònykre teròwmy. Jiarÿ iximyna kaa retyyritinyre: Jiarÿ Paulo ariòwynyykre.

¹⁹ Kai waòraru-ki ityhydÿÿdumy atximahāte. Kia tahe adee tuu ararybeòthy.

²⁰⁻²¹ Warybe mynamy ta kai bòwidÿÿkre Kristu òraru-ki, tai ta biwadeysanykre. Jiarÿ warybe rewahinyreri, araeryre, waixitòedÿÿna ratyre biwinykre.

²² Ijòmy adee arexitòenykre: wasÿ waherina aheto-ki biwinykre. Deuxu-ò hexitòenykreki, tai jiarÿ aòhe-wana adeereny aròðekre.

²³ Epafa wabiòwa ròtenawo-ribi adee riwehityhynanyreri (jiarÿboho kaki watzximyhÿrenyre Jesuisi Kristu Rybe òraru-ki),

²⁴ tule Marku, Aristarku, Dema, Luka-wana rexiwehityhynanyreri. Kia ibutumy heka Deuxu-ò aòmÿsÿdÿÿdumy roire.

²⁵ Jesuisi Kristu lāhāna awo-ki ratximyhÿre.

Hebreu-ò Tyyriti judeu ityhydÿÿdu mahãdu-ò

¹ Juhuu Deuxu inybyreny-ò rarybemy raremyhÿ. Deuxu rybe-ò ijohonadu-di tamy rarybere. Tule sòwemy aõna aõna wixira wixira rarybere tamy.

² Tahe ikonana wiji txuu inydeereny tariõre diteõnykemy rarybera. Tii rarybere tybyderòwomy. Iriõre tahe ibutumy aõna aõna wedu rare. Deuxu iriõre kia rarekemy rarybere. Tii tule juhuu bede widÿÿdu rare.

³ Tii Deuxu loosõna tÿnydÿÿdumy ratxireri. Deuxu wesehyymy ihÿmyhÿre. Iriõre, taryberuru-di, ibutumy aõna aõna rimymy roimyhÿre. Iny òrarunareny riixãwididÿÿnymy rahudi, biu-ki Iòlò Deuxu ruruna weribi ronyre.

⁴ Iriõre ranire niwihikÿmy. Tii dori ÿjuratyre awityhyre.

⁵ Tiu heka ÿju-ò rarybeõhyymyhÿre: —Kai wariõre tate. Bohyymy wiji wãhãre. Ijò ritidÿÿmy rÿire, kawesemy: —Jiarÿ tybymy ararekre. Tii wariõremy rarekre. (Kia tahe ÿju-ò tii rarybeõhyymyhÿre.)

⁶ Iriõredela kabede-ki reareu ixityre ijõmy rarybere: —Ibutumy Deuxu ÿju tuu realàkemy.

⁷ ÿJumy tahe kawesemy Deuxu rarybere: —Jiarÿ ÿjuboho tahe yhy ele elewesemy retxienyre, wadeòduboho heòtyloosòwesemy retxienyre.

⁸ Tahe tariõremy kawese rarybere: —Wariõre, Deuxulemy atxiteri. Kai ibutumy inyìlòhyymy rare. Aruru tuedeõna debõna dire. Wiwesemy nonana-di ibutu-ò atximahãte, òbitimy.

⁹ Òbitaluumy kai atximahãte òruna deramy tahe atximahãte. Tai tahe Deuxu, aDeuxu amahãdu ratyre awimy teleta adee riwahinyre deysana.

¹⁰ Ijõmy Deuxu rarybere tariõremy: —Kai Wanyrÿ juhuu bede widÿÿdu tate. Bede ibutumy tewinyte. Tule biuludu aõmydÿÿnana tewinyte.

¹¹ Kia bede aõmydÿÿnana ludu ibutumy rexihukemy. Kai tahe tiu atuedeõna. Iwese uwòhi retybyre wese, kia aõna aõna retybyke.

¹² Tule wesirahana rawerasemy roimyhÿre wese ibutu tyy retybymyhÿre, rawitxi-radÿÿmyhÿre. Kai tahe ixiwesehy ahãte. Abede dÿÿnana tahe tiu itueòtyhy.

¹³ ÿJu-ò Deuxu tiu rarybeõmyhÿre: —Bodonyke waruruna weribi. Aòludu mahãdu ako-txi resemyhÿkemy. Eòdumy rarekemy. Kiamy tahe tariõre-ò rarybere.

¹⁴ Ibutumy ÿju mahãdu Deuxu deòdu rare tyytyby wesemy rare. Deuxu diteõnyde ityhydÿÿdu mahãdu wiòhedÿÿmy tule ibutumy biu-ò hedu mahãdu wiòhedÿÿmy.

2

¹ Tai tahe, waseriõreboho, ityhyna rybe-ò rokoholarenyreki, tamy tahe rikimyrenykre rikityhynyrenykre. Tai tahe iribi tiu ròkòirenyòtyhy.

² Ibutumy ÿju rybe inatyhymy raremyhÿ. Ibutu òrarudu rimyre aõhòkÿmydÿÿnana-ò irybe riwinyòreki.

³ Kia inatyhy rare. Tarasana rybe wityhy-ò rokoholarenyòreki, timybo inyboho rikiòlònyrenyke. Kia rybe wityhy Wanyrÿ Jesusile juhuu inydeereny relyyre. Idi tahe, ijohonadu mahãdu tuu rarybere tule.

⁴ Deuxu irybe myna rotÿÿnyre, ròbedeòbydÿÿnyre tai ròbedeòtiidÿÿnyrenymy tai Deuxu ruru ritÿÿnyre. Tule Deuxu Tatytybytyhy iaòwidÿÿnamy ixideewimy inymy riubÿtÿnyre.

⁵ ÿJu-dee aòkò bede riwahinyre-kia iòlòmy rarekemy. Jesuisi-ò kia riwahinyre.

⁶ Juhuu inyò rybe txiòdÿÿnamy rarybere: —Ritina-ki kia rybe roimyhÿre: —Aòbo heka hàbu tyhy riõre rare? Tii aò aòkò rare.

⁷ Ijò bededÿÿnanaò Deuxu riõre ÿju-ribi tyhymy aòkò ihÿre.

⁸ Tahe wiji wowydyna tamy rawahire iwese iòlò dee iny riwahinyre wese, tamy rawahire. Tule ibutu wedumy rarekemy. Iny ruereny dee ibutu ihòrò aòkò òsana rare. Ibutu rurudu wese aòkò iny ruereny-ki rÿire.

⁹ Tahe inyboho Jesusimy robirenyre. Tiile tuu ihÿre. Urihimyò bede aõmydÿÿnana bedeu ÿju-ribi tyhymy aòkò Deuxu tii relere aõhòkÿmy dÿÿnana rimykemy. Tahe rurure. Rubu riurihire inyderòwrenymy. Tai tahe rataana raheto wesena Deuxu tamy riwahinyre dealàna-wana.

¹⁰ Deuxu riwinyre ibutu aõna aõna ixidee. Tii kòkeki, bede ihoõhyymy roike. Tii ityhydÿÿdu mahãdu ridymyhÿre taloosõnasy-ò, taijoimy. Tai tahe Jesuisi aõhòkÿmy rotÿÿnyre Deuxudeewireki. Tarasana wydydumy heka wityhymy Deuxu delede aõhòkÿmy rotÿÿnyreki, tai awityhymy ròhònykemy tarasadudikemy.

¹¹ Òbiti widȳȳdu tahe òbitina mahādu-wana wimahādu wese roire. Wiwanale sohoji tybyribile doidenyde. Tai tahe raix̄ȳruòlemy Jesuisi seriòremy rininire.

¹² Ritina-ki rarybere: —Ani arit̄ynynkre waseriòrebobo-ò. Dohod̄ȳna heto-ki àlànwiau-di adee ariwiunykre.

¹³ Ijō Ritid̄ȳna-ki rarybere: Tii arityhynhyyykre. Ijō: Kakile wahe watzixereri, tule roire wariòre Deuxu diwawahinyde.

¹⁴ Iwese ibutumy inyumy wiwesele roire wese, tule Jesuisi umyō rimyre, inyumy wesele, tai inywesemy rurukremy. Tai tahe rubu dinodumy rahaananyre, Diabo wahe.

¹⁵ Kia rubu mahādu lau ruberumyh̄re mahādu, ibrebu iribi ritare. Kia mahādu dori rububrebu deòduhyymy ih̄yrenyre.

¹⁶ Ȳju aòkō ritakemy namyh̄yde, Abraō riòre riòre ritakemy namyh̄yde. Tahe wiji tule ih̄yre.

¹⁷ Iseriòre wese hyymy roirekemy ih̄yrenyre. Tii dori Deuxu Xiwena widȳȳdumy rarekemy inydeereny tai ruxetòena wahid̄ȳdu òbiti tii ih̄yre. Ibutumy iny òraru òwyd̄ȳnamy r̄ymyh̄kemy.

¹⁸ Ibutumy ixirad̄ȳna mahādu tii riwiòhenanymymyh̄re, ibutumy ixirana-di aòhòk̄ymy rot̄ȳnymyh̄reki.

3

¹ Tai tahe, waityhyd̄ȳdu seriòrebobo, bohohatyhyke Jesuisi rybe-ò: —Kaiboho dori tule bimbybenykemy biu bede aòm̄ys̄d̄ȳna. Jesuisi iny ityhyd̄ȳna Xiwena wahid̄ȳdu wedu tyhy rare tule inatyhyna deòd̄ȳna tyhy tii rare.

² Deuxu tii riwinyre Xiwena wahid̄ȳdu wedumy. Tai tahe tii òbitimy riywinyre Moisesi riywinyre wese Deuxu s̄ymahādu-ki raaòm̄ys̄d̄ȳnymyh̄re.

³ Jesuisi-ò tahe s̄owemy wowyd̄ȳna rawahikremy. Moisesi wowyd̄ȳna ratyre rawowydynanykemy. Hetowid̄ȳdu iny riwowyd̄ȳnymyh̄re, hetoratyremy.

⁴ Ibutuheto iwidȳȳdu dire. Ibutu widyydu tahe Deuxu rare.

⁵ Moisesi Deuxu heto-ki òbitimy rybe riywinyumyh̄re teòdu aòm̄ys̄d̄ȳnanamy. Tai tahe teòsid̄ȳna ririre ijesenareki. Deuxu rybe t̄nyd̄ȳdu tahe Moisesi rare.

⁶ Kristu tahe Deuxu s̄ymahādu wedu rare Deuxu riòre rareki. Inyboho Inynrȳreny-ò ròkòtyhyd̄ȳrenyeki tuu rokoirekre. Tai iny brebutererenymy iny raròsònareny inatyhymy rakatximyh̄renyeki tahe Deuxu ijo inyboho roire.

⁷ Kiawesemy tahe Deuxu Tyytybytyhymy narybede: —Wiji tahe tamy bohohabenyke aworeny iòludud̄ȳrenyōmy.

⁸ Judeu mahādu wesemy aòkō boibeke, tybyboho wesemy aòkō wahe boibeke. Tiiboho dori tamy raujòmomyh̄re bedero-ki Deuxu riurihirenyreu.

⁹ Deuxu rarybere: —Aòbede wiwihik̄y rewinyre hāre, alabiereny riwaitxenanyrenyre tamyre watzixereri iny inatxiwaitue beòramy aòbedewiwihik̄y riraòm̄yh̄re.

¹⁰ Tahe Deuxu rarybere: —Waky reamy tamy wāhāre. Tiu heka wawana ratxiòhyumyh̄re ryòbiti tamy ret̄ynynyre hārele. Tawo-ki teòsahyymy ratximyh̄re.

¹¹ Deuxu rarybere: Waky reatyhymy tai tahe ixidee resere, inatyhymy rarybere: —Tiu tiiboho elehyna bede-ò ralòòtyhy.

¹² Bexiijebenymy waseriòrebobo uritere awo-ò ròted̄ȳōmy raykyitx̄ytena. Kia òraru-ki aDeuxutyhy-ribi irehemy hexilòhòrarienyheny aDeuxu tyhy dori irumy ratximyh̄re. Tii inatyhy rare.

¹³ Txuò txuòlemy wii biòbitinybenyke. Òraru dori itxenad̄ȳdu nihik̄y rare. Tai tahe wiji kiamy bot̄ȳnybenyke.

¹⁴ Deuxu rikityhynrenyhyymy rakatxirenyke. Irybe rikiywinyrenykemy rakatxirenyke iwese juhu rityhynrenyra wese. Kia wesekeki, Kristu leinamy rakatximyh̄renyke.

¹⁵ Kiawesemy tahe Deuxu Tyytybytyhymy narybede: —Wiji tahe tamy bohohabenyke aworeny iòludud̄ȳrenyōmy. Iwese ihetxiu mahādu riwinyre wese aòkō boibebenyke.

¹⁶ Timahādubohe roholare Deuxu rybe-ò iribi tahe wimy raòludure. Kowa Egito bede-ribi doimyh̄yde mahādu roire. Moisesi tamahādu-wana doimyh̄yde.

¹⁷ Mobohe Deuxu kyarad̄ȳdure 40 wyra s̄owe. Kia mahādule bederahykile rexihure raòrarunykreki.

¹⁸ Moòbo Deuxu rarybere taelehyna bede-ò ralòòtyhymy? Rybe ywisid̄ȳdukòdu mahādu-ò rarybere.

¹⁹ Inyboho tuu rieryrenyre. Rirònyrenyōremy rityhynyōrenyeki.

4

¹ Deuxu juhuu rarybere: —Inyõ taelehynabede-ò ralokremy. Inatyhymy heka aõmybo rarybere rýire. Inyõ õsana kaibohoõ tamy rehemynyõtyhy rityhynyõmyhýrenyrekí. Tai tahe bexityhynymyhýbenyke kia-ò.

² Inydeereny tahe Rybewihiký týmyra rõhõnomy roimyhýre, iwese Moisesi mahãdu-ò rõhõnyre wese. Tamyreny tahe awityhymy aõkõ tamy rõhõtinyinmyhýre rityhynyõhyymyhýreki.

³ Deuxu tyhydýýdu mahãdu ralõke taelehyna bede-ò. Deuxu dori rarybere: —Jiarý inatyhymy anarybede. Iny rityhynymyhýrele tamy ralokre. Deuxu kiamy rarybere: —Taelehynabede tamy rewinyre xiery juhuu bededýýnana rewinyroireu.

⁴ Inyboho rierymyhýrenyre tii riraõmyhýremy Ritidýýna roireki: —Deuxu taelehyna-ki ele rihynyre debõinatxixtu bededýýnanamy. Taaõmysýdýýna ibutumy rahure aõbo riwinykemy idi raremihý riwinyre.

⁵ Ijõ rybe tule kia-wana roire: —Tiu ralõõtyhy waelehyna bede-ò.

⁶ Tuu heka Deuxu rarybere inatyhy raremy. Ijõ mahãduõ ralõmyhýre Ijõ mahãduõ ralõrenykre. Moisesi mahãdu tahe ralõõre Deuxu rybe riwinyõreki.

⁷ Wiji bededýýnanamy heka Deuxu rarybereri. Kia rybe rare iwese Davi rarybere wese: —Wiji tamy bohohabenykeu, aworeny iõlududýýrenyõdu.

⁸ Josue ridyre Moisesi mahãdu Suwitzira-ò. Kasu tahe kabede aõkõ rare Deuxu elehyna bede. Deuxu idihyy tuu rarybemy ihýre. Wijina rõtena bededýýnanamy Deuxu rarybemyhýre.

⁹ Tai tahe Deuxu mahãdu dee elehynasu bede roimyhýre. Deuxu elehynatxu wese heka rare, iwese Deuxu debõinatxixtu-di rexielehynyre wese.

¹⁰ Iwese Deuxu raelehynanyre wese raelehynanyre inyboho taaõmysýdýýna-ribi, inyboho rukururenykreu.

¹¹ Awityhymy rokoireke tamy rikirõnyrenykeny tule. Rekeixijerenyke. Deuxu rybe rikiywinyõrenykeki iwese judeu mahãdu wese rikirõnyrenyõtyhy.

¹² Ibutumy Deuxu inydeereny rarybere iruru dire. Iwese mayrehe wiõtxureemy rýrira wese Deuxu rybe rare. Inyrayky wydyna riõrõmyhýre, õhõti wydyna-wana. Mayrehe rayky riraynymyhýre aõmybo inyrayky Deuxu ibutumy rierykemy.

¹³ Ibutumy Deuxu rierymyhýre inyraykyreny. Iny Deuxureny irumy ihýre. Ibutumy aõna aõna tamy itýnyhýkýle rare. Aõ heka iwasi aõkõ tamy rare. Ikonanau ilau ibutumy aõhebo iny rotýýnymyhýrenyre rikitýnyrenykre.

¹⁴ Jesuisi Deuxu riõre iny xiwenadýýdu tyhy rare. Tii rare biu-ò iny wiõhedýýmy. Tai tii rikityhynyrenyhyymyhýre.

¹⁵ Tii iny aõkõnareny rierymyhýre; ixiradýýna rierymyhýre tai iny riruxetõenyre. Tii kabede-ki tiu heka raõrarunyõhyre, ixiradýýna hãrele.

¹⁶ Tai tahe rekesiterenymy rekesitõenyrenyke iny iõlõreny rynana-ò. Tai tahe ruxetõena sõwemy inydeereny kidiwahinykre. Bedeõbyna kidiõkre tuu rokorurenykreu.

5

¹ Hãbuõ Deuxu rimyre xiwena widýýdu mahãdu wedumy rarekemy. Tii ibutu iny derõwomy Deuxu-ò rybedumy raremyhý. Tii iny uriõnosõna Deuxu-ò riwahinyre. Tule õraruna brõ-ki xiwena tamy riwahinyre.

² Tii dori hãbu rare tamahãdureny-ò dori ywina-di ixi-ki ratxireri iõrarureny rierymyhýreki. Imahãduõ ibedeeryõre ijõ tahe reõsamyhýre tiemy aõna aõna bina riwinyhyymyhýre.

³ Tai tahe xiwena riwahinyhyymyhýre tamahãdu õraru-ki tule ixiõraru-ki.

⁴ Inyõ ixideewimy aõkõ xiwenawidýýdumy raremyhý Deuxudeewi xiery tahe tuu rareke. Deuxu tamy rarybemyhýrekile tahe tuu rýike. Iwese Araõ-ò Deuxu rarybere tuu rarekemy.

⁵ Tahe Kristu tule reximyõhyre xiwena widýýdu wedumy rarekemy Deuxu tuu rimymy rarybere: —Kai wariõre tate wijile kai inihe anataru.

⁶ Ijõ ritina-ki ijõ rýire: —Kai xiwena wahidýýdu atximahãte urenana. Xideki xiwena wahidýýdu wesemy atximahãte.

⁷ Jesuisi kaki raremyhýu hãbu wesemy iruberytynymy rexitõenymy reallãmyhýre. Rahinymy riauamy Deuxu-ò rarybere. Tii heka Deuxu rityhynyre tai tamy roholare.

⁸ Deuxu riõre heka tii rarehãrele tahe aõhõkýmy rotýýnymyhýre. Tai tahe rõeryre rybe ywidýýmy.

⁹ Tii heka raõbitinytyhyre. Tai tarasana widýýdu rýimyhýre iywidýýdu ityhydýýdu mahãdu dee.

¹⁰ Deuxu dori tii rimyre xiwena wahidýýdu wedu rýirakremy Xideki wesemy.

¹¹ Sõwemy tuu adee ararybekemy watzireri. Urile adee isirare ierysyna, teeryðhyymy taholamahâte.

¹² Kaiboho ihetxiu tetyhynytenyete. Tahe inyõ bibedeerynybenyke. Ihãre tahe teerynanyõhyymahâte. Ihymy texiõkesedýýnyta tai tahe inyõ anaerynanykemy adi ratxireri timybo ityhydýýdu-ki tatemahãmy. Juhuu erydýýna wahe.

¹³ Tohouã howýtõdu weselemy atximahãtenyete, ityhydýýdu aõmydýýnana teerytyhyõmahãtenyeki, rybeerysydu õbiti aõkõ atximahãtenyeki. Kaiboho taumynyõmahãtenyete iwese ityhydýýdu mahãdu rýirawesekemy.

¹⁴ Deuxu erysynatyhy inyummy rýsýna wesemy roire. Aõbinahaký aõwihiký erysyduõle kia rýsýna roire, tiiboho dori rierymyhýre aõbo awire aõbo ibinare, tuu rotýýnyrenyre aõbo awireki.

6

¹ Tikiemy juhuu Kristu rybetyhynamy araerynanymahãre. Rekekixõmonyrenyke. Iwitxira erysyna rikieriynykemy. Tai tahe rakaumynyrenyke ityhydýýdu tyhymy ityhydýýdu rurudýýna-di. Inyõ rarybemyhýre. Iny raõbitinymy ratxike xiery iny ratakemy ihýre. Kia aõmydýýnana reerydýýnanyõkre tahe. Iny rityhynymyhýkekile iny ratakemy.

² Ratisebenamy heka anaerynanyõkre, tule debõlidisinamy, tule rubu-ribi ixixanamy, tule bede konana ritxuakre txummy ibutumy heka tuu ararybeõkre. Tii heka juhuu erydýýna rare. Kaiboho dori teerytenyete.

³ Wanryý dee wikiki tahe iwitxira erysyna heka ariwiuronykre.

⁴⁻⁶ Inyõ biu-ribi loosõna wãhidýýna riurihimy ritakeki. Deuxu Tytybytyhy aõmydýýnamy ijõ ritake wana, Deuxu rybe riurihike wana, kowa bede wihiký ruru rieryeke wana. Tii ibutukeki tahe Deuxu-ribi tahewo-õ dõõsede inatyhyna ririre. Isiratyhyhyre ixityre rõte taðraruna Deuxu-õ relyyõtyhy. Tii dori Deuxu riõre ixityre itxeõnihiký-ki ritidire, inyru-õ ritidire ibinamy rarybemyhýre.

⁷ Biu heka suõ risebenymyhýre. Owõrutu iribi ritxuhudýýnymyhýre tõbõrõdýýdu-õ. Aõratybo raratynykeki tahe Deuxu bedeõbydýýna kia rare.

⁸ Tahe edeweweju kidiwahinykeki, awiõre heka inydee kia sumy ibinamy rarybere. Urile roomyhýre. Kia suu tahe iny ityhyna ririre mahãdu wese rare.

⁹ Kiawese jiarý urile rarybereri. Ihãrele tuu aõkõ umyreny rahõtinyreri. Inatyhymy rahotinyreri kaiboho aõ õbiti tewinymahãtenyemy. Iwese tarasana mahãdu wesekeky kaiboho ahãtenyete.

¹⁰ Deuxu dori õbitityhy rare. Kaiboho tamy taaõmysýdýýnihikýmahãtenyete tai aribireny tõhõti rosaõtyhy. Iwese Deuxu-õ aluunareny teteõsinyta wese ityhydýýdu seriõre tewiõhenanytenyeki ihãre tadiwiõhenanymahãte.

¹¹ Wiluu hyymy boibeke bede dýýnana konana-õ. Tuu raruhyymahãre. Tule iny rarõsõnareny-di mohõtinybenyke.

¹² Tai tahe ityhydýýdu aõmydýýna irisirenyõmy boibeke. Õbiti widýýdu iele ele aõkõ rare. Rityhynreri Deuxu wahisidýýna ritakremy iwese Deuxu rarybereki. Kaiboho õbiti widýýdu mahãdu wesemy ahãbenyke.

¹³ Deuxu Abraõ-õ rarybereu, inatyhymy ixideele rarybere. Inyõ dori Deuxu ratyremy ratxiõmyhýre.

¹⁴ Kawesemy rarybere. Deuxu tiemy ixirybe riwinyhyymyhýre Inatyhymy anabedeõbynykre, idi anaixijuradýýnykremy tai ariokoreõ rasõwekremy.

¹⁵ Tahe Abraõ riraõmyhýre, raeleleõmy. Idi Deuxu tarybe myna rotýýnyre.

¹⁶ Inatyhymy aõmy inyõ rexirybenykreu aõmy rarybekre. Kai tahe aõ ijyy ri-xãwidýýnymyhýre.

¹⁷ Deuxu tule ixidee rexirybedýýnyre inatyhy rybe-di. Tai rybe tarasadu mahãdu rierymyhýre Deuxu rawitxiranyõtyhy.

¹⁸ Inatxi aõmydýýnana iny rierynyrenyre. Deuxu rarybere-wana tiu raruiõtyhy. Tai tahe inyboho inyarõsõnareny rimymyhýre. Iny ixiwõtena-õ ralõmyhýre tarasana-õ ralõmyhýre wese.

¹⁹ Inywo-ki inyrayky wiõhedýýdu ijõdire hãwõjura rimymyhýre wese iny roire Jesuisi koludu wesemy inydeereny ralõmyhýre wesirahana webõrõ-ribi, Deuxusý wahe.

²⁰ Jesuisi juhoo ralore tai. Tai tahe Jesuisi Xiwena wahidýýdu wedu rýihykemy Jesuisi tahe Xideki axi weseõ xiwena wahidýýdure.

7

¹ Xideki tahe Salẽ hãwã iolõ rare. Deuxu Tyhydýýdu Xiwe wedu rare. Abraõ heka aõbina ritara. Xideki rõhõnyre itxi reakemy, tahe ribedeõbyrybedýýnyre.

² Tai Abraõ tamy riwahinyre ibutu aõbina aõmydÿÿna-ribi, debòwiò-ribi sohoji riwahinyre, Xidekini tahe òbiti Iòlò rare iwitxira rybe-ki. Salè hãwã Iòlò tahe ywina nodu rare iwitxira rybe-ki.

³ Tybyõre, iseõre, isÿõre. Tii heka itxu ròhònyõhyre tule bedekonanaõhyre. Tii heka Deuxu riõre weselemy ihÿre. Tii Xiwena wahidÿÿdu urenana ratxihyymyhyre.

⁴ Kaiboho mohòtinybenyke timybo tii aõnityhymy raremyhÿdi. Abraõ inytybyreny tamy diwahinyde: debòwiò aõmydÿÿna-ribi sohoji tamy riõre. Iòlò taòludu aõbina aõbina aõmydÿÿna-ribi tamy riõre.

⁵ Xiwena wahidÿÿdu mahãdu Levi sÿriõre mahãdu-ribi doidenyde. Tamy bede ywina riywinymy riteõnyre debòwiò-ribi sohojina ritakemy iny-ribi. Taijoityhy-ribi. Tiiboho dori Abraõ sÿjioiluduò tule roire.

⁶ Xideki tahe Levi sÿjioiludu aõkò rare. Ihãrele tahe Abraõ tamy debòwiò-ribi sohojina riwahinyre. Xideki tahe bedeõby rybe-di heka Abraõ rirybedÿÿnyre. Abraõ juhuu ityhydÿÿdu rare Deuxu dori tamy ityhyna rybe riwahinyre. Xideki tahe ityhytyhy rare. Aõhe inatyhy?

⁷ Bedeõbymy rybedÿÿdu aõnityhy rare. Moòbo rarybemyhyre ratyre aõnityhy rare. Ibutumy kia rierymyhyre.

⁸ Levi xiwedÿÿdu mahãdu hãbumy ituerenyde. Xideki tahe ruruõhy ihÿre. Kia ritina-ki roimyhÿre.

⁹ Levi debòwiò-ribi sohojina tarasadu rare. Ihãrele tahe Abraõ teròwmy debòwiò-ribi sohojina riwahinyre.

¹⁰ Levi dori natibienyõde, ihãre Abraõ-ki ratximyhÿ iu witxi Xideki-wana witxi reareu.

¹¹ Bede ywina rybe xiwedÿÿdu mahãdu-wana iny rataõtyhy. Tai tahe iwitxira xiwe wahidÿÿdu inyboho riijemãhãrenyde. Araõ ijoì ribi aõkò nade, Xideki nade wese tahe Kristu nade.

¹² Xiwena aõmydÿÿnana rawitxirakeki, tule rybe bede ywina rawitxirake.

¹³⁻¹⁴ Inynyrÿ tahe Levi xiwewahidÿÿdu mahãdu-ribi aõkò nade. Tii Juda mahãdu-ribi nade. Tiiboho heka tiu xiwewahidÿÿdu mahãdu-ki riwiòhedÿÿõhymyhyre. Moisesi dori tamy kia aõmysÿdÿÿna riwahinyõre.

¹⁵ Kristu iwitxira xiwewahidÿÿduò ròhònyre Xideki wesemy raremyhÿ. Tuu heka teerytenyte.

¹⁶ Tii heka bede ywina rarybere wesemy aõkò nade. Tahe iwitxi rare. Tii umy witxira tuedeõna-di nade. Kia ruru òraru-ki nade.

¹⁷ Rybe riti-ki rÿire, Kristumy rarybereu: Kai xiwewahidÿÿdu mahãduò tate Xideki wesenamy ahãte.

¹⁸ Aõmydÿÿna tyby rawitxiradÿÿre awimy aõkò dori rare. Irurudimy aõkòre dori rÿire tarasana wiòhedÿÿmy aõkò.

¹⁹ Kia iny riòbitidÿÿnyre aõkò. Wiji tahe raròsòna wihikÿ ròhònyre inydeereny Kristu dori Deuxu-ò inatyhymy iny ridymyhyre.

²⁰⁻²¹ Deuxu rexirybedÿÿnyre inatyhymy Kristu xiwena wahidÿÿdumy rarekemy. Tahe iwitxira xiwenadÿÿdumy aõkò kiawese narybede. Kristu-ò tahe Deuxu rarybere: —Deuxu rexirybedÿÿnyre. Tiu rawitxiranyõtyhy arybe. Kai xiwena wahidÿÿdu atximahãte urenana.

²² Tai tahe Jesuisi riòludunyre wijina aõmydÿÿnana tÿmyra.

²³ Xiwedu sòwekemy idi ròhòtinymyhyre, ijõ rurumyhyreki. Ijõ tahe teròwmy ralòmmyhyre.

²⁴ Jesuisi tahe xiwena wahidÿÿdu mahãdu-ribi ròhònyõtyhy. Kristu tahe aõu aõu ratxihymy rarekre. Tai xiwe òlòdÿÿnamy aõu aõu iweselemy rarekre. Ijõ-ò tiu raõtyhy.

²⁵ Tai tahe moò Deuxu-ò Kristu-ò kanakeki, tii tahe Jesuisi ritalekemy ratximyhyre. Tii dori Deuxu-ò inydeereny rexitòenyhyymyhyre.

²⁶ Tii dori iny deròwmy rarehymy rareke Deuxu sÿdee. Jesuisi biu-ki ronymyhyre Deuxu-wana. Sÿwihikÿ worana bedehesina-ki ronymyhyre urenana. Tai tahe tii xiwenadÿÿdu wedumy inyboho rurumyhyrenyde. Tii òbiti rare, tyrare, iòaruna-ki aõkò, òraru mahãdu-ribi hitximy.

²⁷ Xiwena wedu txuò txuõlemy xiwena diwinymyhyde juhuu taòraru hetydÿÿnamy riwinymyhyre idi tahe ibutumy inyòraru hetydÿÿnamy riwinyre. Jesuisi kia Xiwena wedu wesemy aõkò ihÿre. Tii xiwena wahidÿÿdu mahãdu-ribi lahixi rare. Sohojihy dori xiwenamy rexiwahinyre rubu-ò ikonana xiwena wahe. Tii txuò txuõlemy aõ rubu xiwe wesemy riwahinyõre, iwese iwitxira xiwedÿÿdu riwahinyre wese. Juhuu taòraru òraru-ki raxiwenyde idi iny òraru òraru-ki raxiwenyde.

²⁸ Bede ywina hãbule ritidire xiwena wedukremy. Hãbu tahe iruruõre idi tahe sohoji rybeõtyhy bede ywina hewomy nade. Kia tahe Deuxu riõrele tuu risÿnyre, tii òbitityhyreki.

8

1-2 Kiamy heka jiarý rarybere. Kia awese iny xiwena wedu ijòdire. Iòlò tarynana-ki ronimyhýre. Jesuisi tahe Deuxu ruruna-ribi ronyre. Iheto-di itxeredu tahe Jesuisi rare. Deuxusýle iyrubudýýdu rare. Kia hàbu aòkò riwinyre Deuxule riwinyre.

³ Kristu iheto raroowo-ki Deuxu deewina riwinimyhýre.

⁴ Kristu kabede-ki ratxikeki tii xiwena wahidýýduómý aòkò ratximyhýke. Kabede ludu dori bede ywina rybe riritinimyhýre wesemy riwinimyhýre.

⁵ Tiiboho biu aómydýýnana wesemy urihimýòlemy aóna aónamy rotýynimyhýreny. (Deuxu Moisesi-ò riteòsinyre aówesemybo teàlana heto-ki raremyhý. Tai tahe Moisesi riwinikemy timybo riteòsinyre wesemy hàwàlò ratyy-ki riteòsinyre.)

⁶ Kristu tahe iwitxira aómysýdýýna iaómysýdýýnare. Bede òtiidýýna urenana heka Kristu aómydýýnana ròimyhýre bede ywina widýýdu aómydýýnana ratyremy ihýre. Kristu tahe bede ywidýýna týmyra riwinyre Deuxu iny-wana heka widee rilorore. Deuxule rarybere tahe juhuhu-ribi awityhyre irybe.

⁷ Juhuu bede ywidýýna awi aòkò rare. Awikeki tahe ijò týmyraò ròhònyòtyhy.

⁸ Deuxu dori ihetxina-ki tamy awimý aòkò ihýre. Kawesemy dori rarybere: – Txuò kanakreu tahe, bede ywidýýna týmyra aritobinykremy Juda sýmahàdu-wana judeu sýmahàdu-wana.

⁹ Bede ywidýýna týmyra ihetxina-ribi iwitxira rarekere. Ihetxina retobinyre tybyreny-ò. Iu Egito-ribi retareu, retobinyre. Tiiboho bede ywidýýna týmyra-ò rieryòre. Tai riywinyòre bede ywidýýna.

¹⁰ Kiawese bede ywidýýna týmyra rarekre, Wanyrý Deuxu rarybere: –Wabede ywina iraykywydyna-di ariritinykre iwo-ò aritidikre wabede ywina. Jiarý iDeuxumy ararekre, tule tiiboho wasý ijoiomy roirekre.

¹¹ Kia txuò rahukredi tahe ibutumy riwaerykre tasòmo-wana, tanihiký-wana. Tiu wii rierynanyòtyhy Wanyrý Deuxumy.

¹² Ruxetòena tamy ariwahinykre taòrarutedenamy. Iòrarureny ibutumy wanohòti iribi rosakre.

¹³ Bede ywidýýna týmyramy Deuxu rarybereu, ihetxina retybyra raseruserunyra. Taita awiòra heka.

9

¹ Juhuu bede ywidýýna-ki bede rybe ritina rýimyhýre Deuxu-ò deàlana timybo rawahinykemy. Tule rýimy raremyhý tykyheto bederahy-ki.

² Iwo-ki inatxi rareamy rýimyhýre. Juhuu irareasana-ki Deuxu iòhònasý heka inire iwo-ki tahe adýý loosòna rýimyhýre. Tule tii paò brebuna deòtena òwòrubesetyre-ki rýimyhýre.

³ Tyky ijòtòbòna hewo ludu rareasa tahe Deuxu sýle inire. Òkòsy nihiký rihitxinyre ijò-ribi. Tule tahe òwòruwodýýò rýire womati týrýrýhýkýle ihetyre. Iwo-ki tahe xiwena deòtena. Tai riwosinimyhýre týnyre reakemy.

⁴ Òwòrudýýrawo-ki tahe womati týrýrýhýký butxi riòre ibòbese-di rýire, iro-ki ihina rýire mana ta irybereny-ki inire. Tule Araò hoju rýimyhýre tai ruhunymy raremyhý. Tule bede ywidýýna riti mana tyre-ki tai roimyhýre.

⁵ Tule iratyy tyre-ki rýimyhý ýju ritxoo inatximy. Teubrorodile tahe riwòmymhýre. Òwòru wodýý ratòbòna tikibo Deuxu iny òraruna riixàwidýýnymyhýre wahe. Tahe tuu rýbeònyrenykre kia aómydýýnana tai rýiremy.

⁶ Kia ibutumy rexihureu xiwena wahidýýdu mahàdu ralòmymhýre juhuhu rareasanawo-ki taaoómysýdýýna tyhy widyymy.

⁷ Ihewoludu rareasana-ò iwedule ralòmymhýre. Beòra bededýýnana sohojimy sohojile tamy ralòmymhýre. Iròdu riwymyhýre ihàlubu ritxiwikemy xiwenamy. Taòraru-ò iny wixira òraru-ò tule. Inyòraru-ki tii mahàdu aóna aónamy rotýýnyreny rexieryrenyòhyylemy, kiabro-ki.

⁸ Deuxu Tytybytyhy kia ijyy-di iny ribedeernymyhýre. Juhuu tyky heto rýireu, inybohoò heka Deuxu iòlònasý-ò ralòmymhýre.

⁹ Kia heka wijina bedeerny. Juhuu dori xiwena wixira wixira wahidýýna wixira wixira uriòno rare. Kia urile iwahidýýdu iwo irayky-wana riòbitinyòhyre.

¹⁰ Juhuu ludu aómydýýnana bede ywinale rare. Rawitxirakekile tahe ròhònyke. Tii tahe rýsýna bede ywinamy rare, monatyhy bede ywinamy, aóna aóna surona bede ywinamy. Iny kia bede ywina ibutumy rityhinykemy rýimyhýre.

¹¹ Kristu dehemynde, iu tahe rawitxiradýýre. Kristu Xiwena wahidýýdumy ratximyhýre. Tai tahe ibutumy rawitxiradýýmy roimyhýre. Tii ralòmymhýre tyheto týmyra-ò. Itýmyra tahe biu-ki rare. Kabede-ki aòkò ihýre; hàbu iwidýýdu aòkò rare.

¹² Kristu ralore Deuxu Tyytyby sýnawo-ò tahälubu òrarukile ralore. Sohojihyyle ralore iny tarasanarenymy inydeereny riwahinykremy. Iròdu hālubu-di aòkò ralore, broreni riòre-di aòkò, budoeni hālubu aòkò wahe tahälubudile. Tai iny tarasanarenymy rimyhyyre.

¹³⁻¹⁴ Juhuu budòe broreni Oriòre hālubu-di raxiwenanyreny. Broreni bryby riubýtýnyre iny tyre-ki iaòsusu-ribi rahòkemy. Juhuu xiwena iny taòraru-ribi risuhòkeki, iratyre tyhy Kristu hālubu iny risuhòke. Tai iny raykybina bina ritamyhýre tule inywano aò aòkò rare, ritamyhýre. Idi tahe iny Deuxu irumy ratximyhýre dee wimyri kiwinyrenykre. Tii òbitimy ihýre iny dee rurureki.

¹⁵ Kristu tahe bede ywidýýna týmyra wedu rare. Tai tahe ibutumy bede ywidýýna týmyra mahādu namyhýde ibutumy aòmybo rarybere ritakemy. Tii dori rurure iny òrarureny dire-ki ihetxiu bede ywina aòmydýýnana rýimyhýre, tii rubu-ò rexiwahinyre. Tai inyboho òraruna-ribi rexitarenyre.

¹⁶ Inyò rurumyhýre-wana tii iny dee ritinaò ririmyhýre kia ritina rarybere: —Moòbo taàna aòna riwahinyry ririkre. Iny rururemyhýre xiery tahe, ritina awi rare.

¹⁷ Kia ritina aò aòkò rare iwidýýdu tyhy irumy ratxikeki, rubumy roimyhýre ritina aò rare.

¹⁸ Tai tahe juhuu bede ywidýýna ijò hālubu txiwxina dire.

¹⁹ Moisesi Deuxu bede ywina wahidýý rahudi, tii bede ywina tyre ritxiwire, iny ratytyre riubýtýnyre budoeni hālubu-di broreni riòre hālubu-di bewana riurinyry riubýtýnyre. Tule budòe siratykysò-di riubýtýnyre.

²⁰ Iu tahe tuu rarybere: —Kia bede ywidýýna týmyra hālubu rare. Deuxu wadee rarybere kaiboho bityhynkemy.

²¹ Tule tykyheto-ki hālubu riubýtýnyre deàlana aòmydýýnana-ki

²² Bede ywina rybe ditýnynde ibutumy hālubu-di risebenyre, hālubu txiwxina ihoòkeki òraruna rexihuòtyhy.

²³ Kabede aòmydýýnana biu aòmydýýnana wesele rare. Tai tahe Kristu tahālubu-di kia ibutumy risuhore. Tai iratyre tyhymy ihýre.

²⁴ Kristu heka templo hābu widýýna-ò ralòðre. Kia tahe inatyhy heto aòkò rare. Biu-ò Kristu ralore Deuxuko-ki kia tahe isýtyhy rare.

²⁵⁻²⁶ Tii sohojihyyle heka rare iny òrarureny riixāwididýýnykemy rubu-ò rexiwahinyre. Xiwena wedu wesemy aòkò ralòðre. Kia xiwena wedu aòu aòu beòralemy hālubu-di rara xiwemyhýre. Kristu tahe sohoji hyyle rubu-ò rexiwahinyre.

²⁷⁻²⁸ Iny rurumyhýre sohojihyylemy idi tahe Deuxu ywisidýýna hitxinatxu kanakre ibutu iny. Kristu rurure sohojile sòwemy iny òraru ixityre riatykemy. Inyò tamy retehemy riraòmyhýre wana, tamy ixityre kanakre òraru ixāwididýýnany iny tarasanarenymy.

10

¹ Juhu bede ywina rybe urihimýòle iny ribedeerynyre Kristu aòmydýýnany. Bede ywina itýnytyhymy aòkò iny dee roire aòmybo Kristu inydeereny riwinykre. Ubòròròna wesemy inydeereny dobehede bede ywina. Tai tahe tiu iny riòbitinyòtyhy xiwena-di reamyhýre beòra ihymy aòkò.

² Aòkòkeki beòra beòrau idi reaòtyhy. Aòkòkeki sohojihyylemy xiwena riwinykre. Sohoji bede dýýnanadile iòrarureny rexihuke. Tahe aòkòre beòra ihymy aòkò xiwena-di reamyhýre.

³ Tai tüemy òraru-di hyy heka ròhòtinymyhýre.

⁴ Broreni hālubu, budoeni hālubu òraruna rahuòtyhy.

⁵ Tai Kristu kabede-ò dehemynde, rarybere: —Deuxu, broreni hālubu budòe hālubu adee awimy aòkò ihýre. Tai tahe waumy teywinyry ahāte axiwenamy aroikremy.

⁶ Kai heka awimy tai tahaòhyte iròdu hālubu xiwena-ki òraru tuedenamy.

⁷ Tahe jiarý rarybere: —Betehe inihe waumy rubu-ò rewahinyraò iwese ritidýýna rybe roimyhýre wesemy, adeewina ibutumy arityhynykre wahe.

⁸ Tai Kristu juhuu rarybere: —Deuxu, broreni hālubu budòe hālubu adee awimy aòkò ihýre. Tai tahe waumy teywinyry ahāte axiwenamy aroikremy. Kai heka awimy tai tahaòhyte iròdu hālubu xiwena-ki òraru tuedenamy. Kia rarybere bedeywina rybe hārele.

⁹ Tahe ixityre rarybere: —Deuxu kakile watzixereri adeewimy ariwinykemy. Juhuu bitake xiwena ihewoludu ritidikemy, Kristu xiwena wahe.

¹⁰ Kristu rurure iny òraru-ki. Ixiwena sohojilemy rýire tuhyy ramyhýre Deuxu deewina wahe. Kabede ywidýýna tahe itýmyra ihýre. Tai tahe iny riòbitidýýny hyy rarekre.

¹¹ Xiwedýýdu txuò txuòlemy rixiwenanymyhýre. Tii tahe tiu inyòraruna ritaòtyhy.

¹² Jesuisi tahe sohojihyylemy òraru xiwena riwinyre. Iny òrarunareny riixāwidinymy rahudi Deuxu rurunawe-ribi ronyre, riwowydynymyhýreki.

¹³ Tahe Kristu riraòmy rononymhÿre. Taòludu ruru iribi ritakemy tawarawo-ò Deuxu ritidikemy.

¹⁴ Jesuisi dori sohoji xiwehyy-di, iny riòbitidÿÿnyhyymhÿre.

¹⁵ Deuxu Tytybytyhy tule kiamy rarybere. Kiawese ritidÿÿna roire:

¹⁶ —Kiawese bedede ywidÿÿna tÿmyra rarekre. Wanyrÿ Deuxu ijòmy rarybere: —Wabede ywina irayky wydyna-ki ariritinykre, aritidikre wabedeywina iwo-ò wahe.

¹⁷ —Idi ixityre rarybere: Ruxetòena tamy ariwahinykre idòrarutuedenamy. Idòrarureny ibutumy wanohòti-ribi rosakre.

¹⁸ Òraru wanohòti-ribi rosareu, idi rehureu, tiu xiwena rÿiòtyhy tuu rahukemy.

¹⁹ Katahe, waseriòre, rekexiuwaresemy rikirònyrenykre Deuxusÿ-ò. Tamy rekex-itòenyrenykre Jesuisi hâlubu dejuxuna òraru-ki sohojile rikirònyrenykre.

²⁰ Jesuisi dori rytÿmyra riraynyre Deuxu-ò wesirahana yra-di ralòkemy. (Iwese xiwedÿÿdu wedu ralòmyhÿre wese, inyboho wiji ralorenyke.)

²¹ Tule iny xiwe wahidÿÿdu nihikÿ ijòdirenny Deuxu heto-ki.

²² Tai rikitehemynyrenykre inraykytyhy ywinakemy inatyhynatyhymy òbitinatyhymy nohòtimy, rati betyhy ixāwina-di sebena-di inyumyreny.

²³ Inatyhyna rikiyrubunyrenykre inyaròsònarenny wahe. Aòbo Deuxu inydeereny riwahinykemy rikiraòenyke. Tii dori inatyhy rare.

²⁴ Tule widi ròkòhòtynyrenyke wiluurenymy rakatxirenykemy wiwiòhedÿÿmy rakatxirenyke.

²⁵ Uritere ixihitxidÿÿòmy tamy beahyy rakatximahārenyke. Ijò dori dohodÿÿna-ò noderny reamymhÿre kia awi aòkò rare. Inyò ryribi rexidòrarienyymhÿykeki, tamy rakarybemyhÿrenyke kòdòòsekemy ixyby. Inynyrÿtxu dori iòhòmy resera. Tai tahe sòwemy ròkòteòsidÿÿnymyhyke.

²⁶ Iribi inyboho inatyhyna ibutumy rieryrenymy rahudi, tahe kia hārele heka òraru-na-di rariamymhÿykeki, òraru-na xiwena roiòmyhÿre inydeereny iny òraru-na tarasana wahe.

²⁷ Kia-ribi tule brebu rÿimymhÿre Deuxu ywisidÿÿnatxu lau. Deuxu heòty ratyradÿÿdu lau ruberumymhÿre. Kia Deuxu òludu rahukemy rÿimymhÿre.

²⁸ Ruxetòena-di aòkò inyò rurure Moisesi bedede ywina riywinyòreki. Itxeredu inatxi ada inataò-di aòbo raryberenykemy. Tai rirubunyre.

²⁹ Kia-di dori mohòtynybenyke. Inyò Jesuisi rybe-di risinykeki, iratyremy ibinatyhymy rarekre tamy. Tii sòwetyhymy aòhòkÿmy rotÿÿnykre ibutu ratyre. Inyò Deuxu Tytybytyhy ruxetòena aò aòkòmy idi ròhòtynyre ibinamy tuu rarybemyhÿre. Jesuisi hâlubu aò aòkòmy idi ròhòtynyre ibinamy tuu rarybemyhÿre.

³⁰ Deuxu kia rarybere: —Txidòhe iny òwydÿÿdu jiarÿ rare. Inymy jiarÿle arexiòwynykre. Inyboho rierymymhÿreny kiamy rarybemyhÿre. Tii kiawese rare. Tule ijòmy rarybere: —Inynyrÿle taijoi-di ywisidÿÿna-di riywisidÿÿnykre.

³¹ Deuxu irumy rare. Tii brebuna-di tyhy rareke. Iu iny tamy ibinakeki, tii dori idi rehuke.

³² Juhuu Kristumy teeryntenyte, awimy heka ahātenyte. Kia-ribi òhòti losarennyòmy. Kristu òraru-ki aòhòkÿmy tatÿÿnyntenyte. Ihārele tahe Kristu-wana hyy toitemahā.

³³ Inyò umyreny robireu, tai akireny rutzuenyke, tule akireny òhòte itamadÿÿnyre. Ityhydÿÿdu seriòre mahādu inyò aòhòkÿmy risÿnyre, kaibohe tewotòenyntenyte.

³⁴ Inyò ròtenawo-ò ridykeki tai tewotòenmahātenyte. Inyò ahòrò-di rawasinyre, urile teysate. Ahòrò dori iratyre sòwemy rÿimymhÿre biubede-ki. Tai aòna aòna tiu rabinaòtyhy. Kia teerymahātenyte.

³⁵ Uritere araròsòna-ribi awo xierysyòmy. Kai dori uriòno nihikÿ bitakre.

³⁶ Ywinihikÿ-di heka rokoireke Deuxudeewimy rikiwinyrenykeny. Tai aòwihikÿmybo Deuxu rarybere, rikitarennyke.

³⁷ Ritinamy tahe rÿire: —Txioke inihe. Urihimyò biraòke. Kia kanakre inatyhymy. Tii raroorehenyòtyhy.

³⁸ Waityhydÿÿdu mahādu òbiti iruhyymy rÿirake, riwatyhynnyreki. Inyò tahe ròòsekeki tamy wadeysaòtyhy.

³⁹ Inyboho heka tahewo-ò òkòsedu aòkò roire. Ityhydÿÿdu dori roire, iruhyymy nodu, biu-ò hena mahādu wahe.

11

¹ Aòbohe ityhyna rare. Aòna aònaò iny inatyhymy riraòmyhÿre, kia tahe ityhyna rare. Inatyhymy dori kanakre iny rierymymhÿre, iny tuu robiòlemy.

² Ihetxina mahādu Deuxudeewimy tuu ihÿre, rityhynymymhÿreki.

³ Juhuu Deuxu aòna aòna bedede bedemy riwinyre. Iny inatyhy hynale kia rierymahārenyke. Deuxu lobixiòna-di ibutumy aòna aòna riwinyre. Idi tahe lobixinamy ròhònyre iny itxerenarenny. Deuxu rarybere. Tai tahe aòna aòna ritxienyke.

⁴ Taityhydÿÿna òraru-ki Abeli Xiweð riwahinyre Deuxu-ò. Kaí xiwedÿÿna ratyre tamy riwahinyre. Abeli rityhynyrekile riwahinyre, tai tahe Deuxu reysare, òbitimy rareki. Tai ixiwedÿÿna Deuxu riwyre. Abeli tahe rurure. Ihârele, iwese tii ityhyna-di raremyhÿ wese rokoireke.

⁵ Enoi tatyhydÿÿna òraru-ki tiu rurudÿÿnyre. Enoi Deuxudeewimy riwinyre tuu Deuxu juhuu rarybere. Aðwesele iðmy reare. Deuxu ridymy reare.

⁶ Inyð ityhynaðkeki, tiu Deuxudeewimy að iwidyÿÿna. Inyð Deuxudee iðhòmy ratxiukeki, tii rityhynymyhÿke inatyhymy Deuxu-wana ihÿre. Deuxu dori tamy rexideòsinykemy ratxireri.

⁷ Noe tule ityhyna dire. Tii hâwò nihikÿtyhy riwinyre. Aðhebo rotÿÿnykemy robiðhyyre. Ihârele tahe Deuxu rybe rityhynyre. Tai tahe tasÿ mahâdu ritare rubu-ribi. Bedeludu mahâdu tahe rurure. Noe tahe Deuxu riòbitidyÿÿnyre, ityhyna òraru-ki.

⁸ Abrað tule Deuxu rityhynyre. Deuxu ijð bede-ò diteònydeu, Abrað irybe riywinyre, rare tajjoi-wana. Deuxu tamy rarybere suð tamy rihitxinykemy isÿmy. Tai Abrað rexitare, rare ihâwâ bede ierykòna-ò.

⁹ Ityhyna-di rasÿnyre kia bede-ki. Tyky heto-ki rahetonymyhÿre iwese ijð bedeludu witxira mahâdu rahetonymyhÿre wese. Ibede rarehârele tahe ihòròmy aðkò ròhòtimyre idi tuu aðkò rexinohòtimyre. Tariðre Ijai, Ijað-wana rasÿnyre. Tamy tule Deuxu rarybere iwese tyby-ò narybede wesemy.

¹⁰ Abrað tahe hâwâð riraðmyhÿre. Deuxu widÿÿna hâwâ biu ludu-ki. Kia hâwâ Deuxu nohòti-ribi nyide. Kia hâwâ dori tiu rabinamy rejuxunyðtyhy ihetotira kyhyna direki.

¹¹ Sara ityhyna dire. Tai rurur dire uladusemy ronykemy ibeðra sòwere hârele. Tii tahe rityhynyre tuu raryberemy.

¹² Sara iðhòmy irubu roire rasenadunyreki. Ihârele tahe sòwemy rariðreriðrenyre. Iwese taina rudera wese, ÿnyra sòwewese.

¹³ Kia heka ibutumy rityhynymyhÿre. Idi tahe ituerenyre að heka rimyðre Deuxu rybe lidisinað. Ireheribile tuu robirenyre; reysarenyre. Tiiboho rarybemyhÿrenyre kabede ludu mahâdu aðkò raremy, isÿreny mahâdu aðkò raremy.

¹⁴ Tii heka rarunymyhÿre sÿwihikÿmy tai raerymyhÿre tuu rarybereki.

¹⁵ Tamy wikiki riðkeserenyra inihe tahe aðkòre, noderare.

¹⁶ Wiji tahe tii sÿwihikÿmy biu-ki rarunymyhÿre. Tii dori ijð ratyre rare. Deuxu isÿ wihikÿ riwinyre tai tahe inyð iDeuxurenymy rarybekeki, tai Deuxu tiu raixÿruðtyhy.

¹⁷ Deuxu Abrað urihixina-di reareu riwahinyre Ijai xiwenamy. Tariðre sohoji riywinymy rÿire xiwenamy rurukremy. Tii Deuxu rybena-ki iriðre rarehâre.

¹⁸ Deuxu dori juhuu rarybere: —Ariðre Ijai ariokoretybymy rarekre.

¹⁹ Abrað rieryre Deuxu iruru dire rubu-ribi riixixadÿÿnyke, tii Deuxu rityhynyreki. Abrað dori ròhòtimyre rawasenanymy. Ijai juhuu rubu-ribi ixixa wesemy reare, raumynyre.

²⁰ Iribi tahe Ijai tyhyna-di rarybere Ijað dee, Ijau dee aðbo kabede-ò kanakremy aðwihikÿ wahe.

²¹ Iribi tahe tule Ijað rarybere Jyje riðre dee, tariokoreboho-ò. Ityhyna-di rarybere. Ijað iðhòmy rubu-ò ihÿre, òwòru-ò reximymy rariamyhÿre. Tahe òwòru-di rexilamadÿÿnymy rÿire rexitòdenykemy Deuxu-ò, riwowydnyrenyre wahe.

²² Iribi tahe tule Jyje iðhòmy rubu-ò ihÿre. Tule ityhyna-di rarybere judeu ijoi Egito bede-ribi kòdòhònykemy. Tule tahe tarybe ririre titxibo itityby rÿikremy.

²³ Iribi tahe Moisesi reareu, tybyboho iseboho riwòrenyre inatað ahâdumy tatyhynareny-di ihÿrenyreki. Moisesi itohouâ ruxerare. Iòlò rubudÿÿ bede ywina rybemy rarybere. Moisesi tyby-wana kia bede ywina rybe lau ruberuðhyyre.

²⁴ Moisesi raumynyre, Farað riorerioremy noderare tii tatyhydÿÿna òraru-ki.

²⁵ Tii heka tamywire Deuxu erydu mahâdu-wana aðhòkÿmy rotÿÿnykre. Urihimyð òrarumy reðwarike derare heka rare.

²⁶ Moisesi, Egito bede-ki aðna aðna wiwihikÿ rÿiramyhÿ derare. Iny tamy aðmy rarybehinamyhÿre. Tahe ibinamy ròhòtimyðmyhÿre. Kristu dori riraðmyhÿre, biu-ki uriðno idi ròhòtimyðmyhÿre.

²⁷ Moisesi Egito bede-ribi ròhònyre, ityhyna direki wahe. Ruberuðhyymyhÿre heka tii iòlò deburehekÿ lau. Iwese Deuxumy lòbixiðnadu iko-txi robire wesemy, ròhònyre. Tii tahewo-ò ròdseðhyyre.

²⁸ Moisesi heka Deuxu rityhynyre. Tai tahe pascoa worana bedehesi riywinykemy beðra beðramy rarybere. Hâlubu ijð-ò ritxiwire. Tai ÿju heka iny riðre delareny rirubunyðre. Egito riðre delareny rurure tai.

²⁹ Iwese surubu tyre-di reurore wesele judeu mahâdu Ahobesò rawo-di reurore beðlemy. Iu Egito mahâdu reuròkemy rareu, urile bee idi raratòbòre. Kia riwinyrenyre ityhidyÿÿnadireki.

³⁰ Ijeriò hāwā mana òitity nihikŷ resere judeu mahādu rityhynyreki. Debò inatxi reurò tuxuomy hāwā rora-ki rariare tahe resere.

³¹ Raabe heka hāwyy uriuri ixidinodu rare, wedena wahe. Tahe Deuxu tyhydŷŷdukòdu mahādu rexihureu, Raabe ruruòre tatyhydŷŷna-ki. Bede-di itxeredu riwòreki.

³² Timybohe ijōmy ararybekre? Wasirare heka ibutumy tuu ararybekre, sòwerek. Kideò ijo, Barake, Sansaò, Ijete, Davi, Samueli, tule Deuxu rybemy rybedu mahādu sòwere.

³³ Kaheka ibutumy riwinyre tyhyna-di. Ijō iòlòhāwā-di rahŷŷnanyre. Òbitina riwinyrenyere. Ritarenyere aòmybo Deuxu rarybere. Leaòry dori rirarytxinyre.

³⁴ Rirònyre heòtywo-txi ihārele ruruòrenyere. Mayrehe rubudŷŷna-ribi rextarenyere. Bina-ribi ixby rarurunyrenyere. Ijō aòbina-ki irurudityhymy ratximyhŷre. Tai sòwemy aòbinadu iribi rahenyere.

³⁵ Tasŷò rubu-ribi riixixanyre hāwyyò rityhynyreki. Ijō mahāduò aòhòkŷmy dŷŷnana-ki tamy reare. Ixitarasamy ròhòtinyòhyre aòhòkŷmy dŷŷnana-ribi. Tii dori umytedeòna wihikŷ-di rubu-ribi rexixakredi ròhòtinymyhŷre.

³⁶ Ijō ityhydŷŷduò idi rybe jei jeina-ki ratximyhŷre. Tule tai òhòte rŷire reruti òhòte-di. Tule ijō womati reroti-di rataataare, ihyymy idi rehure ròtenawo-ò.

³⁷ Ijō mana-di riwere. Ijō sehòtxi-di riwetyaòròre, wiere riatyre. Ijō mayrehe-di rirubunyre. Ijō ityhydŷŷdu-ò budoeniy-di watxinity-di idi rextitynyre, rama risarenyere, aòhòkŷmy risŷnyemy inyò tòtxi ririòhyre. Ijō heka aòbinalemy tamy reare.

³⁸ Kia ityhydŷŷdu mahāduò ibutu iny ratyre Deuxu dee wire. Kabeledudu ityhydŷŷdukòdu mahādu wese aòkò tiiboho roire. Hāwālòmy, bederahymy, hāloomu, kia ibutumy bede-di rariamyhŷre iwese iny isŷkòmy rŷire wese.

³⁹ Ibutumy iribi rakaraykynyrenyke tiiboho dori inatyhynarenydireki. Tahe urile Deuxu rybe wahisidŷŷna ritaòmyhŷrenyere.

⁴⁰ Deuxu dori iny-ò riraòmyhŷre Kristu dehemyynana wahe. Ihewo-ribi tahe kia inydeereny riwahinykre, wiwanahyye. Tai tahe idi awityhymy iny ibutumy ròhònykremy.

12

¹ Sòwere inydireny itxeredu. Iny robirenylemy rŷirerimy ihŷre. Tai tahe tako-ò rekekoamyhŷrenyke. Deuxu dori inydeereny riwahinyre. Òraru iutxiere inykireny rŷire. Tai tahe rikiatyrenyke òraru ibutumy inyboho dori rimymyhŷrenyere.

² Jesuisi-ò sohojile reketehemyenye. Tii dori inatyhydŷŷna deledŷŷdu rare tule inatyhydŷŷna konanadŷŷdu rare. Jesuisi deysana kanakredile ròhòtinymyhŷrenyere. Tai tahe rahòtinymyhŷre. Tai tahe aòhòkŷmy rotŷŷnyre, itxèò nihikŷ-ki rurure. Tai tahe ixŷru tamy reaòhy rurureu. Wiji tii ronmyhŷre Deuxu ryna ruruweribi-ki.

³ Jesuisi dee hābu binahakŷ aòbinamy reare. Tahe rawobinarybenyòhyre. Tai tahe idi ròkòhòtinyrenyke iwese rakatxirenkyemy. Uritere bede worennyòmy bede òtiidŷŷrenyòmy.

⁴ Boholabenyke, òraru ijesu òraru-ki inyò aribireny ruruòhyymy ihŷre.

⁵ Deuxu tariòre dee rybe wesele adeereny rarybemyhŷre. Kia-ribi aòbohe òhòtirenny rosara. Kia wese Deuxu rarybera: –Wariòre, araòbitidŷŷnyre, uritere adebureòmy, alisina aòkò dori rare. Deòsana rybemy adee ararybekeki, uritere bedewoòmy.

⁶ Deuxu dori aluurekile araòbitidŷŷnykre. Deuxu tariòre wesemy inyò rimykeki, aòhòkŷmy risŷnyemyhŷre iòbitidŷŷmy.

⁷ Tybydiò aòbohe uri tariòre-di uri aòbohe tyby idi rŷira tariòre riòbitinyòmy? Aòkòre.

⁸ Ibutumy iny òbitidŷŷmy Deuxu rurumyhŷre. Inyò òbitidŷŷnadiòkeki tii iriòre inatyhy wesemy aòkò rare.

⁹ Tule inybyreny inydeereny retehemyhŷre inyboho riòbitidŷŷnymyhŷrenyere. Tai tahe iny riywinymyhŷrenyere. Deuxu tahe inybyreny rare. Inybyreny ratyre tahe tuu rikiywinnyrenyke, tahe irumy rokoireke iurenana.

¹⁰ Iny tybyreny urihimyo bededŷŷnana-di riòbitidŷŷnyre iwese tamywimy ròhòtinyre wese. Deuxu tahe iny riòbitidŷŷnyre rekexiywinnyrenkyemy. Iwese òbitimy tii raremyhŷ wese rokoirekemy.

¹¹ Inyò òbitidŷŷnamy deramy reakeki, tii deysamy aòkò rareke. Òbitidŷŷna bedewona-di rare. Rexihuredi, tahe wiòhedŷŷnamy reamyhŷre modeebo reamyhŷreò, irumy ywina-di rarehyyke.

¹²⁻¹³ Kai bedewokeki, amy-di, araky-di iruruòra, ihārele tahe birurudŷŷnyemy bimyeke. Ati tule iruruòre ihārele tahe, myike òbitimy. Betehemy, biywinny ryòbiti-di mariake. Tai tahe ijō iny reyterenykre, raòwenyòtyhy.

¹⁴ Ainytyhymy indee ibutumy ahābenyke tule bexiòbitidŷŷnyemy ahābenyke. Iny òbitimy rŷiòkeki, tiu Deuxumy robiòtyhy.

¹⁵ Inyõ tahewo-ò Deuxu ruxetòena-ribi ròòseke lau kaiboho bexiebenyke. Tule amahādurenny-ki alòbòrònahyre wesemy inyõ ihýke lau kaiboho bexiebenyke. Kiakeki, sòwemy iny rahyrenyke òraruna uri wesemy.

¹⁶ Tule bexiebenyke inyõ òta òta òraru-txi reseke lau ada Deuxu tòhòti ribi rosake lau. Ijau tahe Deuxu-di ròhòtinyinòre. Tyby rurukreu aõ tarasana-di tii rohonyre byrena sohoji òwylemy tahelýýna-ò rohonyre.

¹⁷ Iribi tahe òhòtirenny losarennyòmý. Tii dori ròhòtinyinre taaòwi-di icyby imynymy reare. Tahe aòkòhyre rahinyrehàrele. Rabedewomy ronyre Ijau dori rýsýna deròwomy taaòwi riwahinyre taexi-ò. Inyboho tahe rekexiywinymahàrenyke itxýte lau.

¹⁸ Deuxu tabede ywina rybe heka judeu mahādu-ò riwahinyre, tiiboho Sinai hāwālò heòtyko-txi rýire. Sòwemy heòty bedeluru yhynihiký tai reare. Tiiboho rubuerurennyre. Kaiboho tiu breburennyòmý ahābenyke iwesereny.

¹⁹ Txurònaõ rurònyre nihikýmy. Tule rybeò rarybere. Iny ibinamy tai ròhòtinyinre. Tai tahe riixāwidinykemy Deuxu dee rarybere.

²⁰ Iròduò hāwālò-di tawa ritidikéki, iny mana-di tamy rehuke irubudýýmy Deuxu rybe-mynamy.

²¹ Tai tahe iny tahewo-ò rexihejire brebumy. Moisesi tule, rexiòhārunnyre tuu robireu. Ramytatamy brebumy.

²²⁻²³ Kaiboho dori iwitxira hāwālò-ò tetehemynyta, Siaõ hāwālò-ò, Deuxu hāwā-ò. Kia biu-ki Jerusalē rare. Sòwetyhy my tai ýju mahādu rýire bede hesina-ò. Ibutu butuna rare. Deuxu riòre sohojile butuna-ò tehemynte, dohodýýna mahādu wahe. Ibutumy ityryiti-ki ini roimyhýre tamy rehemynte. Deuxu-ò tehemynte ibutumy erydumy ratximyhýreò. Inyhýkýna mahādu òbitimy rýira mahādu-ò tehemyntyta.

²⁴ Tule Jesuisi-ò tehemynte. Tii iny lobitýmyradýýdu rare. Ihālubu-ò tehemynte. Abeli hālubu ratyre awimy ihýre. Jesuisi hālubu dori inydee aòwiwihiký rare iny òrarurenny òraru-ki dori ritxiwire iny riòbitidýýnykemy.

²⁵ Boholabenyke Deuxu rarybemyhýre, boholabenyke. Kia Deuxu roholaòmyhýre mahādu, rexihumyhýre kabede-ki. Tii biu-ribi narybedeò, rokoholaòrennykeki, tule inyboho rekexihurennyre. Inydeereny aònityhyke.

²⁶ Iu rarybere, bede ramytatatyhyre. Tahe tii rarybere: —Sohojimy ixityre bede biумы arimytatadýýnykre.

²⁷ Kiamy heka rarybereri. Aòbo relemý, urile ixāwikre aòbo ixāwidikònalemy rýirakre.

²⁸ Tai tahe Deuxumy rikiàlàrennyke. Inyboho dori Iòlònasýò rokoirenykre kía rýihyummy rarekre. Iwese Deuxudeewire wese rikiàlàrennyke ityhyna-di òhàruna-di.

²⁹ Deuxu ykarana dori heòty riworonnymyhýre wese rare.

13

¹ Ityhydýýdu seriòre wiluumy ahābenyke.

² Aòtxile aroraluduò bimyhymy ahābenyke. Inyõ kawese risýnykeu, ýju dori ri-wiòhenanyre, rieriòhyre mobo rare.

³ Ròtenawo-ki rýire mahādu-ribi nohòti losarennyòmý. Iwese kai tii-wana atximahā wesele, aòhòkýmy botýýnykre. Aòbinahakýlemy tamy reamyhyre mahādu-ribi nohòtilosaòmý. Iwese inyõ adeereny aòbinahaký riwinymyhýre weselemy idi mohòtinyinnyke.

⁴ Ibutumy bityhynnybenyke ahāwymy herina, hābu tahāwymy-wana sohojile roike. Deuxu dori aòhòkýmy risýnykre òta òtana nodu tule òbitimy raòdònyòre mahādu xixi-di ròtemy aòkò boibeki.

⁵ Aònihiký nieru tarasamy ixinohòtidýýrennyòmý. Aòbo akireny rýiredile, beysabenyke. Deuxu dori rarybere: —Tiu kaiboho wanohòti aribi rosaòtyhy. Tiu heka araatyrennyòtyhy.

⁶ Tai tahe rikityhynny rakaryberenyke: Inynyrý iny wiòhedýýdurennyre. Tai tahe tiu rukuberurennyòtyhy. Inyõ wadee aòbina riwinnyòtyhy.

⁷ Aerydýýdurenny-ribi nohòti losarennyòmý, tii adeereny Deuxu rybe rothodýýmyhýreki. Aòbo iruna konana-ò riwinnyhýredi, mohòtinyinnyke. Iwese inatyhyna-di rýimyhýre wese kaiboho inatyhyna-di atximahābenyke.

⁸ Kanau, wiji, Jesuisi Kristu wiwesele ratxireri. Tiemy iwesele rarehykre.

⁹ Deuxu ruxetòena ixinamy arayky rirurudýýnykre. Roxina bede ywina wiòhena aòkò ratxireri. Kia heka moo tiu riwiòhenanyòhyre.

¹⁰ Inyboho ixiwena witxiradirennyre. Iribi tyby hetowo xiwena widýýdu mahādu riroxiòtyhy.

¹¹ Iròduò didyde tykyhetoworanora-ki hālubu ritxiwikemy. Xiwena widýýdu mahādu wedu tuu ritxiwire òraruna tuedenamy. Uritere iròdu umy hāwā òtity webò-ribi riwòsinnyre.

¹² Tai tahe Jesuisi tule hāwāhāký ijò webò-ribi aòhòkýmy rotýýnyre, iu tahālubu ritxi-wireu inydeereny tòemy, iny riòbitidýýnykemy.

¹³ Rokoirenyke tahe tamy hāwā webòrò-ribi rikimyrenykeny iix̄yrunayrēō.

¹⁴ Inatyhymy inydeereny tiemy hāwā kabede-ki ihoōre. Tahe inyboho riraōmyh̄yrenyreny biu-ki ijōdikre.

¹⁵ Jesuisi òraru-ki tahe Deuxu rikiwowydynyrenyke. Kia iny xiwena wahid̄ȳyreny rare tamy. Tii iny rityhynrenymȳh̄ȳre, tai tuu rekeàlàrenyke.

¹⁶ Tiu rikiwinyrenyke aōwiwid̄ȳy. Tii Deuxudeewire. Tule wii rikiwiōhenanyrenyke.

¹⁷ Aeryd̄ȳȳna mahādu biywinybenyke. Bityhynybenyke. Tiibocho dori aijesedureny ratximȳh̄ȳrenyreny. Tii idi Deuxu-ò rirawyōnymȳh̄ȳre. Kaibocho bityhynybenykeki, tii teysamy raaōmys̄ȳd̄ȳȳkre. Aōkōkeki bedewomy ratxikre. Tai arawiōhenanyōtyhy.

¹⁸ Wakireny bexitōenyhyymahābenyke. Jiar̄ȳbocho wodeysanale-dī rahōtinymahāre, òbitina wid̄ȳȳdu-di rahōtinymahāreki.

¹⁹ Tule Deuxu-ò bexitōenyhyyye jiar̄ȳ ele elemy adeereny arōōserenykeny.

²⁰ Inynyr̄ȳ Jesuisi Kristu heka Deuxu rubu-ribi riixixad̄ȳȳnyre. Tii iny-di itxeredureny nihik̄ȳ rare. Budoeni-di itxeredu weselemy inydireny retehemȳh̄ȳre. Tii tahālubu ritxiwire iny-wana bede ywina iixihudunakōna riwinykeny.

²¹ Deuxu adeereny ibutumy riwahinyke tamy wimy kaibocho biwinybenykeny. Kia heka wadeewire. Jesuisi Kristu-ò wowydyna ibutumy rarehyykeny watximahāre. Kie.

²² Waseriōrebocho, kia watyriti nihiȳmy aōkō rewinyre. Tai tahe ywinamy idi boholabenyke rybe wiōhed̄ȳȳna rybe tahe rare.

²³ Iny seriōreereny Tximōtxi heka rōtena-ribi riteōnyrenyreny. Ele elemy kanakeki, rakre wawana arorarenymy.

²⁴ Wawehityna rybe ibutu dohod̄ȳȳna mahādu-ò biwahinykre, aeryd̄ȳȳdu mahādu-ò tule. Italia bede ludu mahādu irybe wehityhyna adeereny diwahinyde.

²⁵ Deuxu ruxetōena akireny ratxikemy watximahāre.

Txiau Txiau Ryberiti

¹ Jiarÿ Txiau rare. Deuxu Jesuisi Kristu Inynyrÿ-wana deòdu rare. Ròritidÿÿreri Deuxu mahàdu inatyhy-ò. Ubÿtÿmy iny rÿira mahàdu-ò. Warybe weityhyna adeereny rewahinyreri.

² Waityhydÿÿdu aòna aònasira seriòre, araurihixinanykeki adeereny kanamyhÿkeki, beysamahàbenyke.

³ Kia-di tahe ityhydÿÿdu tyhymy beleke.

⁴ Aurihixina ixinamy rexiòlònyke atyhykemy. Ixinamy kanake araurihikemy. Tai tahe raòbitidÿÿnykre adee aò rasiranyòtyhy.

⁵ Inyò bedeery ihoòkeki, rexitòenykre Deuxu dee, tii dori ibutu dee riwahinymyhÿre. Inyò lau dori ritòenyòhymyhÿre.

⁶ Urile tii iseòdÿÿòmy bexityhynmy tamy bexitòenykre. Riseònykeki yhy òbò-di tiò rehumyhÿre wese rare.

⁷⁻⁸ Kia hàbu iòreki, awimy aòkò aòhebo rotÿÿnymyhÿre ywiòreki, tii Deuxu-ribi aò ritaòtyhy, irybe inatxire.

⁹ Iny aò ijòkòmy rÿimyhÿre, teysamy rÿirake, aò ijòdikreki Kristu dori rityhynre. Kia iaòdimy ityhy rÿira, tule teysamy rÿike ityhydÿÿdumy. Rÿiraki aò ijòkòre hàre.

¹⁰ Ityhyna heka iny-ribi wylemy ituemyhÿre kie iwese noijese ramoròmyhÿre wese. Tahe ityhydÿÿdu mahàdu dee kia aò aòkò rare.

¹¹ Txutòteetyhy ròhònymyhÿre dori alòbòròna rimoròdÿÿnymyhÿre. Tahe noijese rejuxunymyhÿre. Tahe iruxerana riixàwidinymyhÿre. Kia wesele hàbu ityhy rÿire rexihumyhÿre. Aòhebo rotÿÿnymyhÿre wetyatxile.

¹² Urihixina inyòdee kanakeu, tahe ijesu binaò wesemy ritakeki. Tai tahe tii reysakre. Tii tahe umytedeòna heka Deuxu-ribi ritakre. Deuxu dori kia wahidÿÿnamy rarybere taluunadu mahàdu dee.

¹³ Inyò aòbina bina ixirana-di rexirakeki. Tii rarybeòtyhyke Deuxu riixiranymyhÿremy. Inyò dori Deuxu tiu riurihiòtyhy. Tule Deuxu riixiranòtyhy aòbina bina widÿÿ-di. Ixi-radÿÿdu aòkò tii rare.

¹⁴ Kia wese iny ixiribile rexirake, aò-di sòwemy ròhòtinykeki, tii arabònyre, araitxenanyre.

¹⁵ Kia urari-ribi tahe òraruna ròhònymyhÿre. Iribi tahe òraruwidÿÿna-ribi rubu rÿimyhÿre.

¹⁶ Ixixtenadÿÿòmy waluuna mahàdu, waseriòre mahàdu.

¹⁷ Wahidÿÿna ibutummy bedeerydÿÿnatyhy Deuxu biu-ribi diwahinyde kia ibutummy loosònatyby-ribi naderi. Tiu heka rawixiraòtyhy, tii aòu aòu iweselere.

¹⁸ Tii iny ixityre riwinymyhÿre ritÿmyranymyhÿre tatyhyna rybe-di. Tai ibutummy iwidÿÿna-ribi inyboho juhuurenyre, awirenyre.

¹⁹⁻²⁰ Idi mòhòtinybenyke waluu waseriòre mahàdu. Ibutummy bexiwinymahàbenyke iny-ò boholamyhÿbenyke, tahe aòwimy aòkò marybeke lau, wymy adebureòmy. Hàbu debure-ribi Deuxu òbitina rahenyòtyhy.

²¹ Abinamy aòhebo tutÿÿnymyhÿte ixi-ribi bitake idi biatyke. Tahe Deuxu rybe-ò bohòlake, kia dori iruruna dire atytyby kanatakemy.

²² Kaiboho bede ywina widÿÿdumy, bede ywina tyhydÿÿdumy boibeke. Aò ijohonadu mahàdulemy aòkò boibeke. Kia wesekeki bexiixenanyke.

²³⁻²⁴ Inyò ijohonadule ronykeki, rybemynamy nodu aòkò rare. Tii hàbu itxerena-di itxerenadu wese rare. Itxerena-di ixidee retehereu, rexieryre iwese raremy. Tahe rexitareu, aòwesele ixi-ribi tòhòti rosare timybo tii rare wahe.

²⁵ Inyò tahe bede ywina òbiti-ò retehemyhÿreki, rityhynymyhÿreki tii tahe teysamy ratxikremy ibutummy aòhebo rotÿÿnykremy. Tii dori ijohonamy nohòti losadu aòkò rare. Bede ywina rybe widÿÿdu rare, ityhydÿÿna wahe.

²⁶ Inyò bede ywina rybe widÿÿduòmy ròhòtinykeki, tahe tòròtò riyrubunyòhymyhÿkeki, tabedeywidÿÿna aò aòkò rare. Tii tawokile rexiixenanyemyhÿre.

²⁷ Iny Deuxu, Inytyby-ò kia bede ywina widÿÿna òbiti rare. Uladuwyte, wytese-wana riwiòhenanykemy. Tule aòbina bina aòmydÿÿnana widÿÿòmy.

2

¹ Waseriòre mahàdu, kaiboho Inynyrÿ Jesuisi Kristu, tetyhynytenyete loosòna wedu tii rare. Tai iny wiribi lahitxiòmy, wiweseweselemy iny-di atximahàbenyke.

² Kie inyò tahe dohodÿÿnawò-ò kanalòkeki, womati debo tÿrÿrÿ-di tywihikÿ-di kanalòkeki, tahe tule iny aòkòdu mahàduò kanalòkeki.

³ Kai tywihikŷ dinodu-ò marybekeki: Kaò bodonyke rynawihikŷ-ò. Tahe marybekeki iaòkò-ò: Kiakile myike lamalemy ada bede-txi aòbo bonyke.

⁴ Kia wese wiribi hitxidŷŷ-ki tatŷŷnymyhŷtenyete, araykyreny rabinamy kia wese tumahäre.

⁵ Boholake, waseriòreboho, kaiboho juhuu iny aòkò mahädu wese toite. Iribi ityhy ityhydŷdükòdu mahädu iaòrarumy roirekemy, kaiboho Deuxu weselemy tadeletenyte atyhyna òraru-ki. Aratamyhŷreny inatyhyna-di ityhydumy boibekemy, tule kaiboho kowa biu-ò hena bitabenykre. Deuxu dori rarybere: –Waluudu mahädu tuu arisŷnykre.

⁶ Kiawese, kaiboho urimynodu derarenyre aòhebo tatŷŷnyteri. Ityhy mahädu tahe ararutŷkŷnymyhŷre tule aradyrenymyhŷre soldadu dohodŷŷna heto-ò.

⁷ Tiiboho tule Kristunimy aòbinamy rarybemyhŷrenyete. Kaiboho ini-di texinin-imyhŷtenyete.

⁸ Kia bede ywina rybe-ki roire: iwese ixiluure wese, aerykòdu mahädu luuke, wiery mahädu wahe, abireludu wahe. Kia bede ywina biywinykeki, awimy botŷŷnymy mabeke.

⁹ Tahe iny wiribi lahitxinykeki, taòrarunyteri, teywinyòteri. Bede ywina aòkò atximahäte.

¹⁰ Inyò tahe bede ywina rybe ibutumy riywinykeki, tahe sohoji aòmydŷŷna riywinyòreki, tai tahe bede ywina rybe ywidŷŷdu aòkò ratxireri.

¹¹ Deuxu tarybe ririre. Kia rarybera: –Òta òta widŷŷòmy. Tule rarybera: –Rubudŷŷòmy. Tai òta òta biwinyòkeki tahe inyò terubunyteki, kai bede ywina rybe yrubudŷŷdu aòkò atxiteri. Òrarudumy taete.

¹² Iwese iny bede ywina rybe-di tŷmyra ahäbenyke. Deuxu dori bede ywina-di arararutxŷnyrenykre. Taita òbitimy botŷŷnybenyke, marybebenyke.

¹³ Inyò riwotòenyòmyhŷkeki, tule tamy riwotòenyòleke tawiribihitxinatxu-u. Wotòedŷŷna wiribihitxina ratyre rare.

¹⁴ Waseriòre mahädu, inyò rarybekeki: –Jiarŷ watyhyna ijòdire. Tahe iaòmydŷŷna wihikŷ-di aòkò rare. Kia tahe aò aòkòhyky heka rare tamy. Ityhynale kahäbu ritakekò aòbo. Tahe reruinyreri.

¹⁵⁻¹⁶ Inyseriòreò tyy, rŷsŷna ihoòke-wana. Tahe inyò tamy rarybekeki, ywina-di bòhònyke, aheto-ki biroixikemy. Tahe aò riwahinyòra tyy, rŷsŷna-wana. Aòbohe irybe rare. Aòkòhykyre irybe.

¹⁷ Kiawese taheka kia häbu inatyhyna rare, iaòywidŷŷna ihoòkeki kia ityhyna ihoòke wese rare.

¹⁸ Inyò rarybeke-wana: –Kai atyhyna dire. Jiarŷ waòwidŷŷna ijòdire. Biteòsinyke wadee atyhyna sohojile tamyreny wina-di aòkò. Tahe jiarŷ tamyreny waywina-di adee ariteòsinykre kia òraru-ki bobike jiarŷ Kristumy retyhynyrimy. Watyhyna iny idiòre waòwidŷŷna ijòdre-wana.

¹⁹ Kai bityhynyke Deuxu sohojile raremy. Kia tahe awire urile diabo tyytybybina tule Deuxu rityhynyre. Tai ilau ruberumyhŷre.

²⁰ Inatyhyna iaòmy widŷŷnana ihoòkeki, aò aòkò wese rare. Kia tetyhynyòlemahäte aòbo, häbu itxŷtere.

²¹ Inylabiereny Abraò tariòre-di Ijai rixiwenykemy idi ratximyhŷu, kia-ki Deuxu riòbitinyre.

²² Tabimahäte aòbo. Abraò tatyhyna iwidŷŷna-wana aòna aòna riwinyre. Ityhyna riwiòhenanyre.

²³ Tahe iwese ritidŷŷnamy roire wesemy tuu rotŷŷnyre aòmybo heka rarybera Abraòmy: –Boholake, Abraò heka Deuxu rityhynyre. Tai Deuxu tii riòbitidŷŷnanyre. Tule, Deuxu tabiòwamy rininire.

²⁴ Betehebeny ini. Inyò iòbitidŷŷmy ronyke-wana inatyhyna sohojidile aòkò tii ihŷke, tahe iwidŷŷna-di tule wahe.

²⁵ Ijòre tahe: Raabe, aderanamy raremyhŷ. Iribi tii Deuxu rybedeòdu mahädu riyrubunya rubu lau, tahe riteònyre rywasi wixira-di. Kia widŷŷna Deuxu Raabe riòbitidŷŷnyre.

²⁶ Iwese umy tyytyby-di aòkò rubumy rŷimyhŷre wese, tule inatyhyna sohojile aò aòkò rare tamywina-di aòkòreki heka rubu wese rare.

3

¹ Uritere, waseriòreboho, bedeerdyŷŷdu mahädumy aòkò ix-di norenykòmyke. Ibede ònana hitxina txuu dorihe aònihikŷkre bede erydŷŷdu mahädu dee.

² Inyboho ibutumy sòwemy òraruna-txi aòu aòu resemyhŷrenyete. Inyò tarybe-ki raòrarunyoòkeki, tii iny òbiti rare.

³ Iwese awaru iny riraòmyhÿre wese taumy ibutumy riraòmyhÿre. Awaruru-ki juraròsòna rirutymyhyreu, tii iraròsòna-di rare. Tai tahe awaru iny riywinymyhÿre iumy ibutumy iny riraòmyhÿre.

⁴ Betehebenyke iny heòty lawò nihikÿ-ò iraròsòna iyjatyhyre tahe iraròsòdÿÿdu idile riraòmyhÿre titxibo inonana-ò yhy nihikÿ iwetxi kedeakreki, ihàrele iraròsòna riraòmyhÿre.

⁵⁻⁶ Iwesele iny dòròtò rare. Iyjatyhyre ihàrele aònihikÿmy rarybemyhÿre. Betehebenyke iny heòty helÿÿresi iyjare, ihàrele òtiranihikÿ ritoonmyhÿre. Dòròtò tahe heòty wese rare. Sòwemy heka òraru riwinymyhÿre. Dòròtò bede aòmydÿÿnanabina dinodu wese rare, inyumy susudÿÿdu dòròtò rare. Sòna bede tòtee-ribi diabo mahàdu-ribi heka nade.

⁷ Ibutumy iròdu brebuna, nawii wixira wixira, iròdu beraludu, utura, riinytyhy-dÿÿnymyhÿre. Iny mahàdu iratyre irurudÿÿna dire.

⁸ Inydòròtò inyò tahe riinytyhydÿÿnyòtyhy. Ibinatyhy rare. Rubudÿÿna uri-di ratxireri.

⁹ Inydòròtò-di Deuxu inytybmy iny realàmÿhÿre tule idi inyumy raujòmomyhÿre. Deuxu ixiwesemy iny riwinyre, ihàrele iny wimy raujòmomyhÿre.

¹⁰ Inyò tary-di Deuxu rirowòwydynmahàre tule idi ujòmomy reamyhÿre. Waseriòreboho, kiamy aòkò idi boibeke.

¹¹ Beijirana-ribi ibree ihÿre-wana wiule heka ròhònyòtyhy.

¹² Òwòru inatxi wiribi lahixire. Ijò aòbo wiraty-di raratynyke aòkòre? (Figueira azetonamy raratnyòtyhy) Videira figomy raratnyòtyhy. Juwyrabe hãloo-ribi bebreke ròhònyòtyhy.

¹³ Inyò bederykeki ibedeernadikeki, tii ywimy ratximyhyke. Ibutumy òbitimy ratxirerimy aò riwinymyhÿremy rexityhynmy ixidi ròhòtinyòtyhy tyhymy rabekey.

¹⁴ Kaiboho awo-ki ixiburena ijòdikeki, inywixira hãrosu ijòdikeki tai tii deysamy atxiòke tai tuu marybeòke. Kai ruiwidÿÿòmy.

¹⁵ Kia bedeerna biu-ribi aòkò nade, bederibile, iny hãrosu diaboribile nade.

¹⁶ Inywixira hãrosu ijòdike-wana, tai jei jeina rare. Ibutumy aòbina bina.

¹⁷ Bedeerdÿÿna biu ludu juhule òbiti rare, idi ywina rare, rutaòna rare, wityhyna rare, ruxetòena rare. Awihyymy nodu widÿÿna rare.

¹⁸ Òbitina aòu aòu kanakre ywinawidÿÿdu-ò. Iwese aloborodu rehumyhyre wese, tiiboho ywinamy rekoamyhÿreny.

4

¹ Aòherekibo ayreny-ki jei jei rÿimÿhÿre. Awo-ribi namyhyde araykywydyna ribi.

² Kai sòwemy aòdikemy tahòtinmahàte aòhebo aòkò tetate. Tahe terubunmahàte. Inywixira aòmydÿÿna-di òbire, tahe aòkòre. Tai aòbina tetelenmyhÿte ijei jei-di. Aò ijòòre texitòenyòma hàteki.

³ Texitòenyteki, tetaòmahàtenyete. Teòsamy dori texitòenmahàtenyete. Ixidee sohoji dehumy tahòtinmahàtenyete aumydeewimy behukelemy.

⁴ Bede aòmydÿÿnana luudu mahàdu heka Deuxu òludumy ihÿre. Kia aòbo teeryòtenyete, òbitiòna, mahàdu. Inyò bede aòmydÿÿnana bina biòwamy ratxikeki, Deuxu òludumy rare.

⁵ Aò aòkò aòbohe rybe riti kawese roire: Aòhe rare. Deuxu taTytybytyhy inywo-ki heka Deuxu risÿdÿÿnymyhyre. Tai tahe iny-di riijetyhymy ratximyhyre. Aòbo heka kia rare?

⁶ Tii tahe iny rirurutedÿÿnymyhyre. Kawesemy ritina rarybere: –Ixiwedu mahàdu heka Deuxu ixi-ribi rihedÿÿnymyhyre. Tahe ruxetòena sòwemy ixiwedekò mahàdu-ò riwahinymyhÿre.

⁷ Deuxudeewi biwinymahàke. Diabo ixi-ribi birehedÿÿnykeki, tahe tii aribi rahenyke.

⁸ Deuxu-ò bexiòhòdÿÿnykeki. Deuxu adee rexìòhòdÿÿnykre. Òrarudu mahàdu, ebòmy bexilraranyke aòraru-ribi bexitake, rybe inatxi mahàdu, araykyworeny biòbitinybenyke.

⁹ Mabedewoke, bobuke, mahinyke aòraruna òraru-ki. Ajuedena-ribi arube rytynykre, eysa-ribi mabedewomy atxikemy.

¹⁰ Ayrubumy Inynyrÿko-txi boibekeki, tii aratamadÿÿnykre; tii ixideewimy riwinykemy.

¹¹ Waseriòreboho, uritere aòmy wimy ryberenyòmy. Inyò taityhydÿÿduseriòremy tuu ibinamy rarybekeki, iaòna aòna riaòkòkeki tii bede ywina ibinamy rarybereri. Bede ywina rybe riaòkòdÿÿnyreri. Inyò bede ywina rybe riaòkònykeki, tii bede ywina ywidÿÿdu aòkò rare. Tii bede ywina rybe hitxidÿÿdu rare.

¹² Deuxu sohojile dori bede ywina hitxidÿÿdure. Bede ywina dohodÿÿna dinodu tii rare. Tii itarasadÿÿdu rare ihàre irubudÿÿdule rare. Mobohe kai atxiteri; abireludu hitxidÿÿmy aòbo teginohòtidÿÿnyteri? Aòkòre.

¹³ Boholabenyke, tuu tarybetenyteri: wijile aòbo ada biurasòmy aòbo rokoirenykre hãwãò-ò. Tai bededÿÿnana sohojimy rikierenykre. Tai nieru tarasamy rakaòmysÿdÿÿnykre.

¹⁴ Txiohe rare. Kaiboho dori teeryõlemahätenyte aõhebo bede rotÿÿnykre. Timybo mabekre? Iwese biuwetyy yja aõwesele rexihymyhÿre wese heka timybo mabekre? Kiawesemy aõkõ marybeke.

¹⁵ Kamy heka marybeke: –Inynyrÿdeewikeki iny rummy rokoireke, tai tahe kia ada kowa aõbo rikiwinyrenyke.

¹⁶ Iwese wiji ratximyhÿre wese. Biurasou aõnihikÿ widÿÿmy marybekeki, kia tahe awi aõkõ rare.

¹⁷ Inyõ aõwiwidÿÿ rieryekeki, tahe riwinyõmyhÿ-wana kia rexiõrarunanyhÿre.

5

¹ Boholabenyke warybe-õ ityhy mahädu. Mahinybenyke, bobubenyke aõhõkÿmy botÿÿnybenykreki.

² Aõmydÿÿnana wiwihikÿ rabinamy rÿire. Atyywytyhy isibrey tysini rirõre.

³ Aorotÿÿrÿreny awomatiurarenny raruxinyra tabededÿÿnana riõnonyrerimy. Anieru susudÿÿna awobiredÿÿnamy kiditÿÿnykre. Iwese dee heõty risõmyhÿre wese, kia sudÿÿ anasõmyhÿkre. Aõna aõna sõwemy ixidee tebutunymahäte kia atxukonana-õ.

⁴ Abaderõwysydÿÿdu õwydÿÿdu aõkõ dori kai tate. Kai ixidee tebutunymahäte iribireny tawasinymahäte. Tiiboho rahinymy rirajuamyhÿreny tahe kia wysydÿÿdu mahädu hina-õ Deuxu roholare. Tii ruru mahädu wedu rare.

⁵ Kaiboho abeõrarenny teõnonytenyteri isikile. Ixideehyyle texideysadÿÿnymyhÿte. Ibutumy aõbo adeereny wiwi ixidee temyteny, iwese rubutxudÿÿnatxu broreni riõwenymyhÿre wese. Kai ahäte. Deuxu akanarubunykre.

⁶ Õbiti mahädu teteõnymahäte terubunymahäte. Tii tiu adee rexiõwynyõtyhy.

⁷ Ixieleledÿÿõmy tahe waseriõrebobo. Inynyrÿ kanakreu. Betehe inihe. Õworudu heka taaõwi riraõmyhÿre biu bedeu.

⁸ Kia wese kaiboho tule eelemy aõkõ biraõmyhÿke aworeny-ki beximymyhÿbenyke, Inynyrÿ nonana dori iõhõrehe.

⁹ Waseriõrebobo uritere wimy ibinamy ryberenyõmy Deuxu dori arahitxinyreny. Ihitx-idÿÿdu nonana tahe iõhõre ijõkiwesele rijemy rÿimyhÿre.

¹⁰⁻¹¹ Waseriõrebobo ihetxiu Deuxu rybemy rybedu mahädu iyrubumy rÿiramyhÿ. Iwese tiiboho rÿiramyhÿwese boibeke aõhõkÿmy dÿÿnana-ki rare. Kia aõhõ kÿmydÿÿnana-ki õbitimy rotÿÿnymyhÿre. Iwese Jõõ iyrubumy raremyhÿre taholamahätenyte. Tule iwese ionanau Deuxu riwiõhenanyre wesemy teeryteny. Inynyrÿ dori ruxetõenatyhy-di rare lähãnatyhy-di.

¹² Ibutu ratyre waseriõrebobo inatyhymy sohojilemy marybeke ijõ rybemy rybeõmyke Deuxu arybe ritxiõnyõtyhy. Aõna aõnamydÿÿnanaribike aõkõ iximyhÿyle marybeke. Kohemy marybekeu kohelemy marybeke. Aõkõmy marybekeu, aõkõlemy marybeke. Kawese-ki inyõ aratxiõnyõkre.

¹³ Inyõ aõbo ayreny-ki aõhõkÿmy rotÿÿnyrereri. Tahe tai bexitõenykre. Inyõ aõbo ayreny-ki teysamy ratxireri. Alãnawi-di tii wana mawiunykre.

¹⁴ Inyõ aõbo ayreny-ki webinadumy roireri wana. Tahe dohodÿÿna rybedu mahädu-õ tamy bididybedenyke tamy rexitõenyrenykemy. Adÿÿ ityre ritxiwikemy Inynyrÿni õraru-ki.

¹⁵ Ixitõedÿÿna tyhynale webinadu riteytenykre. Inynyrÿle ritamahÿÿnykre. Tii õraru-õ raõrarunymyhÿke-wana Deuxu iõraru riixãwidinyke.

¹⁶ Iny wiõ wiõmy aõna aõnarenymy belyybenyke. Wiõ wiõmy wii biixitõedÿÿnybenyke, ibutu-ribi beytebenykemy. Inyõbiti ixitõedÿÿna irurudire, aõna aõna sõwemy riwinywymyhÿke.

¹⁷ Eliasi heka inywesereny rare. Tii rexitõenyhymyhÿre biu ròãtyhykremy bede-õ. Tahe inataõ beõra-di biu ròãhyyre.

¹⁸ Tahe ixityre rexitõenyre. Tai biu ròare. Tahe oworu-ki ixityre aõwi ruhunyre.

¹⁹⁻²⁰ Waseriõrebobo, inyõ ay-ki inatyhyna-ribi ròhõnykeki. Inywitzira tuu rarybekeki, teõsary-ribi ridykeki, tahe ityytyby ritara, rubu konana ixãwina lau sõwemy araru-di riixãwidinyre. Kie.

1 Pedro 1 Pedro Tyyriti

¹ Jiar̄y, Pedro warybe ritina rewahinyreri ubýt̄y deòd̄ȳna jiar̄y rare. Ibutumy judeu mahādu-ò rewahinyreri Ponto-ò, Alaxia-ò, Apadosia-ò, Asia-ò, Bitinia-ò.

² Kaiboho heka iitxe itxemy toite Deuxu Inytybyreny-ò, Deuxu Tyytybytyhy araòbitinyrenyra, Jesuisi Kristu bityhynybenykemy tule tahālu-bi arasebenyrenykemy. Wiòhed̄ȳna sòwemy ywina-wana adeereny kanakemy watxireri.

³ Ibutumy àlana Deuxu Inynyr̄y tyby-ò rikiwahinyrenyke. Tii dori sòwemy ruxetòena inydeereny diwahinyde. Tai inyboho ixityre reamyh̄yreny reatybienyrenykemy Deuxu s̄y mahādu wo-ki. Inyboho wijile iraròsònareny dire, Kristu rubu-ribi rexixareki.

⁴ Tii wiòhed̄ȳna wiwihik̄y inydeereny ririre. Biu bedekile riyrubunymy roire. Tiu rasunyòtyhy, retybyòtyhy, iruxerak̄y lemy lyrahak̄y lemy roire.

⁵ Deuxu tarurusòwe-di arayrubunyrenyke kia wiòhed̄ȳna bitabenykemy tetyhynyteki. Tarasana heka kia rare. Ikonanatxu Deuxu bedexiteòsinykre.

⁶ Tai tahe beysabenyke. Beded̄ȳnana tòbò reakreu, mabedewobenykre òsana aòmyd̄ȳnana sira òraru-ki.

⁷ Tii tahe kawese-ki atyhyd̄ȳnareny ityhymy ròhònykre. Atyhyd̄ȳnareny womati t̄yr̄ȳh̄k̄y òwy ratyre iòwy dire. Tiu rabinaòtyhy. Heòtyru-ribi womati t̄yr̄ȳh̄k̄y ròhònyre wese tetyhynareny kòdòhònykre àlana, wowydyna, luuna Jesuisi Kristu-ò, tii kedehemyntykre.

⁸ Kaiboho tuu tabitenyòte ihārele tuure. Tetyhynytenyteri, tai tahe t̄yxihik̄y lemy deysatyhy-di ahātenyete.

⁹ Tai atarasad̄ȳna-di teteheteri, tetyhynytenyteki.

¹⁰ Juhuu Deuxu rybedu mahādu rit̄ȳraxyra kia tarasanamy. Tule wiòhenad̄ȳmy rarybere adeereny kanakemy.

¹¹⁻¹² Idi tahe dierydenyde ibeded̄ȳnanau kanaòkre urile ihewo-ribi kanakremy. Katahe adeereny reare Deuxu Tyytybytyhy nade òraru-ki. Ȳju mahādu dori tamywimy tuu riyrenyrenykemy ih̄yreny. Jesuisi Kristu aòhòk̄y my d̄ȳnanamy tule toosònad̄ȳnamy rarybemyh̄yrenyreu, tiubedemybo kia kanakemy riijemyh̄yreny.

¹³ Arayky-ki birarutxynybenyke wereysana rara rot̄ȳnymyh̄yre wese. Òbitimy maraykynybenyke wiòhed̄ȳna-di bidimybedenykre-ki Kristu kedehemyntykre.

¹⁴ Wijile kaiboho ywimy nodu riòre wesemy boibeke. Iwese juhu aykaraòtamy tat̄ȳnymy tatemahā wese noòmy, abedeerykòmy tatemahāu.

¹⁵ Iweseòmy. Uritere adee rybedu òbitimy raremyh̄ywesemy kaiboho ibutumy tuu bot̄ȳnybenyke kia-ki òbitimy boibeke.

¹⁶ Raritinymy dori r̄yire: –Òbitityhymy boibeke, jiar̄y dori òbitityhymy raremahā.

¹⁷ Deuxu iny wiribi rihitixihitxinyre aòbina bina wid̄ȳ òraru-ki. Deuxu wiwese lewese iny luure tuu rarawetyynyòhyymyh̄yre. Iwese bodee textitòenymahāte wese tamy bedeerykò rira wese boibeke.

¹⁸⁻¹⁹ Kia teerymahātenyete tuu ararybekre. Ixinamy rexihumyh̄yredi aòkò iwese womati t̄yr̄ȳh̄k̄y iurahak̄y-di aòkò atarasanareny riòwyny. Tahe Kristu hālu-bi aòhebo ibina bot̄ȳnybenyke-ribi textitatenyete aòwid̄ȳnabo booreny-ribi teertyntyteki. Kristu tahe bu-doeni òbiti lyrahak̄y wesemy rare.

²⁰ Tii juhu beded̄ȳnanau taumy rubu-ò riwahinykremy rexieryyhymy raremyh̄y, wijile kaò nade rurukremy aluunareny òraru-ki.

²¹ Tule Deuxu tetyhynmahātenyete Kristu òraru-ki, Deuxu rubu-ribi riixixad̄ȳnyre tahe tamy loosòna riwahinyre, tai araròsònareny aityhyd̄ȳna Deuxu-ki roimyh̄y.

²² Kaiboho atytyby tesurònanytenyete inatyhyna dori teywinytenyete. Tai tahe wiluuluutyhymy rakatxirenyke. Wiluummy wesened̄ȳrenyòmy atximahātenyete.

²³ Wiji umyd̄ȳna juhu wese aòkò iny bòtòd̄ȳna raumyd̄ȳre wiji tahe Deuxu Rybe aumyd̄ȳnamy ih̄y. Kia tahe ituerenyòtyhy. Umytuedeòna diwahinyde.

²⁴ Iwese ryberiti rarybere wese:

–Ibutu iny asi wese rare. Inyloosòna asi noijesa wese rare. Asi ramoenymyh̄yreu tōijesa rejuxunymyh̄y.

²⁵ Deuxu Rybe tahe aòu aòuhyy r̄yira. Rexihuòtyhy r̄yira. Kia rybemy tahe adeereny rarybemyh̄y, Rybewihik̄y wahe.

2

¹ Ibutumy idi behuke ixi-ribi, aõbinatyhyna-di, rui-di, inywitxira aõmydÿÿna xibure-di aõ ikõkõmy ujõmo-di ibutumy.

² Tahe iwese tohouâ howÿsy luure wese rybe-õ bexiborenanyke. Atytyby howÿsyna wese rare. Idi maumynykemy tarasana inatyhy-õ.

³ Wanyrÿ dori wihikÿ rare. Kia teerytenyte.

⁴ Tamy bodoibedenyke. Tii dori manairuhykÿ wese rare. Heto tira widÿÿdu kia mana-di rehura. Tahe Deuxu dee kia ixitarasanamy rare. Awimy heka tai rahare.

⁵ Kaiboho tule mana iruhukÿ wesemy tõimahâte heto õbiti wesemy aijõreny-di kanai-jedÿÿnydenykeny. Xiwena wedu mahâdu õbitimy boibeke, Deuxu dee wina xiwedÿÿna õbiti biwinybenykeny Jesuisi Kristu wowydynamy.

⁶ Kawese dori Ryberitina-ki rÿire: —Betehebeny inihe Siaõ bede-ki iny mana heto tiramy iwidÿÿ wesemy ritidire. Tii aõwihikÿtyhy wadee rare. Kia iny rityhynymyhykeki, tiu raixÿruõtyhy bede õtiidÿÿ ribedewonyõtyhy.

⁷ Kaiboho ityhydÿÿdu mahâdu, adeereny tii aõwihikÿ rare. Ityhydÿÿdukõdu mahâdu dee tahe kawese tii rare: —Hetotirawidÿÿdu kia mana-di rehura. Kia mana tahe wiji juhuludu mana ritidimy roire.

⁸ Tule ijõ kiamy rare: —Mana idireny kedesedenyke. Kia mana awi aõkõ tamyreny rare. Reserenyke rybe ritxiõnymyhyÿrenykeki Deuxu heka rierymyhyÿre reserenyke.

⁹ Kaiboho tahe iny iitxese itxesemy aratarenyke, xiwena wedu mahâdu õbiti boibebenykeny, inyijoi õbiti boibeke, Deuxu hõrõ mahâdule, iruxeranamy marybebenykeny adee dori bededorohokÿ-ribi anadydenyde taloosõna wihihikÿ-õ.

¹⁰ Kaiboho juhuru inyijoi aõkõ toitemahâ tahe wiji Deuxu taijoimy aratara. Juhuru ruxetõena tuu inyõ riwahinyõhyre adeereny, wiji tahe tii riwahinyra adeereny.

¹¹ Waluuna mahâdu adeereny ararybekre. Kaiboho iwitxira bedeludu mahâdu wese atximahâtenyeki. Uritere õtaõtarenyõmy atytyby õludu dori kia rare. Atytyby aõbina dÿÿnana adeereny diwahinyde.

¹² Ahotiludu mahâduy-ki õbitimy boibeke. Tai omy ibinamy rarybekeki, tiiboho aumytuedeõnamy robimyhÿkeny tahe Deuxumy kiditoosõdÿÿnadenyke Deuxu hitxidÿÿna txuu.

¹³⁻¹⁴ Bede dinodu bede ywina rybe biywinyamahãbenyke Wanyrÿ õraru-ki Iõlõrybe, aõbo kai deõdu rybewydydu aõbo ibutumy birarenybenyke. Iõlõ deõdu mynyduhykÿ doidenyde aõbinahakÿ widÿÿdu aõhõkÿmy risÿnymy rimymy risÿdÿÿnykeny ritamadÿÿnykeny tule aõwihihikÿ widÿÿdu ritealãdÿÿnykeny.

¹⁵ Aõwi wihikÿ widÿÿna-di kaiboho hãbu bina biyrydÿÿnybenyke. Kia Deuxudeewi rare.

¹⁶ Kaiboho hãbu ixihyyludumy ahãtenyte urile aõbina bina widÿÿõmy boibeke. Deuxu deõduweselemy boibeke.

¹⁷ Iny ibutumy iõsana biwinyke. Ityhydÿÿdu seriõre luumy boibeke. Deuxu biwowodynybenyke. Iõlõ bede dinodu biwowodynybenyke.

¹⁸ Deõdu mahâdu, awedu bityhynybenyke awedu wihihikÿle-õ sohojile aõkõ ibina bina-wana dori bityhybenyke uritere bedeõtiidÿÿmy rÿiõmy.

¹⁹ Aõbina riwinyõhyymyhyÿre deõdu tawedu-õ. Tahe wedu teõdu-õ aõhõkÿmy risÿnyre. Deõdu riõludunymyhyÿre aõmy rarybeõhyymyhyÿre, Deuxu rityhynymyhyÿreki. Kia wese tahe Deuxudeewina rare.

²⁰ Iny raõrarunymyhyÿkeki, tai tahe õhõtenamy inyboho ratximyhyÿrenykeki, aõloosõna widÿÿna bohe kia rare. Inyboho riõludunymyhyÿreki. Aõwihihikÿ widÿÿna-di inyboho ywina-di õhõtenamy riõludunymyhyÿrenykeki, kia Deuxudeewina rare.

²¹ Kaiboho biõludunymyhyÿbenykeny tai iitxemy aratarenyra. Kristu tule dori õrarureny-ki aõhõkÿmy rotÿÿnyre. Iwese timybo tii riwinyre wese kaiboho biwinybenyke.

²² Kristu dori tii raõrarunyõtyhy, tule aõbinahakÿmy rarybeõtyhy, raruiõtyhy.

²³ Tamy adebure irãmy rryryreu wobinamy aõkõ dirawyõnyde. Rihetenyreu, aõma aõkõ dirawyõnyde. Urile tii rexihahinyre Deuxu dee. Deuxu dori õbitina-di rihitxidÿÿnyre.

²⁴ Inyõrarureny dori riwyre itxõ nihikÿ tyre-ki. Tai tahe õraruna dee rakarunymyhyÿre, tahe õbiti widÿÿna-õ rakatximyhyÿrenyke. Kristu wotõmomy iny riteytenymyhyÿre.

²⁵ Iwese budoeni reõsamyhyÿre wese kaiboho toite. Wijile tahe kaiboho tõõsemy atxitenyte aitxeredu-õ atytyby wiõhedÿÿdu-õ.

3

¹⁻² Hãwyreny, ahãbureny rybe bityhynybenyke. Tai inyõ ihãbu ityhydÿÿdu aõkõkeki, tii kidityhynyke tahãwyhe-ki, aõrybebo aõkõ roholareki ihe-ki robireki.

³⁻⁴ Hãwy ruxerana heka ixidee itidisirenyõmy atximahãbenyke aõ taumy-ki ritidimyhÿre aõkõ hãwy ruxerana rare. Aõ iwo-ribi teysare, Deuxu Tytybytyhy widÿÿna inythyhna tii

tahe hãwyy ruxerana rare. Rade sihodÿÿtyhy ibutu ratyire aõkõ rare. Womati tÿrÿrÿ noho tule aõkõre, tyy wiwihikÿ-di rariamyhÿre tule aõkõre. Kia tahe Deuxu dee aõwihikÿtyhy aõkõ rare.

⁵ Tule ihetxiu hãwyy õbiti tuu rotÿÿnyre, tahãbu riywinyre, Deuxu rityhinyre.

⁶ Sara, Abraõ riõrese, tahãbu riywinyre. Itxi õhõtireny beake tawedumy tamy rarybere. Kiaboho hãwyyreny iriõre riõre atximahãtenyete. Tai aõwihikÿ widÿÿnany botÿÿnybenyke. Bededÿÿnana jei jei lau brebuõmy.

⁷ Hãbu mahãdu, kaiboho tule asÿreny-ki abedeeryna biyrubunybenyke. Ahãwyyreny biy-winybenyke hõraõmy idi ahãbenyke, tiiboho dori itxõmotxirenre iruruõreny. Iõsÿny bityhinybenyke. Wiwana Deuxu ruxetõena tarasadÿÿdu atximahãtenyete. Tai aixitõedÿÿnany õbitimy bexitõenybenyke.

⁸ Tahe kaiboho ibutumy widi mohõtinybenyke wiwesewesele. Ityhydÿÿdu seriõre dee tõena luuna-wana biwahinyke. Ruxetõena-di boibeke iny-õ ixityhydÿÿ aõkõ.

⁹ Inyõ aõbinamy adee rakeki, ixidõwydÿÿõmy. Inyõ rybe-ki aõbinamy adee rakeki, irawõdÿÿõmy. Wityhymy tamy marybeke. Kia-õ tahe Deuxu aõwihikÿ adee riwahinykre, tai ijõtõx Deuxu wityhynamy adee riwahinykre.

¹⁰ Tai inyõ tabededÿÿnanaluomy ratxike-wana, tatxuu teysamy ratxikeki, tahe dõrõtõ rixitaake rybe bina lau iry riyryke wobina rybe lau.

¹¹ Aõbina bina-ribi bihenybenyke aõwihikÿyemy botÿÿnymahãbenyke. Ywina bi-ijemahãbenyke ywina-di ahãbenyke.

¹² Deuxurue tahe õbiti mahãdu-di retehemyhÿre. Tanohõti tahe ixitõena-õ riijohonanymy rononymhÿre. Aõbina widÿÿnadu-õ tamyreny rayaranymy idi retehemyhÿre.

¹³ Kai aõwihikÿ widÿÿyemy tiu matxibekeki aõhe iny adee rotÿÿnyõtyhy.

¹⁴ Kai õbitiwidÿÿ õraru-ki aõhebo bõtÿÿnykeki, deysamy atximahãke. Breburenyõmy iwese ilaureny ixidõhãrudÿÿrenyõmy.

¹⁵ Urile Kristu awedurenywesemy bisÿnybenyke aworeny-ribi. Inyõ adeereny aratÿÿraxinyke-wana aõherekibo Kristu tetyhynymyhÿtemy, kai bexiwywinyhyy tamy ixidee rybena bydÿÿna biywinyhymy idi ahãke. Arawyõdÿÿna ywina-di tamy marybeke iõsÿny bityhynymy arayky õbiti-di marybemahãke.

¹⁶ Tai tahe biixÿrudÿÿnyke umy ibinamy rarybekeki, tai dori õbitilemy Kristuko-txi tariamahãte.

¹⁷ Tahe Deuxu dee wikeki, aõwihikÿwidÿÿ õraru-ki inyõ aõhõkÿmy rotÿÿnykeki, kia tahe Deuxu dee awi rare. Aõbinahakÿwidÿÿ õraru-ki aõhõkÿmy rotÿÿnykeki, kia tahe Deuxu dee awi rare.

¹⁸ Kristu tahe sohojihyulle rurure iny õraruna õraru-ki. Õbitiwidÿÿdu tahe rurure õbitiwidÿÿdu aõkõ õraru-ki, kaiboho ruruweselemy atximahãtenyete. Deuxu Tytybytyhy direki kaiboho iruweselemy atximahãtenyete.

¹⁹ Kristu Tytyby rara rotenawo-õ, tytyby-õ ritÿÿnynymy rarybeke.

²⁰ Noe hãwõ nihikÿ riwinyreu, Deuxu riraõmy raremyhÿu urile hãbu mahãdu rityhinyõmyhÿre. Debõ inataõ reurõ inymy rohonnyre rubu-ribi bera-õ rabõrõre.

²¹ Wiji, kia sebedÿÿna ijyy wese heka rare. Tahe aõsebedÿÿna aõkõ iny tarasanare. Sebedÿÿna-ki Kristu rubu-ribi ixixana inyboho riteõsinyreri iny Deuxu-õ retehemyhÿre tarasana ritakemy. Bee tahe hãlubu surõdu aõkõ rare. Rexitõenymyhÿreki inywo rityranymyhÿre risuhõnymyhÿre.

²² Kristu tahe wijile biu bede ronyre Deuxu rurunawe-ribi tii ÿjuboho, dinoduboho, rurunaduboho wedu Kristu rare.

4

¹ Tahe Kristu taumy-wana aõhõkõmy rotÿÿnyre. Tai tahe iwesemy mohõtinybenyke. Inyõ dori aõhõkõmy rotÿÿnyre. Tai tahe õraruna-ribi ixixãwididÿÿmy rõhõtinyreri.

² Tai kabede-ki iny bededÿÿnanareny uhe hãbu õta õtawidÿÿ nohõtina wesemy aõkõ rakatximyhÿrenyke. Deuxu deewina widÿÿna-õ rakatximyhÿrenyke.

³ Juhuu kaiboho sõwemy taõrarunyenye, iwese ityhydÿÿdukõdu mahãdu wiji rÿira wese.

⁴ Aõraru-õ biõwa mahãdu wiji bederiõtiinyre kai tii-wana taõrarunykõmahãteki iwese tiiboho naõrarunymyhÿdenyde wese. Tai adee ibinamy rarybemyhÿrenyke.

⁵ Tule tiiboho ywisidÿÿdu Deuxu-õ rirawyõnykre. Idi dori õbiti ywisidÿÿna-di rihitxidÿÿnykre iru mahãdu, rubumahãdu wana.

⁶ Tai tahe inyõ ituekre mahãdu-õ Rybewihikÿmy rarybemyhÿre iumy dori rihitxidÿÿnykre ibutu hãbu wesemy. Tahe itytyby Deuxumy irumy rarekre.

⁷ Boholabeny inyhe, bededÿÿnana konana iõhõra. Tai tahe inatyhymy mohõtinyke Deuxu-õ õbitimy bexitõenykem.

⁸ Ibutu ratyre wiluutyhymy atximahābenyke. Kaiboho dori aluunadirenykeki wiōraruna-di itxerekōmy ahābenyke. Inyō dori iluunadikeki, wiōraruna-di itxerekōmy ihŷke.

⁹ Iny wixira dee awimy rŷira, roraludu isŷōmy rŷira aheto-ò bisŷdŷŷnyke. Bitŷhidŷŷnyke roraludu luumy atximahā.

¹⁰ Wii biwiōhenanymy ahābeny iwese bede teertyentye wese biwiōhenanybenyke. Deuxu wiōhedŷŷdu wiitxura wahidŷŷdu wiwihikŷmy boibeke.

¹¹ Inyō rarybekeu, Deuxu rybedile kana rybeke. Inyō reōbykeu. Deuxu ruudile kedeōbyke. Tai tahe Deuxule loosōna kia-ribi kanatake Jesuisi Kristu òraru-ki ibutumy aōna aōna-di. Aōu aōu ibutumy ruruna, loosōna Jesuisi Kristu hōrō rare. Kie.

¹² Waluuna mahādu, ixibedeōtiidŷŷōmy bede aōmydŷŷnana sira adee kanakreu. Kia tahe aō brebudŷŷna aōkō rare aōhebo adee kodotŷŷnykeki.

¹³ Tŷxihikŷŷlemy deysa-di atximahāke kia aōhōkŷmy dŷŷnana dori Kristu aōhōkŷmy dŷŷnana-ò biōwa atximahāte. Idi tahe tule kedeysakre Kristu loosōna òraru-ki.

¹⁴ Inyō adee ibinamy Kristuni òraru-ki rarybekeki beysake. Kiau Deuxu Tyytyby heka loosōna sōwe-di atyre-ki kanakre.

¹⁵ Kaibohoō rubudŷŷrenyōmy, wasirenyōmy, aōna aōna bina widŷŷōmy, inywixira aōwysyna-txi rōte. Kiake-wana iōwydŷŷnamy aōhōkŷmy botŷŷnybenyke. Tii dori wadee awiōre.

¹⁶ Inyō tahe aōhōkŷmy rotŷŷnykeki, ityhydŷŷdumy rare òraru-ki tai ixyrūōmy mabeke. Urile Kristunimy riwowydynykemy idi rare. Bededŷŷnanahe rehemynymy roire ityhydŷŷdu mahādu-di rihitxidŷŷnanymy riteranykemy.

¹⁷ Tahe inydee ywisidŷŷna ritelenykeki, timybohe Deuxu Rybewihikŷ ityhydŷŷdukōdu mahādu-ò kōdōhōnyke.

¹⁸ Ryberiti-ki roimyhŷre kia: —Òbiti mahādu dee tarasana isirakeki, timybohe òrarudu mahādu rōhōnyke.

¹⁹ Tahe inyō Deuxudeewi òraru-ki aōhōkŷmy rotŷŷnykeki, Tatyytyby Deuxu-ò rawahike tahe aōwihikŷ widŷŷmy rareke. Deuxu dori aōu aōu iny widŷŷdurenny rare; iny wiōhedŷŷdurenny rare.

5

¹ Ityhydŷŷdu-ò itxeredu mahādu-ò arithonykre ararybekre. Jiarŷ tule itxeredu-ò rare. Kristu aōhōkŷmy rotŷŷnyreu, jiarŷ tuu rabire. Talosōna kiditeōsinykreu jiarŷ awana watzire tewebromy rikitarenykemy.

²⁻³ Biwisinanyke aityhydŷŷdu butuna iwese itxeredu budoeni-di retehemyhŷre wese idi beteheke. Ixideewimy kia biwinyke. Inywixira deewimy aōkō. Aō nieru tarasa sohojilemy aōkō, ityhydŷŷdu wiōhedŷŷmy. Aō ityhydŷŷdu wedu wesemy aōkō bisŷnybenyke, urile hexideōsinyke iwese ityhydŷŷdu òbiti rŷira wesemy.

⁴ Tahe itxeredu mahādu wedutyhy kedehemynykeu, tii adee kidiwahinykre loosōna araheto. Tii tiu toosō ixāwiōtyhy.

⁵ Itxeredu mahādu tŷmyra bierybenyke itxeredu mahādu matuari-ribi widee ixiwedeōmy ahābenyke. Ixiwede mahādumy dori Deuxu rarawetyynmyhŷre. Ixiwede aōkō mahādu-ò tahe ruxetōena riwahinyke.

⁶ Ywimy ahāke Deuxuru-ò iximy xiwedeōmy. Tii dori bede òbiti kanakeu akanaloosōnyke.

⁷ Aōmydŷŷna wixira wixira biwahinybenyke Deuxu-ò tii dori arawisinaymyhŷrenyke. Anawiōhenanykre.

⁸ Bexihārubenyke aōludurenny Satanasi-ò. Òbitimy mohōtinybenyke. Tii dori leaō reburemyhŷre wese rare. Tii rariarerimy ihŷre tibo rirōkemy.

⁹ Atyhynatyhy-di idi beximyke. Aityhydŷŷdu seriōre-dori awana aōhōkŷmy rotŷŷnyreru kia ixiradŷŷduhukŷle-wana.

¹⁰⁻¹¹ Iny Deuxu ruxetōenatyhy rŷire. Kaiboho urihimyō aōhōkŷmy botŷŷnybenykeu akanawiōhenanykre, akanarurudŷŷnykre, akanaòbitidŷŷnykre, anaijohonadŷŷnykre. Ibutumy ruruna ihōrōmy aōu aōu rarekehymy idi watximahāre.

¹² Kia waryberatiyla Sila-wana adeerenny riritinyre. Tii iny seriōrenny òbitityhy rare. Jiarŷ rarybereri kia Deuxu wiōhedŷŷna inatyhy rare. Kaiboho idi tyhy mohōtinybenyke.

¹³ Kowa hāwyy Babilonia hāwā ludu tule tarybe weityhyna adee diwahinyde. Tii tule itarāsana mahādu-ò. Tule wariōre Marku arārybeweityhynanyre.

¹⁴ Widee buōbenyke narybewehityhynanyde. Ywina adeerenny kanakemy watzireri Kristu tetyhynmahātenykeki.

2 Pedro 2 Pedro Tyyriti

¹ Jiarÿ, Simaõ Pedro, Jesuisi Kristu deõdu rare. Jesuisi Kristu rybemy rybedu rare. Warybe ritina rewahinyre ityhydÿÿdu mahãdu-õ, Deuxu ywisidÿÿna mahãdu-õ, Jesuisi Kristu inyтарasadu õbitina õraru-ki, inatyhyna inyboho ijõdirennyreki.

² Ruxetõena wiõhedÿÿna-wana adeereny kanakemy watzireri Deuxu erydÿÿna-ki, Inynyrÿ Jesuisi erydÿÿna-ki.

³ Tahe Deuxu rurutyhy-ribi inydeereny aõna aõna sõwemy riwahinymyhÿre õbitimy inyboho rokoirekemy iny bededÿÿnanarenny-ki. Tii inyboho ridyrennyre taloosõna õbitiwo-õ, tii inyboho rieryrennytyhyreki.

⁴ Tai inydeereny tuu rarybere, sõwemy aõna aõna kanakremy awityhymy inydeereny kia rybe rare.

⁵ Kia rybe bityhynybenykeki, bede aõmydÿÿnana bina-ribi bexitabenyyke, õta õta widÿÿna-ribi bexiebenyyke. Tule Deuxu rayky wesena-di urihimyo boibeke.

⁶ Tai tahe ibutumy aruru-di marurunyyke aityhydÿÿna-õ õbiti widÿÿna bibutunyyke, kia-õ bedeerÿdÿÿna bibutunyyke, kia-õ ixiwedudÿÿna bibutunyyke, kia-õ widÿÿnahyyna, kia-õ õbitimy nonana.

⁷ Kia-õ ityhydÿÿdu seriõre luuna, kia-õ wiluuna bibutunyyke.

⁸ Kia aõna aõna dori awo-ki ratximyhÿkeki, rexiõlõnykeki, arawiõhenanykre Jesuisi Kristu Inynyrÿ bierybenyykemy. Tai ityhydÿÿdu wihikÿmy boibekeky. Iny witzira bi-wiõhenanybenyyke.

⁹ Kia aõna aõna inywo-ki ratxiõmyhÿkeki, tii heka iruetãlemy ihÿre. Aõbo iõhõmy ratzirerilemy robimyhÿre. Juhu õraruна iribi risuhoremny idi tõhõti rosare.

¹⁰ Tai waseriõreboho marurunyyke atyhymy boibekeky, aityhydÿÿna tyyhydÿÿmy boibekeky. Tai tiu õraruна-txi aixeõna.

¹¹ Kia wesekeki tahe deysana-di birõnybenyykre Jesuisi Kristu inyтарasadu õlõna bede-õ.

¹² Kia aõna aõna teerytenyyte. Inatyhyna tetyhynyhy atximahãtenyyte. Ihãrele tahe itxi arõhõtiijiradÿÿnyhyrenyyke.

¹³ Tule warumy mahãreu, awimny idi rahõtinymahãre kia inatyhyna-di akanaixix-adÿÿnydenyykemy.

¹⁴ Waumny dori kaki ele elelemny aririkre reeryre. Inynyrÿ Jesuisi Kristu dori kia wadee ditedõsinyde.

¹⁵ Aõu aõu tahe ararurunyytyhymny ararekre kaibocho kia ibutumny õhõti-ribi rosaõtyhykemy. Tule warubuhewo-ribi kia-di mohõtinnyhy boibeke.

¹⁶ Tahe adeereny Jesuisi Kristu tehemyynamny rarybereu, aõ uritere tere ijyymny aõkõ heka relyreri hãbu ijyyna-ribi aõkõ ijyutyhymny. Inybocho dori iny iõlõrenny loosõnatyhymny robimyhÿrennyre.

¹⁷ Tii dori Deuxu inytyby-ribi loosõna wowydyna-wana ritare. Tuu Deuxu loosõnawo-ribi narybede: Kai heka Wariõre waluu tate. Jiarÿ reysamny watzireri adee.

¹⁸ Kia rybe-õ jiarÿbocho raholarennyre tii-wana hãwãlõ raty tyre-ki roiremyhÿu.

¹⁹ Iwese juhu rybemy rybedu mahãdu rarybere wese, kiamny heka wiji inydeereny ritÿÿnynymny roimyhÿre. Kaibocho tule kia-õ bohohamahãbenyyke bityhynmahãbenyyke. Iwese iny loosõna-di bedeluru-ki, retehemyhÿre wese. Idi tahe Kristu kõdõhõnykre, iwese tainahakÿ rõhõnyre wese. Tahe aworeny-ki kanasÿnykemy ratxikre.

²⁰ Kia heka juhunu bierykre: Tyyritirybeõ tiu ixiwanale ritÿÿnydÿÿnyõtyhy.

²¹ Deuxu rybe dori hãbudeewimny aõkõ heka nade juhu Deuxu Tyytybytyhy hãbu dee rybe ritÿÿnyrennyre aõmybo rarybekemy.

2

¹ Iwese juhunu inyy-ki rybedu inatyhõna rarybere wese, tule ayrenny-ki rybedu inatyhõna kidierydÿÿnykemy. Tii-bocho kedeerynanykre aõbinabinahãkÿmy. Tii-bocho kidiitxenanydenyykre. Tule Inynyrÿ kidiseõnykre. Tai tahe aõwesele rexihukre.

² Sõwemy iny iõta õta erydÿÿnyra rityhynykre. Tai iny witzira inatyhyna ery dee ibinamny rarybekre.

³ Kia rybedu inatyhõna adyna-di ratxihymny roireke tai adeereny raruimyhÿke. Anieru tarasanarenny-õ.

⁴ Iatysyna heka iõhõmy namahãde tule idi dehuna inatyhymny kõdõhõnykemy ihÿre. Ýju mahãdu raõrarunyyreu Deuxu tõtxi ririõlemny reare tahe idi rehulemy reare bedebina heõty-õ.

⁵ Iu bee-di Deuxu suu ritŷmynyreu, òrarudu mahādu ituere Deuxu tōtxi ririōre. Noe, òbitina rybedule, ritare debò inatxi reurò iny-wana.

⁶ Sodoma hāwā Omora hāwā-wana aōwesele Deuxu ritoonyre, raðrarunyreki. Brybymy relere. Tai heka iny ribedeernymyhŷre òraru lau.

⁷ Kia hāwāy-ribi heka Lòjoi sohojile ritare. Lòò òbiti rare. Tii heka terare òrarudu mahādureki. Tōtxi ririōhyre.

⁸ Imahādu-ki Lòò rasŷnyre, txuò txuòlemy iwo rabedewotyhyumyhŷre, aòbinawidŷŷmybo robire idi roholareki.

⁹ Tahe òbiti widŷŷdu urihixina-ribi Inynyrŷ ridykemy rierymyhŷre. Tule ibinamy widŷŷdu mahādu aòhòkŷmy dŷŷnana riraòmyhŷre. Ywisidŷŷnatxu kedehemynkreò.

¹⁰ Ibutu ratyre urari òta òta widŷŷdu mahādu aòhòkŷmy rotŷŷnykre. Tiiboho Deuxu ruru riseònyrenymyhŷre. Ixi-di xiwededu wesemy rŷirenyre, ixiluudu wesemy rŷirenyre.

¹¹ Aòbinahakŷlemy biuludu mahādumy rarybemyhŷrenyre. Tahe ŷju mahādu iruruna ratyre-di hāre tamy ibinamy rarybeòmyhŷre, Deuxuko-txi.

¹² Tahe kia iykaraluu mahādu iròdu deborehekŷ wesemy ratximyhŷre. Iròdu debore tahe bedehuduna widŷŷmy rare ada ròtenawo-ò rakelemy. Kia hābu mahādu aòmybo ròeryòhyumyhŷre dee ibinamy rarybemyhŷ.

¹³ Tiiboho ixi-di dehuna-di ixi dee kedexiixāwinykre. Tiiboho òraru luumyhŷre txumy dori raðrarunrenymyhŷre. Awanareny dori riroximahāre, aòbinahakŷtyhy wesemy ayreny-ki ratximyhŷ iòrarunarenymy rybe luureki.

¹⁴ Tiemy iru hāwydyhy retehemy ihŷre tamy òta òta lemy ròhòtinymyhŷre. Kia hābu hāwydyŷweduna rierymyhŷre. Hāwy urihimyo tŷŷwekeki kia hābu idyna rybe-di rierymyhŷre hāwy-di aòbo tai riurarinymy taòbirenareny rihydŷŷnymyhŷre aòbo tai riurarinymy idi ratximyhŷre. Tiiboho tuedena nihikŷ-di ituerenykre.

¹⁵ Òbitiry ririmyhŷrenyre. Reòsamyhŷrenyre. Balaaòry dori riheludunymyhŷrenyre Balaaò, Beoro ròre òrarudwydŷŷnamy ritakemy ratxireri iòraru luureki.

¹⁶ Aòbinahakŷ riwinyreki rexidòwinyre. Kiamyre heka. Jumenta wesena rybeteremy tamy rarybere inyrybe wesemy iitxŷtena-ribi riixāwidinykemy.

¹⁷ Tiiboho bedidehuna wese roire bee ihoòreki. Yhy biuwetyy tiò ridymyhŷre wese kia hābu mahādu roire. Tamy bede luruhukŷ bede riyrubunymy rŷire.

¹⁸ Tiemy taðrarumy rarybemyhŷre raremyhŷ inyò aòta òta rybe-di ridykemy. Inyò deòsary-ribi ròhònykeki, tii ridylemyhŷre ixybyle òraruna-ò.

¹⁹ Tamyreny rarybemyhŷre ixideewimy boibekemy. Urile irybedureny òrarunawidŷŷna deòdumy ihŷrenyre.

²⁰ Iwese inyò ijesuna-ribi riatymyhŷkeki, iatysydŷŷdu deòdumy rarekre wesemy. Kiawesele tahe òraruna rare. Inyò bede aòmydŷŷnana òraru-ribi ròhònykeki, tahe ixybyle ròòsekeki, teleu raremyhŷ ratyre ikonana ratŷŷnykre. Inynyrŷ Jesuisi Kristu dori tii rierymyhŷre juhuu tahe idi rexideyresanyre kia aòmydŷŷnana òraru-ò.

²¹ Tiiboho ryòbiti rierymyhŷrenyre. Tahe bede ywina òbiti-ribi rexidòlòdŷŷnyre. Rieriyòhyykeki tamy wimy tuu raremyhŷ, rytŷmyra ersy-ribi rohonyrenyreki.

²² Tiiboho kia rybedŷŷna hitxina wesemy ihŷrenyre: –Ijòròsa tahylòina-ò ròòsere. Tule ijò rybedŷŷna wesemy: –Ixŷni bedi risuhòkeki, tii tasu burena-di ixybyle rexisunykemy.

3

¹ Kia, waluuna mahādu warybe ritidŷŷna juhuludu aòkò rare ihewoludu rare. Warybe riti wiwanadile anohòti ijiradŷŷmy watxireri anohòti riraixixanykemy.

² Deuxu rybemy rybedu òbitimy rarybemyhŷre òhòti-ribi rosaòkre, tule Inynyrŷ iny tarasadu bede ywina nohòti losaòmy iwese tarybe deòdu adereeny riernanyre wese.

³ Ibutu ratyre, kia-ribi nohòti losaòmy. Ikonana txuu hābu binahakŷ rybe binatyhy-di kòdòidenykemy. Kia hābu òta òta widŷŷlemy ròhòtinymyhŷre.

⁴ Kiamy hābu rarybekre. Tiubo Jesuisi Kristu nonana kanakre. Juhu inytybyreny ituere wiji bededŷŷnanau tiu naòhyumyhŷde. Ibutumy heka juhu bede ixi wese hyylemy bede roimyhŷre.

⁵ Iribi tòhòtirenny rosare ixideewimy Deuxu irybedile biu bede-wana riwinyre. Beribi riwinyre, bedi riwinyre. Iribi tahe bedi bede rahure.

⁶ Bedi juhuu bede ibutumy rexihura.

⁷ Tule wiji irybedile bede rŷimyhŷre. Tahe ixybyle kanahukre. Heòty-di kanahukre. Kia txuu ibutumy inybinahakŷ ituekre kia-ribi ixideewilemy kia hābu tòhòti rosare.

⁸ Tahe aòsohojibo, waseriòreboho, nohòti-ribi loosarennyòmy. Kia heka rare: Inynyrŷ dee. Txusohoji 1000 beòra wese heka rare. Tule 1000 beòra txusohoji wese rare. Tamy bededŷŷnana aò aòkò rare.

⁹ Inynyrỹ tarybewesele aõna aõnamy kodotỹnykre. Aõ raroorehenymyhỹre aõkõ rare urile tahe hãbu riraõhyymy rỹimyhỹre hãbu taõraru-txi tõhõti reakemy. Ibutumy tarasana-ki rỹikemy dori idi ratxireri.

¹⁰ Wasidu namyhỹde wasimy Inynyrỹ txuu kòdòhònykre. Biuwetyy, bede-wana rexi-hukre. Ibutu suludu heka ramyijy heõty adỹwesemy ritxienykre.

¹¹ Òbitimy rakatxirenyke. Kia ibutumy ròhònyreki.

¹²⁻¹³ Inyboho heka riraõmyhỹrenyke biuwetyy tỹmyra sutỹmyra-wana. Inynyrỹ dori rarybere kia kidiwahinykre.

¹⁴ Tai heka waseriõre waluuboho, òbitimy atximahãbenyke kia-ò dori teraõmahãtenyke. Tii kanakreu umyreny robikre ywimy, òbitimy, inyõ heka umyreny ibinamy rarybeõtyhy.

¹⁵ Rexiroorehenymyhỹre ibutumy iny tarasanarenymy. Tule inyseriõre Paulo adeereny ròritidỹre ibede eryna Deuxu tamy riwahinyre.

¹⁶ Kiamy tule aõna aõnamy tii ròritidỹre. Tahe iritina-ki aõbo isiratyhyre ierykõnatyhy my roire òbiti mahãdu aõkõ kia rybe-di aõwitxiramybo rierynanymyhỹre. Iwese ijõ Ryberiti-di riwinyre wese. Tai heka tiiboho ituerenyke.

¹⁷ Kaiboho tahe waityhydỹdu seriõre bexihãrubenyke ilau teõsana-di aradyrenyheny. Tai kaiboho beõsabenyke.

¹⁸ Inynyrỹ Jesuisi Kristu wiõhedỹna-di ibedeerydỹna-di maumynybenyke. Wowydyna ibutumy tamy kanakemy idi wãhare wiji tyhymy rareke. Kie.

1 JuaŌ 1 JoaŌ Tyyriti

¹ Jiarýboho akoreny retýŷnyreri, Jesuisimy. Tii Rybe rininirenyra. Tii juhubeđu raremyhý. Jiarýboho rabirenyra, tarybemy aholarenyra, tamy reteherenyre, aŏbo riwinyreŏ, tule tamy iny rerimyhýre. Tii inydeereny umytýmyra riwahinyreri.

² Umytýmyra tuedeŏna Deuxu inytyby-ribi rehemynyra. Kia umytýmyra tuedeŏna Jesuisi-di rare. Jiarýboho tuu rabirenyre. Tii rexideŏsinyre inyrenyko-ŏ. Kia tahe adeereny relyreri iwese raremyhý wese.

³ Aŏbo iny roholare wese, tuu rabire wese, kia tahe tuu relyreri inyboho wiluurenykemy winohŏtiwesele rŏkŏhŏtinyrenykeny. Inyboho rahŏtinyrenyri iwese Deuxu inytybyreny, Jesuisi Kristu Deuxu Riŏre-wana wiwese rŏhŏtinyre wese.

⁴ Kia tahe waryberiti adee rewahinyreri adeesamy rakatximahärenykeny.

⁵ Kiamy tahe Jesuisi inydeereny relyreri: –Deuxu txuloosŏna wese ratximyhýre. Deuxu-ŏ bedeluru aŏmydýŷnana rehemynyŏtyhy kiamy adeereny relyreri.

⁶ Inyŏ rarybekeki: –Jiarý Deuxu-wana winohŏtiwesele rahŏtinymahäre. Kia iny bedeluru aŏmydýŷna-di ratxireriki, kia iny raruimyhýre.

⁷ Tahe inyboho loosŏna waŏmydýŷna riwinyimyhýrenykeki iwese, Deuxu loosŏnawo-ki ratximyhýre wese, tai inyboho wiwesele rŏhŏtinymyhýke. Tahe Jesuisi, Deuxu Riŏre hálubu ibutumy iny ŏraru-ribi iny risuhŏmyhýke.

⁸ Inyŏ rarybekeki: –Jiarý raŏrarunyŏhywähäre, kia rybe-di tii ixidee riitxenanyimyhýre. Tii raruire rityhynyŏre.

⁹ Iny taŏrarurenymy relyyrenykeki, Deuxu tiemy ŏbiti rare, tii iny ŏrarurenymy iny-ribi riixáwididýŷnykre. Aŏbo iny iwo-ki isuisumy ihýre tii rityranýke.

¹⁰ Inyŏ ŏrarudikemy aŏkŏ raryberenykeki, inyboho Deuxu ruidumy rarybemahäreny. Kia iny Deuxu rybe rieryŏhyimyhýre.

2

¹ Kaiboho wariŏre wese atximahäteny. Adeereny waryberiti rewahinyreri, kaiboho ŏrarurenymykeny. Iny ŏraruna-txi resekeki, iny wiŏhedýŷdurený dire. Tii Jesuisi Kristu rare. Őbiti rare ŏraru ijyudumy rarekemy Waha Deuxuko iny wiŏhedýŷmy.

² Tii dori itxeŏnihiký-ki rurura iny ŏraruŏwydýŷ-ki. Inysohojile ŏraru aŏkŏ rurura tahe ibutumy iny ŏraruŏwydýŷ-ki.

³ Tiwesebo inyŏ rexieriýkre Jesuisi rieryrenykeny rityhynymyhýkeki karybe bede ywina wese rierykre tii rexieriýkre Jesuisi rityhynyri wana.

⁴ Inyŏ rarybekeki: –Jiarý Jesuisi reeryre. Irybe bede ywina riywinyŏkeki, iny ruidu rare. Inatyhyna rityhynyŏre.

⁵ Inyŏ Jesuisi bede ywina riywinykeki, inatyhymy tawo-ki Deuxuluu rare. Kiawese heka iny rierykre Jesuisi maháduwo-ki ratxireri-wana.

⁶ Inyŏ rarybekeki: –Jiarý Jesuisi maháduwo-ki watzireri. Tamy kia wese rýikeki. Aŏmybo Jesuisi rotýŷnyre wese, tii tule rotýŷnyke.

⁷ Ityhydýŷduseriŏre, adee bede ywina týmyra aŏkŏ rewahinyreri. Bede ywina tyby kia rare. Kia juhuu teeryteny. Inyboho wiluurenykemy, kia bede ywina tyby rare, juhuu taholateny.

⁸ Kia rybe bede ywina itýmyra rare. Jiarý adee rewahinyreri. Kristu dee inatyhy rare tule adee inatyhy rare. Bedeluru rŏhŏnyra, loosŏna inatyhy bede-ŏ ralŏmyhýre.

⁹ Inyŏ rarybekeki: –Jiarý loosŏnawo-ki watzireri. Kia iny taityhydýŷdu seriŏre luuŏkeki, bedeluru-ki ratximyhýre.

¹⁰ Inyŏ taityhydýŷdu seriŏre luukeki, kia sohojile loosŏnawo-ki ratxireri. Aŏ aŏkŏ tii riatydýŷnyra.

¹¹ Inyŏ taityhydýŷdu seriŏre rexihitxinykeki, bedeluru-ki rariamyhýre. Titxibo rakre rieryŏhyimyhýre. Bedeluru dori ruetána rare.

¹² Adeereny warybe rewahinyreri wariŏre wese aŏraru dori, tii riixáwididýŷnyre Jesuisi ŏraru-ki.

¹³ Iumy mahádu-ŏ warybe riti rewahinyre adiwahinyde, kaiboho dori tuu teeryteny. Tii hykyle dori juhuu raremyhý. Ijoityhy-ŏ waryberiti rewahinyre, Satanasimy tahaŷnanyteny.

¹⁴ Wariŏre, inytyby Deuxu teeryteny. Iumy mahádu, adeereny aratyryritinykre, kaiboho dori tuu teeryteny. Tii hykyle dori juhuu raremyhý. Ijoityhy, adeereny aratyryritinykre, Deuxu rybe dori ŏhŏtirený-ki ratxireri, arurudirený dori. Satanasimy tahaŷnanyteny.

¹⁵ Bede aōmydŷŷnana luurenykōmy boibeke. Inyō bede aōmydŷŷnana luukeki, Deuxu inytyby luuna rieryōke.

¹⁶ Kia bede aōmydŷŷna rare: ɔraruluuna, aōmy robira-wana tuure, aōna aōnamy ixityhy-dŷŷna. Kia Deuxu-ribi aōkō nade. Kia bede aōmydŷŷna-ribi nade. Kia bede aōmydŷŷna-ribi nade.

¹⁷ Kabede ixāwikre taaōmydŷŷna ɔta ɔta-wana. Deuxudeewimy widŷŷdu tiu ixāwiɔtyhy. Tii awimy rŷirakre.

¹⁸ Wariōre wese. Ikonana bededŷŷnana iōhōmy roire. Adeereny narybede Kristu ɔludu kanakemy. Betehe inihe, Kristu ɔludu sōwemy dehemynyde. Kiawese inyboho rieryrenyre ikonana bededŷŷnana iōhōmy roire.

¹⁹ Kia Kristu-ɔ ɔludu iny mahādu wotya-ribi rōhōnyrenyra. Tii ityhydŷŷdutyhymy aōkō ratximyhŷre. Ityhydŷŷdu mahādu tiu rōhōnyɔtyhy. Rōhōnyrenyreu, ibutummy rieryre, kia iny mahādu aōkō ratximyhŷre.

²⁰ Kaiboho aōmydŷŷnana ibutummy teerytenyte Deuxu Tyytybytyhy direki.

²¹ Kia rybe adee aratyyritinyke, kaiboho dori Deuxu rybe inatyhyna teerytenyte. Tiu rui Deuxu inatyhyna-ribi rōhōnyōhyymyhŷre. Kia tahe teerytenyte.

²² Moheka ruidu rare. Inyō rityhynyōkeki Jesuisi Deuxu deɔdŷŷna raremy, tii tahe ruidu rare. Inyō Kristu Deuxu-wana ritxiōnykeki, tii Kristu ɔludu rare.

²³ Inyō Deuxu Riōre ritxiōnykeki, tii Deuxu-wana aōkō ratxieri. Inyō rarybekeki: –Deuxu Riōre retyhynyre, tii Deuxu-wana ratxireri.

²⁴ Juhuu aōbo roholare taholamy toitemyhŷ idi mohōtinybenyke. Idi mohōtinymahābenykeki, Deuxu, Iriōre-wana aōu sōu matxibenyke.

²⁵ Jesuisi Kristule juhuu inydeereny narybede, umy ituedeōna inydeereny kidi-wahinykemy.

²⁶ Kia waritina jiarŷ wiji rehura. Aitxenadŷŷdu lau adee reritinyra.

²⁷ Abedeerydŷŷna Kristu tatyytyby adeereny riwahinyre. Tii tahe awanale ratxireri. Aerydŷŷdu aōkō adeereny rauhenyrenyeri. Tii tahe inatyyhy bedeerydŷŷna ibutummy araerynanyeri. Rui aōkō rare. Iwese tii araerynanyreri wese, ibutummy biyrubunymahābenyke. Kia tahe Kristu-ki hykyle bexiemyhŷbenyke.

²⁸ Wiji, wariōre wese aōu aōu boibekeky Deuxu mahāduy-ki. Tai Jesuisi kaō kedehe-mynykeu, buberuɔtyhy ada maixŷruɔtyhy ilau.

²⁹ Deuxu ɔbitityhyhy ratximyhŷre. Kia teerytenyte. Inyō ɔbitimy rarekeki, Deuxu riōremy rareke. Kia tule teerytenyte.

3

¹ Boholake, inytyby Deuxu taluuna nihikŷ inydeereny riwahinyre. Inyboho dori tii rininirenyre Deuxu Riōremy. Inatyhymy inyboho Deuxu Riōremy roire. Kia tahe ityhy-dŷŷdukōdu mahādu rieryōre. Tiiboho dori Deuxu inytyby rieryōhyymyhŷre.

² Waluuna mahādu, inyboho Deuxu Riōremy roire. Rierykōrenykre timybo iny rokoirekremy. Kia inyboho rieryrenyre: Jesuisi kodobehekreu, inummy taumy wese risŷnykre. Inyboho dori kodobidenykre iwese rarybemyhŷ wese.

³ Inyō Jesuisi wesemy rarekemy ratxikeki, iwese Jesuisi ɔbitimy raremyhŷ wese tii rareke.

⁴ Inyō Deuxu bede ywina rybe rityhynykeki, tii rexiōrarunyke. Kia heka ɔraruna rare.

⁵ Jesuisi dobehede ɔraru tarasadummy rarekemy. Kia teerytenyte. Jesuisi inatyhymy raɔrarunyōhy raremyhŷ.

⁶ Inyō Jesuisirykihyy rarialeke, tii ɔraruōmy rareɔtyhy. Inyō ɔrarumy rarehykeki, tii Deuxu rieryōhyymy rareke tuu robiōhyymy rareke.

⁷ Wariōre wese, itxenadŷŷdu lau bexiyrubunyke iny aōmydŷŷnana ɔbitimy riwinykeki, iny ɔbitilemy rareke, iwese Jesuisi ɔbitimy raremyhŷ wese.

⁸ Inyō ɔrarunadityhy raretyhykeki, tii Diabo mahādu-di rareke, Diabo heka ɔrarauna-ki hyy nodure. Tai kaō Deuxu riōre nade Diabo aōmydŷŷnana ixāwikemy.

⁹ Inyō Deuxusŷ riōrekeki tii ɔraruna-txi reseōlemy ratximyhŷre Deuxu dori iwo ritymyranyre. Tii reseōhyky rareke. Deuxusŷ dori rare.

¹⁰ Kia wese iny rieryrenyke inyboho iriōre Deuxu riōremy roire ada Diabo riōremy aōbo, inyō Deuxu deewimy riwinyōkeki, tii Deuxu Riōre aōkō rare. Inyō taityhydŷŷdu seriōre luuōkeki, tule Deuxu Riōre aōkō rare.

¹¹ Kia bede ywina rybe juhuu taholamy tatemyhŷ ihāre tadoholamahāte. Kia heka rare: iny wiluukemy.

¹² Iwese Kai taserōre rirubunyre wese aōkō rikiwinykre. Tii dori Satanasi mahādu rare. Aōherekibo tasewriōre rirubunyre. Iaōmydŷŷna Deuxu dee awiōre Iserōre aōmydŷŷna Deuxu dee ɔbitire tai tahe rirubunyre.

¹³ Waseriōrebobo, ityhydŷŷdukōdu mahādu eramy ratximyhŷ. Kia-di bedeotiōdŷŷomyke.

¹⁴ Inyō ityhydŷŷdu seriōre luukeki, tii rubumy rŷire wese mahādu-ribi rōhōnyre. Kia reerymyhŷrenyre. Tahe umytuedōna-ki rahara. Inyō luuōkeki, tii rubumy rŷirawese mahādu-ki ihŷmyhŷke.

¹⁵ Inyō taseriōre derakeki, tii rubudŷŷdu wese rare. Boholake, kia teertyentye. Rubudŷŷdu umytuedōna-ki rahaōtyhy.

¹⁶ Kia wese luuna rikieriŷrenke dori Kristu rubu-ō rexiwahinyre inydeereny tōemy. Tai tahe inyō taseriōre dee rurukeki iluuna sōwerekiki. Tii tahe awire.

¹⁷ Inyō ityhydŷŷdu seriōre aōhokŷmy rotŷŷnykeki, rama rahukeki, tuu robike aō ijōdikeki, tahe iny riwīōhenanyōkeki, tii Deuxu luuna-di aōkō ratximyhŷre.

¹⁸ Wariōre wese, luuna urile tuu rybena aōkō rare. Aōhebo rotŷŷnykemy ihŷre. Kia tahe aluuna inatyhymy biteōsinyke.

¹⁹⁻²⁰ Kia wese iny reeryrenyre inatyhyna mahāduwo-ki ratximyhŷre. Jiarŷ arahōtinykeki. Jiarŷ aōkobo ityhydŷŷdumy watximahāre. Deuxu warayky riwīōhenanymy ratxireri. Deuxu warayky ratyre rarakywydynanymyhŷre. Tii ibutumy aō rieryre.

²¹ Waluuna mahādu, ruberuōhymyhŷre tahe iny ityhydŷŷdu mahādu-ki ratximyhŷre wana rieryreki Deuxu iny rityhynyre.

²² Tahe aōmy iny rexitōenykeki tii inydee kidiwahinyke. Iny dori ibede ywina rybe rityhynymyhŷre. Deuxu deewimy iny riwinymyhŷre.

²³ Kia heka Deuxu bede ywina rare. Jesuisi Kristu, iriōrenimy rikityhynkemy. Tule iny wiluuna wiluukemy. Iwese tabede ywina rybe diwahinyde wese rarekemy.

²⁴ Inyō Deuxu bede ywina rybe rityhynykeki, Deuxu-wana rareke. Tii-wana ratxikemy. Kia wese heka iny rieryrenyre Deuxu-wana iny ratxireri. Deuxu Tatytybytyhy dori inydee riwahinyre.

4

¹ Waluuna mahādu, ibutumy rybe bityhynybenyōke inihe ityhydŷŷrenyōmy. Tai biurihike iny rybe Deuxu-ribi inatyhy aōbo ada aōkōre aōbo. Sōwemy rybedu mahādu rōhōnymyhŷre. Tahe inatyhymy Deuxu rybemy rybedu aōkō rare.

² Kiamy Deuxumy rybedu mahādu inatyhymy bierykre, inyō rarybekeki: Jesuisi Kristu hābu wesemy nade, tii inatyhy Deuxu mahāduō ihŷre.

³ Inyō kiamy rarybeōkeki, tii Deuxu mahādu aōkō ratximyhŷre. Kia Kristu òluduō rare. Tamy taholamahāte kanakreō, tahe, kia ratximyhŷre.

⁴ Wariōre wese, kaiboho Deuxu mahādumy toite. Rybedu inatyhy aōkō rare, kia ruru tetatenyete. Deuxu dori aworeny-ki ratximyhŷre Deuxururu, Diabo ruru ratyre rare.

⁵ Inatyhymy rybedu aōkō aōmydŷŷnana binamy relyymyhŷre. Tii dori ka bede aōmydŷŷnana bina mahādu rare. Tahe ityhydŷŷdukōdu mahādu tamy roholamyhŷre.

⁶ Inyboho Deuxu mahādu roire. Inyō Deuxu rierykeki, inydeereny roholamyhŷre. Inyō Deuxu rieryōkeki, inydeereny roholaōtyhy. Kiamy rikierymyhŷrenyke inatyhyna mahādu inatyhyna aōkō mahādu.

⁷ Waluuna mahādu, wiluumy rakatximyhŷreny. Luuna dori Deuxu-ribi nade. Inyō luukeki, Deuxu-ribi tibie rare. Iny Deuxu rieryre.

⁸ Inyō luuōkeki Deuxu rieryōre. Deuxu dori luuna rare.

⁹ Kia wese inyboho rieryrenyre Deuxu inyluuremy ratxire. Deuxu Tariōre sohojile diteōnyde bede-ō inyboho Iriōre-ki umy tŷmyra-ki rahakemy.

¹⁰ Kia heka luuna rare. Juhuu Deuxu iny tuu aōkō rare. Tii tahe inyluure. Tule tariōre diteōnyde inyōraru ōwy ōwydŷŷnanykemy.

¹¹ Waluuna mahādu, Deuxu inyluurenatyhyreki, tai tahe inyboho wiluumy rokoireke.

¹² Tii Deuxumy inyō robiōhykyre. Inyboho wiluumy rŷikeki, Deuxu inywo-ki ratxike. Tai tahe inatyhymy Deuxu luuna inywo-ki ratximyhŷre.

¹³ Deuxu iny-ō Tatytyby riwahinyre. Kiamy tahe inyboho rieryrenyre tamahādu-ki ratximyhŷre. Tule rierymyhŷreny tii iny-wana ratximyhŷrenyre.

¹⁴ Deuxu Riōremy inyboho robirenyra Tulobixidumy inyboho roire. Tuu adeereny relyreri. Deuxu Tariōre diteōnyde iny tarasadumy rarekemy.

¹⁵ Inyō rityhynykeki idi rarybekeki: Jesuisi Deuxu Riōre rare, tii Deuxu-di tawo-ki ratxireri. Tii Deuxu-wana ratxireri.

¹⁶ Inyboho rieryrenyre Deuxu inyluurenyre. Kia iny rityhynyrenyre. Deuxu heka luuna rare. Inyō luuna-ki ratxihyykeki Deuxu ti-wana ratxihyyke. Tii Deuxu-wana ratxihyyemyhŷke.

¹⁷ Iny luunareny Deuxu-ō rauhenyōreri. Tai tahe Deuxu wiribi ritxuakre kia txuu inyboho kiatsxulau ruberuōtyhy. Iwese tii ratximyhŷre wese inyboho kabede-ki ratximyhŷrenyre.

¹⁸ Inyō luuna-di ratxityhykeki, tii ruberuōtyhy. Luunatyhy brebuna-di rehumyhyre. Aōhōkymydỹnana brebuna kidiwahinye. Inyō brebuna-di ratxikeki, tamy aōhỹkỹmy dỹỹnana kanakre.

¹⁹ Juhuu Deuxu inyluurenyre, tai tahe inyboho iluurenyre.

²⁰ Inyō rarybekeki: —Jiarỹ Deuxuluure. Tai tahe tii ityhydỹdu seriōre luuōkeki, tii ruidu rare. Inyō taityhydỹduseriōre luuōkeki, timykibo Deuxu luumy rarekemy iximy rōhōtinyke Deuxu dori tiu tuu robiōhyymyhyre, taseriōremy tahe robihyky ihỹre.

²¹ Kia bede ywina rybe heka Kristu inydeereny riwahinyre: Iny Deuxuluumy ratxikeki, tule tii taityhydỹdu seriōre luumy ratxikre.

5

¹ Jesuisi inatyhymy Kristu rare, Deuxu deōdỹna rare, inyō rityhynykeki, tii inatyhymy Deuxusỹ mahāduwo-ki ratximyhyre. Inyō Deuxu luukeki, tule iriōre luukre.

² Inyboho Deuxuluukeki tarybe ywina rikiywinykeki, tai Deuxu tibiedỹna mahādu luumy rikiryrenyke.

³ Deuxu rybe ywina rikityhynyke, irybe ywina dori isiraōre. Tai inyboho Deuxu luuna riteōsinykre.

⁴ Deuxusỹ mahādu bede aōmydỹnana bina bina ruru ritamyhyre iny Deuxu rityhynykeriki, kia bede bina bina ruru ritareri.

⁵ Mo tahe kia ijesu tarasadure. Inyō Jesuisi Deuxu Riōre raremy rityhynykeki, tii bedebina bina ijesu tarasadu rare.

⁶ Jesuisi Kristu nade. Inyō tii riratisebenyre idi rare rurukremy tahālubu ritxiwikremy. Rexiratisebenykemy sohojile aōkō nade, tule tahālubu ritxiwikemy nade. Kiamy heka Deuxu Tytyby tuu rarybere. Deuxu Tytybytyhy tahe inatyhymy rare.

⁷ Inataō aōmydỹnanamy inydeereny rarybere: Deuxu Tytybytyhy ijōre, Jesuisi ixirati sebedỹna ijōre, Jesuisi rubudỹna ijōre.

⁸ Kia inataō aōmydỹnanamy wiwese wiweselemy rarybereri.

⁹ Hābu rybe iny rityhynymyhyre. Deuxu rybe hābu rybe ratyre rikityhynymy rakatximyhyrenyke. Kiamy Deuxu Tariōremy rarybereri.

¹⁰ Inyō Deuxu Riōre rityhynykeki, aōbo inatyhy ixidee rieryre. Inyō rityhynyōkeki, tii Deuxu-di ruidumy rōhōtinyreri. Tii dori rityhynyōreri timybo Deuxu tariōremy rarybere.

¹¹ Kia rybe rare: Deuxu inydeereny umytuedeōna riwahinyre. Tii tiu umy ituedeōna iriōre-ki inyboho rakaharenyke.

¹² Inyō Deuxu Riōredikeki, tii umytỹmyra tuedeōna-ki rahake. Inyō Deuxu Riōre-di aōkōkeki, tii umytỹmyra tuedeōna-ki tahasaōna.

¹³ Kia aōna aōna adeereny retyritinyre kaiboho umytuedeōna-di atxitenyteri bierybenykemy. Deuxu Riōre tetyhynytenyete.

¹⁴ Inyboho Deuxudeewimy rexitōenymyhyrenyre, Deuxu iny-ō roholamyhyre. Kia tahe inatyhymy rybena rare.

¹⁵ Inyboho rierykeki tii inydeereny roholamyhyre, tai rierymyhyrenyre tii inydeereny riwahinyke aōmybo iny tamy rexitōenyneri.

¹⁶ Iny ityhydỹdu seriōre rubu-ō aōkō òraruna-txi resekeki, tamy Deuxu-ò rexitōenyrenyke, Deuxu kia riwiōhenanykemy ixyby Deuxu-ò rōōsekemy. Tii rubu-ò òraruna-txi resekeki, jiarỹ adee ararybeōkre tamy bexitōenykemy.

¹⁷ Ibutumy òbiti aōkōkeki, òraruna rare. Òraruō rubudỹnahyky kidiwahinyōkre.

¹⁸ Inyō Deuxu-ribi tybiekeki, òranahyy-ki rareōtyhy. Kia inyboho reeryrenyre. Deuxu Riōre ryrubunymyhyre. Diabo iribi rōtaōtyhy.

¹⁹ Deuxuhōrō inyboho roire. Kia inyboho rieryrenyre. Kabede bina mahādu taaōmydỹna-wana Diabo hōrō rare.

²⁰ Tule inyboho rieryrenyre: Deuxu Riōre inatyhymy kaō nade. Tii rierynanyre mobo Deuxu inatyhy raremy. Deuxu-wana inyboho ratximyhyrenyre, inyboho-dori Jesuisi Kristu Deuxu Riōre-wana ratximyhyrenyre. Kia heka inatyhymy Deuxu rare. Kia inatyhymy umytuedeōnamy rare.

²¹ Wariōre wese, bexihāruke ibutu bedeòraruna lau.

2 Juaõ

2 Juaõ Ryberiti

¹ Jiarý dohodýŷna matuari mahãduõ warybe rare. Watyyriti rewahinyreri Deuxu ywisidýŷna hãwyyõ-ò, iriõre-ò. Jiarý ibutumy inatyhyerydu mahãdu-wana tiiboho inlyutyhyrenyre.

² Inatyhyna dori inyworeny-ki ratxireri. Ratxityhyhyummy ratxike.

³ Kia dori inatyhy inydeereny tate luuna-di. Deuxu deysana, ruxetõena, ywina adeereny kanakemy watzimahãre Deuxu Waha-ribi, Jesuisi Kristu, Iriõre-ribi.

⁴ Ariõre mahãduy-ribi inatyhymy ijõ ityhydýŷdumy ralore. Kia reeryreu, jiarý wadeysatyhyre ariõre Deuxu bede ywina rityhynyreiki.

⁵ Adee arexitõenykre hãwyy. Bede ywina rybe tÿmyra rewahinyreri wese aõkõ rare. Juhuu-ribi teeryte. Urile bede ywina hetxina õhõti reijeradýŷnyreri. Kia heka rare: iny wiluukemy rakatximyhÿrenykemy.

⁶ Bede ywina rybe rikityhynyhyykeki, kia heka inatyhy luuna rare. Kia bede ywina juhUU Deuxu-ribi taholate. Tuu txuõ txuõlemy biwinyke.

⁷ Sõwemy hãbu itxenadýŷdu tyhy kabede-ò dòhõnyde. Tiiboho Jesuisi hãbuwesemy nade rityhynyõlemyhÿre. Kia itxenadýŷdutyhy tule Kristu òludutyhymy roire.

⁸ Tamyreny bexiebeny, inyaõmydýŷnana aõmysÿdýŷnatyhy-di ritaremy iõkõkemy, Deuxu wahidýŷnaõwy ibutumy ritakemy.

⁹ Inyõ Kristu erydýŷnana-ribi ròhõnykeki tule iwitxira erysyna rierynanykeki, tii heka Deuxu hõrõ aõkõ rare. Inyõ Kristu erydýŷnana-ribi ròhõnyõkeki, tii Deuxu ðire iriõre ðire.

¹⁰ Tai tahe itxenadýŷdu Kristu erydýŷnana erydýŷdu aõkõ aheto-ò rehemynykeki, uritere irõtedyŷõmy, irybedýŷõmy.

¹¹ Inyõ rirybenykeki, iaõmydýŷnanabina-ò riwiõhenanyreri.

¹² Jiarý warybe sõwemy adibutunywãhãde. Urile tyriti-di ariritinyõkre. Arorarenymy dori arakemy watzireri. Kiamy rybe sõwemy ròhõnykre inysõwemy reysakremy.

¹³ Aseriõre Deuxu ywisidýŷna mahãdu senadu, kia riõre tarybe wehityhyna adee riwahinyreri. Kie.

3 JuaŌ

3 JuaŌ Ryberiti

¹ Jiarŷ, dohodŷŷna matuari mahāduŌ rare. WabiŌwa-Ō, Kaio-Ō watyyriti rewahinyreri. Inatyhymy aluummy watzimahāre.

² Waliina, juhuutyhy Deuxu-Ō arāixitŌedŷŷnyra aāomydŷŷna tule aummy wihikŷhykymy mabekemy, iwese atyytyby awire wesele ratxireri.

³ InyseriŌre wese aribi rehemynyrenyreu, wako relyrenyreu umy iwese kai ōbitimy tate wese tule inatyhyna-ki tateri wese. Tai wawo reysamy watzimahāre.

⁴ Jiarŷ raholamahāreu wariŌre wese Deuxu inatyhyna rityhynyreeriki, kia ibutu ratyre wawo riteysadŷŷnytyhyre.

⁵ Kai tahe, Kaio, kowa inyseriŌre tule iwitxira ludu seriŌre teeryŌteki, tewiŌhenanyteu aāomydŷŷnana wihikŷ tewinyamahāte.

⁶ Inyboho wirotyra-wana, kia hābu iny seriŌre aluunamy rarybera. Ibedetŷŷnana-Ō biwiŌhenanykeki, aŌwihikŷ biwinyamahāke. Tuhyykeki Deuxu deewimy atximahāke. Tii dori iny-wana Deuxu inatyhyna-Ō raaŌmysŷdŷŷnykre.

⁷ Kia dori kianimy rŌhŌnyre. ItyhydŷŷdukŌdu mahādu-ribi aŌ ritaŌhykre.

⁸ Kia wese tahe tuu rikiwiŌhenanymyhŷke. Tai tahe Deuxu aāomydŷŷnana tŷnydŷŷna riwiŌhenanymyhŷre.

⁹ Ratyyritinymahāre kowa ityhydŷŷdu mahādu-Ō. InyŌ tahe warybe-Ō roholaŌmyhŷre. Tii boho dori juhuludukemy ratxireri. DiŌtesi inire.

¹⁰ AŌu arehemynykreu, ararybekre aŌmybo tii rotŷŷnyre tule aŌbinamybo rarybere inymy. AŌ tiihykyle aŌkŌ, iny ityhydŷŷdu seriŌre hāwāwitxira ludu ixidee tarora-Ō rimyŌtyhy. InyŌ kia seriŌreŌ rimykeki, tii riixāwidinyre idy-ribi tii seriŌredyna-Ō dohodŷŷdu mahādu-ribi hitximy riteŌnyre.

¹¹ Waleina, kai Kaio, ōrarudu mahādu aŌhebo rotŷŷnyre wese aŌ kai tate. Iny wihikŷ wese kai tate. InyŌ aŌwihikŷ riwinykeki, Deuxu hŌrŌ tii rare. AŌkŌkeki Deuxu rieryŌre.

¹² Ibutumy Dimitiu dee inatyhyna-di aŌwihikŷmy rarybere. Inyboho tule. Kaile teeryte inyboho inatyhy rarybere.

¹³ SŌwemy rybe adee ariwahinykemy watzireri. Tahe aŌkŌre tyriti ritina-ki.

¹⁴ Eleelemy arakemy dori watzireri aroramy tai tahe widee rakarybekre.

¹⁵ Deuxu awo-ki riyrykemy idi watzireri. AbiŌwaboho kaki awehityhy risareri. WabiŌwaboho sohoji sohoji kowa-Ō warybe wehityhyna biwahinykre.

Judas Judas Tyyriti

¹ Jiarÿ Juda rare. Jesuisi Kristu deòdu jiarÿ rare, Txiau exi wahe. Deuxu heka aluudu rare. Tii arayrubunymyhÿre òraruna-txi reseke lau. Tai òbitimy ahâbenyke Kristu nonana-ò. Watyyriti adee rewahinyre.

² Ruxetòena adee kanakemy watzixereri Deuxu-ribi. Ywina sòwemy aworeny-ki atxibenykemy adireny watzixereri. Wiluuna sòwemy akireny ihÿke, Deuxu-ribi.

³ Jiarÿ kaiboho ibutumy aluurenyre. Deuxu ibutumy inyboho ritarenyre. Kia ibutumy ariritinykemy idi rahòtynra. Inyboho heka ibutumy Deuxu sÿ mahâdu roire. Iwese iny rityhynymyhÿre wese tii iny ritÿnynymyhÿre. Iribi tahe iny mahâduò adee nade iny inythyhna riwitziradÿÿnykemy adireny ratxixereri. Iny heka inatyhyna biyrubunybennyke òbitimy rarehyyke.

⁴ Kia òbitikò mahâdu ayreny-ò ralòra. Tiiboho Deuxu rityhynyòre. Deuxu inydeereny awi heka rare òraru-ribi iny ritarenyreki. Kia òbitikò mahâdu tahe kia wese rarybere: —Òraru-di atxikeki, kia aò aòkò rare. Deuxu dori iny òraru-ribi ritare. Jesuisi iny wedu rare, iny Iòlò wahe. Tiiboho tule rarybere: —Deuxu bityhnybennyòke. Deuxu ihetxiu rieryre kia wese tiiboho rarybekemy. Tai tahe tii ritÿnynymy ihÿre tiiboho bedeheòtybina-ò riteònyke.

⁵ Deuxu inatyhymy riteònykre ritÿnynyraki. Iwese tii ihetxiu iny-di rehure wese, tii wiji iny rehukre. Judeu mahâdu heka Deuxu ritare Egito bede-ribi. Idi tahe imahâduò rityhynyòre. Tai tahe imahâdu rahurenyre. Kia teerytenyte. Itxi òhòtirenny reakre.

⁶ Ýju mahâduò tule juhuhu Deuxu deòdumy ihÿre. Idi tahe taaòmysÿdÿÿna ririre. Tai Deuxu ròtena bedeò-ò riteònyre. Bedeloroheòkÿ ihÿre. Kabederawo-ki roire. Tiu heka iribi riòlòdÿÿnyòtyhy. Deuxu bededÿÿnana riywinymy roimyhÿre aòhòkÿmy isÿdÿÿnana-ò. Tai tahe ýju wesemy kia òbitikò mahâdu rÿike, Deuxu itÿnydÿÿdumy rÿike.

⁷ Ijò ijyy teeryte. Inatxi hâwâ ihetxiu ibinatyhy rare: Sodoma, Omora-wana. Ijò hâwâ tule ibinatyhy rare. Kia hâwâ yludu mahâdu ibutumy heka òta òtanale riwinymyhÿre. Hâbuò dori wiwana rexìðrarunymyhÿre, hâwyy tule wiwana wahe. Tai tahe Deuxu ihâwâ rahure. Biu-ribi heòty diteònyde. Idi Deuxu dibedeerynyde òraruna derare tii. Tiiemy aòhòkÿmy dÿÿnana riwahinyre.

⁸ Kia tule òbitikò mahâdu-ò riwahinyre. Tiiboho dori ibinamy riwinymyhÿre. Aòbinalemy raraykynymyhÿreny, taumyreny risurisunymyhÿreny òraruna-di. Deuxu rityhynyòre tule ýju ruruna-di risinymyhÿreny.

⁹ Tiiboho Mieli wesemy aòkò riwinyre Mieli heka Deuxu ýju dinoduò rare. Tii Satanasi-wana wiribi òtumy rarybemyhÿreny, Moisesi umy òraru-ki. Mieli heka ritirÿmyhÿre iumy ridyke lau. Iu Mieli Satanasi-ò rarybereu urihimyo rityhynymy rarybere, ixinohòtidile ritehiòtyhy. Urile rarybere: —Deuxule aratehikre.

¹⁰ Kia òbitikò erydu mahâdu aòbina riwinymyhÿreny. Aòbinalemy tyytyby bede aòmydÿÿnanamy rarybere kia rieryòmahâ hârele. Kabede aòmydÿÿnanale rierymyhÿre iwese ibutu iròdu mahâdu rierymyhÿre wese. Tiiboho heka iròdu aòna aòna nohòtjuranadile aòna aònamy rotÿÿnymyhÿre. Tai rexihurenyre.

¹¹ Deuxu heka kia mahâdu kiditÿnynyke, Kaï reòsamy raremyhÿ wese dori reòsareki. Aòbo Kaï ixidi riwinykemy ròhòtinymyhÿré heka riwinymyhÿre. Kia mahâdu tule Balaaò wesemy riwinymyhÿre. Balaaò nieru sòwemy ritakemy ixidi ihÿmyhÿ. Tai tahe Deuxudeewimy riwinyòre. Tule kia mahâdu Kore wesemy riwinymyhÿre. Deuxu òludumy rexisÿnyre. Tai rexihurenykre iwese Kore mahâdu rexihure wesemy.

¹² Kaiboho wiluuna roxina-ò tebutunyteu, kia mahâdu tule ayreny-ò ralòra. Aworana bedehesi tiiboho ribinadÿÿnymyhÿre òbitimyno rieryòreki. Urile rexihydynymyhÿre, inywitzira-txi tòhòti reaòhyymyhÿre. Iwese yhy debure wese tiiboho roire. Urile yhy biu ridyòtyhy. Ròaòtyhy. Sòwemy taheka relemyhÿre, ihârele aòhomy aòkò namyhÿde. Òwòru bederaty wahidÿÿdu wese tiiboho roire. Iratydikemy ratxixeriu, ihârele aòkòlere. Òwòru rubu wese roire tiiboho. Raòròmyhÿre, rurumyhÿre. Kia wese heka kia mahâdu rare.

¹³ Kia òbitikò erydu mahâdu tiu ele risaòhyymyhÿre. Ahohokÿ aòwetari òbòhòkÿ idi rehymyhÿre wesemy tiiboho inyreny. Iwese òbòbexi-di ròhònymyhÿre wese. Iòraruna òraru-ki aòbina bina iribi ròhònymyhÿre. Tiiboho dori Deuxu inatyhyna ririrenyre. Iwese taina resemyhÿre wese tiiboho iribi resemyhÿreny. Deuxu kia mahâdu-di ritÿnynymy riteònyke bede luruhukÿ-ò. Iribi ròhònyòtyhy.

¹⁴ Enoi heka Adaò dee yreò rare. Adaò juhuhu hâbu rare. Debòinatxi riòreky-ribi Enoi rare. Enoi Adaò riòre roko rare. Ihetxiu Enoi rarybere wijinabòdu mahâdumy. Iwese òbitikò

erydu mahādumy roirekre. Enoi rarybere Kristu nonanamy: —Tii kanakre tamahādu sōwe-wana.

¹⁵ Idi ibutumy iny ritŷnynykemy. Inyō tii taaōhōkŷmyna aōhōkŷmy rotŷŷnykre òraruna òraru-ki. Ibutumy òrarudu mahādu rehukremy Deuxu-my ralahatxinanymyhŷreki.

¹⁶ Tiibohe rexirahemyhŷre, tiu reysaōhyymyhŷre, aōdibo tamywimy rabinadŷŷmyhŷreki ratxikelemy. Rarybenihikŷmyhŷre. Riwiōhenanymyhŷre aō ritamyhŷre xiery.

¹⁷ Waluuna mahādu, ōhōtirenny reake aōmybo Wanyrŷ Jesuisi Kristu teōdŷŷna mahādu juhuu raryberé.

¹⁸ Tiibohe adeereny rarybere: —Bededŷŷnana roomy tahe ijesu kòdòhònykre, ixidee wilemy tuu rotŷŷnymyhŷre.

¹⁹ Kia hābu iny wiribihiximy risŷnykemy, bede aōmydŷŷnana luudu mahādu. Deuxu Tyytybytyhy-di aōkō ratximyhŷre.

²⁰ Kaibohe waluuna mahādu aityhydŷŷna-di arurumy bitŷnynyke, Deuxu Tyytybytyhyna-di bexitōenyberihyy. Deuxu luunay-ki iximy boibeke.

²¹ Wanyrŷ Jesuisi Kristu ruxetōena biraōbenyke. Tii heka umytedeōna kidiwahinykre.

²² Biwiōhenanymyhŷre ka ritxiōnomy rŷira mahādu.

²³ Kia mahādu iworonawe-ribi wese bitake. Ijō-ò ywina-di brebuna-di bisŷnykemy taòraruna deramy bekowabenyke. Iòraruna aōna aōna-ò akyneny reake.

²⁴ Òraruna lau taruru-di Deuxu arayrubunymy ratximyhŷre. Tii arateòsinykre yramy, tako-ò wowydyna-wana.

²⁵ Wowydyna, àlādŷŷna, ruruna, Iòlòtyhydŷŷna, iny Deuxu sohoji-ò kanakemy watzixeriri tule Inynyrŷ Jesuisi Kristu iny tarasadu-ò. Kata juhuuna-ribi, wiji aōu aōu-ò rahyykre. Kie.

Apocalipse Deuxu heka Joaõ-ò bede ritÿnynyre

¹ Katyyriti-ki tahe bede aõmydÿÿna roire. Kia heka Deuxu Jesuisi-ò ritÿnynyre. Idi Kristu Joaõ-ò ritÿnynyre. Aõhebo ele elemy rotÿÿnykre heka inydeereny riteòsinyreri, teòdu mahädu wahe. Ýjuò heka Kristu riteònyre Joaõ-ò ibutumy relyyky, ritÿnynykemy.

² Iribi tahe Joaõ ibutumy relyyre. Kaki heka riritinyre. Kia heka ijyy rare. Jesuisi Kristu inatyhyna rare.

³ Inyò katyyriti-di rariakeki, eysamy ratxireri. Inyò kiamy roholakeki, eysamy ratxireri. Inyò kia rityhynykeki, eysamy ratxireri. Bededÿÿnana dori iòhòmy ratxireri. Kia ibutumy rotÿÿnyke.

⁴ Jiarÿ heka, Joaõ wahe, dohodÿÿna mahädu-ò watyyriti rewahinyreri. Debò inatxi reurò mahädu Asia bede-ki watyyriti rewahinyreri. Ruxetòena, ywina-wana adeereny kanakemy idi watzireri. Deuxu-ribi dori ratxireri, ihetxiu rare, tule tiiemy rarekre. Tii dori ruxetòena adee riwahinykre, tule irynana tyytyby riwahinyke, debò inatxi reurò mahädu wahe.

⁵ Jesuisi Kristu tule adee kia riwahinykre. Tii tahe inatyhyna ijyydu rare. Tii juhuu rubu-ribi ixixadu rare. Tii ibutu iòlò dinodu heka tii rare. Tii inyluure. Inyòraru iny-ribi tii riwatarenyre tahälubu òraru-ki.

⁶ Tii Xiwe wahidÿÿdu mahäduò ixidee riwinyre, inyboho wahe. Ibutumy ityhydÿÿdu heka xiwe wahidÿÿdu mahädu wese rare, iòlò mahädu wese wahe. Deuxu rekeàlámhyÿke. Ibutumy wowodyna, ruru-wana heka Jesuisi Kristu-ò rawahidÿÿmy rarekre ihyy hyymy. Kie

⁷ Beteheke, tii biuwetykywo-ki naderi. Ibutumy iny tuu robikre. Irubudÿÿdu tule tuu robikre. Ibutumy iny rahinykre, robukre iòraru-ki. Inatyhy rare. Kie.

⁸ Jiarÿ AA rare YY rare. Juhuu ludu rare, tule ikonana ludu rare. Deuxu jiarÿ rare ibutu ruru wahòrò rare. Aõu aõu jiarÿ watzixiwähäre.

⁹ Jiarÿ Joaõ rare, aityhydÿÿdu seriòre wahe. Jiarÿ tule awese aõhebo ratÿÿnyre. Jesuisi Iòlòna òraru-ki. Patmos debedute-ki jiarÿ ratxire, ròtena wese heka tai ratxire. Jesuisi inatyhyna dori retÿÿnynyre.

¹⁰ Nobiuotxuò heka jiarÿ aõma Deuxu Tyytybytyhy wadee dobehede. Iu tahe rybeò-ò raholare, juròna wodÿÿ wese heka rare.

¹¹ Tahe wadee rarybere: –Biritinyke aõma ibutumy aõbo kai bobikre. Ibutumy dohodÿÿna mahädu-ò kia tyyriti biwahinyke. Ka tyyriti tahe biteònyke heka debò inatxi reurò hãwã-ò: Efesu hãwã-ò, Esmirna hãwã-ò, Pergamo hãwã-ò, Txiatira hãwã-ò, Sardesi hãwã-ò, Filadelfia hãwã-ò, Laodisia hãwã-ò.

¹² Retehera wahewo-ò mobo wadee rarybereò. Tahe debò inatxi reurò loosòna mynynaley rabira, womati tÿrÿrÿÿle wahe.

¹³ Itya-ki tahe hãbuò wese rare. Ityky urarehe heka ratxire. Iwereysana heka womati tÿrÿrÿÿ heka rare wyò wòtena-ki roire.

¹⁴ Irade iurahakÿ ratximyÿre. Iruue heka heòty wese rare.

¹⁵ Iwa tahe bronze womati wese rare. Irybe wodÿÿ heka bee ijiranahakÿ wese heka rare.

¹⁶ Iruruwe-ribi debò-ki heka taina debò inatxi reurò sòwe rimyre. Irybe mayrehe wiòtxu wese iry-ribi ròhònymyÿre. Iòsÿny tahe txu tòtee wese heka rare, itÿnytyhyre.

¹⁷ Kia ibutumy rabireu, jiarÿ resera bede-ò rubu wesemy. Tii ruruwe-ribi debò watyre-ki ritidire, rarybere: –Buberuòtyhy! Jiarÿ juhuludu rare, ihewoludu rare.

¹⁸ Jiarÿ rurure, iribi tahe rexixare rubu-ribi, aõu aõu tahe jiarÿ watzireri. Tiu aruruòtyhy. Rububede dinodu heka jiarÿ watzireri, ityre waruru rare.

¹⁹ Biritinyke ibutumy tuu tabita wiji. Tule aõbo idi kanakemy biritinyke.

²⁰ Adee aritÿnynyke aõbo kia ibutumy rare. Debò inatxi reurò taina heka wadebò-ki rare. Kia taina heka dohodÿÿna mahädu ýju wese rare. Loosòna mynyna heka dohodÿÿna mahädu wese rare.

2

¹ Kia heka biritinyke Efesu dohodÿÿna ýju-ò: –Kaa heka inyò rybe rare. Tii taina debò inatxi reurò rimimy idi rÿimyhÿ iruruwe-ribi debò wahe. Tii loosòna mynyna yky-ki rariareri. Kia womati tÿrÿrÿÿhÿkÿ-di relere wahe.

² Aaòmysÿdÿÿna wiwihikÿ reeryre, awoxieresytere tule. Hãbu bina tiu aitxerenaòna toite. Inyò Deuxu deòdumy iximy uritere rybedu, teurihitenyte. Kia iruirybe teerytenyte.

³ Kaiboho tawoxieretyrenytenyte. Tule aõhòkÿmy tatÿÿnytenyte waòraru-ki, wijile tule wahe.

⁴ Kiaremy tahe sohojile wadee ibinare. Iwese juhuu waluu wesemy aōkō wiji ahātenyete.

⁵ Kaiboho heka atyhyna-ribi ahewo-ò tadòsetenyete. Kiaremy ta idi bexinohòtinymy bexirāhībenyke. Iwese juhuu atximahāte wese, ixityre boibekemy. Kiamy aōkōkeki, aloosōna mynyna ay-ribi aritakre.

⁶ Kiaremy ta akireny sohojile awire wadee. Kaiboho heka Nikolaita mahādu iaōaōna wiđȳ derarenyre wawesemy.

⁷ Iny rybeò ijohona mahādu boholaibenyke Deuxu Tyytybytyhy rybe-ò timybo Ityhy-dȳydu mahādu-ò rarybemyh̄yre: –Inyò òraruna ijesu ritakeki, tamy jiar̄y umytedeōna ariwahinykre. Kia tahe Deuxu bederaty ritokre, Deuxu oworu-ki r̄ym̄yh̄yre wahe. Kia bederaty inyru wahidȳydu rare.

⁸ Kia heka biritinyke Esmirna dohod̄ȳna ŷju-ò: –Kia heka Juhuuludu rybe rare, Ihe-woludu rybe rare. Tii rururibile rexixare.

⁹ Aōhōk̄ȳmy d̄ȳnana reerymyh̄yre. Uriterenodu wesemy toite. Ihāre tahe aōna aōnawiwī ahōrōreny rare. Aōludu mahādu umy rarybereri ibinamy. Tiiboho Satanasi mahādu roire. Judeu mahādu aōkō roire tiiboho tuu raryberhāre.

¹⁰ Buberuōtyhy kaiboho! Aōhōk̄ȳmy d̄ȳnanaō kanakre debò wiò txumy wahe. Tahe bu-beruōtyhyke. Rōtenawo-ki boibenykre. Burubenyke hārele heka òbitimy biwatyhnybenyke. Iribi tahe irud̄ȳna rataana adee ariwahinykre.

¹¹ Kaiboho nohōti-di mahādu, boholake timybo Deuxu Tyytybytyhy heka ityhyd̄ȳydu mahādu-ò rarybemyh̄yre.

¹² Kia heka biritinyke Pergamo dohod̄ȳna ŷju-ò: –Kia inyò rybe rare. Tii mayrehe wiòtxuree dire:

¹³ –Jiar̄y reeryre as̄y, ahāwā wahe. Kaiboho Satanasišy-ki tas̄nyteri, irynana rareri wahe. Tahe Kaiboho aityhyd̄ȳna teriōtenyete. Tai tiiboho warybedu Antipasi òbiti rirubunyrehārele.

¹⁴ Ihāre tahe akireny sohojile wadee ibinare. Ayreny-ki inyò Balaaō eryd̄ȳna rityhnyre. Tii ihetxiu Balake òraruna-txi aatysyd̄ȳmy ribedeeryd̄ȳnyre resed̄ȳkemy. Tii Israeli mahādu-ò rarybere:

–Xiwena aōma ide tahe biròbenyke tule òta tahe urihimyo tahe ibinare.

¹⁵ Tule ayreny-ki tahe Niolaita tohod̄ȳna ijōreny rityhnyre, timybo rexiòrarunanykemy. Kia ibinare wadee.

¹⁶ Tai marybeke tiiboho rexirah̄kemy idi iribi rexixāwid̄ȳnykemy. Tukōkeki, anakre wary-mayrehe wiòtxuree-di iòludumy areakre wou-ki.

¹⁷ Iny nohōti-di mahādu, boholake Deuxu Tyytybytyhy rybe-ò timybo Ityhyd̄ȳydu mahādu-ò rarybemyh̄yre: –Inyò òraruna ijesu ritakeki, tamy biu-ribi r̄ys̄na r̄yikre. Manauratyre-ki heka nūi t̄ymyra raritimy roire. Ōmo nūi rieryōre. Tunidukrele rieryre.

¹⁸ Kia heka biritinyke Txiatira dohod̄ȳna ŷju-ò: –Kaa heka Deuxu Riōre Rybe rare. Iruce heka heōty wese rare. Iwa bronze womati wese rare.

¹⁹ Aaōmys̄ȳd̄ȳna reeryreri, luuna, ywina, tyhyd̄ȳna, juhuu ratyre wiji aaōmys̄ȳd̄ȳna.

²⁰ Kiaremy tahe sohojile wadee ibinare: Kaiboho heka Jezabel teijemahātenyete. Kia hāwyy dori Deuxumy rybedu ixi-di rare. Ihāre tahe òtaōtamy, xiwe r̄ys̄my roto-hod̄ȳmyh̄yre, ritxoo hōrō wahe.

²¹ Jiar̄y tule txiò reijere òtaōta-ribi ixāwikemy. Tahe tuuōhyre.

²² Idi herina-ò arilidikre ihābu mahādu-wana. Tai aōhōk̄ȳmy rot̄ȳnyrenykre. Tiiboho kia rexirāh̄nyōrenykeki, tuu ele elemy ariwinykre.

²³ Iriōre bina arirubunykre. Tai ibutumy aōwid̄ȳnamyna ityhyd̄ȳydu mahādu ri-waerykremy. Jiar̄y heka inyo erydu dori rare. Kiaremyta iny sohoji sohoji ariōwinykre.

²⁴ Ayreny-ki tahe inyò r̄yre. Tiiboho bedeeryna bina rityhnyrenyōre. Tiiboho bedeeryna bina rieryōhyre. Txioinihe, bede ywina sira aōkō adeereny ariwahinykre.

²⁵ Iwese kaiboho tetyhnyete wese wiji bityhnybenyhykye. Ele ele dori arehemynykre.

²⁶⁻²⁸ Kaiboho heka òraruna ijesu bitakeki, adeereny ruru ariwahinykre. Kaiboho ihymy wadeewimy biwinybenykeki, bede bede dinodu mahādumy boibebenyke, iwese ruru Waha-ribi remyra wese wahe. Tamywikewi womati òhòte-di bede bede mahādu rihukre, iwese butxi ribòhōnyre wese wahe. Tule adeereny ariwahinykre aōma biurasò taina wahe.

²⁹ Iny nohōti-di mahādu, boholake Deuxu Tyytybytyhy rybe-ò, timybo tii ityhyd̄ȳydu mahādu-ò rarybemyh̄yre.

3

¹ Kia heka biritinyke Sardesi dohod̄ȳna ŷju-ò: –Deuxu Tyytybytyhy debò inatxi reurò dinodu, taina debò inatxi reurò dinodu kia rybe rare: –Aōhebo tat̄ȳnymahātenyete reerymyh̄yre. Arumy anireny rat̄ȳnymyhyre ihāre tahe tarumy ahātenyete.

² Bexirawahatebenyke ainatyhydÿÿna-ki, urikō-ribi kiemy ixāwiheny. Deuxuko-ki awityhymy aōkō ixi-di txeiemyhÿtenyete. Kia reerymyhÿre aōmysÿdÿÿnareny tewinymahāte.

³ Inatyhyna juhu taholatenytedi, bexinohōtinybenyke. Idi bityhynybenyke aōnanabina-ribi bexirāhike. Tukōkreki wasidu wese ierykōmy adeeremy anakre.

⁴ Ihāre tahe Sardesi hāwā-ki inyō reximymy òbitimy rarekremy ihÿre. Tiiboho wahe-ki tyky lyra urahakÿ-di kanariarenkyre kiemy dori òbitimy reximyreny.

⁵ Mobo rōtarenkyre, tyurahakÿ-di rexytynyrenyke. Inireny Rutyryiti-ribi aritaōtyhy. Idi Wahakō-ò wahōrōreny aritÿnyke tule iÿjuko-ki.

⁶ Kaiboho nohōti-di mahādu, boholake timybo Deuxu Tyytybytyhy heka, ityhydÿÿdu mahādu-ò rarybemyhÿre.

⁷ Kia heka Filadelfia dohodÿÿna ÿju-ò biritinyke: —Kaheka inatyhymy Deuxu deòdÿÿna rybe rare, òbitimy nodu wahe. Tii Davi ijō rayna dinodu rare. Tii ijō riraynykeki tiu inyō riratòbonyōtyhy. Tii riratòbonykeki tiu iny riraynyōtyhy.

⁸ Aōhebo tatÿÿnymahātenyete reeryre. Akyhynakōmy atximahātenytemy rieryre warybe dori tetyhynymhÿtenyete. Tai ijō adeeremy reraynra. Tii inyō riratòbonyōtyhy.

⁹ Bodoholabenyke. Satanasi mahādu heka Judeumy rexininimyhÿre tukōdu hārele. Idi adidydenyke akoreny-ò tatiowotimy kedeseke. Iu aluurenymy riwaeryrenyke.

¹⁰ Aōhōkÿmy dÿÿnana kanake ibutumy iny urihidÿÿmy. Kaiboho warybe tetyhynya, ywina-di tetyhynya. Tai ilau arayrubunyrenyke.

¹¹ Ele elemy dori adehemynyke. Ahōrōreny biyrubunyke inyō aribi rawasinyheny arudÿÿna rataana wahe.

¹² Oraruna ijesu inyō ritakeki. Tii icyby rubumy ruruōkre. Tii Deuxu heto-ki rasÿnyihykyre. Deuxuni ityre raritinyke tule Kristuni tÿmyra wahe. Jerusalēni tÿmyra tule ityre raritidÿÿmy rÿikyre, biu-ribi dobehede wahe.

¹³ —Iny nohōti-di mahādu, boholake Deuxu Tyytybytyhy rybe-ò timybo ityhydÿÿdu mahādu-ò rarybemyhÿre.

¹⁴ Laodisia hāwā dohodÿÿna mahādu ÿju-ò heka biritinyke: —Kie rybe kaa rare. Tii inatyhyna inatyhy rybe rare. Tii Deuxu-wana bede relereu, ratximyhÿ.

¹⁵ Aōhebo tatÿÿnymhÿtenyete ibutumy reeryre. Ainatyhyna-ki inatyhymy aōkō, txiōlemy aōkō toite tule.

¹⁶ Tai tahe iōraru-ki ixi-ribi aratarenkyremy rexinohōtinyre.

¹⁷ Kaiboho tarybetenyete: —Waaōwiwi-di roire. Awityhymy watxirenyreri. Wadeeremy aō rasiranyōhyreri. Idi urile texibōnytenyteri. Kaiboho dori abina, iaōkō mahādu, adehekÿ, aruety toite.

¹⁸ Kia aratohonykre: —Waribi womati tÿrÿrÿhÿkÿ aworibityhy biōbranyke, aityhynamy wiwihikÿ. Tasÿse tyyurahakÿ tule, ade wōtenamy. Tasÿse rueluahina tule, arue ywinamy.

¹⁹ Waluuna mahādu òhōte-di aribedeerynymhÿre warybemy tule. Tahe eryrewemy aōsusu-ribi bexitabenyke wadee.

²⁰ Bodoholabenyke. Ijō-ki rarymy watxireri. Inyō roholakeki ihetowo-ò aralokre. Tai tii-wana ariroxikre.

²¹ Oraruna ijesu inyō ritakeki, tii wawana waryna-txi ronykre iwese jiarÿ waha-wana nadonymyhÿde wese. Rōtare dori wawouna-ki.

²² Iny nohōti-di mahādu, boholake Deuxu Tyytybytyhy rybe-ò, timybo tii ityhydÿÿdu mahādu-ò rarybemyhÿre.

4

¹ Iribi tahe biu-ki ijōmy rabira rasina wese. Rybeō raholare, jurōnajorō wesemy. Iwese wadee rarybere wese. Kiamy narybede: —Mana òwònyke, aōhebo itxōmo rahudi rotÿÿnyke ini ariteōsinyke.

² Iule tahe Deuxu Tyytybytyhy riwamyre. Iu, inyō rynanamy rabira biu-ki.

³ Iōsÿny heka roosōnymhÿre womatiwihikÿ rÿsÿ wese, Jaspes wesena, Sadonio wese. Uwajiō wixira tÿre heka rare iryra rirurawonyre.

⁴ Tahe 24 ryna iryra rirurawonyre. Ityre tahe 24my wedu mahādu ronyre tyyurahakÿ-di. Irati-ki womati tÿrÿrÿhÿkÿ-di rarataanany.

⁵ Biudelaa, biumyta, irywana-ribi dohonyde. Heòtyloo heka debo inatxi reurōmy sōwe iko-ki rÿire. Kia heka Deuxu Tyytybytyhy tuu sōwedu rare.

⁶ Tule iko-ki mana aho roire iuramy raurananyre. Irurawona-ki wiōwiō-ki aōni in-aubiōwa rāire, irue sōwe ihewo-ki, iko-ki.

⁷ Aōni delena heka hālōhehekÿ wese rare. Ijō heka karōtihikÿ wese rare. Ijō tahe hābu òsÿny wese rare. Ikonanareny tahe nawiihikÿ dowōmy nade wese rare.

⁸ Ibutumy tiiboho debò sohoji reuròmny tesōwereny. Ta tiiboho tetya wirawyo rawyò irue dire. Tahe tiiboho rexielehynyōhylemy txumy rumy rawiunymyhÿ: –Ōbityhy tate, Ōbityhy tate, Ōbityhy tate Inynryÿ Deuxu rurutere. Kai tate, tule kai mabekre.

⁹ Kia heka inaubiōwa boho rawiunyre: –Wowydyna, àlana-wana rynana-ki rÿdu-ò, iki kiemy nodu-ò wahe.

¹⁰ Iu tahe 24 wedu mahādu heka tatiowotimy taōšÿny sutxi ritidimy riwowdynymyhÿreny resemy iko-ò. Tamy tarataana-di rehummy raryberenyre.

¹¹ –Wadinodureny, waDeuxureny adee sohojile heka wowydyna, loosōna, àlana rawahiye. Ibutumy dori aōna aōna tewinyte. Adeewimy rÿimyhÿre idi rariamyhÿreny.

5

¹ Ryna-ki rÿdu ruruna debò-ki heka tyyriti werywery wesemy rabira. Tyyriti tahe wirawyo rawyò-ki iriti dire, tii debò inatxi reurò iratòbōna sōwe.

² Ŷju ruru ruruhukÿ-my rryrmy dÿÿraxi-di: –Mobo ityhykre tyyriti ratòbōna aresy-dÿÿdukre iraydÿÿ-ki tule.

³ Tai tahe inyō ijōhyre: –Biu-ki, bede-ki, surawo-ki ijoōhyre.

⁴ Inyō ityhyōre iraydÿÿ-ki tamy itxere-ki. Iōraru-ki ta urile jiarÿ rahinymyhÿre.

⁵ Iule tahe matuariō wadee narybede: –Hiōmyke, betehe ta inihe Juda mahādu hālōhekÿ-ò, Iolò Davi iriōre riōre wahe. Tii dori tyyriti ratòbōna riorokre idi riraynykre, tii sohojile dori wou-ribi rōtare.

⁶ Kiamy tahe rabira, Budoeni Riōre wahe. Tii rynana ubey-ki rÿimyhÿ. Aōni inaubiōwa ijōre. Tiiboho-wana tahe matuari mahādu rÿire. Budoeni rurure wesemy rÿire. Iò tahe debò inatxi reurò rare. Irue tahe tule. Kia rare Deuxu Tyytybyō rare, tii bede bedemy nodu mahādu.

⁷ Budoeni riōre tahe rynana-ki rÿdu ruru debò-ribi ditade, aōma tyyriti wahe.

⁸ Iule ta aōni inaubiōwa, 24 matuari boho-wana tatiowotimy rejujure buddeni riōreko-ò. Tii sohoji sohoji wiuna-di, womati tÿrÿrÿhÿkÿ hyna-di ratximyhÿreny. Sohoji sohojiro-ki tahe òworusō wydysilÿnywi-di wese rare. Kia Deuxu tyhydÿÿdu mahādu ixitōedÿÿna violō wese tule ratximyhÿreny.

⁹ Tiiboho wiutÿmyramy rawiunymyhÿreny kamy wahe:

–Kai atyhy tate Tyyriti raydÿÿ-ò, iratòbōna eresydu tule. Arubumy heka Deuxu-ò Ixÿju ixÿju teōbranyte. Irybe wixira wixira, ibede wixira wixira iixÿjuna tule.

¹⁰ Iolòmy tewasynytenyete Deuxu dee tule xiwena wahidÿÿny mahādu wahe. Idi hāwā hāwā ariwedunyenkyre.

¹¹ Ŷju sōwetyhmy rabira rynana werora-ki, aōniboho matuari boho tule. Miliaō hōkÿmy rasōwerenyre.

¹² Tiiboho rirajuahakÿmy rawiunymyhÿreny: –Wowydyna, ruruna, deysana, àlana, loosōna tamy sohojile rawahinyrenyke buddeni riōre-ò. Tii dori rurure ityhmy

¹³ Tai tahe ibutumy biu iròdu iròdu, suityre iròdu, bera iròdu iròdu ibutumy aōna tule rawiunymyhÿreny rynana-ki rÿdu-ò. Budoeni riōre-ò tule kia rawiunymyhÿre. Rarehykyle heka rarekre. Kie.

¹⁴ Aōni inaubiōwa rirawyo nyre: –Kie, Matuari 24 tahe resereny iko, kiemy noduko-ò.

6

¹ Tahe Budoeni riōre heka tyyriti ratòbōnaō riōrōre. Kiamy rabire. Tule aōni inaubiōwa mahādu-ò narybede rybenihikÿmy biummyta wodÿÿ wese. Mana ini itxeremy.

² Tai retehere awaru urahakÿmy rabire. Tairÿdu iwaxiwahate dire. Tamy irudÿÿna rataana riwahinyreny. Tahe rare wou rōtakre.

³ Tahe ijō ratòbōna riorore. Ijō aōni tahe narybede inatxina wahe: –Mana ini itxeremy.

⁴ Idi awaru sōhōkÿ rōhōnyre. Inyō ityre rÿdu-ò ruruna riwahinyre, wou ritelenkyre bede bedemy. Tai hābu mahādu wii rahukre. Tule inyō mayrehe ityre rÿdu-ò riwahinyre.

⁵ Tahe inataōna ratòbōna riraynyre. Ixyby inataōna aōni rybe-ò raholare: –Mana ini itxeremy. Tai retehere. Awaru lybmy rabire, ityre rÿdu urihina-di tebò-ki.

⁶ Tahe aōni-ribi rybeō-ò raholare: –Womati nieru sohoji-di heka urihina sohojile heka trigo rawykre, txusohoji aōmysÿdÿÿna òwy wahe. Tule inataō urihina sevada rawykre, txusohoji aōmysÿdÿÿna òwy. Uritere ta uva-ò, adÿÿ-ò aōhe isÿdÿÿōmykre.

⁷ Tahe inaubiōwana ratòbōna riraynyre, Budoeni riōre wahe. Ixyby inataōna aōni rybe-ò raholare: –Mana ini itxeremy.

⁸ Tai retehere. Awaru bisamadòbòlÿre wesemy rabire. Ityre-ki rÿdu heka Rubu inire, heōty bede rubunana iheludumy. Inyō ityre rÿdu-ò ruru riwahinyre. Tai rōhōnyre iny

rirubunykremy. Inaubiòwa iny-ribi heka, sohoji rirubunykremy. Wou-ki, rama desemy, rubutyhy-di, iròdu debure-di heka iny rurure.

⁹ Tahe iruyrena ratòbòna riraynyre. Tahe Xiwena wahedÿÿna rawo-ki iny mahàdu rabire Deuxu rybe òraru-ki, tatyhydÿÿna òraru-ki rururenre mahàdu wahe.

¹⁰ Tiiboho rirajuamhyÿre: —Deuxu Inynyrÿhÿkÿ, kai tyhy tate, òbiti tule. Tiu wexi waòwreny bilidikre, warubudÿÿduren-ò?

¹¹ Tahe iximynamynamy tyurahakÿ-di rexitynyrenre. Tahe tamyreny rarybere urihimyo rexielehnyrenkre. Ijoiireny iwesereny rurukreu riraòrenykre. Isòwereny rexihureu wahe.

¹² Tahe debò sohoji reuròna ratòbòna riraynyre. Kiata idi suu ramytare inihikÿmy. Txuu urile rurunre, ahàdu isòmy relere, halubusò wese.

¹³ Taina tahe sutxi dejujude iwese bederaty yhydebore ritxiwimhyÿre wese.

¹⁴ Biu titxibo ikòre, iwese tyriti rarasemhyÿre wese. Ibutumy hāwālò bedebute tule taherina-ribi ratare.

¹⁵ Iu tahe ibutumy iny rexiwore hāloohokÿwo-ò, manahakÿ hewo-ò tule. Tii roire Iòlò mahàdu, bededinodu mahàdu, soldado dinodu mahàdu, ityhy mahàdu irurutere mahàdu, ibutumy ijò mahàdu rexiwore.

¹⁶ Tahe taixiwotena-ribi rirajuamhyÿrenre: —Watxireny mana heka bedesede rynana-ki rÿdu lau rexiwòrenykre. Budoeni riòre debure lau tule.

¹⁷ Deburena txu, kyarana txu heka reare tamy, mobo riijekre.

7

¹ Idi tahe inaubiòwa ÿjumu heka tuu rabire. Tiiboho heka inaubiòwa bedehitxihitxi bedemy rÿire. Tahe rimyrenre yhyhykÿ tebò-ki heka rimyrenre. Tiu heka òwòru radeò raykÿhyky roire. Bede-ki aòkò, aho-ki aòkò rebònyra?

²⁻³ Tule ijòmy rabire ÿjòmy ibryra-ribi rarerimy. Deuxu irumy nonadu hāletena nihikÿ widÿÿna heka diwmy idi nade. Iribi tahe inaubiòwa ÿju-ò tii rryre: —Txiokre inihe. Iwotòmodÿÿomyke wa suu, bee, òwòru. (Kia ÿju mahàdu dori, bede, bero, wotòmodÿÿdu mahàdu ihÿre.) Biraòriòreke heka Deuxu hāletena deòdu òru-ò aritidikre.

⁴⁻⁸ Tiwesebo kia ritidÿÿna rimymy idi rare. Tahe raholare heka jiarÿ tiweserebo. Ta 144.000 iny ibutumy. Israeli ijoi waòinatxi reurò kia ijoimy heka ixidee rimyre. Sohoji sohoji ijoi-ribi 12.000 inmy heka rimyre: Juda ijoi-ribi, Gade ijoi-ribi, Asser ijoi-ribi, Naftali ijoi-ribi, Manases ijoi-ribi, Simeao ijoi-ribi, Levi ijoi-ribi, Issacar ijoi-ribi, Zebulò ijoi-ribi, Jyje ijoi-ribi, Benjami ijoi-ribi, Kia ibutu ijoi-ribi heka 12000 inmy rimyre.

⁹ Iribi tahe sòwemy inmy rabire. Timy heka idi wariramahàduòkre. Ibutu 12.000 hāwā hāwā-ribi wirotyre. Bede ibutu rybe wixira wixira rybedu ibutu ijoi wixira wahe. Tai tahe Budoeniube-ò tiiboho rotamanyrenre. Budoeniko-txi ryanako-txi wirotyre. Ibutumy tiiboho ityurahakÿlemy roirem. Horeni iru-di heka roiremhyÿ.

¹⁰ Tahe rryrenre —irariemy rryrenre: —Biu-ò hena waDeuxu-ribi nade rynana nihikÿ-ki ronyreri. Tule Budoeni-ribi nade.

¹¹⁻¹² Tahe ÿju ibutumy heka widotyde ryanawerora-ò, tule matuari mahàdu tule iwo-ki. Inaubiòwa aòni ibutumy reserenre rynana nihikÿko-txi resere taòsana sutxi ritidimy Deuxu kia wowydynamy relere. Kie, myheka rarybere: —Wowydina, Bedeerydÿÿna, deàlana, loosòna, aruru, aixiòlòdÿÿna. Ibutumy heka kia kanakre inyDeuxu-ò. Rarehykyle, rarehykyle heka rarekre. Kie.

¹³ Tahe wawìò inaubiòwa matuari mahàduò wadee rÿÿraxire: —Kai aòbo teerymahāte kia tykurahakÿ-di ratxirenryeriò, tule tiribibo ròireri?

¹⁴ Tahe rarybere: —Aòkòre wanyrÿ, reerykòre. Bedelyyke wako. Tahe wako tuu delyyde. Kia heka dòhònyde heka aòhòkymy dÿÿnana-ribi dòhònyde rare. Ityky rityranre heka Budoeni riòre hālubu-di.

¹⁵ Tai ki heka rynana nihikÿko-ki ratxirenryeri Deuxuko-ki. Kaheka ruu, txuu-wana heka rāāhimy ratximyhyÿrenre taheto bededÿÿnana-ki. Kia rynana-ki rÿdu tahe riryubun-nyrenkre.

¹⁶ Tiu rama rirubudÿÿrenyomy heka bemomo boho. Tiu txutòteehekÿ-wana wirisÿnyòtyhy ybòtò boho-wana, txutye boho-wana.

¹⁷ Budoeni riòre dori rynana nihikÿko-ki ratximyhyÿre. Tii heka aryÿna adee ri-wahinymyhyÿkre. Tii heka adi itxeredukre heka aradykre heka Umyituedeòna ube-ò. Deuxu irube rirubudÿÿnykre.

8

¹ Budoeni riòre debò inatxi reurò hāletenamy ribòhònyreu, aòdee biu-ki roholaòhyre heka byy, myle roire: aòwodÿÿ wodÿÿhomy aòkò. Wadee meia hora txumy bedemy bede rewyre.

² Debò inatxi reurò ŷjumu tuu rabire Deuxuko-ki nyidemey. Tahe inyò tamy riðremey idi retehere debò inatxi reurò ajurònamy.

³⁻⁴ Tahe iwitxira ŷju nade. Tii womati tŷrŷrŷhŷkŷ atara nihikŷ. Tahe xiwenatyre orarade rŷny wihikŷ ritoonyre. Inyò riwahinyre ŷju-dee sòwemy. Riurinykemy Deuxu ijoi ixitòedŷŷna-wana xiwenatyre-ò risòkemy aderòna rŷnyrehekŷ heka womati tŷrŷrŷ xiwenatyre-ki ritxiwre Deuxu ryanako-txi. ŷju iribi tahe kia ibutumy raðwònyre Deuxu-ò.

⁵ Tahe heòty-di heka ŷju atara ritŷxinyra idi heòty-di rehure biu-ribi bede-ò. Tai tahe biummytxi ramytxynihikŷnyre heka suu biu tawe rihetenyrybe wese wodŷŷ ramytatara.

⁶ Tahe debò inatxi reurò ŷjumu heka rexiywinyry ŷŷire ajuròna-di jurònykemy.

⁷ Juhu ŷju heka rurònyre. Iribi tahe bedejutytyhykŷ heòty hâlubu-wana raurinyry bede-ò rejuxunyre. Bedejura tahe roomyhŷ asirade, bedero-wana inatað-ribi, sohoji roomyhŷ.

⁸⁻⁹ Iribi ihewoludu txuròna-di rurònyre. Tahe berahakŷ-ò resere hâwâlò nihikŷ wesemy. Tai ibutumy heòtylawò txuramy ituere. Iyre bee tahe hâlubuhukŷlemy relere. Iyre utura tahe ituere.

¹⁰ Tahe ihewoluduhe txuròna-di rurònyre. Iribi tahe tainahakŷò berohokŷyry-txi resere berayre-txi tule.

¹¹ Tainahakŷ heka ihyre inire. Tahe sòwemy iny ituere ihyre bee riurinyreki.

¹² Tahe ihewotyhy tyaludu txuròna-di rurònyre. Tahe aðwesele txutyemy txuu roosòðhyre. Tahe ahâdu tawekremy turutyhy inihe relere taina tule. Tahe bederurunytyhyre heka.

¹³ Tahe idi rethemy jiarŷ râiwâhâ. Tahe tuu rabire nawii nihikŷò ruòmny ratxirerið. Tii iryru-di heka rarybemyhŷ: —Bede heka rabinakre. Bede heka rabinakre. Suludu bede iny-ò rryrmyhŷ: —Txioinihe sòwemy aòbina binahakŷ rexiòtŷmyranykre. Tahe hewotyhy-ludu ŷju txuròna-di kudurònykre heka bede rabinatyhykre.

9

¹ Ijò ŷju tajuròna rurònyre. Tii heka iruyre hewoludu rare. Tahe ijò inymy rabire. Biu-ribi suò taina resere wese tii resere. Tamy ijò raynað diwahinyde, hâlòo nihikŷ ratòbòna rayna wahe. Hâlòo nihikŷ heka irehehekŷ rare.

² Tahe riraynyre. Wâðasi iribi tahe dòhònyde. Iwese tahe bede rurunyry wawerorareny-di. Txuu, ibutumy rurunyry wâðasi lybyhykŷ òraru-ki.

³ Tahe seihikŷlyby wese heka wâðay-ribi dòhònyde tahe desede suò. Seihe heka itytibòròhòkŷ wese heka ihe rare.

⁴ Asi rubudŷŷòmykre bederaradeò tule, òwòru tule. Inyò Deuxu kia ritidŷŷna iòru-ki rŷiòkeki, tahe tule tamy ijira rŷjike.

⁵ Iny rubudŷŷmy aòkòre. Tahe iny aòhòkŷmy rotŷŷnykemyre heka iruyre ahâdumy. Aòhòkŷmy rotŷŷnymyhŷre kia ihe juberereri riijererimy ihŷre.

⁶ Kia txuu tahe ixirubudŷŷmy reamyhŷre. Tahe aòkòre heka timyhe ixirubudŷŷkòmy tamyhe rubu dehemynyðhymyhŷde. Tukemy heka riwisŷnymyhŷre. Tahe aòkòre rubu iribi rahenymyhyre.

⁷ Seihikŷ heka awaru wese rare. Iwese awaru rexiywinyry wou-ki ralòkremy rŷimyhŷre wese heka rare. Irati-ki rŷŷire womati tŷrŷŷhŷkŷle irataana wahe. Iòsana heka iny òsana wese rare.

⁸ Irade irehehekŷre hâwyy radehekŷ wesele. Txuu tahe leað juhukŷ wesele rare.

⁹ Wyhy itxena ibreti-ki roimyhŷre. Womatile ibreti rare. Bede heka urile rawodŷŷnyhŷkŷmyhŷre. Iwese tewe awaru-di nodu sòwe iwodŷŷ rare. Iwese aòbina-ò rajjaramyhŷre wodŷŷ wese wahe.

¹⁰ Seihikŷ heka bòròhywe nihikŷ wese heka rare. Tahe iruru-di rare. Iny riwotòmonymyhykemy iruyre ahâdumyhyŷmy. Iherona ramytxytxyre iruyre ahâdumyhyŷmy.

¹¹ Iiòlo heka hâlòo rahejihikŷ wedu heka rare. Ini heka hebreu rybe, Abadu rare. Grego rybe heka, Apoliò heka rare. Iny rybe heka iny hàdu hàduhukŷ rare.

¹² Juhuu bedebinahakŷ ituera ròhònyra. Katahe ijò iwitxira kòðòhònykre inatximyhŷmy wahe.

¹³ Ijò ŷju tajuròna-di rurònyre. Tii heka debò sohoji hewoludu rare. Raholare heka rybeð-ò. Womati xiwenað-ribi ròhònyre. Xiwena-ò heka inaubiòwa sòwe. Kia womati tŷrŷrŷ xiwena heka Deuxu ryanako rŷŷire.

¹⁴ Kia ŷju-ò heka rarybere ijuròna dínodu wahe: —Inaubiòwa ŷju besedŷŷnyke ixinamy ròhònyke. Tii heka Bero nihikŷ ròtena-ki, bero Eufratesi-ki.

¹⁵ Tii heka ròtena-ki ratximyhŷre kia bededŷŷnanau, kia txuu, kia ahâduu kia beòrau. Iribi tahe riòlòdŷŷnyrenyre. Iribi tahe ihewoludu iny ibutumy rahure. Iyreire inatað hâwâ rajjuramy heka rahure. Inatað jura-ribi sohoji sohoji rirubunyre.

¹⁶ Tahe jiarŷ raholare tiweserebo aòbinadumy rŷŷire. Iny 200.000.000 inymy rŷŷire.

¹⁷ Tahe aõbinadumy rabira awaru tyre ronyreri. Awaru tyre ludu tahe iwihy itxena dire. Ibutumy wako-ki rýire. Ibutumy rabire. Womatihikýle, heõtyhykýwesele heka rare. Ijõ heka týreura rare safira wese. Ijõ tahe týre raramadòbò wesele. Awaru rati heka leaõ ratihiiký wesele rare. Heõtyle iry-ribi ròhònyreri wàdasi enxofre-wana wahe.

¹⁸ Kia heõty heka inataõ jura-ribi sohoji jura iny rahure.

¹⁹ Tule awaru nohewòru heka iruru dire. Iryribile tahe iheõty ròhònyre. Taile iruru rare. Hemylala rati wese dire ruròmý heka inatxi hemylala juwesele.

²⁰ Iny ituere sýtybymy tahe rarònyre. Deuxu deàlana dee heka reõbyõhyre. Diabo mahãdu luulemy ratximyhýrenyre. Aõma rityhynyrenyre womati týrýrýhýký ritxoo, òwòru ritxoo suritxoo, mana ritxoo. Kia ritxoo heka aõki robiõhymyhýre, aõ roholaõhymyhýre. Rariaõhymyhýre.

²¹ Iòraru-ribi roxirãhiõtyhy iribi tahe rahõtinyrenyre aõ òtaõtamy, rubudýýnamy, wasinamy, òwòrumy. Kiale rõhõtinyhýrenyre.

10

¹ Tahe iwixira ýjuhuký rabira biu-ribi suò robehererimy. Biuwetykywesehekýle iweroramy rýireri. Tahe owaji wese iratikile roireri. Iòsýny tahe txuwewehekýle, iwaube tasý heõtyhykýwesele roosòmý.

² Tii heka tyyritinadile debò ritýtenymy ratximyhý. Tahe itýte heka deboube-ki roimyhýre. Tahe tawaube ruruludu heka betye ritidimy idi rýire. Tawahyweludu tasý ityti-ò ridemy idi rýire.

³ Tii rryyre heka tarurumy. Leaõ iràhàkýwesele rryyre. Iu tii rarybereu, debò inatxi reuròmý heka ramytxynymy dirawyònyde.

⁴ Tahe riritinyre heka aõmybo timykira raryberenyé wahe. Tahe rybeò-ò raholare: —Kia widýýòmý. Kia rybe hewa ierysyna aõkò rare ixinamy tahe tuu roike. Biritinyòke aõmybo ramytxyna rarybere?

⁵ Tahe ýju suki ratxireri, beki ratxireri ruru ludu debò biu-ò riteòsinyre:

⁶ —Deuxu-ribi heka tuu raryberé, warybemy inatyhymy. Deuxu heka tiemy rarehyyle rare. Ibutumy heka riwinyre biu-ki rýira bede-ki rýira-wana. Tai heka warybe inatyhymy rare. Ararybekre heka raroorehenyòtyhy kaki.

⁷ Debò inatxi reuròna ýju tajuròna ritxurònykreu heka, Deuxu ibutumy relemy rýikre iwese rarybere wese.

⁸ Iribi tahe rybe biu-ribi wadee nade. Wade rarybere: —Biòryke hewa tyyritina ýjudebò-ki naderí suki bera-ki kia rýireri.

⁹ Tai tahe tamy rehemyreri iòhòmý tyyriti tamy rexitònyre. Tahe wadee rarybere: —Biwyke. Birýsýke. Juhuu tahe bidí wesemy ary-ò bidekre. Birýsýkreu tahe ibutumy rahyrenykre awo-ki.

¹⁰ Iribi rewyrã rerýsýra. Iwese tii juhuu raryberã wese rare. Ibreere juhuu. Iribi rerýsýreu tahe, wawe rubererenyre.

¹¹ Tahe wadee rarybere: —Kai heka dohodýýmy makre ixityre ibutumy inywitxiramy heka botohodýýkre. Ibutumy inywitxira witxira-my botoho. Ibutumy rybewitxira witxira botohomy. Ibutumy iòlòmý botohodýýkre.

11

¹ Iribi tahe inyõ wadee diwahinyde urihixinaõ. Wade rarybere: —Biurihikesý titxibo Deuxusý rýimyhýré. Iwo tule xiwena wahidýýna biurihike. Idi mariake tiwesebo iny iwo-ki rýirémy.

² Tahe ahana-ki iube idi riraõmyke. Tii dori ityhydýýdukòdu mahãdu dee wahisidýýna rare. Tiiboho dori 42 ahãdumy idi rariakre.

³ Jiarý dori inatxi rybedu idi watxiwãhãre. Tamy ruru ariwahinykre. Tii heka saumy-tykyle rariakre. Tii heka rybe ritýnynykre beõra inataõ weeremy.

⁴ Rybedu inatxi heka bederaty òwòru inatxi wese rare. Tahe tule inatxi loosòna mynydu wese heka rare. Kia Deuxuko-txi rýire wese heka rare.

⁵ Inyõ idi ibinamy riwisýnykeki, tahe ixirubudýýmy rorukumyhýre. Heõty iryribihikýle ròhònyke heka iny rirubunýke.

⁶ Tii heka irurudire biu dejuxu lau riekemy. Tahe tiu biu reseõtyhy heka inataõ beõra weeremy wahe tii Deuxu rybemy rarybereriu wahe. Ihãre tahe tii rexirahòreke bero nihikýmy aho nihikýmy hãlubumy rexirahòreke. Ihãre tahe ibutudee bina riwahinyke, rubuna riwahinyke tiiboho awimy tai raharenýkeki.

⁷ Kia heka inataõ beõra weere rikonananykeu, rybe týnydýýdu inatxi rikonananykeu, hãloo rehe nihikýwo-ribi aõni kòdòhònykreu, tahe aõbina nihiký-ki heka iu rýikre. Tahe inatxi rybedu rirubunýkre.

⁸ Iumy rubu tahe hāwāry-ki roikre, tibo inyr̄y rirubunyrele. Rawesenanyre, kia hāwā arininkre Sòdōma ada Egito wase.

⁹ Inataō txuu weere riwydi hāwā ube-ki iumy rubu roikre. Inyō heka tiu rituunyōtyhy. Ibutu iny hāwā hāwā-ribi ibutu rybe wixira-ribi heka tamy itxeremy rehemynykre.

¹⁰ Ibutumy heka iny teysamy r̄yikre urile iny wīdee aōna aōnamy riwahinymyh̄ykre. Tiiemy inyō raaōmys̄ydyōtyhy kiatxuu. Tai heka tahōti heka itxi reakre kia inatxi rybedu rurure tahōti itxi reakre. Lisini heka r̄yikre, worana bedehesi.

¹¹ Kia txu inataō txuweere-di, iumyreny iruna kòdòōsekre tamy Deuxu-ribi. Tiiboho lamamy rotamanykre. Iny rarokonykre heka ruberu nihik̄my r̄yikre heka.

¹² Inatxi rybedu-ò heka rybetereō biu-ribi nade: —Kaiboho bòdòibedenyke kaò. Tahe biuwetyky raòwònyrenykre kia iòludu mahādu idi retehemy r̄yireri yrubule.

¹³ Kiaule tahe bede ramytatakre. Debò wiò heto jura jura-ribi heka sohoji resere. Tahe 7000 inymy rurure. Tahe iny rarokonykre tahe iuhe ruberu nihik̄my r̄yikre. Tahe wowydyna riwahinykre Deuxu biu-ki ratximyh̄ykre.

¹⁴ Inatxina bede d̄ȳynana bina tahe ròhònyre. Tahe ijò kanakre.

¹⁵ Debò inatxi reurò ŷjumy heka juròna rurònyre. Tahe sòwemyhe iny rarybemy r̄ymyh̄y, ryr̄my r̄ymyh̄y: —Kia bede d̄ȳynana, iòlòna, inynyr̄y hōr̄ò rare. Kristu hōr̄ò rare. Aōu aōu tii ibutu ibutu iòlòmy ronykre.

¹⁶ Wawiò inaubiòwa matuari tahe, rynana-ki ronyrenyri Deuxuko-txi. Tahe Deuxuko-txi reserenyre. Wowydyna tamy riwahinyrenyre:

¹⁷ —Kai Deuxu, tuu tate ihymy, ibutururu ratyre aruru rare. Aruruteremy bonykre bede dinodumy. Umy reàlāmy kia-ò.

¹⁸ Iny heka ibutumy alau ruberumyh̄yre ibutumy òludumy r̄yire, adee deburemy r̄ymyh̄yre. Rubu hitxid̄ȳyna heka bede reamy heka roire. Eòdurenyle heka riòwynykre, aijoi riòwynykre, rybedu mahādu wahe. Ibutumy ani rityhynymy r̄yira, nihik̄y iya-wana, kia bede huduhuk̄y rare. Ibeded̄ȳynana reamy heka roire.

¹⁹ Biuwetyy riraynyre Deuxu heto. Ibutumy heka lobid̄ȳyna tyyriti hyna iwo-ò iny robimy r̄yire. Iu tahe biumytxi, biudelaa ibutu yhynihik̄y, ibutumy bede ramytatamy r̄yire, berahak̄y tule resere.

12

¹ Iribi tahe ròhònyre warasina-ki aōbo. Aōhebo bede rit̄ȳynykremy, biuwetyy-ribi hāwyōmy rabire. Txuu wese tahe itykyra. Tii lamamy r̄yire ahādu tyre. Tarati tyre-ki tahe tainahak̄y rataana idi r̄yire, waòinatxi taina wahe.

² Tii heka bòtòmy ih̄ymyh̄y. Ryr̄my heka txubrere rijemy tabeded̄ȳynana-ò resera uladu reakremy.

³ Iribi tahe aōna aōna biu-ki rexis̄ynymy, aōni hemylalasò nihik̄y wese wahe. Irati tahe debò inatxi reurò sòwe iratimy. Debòwiò sòwe heka iòmy. Irataana heka iratimyna myna r̄ymyh̄yre.

⁴ Tii tahe tōhewòru-di taina ributunymy ridyre. Bede tyre-ki idi rehure, taina juràò. Tii hāwyko-txi r̄yire. Uladu reakreule tahe uladu riròkremy.

⁵ Tahe tohouā reare, hābumy heka reare. Tii iòlòmy heka ronykre, ibutu bede bede iòlòteremy wahe. Ihāre tahe Deuxu ridyre. Raòwònyre heka Deuxu rynana-ò.

⁶ Hāwy tahe rahenyre bederahy-ò. Tii 1260 txumy heka tii bederahy-ki bede riekremy. Deuxule heka tii riywinyre.

⁷ Biu-ki heka aōbina nihik̄y r̄yire. Mielì, ŷju dinodu heka, taijoi-wana raaòbinanyre aōni-wana taijoi-wana.

⁸ Aōni tahe resera taijoi-wana. Ròtara. Biu-ribi ròhònykemy tahe idi ratxireri.

⁹ Riteònyre biu-ribi, aōni nihik̄y heka ròhònyra. Tii heka hemylala nihik̄y wese rare. Satanasi inire, Diabo wahe. Itxenad̄ȳydu heka rare ibutumy iny. Suki resera, taijoi-wana.

¹⁰ Raholare tahe biu-ribi rybeò-ò: —Deuxu tarasana heka rehemynyre. Tii taruru riteòsinyre iòlòtyhy raremy. Kristu taruru riteòsinyre. Aōbina bina rybedu tahe Deuxu-ò rarybehymy ratxireri, txu-wana, ruwana. Tii tahe ròhònyra biu-ribi.

¹¹ Waityhyd̄ȳydu seriòre mahādu heka ròtara Budoeni hālubu-di, inatyhyna hāletena-wana. Rurukemy ratxireri tiiboho tamydeewikeki.

¹² Beysabenyke biu mahādu. Koityhyxe tahe ahohok̄y, bede-wana. Diabo dori adee rehemynyre. Tii reburere, ibeded̄ȳynana dori iòhòmy reare.

¹³ Iu hemylala aōni heka bedekile ratxirerimy rieryreu, tahe hāwy tohouā-wana kia-ò aòhòk̄my rot̄ȳynykemy ris̄ynykemy idi ratxireri.

¹⁴ Tahe hāwy heka nawiihik̄y-ribi ideì rihuòtera, tahe idi ruòra bederahy-ò, tas̄y-ò.

¹⁵ Hemylala aōni tahe bee sòwemy tary-ribi rarybexinyre hāwy ribòròbòrd̄ȳykemy.

¹⁶ Tahe aòkòre. Suu tary riraynyre tahe ibutumy bee riòre.

¹⁷ Hemylala aōni tahe reburemy reare hāwyy dee. Ibutumy hāwyy ijoi mahādu rirubunykyemy idi ratxireri. Kia mahādu tahe Deuxu bede ywina rityhnyre, iwese Jesuisi tuu ritŷnyre wese.

¹⁸ Tai hemylala aōni ŷnyrakile rŷire.

13

¹ Iribi tahe aōnimy rabire berawo-ribi rōhōnyre warasina-ki. Tii heka debò inatxi reurò iratimy tahe debò wiò iōmy ijōdire. Rataanaō tahe sohoji sohoji iò-ki rŷire. Irati-ki tahe nibinamy heka rŷire.

² Tii heka hālòe wesetyhmy rare. Iwa heka ursowa wesele heka rare. Iry heka hālòery wese rare. Aōni heka tamy ruru sōwemy riwahinyre, irynana wahe.

³ Iribi heka rabire iratiō, sohoji heka wotōmonahakŷ dire. Tahe reytereri. Ibutumy iny riōtiinyre. Aōni riheludunyre.

⁴ Aōni hemylala heka taruru riwahinyre aōni-ò. Tai tahe ibutmy iny heka aōni riwowodynyre. Iny rarybere: —Mobo heka aōni wese rare? Mobo ijosedukre?

⁵ Aōni heka aōbina bina rarybere. Inyō ribyrenyōtyhy. Ahādu 42 tii heka kiawesemy rŷikre.

⁶ Tii Deuxu dee heka aōbinamy rarybere, Deuxusŷ dee, ibutumy biuludu mahādu tule rybebina-di ribinabinadŷnyre.

⁷ Inyō tamy ruru sōwemy riwahinyre Deuxu ijoi mahādu-wana raaōbinadŷkyemy. Tuu rahaŷnanykyemy heka ibutumy iny wixira wixira, ibutumy rybe wixira mahādu, ibutumy bede bede mahādu.

⁸ Ibutumy iny ityhydŷdukōdu mahādu tamy wowydyna riwahinyke. Budoeni Riōre ijoi mahādu tahe aōkōre, kia dori ini rŷirenyre tyriti-ki. Juhu bededŷnana inireny iwo-ki roire.

⁹ Tahe inyō roholakeki heka, bohohake.

¹⁰ Inyō ridyke. Rirōtenyke rōtenawo-ki. Ijō tahe rirubunyke. Deuxu ijoi mahādu tahe rexityhnykre idi òbitimy roirenyrekre. Kie.

¹¹ Tahe ijō aōnimy rabira. Tii rōtuōreri bede-ribi. Iò heka inatxire. Budoeni wese heka rare. Ihāre tahe aōni wesele rarybere.

¹² Tii juhu aōni wese rare, iruru. Rarybere: —Juhuludu aōni biwowodynyke. Kia ratiwotomona-di.

¹³ Budoeni aōni heka aōna aōna wiwihikŷmy riwinyre. Tii heōty biu-ribi resekyemy tii rotŷnyre. Ibutumy iny tuu robire.

¹⁴ Tii ibutumy iny riitxenanyre kia aōna aōna wiwihikŷ òraruki. Iny ibutu-ò rarybere: —Suritxooò nihikŷ biwinyke aōni dee. Tii mayrehe-di rawotōmore hārele ruruōre.

¹⁵ Tahe ihewoludu aōni heka rabunya suritxoo-ò tahe irumy rŷire. Idi suritxoo rarybere. Inyō tamy wowydyna riwahinykeki, tii tahe rirubunyre.

¹⁶ Tii rarybera ibutumy iny-ò: —Kaiboho waritina bitidike aōru-txi, eboreny-txi, ruruweludu wahe.

¹⁷ Aōkōkeki tahe aōhoho aōkō riwyke. Iny kia ritina ijōdiōkeki aōhoho aōkō rohonykre.

¹⁸ Kai erydŷŷna sōwekekile, aōhebo tatŷŷnytemy kaiboho bierybenykre. Kai erydŷŷnadikeki, aōni heka rieryke. Ini heka iritina raròsōna wese rare 666 ihŷre.

14

¹ Idi tahe budoenimy rabire lamamy nyidemy Jerusalē hāwā-ki. Aōma Siaō hāwālòkile rŷiremy. Tii-wana heka rŷire 144.000 kia inymy heka tii-wana rŷire. Ibutumy tiiboho heka tybynimy, inymy heka ibutumy iōru-ki raritinyry rŷire ibutu òru-ki. Tahe tuu rabire rasinaōmy.

² Biuwodŷŷ nihikŷmy raholare, tule biuwodŷŷhŷky ada benihikŷ leselere wese iwodŷŷ rare. Tahe sōwemy iny rawiunymy rare violaō-wana, kia wodŷŷ wesehekŷle wahe.

³ Kia heka wiu tŷmyra riryrymy rōirenyre kia iny tŷmyra rirahura mahādu. Kia Deuxu rynana nihikŷko-txi heka rotŷmynyrenyra. Kia inaubiōwa aōnityhy heka waitue inaubiōwa matuarimy tahe ijōmy rŷire. Tahe 144.000 kia inyle heka rawiunykeki, awimy rŷike. Tii dori aōma tarasadumy ratximyhyrenyre.

⁴ Tiiboho heka tyra roire, tiiboho heka òbiti roire iwese ijadōma ratxirerimy ihŷre wese òtadu mahādu aōkōhyre. Tahe budoeni riōrehekyemy heka rare titxibo tii rare hemy. Tii dori wydynamy rare. Kia hābuy-ribi. Bede ywisidŷŷna juradŷŷna kia dinodumy heka rare. Deuxu heka Budoeni Riōre-wana wahidŷŷnamy heka roiremy.

⁵ Tiiboho heka raryberenyōtyhy tiiboho ruidu roiremy. Òbiti heka tiiboho roire. Tiiboho heka rahitxirenyre Deuxu dee.

⁶ Tasŷ ijōmy rabire ŷjuōmy aōma biuwetyky kiako-txi raramy ruōmy rabirerimy. Tii heka Rybewihikŷ tŷmyra rimymy idi rara aō inywixira-ò ritŷnynykremy. Ibutu bede bede inywixira-ò ritŷnynykremy. Ibutu rybe-di ritŷnynykremy, Rybewihikŷ tŷmyra wahe.

⁷ Kiamy heka ryrure: —Deuxu bityhnyke. Marybebenyke tii awi raremy nihikÿ raremy. Bededÿÿnana rehemynomy roire ihitxidÿÿdu bede-ò. Bityhnybenyke tii dori bede ibutumy riwinyre bee, biu ibutumy riwinyre.

⁸ Tahe ÿjuò heka ihewomy ruòmy ratximyhÿre. Babilonia hãwã nihikÿ rexihura. Ibutu iny dori ðarurana-txi resera. Kia hãwã mahãdu dori ibutumy iðrarudÿÿnyra.

⁹ Iribi tasÿ iwitxira ÿjusÿ tamy nade iheto-ò. Tii tahe ryrury nade: —Inyò aònimy ada iritxoomy rityhnykeki, iribi riwykeki iwotòmona iòru-ribi tebò-ribi riwykeki iritidÿÿna, tii tahe Deuxu ykarana heka iribi riwykre.

¹⁰⁻¹¹ Tiiboho heka aòhòkÿmy rotÿÿnyrenykre ÿjuco-txi. Budoeni Riòreko-txi aòhòkÿmy rotÿÿnyrenykre. Heòty kia bede dÿÿnana tyhy tiemy raòwònyhy rarakre. Tiiboho dori tiemy aònityhy nihikÿle, iritxoo-wana rityhynmyhÿrenykeki, tiiboho heka iritidÿÿnale ixi-ki riwymyhyrenyke.

¹² Tai tahe ibutumy iDeuxuhe ywina-di heka iwitxira iny ronykemy heka ratximyhÿre. Ibutu aò ðta ibina bina biòludunbenykemy, tiiboho dori ajiò òbitihy boibekemy ikonana-ò. Jesuisi bityhnykemy.

¹³ Iribi tasÿ ixityre ijò rybe-ò raholare watyre-ki. Rarybere: —Kiahe biritinyke: Aò roorehemy aòkò heka dehemynomy deade. Kia Jesuisi-ò rurure heka uriòno heka tamy dehemynomy deade. Iribi tahe tule rarybere: atytyby reasamy rariere. Myle. Tahe rexielehynomy heka rorukumyhyrenyke aòhòkÿmy dÿÿnana-ribi. Tii dori aòwiihikÿle riwinyrerimy ihÿre. Reeryre heka.

¹⁴ Idi tahe iwitxiramy aòmybo rabire wiribi hitxiramy. Nonoe wetyky urahakÿle wese heka rare. Inyò ityre-ki ronymyhy. Hàbuò wesehekÿlemy heka rare. Irataanadihikÿlemy ronony heka tarati-ki heka idi ronymyhy. Womati tÿrÿrÿhÿkÿle wesehekÿle irataana rare. Tahe ijò heka itieresynaò-di heka tebòkihikÿle heka rÿire.

¹⁵ Ijò heka Deuxusÿ-ribi nade, ÿjuò. Tamyhe ryrure: —Bexitÿmyranyke, itieresyna-di tasÿ bexitÿmyranykre. Bededÿÿnana rehemynomy roire adee aò biòròròkemy.

¹⁶ Tahe kia nonoe wetyky tyre-ki ronyreri tahe rexidelenyke riòròrehe. Riwyrehe ibutumyhe aòna aòna riwyre tahe ributunyre.

¹⁷ Kia ijò Deuxusÿ-ki ratxireri tasÿ tule debònadimy ratximyhy kia tieresynadile ratxireri.

¹⁸⁻¹⁹ Kia ÿju aòma heòty kia loo-di ratxireri tahe dryrde heka tieresynadile tamy rehemynykemy. Tieresynadile biorobeke idi atxibeke. Ibutumyhe bede bede kia biorobeke. Ceifale dori biorobeke. Rubumy dori rÿire hitxidÿÿna-ò. Iribi tahe reare. Tiò tiò idi reamy tahyna-ò rabutumy reare kia Deuxu ykarana-ò.

²⁰ Tai tahe bederatyhe risorunyenre hãwã-ribi hitximy. Sòwemy hãlubu ròhònyre. Kia urihixina heka sohoji metro weere heka rare. Irehere heka bero wese 300 quilometros irehemy. Awarulomy heka rabeheòmy roire ibero.

15

¹ Ijò aòna aònamy rabire biu-ki ihewo-ribi riteòsinyreri. Debò inatxi reuròmy ÿjumy heka rimyra kaa aòmysÿdÿÿna. Kidiwydenykre heka debò inatxi reurò aòhòkÿmy dÿÿnanamy. Idi tahe Deuxu ykaranamy rexikonanamyhe roikre.

² Iribi tahe bero nihikÿmy rabire wako-txi aòma heòty wese, womati tÿrÿrÿ wese. Sòwemy heka inmy rabire kia sutyre-ki nyidemy bero iòhòmy. Ibutumy heka aòni debure deburehekÿ kia rubu-ribi ritamy nyide. Iu heka aòni tai roiòhykyre heka, aritidÿÿna roiòhykyre heka. Tahe aòma aònimy rahaÿnanyrenomy ratximyhÿre iritxoomy tule violaò oworuwodÿÿke tai rÿire, Deuxu rawiunyenryeri riryryeri.

³ Moisesi Inynyrÿ deòdu wiu riryryreri. Tule Budoeni Riòre wiu riryryrenyryeri. Kiamy heka rare: —Oi Deuxu, Kai heka aruru-di tate. Aòni tewinmahãte. Ibutu tarasana tewinmahãte. Ibutu heka ary òbiti rare. Awi heka rare. Kai heka ibutu iòlò tate.

⁴ Iòlòhyky tanamahãte. Tiemy heka rityhynomy hyky hyky tanamahãte Inynyrÿbohomy. Wowodyna heka adee riwahinmahãke. Kai sohojile heka òbitityhmy atximahãte. Ibutu bede bede ludu heka anatyhnykremy kede kedeakre. Ibutumy aòbo tewinyte. Ibutumy bede òbitidÿÿnymahãte heka rieryre.

⁵ Kia bedeò heka Deuxu hetomy roimyhÿre ierykònamy roimyhÿre. Iwòte ierykòna. Tii heka riraynyrenyke heka kia bede.

⁶ Kia debò inatxi reurò kia ÿjuhe ròhònyre Deuxu heto-ribi. Diwydehe debò inatxi reurò aòhòkÿmy dÿÿnana. Aòma itykyrenyke, linho urahakÿ itykyrenyke. Irawo-di ibreti werysanamy tahe womati tÿrÿrÿhÿkÿ reare.

⁷ Sohoji aòniò aòma Deuxu ykarana hyna sohoji sohoji-ò tamy diwahinyde.

⁸ Deuxu hetowo heka aòma wàdàhàkÿlemy reare. Loosòna dori iruru dori sòwemy rÿimyhÿ. Tai heka urile roosòhòkÿmy ratÿrÿrÿhÿkÿmy. Inyò heka iròteòna. Debò inatxi reurò ÿjumy. Kia ritxiwimy rexihudile tahe iny ralòke.

16

¹ Deuxu hetowo-ribi ijōmy raholare rybetereð-ò. Rarybereri ŷju mahādu-ò: Boibenyke hewa abede-ò. Debò inatxi reurò hyna bitxiwibenyke kia Deuxu ykarana hynamy. Tahe ŷjumy dòhònymy deade tahyna-di ditxiwide bede-ò.

² Iribi tahe rexidelenymy reare aōma juhuu ŷju ihyna ritxiwire bede-ò. ŷju binahakŷmy ròhònyre ibutu inymyhe robŷtŷmy reare. Kia aōma aōni kia ritina iòru-ki rŷirele kŷnyhe tuu rŷiximy. Tule suritxoo rityhynymyŷhŷrele kia mahādule heka yjy yjy ròhònyre.

³ Tahe ihewoludu heka tahyna-di dòhònymy deade. Betyre ritxiwire. Bee hālubu hukŷyemy reare. Ibutumy bera-ki raremyhŷre ituere.

⁴ Juhu ludu hewoludu tahe ritxiwire berohokŷ tyre heka ritxiwire. Bee ibutumy bewydysyna rihòrònyre. Ibutumy hālubu hukŷyemy relere.

⁵ Tahe ŷju rybe raholare aōhebo bera-ki rotŷŷnyrerìò: —Kai Deuxu, Kai awi tate. Kai òbiti tate. Tuhyh ahāte ihāre tahe tuhyh ahāte.

⁶ Rybe tŷnydŷŷdu mahādu heka ituere, rurure. Deuxu ijoi hālubu ritxiwire suò. Katahe rubudŷŷdu kaihe iòwydŷŷdukre. Hālubu tetxiwiteriki tule iòwydŷŷdukre.

⁷ Tahe raholare ijō ŷju rarybereri-ò, Xiwena-ribi heka ròhònymy: —Kia InyDeuxu heka ibutumy ruru dire. Ibutumy tewinyte òbitimy awimy.

⁸ Tahe ihewotyhy konana ludu tahe ritxiwire hyna txutyre-ki. Tahe txuu ratòteenyre itòtee nihikŷmy relere. Sòwemy heka iny risòre bedetòtee.

⁹ Tai tahe rirajuamyhŷre Deuxu nibinahakŷmy rirajuarerimy ihŷre Deuxu dori diteònyde heka bededŷŷnana binahakŷ. Tahe inyò heka tòhòti rawitxiranyòhyyre iraykywydyna. Kiamy ixiwesehyy ròhòtinyrenyre. Kia iny heka aōhe rotŷŷnyòhyyre wowydyna loosònabo.

¹⁰ Iwitxira ŷju tahe aōma ritxiwire tahyna aōni ryna tyre. Kia heka aōni beludu rare. Tarynana tyre ronmyhŷ. Tahe ibutu iryananareny torohokŷyemy reare. Ibutu iòlòna torohokŷyemy reare. Tahe tòròtò-ki ruruare taaòhŷkŷhŷkŷnareneny-di.

¹¹ Tiiboòna heka Deuxu nibinahakŷmy rryre webinadumy roireki taaòhŷkŷhŷkŷnareneny-di. Timy heka rexinohòtilosanyòhyymyhŷre aòbina binahakŷ riwinyumy roiremyhŷ-ribi.

¹² Tahe iwitxira ŷju tahyna ditxiwide. Eufratesi berohokŷ tyre ritxiwire. Tahe ibutumy heka ruŷre. Oriente iòlò mahādu dee tahe ryy kia riraynyre.

¹³ Tuu rabire heka inataò tyytyby binahakŷ. Rexitykynyre òrò tykyhykŷ wese rexi-tykynyre. Aōni heka hemylala aōni inire tahe iry-ribi rexiòlòdŷŷnyrenyre. Tule aōnibina witxirary-ribi, tule aōni rybedubina-ribi.

¹⁴ Iribi heka aōni bina tyytyby kia tyytyby ibutumy heka bede dinodu iòlò ributunyre. Raaòbinanykemy heka dirahue Deuxu kia mahādu-ò. Deuxu ihitxidŷŷnatxumy rŷikemy heka anade tii dori ibutu ratyre aōna aōna-ki.

¹⁵ Kristu rarybere: —Tahe bohobabenyke. Aòwesele heka anakre. Wasidu wesemy heka adehemynymy adeakre. Ibutumy iny wararòsòdu mahādu teysamy rŷikre. Atyky heka biywinymahābenyke tai timyki maixŷrubenyòtyhy adehemynykreu.

¹⁶ Kristu rarybere: —Ibutumy heka widotyde aòbinakedu Mikidu hāwā-ki wahe. Hebreu rybe-ki tahe Armagedon inire.

¹⁷ Tai tahe ikonanytyhy ŷju tahyna ritxiwire yhykile. Tahe raholare biumytxihikŷ raholare Deuxusŷ-ki. Deuxu rynana-ribi dòhònyde: —Ibutumyhe rakonanamy roire.

¹⁸ Tahe biumytxihikŷy ibutumy rawodŷŷnyre. Tule biu relaanyra. Biu ramytataòmyhŷre idi tahe ramytatare. Tii heka lahityhy rare.

¹⁹ Tai tahe Babilonia hāwā rabòhòre inataò jura juramyhŷmy. Ibutumy hāwā nihikŷ-ribi hetohokŷ rejuxunyre. Tai tahe kia Babilonia kia òraru-txi tahe Deuxu tòhòti reare. Tai tahe aòhòkŷmy risŷnymyhŷ ibutumy aòbede binahakŷ tamy riwahinyre.

²⁰ Bedebute ibutumy rexiwore. Iribi tahe hāwālò tytyhykŷyemy reare bedero wesehekŷy.

²¹ Idi inytyre resemyhŷre bera ere erewesele resererimy ihŷre. Ijō iutxie tahe 40 quilo bede heka iutxie rare. Kia tahe iny sumy rŷire nibinahakŷmy Deuxumy rarybemy.

17

¹ Tahe ŷju monahyna-ki wadee rybemy nade: —Adee aritŷnynykre aòbo Hāwā Bero sòwe aòhebo rotŷŷnykré heka. Kia hāwā adee ariteòsinykre timybo rare. Wedena wese aòhòkŷmy rotŷŷnykremy. Deuxu heka aòhòkŷmy dŷŷnana riwahinyke kia hāwā-ò.

² Bede iòlò dinodu tamyhe iòraruna tamy rexiòrarunyre. Tule iny bedemy rŷira mahādu ralòre tamy òtaòtamy.

³ Tai ta kia ŷju tamy riwadyre bederahy-ò. Deuxu Tyytyby wadee dobehede? (Ri-watyytamy watyytyby heka ridyre). Tai tahe tuu rabire heka hāwyyumy aōma iròdutyre-ki ronryerimy. Iròdu heka isòhòkŷyemy roire. Debò inatxi reurò iratì rŷire, tahe iò debò

ituemy sōwe. Iritina heka aōkōre rarỹỹnnymyhỹre. Deuxudee heka aōbina binahakỹlemy tai iritidỹỹna rỹimyhỹre.

⁴ Hāwyy heka isòhòkỹ ityky rare, iwihikỹ rare. Ityky tyre heka womati tỹrỹhỹkỹ roire. Mana rỹsỹ wiwihikỹ, woumana-wana. Bemona debò-ki idi rare. Iwo-ki tahe bemonawo-ki tahe aōna bina nibina tai roire.

⁵ Tai tasỹ iòru-ki tule rỹire iniò. Aōbo rare tahe iny rieryòtyhy. Babilonia Nihikỹ rare. Ibutu wedenase tii rare. Ibutu inyinbase tii rare. Kia luunadu ibutumy bede bede-ki.

⁶ Iribi tahe rabire hāwyy ixityre. Tii iny hālubu riòre. Ityhydỹỹdu mahādu hālubu-di rexiòdewārinymy heka rare. Tiiboho rurure, òbitimy Jesusimy rityhnyreki wahe. Kia hāwyy tahe rabireu, rexiòtiidỹỹnyre.

⁷ Tai tahe ŷju wadee rarybera: —Aōherekibo bede teòtiinymy tỹite. Adee arelyykyre aōbo rare —kia hāwyy iròdu-wana, aritỹnnykyre tiiboho aōbo raré.

⁸ Iròdu tuu tabita, irumy rare tahe rurukre ele elemy. Tii hāloorehehekỹ-ribi kòdòhònykre. Iribi tahe rexihukre. Tii rurure idi ixiby dòòsede. Bede iny mahādu bede riòtiinnykre idi heka iròdu debure binamy robirenykreu, bede riòtiinnykre idi. Tiiboho dori ini ihoòre iru tyritiwo-ki. Tai tahe iròdu deburebina lau ruberure. Iròdu dori ihetxiu irumy rare tahe wiji aōkōre. Idi tii irumy kanankre ixbyle.

⁹ Kia ibutumy adee aritỹnnykyre: Debò inataō rati tahe iròdule rare. Kia hāwyy ityre ronyre kia hāwālò wesere. Iròdu rati tule iòlò mahāduò rare, debò inatxi reurò sōwe.

¹⁰ Iruyre iòlòò tahe reserenyke. Sohoji iòlò tahe ratximyhỹre. Ihewotyhy ikonanaludu tahe, kanakre wijina. Tai ibededỹỹnana iòhòlere.

¹¹ Iòlò debòinataō ludu tahe iròdu rare —kia irumy juhuu rare tahe wiji rurumy rare wahe —tii juhuuu iòlò mahāduò rare. Tii tule ituekre.

¹² Debò itue òmy tuu tabitamy wahe tule iòlò mahādu rare. Tiiboho kanakre iòlòwesemy. Iròdu-wana tiiboho hāwā wedumy ronyrennykre iròdu aōni-wana sohoji horamy. Tii tytyby bina rare.

¹³ Tyritiò riwinykre idi tahe ibutumy ruruna iròdu bina-ò riwahinykre.

¹⁴ Raaòbinanyrennykre my heka Budoeni Riòre-wana. Tahe Budoeni Riòre aōbina-ki haỹnadukre. Tahe ŷju wadee rarybere: —Tii dori butu iòlò, ibutu iòlòna ratximyhỹre. Ibutu inynyrỹ ratximyhỹre. Ijoi heka kia ywimy tii-wana roire itarasaò-ki. Kia rityhnykremy rỹrỹre ihỹre.

¹⁵ Tahe kia ahohokỹ, berohokỹ tai kia hāwyy ronnymyhỹré. Tiiboho iny rare ibutu rybe-ribi, bede-ribi wahe.

¹⁶ Debòwiò òmy tuu tabita iròdu-wana heka hāwyy derarennyre. Tii irurawonykre. Tii heka heòty-ò risòmy, riròrennykre wiò wiò. Ityky iribi ritara idi.

¹⁷ Ibutumy inywese rare. Bede bede iny ibutumy rybe òta òta rarybemyhỹre. Tahe Deuxu heka riwahinyre aōbo ixideewimy riwinykremy. Tai tahe aōwaxiny aō tamywi heka riwinykre. Tai tahe ibutumy iròdu sòhòkỹ taru riwahinykre, Deuxu Rybemya bede rỹidi.

¹⁸ Hāwāhākỹ nihikỹ tabite heka wedena wesemy roire. Kia Hāwāhākỹ heka ibutu wedu iòlò rare.

18

¹ Tai tahe ijòmy rabire ŷjumy rabire biu-ribi ròhònyreri. Tii sòwemy iruru rare. Tii sòwemy iloosòna rare. Ibutumy bede ritoosònyre.

²⁻³ Ta rryyre tarurumy tii rryyre: —Babilonia nihikỹ resera! Resera! Katahe aōma wedumy, bede bede iòlò heka tii-wana òta riwinyre. Ibutu iny-ò tamona riwahinyre iòtaòta boho boho. Nawii wixira wixira ibinahakỹ tai rasỹnnymyhỹre, tytybybina-wana. Ijohodu mahādu idi nieru sòwemy ributunyre. Idi rexityhnyre.

⁴ Iribi tahe raholare ixityre rybeò biu-ribi rarerí. Manake hewa, Bòdòhònyke wa kia hāwyy-ribi. Kai heka wajoi toite. Tii-wana bexiòrarunbenykeny aōkò! Bexiòrarunbenykeki tii-wana, tai tii-wana aòhòkỹmy botỹỹnykre.

⁵ Tii heka iòraru sòwe nihikỹmy ratximyhỹre. Deuxu heka aòhòkỹmy dỹỹnana tamy riywinymy ratximyhỹre iòraru-ki.

⁶ Biwinymyhỹre heka iwese tii riwinymyhỹre wese. Aō ibinamy ibinatyhymy tamy relekre.

⁷ Aō ibinamy ròhònyke inatxi bededỹỹnanamy tamy ròhònykre. Ibutumy aōbo tamywimy idi raremyhỹ heka riwinymyhỹ ixideewimy. Katahe iwese aòhòkỹmy rotỹỹnykre tahe rabadewokre. Hāwyy tahe ixidee rarybere: —Jikarỹ ikòlò rare. Wytese anokò jikarỹ rare. Tiku heka rabadewokòtyhy anohòkỹmy ratykỹnykòtyhy.

⁸ Tai taheka aòwesele heka tamy bedeòtiidỹỹdu kedehemynymy bedeakre: rubu, aòdese, rama uritereribile tamy kedehemynnykre. Heòty ibutumy ritoonykre. Deuxu urihixina-di dehuu ratximyhỹre. Tii ruru-di ratximyhỹre.

⁹ Kia bede dinodu mahādu rahinykre itōenamya. Tii-wana dori òta òta riwinyrenya. Tiiboho robikre wàdà iribi ròhònyrerio wahe.

¹⁰ Irehemy iribi rÿire. Ruberureri iaòhòkÿmy dÿÿnana lau. Tahe raryberenya: – Babilonia hāwā, kai hāwā nihikÿ rare. Tahe wiji ituera atximahāte. Kobelàhāxe.

¹¹ Ibutumy aōna-ribi ijohodu rahinykre itōenamya. Inyō dorihe iaō tamy riwydyōmy tamy ijohonamy aōkō.

¹² Juhuu heka raaòbradÿÿmy aōma iny mahādu ratyre. Womati tÿrÿrÿ riòbranyōre. Tule woumana riwyrerimy ihÿre juhuu. Tykyisòwihikÿ wixkira wixkira heka riwyrerimy ihÿre. Tule òwòrulÿnyre, iròdu nohòmy riwinyrerimy ihÿre. Bede ritxoo ibutumy aōna iòwyhykÿre. Womati òta òta wiwihikÿ riwyrerimy ihÿre.

¹³ Aōma rÿsÿna uri wiwihikÿ tule aderòna wiwihikÿ, tule wÿi riwyre, paò widÿÿna, adÿÿ-wana riwyrerimy ihÿre. Tule maixòmo, broreni, budoeni, awaru, tewe, ityti heòty, tule iny deòdu iòwydimy.

¹⁴ Tahe ijohodu mahādu rarybere hāwā-ò: –Ibutumy aōna aōna wiwihikÿ ituera, kia kaiboho riwyrerimy ihÿre. Tiu ixityre aōna aōna riwyòtyhy, ixāwira.

¹⁵ Tahe aōna-di ijohodu mahādu rabadewokre, rahinykre tiiboho dori iòraru-ki raityhinyrenya. Irehe-ribi retehere. Ruberurenya. Ryrureri:

¹⁶ –Kobelàhāxe hāwā wihikÿ. Ibutumy atykysò ituera, awomati wiwihikÿ ituera, woumana, manawiwihikÿ ibutumy ixāwira.

¹⁷ Sohoji òraule ibutumy iaōna aōna ixāwira. Ibutumy hāwòhòkÿ dinodu urile, iwiòhenadÿÿdu mahādu tule suludu mahādu retehereri irehe-ribi. Tii dori nieru ritamyhÿre iaōna-di.

¹⁸ Iu hāwā wàdàsima robirenireu tahe, rryre: –Kia hāwā wihikÿ rare. Ijò hāwā iwese ihoòhyre.

¹⁹ Tahe brybysi ityreneny rehurerimy ihÿre. Rahinyrereri, rryrereri: –Bobrekÿ, bobrekÿ hāwā wihikÿ. Aòwesele heka ixāwira. Ibutumy ityhy mahādu, iaōna rexihura.

²⁰ Tahe kaiboho beysabenyke biu ludu mahādu. Hāwā nihikÿ dori ituera. Deuxu hòrò mahādu, Deuxu deòdÿÿna mahādu, Deuxu dee rybedu mahādu ibutumy beysabenyke. Deuxu dori iaòhòkÿmy dÿÿnana tamy riwahinyre aòrauru-ki.

²¹ Tahe ÿju nihikÿ heka manaò rimyre, mana nihikÿò, iwese maixòmosyna mana wese wahe. Idi rehure ahobero-ki rehure. Tahe rryre: Kíawese heka Babilonia hāwā-di arehukemy watxireri waruru-di. Ixāwikre.

²² Tahe wiu wodÿÿ kia hāwā-ki roholaòtyhyke, harpa wodÿÿ aòkò, flauta wodÿÿ aòkò, juròna wodÿÿ aòkò. Aaòmysÿdÿÿdu aòkò kia hāwā-ki raaòmysÿdÿÿòtyhy. Mai rÿÿna, manasyana iny heka iwodÿÿ roholaòtyhy.

²³ Loosona ay-ki ritoosònyòtyhy. Herina mahādu rybe ay-ki iny roholaòtyhy. Iaōna ijohodu mahādu ibutu hāwā-ribi ityhy rare. Tule ibutumy iny riitxenanyre aòtaòta-di, bede bede iny wahe.

²⁴ Babilonia hāwā heka aòhòkÿmy dÿÿnana rotÿÿnyre. Deuxu rybedu mahādu hālubu dori kai tetata tule Deuxu hòrò mahādu. Rirubunyre mahādu wahe.

19

¹ Iribi tahe ijoi nihikÿmy roholare. Rryrmy heka rÿimyhÿ sòwemy iny rÿimyhÿ biu-ki. Deuxu deysanamy heka rryrereri: –Wowydynamy Inynyrÿ-ò. Tarasana dori iny-Deuxu-ribi rare. Wowydina, ruruna ibutumy ihòròle rare. Aòbo tii riwinyré, òbiti rare.

² Aòhòkÿmy dÿÿnana òbiti rare. Aòhòkÿmy rotÿÿnyre heka kia aderana-ki heka rare. Tii aòhòkÿmy dÿÿnana ritare. Bede iny heka riòrarudÿÿnyre. Tahe Deuxu riòwynyre teòdu rubudÿÿna heka riòwynyre.

³ Ixityre ijoi rryrnyre, rawiunyre: –Wowydina Inynyrÿ-ò. Wàdà raòwònyrereri tai rawòsi-ribi. Ihymy raòwònykre, hāwā nihikÿ-ribi wahe.

⁴ Tahe ibutumy rejuxunyre Deuxu luukemy. Wawiò inaubiòwa matuari rare. Tule inaubiòwa aòni rare. Deuxu tahe rynana nihikÿ-ki ronyre. Tamy rirajuare: –Kia, Kia, wowydina deysana Deuxu-ò.

⁵ Iribi heka ròhònyre Deuxu rynana nihikÿ-ribi heka rybeunimy ròhònyre: –Biwowydinybenyke Deuxu-ò ibutumy deòdu mahādu, ibutumy iny rityhynymyhÿre mahādu, iyja ta nihikÿ-wana.

⁶ Tahe ixityre ijoi-ò raholare. Rryrmy rÿimyhÿre. Tahe benihikÿlesetere wese heka iwodÿÿ rÿireri, biumytxi wesehekÿle heka iwodÿÿ rÿireri: –Wowydina Inynyrÿ-ò biwahinyke. Tii iruru dire. Tii heka iòlò rare.

⁷ Ibutumy iny rekeysarenyke. Tamy wowydina rikiwahinyrenykre. Tii dori inihikÿre. Iòhòra dori kia Budoeni Riòre kia hāwyymy herina kia bededÿÿnana-ò. Worana bedehesi kÿnykre. Ihāwy heka rexiwinywmy ratxireri.

⁸ Tyyurahakÿle-di rexitinynekre. Awityhymy ity doimyhÿde wahe. Deuxu dee awihikÿ widÿÿna wese heka kia ratxireri.

⁹ Kiamy heka ÿju wadee rarybere: —Kia biritinyke. Ibutumy lobidÿÿna mahâdu reysamy ratxireri. ÿju wadee rarybere ijô: —Kia heka Deuxule tuu rarybere. Inatyhy rare!

¹⁰ Tahe jiarÿ resere ÿjuko-txi ariwowodynykemy. Tahe tii wadee rarybere: —Kia widÿÿômyke hewa. Jiarÿ tule Deuxu deôdule heka jiarÿ rare, awesele wahe. Aityhydÿÿdu seriôre tule awesele rare. Rarybemyhÿre dori Jesuisi tyhydÿÿnamy. Deuxule biwowodynyke! Ibutumy Jesuisi relyyre heka tuu rybedu mahâdu ritÿnyne.

¹¹ Iribi tahe tuu rabire awaruurahakÿô biuwetyky-ki. Inyô ityre-ki ronymyhÿ. Ini heka Ôbiti rare, Inatyhy rare. Tii heka aôbinanymyhÿle rare.

¹² Irue heka heôty wesele rare. Irati heka sôwemy raheto rÿire. Iô-ribi heka nii roire, ini wahe. Urile inyô rieryôtyhy mobo ini rare, tyyriti wixira dori tiile heka rierye.

¹³ Ihety heka hâlubuhukÿle-di ityre rare. Deuxu Rybe heka inire, hâbu wahe.

¹⁴ Sôwemy iny heka awarutyre-ki rÿire, biu-ribi dôidenyde Deuxu Rybe hewomy, soldado wese wahe. Iny ibutumy ityura-di rexitinyne, ityratyhy wahe.

¹⁵ Tii heka mayrehe rabuhukÿle iry-ribi rôhônryerimy ihÿre. Idi tii heka iny rirubunykeny ibutu bede bede-ô. Iribi tahe tii rôhônrye iôlôtyhy tii rare. Aôhokÿmy dÿÿnana tamy riwahinyre, ibinatyhymy heka riwahinyre, Deuxu iwona, Deuxu ruruwedu wahe.

¹⁶ Ihety-ki heka iti-ki rÿire iniô: Iôlô iôlô wedu tii rare, ibutu wedu wahe.

¹⁷ Iribi tahe ÿjumy rabire, txu-ki rÿire. Nawii ibutu-ô ryrimyhÿ: —Bôdôibedenyke heka, Deuxu worana bedehesina-ô bôdôike rÿsÿna birÿsÿbenykemy.

¹⁸ Aômade birôbenyke, iôlôde, soldadu wedude, iawarude, ibutumy inyde birôbenyke, ixihy mahâdu, deôdu mahâdu, nihikÿ iyja-wana.

¹⁹ Iribi heka tuu rabire aôni binahakÿ, iôlô mahâdu, tasoldado mahâdu wana. Wii ributunye aôbinamy. Awaru tyre-ki ronryerimy kia mahâdu-wana tiiboho raaôbinanykemy.

²⁰ Tahe aôni bina rimyrenyde, rybedu bina-wana. Terôwomy tii aôna aôna wixirawi riwinyre. Iribi ridyrenyde heka heôtyaho-txi idi rehurenkyre, enxofre-di riworonyre wahe.

²¹ Ibutumy isoldado heka ituemy rÿimyhÿre rurumy. Mayrehe-di rurumyhÿre, kia awaru ura tyre-ki ratxireri kia ryribi rôhônryeri kia-di rurure. Tahe rararesa deadeade ide rirôkemy.

20

¹ Iribi tahe ÿju nademy biu-ribi. Irayna heka debô-ki idi rÿire. Hâloonihikÿ rayna wahe. Tule womati rerotihikÿle iruty-ki roire.

² Kia aôni rimyre, Diabo wahe, Satanasi wahe. Inyô tule hemylala raninire. Tahe 1000 beôra riekre ritaataare womati reroti-di.

³ Idi heka rehure hâloo nihikÿ-ô tahe riratôbônrye, rirarytxynyre. Tai tahe tii riitxenanyôtyhy bede bede iny. Kia 1000 beôramy bede reakreule, tahe rexihumy irôtena. Urihimyô bededÿÿnana bede riiejekre, ixihyyle tai ixibylye rôbôdÿÿkre.

⁴ Iribi tahe rynana sôwemy rabire. Iny ityre ronryeri mahâdu ywisidÿÿdu mahâdu heka rare. Iribi heka tuu rabire Jesuisi dee rurure mahâdu. Inatyhyna rybe tÿnydÿÿ ôraru-ki heka rurure. Aôni rityhynyôre, iritxoo rityhynyôre, iritina ôraru iôru-ki ritidiôtyhy, deboreny-ki ritidiôtyhy. Rubu-ribi tiiboho rexixarenrye. Kristu-wana ratxireri 1000 beôramy.

⁵ Kia heka juhuludu ixixana heka rare. Ijô rubu mahâdu heka wiji rexixaôkre. Tahe 1000 beôramy reareu, tahe rexixarenkyre.

⁶ Juhuludu ixixana mahâdu heka reysatyhymy rarekre. Ixyby rubunamy heka ruruôkre, inatxina rubunamy wahe. Deuxu dee, Kristu dee heka tiiboho Xiwena wahidÿÿdumy roirekre. Tii-wana 1000 beôramy riwyrenyke, iôlô mahâdu wesemy heka ratxirenkyre.

⁷ Kia 1000 beôra reareu heka Satanasi ixihyymy rôhônkyre bede-ki.

⁸ Tii itxenadÿÿdumy rôhônkyre ibutu iny riitxenanykemy. Kia Kôke bede, tule Makôke bede rare. Satanasi heka sôwemy iny ributunykemy raaôbinanykemy. Tiiboho sôwemy ihÿre ÿnyra sôwe wese.

⁹ Tiiboho tahe ibutu bede-ô rariarenkyre ityhydÿÿdu hâwâ rirurawonyrenyde kia Deuxu hâwâ Deuxudeewi wahe. Idi heôty biu-ribi isôrenymy desede. Idi wewôsime rururenrye, Deuxu iny mahâdu ôludu wahe.

¹⁰ Tahe diabo iitxenadÿÿdureny heka Deuxu rehure heôty aho-ô. Tai aônibina, ruimy rybedu-wana juhu delemy tamy reserenyde. Tai txumy rumy aô rotÿÿnyrenyhykyre.

¹¹ Iribi tahe rynanaurahokÿmy rabire ityre rÿdu-wana. Suu biu-wana iribi rexitare, titxibo iôrenyde.

¹² Tahe iny rubumy rabire, iny ibutumy iko-ki rÿirenyre. Tyyriti rarayre. Ijõ tahe rarayre, irutyriti wahe. Tyyriti-ribi Deuxu iaõna aõna rierymy aõhebo risÿnykre.

¹³ Ahohokÿ-ribi tahe rubu mahãdu dõhõnyde. Rubunahakÿ bede-ribi iludu mahãdu dõhõnyde. Idi iaõna aõnamyna Deuxu timybo rexinohõtinykremy idi rare.

¹⁴ Idi rubunahakÿ, rubuna-wana heõtياهو-txi idi adehu rÿikre. Kia ixyby rubu rare.

¹⁵ Iru ityriti-ki inyniõ roiõkeki, tii tule heõtياهو-txi adehu rÿikre.

21

¹ Idi biu tÿmyra sutÿmyramy rabire. Juhusu juhubiutitxibo ikõrenyre, ahohokÿ tule.

² Deuxu hãwã wihikÿ tÿmyra desemy nade biu-ribi. Iwese ijadõma tÿmyrawesemy ramyhÿre wese kia hãwã nade. Deuxu-ribi nade.

³ Tahe rybehekÿ biurynana rÿdu-ribi nade-õ roholare kiamy: —Kahe Deuxu sÿ heka akireny rare. Deuxu ikyreny-ki rarekre. Tii iwedurenykre. Tiiboho Deuxu dee roirekre.

⁴ Idi Deuxu irubereny risuhokre. Tai rubu, hiï, ibru, txuberere ijõõkre. Bede tyby dori rexihura.

⁵ Idi rynana-ki rÿdu narybede: —Wiji itÿmyramy ibutumy aõna aõna ariwinykre. Wadee tule narybede: —Kia bityyritinyke. Kaa rybe dori rybetyhy rare, ibutumy iny ratyhykremy.

⁶ Kia ixyby narybede: —Ibutumy relera. Jiarÿ dori AA rare YY rare Juhuludu rare ikonanaludu rare. Inyõ bemomo risakeki, tamy iõwykõlemy ariõkre, beõlõnaberu-ribi wahe.

⁷ Inyõ tarasadu heka ibutumy waribi rimykre. Jiarÿ iDeuxukre. Tii wariõrekre.

⁸ Idi kamahãdu heõtياهو aõho enxofre-õ rekoarennyre kamahãdu wahe: —Iny brebu, watyhy-dÿykõdu, õrarudu, maleerudu mahãdu, õta õta mahãdu, iny rubudÿÿdu mahãdu, hãri mahãdu, ritxoo tyhydÿÿdu, ruidu mahãdu. Kaboho rubunatyhy-õ rururenykre. Kia tahe inatxina rubuna rare.

⁹ Tahe ÿjuõ wadee nade, debõ inatxi reurõ mahãdu-õ. Tii hyna-di ryireri. Hynawo-ki tahe aõna aõnabina debõ inatxi mahãdu-di. Kiamy narybede: —Mana ini, Budoeni hãwyy ini adee ariteõsinykre, hãwyy wese wahe.

¹⁰ Deuxu Tyytybytyhy wamy reare. ÿju tahe riwadyre hãwãlõnora-õ. Jerusalẽ hãwã tÿmyra awityhy wadee riteõsinyre. Tii biu-ribi desemy nade.

¹¹ Deuxu loosõna-di yla aõkõ. Tii tahe manawiwihikÿ wese rarÿÿnymyhÿre. Jaspe wese, womati wese mana wiwihikÿ wese rare.

¹² Tii ijõtõbõna iririere, waõinatxi reurõmy ijõtõbõna, iitxedu ÿju tule. Ijõ-ki tahe waõinatxi reurõmy Judeusÿ mahãduni wahe.

¹³ Inataõ ijõtõbõna sõwe, iraro-õ, ibõõ, biura-õ, beã-õ.

¹⁴ Hãwã rurawona tahe waõinatxi reurõ mana tyre-ki rÿimyhÿ. Mana sohoji sohoji-ki budoeni deõdu mahãduni rÿire.

¹⁵ ÿju wadee rybedu tebõ-ki womati tÿrÿrÿhÿkÿ deõho-di nade idi hãwã, hãwã ijõ, hãwã rurawona iurihinamy.

¹⁶ Hãwã tahe iurihina wiwesele rare. Tahe 2.200 iurihixina rimyre teõho-di tuu riwinyre.

¹⁷ Rurawona raru tahe ÿju taurihixinamy riurihixinanyre idi 64my rimyre.

¹⁸ Rurawona tahe jaspe mana-di relere. Hãwã tahe womati tÿrÿrÿhÿkÿ-di relere.

¹⁹ Rurawo õraru heka mana wiwihikÿ-di juhumana heka jaspe rare. Inatxina safira rare. Inataõna, agata rare. Inaubiõ-wana esmeralda rare.

²⁰ Iruyrena sardonio rare. Debõ sohoji reurõna sardio rare. Debõ inatxi reurõna trisolito rare. Debõ inataõ reurõna berilo rare. Debõ inaubiõ-wana topazio debõ ituenta crisoprazo rare. Wasohoji reurõna jasinto rare. Wainatxi reurõna ametista rare.

²¹ Woumanahakÿ sohoji-di heka ijõ sohoji sohoji relera, 12my ijõ wahe. Ryy heka womati tÿrÿrÿhÿkÿhyky-di relera.

²² Tohodÿÿna heto tahe ihoõhyre. Deuxule dori tuu rare, Budoeni-wana. Tai ihoõre.

²³ Txuu ahãdu-wana tai ijõõre Deuxu loosõna, budoeni loosõna dori itxuuxaranarennyre.

²⁴ Bede bede mahãdu iloosõna-di rÿikre. Bede bede mahãdu heka taaõna aõna wiwi-di tamy kidirahukre.

²⁵ Tahe ijõ raratõbõõhykre, tai dori ruu ihoõhyre.

²⁶ Bede bede iõlõ mahãdu heka wowodyna-di tamy kidirahukre.

²⁷ Inybina bina, iny õrarudu mahãdu tamy ralõõtyhy, ruidu mahãdu tule. Inyni heka Budoeni tyyriti irumy rÿimyhÿre mahãdu sohojile wahe.

22

¹ Idi ÿju wadee riteõsinyre, iru wahidÿÿna berohokÿ. Ibelyramy Deuxu rynana, Budoeni rynana-ribi õlõdu wahe.

² Ryrohoký tya-di kaa bera namyhýde iwýòwýò-ki iruwahidýýna bederarade rýimyhý. Tii bederarade waò inatxi reuròmy raratynyre. Kia ta ahàdu ahàdu-di sohojile raratynyre. Otxirarade tahe bede bede mahàdu deytana rare.

³ Kia hāwā-ki ihetxi txuhòbina tai ijòòkre, Deuxu aò ritxuhònyòra tai. Deuxu ryanahaký itya-ki rýikre. Kia teòdu mahàdu riwowydynykre.

⁴ Tiiboho iòsýnymy robikre inireny iòru-ki rýikre.

⁵ Tai ruu ijòòkre. Tai txuloosòna ijòòkre. Deuxu dori itxurenykre. Tiiboho tai ihyymy rýikre iwese iòlò mahàduò.

⁶⁻⁷ Kia tahe ýju wadee rarybere: —Kaa rybe tahe inatyhy rybe rare. Bityhynybenyke. Jesuisi rarybere: —Analekre heka tule adehemynylekre heka. Deuxu heka taýju deòdu adee kanarybekre. Kaheka wylemy ibededýýnana kedekre. Deuxu rarybehyy ratximyhýre týnydýýdu mahàdu-ò, aòhebo bede rotýýnymyhýkremy roimyhýré. Ibutumy kia tyhydýýdu mahàdu heka reysamy rýikremy rýira.

⁸ Jiarý tahe Joaò rare. Rabirahe, ibutumy kia raholare. Rabimy rexihurau tahe, jiarý watiwotimy resere ýjuko-txi.

⁹ Ixityre wadee rarybere: —Iwidýýòmy hewa, Jiarý heka Jesuisi deòdu týnydýýduòile jiarý watxireri. Ibutumy Deuxu tyyriti ityhydýýdu biòwa jiarý rare. Deuxule bityhynyke.

¹⁰ Tahe ýju ijòòmy wadee rarybere: —Aòbo teritidýýnyteri ibutumy iny-ò rybe bitýnymyke. Kia bededýýnana iòhòlemy ratxireri.

¹¹ Kia bededýýnana kedehemynykre, aòbina bina widýýdu heka aòbinale riwinykre. Iny binabina heka, ibinamy rýikre iu. Inywiwihiký tasý awimy rýikre iu. Kia òbitimy rýira tahe, awityhymy relekre, òbitityhymy rýira.

¹² Boholake warybe-ò, aòwesele heka anakre. Uriòno heka adiwymy wadi anawāhāde. Aòbo wadee aò riwinyhýre wahe iwese aòbo riwinymy raremyhýwesemy heka araòwinykre.

¹³ Jiarý heka AA jiarý rare. YY tule jiarý rare. Tyyriti juhuu rare. Tyyriti konana rare. Jiarý heka juhuludu rare. Ihewoludu tule jiarý rare, ibutumy wahe.

¹⁴ Ibutumy tatytyramy rýira —teysamy rýira. Tiitemy teysahyyhy rare. Iru òwòru wahidýýna bederaty heka ritokre. Tule rarònyrenykre kia hāwāhāký-ò.

¹⁵ Ibutumy òrarudu mahàdu tule òwòru widýýdu tahe irehemy Deuxu hāwā-ribi nyimyhýde. Tule iny rirubunymyhýre mahàdu, tule suritxoo luunadu mahàdu, tule ibutumy ruidu mahàdu. Ibutumy irehemy hāwāhāký-ribi roimyhýre.

¹⁶ Jesuisi heka jiarý rare. Waýju reteònyre adeeremy kia aònaaòna bededýýnana relyykemy. Kaiboho heka dohodýýna heto mahàdu-ò relyyrenyke. Jiarý iòlò Davi juhu rare, tule Davi riokore rare. Biurasò taina Jiarý rare, loosòna rare.

¹⁷ Deuxu Tyytybytyhy rarybere: —Manake! Tule hāwymy hābumy heridu tule rarybere: —Manke! Ibutumy ijohodu tule marybeke: Jiarý, Juaò, tule rarybere: —Manake! Ibutumy iny bemy rurumyhýre mahàdu tule manake irube biòke. Iòwy-di aòkò heka rare.

¹⁸ Jiarý, Juaò, rarybere ibutumy iny katyyriti rariamyhýre mahàdu-ò.

¹⁹ Iny ributumykeki aòmybo kaki ritydýýna roiré, Deuxu tamy bededýýna binahakýò riwahinykre karitidýýna roireki. Inyò karitidýýna-ribi ritakeki, Deuxu òwòru runa ijuraò wahe heka iribi ritakre tule Hāwāhākýtyhy-ribi nadedi wahe. Tai rýire tyyriti-ki.

²⁰ Tule aòmybo narybede inatyhymy tule rarybekre (Jesuisi wahe): —Analekre hewa idi. Araroorehényòtyhy. Juaò, tule rarybere: —Kie, Manake Wanyrý Jesuisi.

²¹ Deuxu deysana, Inynyrý Jesuisi Kristu kia deysana ibutumy adee kanakremy watxi-wahāre.